

SERENISSIMI  
ET  
POTENTISSIMI  
PRINCIPIS  
IACOBI,

~~#9. 3. 46~~

*D. 10. 12*

DEI GRATIA, MAGNÆ  
BRITANNIÆ, FRANCIÆ, ET  
Hiberniæ Regis, Fidei Defensoris,

OPERA, ~~D. 10. 12~~

*Edita ab IACOBO Montacuto, Wintoniensi Episcopo,  
& sacelli Regij Decano.*

---

L. R. E. G. 3. 12.

*Ecce do tibi animum sapientem & intelligentem.*

---



---

LONDINI,  
*Apud Bonhamum Nortonium, & Ioannem  
Billium, Typographos Regios.*  
M. DC. XIX. *Ha*  
¶ *Cum privilegio.*



REVERENDISSIMO  
POTENTISSIMO  
PRINCIPIS  
IACOBI


DEI GRATIA, MAGNÆ  
BRITANNIÆ, FRANCIE, ET  
HISPANIÆ REGIS, DECELI

OPERA, D-10-12



98.90









ILLVSTRISSIMO  
ET EXCELLENTISSIMO  
PRINCIPI  
CAROLO  
SERENISSIMI REGIS  
FILIO ET HÆREDI.

**D**Etij submissè à Serenissimo Re-  
ge, vt hunc suorum operum li-  
brum *Tuæ Celsitudini* offerre lice-  
ret. ego non audebam non pete-  
re, nec ille poterat non annuere:  
non dixero rem iniquam, si quod  
*Tuæ Celsitudini* debetur Rex ne-  
gasset. at ausim dicere sacrilegam,  
si hanc partem hæreditatis tuæ, ego Vir ecclesiasticus  
expilassem; quæ non minus, in regiæ sapientiæ operi-  
bus,

*Epistola.*

bus, quam potentissimorum regnorum opibus sita est. *Basilius* de institutione Principis scripsit ad filium *Leonem*; *Constantinus* ad Romanum; *Manuel* ad Iohannem; *Carolus V.* ad Philippum. Trium priorum opera græcè extant & latinè. Horum æmulus, multorumque aliorum Regum, *Serenissimus parens Basilicon doron* scripsit ad Henricum filium, laudatissimæ memoriæ fratrem tuum. quod eius fuit, Deo sic volente tuæ sorti accreuit: & quis absque iniuria cætera detraxerit. Sacra pagina docet *sanctis primitiis totam massam sanctam esse*; & cui prima darentur illi cætera deberi. *Tua* igitur *Cels.* hæc dicantur, cui hereditario iure debentur. atque, ut certior eorum constet ratio, sciat *Tua Cels.* alia antehac edita, alia hætenus suppressa fuisse; alia pæne perdita & amissa, alia librariorum incuria deprauata fædataque: maiestate auctoris & grauitate operum rem indignam. Sed cum Decanis ex officio incumbat dispersa colligere; non alienum à meo munere existimaui, quo iam olim apud Maiestatem regiam defungor, quæ iacebant in tenebris proferre in lucem, & quæ in partibus facilè interiissent conseruare in toto. Ceterum oratam volo *Cels. Tuam*, ne aliorum hoc donum accipias, ac à nobis offertur: nec enim (ut vulgo fieri apud magnates amat) tutelam à te expetit hic liber, aut patrocinium. Nam aduersus iniurias expetit patrocinium; eas regius auctor facilius vindicet. Custodiæ igitur causa ad *Te* venit, quam naturæ sorte melius præstare potes: & in primis, ut se tibi sistat tanquam exemplar, quod sequaris. nec id incongruè: exemplar enim imitatione solet esse antiquius. Tu custos melior quia succedis patri: ille tuorum morum melior formator, quia antecedit. Perpetuò igitur, *Benignissime Princeps*, tibi ob oculos versetur hic liber, optimus, quem

---

*Præfatio.*

---

quem tua vita exprimas, archetypus non magis eluceat boni filij decus quàm boni patris imitatione. Testatur hoc sacra pagina, bonos Reges hoc ornans encomio, quod patrum suorum vestigijs inheſerint. quantâ similitudine externa patris lineamenta in te exſcripserint *Deus & Natura*, vident omnes : & qui *Tuam Cels.* rectè norunt, lineas animę norunt easdem. Aiunt Philosophi ab indole fluere imitationem : quę si in *Te* indolem sequatur, siue religionis & literarum, seu virtutis amorem spectemus, non magno interuallo distabis à patre, aut optimis maiorum tuorum. quod *Tuæ Cels.* Deus Opt. Max. cum longa feliciq̃ue vita indulgeat.

*Tuæ Celsitudini deuotus*

Iacobus Episcopus Vintoniensis.



Max. cum longa felicitate  
vita indulget, & in  
tran. quod V. deus Op.  
disabatur, aut optimis maiorum  
tuis amorem spectemus, non magno intervallo  
indolem spectant, sine religione & literaturae, seu vi-  
Philosophi ab indole fluere iudicantem : quod in V.  
C. respiciunt, hanc animi nonnulli calidius. Alii  
sunt Dew & N. vident omnes : & qui V.  
is in illudine exteriora patris lineamenta in rebus  
comio, quod parum suorum vestigia in selem quan-  
stant hoc laeta pagina, deus R. ego nec omnia en-  
ceat pontifici deus quam bonis moribus. Et  
quem tua vita exprimit, & theophrastus in rebus

The following is a list of the names of the persons who have been appointed to the various offices of the County of New York, for the year 1888.

*Jacobus Bilegus Vindobonus*



# PRAEFATIO

A D

LECTOREM.



*Libris, quorum numero & mole laborat Orbis, pauci eodem tempore vel scripti vel publicati fuere. Ea est materiae Varietas, ut nonnunquam uno partu edi necesse habeat; nonnunquam patiatur interualla. Artem aliquam membratim tradere nihilo decentius foret, quàm corpus humanum ostendere discerptum. Historiam necdum finitam vulgare, perinde est, ac si clepsydram prius veritas quàm effluxerit: neutrobique certa constabit temporis ratio. at loci communes, controuersiae, meditationes, commentarij, & id genus alia, quàm incertas habent suscipiendi occasiones, tam incertas patiuntur publicationis vices. nec alium exigunt nascendi, quàm in nostra mente concipiendi modum habuere. per se (ut plurimum) & singula intus delineantur; per se quoque & singula in lucem prodeunt.*

*Et in diuinis operibus non vnam esse condendi viam, ipse qui condidit testatur. aliam ille in naturæ fabrica, aliam in Ceremonijs, aliam in politicis, aliam denique in mora-*

## Præfatio.

libus viam sequutus est. & quidem vastam banc naturæ molem statim digessit in formas rerum. Nam in massâ latebant omnium creaturarum semina, Creatoris artificio distinguenda in species. at Ceremonias legis non ille ex aceruo secrevit, sed aceruo complexus est; ex partibus componens totum, non totum diuidens in partes. orditur, exempli gratia, à sacrificio, progreditur ad circuncisionem, mox tabernaculum, denique templum consummato instruit ceremoniarum apparratu. In politicis incipit à patre familias, progreditur ad ducem exercitus, ut in Josua & Judicibus: finis vero est regnum in Salomone, & posterorum eius successione firmatum. In Moralibus, vox diuina primas tenet; secundas verò manus in Tabulis sculpendis; Tertias calamus in Pentateucho Mosaica describenda: donec succedentium Prophetarum industria absolutissimus ille scripturarum canon perfectus est.

Tum demum non errat humana infirmitas, quum Deum imitatur. nec mortalibus vitio verti potest, quod eorum opera non simul edantur, quum tantis temporum intervallis ipsa sacra volumina prodierint. quid quod in nobis non desit ratio, nec ea quidem illi dissimilis, quæ in diuinis cernitur operibus? nam naturæ opera in nobis radicem habent, & à nobis vim plasticam, quæ materiam versat perpetuò atque agitat, donec suâ in specie perfecta figurataque extiterit. Quæ consilio & arte fiunt extra nos suæ habent generationis momēta, ideoque pro temporum occasionibus suscipiuntur, intermittuntur, instaurantur. Quo circa non parua deprehendes inter Naturæ artisque fetus discrimina. hi erroribus nimium quantum obnoxij, & sibi plerumque dissimiles sunt, & citò extinguuntur. at natura rariùs à fine, aut similitudine aberrat; & à celeri interitu, quæ fecit, magis vindicat. Grata denique acceptaque omnibus Naturæ opera: artis censura pro hominum captu aut affectu mitior est, aut seuerior.

Quan-



## Præfatio.

Quanquam autem humana opera errori & interpretationi tam obnoxia sint, & naturâ & editionis tempore tam diuersa; semper tamen laudi fuit ea colligere, inque vnum corpus redigere: ut quantum orbi conferat hæc humanæ sapientiæ varietas, quamq; diuersi sint vnius ingenij fætus, uno quasi intuitu discernamus. nos paucorum exemplo rem illustrari altius paulò, & suprâ scribentium vulgus rem repetemus. Laudantur in Scripturis ministri Ezechie, quod sententias Salomonis collegerint: laudatur Iesus Siracides, quod aui sui opera conquisiuerit at Ezra maiorem cæteris meruit gloriam ex Veteris Testamenti libris in ordinem digestis, inq; capita & versus diuisis, quæ antea continuo membranæ volumine circumferebantur. Dicitur S. Iohannes tribus prioribus Euangelijs à se conquisitis quartum addidisse suum, idque eo ordine, quem nunc obseruat Ecclesia. nec minore diligentia defungebatur primitiua Ecclesia circa Diuorum Apostolorum epistolas: quod cum ubique per tyrannorum sæuitiam fieri non posset, multarum auctoritas à posteris agitari cæpta est.

Ut descendamus ab hoc summo gradu: quantum obsecro ijs obstricti sumus, quorum studio & industria Concilia & Sanctorum Patrum opera edita fuere? Pænè tantum debemus Hieronymo & Eusebio, ac Patrum nostrorum memoria Erasmo & Crabbo, cæterisque antiquorum operum collectoribus, quantum ipsis auctoribus. Laudatur à Traiano Plutarchus, quod Sapientum apophthegmata collegerit. Constantinus Leonis filius ex omnibus Orientis Occidentisq; historijs vnum corpus fecit: thesaurum sanè eorum temporum iudicio inæstimabilem. Idem præstitit in iure ciuili Iustinianus Cæsar, Triboniani operâ. Gratianus ex Paparum epistolis Concilijsque & Patribus decretum contexuit. Damascenus Theologiæ corpus ex Græcorum Patrum sententijs absoluit. Idem è Latinis conatus est quadringen-

*Præfatio.*

*dringentis post annis Petrus Lombardus. Nos ipsi quanto tenemur studio amissos libros recuperandi? Sex milia voluminum Originis (ut testatur Epiphanius) ingenti cura quærebat Eusebius. Libros Ciceronis de Repub. Cardinalis Polus. Amissas Liuianae historiae decadas multi, nec sine ingenti impensa. cum igitur omnibus sæculis consuetum fuerit magnorum virorum opera colligere, ea ab interitu vindicare, & quæ interciderant, exquirere; tum suum cuique auctori tribuere (nec enim unquam prodijissent tot graculi alienis vestiti plumis, si nemo in mortem distulisset suorum operum editionem) spero seruo non datum iri vitio, quod Domini scripta velit publicata: quodque illa vniuersa nunc exhibeat, quæ antea vix singula erat inuenire; & in toto conseruet, quæ in membris facile poterant interire.*

*Sed dum ego scripta colligo, alij ut audio pari industria verba spargunt; melius fuisse, si nullus à Rege liber scriptus fuisset; aut scriptus pari cum edictis fato interiisset non esse è Regum dignitate doctores fieri; & pennâ bellum gerere, quod hastâ profligandum est; vel eximias animi dotes in papyrum impendere, quas si nitrato pulueri impendisset, iam regna debellasset. cum homine scholastico certamen inire perinde esse ac si cum Thersite confligeret: illinc dignitate excidere, hinc dedecus acquiri. Et cum libros scribere iam in quæstus speciem abierit, non minus id dedecere Reges, quam si ex artis alicuius professione quæstum facerent. Quod si ijs stat sententia scribere, Regum more scribant, ut singulæ lineæ sint leges, & elementa mandata, verba præcepta. His & similibus sic aures (mibi credite) diuerberatæ sunt, ut nesciam, an de me ipso malè statuerim, cum plus virum mihi esse putauim, ut his dictarijs occurrerem; quàm patientiæ, ut audirem. Opportunè igitur (ni fallor) hoc in loco meam dicam sententiam, an librum scribe-*

## Præfatio.

scribere sit à regia dignitate alienum? In primis nunquam rescire potui, lege aliqua cautum ne facerent. ubi autem lex nulla est, optimorum imitanda sunt exempla. & multorum est Theologorum opinio, exemplis, quæ quidem non sunt præceptis contraria, non cogi te, ut idem facias: at si feceris, defendi. Quod si exempla sufficiant, ea nobis potius supererunt, quàm deerunt.

Et, ut à Rege Regum incipiamus, Deo Opt. Max. qui omnia facit ad nostrum bonum, multa etiam ad imitationem; visum est illius prudentiæ cæteris in hoc genere præire & scribentium agmen ducere. Scripsit ille, & scriptio (ait Moses) erat Dei scriptio, instar eorum quæ cælantur. materia fuit lapis in duas sectus tabulas, & tabulæ erant utrinque exaratæ, ipsius Dei manu. Aiunt Theologi præcipuam animæ sedem esse cor, solum Dei opus, ut hæ erant tabulæ. lapis nostri cordis duritiem appositè refert: cælatura verò, diuinos characteres altissimè impressos & indelebiles: scriptio, scriptam in cordibus nostris Dei legem: duæ tabulæ geminum nostrum officium, erga Deum, erga homines; quo cordis nostri area sic utrinque occupanda est ne quem locum contrarijs relinquat. Certè in exigua hac bibliotheca intra nos à Deo erecta, fundamentum est omnis nostræ eruditionis: & homines se maximo naturæ præsidio putant destitutos, si nequeant mentis suæ cogitata scribendo exprimere. nec ulla est gens tam rudis aut barbara, quæ non aliquo characterum genere sensus animi inuicem communicet, A diuinis tabulis ad Seruatoris nostri scriptionem veniemus, quam secundo loco ponere fas est, si non ordinis, saltem honoris causa. nullum ille monumentum sua manu nobis scriptum reliquit. Nam charitatis legem alia longè scriptam ratione in orbem illaturus erat: non in tabulis lapideis cælata, nec in papyro exaratam, sed carneo cordis nostri opisthographo diuina dextra insculptam. at in templi Hierosolymitani pa-

uimento



## Præfatio.

uimento semel legitur scripsisse. quid scripserit adhuc lis est sub indice. Diuus Ambrosius putat hanc scriptam sententiam. Festucam in oculo fratris cernis, trabem in tuo non vides. Beda eam ipsam credit sententiam, quam loquutus est. qui vestrum est sine peccato, primum in illam lapidem iaciat. pulchrè Haymo eos ait characteres in pauimento exaratos, quibus inspectis suam improbitatem veluti in speculo accusatores viderent. ex quo etiam factum sit, ut rubore confusi abierint. Quicquid id erat, certum est, arbitro nostro Seruatore, falsas accusationes scribendas esse in puluere, ut à prætereuntibus conculcentur. Et si autem Seruator noster nihil sua manu scriptum reliquit, inficias tamen ire non possumus, quin Deus pater in veteri testamento, & filius in nouo multa nobis à se dictata reliquerint. Tota enim scriptura inspiratione diuina scripta est. ibi Prophetæ & Apostoli meri erant amanuenses, & Spiritu Sancto agente ducenteque omnia scripserunt. Nec fas est alium horum librorum auctorem agnoscere quàm Deum.

Vetustissima mundi ætas nihil ad nos scriptum transmissit. nec in tanta mortalium longæuitate scripto opus fuit. homines ipsi viuæ erant bibliothecæ, & nostri sæculi operibus durabiliores. S. Iudas tamen aliquid insinuat de scriptis Enoch; qui etsi titulo Rex non fuerit, nihil est tamen, cur illi de nomine litem moueamus. merebatur enim honorem appellationis, cui maior pars orbis cessit in ditionem. Ex illis, quæ eius nomine circumferebantur, multa citant Origenes, Tertullianus, & Augustinus. Iosephus quoque, & quem nos habemus, Berofus, duas aiunt ab eo erectas columnas, alteram lapideam, alteram lateritiã, gemino orbis interitu inscriptas; priore per aquam, posteriore per flammam. & credibile est aliquid ea de re ab Enocho scriptum. quod et si cum mundo interijt, recenti tamen memoriã usque ad Apostolorum tempora haud dubiè durauit.

Nec

## Præfatio.

Nec vrgebo hoc loco *Mosis* scripta, qui non tantum Sacerdos fuit & Propheta, verum etiam, seipso teste, Rex in populo, & primus, auctore Deo, scriptor Theologus. nec *Dauidis* exemplo insistam, cuius *Psalmis* diuinæ ubique cantantur laudes; quando illi nihil scripserint nisi ut Dei amanuenses, non suo, sed diuino spiritu acti afflatique. Illud tamen hinc arbitror non absurdè colligi; si Reges scribere dedeceret, non hos selegisset Deus ad illud ministerium, quos inter Reges voluit esse primos. facile arbitrer nunquam quicquam edituros de suo, quibus datum est esse Dei amanuensibus: nam sicut piè credimus nunquam potuisse induci Beatam Virginem, quæ ex Spiritu Sancto conceperat, ut cum viro misceretur; sic credibile est nunquam sua publicaturos opera, qui Spiritus Sancti dictata publicassent. In *Samuele* tamen & *Salomone* contrarium videre est; illo Iudicum in republ. Israelitica, hoc Regum gloriosissimo. *Samuel* duorum librorum, qui eius nomen præferunt, maxima saltem ex parte scriptor, tractatum de regia institutione suo edidit arbitrio: in quo regem à tyrannide, populum à licentia reuocare studuit. *Salomon* præter libros biblicos superstites; suos, qui interierunt, permultos vulgavit. ut omittamus *Parabolarum* tria, & *hymnorum* quinque millia; ingens fuit illud opus naturalis historiæ (ut *Hebræi* appellant) auium, ferarū, piscium, arborum, plantarum ab hyssopo ad cedrum; sed ad humanarum potius quàm diuinarum rerum notitiam comparatum, & animi causa magis scriptum quàm Ecclesiæ. vnde (si quid veri auguror) naturæ nobis abdita paterent, ut in humanis libris fieri amat; non autem diuinæ gratiæ arcana, quod proprium est sacrorum biblicorum opus. nec est quod dicat aliquis eorum voluminum, quæ interciderunt (obruta ut aiunt *Babylonico* templi excidio) eandem olim fuisse auctoritatem cum ijs, quæ nunc supersunt. ægrè inducor libros diuino afflatu scriptos, in arca reconditos, in canonem receptos, in Ecclesia publicè legi solitos  
peni-

## Præfatio.

penitus interijſſe. Deſperationis foret de providentia Dei, aut fide Eccleſiæ hinc dubitare: nam ſi periere qui non ſunt, cur qui manent nequeant perire? quod cum Servatoris dicto pugnat, non periturum iota vnum, donec omnia compleantur. Ideoque magis propendeo, ut credam nunc eſſe, quicquid fuit ſcriptura; quàm quicquam perijſſe. Quæ ſententia non tam curioſè defenditur, quàm altera periculoſè creditur. Præſtat noſtram agnoſcere inſcitiam, quàm diuinam arguere providentiam. at ſi interijt ſacræ Scripturæ quantum illi volunt, actum eſt de providentia Dei; actum eſt de fide Eccleſiæ, cui ſacræ oracula concredita ſunt. Progrediamur ad ſcripta ab huius controuerſiæ discrimine multum remota, eorum Regum, qui à diuina inſpiratione tantum abſuere, ut potiùs cum diſcipulis Iohannis de Spiritu Sancto nihil audiuerint: ignorantes numen, cuius bonitatem toties ſenſerunt; nec credentes omnipotentiam, poſt tantam poteſtatis experientiam.

Ut ab Aſſyrijs incipiamus à primo eorum Imperatore Nimrode, cuius regia erat Babel; ad Sardanapalum, nouiſſimum, nullus literarum apex apparet, nullum veſtigium. nec mirum, ſi barbarie conſeruabatur imperium, quod tyrannide partum fuit. fruſtra ibi literas quæras, ubi perpetua obtinet tyrannis. Earum vis eſt non modò lumen affundere intellectui, ſed animum quoque ad libertatem erigere, quorum neutrum in tyrannide licere poteſt. In Aſſyrio igitur imperio, quod mille & trecentis aut quadringentis annis durauit, non eſt quod doctum regem quæras; cum doctum virum ægrè vllum inuenias. Eam ætatem Poetæ, ſi velint, aut hiſtorici tanquam auream nobis depingant: at aureæ ingeniorum venæ nulla vnquam ætas tam exiguam poſt ſe reliquit memoriam.

Poſt Sardanapalum regnantibus Phul Tiglath-Philaſar & Salmanazar (horum mentio eſt in ſacris, & Ionaſ fertur his concionatus, ut etiam Prophetarum nonnulli cum  
illis



## Præfatio.

illis iam terram Cananæam ingressis familiarius vixisse: quod factum est sub Rege Menahem, qui Phulbelocho tributi nomine mille talenta pendebat; & sub Ezechia, cum Salmanazar capta post triennalem obsidionē Samariā, Israelitas maxima ex parte abduxit captiuos) hoc, inquam, & postero tempore Assyrij Principes animos literis ita appulerunt, ut imperante Nebuchadnezare, qui Babyloniorum monarchiam fundauit, magno fuerit in pretio doctrina; & in antlā, ut ludo literario, decora ingenia in optimarum artium studijs educata fuerint, ut essent, qui Regi dubitanti de omnibus responderent & (nisi nos fallunt historiæ) sub Danielis & collegarū eius ferulā quinque insignes Monarchæ diuinarum humanarumq; rerum notitiam hausere, Nebuchodonozar, Evilmerodac, Baltazar, Darius Medorum, Cyrus Persarum Reges. quod non agrè ex ipso Daniele euincere est.

Si ad Persas perrexeris, quibus maior intercessit notitia cum Prophetis, Ezra, Nehemia, Zacharia, Malachia, & cum populo iam captiuo, eos optimarum literarum studijs admodum deditos inuenies. Cyrus auctor imperij acta sua diurna retulisse dicitur in commentarios, quibus, Ezra teste, continentur edicta de reducendis in patriā Iudæis. ad eam rem literas misit ad principes Asiæ ciuitates. quarum literarum nonnullas apud Iosephum inuenias l. 2. c. 1. Perhibentur quoque Artaxerxes, Darius, alijq; Persarum Reges compluria scripsisse: quod ex canonicis Ezræ & Nehemiæ libris intelligitur; sed clarius ex Apocrypho Esdra, qui hos Reges memorat ita se doctrinæ studijs, & sapientum dictis oblectasse, ut in celeberrima quaq; Panegyricertamen Rhetoricum instituere consueuerint, & summis, quibus poterant, honoribus victores ornare.

Quod si ab his ad Græcos transieris, omne eruditionis genus suspicies in Tropico Cancrī, in eam, nempe, altitudinem euectum, in qua neq; ante neq; post vnquam fuerat. res est nota-

## Praefatio.

tu dignissima venisse in orbē humana studia, extincta diuinæ sapientiæ luce; & Poetas cepisse, ubi Prophetæ deferunt. horum Theologiæ succedente illorum Philosophia. Vide mihi quadringētos illos & amplius annos à captiuitate Babylonica vsq; ad Saluatoris aduentum, neminem (quantū noui) Prophetā inuenies, Oratores, Poetas, Philosophos trimodio metieris, & tantis ornatos animi dotibus, ut nos eorum discipuli nunc merito sumus, Magistris haud vnquam pares futuri. hoc tempore eruditione & scriptis non minùs quàm victorijs claruit Alexander. Ille de rebus suis in Asia & India gestis ad Antipatrum scripsit: ut in eius vita testatur Plutarchus. S. Cyprianus in tractatu de vanitate Idolorum mentionem facit insignis voluminis ab Alexandro ad matrem scripti; in quo testetur Alexander ex sacerdote Ægyptio intellexisse se, homines fuisse omnes gentilium Deos. & S. Aug. (lib. 12. de ciuitate Dei) meminit alterius libri eiusdem Regis ad matrem Olympiadem, de Monarchiarum successione.

E Regibus Syriæ Antiochus, cognomento Epiphanes, multos à se scriptos libros in Iudæam misit, de religione Iudaica mutanda in Græcam. præcipua eorum capita in libris Machabæorum, & apud Iosephum videre est. at Romanorum Imperatorum quis non literis famā meruit? Iulius Cæsar præter alia multa Cōmentarios exemplo Cyri scripsit. Octauius complura volumina (teste Suetonio) Historiā suæ vitæ, hortationes ad Philosophiā, versus heroicos, epigrammata, Tragedias, &c. De hoc Cæsare duo mihi referenda sunt, nec à meo instituto (ut opinor) aliena. fertur ille magna cura Græcos Latinosq; libros de religione Romana conquisiuisse, fatidicorum, bariolorum, mathematicorum. quorum auctores minus idonei videbantur, circiter bis mille exussit: Sibyllina oracula retinuit; sed eo delectu, ut supposititia omnia cremauerit. quod eò magis refero, ut noster Augustus exemplum sequutus inquisitione facta laudatos auctores ab inte-

## Præfatio.

interitu vindicet, hæreticorum schedas, libellos famosos, & omne ineptiarum genus Vulcano tradat. nihil enim est, quod populi huius animos in religione magis conturbet aut corrumpat, quàm promiscua omnium librorum licentiâ.

Secundo loco mihi referenda est illa Cæsaris Augusti in ara Capitolina Christo facta inscriptio, Nicephoro commemorata & Suidæ in verbo Augustus. Cæsar Augustus, multis rebus gloriosè & feliciter gestis, partoquæ Imperatoris nomine, ad Apollinem venit: immolatâque hecatomba (quod omnium sacrificiorum maximum erat) de successore Deum consuluit. At cùm nihil responsum esset, iteratâ hostiâ, quæfuit quamobrem nunc sileret, qui antea verborum parcus nunquam fuisset? magna interiecta mora hæc ex adyto audita sunt:

Me puer Hebræus, Diuos Deus ipse gubernans,  
Cedere sede iubet, tristemque redire sub Orcum.

Aris ergo dehinc tacitus discedito nostris.

Hoc responso accepto Romam reuersus est: & aram in Capitolio cæteris maiorem erexit, his inscriptam verbis: Ara primogeniti Dei. Noster Augustus, quo regnante in virilem aetate adoleuit Christus, qui sub priore Augusto puerilè transiit; de successore suo non laborat (Deo laus sit, qui eum sua eaq; felicissima sobole beatiorem fecit Augusto) sed de æterno Christi imperio in suis terris sollicitus diuina consuluit oracula; compertoque, unicum tantum altare Dei vnigenito, beato in sæcula, erigendum esse; quantum potest laborat, vt homo ille peccati sede cedat, & sub Orcum redeat: qui, Atheniensium æmulus, ignotis Dijs altaria non cessat dedicare, & supposititijs Sanctis plures preces & suffitus offerre, quàm gentes olim Dijs suis, quos ignorabant. Sed reuertamur: Claudius Cæsar vnâ hanc virtutem suis miscuit vitijs, quòd libros scripserit non malos. tam multos Græcos edidisse auctor est Suetonius, vt & ludum Alexandria aperuerit de suo nomi-



## Præfatio.

ne, in quo isti libri quotannis prælegerentur. Latinos verò quadraginta tres, à cæde Cæsaris ad sua tempora historiam complexos. In Ethnicorū Cæsarum scriptis recensendis finem non inuenirem: pro Christianis Constantini exemplum suffecerit. Eusebius vitam eius persequitur cum cura; & sine inuidia meminit eruditionis; quotq; orationibus & sermonibus subditos ministrosq; ad probam piamq; vitam hortatus fuerit; quot noctes meditationibus Theologicis transegerit insomnes; quæ verba in principio & sine Concilij Nicæni habuerit at celebris illa ad Sanctorum cætum oratio, pronuntiata ab ipso Latine, post à varijs conuersa in Græcum, quantam gloriam literis consequutus fuerit, abundè testatur.

Verùm à peregrinis istis Imperatoribus reuertamur in patriam, ad domi natos Reges. Alfredus Occiduorum Saxonum Rex in linguam Anglicam transtulit Paulum Orosium, & S. Gregorium de cura Pastoralis, eiusdemq; auctoris dialogos: Bedam præterea de actis Anglorum, & Boethium de Consolatione Philosophiæ, & Dauidis Psalmos, cum alijs permultis. Aduersus improbos iudices codicem iuris scripsit & Institutiones; dicta etiam sapientum & de Regū fortuna libram singularem cum Chronicorum fasciculo & Meditationum enchiridio.

Ethelstanus, vel (ut alijs placet) Adelstanus Rex Anglorum (ut loquitur Balæus) Biblia curauit ex Hebraica in Saxoniam linguam transferri: ipse librum de Astrologia conscripsit, & constitutiones Cleri. antiquas leges multas emendauit, multas sanxit nouas.

Edgarus Rex Clero Anglico leges & constitutiones scripsit cum quibusdam alijs. Henricus primus Gulielmi Normanni filius natu minimus, in Cantabrigiensi Academia educatus, ex artium scientiarumq; insigni notitia cognomētum Beauclerk meruit quod etiamnum durat.

Achaius Scotorum Rex maiorum suorum historiam contexit.

## Præfatio.

texuit. Kennethus vero, Scotorum Iustinianus, omnes leges in unum volumen redegit.

Iacobus primus non pauca ligatâ oratione reliquit, & Anglica, & Latina. Baleus auctor est eum de futura vxore tractatum exarasse.

Henricus octauus de hominis Christiani & de iuuentutis institutione scripsit, & pro septem sacramentis aduersus Martinum Lutherum. quo nomine à Pontifice, earumque partium hominibus, non laudem modò consequutus est, sed & fidei defensoris celebrem titulum. feliciter sanè, quòd hîc à Pontifice Rex steterit: aliàs, eius scripta pari cum actis virulentia traducerentur. Post enim, duos publicauit libros, nihilo prioribus deteriores, siue stilum siue argumentum spectemus; hunc de auctoritate regia contra Papam; illum de Concilio Mantuano sententiam suam. in quibus, quia aliud quiddam spirare visus est, Pontificem non habuit famæ suæ tubicinem.

Edouardus sextus in tanta vitæ breuitate, qua eximias animi dotes mundo explicare non potuit, historiam tamen sui temporis scripsit & tractatus tres lingua Gallica, de fide, de idololatria seu imaginum cultu, & de Papæ primatu; quos Duci Somersetensi auunculo suo inscripsit: Epistolas etiam & orationes Græcas Latinasque varias conscripsit, in bibliotheca regia superstites; quas eruditus fidesque bibliothecæ regiae curator Patricius Iunius regiâ auctoris manu cōscriptas mihi monstrauit. & quod reticendum non est, tanta animi attentione Concionatoribus auscultabat suauissimus Princeps, vt adhuc extent ab ipso scripta, quæ è concionibus sacris excerpfit, addito Concionatoris nomine, cum loco, & tempore, & cæteris circumstantijs.

Nupera Regina nostra, beatæ memoriæ Elizabetha, preces Catharinæ Reginæ transtulit in Latinam linguam, Gallicamq; & Italicam. Centuriam sententiarum à se

## Præfatio.

collectam & triplici similiter idiomate scriptam, patri inscripsit. translatum audiui Salustium, non vidi. at in recenti sunt memoria Orationes eius Latinæ in utraque Academia; responsa quæ variarum gentium legatis non uno reddidit idiomate: & Orationes habitæ in regni Comitij, ab interitu typis assertæ. Et ut ad Regem nostrum propius accedamus, Valerius Maximus à patre eius translatus est. Mater institutionem Principis Gallicii versibus persecuta est. ipsum autographum inuolucro acu materna picto, filius auro contra & gemmis æstimat.

Septi hac nube clarissimorum testium ( & hi pauci sunt, præ illis qui adduci possent ) & summorum Principum muniti exemplis, à mundi principio ad nostra tempora, qui scribendo non minùs quàm agendo famam quæsiuerunt, & literis non minùs quàm victorijs, & prudenter dictis, quàm fortiter factis clarescere studuerunt, cur rem nouam & inusitatam censebimus, si Rex noster Serenissimus, quem Deus Opt. Max. eximijs adeo naturæ dotibus, incredibiliq; ac diuina quadam mentis acie beauit (ita ut literatissimus mihiq; longè amicissimus Dominus Petrus Iunius à Seatn Eques, Serenissimæ Maiestati suæ olim à studijs & legationibus, nunc verò à consilijs & eleemosynis in regno Scotiæ, non immerito Quod id est uo are soleat ) ex uberrimo eruditionis suæ fonte pauculos hosce riuulos mundo indulgeat? Laudo aduersariorum nostrorum prudentiam, qui improba diligentia, sed frustra omnia experti, quibus eum in suas partes traherent; tandem si nihil aliud, certè silentium illi persuadere conati sunt; ut omnibus irritis fallacijs, hoc saltem ab eo impetrarent, si nollet eos rebus iuuare, verbis nocere intermitteret. Diderijs igitur oblatrant scriptis regijs, nec tam scripta ipsa reprehendunt, quàm quòd scripta sint. Imò verò Rex scribens ijs pro monstro est. Hi homines malam causam non stultè agunt. Longo rerum usu perceperunt regnum Christi esse



## Præfatio.

esse pacis Euangelium, & potius Apostolorum pennis ab initio propagatum, quam ut Principum; & suauiloquis Patrum calamis plus audum, quam minacibus Tyrannorum edictis suppressum. & Papatui suo nuper ab vno Monacho plus detractum viderunt, quam à multis Principibus potentissimis possit restitui. Cum igitur tenues isti, & homines de Schola, Christi regnum in tantum extulerint, & mysterium iniquitatis nudauerint; non absque causa metuunt, quis tandem descriptionis huiusce regiae exitus futurus sit.

Gladium eius non extimescunt; hic in tuto sunt: at ne spiritu eius fiderentur, vix ac ne vix cauent. Si qua possent Maiestatem eius ab hoc bellandi genere auertere (nam à sanguine fundendo vident illum naturæ bonitate abhorre-re) maiorem hinc ducerent triumphum, quam ex Americæ Indiarumque conuersionibus, de quibus tam liberaliter fabulantur. Libros eius intuentur ut cometas; stupore pauoreque defixi, quid portendant tandem noui; qualemque in orbe mutationem suâ influentiâ parituri sint, nec eos sua fefellit expectatio. Qualiter hominum animos libri regij permorint, nos ipsi oculati testes sumus. à summo conclauis ad imas usque cellas numerantur, qui eorum lectione conuersi sunt: & nobis potius defunt tam multis alendis opes, quam ijs animus ad nos transeundi. Sed ut quod proposui (Regibus licere scribere) tandem concludam, liceat vestris auribus hanc meditationem meam deponere.

Quot perpetuandæ memoriæ vias commenti sunt homines, ut seipsos diuinitate quoque donauerint, quo colerentur ut viui qui diem obierant? ubi cernitur impetus naturæ fortior, quam in speciei propagatione? quorsum picturæ, nisi ut superstes sit corporis similitudo? quorsum ædificiorum splendor nisi ut incolarum splendorem testentur? quorsum xenodochia & nosocomia, nisi ut in animis hominum nostra perënet pietas? & Re-  
gem

## Præfatio.

gē fortunatū dicemus, quē videbimus superstitē in liberis; aut intuentes picturam eius, lineamenta corporis mirabimur; aut superbas aedes suspicientes, prædicabimus magnificentiā, & non potius in diuinis eius scriptis subtilissimum amabimus ingenium, exactissimum iudicium, vberriam memoriam, mirificos affectus? certē inscitiae est in homine id mimini facere, quo longissimè viuit: aut corporis opera mirari, ingenij cultum negligere: plurisque in eo aestimare, quo parum aut nihil instruit, quàm quo semper prodest. Quid nunc de Cæsare reliquum est cum Commentarijs conferendum? quid de Cicerone cum orationibus? Quī factus est Seneca maior Nerone? aut Aristoteles Alexandro? huius triumphī & victoriæ marcuerunt, illius virtus etiamnum germinat, floretque. Cætera tempore roduntur consumunturque: at ingenij monumenta tempore valescunt, & quo antiquiora tanto dixeris meliora.

Postquam dixi sententiam, nec illicitum esse Regibus nec indecorū scribere; sed quod alijs licet illis quoque licere, si vacet; ut specimen ingenij dent in præsens, consulant famæ in futurum, laudem sibi quærant in populo, gloriam Deo: iam date veniam, si aliam iniero viam. fortē enim dicent non tam traduci Reges scribendi nomine, quam argumento. nec enim Principibus viris, altissimoque in loco constitutis vilem propositam esse materiam, qua ingenia deterant, laboremque in tricis ludant, sed ex rebus maximis famam ac gloriam quærendam. Et sanè, si ego dignus forem qui Regibus consulerē, parcē illis admodum, nec nisi grauissimas ob causas polemica censerem tractanda; rarò confligerent nisi in acie. Vt enim summa sit eorum in scribendo modestia, remque ipsam solum pertractent, aduersariorum vitijs prorsus dissimulatis; nescio tamen quo pacto in omnibus controuersijs fieri soleat, ut idoneam videaris iræ causam præbuisse, si tantum  
aduer-

## Præfatio.

aduersario solide responderis. Et dum erit hæc opinionum varietas, nunquam deerit confutandi materia; qua litigandi vicissitudine magis exposita est & obnoxia iniuriæ, Regis quàm. Scholastici hominis persona. Regem facilius est ferire, euidentiorē, puta, amplioremque metam & quanquam ab eo aberrant, nec quod reprehendant quicquam inueniant; operæ tamen pretium ducunt cutem eius stringere, vibicem in facie relinquere. Sin de pietatē, de moribus, de Repub., de arcanis naturæ, de rebus gestis scribant Reges, laudamus sine inuidia eorum ingenia, & industriam sine iniuria miramur. Ægrè accommodatius huius rei exemplum, quàm in nostri Regis operibus inueneris. Quum publici iuris fecisset Basilicon doron, librum refertiorē saluberrimis consilijs, quàm est malum Punicum acinis, quos hominum meruit applausus? quàm ille omnium animos in admirationem amoremq; sui rapuit? cum eo tempore venisset liber in hominum manus, quo auctor in hoc regnum venit, omnes subditi uno ore bona dicere; & Regem non minus eruditionis & religionis, quàm iuris & potestatis nomine vereri. eorum enim bonorum primitias tum gustauimus; quorum messem longè uberrimam ex eo tempore messuimus, sub prudentissimo & clementissimo Optimi Principis imperio. Idem de Dæmonologiâ confirmare liceret, opere profectò rarissimo, siue experimenta physica, seu præcepta Theologica respicias. Ex his nil nisi alta pax & clara serenitas. nulla frontium aut iudiciorum nubecula conspecta est. Ut primum verò Papam oppugnare cepit, & cum Cardinale pedem contulit, illius tyrannidem orbi nudans, huius fallacias; Deus bone, quantus fremitus exortus est, quantus à Basane taurorum mugitus, quantus ubique gentium tumultus? non temerè in Europa populum aut linguam reperiās, unde non aliquid responsum est, aut confutantium aut conuiciantium more, nisi Rex pro sua singulari con-



## Præfatio.

constantia contempsisset dictæria, & potius in lufum rifum iue  
vertere, quam ad animum admittere ea talia statuiſſet,  
exquiſtiſſimos illos regiæ mentis ſenſus non potuiſſent non  
percellere. Quid tum poſtea? Optabimusne iam, Re-  
gem nunquam cum beſtijs Epheſi congreſſum fuiſſe, mugi-  
entis tauri os nunquam obturaſſe, Cardinali denique nun-  
quam obuiam iuiſſe? Certè cum indigniſſimas illas & in-  
credibiles recogito iniurias, quas ab illis hominibus perpeſ-  
ſus eſt, in eam inclino ſententiam. At cum Maieſta-  
tis ſuæ æelum, pro Dei gloria, pro Regum iure; cum  
admirabilem eius in utraque cauſa agenda peritiã, cum  
fæliciſſimum actionis exitum à Deo Opt. Max. conceſ-  
ſum expendo; non poſſum non priorem meam ſenten-  
tiam mutare. Ut mihi veſtra addam ſuffragia, re-  
feram ſine fraude, qua occaſione Rex hoc negotium ſuſ-  
ceperit: tum vos arbitros faciam, annon ipſo Deo aucto-  
re eò fuerit impuſus. Saluatoris noſtri dictum eſt, nihil  
occultum eſſe quod non innotescet, nihil in tenebris  
dici, quod non audietur in luce. hoc pronunciatum in  
vnius libri editione Rex ſibi veriſſimum compertum  
ſcribit. Ego in plurium editione idem illi affir-  
mem eueniſſe. Poſtquam enim Pontifex ſua breuia  
diuulgaret, & Cardinalis ſuas ad Archipreſbyterum  
litteras; ille iuramentum fidelitatis tanquam æternæ ſaluti  
contrarium populo diſſuadens, hic Archi-preſbyterum,  
quod iuraſſet, redarguens, ut ad fœdiſſimi lapſus pæni-  
tentiam eum vocaret; Rex noſter Sereniſſimus, pro ſua  
ſingulari prudentia & religione, non putauit ſilentio talia  
ſibi probanda; ſed populum potius erudiendum arbitratus  
eſt, non periclitari videlicet animas iureiurando, quo tan-  
tum de civili ſubditorum obedientia caueretur; & inta-  
ctis hominum conſcientijs Reſpubl. tantum de ſuorum  
civium fide fieret ſecura. Huic negotio aptiſſimum iudi-  
cavit

## Præfatio.

cavit Wintoniensem tum Episcopum, virum eruditione celebrem, & qui in simili argumento multam ante posuerat operam. nec mora, postulato calamo & atramento, cum vellet Rex Episcopo breuibus indicare, qua ratione negotium tractandum foret, nescio quomodo amphora facta est, quæorceus caput institui. Ea enim fuit sibi Regij velocitas, ut ante sex dies Apologiam suam appellatam absoluerit. quam Archiepiscopus Cantuariensis & Eliensis Antistes sedulo perlectam, & Papæ & Cardinali pro instore responso sufficere arbitrati sunt: quanquam Regiæ Maiestati nihil aliud propositum fuerit, quam summa rerum capita quasi digito monstrare, quæ uberius & fusius à Wintoniensi Episcopo cupiebat explicata. tandem impetratum est, suppresso tamen nomine, ut ederetur, ita Apologiam regiam præter Regis institutum habemus.

Edita Apologia visum est Regiæ Maiestati non semel profiteri, quid in animo haberet: si Papa & Cardinalis responso non acquiescerent, nec iuramentum fidelitatis pro ciuili obedientiæ sacramento admitterent; Tum verò se suo addito nomine vulgaturum Apologiam cum Præfatione monitoria ad omnes Christianos Principes; in qua facta suæ fidei confessione, & nudato iniquitatis mysterio, Principibus suaderet, suam sibi potestatem ita assererent, ut Papam illius controuersia eternum pœniteret & Bullæ eius aliquando tineis in escam cederent. Lite igitur à Cardinale aduersus Apologiam intentatâ exequutus est Rex consilium, & Monitoriam præfationem vna septimana volente expediuit: nam qua felicitate confecta sit aliorum est iudicium (ut Hirtius de Cæsaris commentarijs) qua celeritate ego testis sum. nec promisso defuit. Utrumque enim scriptum suo addito nomine publicauit, & ad Imperatorem, omnesque Christiani orbis Principes transmisit.

Re,

## Præfatio.

Re, ut gesta est, breuiter relata, pretium est curæ quæ sequuta sunt, mecum expendere. Constat primò nullam inuentam Remp. cui Regis sententia de Regio iure displicuit. Venetos & Scripto & opere asseruisse, Doctores Sorbonicos in Gallia idem censuisse.

Secundò, tam fæde errasse, qui contradixerunt, ut à suis etiam correcti emendatique fuerint: Becani librum à Cardinalibus Romæ castratum fuisse: Bellarmini Parisijs exustum: Suaresii responsum eodem ibi fato functum. Sanniones iudicio diuino relinquo, cuius vindicem manum pleriq; ex eo experti sunt.

Tertiò confessionem fidei regie sic passim fuisse receptam, ut aduersarum partium non pauci conuersi sint: & absque tractatu de Antichristo fuisset, ex multis audiui, longè plures totam præfationem fuisse approbaturus.

Quartò, Reges & Principes monitione regia oculatiores factos, ut tyrannidem Pontificis sæcularem clariùs videant, quàm priùs. Neque sanè antebac in orbe Christiano illa controuersia ad viuum vnquam resecta fuit.

Ultimò, quod ad Antichristum attinet, multi mihi facti sunt plus sibi ex libro regio lucis obortum, plus veri ex sacri contextus consensu, & vi interpretationis affulisse, quàm vnquàm priùs. Fatear controuersias magis Scholis quàm Regibus conuenire. at ubi eiusmodi urget necessitas, & successus inceptum commendat, nullius arbitrium defugio, ni diuina manus sese operi immiserit. Cæterum cum ab hac parte de Antichristo initium fecerim, libet pauca dicere de paraphrasi regiæ in Apocalypsin, vnde præcipua illius partis fundamenta desumpta sunt. Eximia quidem est Regis nostri in omni literarum genere peritia; at in illius libri intellectu illi præter cæteros mortales alluxit Deus suæ sapientiæ facem. hæc paraphrasis ut loco inter opera regia,  
ita



## Praefatio.

ita aetate prima est, ante vigesimum aetatis annum conscripta; ceteris eo ordine sequentibus, quo singula nata sunt. Prophetæ antiquitus Regum somnia visionesque interpretabantur, ut Iosephus in Aegypto, Pharaonis; Daniel Babylone, Nebuchadnezzaris: at hoc saeculo Prophetarum visiones interpretantur Reges. Excitabantur Prophetæ à Deo, qui illa interpretantes populum liberarent de temporali Aegypti & Babylonis servitute. Hoc saeculo suscitati sunt Reges, qui hæc interpretantes spiritualis Aegypti & Babylonis iugo populum expediant. Observatu digna res est, sine celebri prophetia nihil unquam magnum à Deo fuisse promissum. Tria sunt quorum mentio passim in sacris occurrit, insignia promissa, Messia, terræ Cananæ, & regni caelorum. Messiam sponponderunt omnes Prophetæ à lapsu primi Adæ usque aduentum secundi: terram Cananæam Iacobus, Iosephus, ceterique à fœdere cum Abrahamo icto ad Iosuum, & Israelitarum in eam terram ingressum. vitam æternam à Christo promissam. Apostoli præsertim Divus Paulus & Sanctus Ioannes in Apocalypsi. Apprehendere hæc promissa est omnium: intelligere vaticinia paucorum. quemadmodum ad omnes quidem pios spectat illa in hoc libro vitæ æternæ promissio, ad paucissimos verò prophetiarum intellectio, quæ status Ecclesiæ ab Hierosolymorum excidio ad finem mundi exactissimè describitur. Hoc ausim fidenter dicere, Regum plus interesse hunc librum, quàm cæterorum. forte etiam rectius ab ijs explicantur vaticinia, quorum dextra ferè omnia peraguntur: cumque eorum præcipue opera & ministerio Deus Antichristi regno opibus, urbi, ibi interitum minetur; videtur à diuina prudentia non abludere eorum præcipue mentibus verum illius libri intel-

c

telle

## Præfatio.

tellektum inspirare, quorum manibus pleraque omnia illius libri facienda sunt : donec ipse Dominus oris sui spiritu Antichristum, & urbem difflauit ; & sui aduentus splendore utrumque absumpserit. Vix arbitror quenquam Regum, inde à scripto libro usque ad hoc sæculum, extitisse, qui tantum in eo aut laborauerit aut profecerit, ac noster. quod ex ipsius paraphrasi, ex meditationibus in caput libri vigesimum, & ex Monitoria præfatione facile perspicitur. Constitueram omnia Regis opera percurrere, singulorum argumenta, scribendique causas indicare ; nisi ex ijs, quæ iam dixi, molestum me fore conijcerem. Sufficiat digna esse Rege, digna posteris. Si potuit Ouidius diuinare nullo tempore abolendas Metamorphoses, quæ mera erant fragmenta ; quanto magis fas erit de huius libri æternitate sperare, quem tanta commendat diuinæ veritatis lux ? Quemadmodum autem in paraphrasi, primo suo opere, testatam fecit Maiestas sua pietatem ; sic in oratione habita in Camerâ stellatâ, opere nouissimo, specimen prudentiæ civilis exhibuit. Ea quæ sunt regni Dei ostendit sibi esse familiaria in primo : neque se esse in suis regnis hospitem satis persuadet in ultimo. ex illo constat, quanta illum maneat portio in cælesti regno : ex hoc verò, quantam habeat potestatem & experientiam in terrenis. Quotquot igitur illum gestiunt deprimere, quem Deus exaltauit ; aut eius sanguinem fundere, cuius nomen scriptum est in libro vitæ ; scribant illi, quicquid antiqui Serpentis versutia, aut Satanae malignitas suggesserit ; eructent verba diriora aspidum venenis : at nihil unquam poterunt Regiæ ipsius Maiestati detrabere, quo appareat minor. nunquam ostendent suarum partium Regem sic omni ex parte absolutum.

## Præfatio.

solutum. Fateor paucos nostræ professionis Reges in Britannia fuisse. at his qui fuerunt cæterorum nemo par inuentus est, seu dotes naturæ, seu literarum decus, seu dona gratiæ respicias.

Edouardi sexti laudes decurtat vitæ breuitas, quam illi Deus concessit. Sed rarò ullius Regis initia tam splendida aut decora fuere.

Elizabethæ Reginæ longæuitas regnandique felicitas suis gloriæ fuit, orbi admirationi, aduersarijs quoque nostris (ut Moses loquitur) arbitris. Decurrunt præsentia tempora (laus sit Deo) pari felicitate, at securitate maiore. Liceat nobis; vel ut Regem incitemus, eam viam porro velit insistere quam feliciter inijt; liceat inquam recolere, quæ à Deo per illum habemus bona; ut ut aduersarij persuasum nobis velint (ea enim quorundam fuit impudentia) homines nos esse miserrimos. nec est quod cuiusquam reprehensionem verear, nil locuturus, nisi verum; accersitoq; è scripturis exemplo, quibus bonorum Regum acta ad æternam auctorum laudem consignantur.

Ut à religione ordiamur, cui meritò in cælestium donorum acie primus defertur locus; ea nobis permansit eadem. Varia erant hominum studia, Rege ad nos primitus veniente, dum hi pro Papistis, illi pro Puritanis starent: prima illius cura erat Euangelij confirmatio. itaque ad pacem Ecclesiæ stabiliendam Colloquium Hamptonia in aula institutum est, ubi Papistis præteritis, quibus ne minimum vnquam cedere illi animus fuit, ad eam temperiem & harmoniam Puritanos deduxit, quæ ex eo inter nos melior durauit.

Firmata religione, proxima erat cura Bibliorum translatio, quibus religionis veritas innititur, ut populus ea Scripturæ sinceritate frueretur, quam do-



## Præfatio.

*diffimorum virorum industria præstare valeret.*

Sic defunctus serenissimus Rex spiritali Ecclesiæ curatione, ad temporalia eius damna conuersus est: & cum à maioribus suis expilatam aduertisset eius hæreditatem, conducentibus sacra prædia in longius tempus, quàm alijs liceret (ea Regum erat prærogatiua) ipse statim in primis regni Comitibus se in ordinem redegit, antiquato illo sceptri priuilegio; ne quid sibi supra vulgus in sacrum patrimonium indulgeret.

Ab Anglia deinde in Scotiam respexit, reformatoque ibi Ecclesiæ statu, quantum tempora ea ferre videbantur; Episcopos ut clauibus suis, ita patrimonijs antiquis restituit: idque cum insignito sceptri, prouentuumque regionum damno.

Hinc prouidentiae suæ oculos in Hiberniam transmisit; ad id usque tempus miseram neglectamque prouinciam, seu spiritalia seu temporalia bona expendas. Reductis Episcopis non modò antiqua prædia restituit, sed multa adiecit noua. & nunc sanè cum ditissimis Angliæ plerique episcopatus Hibernici contendere queunt. nec in summis substitit regia cura: ad infima quoque Ecclesiæ descendit. Beneficiorum æstimationes veruit crescere, calumnias ex iure sustulit, quibus Clero creabatur negotium aut vexatio.

Ad Scholas quoque & Ptochodochia pertinuit regia benignitas. cessit Rex iure suo ut illi ditescerent. itaque sub ipso sumptuosiora & splendidiora extitere opera, quàm ullo sæculo priore.

Unum obliuisci nequeo. nunquam ille, ex quo regnum hoc inijt, in suos fiscos inferri passus est ecclesiarum census, vacante sede, sed velut fidus depositarius eos successoribus intactos reliquit.

Non incommodus erit ab eius pietate ad pacem transitus,  
quæ

## Præfatio.

quæ eo regnante tanta fuit in Christiano orbe, quanta à Saluatoris nostri sæculo audita non est : nec aliâ ullâ re sub sole magisea hætenus constitit, quàm Serenissimi nostri Regis interuentu. Pax domi tam sancta (nam gentes exterarum taceo) ut in tribus hisce regnâ & indole & consuetudine satis superque procacibus, nulla sub eo extiterint ciuilia arma. Cum pace affluxit copia; quæ duo nisi mente nos priuarint, nescio certè quid desit nobis. nec interea quisquam conqueritur iustitiam deficere. nec enim vtrquam ius dictum est liberius, si Regem spectes; aut sanctius si Iudices. triumphat nihilominus in continuâ iuris dispensatione clementia. Si banc vocent miseriam, fateor nescire me, quid illis sit prosperitas. Deus Opt. Max. hæc nobis propria esse velit: illi interea quicquid lubeat felicitatem arbitrentur.

Verùm ego mihi scire videor, cur in Anglia omnia sint misera: quia nempe Pontificis Romani Catholicis non plus exhibetur misericordiæ. At ego vel hoc solo nomine Regem Jacobum palmam supra omnes Reges meritum contendendo. cui cum in coniuratione sulphurea tanta ultionis occasio oblata foret, nullius sanguinem effundi voluit, qui non manum horrendo operi admoberat. cæteros misericordia à iustissima pæna absoluit. Ante hoc nefandum Papiasticæ immanitatis scelus, nullus Romanensium Catholicorum aut damnum corporis sensit aut crumenæ. Ex eo tempore conquerantur illi sanè de sua miseria, at sanè sub onere eorum peruiaciæ Ecclesia & Respubl gemunt. Ego illis nihil opto deterius, quàm ut Regiâ patientiâ trahantur ad penitentiam. nam ut eos olim reliquimus, ne calamitates ipsorum participaremus, ita Deum oramus ad nos iam veniant, quò nostram participent beatitudinem.

Ut præfationis nostræ tandem finis sit. Deus nobis

## Præfatio.

Regem dedit, Salomonem, quem præter ceteros instruxit sapientiâ : sapientia ei pacem attulit, pax opes, opes gloriam. Sapientiam verbis & factis prodidit, pacem armis conseruauit, opes patrimonio suo & classe parauit; gloriam hæc omnia peperere. Ut autem in his rebus Salomon à Deo supra omnes Reges euectus est, ita in cæteris eadem fere proportionem deiectus est. vide horrendum eius lapsum, qualem vix in scripturis reperiatis. vide impuram vitam & immodicam Venerem, qualem nec ulla prodidit historia. vide progeniem inopem mentis, & prudentiæ civilis; qualem nec suggerat tota stirpis illius successio. Ita voluit Deus, in hisce quidem, illum proponere tanquam exemplar humanæ fragilitatis. in illis verò, typum gloriæ unigeniti Messiae. Typica eius dignitas eximia est, nec quenquam viuientium admittit in consortium. at priuati hominis dignitate (Deo laus sit) superiores sumus. Constantiam enim Serenissimi nostri in sancta professione iam vidimus; sine labe, sine metu leuitatis; & diutius quidem, quàm de tota Salomonis vita aut imperio nobis constat. non timemus, ne peregrinæ mulieres animum eius à diuino cultu alienent. nec habemus Pharaonis regis idololatræ filiam: sed Reginam vt regij, sic religiosi stemmatis; & vt thori, sic Euangelij consortem, veræ modestiæ & benignitatis speculum. cuius virtutes nescias an populus miretur magis, an amet. matrem eiusmodi prolis, cuius masculæ non metuas stultitiam, nec famineæ leuitatem: quæ res (si Iudæis credimus) Salomonem impulit, vt in Prouerbijs toties stulti filij meminerit, & petulantium fæminarum; vt qui pudicitiam filiarum suspectam habuerit, & filij disipientiam viderit. At Serenissimo nostro filius à Deo relictus est vt corporis effigie ita animi similitudine (vt verbo  
expe-



---

*Præfatio.*

---

*expediam) alter idem. filia verò ea pietate, virtute, modestiâ, quæ domi amorem, foris admirationem pariunt. Restant mihi exorandi regionum operum lectores ut Deum Optimum Maximum orent, qui nos cælesti veritatis thesauro beavit, terrestriumq; bonorum affluentia in Rege sacratissimo, Regina præstantissima, prole eximia; idem per suam in Christo misericordiam nos sereno vultu respiciat; illis, eorumque posteris regnantibus, donec illud regnum venerit, cuius nullus erit finis  
AMEN.*

Tuus in Domino,

*Iacobus Episcopus Vintoniensis.*

Corrado Gini 2007



CHRISTIANÆ  
ECCLESIAE  
VBIVIS GENTIVM  
MILITANTI.



*P* Araphrasis hæc nostra in *Apocalypsin*, quibus potius inscribi debet, *Christiani Lectores*, quàm vobis, genuinis earum Ecclesiarum posteris, ad quas erudiendas solandasque ipsa Apocalypsis, Spiritu Sancto dictante, per Iohannem Apostolum eius amanuenssem, magnum illum Theologum & vnicè Domino nostro dilectum, scripta fuit? Mirum haud dubiè multis videbitur, quenquam meæ ætatis, & ordinis, & scientiæ rem Theologicam tam obscuram & sublimem suscipere. sed excusationis loco sit votum hoc meum, vt veritatis manifestatione ipse proficiam, alijs prosim. In mentem quoque venerat, quot nostræ ætatis homines, præiudicatis mancipati opinionibus, huius libri interpretationem aggressi sint, ideo tantùm, vt ad suos affectus illius sensum torquerent, quum mihi (testor fidem) hoc solum propositum sit, meam omnem operam ad sacram amussim exigere, & ad mentem cœlestis auctoris meam mentem formare,

d

quæ



quę me causę ad hoc opus impulerunt : non vt alios  
innumeros prę me contemnam , qui ad Dei gloriam &  
grande Ecclesię solamen magnam ( fateor ) huc lucem  
affuderunt : quin potiùs, vt ipse crebra reuolutione, &  
seria meditatione ( quęadmodũ in hoc labore par erat )  
familiarior mihi hunc librum facerem ; quem ego,  
contra Papisticum aduersariorum nostrorum vallum,  
arietem eximium & pręcipuum semper æstimaui. Sci-  
ant hi, nihil hęc datum meis coniecturis, nihil alienę au-  
ctoritati : sed eiusmodi expositionem allatam esse, quę  
& secum non pugnet, & cum epistolę methodo opti-  
mę conueniat ; nempe, aut ex ipsa Apocalypsi, aut a-  
lijs Scripturę partibus collectam : quod, me tacente,  
res ipsa satis testabitur. Vnicum igitur aduersarios de-  
precor, ne quam meę interpretationis partem priùs re-  
futent, quàm probabiliorem ipsimet inuenerint ; cum  
intero scilicet libri contextu, & serie temporum con-  
uenientior : vbi autem veritatem audiuerint, con-  
scientiæ suę testimonio ne refragentur, sed Deo dent  
gloriam : quam ego vnicam mei laboris mercedem  
posco. Hoc tamen vos volo pręmonitos, *Christiani  
lectores*, Iohannem à nobis vbique loquentem induci,  
vt breuior esset, & facilior hæc dissertatio : non vt cæ-  
terorum commentarijs reiectis ( absit eiusmodi fastus  
suspicio ) omnem meę paraphrasi fidem arrogem.  
quanquam enim, illius personam assumens, non nisi v-  
num vnius loci sensum adferre queam ; cæteros tamen  
non accuso, quibus per me quidem integrum erit, eun-  
dem locum multis modis exponere ; sed ea conditione,  
vt cum methodo sacri contextus, & temporum serie,  
& fidei analogia omnes congruant. etenim, his tribus  
obseruatis, nonnunquam contingat diuersos de iisdem  
diuersa sentire, & tamen omnia veritati & menti S.  
Spiritus ad vnguem consona : quod ex ipso verborum  
contextu

contextu satis liquet. nam cap. 17. Angelus exponens Ioanni septem capita bestiae, egressae de mari, *septem* (inquit) *capita bestiae, quae vidisti, sunt septem montes, sunt quoque septem Reges.* vbi apparet rem vnā duobus modis, valdeque inter se disparatis explicari; & ambo-  
bus verè. Sapientibus suis in eiusmodi rebus gustus est relinquendus, modo legibus à me iam positis se coerceri patiantur. verbi gratia, vocem hebraicam *Armageddon* 16. cap. & sexta phiala, etsi ego interpre-  
ter *ruinam per fraudem*, nempe ex ערמגרון, *gnarma & geddon*, quod ab historia nihil abludit; quia est nomen loci, ait Iohannes, vbi dolo Satanæ, triumque eius spi-  
rituum, coeuntes impij, nempe cum fidelibus bellaturi, omnes diuina manu interierunt: & sic *per fraudem* ac-  
cersita est illis ruina. alij tamen ea voce *stragem per aquas* denotari volunt; tanquam הר-מיי & גרון *har-  
ma & geddon*; quod etiam cum historia satis congruit. nam *aquæ* non semel in hoc libro populorum & genti-  
um inundationes significant; vt apparet ex contextu cap. 17. Alij denique ad stragem inimicorum Dei, fa-  
ctam à Iosua in monte *Mageddon*, alludi censent: quasi ex *har* componeretur, quod montem significat; & *Mageddon*: quod etiam ab historia nihil habet ali-  
enum. Simile quoque est de *Gog & Magog* iudici-  
um cap. 20. alijsque id genus in hoc libro ambiguis.

Quod superest; quicquid in mea Paraphrasi erratum est, id ætatulæ & impolitæ meæ adscribi volo; quod laude dignum occurret, id Deo, cui laus omnis debetur & honos.

V A L E T E.



# ARGVMENTVM TOTIVS EPISTOLAE.



*Ulti veterum, & nominatim Eusebius, controuersiam huic libro vel epistolae Apocalypseos mouerunt, ut cuius nec author, nec canonica constaret autoritas. Cui quaestioni nihil necesse est me immorari, quum Neoterico- rum plerique, & praeter ceteros, Beza in huius libri proaemio, eam quantum satis est tra- ctauerint. Vnicus modò scrupulus reliquus est, ita videri quibusdā obscurum hunc librū & mysticum, ut exiguo aut nullo cum fructu doceri vel exponi posse autument: quibus quum breuiter respondero, de libri me- thodo dicere aggrediar. Sed ut rem paulò altius, & ab ouo repetamus; pri- mò sciendum est, in quas partes scriptura diuidatur praeipuas; deinde, cui parti hic liber accenseri debeat. Vt primum creationis priuilegio omnibus numeris ab- solutus factus est Adamus, libertate arbitrij in bonum & malum, vitaeque & mortis electione donatus, teterrimam fecit à Deo apostasiam; maluitq; turpiter mori, quam sanctè viuere; rōde duplicis peccati contagione infecti posterī, ori- ginalis & actualis. Deus tamen, amore humani generis, opificij nimirum sui ex- cellentissimi, adque suam effigiatī imaginem, ex illis sibi Ecclesiam secreuit; cuius infantiam, incredulitate & debilitate nutantem, viua primū voce i- psemet instituit; deinde virorum insignium, quos ijs praefecit, pedagogio. hos po- puli rectores tantis ornauit dotibus, ut non modò exemplo vitae infirmis prae- rent; sed etiam miraculis eorum fidem sisterent, & firmarent. Verū, ne ali- quando creatoris sui obliuiscerentur homines, ut Deos facerent quos Deus suae voluntatis ministros constituit, & ab eorum ore toti penderent, legem ipse viua voce dictauit populo, eamque in tabulas referri, perpetuaeque memoriae custodia perennare*



perennare voluit. quæne quando excideret animis, vel iaceret neglecta, pios inter eos rectores excitauit; tam Ecclesiasticos quàm politicos, qui sanctitate vitæ, & miraculorum efficacîa, vitam vigoremque legis in eorum cordibus continuò renouarent. at cum nihilo minùs in profunda vitiorum præcipites ruerent (sic nititur in vitium humani ingenij ingratitude) Prophetas exciuit, præter ceteros, Ieremiam, & Daniele, qui flagitia populi redarguerent, & de futuris per visiones eum certiore facerent: ut pii sese conuerterent, armarentq;: impij fierent inexcusabiles. & hæc de testamento veteri. Quum verò Deus, frustra omnibus tentatis, promiscuum impietatis contagium eorum moribus obrepisse cerneret; ut vel agrè vnus inueniretur, qui non flecteret genua Baali: tùm inscrutabili sua sapientia vni genitum filium, & Verbum, Dominum Iesum carne induit, ut Patrum fidem morte sua & passionis ratam faceret (eorum enim salus Messia venturi fide subnixæ erat) & apertam planamque gratiæ viam toti deinceps orbi sterneret. tunc quasi in renouatum orbem, renouatamque Ecclesiam redintegrata est in hominem paterna Dei cura, vberiore quàm antea gratiæ mensura, quod filij sui charissimi merita respiceret. Tum primùm Christus sua voce mortales erudit, & miraculis doctrinam firmavit, & ad legem fidei promulgandam, vitæque & miraculis stabilendam Apostolos excitauit: denique, obrepente licet apostasiâ, vnum ex illis, videlicet Iohannem, ad huius libri scriptiõnem suo animauit spiritu: ut (quod sub veteri lege Ieremias & Daniel fecere) mundum simul accusaret flagitij, & contra ventura tentationum discrimina muniret Ecclesiam. Res ipsa indicat, quàm utilis sit huic sæculo liber iste, vltimam diuinæ voluntatis reuelationem continens, post quam nulla amplius prophetia mortalibus expectanda est. Cessabunt deinceps vaticinia: cessabunt miracula: legeque iam data & prophetis acquiescendum erit: ut nos docet Christus in parabola Diuitis & Lazari. Quòd ad methodum sacræ epistolæ; scripta est septem Ecclesijs Asiæ minoris, quas tribus primis capitib. sigillatim compellat, & alloquitur; subque earum nominibus veros earum successores, totamque Ecclesiam vbique terrarum militantem. Scriptiõnis autem huiusce sex partes commodè possunt statui: laus nempe & vituperium septem Ecclesiarum, iuxta earum merita bona malaue, tum quibus modis sua vitia debeant corrigere, & hæc tribus primis capitibus. & ut inexcusabiles fiant si quando relabantur, ob oculos ponit totius ecclesiæ eo tempore militantis conditionem, qualisque illa ad sæculi consummationem, & in æternitatis triumpho post hanc vitam futura sit. Tres hæc partes vltimæ visionibus quibusdam in reliquâ declarantur epistola; nempe, præsens Ecclesiæ conditio, qualisque ad sæculi consummationem futura sit; primò quidem breuiter in sex primis sigillis sexto & septimo cap. dein fusius in 8°. 9°. 10°. 11°. in septem tubis è septimo prodeuntib. sigillo. & quia inter primum secundumq. Christi aduentum nulla accidet grauior tentatio tyrannide & superstitione Papali, copiosius & manifestius eam depingit in visione famina in deserto, & bestiarum è mari & terra emergentium 12°. 13°. 14°. cap. Sed  
ut

---

rot desperabundos erigat, quos metus erat tentationi tam ingenti succum-  
bere; in sequente phialarum visione, quæ Papam eiusque affeclas pœnæ mane-  
ant subindicat: post, multò quàm antè clariùs, Papam depingit, clademq;  
illius cum terræ moerore, cælique coniunctam lætitiâ. quæ omnia ut homi-  
num memoriæ altius imprimat, & infigat, in noua visione eorum summam  
proponit, videlicet de præsentis & futuro militantis Ecclesiæ statu,  
ubi dies indicij breuiter describitur. Denique perseneraturis  
in veritate, & prædicta tentationum incommoda supera-  
turis, mercedē, quæ in sacra illa æternaq; Hierusa-  
lem & in triumphante Ecclesia habenda  
est, in visione proponit: breui &  
neruoso subiuncto  
epilogo.

---

SYNOPSIS

---



# SYNOPSIS REGIORVM OPERVM

IVXTA TEMPORVM, QVIBVS

*ſingula ſcripta erant, ſeriem, & huius  
libri ordinem.*



PARAPHRASIS *Apocalypſeos.*

Pag. 1

Binae Medi-  
tationes, { *Prior in 7, 8, 9, & 10, verſ. cap. 20.*  
*Apocalyps. pag. 56*  
*Posterior in verſ. 25, 26, 27, 28, & 29.*  
*cap. 5. 1. Chronic. pag. 75*

Dæmonologiæ, *Libri tres*

*pag. 85*

Basilicon Doron

*pag. 127*

Ius liberæ Monarchiæ

*pag. 177*

Misocapnus, *de abuſu Tobacci*

*pag. 200*

Coniuratio Sulphurea

*pag. 209*

Nota hos tres tractatus ſuppreſſo Regis nomine ab initio fuiſſe publicatos.

Apologia pro iuramento Fidelitatis; *quæ primo quidem  
ANONIMUS & ſola edebatur, deinde vero expreſſo Authoris  
nomine, & adiecta monitoria præſatione.*

*pag. 237*

Monitoria Præſatio Anglicè & Latinè ab ipſo Rege con-  
ſcripta

*pag. 283*

Pro-



Protestatio Antiuorsia Gallicè ab Authore edita, pag. 251  
Responsio ad Epistolam Cardinalis Perronij, pag. 380  
Pro iure Regio aduersus Cardinalem Perronium. Rex e-  
didit Gallicè, pag. 409

Sex Ora-  
tiones, { Prima, habita in conuentu Ordinum regni  
Angliæ. Anno 1603. pa. 483  
Secunda, ibidem. Anno 1605. pa. 487  
Tertia, in Albaula. Anno 1607. pa. 507  
Quarta, ibidem. Anno 1609. pa. 523  
Quinta, in Camera Stellata. Anno 1616.  
pag. 544  
Sexta, in Conuentu Ordinum regni Scotia,  
Anno 1617. pag. 563

Meditatio in Orationem Dominicam. pag. 575  
Hypotyposis inaugurationis Regiæ. pag. 611.

CHRI-





# PARAPHRASIS APOCALYPSEOS

S. IOANNIS APOSTOLI.

## CHAP. I.

*Libri auctor & scriptor eius usus. ejus inscriptio septem Ecclesijs sub mysterio septem candelabrorum, & totidem stellarum.*



**D**EVS pater filio suo & verbo, Iesu Christo, in mandatis dedit Angelum aut ministrum ad me Ioannem, seruum suum, mittere; et per eum mihi patefacere, quæ breui ventura sunt, ut mea opera maturè præmoneantur electi: 2 Qui testatus sum verum esse Dei verbum: & Iesum Christum esse, & fuisse testem omni exceptione maiorem: & quæ vidi omnia fideliter retulj. 3 Beati qui legunt, & intelligunt

prophetiam hanc, & ad eam se maturè attemperant: breui enim implebitur. 4 Mihi injunctum est, vobis præcipuè eam explicare, septem Ecclesijs Asiæ, cum quibus sit gratia, & pax ab æterno Patre, & Spiritu sancto, 5 Et ab Iesu Christo, teste illo fido, primogenito mortuorum, magno orbis terrarum Rege, & suæ Ecclesiæ capite: qui pro eo, quo nos amore complexus est, sanguinis sui lauacro innocentes reddidit, in opere redemptionis. 6 Ej igitur, qui nos, spirituales Reges & Sacerdotes, honore & sanctitate amictos voluit, & ad sui patris gloriam instituit, sit gloria & robur in sæcula sæculorum: amen. 7 Persuadete vobis de cœlis rediturum illum, honore & maiestate omnibus conspicuum. ipsi quoque impij, quanquam inuitj, eum agnoscent, quem omni odio antè persecutj fuerant: & totus orbis suam coram illo ingratitude[m] recognoscet: amen. 8 Ego sum ille æternus, ait Dominus, cui omnia præterita & futura sunt præsentia: Ego sum vnus rerum opifex, sine mutatione idem qui fui; & certò certius, ut promisi, reuertar. nec minus om-

Christus crucifixus.

1. Cor. 2.

A

nipotens

Exilium Io-  
annis in  
Pathmo, &  
apocalypsis  
ibi scripta.

Ver. 10.

Pfal. 51.  
Esaï. 4.  
Marth. 3.  
Jerem. 1. 15.  
Esaï. 17.

Heb. 1. 10.  
Ephes. 6.  
Esaï. 60.  
Mat. 7.

Pfal. 63.  
Pfal. 139.

Christus re-  
surrexit a  
morte.  
Tim. 1.  
Heb. 2.

nipotens sum, quàm æternus; & ante orbem omnia disposui. 9 Ego Ioannes frater vester in carne; & socius vester tam in Christi seruitio, quàm crucis patientiâ; propter Dei verbum, & Christi testimonium ita exosus, vt vitæ tuendæ causâ solus in solam Insulam hanc Pathmon, fuge-  
re coactus sim. 10 Die Dominico, Seruatoris nostri gloriæ dicato, spiritu raptus sum: tum audiui post me, qui diceret: Conuerte te, & ad Domini, tanquam tubæ, vocem animum aduerte: nam de militantis Ecclesiæ prælio dicturus erat, his verbis; 11 Ego sum *Alpha & Omega*, primus & nouissimus. Scribe in libro, quæ vides: & mitte ad septem Ecclesias Asiæ, quarum nomina sunt *Ephesus, Smyrna, Pergamus, Thyatira, Sardis, Philadelphia, & Laodicea*. 12 Conuersus autem, vt vocem viderem, septem adspexi candelabra, quibus Ecclesiæ totidem notabantur. 13 In medio candelabrorum stabat, qui filium hominis repræsentabat; veste talari indutus, ad grauitatem; & præcinctus mammillas zonâ aureâ, ad gloriam. 14 Caput & capilli candore lanam æquabant, & niuem; qui innocentiae color erat: oculi eius ardebant, ad instar ignis; vt faciliè omnituentem eius sapientiam agnosceres. 15 Pedes æneos habebat, lucentesque, vt in fornace; vnde æternitatem eius diiudicares. vocem habebat, vt sonum multarum aquarum: vnde eius in iubendo maiestas intelligebatur. 16 In dextrâ autem, vbi electis datur consistere, septem stellas habebat: quibus septem Angeli, aut ecclesiarum pastores notabantur. Ex ore autem eius prodibat gladius anceps: verbi erat illegladius, qui non est nisi ab illo: at facies eius instar habebat Solis, splendidissimè lucentis. inde enim est lux omnis, qua humani intellectus cæcitas illuminatur. 17 Cùm autem eum adspexissem, decidi ad pedes eius, tanquam mortuus. sed ille salutari dextra me erexit, & comiter affatus: noli, inquit, timere; nam ego sum primus, & nouissimus. 18 Quique olim tam verè mortuus fui, quàm nunc viuo, cuius rej te testem appello: at nunc æternùm viuo; morte & inferno per mortem meam deuictis. mihi soli datum est clauēs seruare, quibus ad vtrumque aperitur via. 19 Neque aliam ob causam nunc veni, nisi vt tibi injungam, quæ vidisti, omnia conscribas: nam breui euenient.



## CAP. II.

*Monitio, hortatioque ad ecclesias Ephesi, Smyrnæ,  
Pergami, & Thyatiræ.*



Angelo igitur, qui est ecclesiæ Ephesinæ pastor, hoc scribe: Qui septem stellas, vel septem pastores amicâ dextrâ suâ vi & ope sustentat; & inter septem illa aurêa candelabra ambulat, septem ecclesijs excubans, hæc dicit tibi: 2 Noui opera tua, & laborem tuum, & tolerantiam tuam: & quod improbos tecum conuersari non passus fueris: sed explorâris eos, qui se dicunt in ecclesia Ephesina apostolos, cum non sint: & mendaces esse deprehenderis. 3 Tu quoque magno grauaris onere: & patienter id tulisti; & mei nominis amore multum laborasti; nec tamen defatigatus es. 4 Sed eò tecum expostulem necesse est, quòd charitas tua refrixerit. 5 Recognosce ergo vnde excideris: &, pœnitentiâ actâ, tete ad priora opera conuerte. aliàs, ego iram meam citò in te vertam: & de loco, in quò est, mouebo candelabrum; ipsum Euangelij lumen de ecclesia tua, ni maturè resipueris. 6 Veruntamen bene facis, quòd facta Nicolaitarum oderis, quæ & ego odi. 7 Quisquis habet aures, nec iuuuitus me sequitur, is audiat; & sibi ex ijs exemplum sumat, quæ Dei Spiritus dicit septem ecclesijs; vel earum nomine septem pastoribus. In hoc aduersus Satanam bello dabo victori edere de arbore vitæ, quæ est in medio Paradisj Dei; eum perennis in cœlis vitæ compotem facturum. 8 Angelo verò vel pastori ecclesiæ Smyrnæ scribe: Hæc dicit primus & vltimus, qui erat mortuus, sed nunc viuit: 9 Noui opera tua, afflictionem tuam & paupertatem. sed diues es; scilicet, gratiæ. noui etiam quibus blasphemijs in te vsi fuerint, qui sibi Iudæorum nomen falso arrogant, quum ad Satanæ synagogam prorsus pertineant. 10 Quoties a Diabolo inquietatus fueris, noli expauescere: ille nonnullos vestrum carne affliget, & persequetur, vt exploratior fiat constantia vestra: & rebus prememini aduersis ad decem dies, nempe ad aliquod temporis spatium. Sed vestra fides in mortem duret: & perseverantiæ præmium dabo vobis, coronam perennis vitæ. 12 Qui habet aures audiat, quid Spiritus dicat ecclesijs. Qui vicerit non lædetur à morte secunda, quæ est infernus. 13 Angelo verò aut pastori ecclesiæ Pergamenensis scribe; Hæc dicit, qui habet gladium ancipitem: noui opera tua; & vbi habitas, nempe vbi thronus est Satanæ; in impiorum colluie: non tamen fidem in me tuam abnegasti, ne quidem ijs temporum angustijs, quibus Antipas, martyr ille meus fidelis, occisus est apud vos; vbi manet Satanas; nempe improborum hominum sentina. 14 Sunt tamen nonnulla quæ vobiscum expostulem. quòd patiamini inter vos hærere, qui doctrinæ Balaam etiamnum adhærent:

Cap. 1. ver. 10  
Psal. 63.  
Cap. 1.

Pseudapostoli  
in Ephesina  
Ecclesia.

Eius excidium  
nisi pœnitentiam  
egerit.

Cap. 1.  
Ioh. 12. 35.  
Nicolaitæ.  
Prou. 15.  
Matth. 23.

Ephes. 2. 3.

Ecclesia Smyrnæ  
afflicta,  
sed non oppressa.  
Psal. 91.

Pergamus  
prima Attalia  
vrbs.

Antipas  
martyr.

1. Cor. 10. 14.

qui persuadent hominibus, ut de ijs comedant, quæ idolis immolantur; scortationesque & impuras carnis libidines consecrentur: eadem namque Balaaco consulebat Balaamus, ut Israelitis scandalum obijceret.

15 Peccas quoque, dum pateris inter vos viuere, qui doctrinam Nicolaitarum tenent, quam ego odi. 16 Resipisce igitur tempestiuè: sin minus, veniam aduersus te cito; eos, qui inter vos sunt, prostraturus gladio oris mei; videlicet, verbi mei virtute. 17 Qui habet aures ad audiendum, audiat, quid Spiritus dicat Ecclesijs. Victori dabo edere de occulto illo & abscondito manna; me ipso, inquam, spirituali fidelium alimento: cuius erat typus manna illud in arca repositum. Calculum quoque illi dabo candidum; electionis, seu imputatæ iustitiæ tesseram; & inibi nouum inscriptum nomen. Puta, nomen eius consignabitur in libro vitæ: quod nemo nouit, nisi qui accipit: nam electionis certitudo soli electo perspecta est. 18 Angelo vero aut pastori ecclesiæ Thyatrensis scribe: Hæc dicit filius Dei, cui oculi sunt instar flammarum ignis, pedes vero instar æris splendentis. 19 Noui opera tua, & charitatem, & eleemosynam, & sedulam infirmorum procuracionem, fidem tuam, patientiam; & in summa, quæcunque facis: sed in primis mihi grata est constantia, & perseverantia tua, eoque tenax propositi, ut vltima tua opera meliora sint primis. 20 Sed habeo aduersus te pauca; nempe, quod mulierem quandam, impietate & idolatriâ alteram Iezabelem, patiaris se pro prophetissa gerere; docentē, seducentemque seruos meos, ut scortationibus & impuris corporis libidinibus se polluant; & de ijs edant, quæ idolis immolata sunt. 21 Nihilominus illi tempus indulgi, quo impuritatis suæ poenitentiam ageret, & noluit. 22 Ecce igitur, ego illam in lectum abijciam; in peccatorum suorum volutabro eam oppressurus: & grauissimis eos affligam malis, qui cum ea mechantur, nisi tempestiuè resipuerint. 23 Liberos autem eius occidam, & delebo; nempe vniuersos impiæ doctrinæ sequaces; ut omnes ecclesiæ & fideles intelligant, mihi omnium cordium peruia esse arana: & à me, iustissimo brabeuta, præmia singulis secundum opera sua esse expectanda. 24 At vobis dico, quotquot Thyatyræ estis mendacis illius doctrinæ exortes; nec abyssum illum, & Satanicæ iniquitatis, cui se affines esse alij fallò negarunt, mysterium nouistis: non aliud vobis onus imponam, quàm quod constanter etiam nunc fertis: 25 Scilicet, ut, quod habetis, usque in meum aduentum viriliter retineatis. 26 Nam qui vicerit, & onus à me impositum usque ad finem tulerit, dabo illi potestatem in gentes: ut de mundo debellato triumphet. 27 Ille gentes reget ferrea virga: & conterentur ut vasa fictilia, quemadmodum ego potestatem a Patre meo nactus sum. 28 Ego illi Phosphorum dabo: nam ut cæteris astris lucidior est Phosphorus, sic præfulgida erit illius inter æquales gloria. 29 Qui habet aures ad audiendum audiat, quid Spiritus dicat Ecclesijs.

## CAP. III.

*Admonitio hortatioque ad Ecclesias Sardium, Philadel-  
phia, & Laodiceæ.*

**A**ngelo autem vel Pastori Ecclesiæ Sardienſis ſcribe: Hæc Sardeis  
dicit, qui ſeptem Dei ſpiritus habet; nempe, cui ſpiritus  
ſanctus indiuiduo nexu coniunctus eſt; penes quem eſt  
diſpenſare electis ſpiritus Dei dona; quique ſeptem ſtellas  
habet: nempe, cui vos ſeptem paſtores, vt capiti, ſubeltis. Noui opera  
tua: nam dicitis vos viuere, & mortui eſtis: fides enim veſtra ſterilis fa-  
cta eſt. 2 Eſtote igitur vigilantes: & expergificimini è deſidia veſtræ  
& ſecuritatis ſomno: ſtabilite de integro, quod in vobis emortuum eſt;  
reſtaurantes zelum ardoremque pietatis, quæ in vobis reſrixit, & penè  
iam extincta eſt. Nam certè opera tua non ita ſancta & pura deprehen-  
di, vt coram Deo periculum examinis ſuſtineant. 3 Memento igitur,  
quæ ſemel acceperis & audieris, vt ea obſerues & reſipiſcas. Quod niſi,  
vt præmonui, vigilaueris; veniam furis more: vos enim nec opinantes  
opprimet dies ille probationis, ni omni loco & tempore in procinctu  
ſitis. 4 Habetis tamen nonnulla capita Sardibus; ſpectabiles nimi-  
rum homines, qui non inquinauerunt veſtimenta ſua; nec, cæterorum  
exemplo, mores ſuos deturparunt. Ideoque mecum incedent candida-  
ti; nempe meæ innocentia meritis veſtit; digni enim ſunt. 5 Qui vi-  
cerit, amictu candido imputatæ ſanctitatis amicietur. Nec nomen eius  
e libro vitæ expungam; ſed coram Patre meo cuiusque Angelis eum in-  
ter meos agnoſcam. 6 Qui habet aures ad audiendum, audiat quid  
ſpiritus dicat Eccleſijs. 7 Sed Angelo vel Pastori eccleſiæ Philadel-  
phiensis ſcribe: Hæc dicit ille, penes quem vnus eſt ſanctitas, & veri-  
tas, & claues Dauidis; qui aperit & nemo claudit; clauditque & ne-  
mo aperit; vt ait Eſaias. Nam vt Dauid regiâ & prophetica dignitate ty-  
pus meſ fuerat; ſic ego veritas & conſummatio illius typi, ſolus poſſideo  
ſpirituales illas claues, abſoluendj, damnandique in æternum. 8 Noui  
opera tua: ecce propoſui in tuo conſpectu oſtium apertum, quod nemo  
poſſit claudere: quia ſecretum illud electionis & reprobationis arbitri-  
um mihi ſoli ſeruauj. Vobis verò hoc ideo gratificari voluj, quòd virtu-  
tis & honeſti nonnihil retinueritis; verbum enim meum obſeruatiſti;  
& non negatiſti nomen meum. 9 Ecce igitur, ego illos, qui ſunt de  
Satanæ ſynagoga, tuo ſubdam arbitrio: illos intelligo, qui ſe Iudæos  
mentiuntur, quum nihil minùs ſint. Faciam, inquam; vt veniant, & a-  
dorent ante pedes tuos; & nolentes volentesque ſciant te mihi cordi fu-  
iſſe. 10 Et hæc tibi ſtatui benefacere: quia laborum meorum & tole-  
rantia nuncium conſtanter ſeruatiſti. Idcirco ego te è periculo vindicabo,  
vt incolas terræ iudices. 11 Ecce venio citò, propterea uſque in finem

Philadelphiæ.

Cap. 22.



conserua bonum quod habes ; ne quis alius tuâ coronâ & mercede potiatur. 12 Qui vicerit, faciam, vt is sit columna in templo Dei mei : nempe instrumentum architectonicum, & stabile in Ecclesia ; vnde nunquam exterminabitur ; nunquam enim reijcitur, qui semel eligitur. Et nomen Dei inscribam illi : nempe, sigillum & characterem electionis circumferet ; et vocabulum ciuitatis Dei, quæ est noua illa Hierusalem ; videlicet sacer ille & beatus Angelorum & Sanctorum cœtus, cœlitus veniens à Deo meo, cuius certus erit & citus descensus ad generalis iudicii comitia. Illum quoque meo nomine insigniam : nam vniuersalem illam humani generis redemptionem illi nominatim applicabo ; & sic nouo meo nomine insigniam ; nimirum, *Redemptoris & Saluatoris* : cuius ego nominis honorem patiando, moriendo, resurgendo mihi non ita pridem acquisiui. 13 Qui habet aures ad audiendum, audiat quid Spiritus dicat Ecclesijs. 14 At Angelo vel Pastori Ecclesiæ Laodicæ scribe ; Hæc dicit, *Amen*, ille ex asse sanctus, & vbique tenax promissi ; testis ille fidelis & principium opificij Dei : tum quia ipse est verbum illud omnireans, & sic cunctarum rerum principium, quæ ab eo initium sui & esse acceperunt : tum quia in illo vnio fuit humanæ diuinæque naturæ hypostatica, omni ex parte absolutissima : atque ita principium erat ; id est, diuinorum operum præcipuum, & maxime illustre. 15 Noui (ait ille) tua opera : nempe, te nec frigidum esse, nec feruidum. Vtinam frigidus esses, aut feruidus : & vel veritatis ardore candesceres, vel planè frigidus & ignarus fieres : vt inscitiam teporemque confessus disciplinæ remedium admitteres. 16 Sed tepidus es : & nec frigidus nec calidus : ideoque inexcusabilis. Et quoniam à natura comparatum est, vt tepida vomitum cieant : ego te quoque ex ore meo euomam. 17 Dicis enim, & putas diuitem te esse, & opulentum ; cui scilicet nihil desit : sed non nosti, quàm sis spiritu miser, & ærumnosus, & pauper, & cæcus, & Dei gratia fauoreque nudus. 18 Consulerem tibi, vt à me aurum emas, igne purgatum ; vt verè inde ditescas ; hoc volo, vt Dei verbum, veritatemque sincera pœnitentia & seria prece exores (quod verbum cum labis & maculæ exors sit, & examinis patiens, Dauid in Psalmis auro in ignibus spectato assimilat) inde erit tibi affluentia donorum Spiritus. Consulerem etiam vestimenta candida induaris, videlicet, innocentiae & sanctitatis ; ne nuditatis tuæ & impuritatis conspicua sit fœditas ; & collyrio oculos inungas, vt perspicias vnde excideris. 19 Noli tamen admonitionis meæ acrimoniâ spem abijcere. Nam quos amo, paterna charitate arguo, & castigo. Prior igitur zelus te reuocet in orbitam salutis : & non fictam anteaactæ vitæ pœnitentiam agas. 20 Ecce sto ad ostium, & pulso, me enim repræsentō vobis in legatis meis, & verbum meum in eorum ore. Quisquis vocem meam audierit, & ostium aperuerit ; nempe, qui auscultauerit, & iussa fecerit, ad illum ingrediar ego ; nempe, animæ illius tectum Spiritus meus subibit ;

& cæna.

Laodicea.

Sententia in  
Laodicæam  
pronunciata.

& cœnabo cum eo familiariter, & ille mecum : misitque amore reuerentiâ complectetur me. 21 Qui vicerit, faciam, vt mecum sedeat in throno meo ; nempe, gloriam meam illi impertiam : quemadmodum ipse sedeo cum Patre meo, in throno eius ; humanâ mea natura, in qua vici, euectus ad gloriosum dextrę eius adfessum, potentia, æternitate, & gloria illi æquatus. 22 Qui habet aures ad audiendum, audiat, quid Spiritus dicat ecclesijs.

## CAP. IV.

*Ecstasis scriptoris. Maiestatis diuinæ in cœlis descriptio, Angelis & sanctis stipata sub sanctorum & seniorum figurâ.*



**I**N verbis Iesu finitis, suspexi ; & ecce ostium vidi in cælis apertum, per quod typicam illam venturarum rerum figuram oculis, & auribus haurirem. Prima vox, quæ & antè mecum sermocinata erat, canora vt tubæ, Iesu Christi fuit, dicentis mihi ; ascende huc : nam tibi ostensus sum ea, quæ post fieri oportet. 2 Statim igitur fui correptus spiritu. Nam terrea hæc, & crassa oculorum acies penetrare haud potuisset in cœlestia illa, & spiritualia arcana. Et ecce thronum intuitus sum, in cœlis positum ; & quendam in eo sedentem : nempe Deum patrem, gloriâ & maiestate verendum. 3 Is autem, qui sedebat, Iaspis lapilli, & Sardij colorem referebat ; vt iaspidis virore indefessa eius & æterna iuuentus ; igneo verò Sardij rubore splendor eius eximius indicaretur, & visigneæ, qua explorat electos, eosque à reprobis discernit. Eum verò circumquaque ambibat iris, smaragdino colore perfusa : vt, quemadmodum, statim à diluuiio, sacramentum esse voluit iridem promissionum factarum Noacho ; ita nunc eadem throno eius circumducta pro sacramento foret, nunquam interituros electos : quos circum omni diligentia & labore excubiturus sit, ne quid olim capiant detrimenti : viridis hæc iris erat, instar smaragdi ; vt perpetua illius præsidij, & curæ assiduitas significaretur : & quemadmodum aspectum reficit smaragdus, sic ab hoc sacramento manaret electis ineffabile, in rebus aduersis, solatium. 4 Et circum thronum eius viginti quatuor sellę locabantur, queis insidentes vidi viginti quatuor Seniores, aut rectores ecclesiæ, amictos vestibus albis, & habentes impositas capitibus suis coronas aureas. Hi sunt duodecim Patriarchæ, & totidem Apostoli : qui quòd in vetere & noua lege præcipui doctores viam munierint ad Iudæorum & Gentium salutem, donantur honore sellæ circum thronum ; & amictu splendoris & innocentie vestiuntur ; nimirum candido, & coronantur coronis aureis in signum victoriæ : Satana, scilicet, & carne profligatis, gloriosa hac ornatj mercede. 5 Prodebant autem à throno tonitrua, fulgura, & voces terribiles ; vt grauitatem terroremque pœnarum nobis ponat ob

Ezech. 1.



nat ob oculos, quas denunciauit in vetere lege, & infixit improbis. Et erant septem lampades ignis ardentis ante thronum : qui est efficax ille, infinitus, & flammeus diuinj spiritus fulgor, referens amorem & lucem nouæ legis, vel Euangelij Christi: 6 Erat etiam ante thronum mare vitreum, simile crystallo : propterea quod Deo, tanquam per vitrum, omnia quæcunque actuum nostrorum aut cogitationum arcana pelluceant, vbiuis tandem in orbe ; qui hoc loco sub *maris* nomine illj ante faciem sistitur. Nam nihil est illius aut præsentia, aut præscientia occultum. Et quanquam, specietenus, viuis aquarum fontibus hic mundus similis videatur ( quod electorum est proprium, affluentium nimirum bonis operibus ex fecundis fidej venis ) sine motu tamen & humore, instar vitri, iacet, quandocunque Dominus Iehoua sua in eum detonat iudicia. Et in medio thronj, & circum eundem quatuor erant animalia : in medio erant eorum posteriora : sustinebant thronum humeris : capitibus & alis circundabant : antè & retrò plena oculis erant hæc animalia. Hic supremus est Angelorum ordo, sacri Cherubini : quorum quaternarius numerus tum quatuor qualitatibus respondet, queis diuinam voluntatem exequentur ; de quibus post dicetur : tum quatuor mundi plagis, ad quas diuino iussu commeari solent : sunt enim velutj quatuor cardinales ventj, diuinam misericordiam & iustitiam, quoquo illi visum fuerit, spirantes : thronum, quem ambiunt, sustinent : vt sciamus primas inter omnes tenere ; & ( quod per *anthropopatheian* intelligendum est ) fulcra esse, & scabella gloriæ ipsius. Antè & retrò insitj oculj præteritorum & futurorum, quæ quidem ipsoꝝ fidej commissa sunt, certam arguunt notitiam ; & assiduam eorum vigilantiam in faciendis Dei iussis. 7 Animal autem primum erat simile leoni : secundum erat simile vitulo : tertium habebat faciem hominis : & quartum erat simile aquila volantj ; vt dotes, queis pollent eximijs, dum diuina iussa exequentur, nobis innotescant ; nimirum insignis vis, & fortitudo, cum patientia, & pertinacia laboris, quantuscunque & quotiescunque illis imperabitur : tum prudentia insignis, & mirabilis omnia exequendj pernitas. 8 Et quatuor animalium singula sex alas in circuitu habebant ( de quibus olim Esaias ) binæ erant lacertis affixæ, queis eorum in iussis Dei capeffendis indicatur celeritas ; binæ obtendebantur vultui : quia tam splendida est Dei gloria, tam corusca maiestas, vt nec Angelj ipsi, creaturarum dignissimj, oculos contra queant attollere. Binæ denique pedibus adhærebant ; abstergendo, scilicet, terrenæ impuritatis contagio, quoties nobiscum hîc in terris versantur. Nam quanquam sæpe creatoris iussu in terras comceant, nesciunt tamen omnino inficj humanæ corruptionis & peccati labe : & vt hinc discamus adeo ab eorum gloriâ superari mortales, adhuc repentes humj, vt sicut Angelis non datur sine velo illius *Ter maximi* maiestatem intueri, ita nobis ne minimam quidem Angelicę gloriæ particulam liceat videre. Intus quoque refertis-

Ezech. 10. 12.

Esaï. 6. 8.

ssimj



simj erant oculis, quibus assidua fruebantur Dei visione, quæ ab intimo & inæstimabilj illius amore nascebatur. Hunc amorem perenni hymno testabantur in hæc verba : *Sanctus, sanctus, sanctus est trinus ille Dominus Deus, omnipotens, qui semper erat, nunc est, & reueniet; ductus plenitudine gloriæ & potestatis.* 9 Et cum tribuebant illa animalia gloriam & honorem & gratiarum actionem ej, qui throno infidebat, viuenti in sæcula sæculorum; 10 Viginj quatuor seniores, his proximj, procidebant in faciem, coram eo, qui throno infidebat: & adorabant illum viuentem in sæcula sæculorum: eique ad pedes abijciebant coronas suas aureas; quas, nempe, illi solj acceptas ferebant, dicentes; *Dignus es, Domine, qui accipias gloriam, & honorem, & virtutem: quia tu condidisti omnia, & per voluntatem tuam subsistunt, & creata fuerunt.* Hic fulgor gloriæ mihi in cœlis conspectus est, quo tempore mandata accepi, quæ visionibus meis continentur, de rebus præsentibus, & futuris, in tota militante ecclesia.

## CAP. V.

*Descriptio libri, in quo continebantur mysteria reuelata Apostolo: Eorum resignatio facta à Christo, sub figura Leonis & Agn. Decantantur idcirco eius laudes à Sanctis & Angelis; qui absque intercessore singuli gratias agunt, & laudes canunt Mediatorj.*

**L**VM primùm ad dextram eius, qui infidebat throno, librum vidj: illum nempe, qui mysteria continebat: totum exaratum & intus & a tergo: a tergo scribebantur visiones mihi conspectæ, & mox vobis reuelandæ: intus verò familiaris interpretatio omnium pertexebatur; cum proprijs rerum nominibus, quas visio exhibuerat: vt sciatis nondum mihi permissum à Domino hæc orbi vulgare: nec dum enim tempus est. obsignabatur liber septem figillis: partim, vt nemo hominum admitteretur ad secretum: partim, vt liquidius constaret, certo certius hæc esse euentura, quæ prædicta sunt. 2 Et vidj Angelum validum prædicantem voce magna: Quis est dignus, qui aperiat librum, & soluat figilla? 3 Sed nemo dignus inuentus est, neque in cœlo, neque in terra, neque infra terram, qui vel librum inspiceret, nedum aperiret: quis enim Dæmonum, vel Angelorum, profunda illa Dei arcana vel ausit attingere, vel possit assequi? quis futura, nisi quatenus illi libitum est ijs reuelare vel concedere? 4 Flebam igitur ego multum, quòd nemo dignus inuentus esset, qui aperiret & legeret librum; imo nec inspiceret eum. 5 Tum vnus è senioribus illis dixit mihi: ne fleto; ecce vicit Leo ille de tribu Iudæ, mirifica pollens carnis suæ potentia, ex ea tribu propagatæ; qua peccatum, Dæmonem, & infernum deuicit, & idem ille est è Dauidis stirpe (cum Dauid è maioribus eius fuerit secun-

Dan. 12. 4.  
Esa. 24. 11.  
Ezech. 2. 10.

rit secundum carnem, & typus etiam venturj) vnus hic dignus inuentus est, qui librum aperiret, & eius sigilla resignaret. 6 Igitur animaduertj, & ecce inter thronum, & quatuor animalia, & Seniores, vidj secundam Trinitatis personam, cum Deo sedentem, instar hominis, & fratris nostri; agnum, inquam, velut immolatum; vt innueret se olim, quamuis occisum, resurrexisse tamen: septem cornua habebat, & septem oculos; vnde infinitus ille potens sanctusque Dei Spiritus innuitur, quem, vt omnia prouidè dirigeret, sapienter instrueret, fortiter administraret, in orbem terrarum emisit. 7 Is agnus igitur venit, & accepit librum è dextra illius, qui throno insidebat. 8 Et vt librum manu apprehendit, quatuor animalia, & viginti quatuor Seniores ante agnum in facies suas prociderunt, adorantes illum: habebantque singuli in manibus suis cytharas, & phialas aureas plenas suffituum: hæ preces erant Sanctorum, à quatuor animalibus nomine totius ordinis Angelici; & à viginti quatuor Senioribus, ecclesiæ tam militantis quàm triumphantis nomine effusæ, cum iam Christum detecturum cernerent, quibus terra & ecclesia tentationibus ante nouissimum diem quatiendæ essent. ex triumphantis ecclesiæ parte gratiæ agebantur agno, quod libro aperiendo militantem contra omnia tentationum inscriptarum discrimina præmuniret. ex parte militantis votum erat, vt maturaret agnus finem & dissolutionem rerum; quod omnes creaturæ gemendo suspirandoque à Creatore suo exposcunt. Animantia & Seniores preces suas singuli offerunt insidenti throno; vt liquidò constet eum, quemadmodum mediator est, cui soli nostræ preces debentur, ita absque vlllo intercessore nobis esse ad eundum. Debemus vnusquisque, animalium & seniorum exemplo, illum ipsum precantes compellare. Includebantur cytharis hæ preces; vt sciamus, quàm dulce melos adferant diuinis auribus vota fidelium. includebantur aureis phialis; vt discamus preces, Deo gratas, ex corde intaminato, vt purgatissimo auro, depromj. Porro *suffitus* appellantur; quia nihil adoratiùs hoc precum suffitu diuinis naribus potest accidere. hoc ipsum veteris legis suffimenta adumbrabant, de quibus multa in Psalmis Dauidis. 9 Illi verò viginti quatuor seniores hymnum nouum cecinerunt: eius enim materia (mysterij scilicet redemptionis nostræ consummatio) noua est; illiusque in gratis hominum animis vsque & vsque virere & renouari debet memoria. hymnus ita habebat: *Dignus es Domine, qui accipias librum, & aperias eius sigilla; quoniam innoxius mactatus es; & per sanguinem tuum pretiosum nos Deo Patri redemisti; nosque ex omni populo, lingua, tribu, natione selegisti, tam Iudeos quam Gentiles.* 10 Et fecisti nos Deo nostro Reges, & Sacerdotes spirituales: nempe, in supremo illo, vniuersoque iudicio dominabimur terræ, & participabimus, instar Regum, gloriam sanctæ ciuitatis, nouæ Ierusalem. 11 Tunc aspexi; & audiui in circuitu thronj, animalium, seniorum, multorumque Angelorum voces: eorum multa erant millenorum millia, & omnino legiones

Exod. 30. 7.  
Psal. 141. 2.

Psal. 144.

legiones innumere. 12 Dicebant alta voce: *Dignus est agnus ille mactatus, qui accipiat potestatem, & diuitias, & sapientiam, & vires, & honorem & gloriam, & benedictionem in aeternum.* 13 Sed & creaturas cælij, & terræ, & infra terram, & in mari, omnes sua voce dicentes audiui: *Ei, qui throno insidet, & agno, benedictio sit, & gloria, & honor, & potentia in sæcula sæculorum;* & quatuor animalia dicebant *Amen*: & viginti quatuor Seniores procidebant in facies suas; & adorabant eum, qui viuit in sæcula sæculorum.

## CAP. VI.

*Aperiuntur prima sex sigilla. Euangelij propagatio per album equum significatur in primo sigillo. persecutio innuitur per rufum equum in secundo. coluuius hæreseon per nigrum in tertio. papatus eiusque tyrannis per pallidum in quarto. querela Sanctorum, & liberatio promissa: eorumque interea felicitas, in quinto. diei nouissima terror in sexto.*



Qbseruabam deinde, quando agnus primum sigillum aperiret: & ecce audiui vnum è quatuor animantibus (nam mihi in ecstasi in rapto datae erant præsidio perfectissime hæ Dei creaturæ) & vox eius erat instar tonitruj, cum terrore me expergefaciens; vt magnis tremendisque vaticinijs, quæ iam iam Deus explicaturus erat, animum aduerterem: & dixit; *Veni & vide.* 2 Tum aspexi; & vidi album equum. & qui insidebat ej, arcum tenebat manu: & data est ej corona: & prodijt victor, & vt vinceret. hoc equite adumbratur aduentus, & incarnatio Saluatoris nostri, suâ innocentia lucentis. armatur arcu; nam inde ab initio aduentus suj, & post hæc tempora aliquandiu volitabit sagitta illa diuina; nempe Spiritus sanctus prædicatione verbi sub iugum mittet orbem terrarum; eumque ditione sua tenebit; & pœnas exiget ab hostibus. coronatus est victor à patre, secunda iam morte profligata; vt Princeps Catholicæ ecclesiæ fideles coronet. atque ita profilit magnificus Satanæ domitor, superaturus quicquid obstat, magnâ mundj parte ad veram numinis noticiam confertim conuersâ. verum inchoatum est modò, non perfectum hoc mysterium. 3 Quumque aperuisset secundum sigillum, 4 Ecce prodijt equus rufus; & sedenti in eo datum est, vt tollat pacem è terra, & homines mutuò in se armet: cuij rej vastus illi gladius concessus est. nam Euangelij & veritatis in populorum animis propagatio comitem habebit sanguinariam Tyrannorum sæuitiam, & gladij ciuilis diritatem. hic ille est rufo insidens equo. serpet nihilominus Euangelium, & florebit; imò (quæ Dei potentia est humanæ superbiæ resistens) sub ipsa cruce maxime vernabit puritas verj. 5 Et quum aperuisset tertium sigillum, tertium Animal mihi dixit: *Veni, & vide*: & ecce, vidi equum nigrum; & qui insidebat ej stateram manu sua habebat.

Dan. 7. 10.

Zach. 1. 8.

Zach. 6. 2. 3.

Conuersio  
gentium.Persecutio  
gladij in se-  
cundo sigillo.Continuatio  
Pastorum post  
Martyres.



habebat. 6 Et audiui vocem à quatuor animalibus dicentem : *Chenix tritici denario, & tres cheni- ces hordei denario. sed vinum & oleum ne laferis.* nam, primo mysterio consummato, vindicabitur verbi contemptus charitate annonæ & fame. præterea Deus indulgebit Satanæ pestiferâ multarum hæreseon nube affligere & tentare ecclesiam. hic ille est atro infidens equo: furua enim hæc errorum facies atra nocte inuoluet Euangelij lumen. at Deus, qui persuasum vult nobis nunquam se esse suorum immemorem, nos de throno suo verbis amicis solatur; licet bonorum virorum (qui per optimum triticum & hordeum messis suæ significantur) magna futura sit penuria, quod stateris & mensuris innuitur; quosdam tamen repertum irj, qui ne in futuris temporum angustijs genua flexuri sint Baalj. Prorsus autem confidere nos iubet, nunquam abolitum irj verbum suum, & veritatem eius; æternum illud oleum & salutare vinum: quin frendente Satana, & eius satellitibus purum putumque mansurum. 7 Et, quarto sigillo aperto, quartum animal dixit mihi: *Veni & vide.* 8 Tunc aspexi, & ecce, pallidum equum vidj, & eius, qui insidebat ei, nomen erat *Mors*. hæc omnium maxima & tristissima est pestis. nam persecutionum sæuitia cessante, & exterminatis hæresibus, sanitas Ecclesiæ frigore & debilitate tentabitur: & diuinâ iracundiâ geminabuntur priora supplicia. indulgebitur enim Satanæ ex ambabus antegressis miserijs compositam erigere tyrannidem, quæ hæresi scateat vt secunda; & sæculari crudelitate infamis sit, vt prima. Eques hic, quoniam non minus animam, quàm corpus iugulat, omneque interitus genus secum trahit, iure suo *Mors* dicitur. siquidem fons est & scaturigo omnis lethi. equi autem pallor sessoris ingenio per omnia responderet. nam vt *Mors* illi nomen est, sic colore hoc graphice exhibetur. & vt eius indoles nihil est, nisi quædam hæreseos & tyrannidis mixtura; sic pallor è rufo & nigro est mixtus color. hunc equitem Infernus sequebatur, non sine sua sociorumque perniciæ. & data est ej in quadrantem terræ potestas; in eos nempe, qui trium antecedentium equitum non senserant imperium. nam qui neque signati sunt ab albo, nec corpore occisi à rufo, neque animâ à nigro; h; anima & corpore macantur à pallido. Cuj vti lethifera hæc potestas in quadrantem terræ data est, ita quadruplicj plagâ vim suam exercet, ense, fame, morte, & terræ animantibus. quæ plagis à Mose in cantico commemoratis non sunt dissimilia. huius tyrannidis infantia persecutionem inuehet: sanctorum persecutio famem & egestatem verj cultus diuinj: fames hæc secundam & æternam illam mortem. senectus eius dira, sanguisuga, terribilis, crudiore persecutione expirabit, quàm vnquam antè vsurpauerat: tam barbara & agrestis ea futura est, vt laniæ corporum, quæ feris obijciuntur, in hac visione assimiletur; neglecto ordinum, ætatum, sexuum, ferino prorsus more, discrimine. 9 Quùm verò aperuisset quintum sigillum, vidi sub altari animas eorum, qui macati fuerant propter verbum Dei, & propter testimo-

Hæreses in  
tertio sigillo.

Papa significa-  
tur per equum  
pallidum in  
quarto sigillo.

Raritas Pasto-  
rum & diuini  
cultus.

Sæuitia Papæ.

ter testimo-

ter testimonium, quod tuebantur. 10 Clamabant autem magna voce, dicentes: *Quamdiu cunctaberis, Domine, quum sanctus sis & verax, iudicare; & vindicare sanguinem nostrum in eos, qui habitant in terra?* tantâ enim vehementiâ detonuit hæc extrema in orbe persecutio, torque martyres exanimauit, vt eorum animæ quiescentes sub altarj; id est, Iesu Christi tutela; patrem gemitu inuocârint. Solus enim ille altare est, super quo & per quod nobis fas est illam cordium nostrorum & labiorum victimam, deuotas inquam preces, Deo Patrj offerre. Clamor sanguinis ijt in cælos, iustam tormentorum ultionem in improbos deposcens; & accelerationem vniuersi finis rerum, vt fratres adhuc superstites liberentur. 11 Tum datæ sunt singulis stolæ albæ: & dictum est ijs, vt requiescerent adhuc paulisper, donec compleretur Deo numerus conseruatorum, fratrumque, crucis sociorum, qui occidendi erant sicut ipsi. quo nullum maius aut diuinius obtigit militanti Ecclesiæ solatium. hoc enim sigillo certa nobis fides facta est animas martyrum, statim vt corpora occisa sunt, perpetuâ & coruscâ in cælis ipsis (nusquam aliò conuerso itinere) donari gloriâ, quæ candidis stolis significatur. tum vero continuò, vt earum plenus est numerus (quod breui fiet) Deum cum persecutoribus seuerissimam inire rationem: quo tempore illj lucidissimis animæ, corporisque dotibus ornabuntur in æternum; hj animæ & corporis interminatas patientur misérias: vt in illis perdendis diuina iustitia, his beandis misericordia fulgeat. 12 Deinde adspexi, quum aperuisset sigillum sextum; & ecce terræ motus magnus factus est; & sol factus est niger, vt saccus cilicinus; & luna tota facta est sanguinea. 13 Et stellæ cælj ceciderunt in terram, sicut ficus abijcit grossos suos, cum vento magno concutitur. 14 Et cælum abscessit, sicut liber qui conuoluitur: & montes & insulæ è suis locis emotæ sunt. 15 Et Reges terræ, & Optimates, & diuite, & tribunj, & potentes, omnesque, tum seruj tum ingenuj, occultarunt se in speluncis, & in petris montium. 16 Et dixerunt montibus, & petris: *cadite in nos: occultate nos a conspectu eius, qui insidet throno, & ab ira agnj.* 17 Nam veniet dies ille magnus iræ illius, & quis potest stare? hæc illius dissolutionis, quæ in quarto sigillo petita & promissa fuit, consummatio est. terribilia hæc, in quinto sigillo memorata, mutationes sunt, & signa nouissimi temporis; eadem illa, quæ a Christo Domino, dum in terris ageret, prædicta fuere.

Hof. 14. 3.  
Heb. 13. 15

Matth. 24. 29.

Luke 23.

## CAP. VII.

*Digressio solaminis plena de diuina erga electos cura, quo tempore grauissimis periclitantur tentationibus: quod visione quatuor Angelorum, & felicij electorum conditione innuitur.*



Erūm; ne forte ego vel quis alius de electorum præsidio & salute hic dubitaret, quasi probi cum improbis promiscua in his calamitatibus inuoluerentur ruina; quatuor Angeli meo sistebantur aspectuj, insistentes quatuor angulis terræ; retinentes quatuor ventos, ne in terram, aut mare, aut vllam arborem spirarent. 2 Et vnum vidj Angelum, ascendentem ab ortu solis, habentem sigillum Dei viui, qui acclamauit magna voce quatuor illis Angelis, quibus datum est lædere terram & mare. 3 Dicens: *ne lādite terram, neque mare, neque arbores, quousque ob signauerimus seruos Dei nostri in frontibus.* Hi Angeli numero quidem quatuor; quia quatuor terræ angulis insistent, parati in omnes terræ partes diuina exequi iudicia, quanquam iam ventos à flando, id est, progressum Euangelij impediissent in terra, qui est mundus, in mari, quod est populorum series, in arboribus, quæ sunt magistratus ciuiles & Ecclesiasticj: vnus tamen Angelus ab ortu Solis venit, legatus nempe à Christo, vera electorum Aurora, dieque oriente, & sole illo iustitiæ, in sacris literis memorato, electis suis omnibus iubar spargente. hic Angelus vetat, ne quid amplius detrimenti inferant cæteri; quoad electi sigillo, quod eò secum ferebat, in frontibus notentur: quibus tam conspicuo nimirum insignitis charactere in vniuerso illo rerum excidio parcerent. Vnde certò nobis constet tantæ curæ esse Deo electos, vt & ante pericula illis prospiciat: vt Noacho olim fuit, & Lotho, eorumque familijs, in diluuiio & excidio Sodomæ. 4 Et audiuj numerum signatorum in Israelfuisse centum quadraginta-quatuor millia. nam ex singulis tribubus duodecim millia signabantur, ex quibus iunctis ille numerus conflatur. è singulis tribubus ideo numerus quidam seligebatur, vt constaret è singulis quosdam saluari. 9 Et vt certus essem non minus ad gentes, quam Iudæos regnum cælorum attinere; mihi innumerabilis hominum monstrata est turba, ex omnibus gentibus, & tribubus, & populis, & linguis conflata: stabantque ante thronum, & in conspectu agni, amictj stolis albis: & palmas manibus tenebant, ex longo & difficilj bello victoriæ tesseram. 10 Et clamabant omnes vna voce dicentes: *salus nostra à Deo est, qui throno infidet; & ab eius agno*: nempe eorum salus à Deo Patre per mediatorem filium profecta est. 11 Tunc omnes Angeli, qui thronum & Seniores & quatuor animalia circumstabant prociderunt in facies, & adorarunt Deum; gratias agentes de clementiâ in electos, siue

2. Pet. 1.  
Luc. 1. 7.  
Malach. 4.



siue Iudæos siue Gentiles, & de iustitia in cæteros. 12 Dicentes, Amen. nempe approbantes, quæ facta erant: plenoque ore fatentes benedictionem, gloriam, sapientiam, gratiarum actionem, honorem, virtutem, & potentiam soli Deo suo iure competere in sæcula sæculorum. 13 Tunc me compellauit vnus ex Senioribus, dicens: isti, qui amicti sunt stolis albis, quoniam sunt & vnde venerunt? 14 Ego respondi & dixi: Domine, tu nosti. tunc dixit mihi: hi sunt, qui sospites facti sunt, & ex ingentibus ærumnis huc euaserunt: & vestimenta sua lauarunt: eaque in sanguine agni dealbarunt. nam vi mortis eius, cuius sanguis vnica est delictorum nostrorum purgatio, per imputationem iustificati sunt. 15 Ideo sunt ante thronum Dei: & colunt Deum die & nocte, in templo eius: nempe illius gloriam sine intermissione contemplantur, & assidua gratiarum actione illi seruiunt, laudantque nomen eius in cælis: quod æternum est templum magnificentiae eius. & qui throno insidet nunquam non cum illis versabitur, nec conspectui suo olim patietur illos subduci. 16 Non esurient amplius, neque sitient. nec ijs sol aut æstus molestus erit. 17 Quoniam agnus, qui in medio throni est; nempe pari cum patre suo potestate, pascet eos; & ducet eos ad viuos aquarum fontes: vbi panem illum spiritualement & viuificum edent: potum spiritualement & viuificum bibent; nempe seipsum. quam aquam fæminæ Samaritidi pollicebatur ad fontem: & abstergebit Deus lachrymas ab oculis eorum. nam & præsentis lætitiæ magnitudo delebit ex animis præteritorum dolorum, ærumnarumque memoriam: & beabit eos æternis gaudijs, nullo læsis molestiæ aut metus confinio. ita nec eos Solis ardor torrere poterit, neque vllus alius æstus, queis rebus calamitates & mærores notantur.

Ioh. 4.1

## CAP. VIII.

*Septimum sigillum aperitur. inde septem tubæ erumpunt. per ignis in altari visionem vis piarum precum indicatur. In prima tuba, per grandinem sanguine & igne permixtam, persecutiones nonnullæ & hæreses notantur. In secunda, per montem ignis immanis persecutio. In tertia, per astram aquarum fontes cadentia hæreses colluies. In quarta, per Solis & Lunæ & stellarum eclipses generalis ecclesiæ in quibusdam rebus infirmitas.*



Et cum aperuisset septimum sigillum, factum est silentium in cælo, ferme per semihoram; tam vt intelligerem omnia, quæcunque erant ventura, mihi breuiter antea fuisse indicata; quàm vt per silentium occasio meditando de rebus prius visis mihi fieret, quò articulatio earum repetitio, quam in septimo sigillo sub alijs quidem figuris nunc aggrediebatur, commodius à me perciperetur. 2 Et vidi septem An-

gelos, stantes in conspectu Dei, ut eius iussa facerent. illius arbitrio septem eis tubæ concessæ sunt, ut eas pænas, quas diuino iussu orbi erant infliguntur, vnâ omnes maiestate denunciarent. 3 Tunc alius Angelus venit, & stetit apud aram, habens in manu thuribulum aureum. & dati sunt ei suffitus multj, ut offerret preces Sanctorum super altare aureum, quod est ante thronum. 4 Ascendit autem fumus suffituum, qui sunt preces Sanctorum, è manu Angelj in conspectum Dei. 5 Deinde Angelus accepit thuribulum, recens vacuefactum; & repleuit illud igne altaris, abiecitque in terram: & facta sunt tonitrua, & voces, & terræ motus. Procliue est nobis ex hoc Angelo, & ex ijs, quæ facit, intelligere, Christum semper excubiturum suis: quorum precibus tum maximè auscultabit, cum maxima premuntur necessitate; & Spiritus sui gratia nouam aliquam Euangelij ijs affunderet lucem. Ad cuius rei certitudinẽ iam iam huius Angeli visio mihi monstrata fuit. quasi quæ septem sigillis modò patefecerat, totidem nunc tubis pensiculatiùs exhibiturus sit. Angelus hic Christus erat: altare pariter (ut ante monuj) idem ille est. quod ante altare steterit, signum est, ex officio mediatoris facturum fuisse illum, quæ sequuntur. thuribulj, quod manu tenet, perpetuus est custos. in hoc sunt suffitus ad eum missi à Sanctis; preces nempe, quas ipse mediator Deo Patri repræsentet. est porrò ara haud vnquam è conspectu Dei emota; ad quam semper litatur. inde ad Deumhalat suffitus huiusce fumus, ne dubitemus eum exorari, quoties hoc ritu oratur. Huius rei fructus ex eo manifestus est, quod Angeli thuribulum ex igne altaris repleuerint, & in terram abiecerint, vnde illi, de quibus audiuitis, fragores sequuti sunt. nam precibus nostris adductus mediator ex aurea pyxide, id est, potentiæ suæ thesauro ignem ab ara demittet, nempe, Spiritum sanctum, qui iugiter cum ipso est; ut tonitrua, & fulgura, & terræ motus cieat. nempe, ut virtutem Euangelij in cordibus fidelium renouans legem de integro promulget. nam ad antiquæ legis promulgationem, cuius prænunciij erant isti sonorum terrores, hic alluditur. hæc illa est indefessa Domini de nobis sollicitudo. sic ille in rebus dubijs nostram suffulcit infirmitatem. 6 Et septem Angeli, qui habebant septem tubas, præparauerunt se ut clangerent. nam licet antè acceperint mandata; exequi tamen illa adhuc ijs non licuit; sicut nec quatuor illis Angelis licebat, qui quatuor ventos compresserant; donec Christus firmasset & munisset suorum animos, ut ibi dictum est. scilicet, ne dubitaremus, quin Saluator noster etiam antetentationum insultus, nostros humeros pares facturum sit oneribus, quæcunque imponet. 7 Primus igitur Angelus clauit: & facta est grando, & ignis sanguine mixtus: & hæc procella in terram præcipitata est: vnde tertia pars arborum exaruit, & exusta est: gramen quoque viride exaruit & exustum est. nam prima hæc tempestas, quæ jam cæpit sauire, miscebitur grandine, quæ hæresis

hæresis est. quemadmodum enim calamitas illa, quæ segeti venit ex grandine, caritatem annonæ secum ferre solet; ita messem Domini valde depauperat hæresis. hæc grando siue hæresis, quæ animæ quædam persecutio est, comitem habet gladium & persecutionem carnis, igne & sanguine hic notatam. flammiuero hoc & ancipite examine arescet arborum quidem, id est, illustrium virorum triens. pars enim maior ex ijs sospes euadet. at graminis quicquid est vbique; scilicet omnes illi, quæ malè fundata est possessio veritatis (quod genus hominum expressit Christus in parabola seminis in arenosis locis & dumetis sati) ingravescente tempestate excident veritate; & sic exucci fient & inutiles. 8. Deinde secundus Angelus clauxit: & quasi mons magnus igne ardens cecidit, & proiectus est in mare, factaque est tertia pars maris sanguis. 9. Et occisa est tertia pars animantium in mari, & tertia pars nauium interiit. nam postquam, prima calamitate cessante, mortales à peccandi licentia haud quaquam abstinuerint; excipiet secunda plaga, nempe corporum persecutio, per rufum equum in secundo sigillo significata, & hic fusiùs explicata. aceruus hic igneæ persecutionis, instar montis ardentis sanguine, inundabit tertiam, id est, aliquam partem populorum & gentium; qui per mare & aquas notantur. nam (vt de illis in secundo sigillo dictum est) mutuis se sædibus absument: ipsos inter improbos, inquam, multa erunt bella; multa sanguinis effusio; intereunte animantium omnium tertia parte, numero sane non exiguo. nimirum in tanto malo nullum genus hominum reperietur expers discriminis. sed præter cæteros vexabuntur fideles, quorum tamen pars maior incolumitate donabitur. hi nauibus denotantur: nam vt naues exundante sælo portum petunt, sic pii inter impios huius mundi, vltro citroque, & omnibus iactarum fluctibus, licet obnitente ventorum fremitu, portum tamen suum quærunt; vbi fixis anchoris ab huius mundi procellis tuti feriabuntur in æterno illo serenitatis domicilio. 10. Tum tertius Angelus clauxit: & cecidit de cælo stella magna; ardens veluti lampas: ceciditque in tertiam partem fluminum, & in fontes aquarum. Nomen autem stellæ erat Absynthium: versa est igitur tertia pars aquarum, & fontium in Absynthium: & multj homines mortui sunt ex aquis, quod amaræ factæ essent. hæc illa plaga est in nigro equo, & eius sessor prius notata. est hæc stella, ardens instar lampadis, apostasiæ & hæreseos nubes. multum à se lumen diffundet, sed quale solet esse lampadis. nam primò, quemadmodum lampadis aut candelæ lumen, dum non tales exhibet rerum colores quales in se sunt, oculos in errorem inducit; deinde verò accendentibus solis radijs penitus fuscatur: ita hoc lumen hæreseos ad tempus quidem velum obducit impietati, vt tantisper veri speciem mentiatur, donec, orientibus diuinæ veritatis radijs, penitus cæcutiat & euanescat. harum neruosior erit, quàm priorum hæreseos fallacia. nam

Mar. 4. ve  
6. 7.



pastores quoque ipsi, spirituales ecclesiæ Rectores, seducentur à via: quod per astra innuitur in tertiam partem fontium aquarum cadentia. nam tales homines in hac vita velut fontes quidam sunt, unde cæteri fideles aurium suarum situlis cælestis aquæ fecunditatem hauriant.

11 Hæc stella dicitur Absynthium, quæ herba admodum amara est: & quid tandem animæ humanæ amarius poterit accidere, quam horrenda eiusmodi defectione diuinæ iræ acerbiter promereri? & quemadmodum maligna illius herbæ qualitate multi Pastores seducti amaruereunt; ita Pastores illi sua amaritudine per multis hominibus, discipulis nempe suis & sequacibus, secundam mortem attulerunt.

12 Deinde quartus Angelus clauit: & percussa est tertia pars Solis, & tertia pars Lunæ, & tertia pars Stellarum: ita ut tertia pars, nempe lucis eorum, obscuraretur: & tertia pars diei caligine obduceretur: & tertia pars noctis. nam post tetram illam Pastorum ecclesiæ apostasiam, non deficiet quidem penitus tota visibilis Ecclesia; veruntamen quibusdam erroribus cæcuet. quod innuitur deliquio illo in Solis, Lunæ, & Stellarum triente; nullâ scilicet spirituali magistratuum specie huius defectus exorte. sic, præ istorum in quibusdam rebus imbecillitate, synceritas interpretationis Euangelicæ obnubilabitur falsis. quod lumine diei & noctis innuitur. nam ut interdiu nubes, noctu vero ignis columna populum Israeliticum per desertum in promissam terram ducebat; ita per diem hæc & per noctem animarum nostrarum lux, per huius mundi æreum, in cælestem promissionis terram nos directura est; ubi cum Deo nostro gloriose regnemus in sæcula sæculorum. quartus quoque hic clangor est tertij sigilli pars.

13 Et vidi & audiui alterum Angelum, volantem per medium cæli, dicentem voce magna: vae, vae, vae, incolis terræ propter damna, quæ illis accident ex tribus nouissimis tubarum clangoribus. nam crescent in immensum tres nouissimæ plagæ. quod ut maiore animi attentione obseruarem, excitauit me Deus, ut Angelum aspicerem, ingenti alarum celeritate medios cælos secantem, qui beatos Angelos & Sanctos de tribus illis ut nouissimis plagis, sic omnium pessimis præmoneret: tunc pernicij illo alarum remigio doceret breuillas, & ex improviso, inflicti irj. Numerus quoque dirarum, quas Angelus denunciabat, plagarum numero, quæ sequuntur, æqualis est.

## CAP. IX.

*Cecitas & inscitia ex hæresibus, unde ordines Papistarum Ecclesiasticj; quj in quinta tuba per locustas & fumo nascentes significantur. eorum potentia & indoles. rex eorum Papa, eiusque titulus. in sequente tuba initium Pontificiæ ruinæ, quæ innuitur per solutionem quatuor Angelorum ad Euphratem. Papa, ut medeatur malis, Iesuitas extrudit, quj in visione per equum notantur. eorum ingenia ex thoracibus apparent. Papæ & Imperatoris Turcicj copie ad ruinam Ecclesiæ collectæ, & per equestrem exercitum significatæ. Pontifex est primæ tabulæ violata calamitas, Turca secundæ.*



Um quintus Angelus clauit: & vidj stellam, quæ è cœlo in terram decidit (obseruatione enim digna res est, nihil esse istarum miseriarum in terra, quod non defluerit è cœlo; vt persuasum nobis sit nullum esse in ciuitate malum, quod non faciat Dominus: iustitiâ illius singula permittente, vel dirigente, vel cohibente) hæc stella, me intuen- Amos 3.6.  
Esaï. 45.7. te, clauem abyssi, quæ illj porrigebatur, accepit. nam illa hærese- on nubes, mihi in tertia tuba & tertio sigillo commemorata, successu temporis spuriam hanc tyrannidem peperit; de qua in quarto sigillo: atque ita abyssi fores, quarum claues custodiebat, aperuit: vel, quod idem est, Satanæ ope & consilio, ex inferno ipso sequuturas calamitates extulit. 2. Primò igitur, reſerato puteo, erupit tanquam fornacis magnæ fumus, qui tantas inscitie tenebras in hominû animos inuexit, vt sol & aer caligine obteçtj fuerint; nempe ipsa lux veritatis, quæ per Solis astrum innuitur. sic puro putoque veritatis aeri, in quo & per quem agenda est vita, successit spuria & fæculenta errorum aura, in qua spiritus trahendus fuit. 3. Ex fumo autem exierunt locustæ in terram. etenim ex hac cæcitate nascetur Ecclesiasticorum ordinum colluies, Monachorum, Fratrum, aliorumque, quj vnus superstitionis vinculo cohærent. hi; quoniam è tetro illo errorum fumo oriuntur, velutj locustæ ex aeris putredine; suo merito *locustæ* nominantur. ore nihil spirant, nisi falsa dogmata: quæ tam certam adferunt animabus perniciem, quàm locustarum ora virenti gramini & herbis. & vt nonnunquam vix integra regio capiat immensos illos, quj aduolant, locustarum globos; sic horum numerus innumeris terris onerosus futurus est. estque illis potestas data, qualem habent terrestres scorpiones. nam vt primo quoque tempore non sentitur aculej scorpionis acerbitas, sed sensim operatur; nec sanatur malum, nisi scorpionum extinctorum oleo: eodem modo, hoc animæ virus non percipitur statim à morſu; sed pedetentim inualeſcit (nec enim omnes suas merces simul expouunt hi agyrte, sed paulatim orbem inficiunt erroribus) nunquam

autem



autem liberantur mortales heresibus, donec impostores ipsi, earum artifices, ad interitum compulsi fuerint. 4 Et ipsis dictum est, ne lederent gramen terræ, neque viride quicquam, neque vllam arborem, sed tantum homines, qui non haberent signum Dei in frontibus suis. nam quanquam locustarum examina & gramen viride, & arbores tum afflare soleant, tum perdere, harum tamen spiritualium locustarum furori sic moderabitur Dominus, ne vllum omnino ex electis, cuiuscumque demum ordinis aut conditionis fuerit, peruertant: tales enim graminj & arboribus assimilamus. ij demum eorum impotentia obnoxij futuri sunt quj Deij charactere frontes consignatas non habent. retorrida enim huiusmodi, & inutilia ligna, paratissima sunt incendij fomenta. 5 At non habebunt potestatem illos occidendj. nempe blasphemiarum suarum crassissimas ab initio statim non detegent, sed torquebunt homines spatio quinque mensium. & erit eorum tormentum, sicut dolor ictj a scorpione. tarda scilicet est (vt dixi) huius spiritualis venenij peruasio. nec eius molestiam sentient homines, donec secunda mors torporem excusserit hoc tormentum durabit mensibus quinque: tempore nempe à Deo definito. quæ allusio est ad quinque menses æstatis, quibus grassantur locustæ; allegoriam indicante hac loquendj formula. 6 Itaque per eos dies homines quærent mortem, & non inuenient eam; & cupient morj, sed fugiet mors ab illis. tunc enim nouissimi temporis ærumnæ inchoabunt, quas à Domino nostro, dum in terris adhuc esset, his, quibus iam vsus sum, verbis audiuj deplorari. 7 Et figura harum locustarum fuit equo similis, ad bellum parato: & hoc quidem, vt significet nobis, adeo omnibus mundanæ sapientiæ neruis firmatam esse eorum politiam, vt cuncta illis suppetant ad ea, quæ excogitarunt, perficienda: omnino vt equus bellicus operose ornatus, munitusque, & iam in procinctu ad certamen. habebantque coronas impositas capitibus, similes aureis. nam præ se ferent illam ipsam sanctitatem Seniorum, quibus in mercedem datæ sunt coronæ ex puro auro: atque ita simulata puritate hypocritæ istj in speciem micabunt. Et facies earum erant, vt facies hominum. vt homo ipse est ratione præditus, ita humana facies rationem denotat: significat autem hæc humanj vultus imitatio, eos, vndique quæsitis rationum argutijs, errores suos velare. verumtamen reipsa comperientur prorsus rationem mentirj, vt eorum coronæ verum aurum mentiuntur. 8 Et habebant capillos, vt capillos mulierum. nam vt præcipua fæminæ formæ illecebra est coma; ita horum tam insidiosæ sunt hærefes, quibus nempe tam expeditam & facilem sternunt in cælos viam, etiam hominibus omni probro coopertis, modo eorum operâ vti velint: vt non ægrè illos in spiritualis stuprj consuetudinem pelliciant. Et habent dentes leonum. nam vt ore valentior, & cæteris animantibus dente quoque damnosior est leo; ita hi quibusunque equi bellicj specioso apparatu imponere



imponere nequeunt, nec coronarum aurearum mendacio, nec humanj vultus simulatione, nec illice capillo; hos ore inquietabunt, nempe, minarum dirarumque tonitru. 9. Habebant etiam loricas, vt loricas ferreas. nam auctoritatis suæ patronos & hyperaspistas etiam Principes inuenient, quorum tutela mundo quidem valida & ferrata videbitur. & sonitus alarum ipsarum erat, vt sonitus curruum; equis multis currentibus ad bellum. nam vt locustarum alæ solstitij fidere, & meridie ingentem edunt strepitum; sic tantus hos comitabitur terror, lorice quasi ferreis munitos, vt, quicquid ad meridianam potestatis suæ lineam iam prouecti decreuerint, mira quadam maiestate & reuerentia accipi oporteat. haud aliter ac terribilis est fremitus equorum, & curruum profilientium in aciem. 10. Sed habebant caudas similes scorpionum, erantque aculej in caudis earum. nam primò quidem congressu nihil videtur incommodj, si illis auscultes, & fidem habeas, verum hic est totius negotiationis exitus, anima veneno occisa. & caudæ earum erant similes caudis scorpionum, quibus suis inest aculeus. & potestatem habebant nocendi hominibus menses quinque. nam vt antea ostendi hanc hominum vexationem quinque mensibus, id est, definito spatio duraturam esse: ita nunc vobis aliquid persuasum volo, quod vestro verter solatio. quemadmodum quinque duntaxat mensibus æstiuus viuunt locustæ; ita in hac re, vt cæteris, homines isti locustas imitabuntur. nam postquam certo & præscripto temporis intervallo viguerint, Christi spiritu tandem dissoluentur. 11. habent Regem quoque, sed cui in eos tantum potestas concessa est. hic est Angelus abyssi; cui nomen est hebraicè *Abaddon*, & græcè *Apollyon*. tandem enim aliquando, permittente Deo, adnitente Satana, Monarcha his obtinget pro capite, ipsismet non absimilis futurus, Angelus atque emissarius Satanæ; & in illius ludo ad hanc legationem edoctus, vt tantâ sedulitate supposititiam illam ecclesiam abducatur in errores, quantâ à Deo missi pastores veram ecclesiam erudiunt ad pietatem. illj nomen est *Abaddon*, vel *Appollyon*, quia pro utroque, quo pollet imperio, ecclesiastico & politico, corpus simul & animam trucidat: quemadmodum vobis in quarto sigillo dictum est: vbi eam ipsam ob causam, *Mors* appellabatur, ob quam hic *Apollyon*. 12. Vnum væ abiit, & ecce veniunt adhuc duo væ postea nam quæ quintæ tubæ sono iam denunciata est, prima est è tribus vltimis plagis, quibus ego volui vos mentem aduertere. nunc duo, quæ superlunt, classica pari attentione excipite. 13. Tum sextus Angelus clauit; & audiui vocem quandam ex quatuor cornibus altaris aurej, quod semper est in conspectu Dei, 14. dicentem sexto Angelo, qui habebat tubam: *solve quatuor illos Angelos, vinctos ad magnum fluuium, Euphratem*. Cum iam Angelus sexto classico sextam illam, & horribilem calamitatem denunciasset, perfertur ad eum Christi mandatum (Christi enim vox erat) vt id faceret, quod audiuiistis.

diuistis. quanquam enim iam tuba cecinerat, suspenditur tamen decretum, donec Christo visum est permittere, & mandare. Nam quatuor Angeli, hic memorati, iidem sunt cum ijs, qui prius in quatuor terræ angulis stabant, exitio orbis intenti, nisi à Christo tamdiu fuissent cohibiti, quoad signo suos notasset. his signatis, & penultima in mortales plagâ iam decreta (ultima enim superest in consummatione vniuersi) Christus eos vinculis expedire iubet. ante enim tanquam compedibus coercebantur, ne id facerent, cui erant intenti. quandiu autem illis mora necitur, ad magnum flumen Euphratis constricti dicuntur; allusione quadam videlicet ad historiam Baltazaris in Daniele. nam vt Babylonem à Persis & Assyrijs diuidit Euphrates, quem amnem illi traiecerunt vt Baltazarem tollerent è medio: ita hæc remora, Christi iussu, Angelis ad Euphratē iniecta est. in vltiore eius ripa vincti erant: neque eius traijciendi, vel orbis vastandi eis copia facta est, priusquam electis character impressus esset: tum verò licentia solutis permessa est; quod hic Christi mandato factum est. 15. Soluti sunt igitur quatuor illi Angeli, parati ad horam, diem, mensem, & annum, vt occidant tertiam partem hominum: nempe, eo ipso momento, quo Deus præscripserat, stabant accincti ad eorum perniciem, qui signati non erant. nam in signatos nihil iuris habuerunt: sicut nec in illos, quos vltima absorptura erat plaga; nempe illa nouissimæ diei. huic igitur excidio tertia hominum pars solum destinata fuit. nunc sextæ tubæ adest calamitas. 16. Et primum vidi exercitum equestrem, cuius numerus erat bis millies centenorum millium. nam audiui numerum eorum. hoc gemino numero, eoque tam vasto, duplex proditur futura monarchia, & gemina geminæ tyrannidis sedes: vna in Oriente, altera in Occidente; vnde grauissimæ nascentur in ecclesia persecutiones. 17. itemque vidi equos hac visione; & qui ipsis infidebant habebant thoraces igneos, & hyacinthinos, & sulfureos. erant autem capita equorum, vt capita leonum. & ex ore eorum prodibat ignis, & fumus, & sulfur: quia nempe igneâ rabie, fumea ambitione, flagitiosis consilijs, vanisque pretextibus, hi duo monarchæ, alter politicus, alter ecclesiasticus, inuolabunt orbis terræ maiorem partem; & eam tenebunt ditione. quorum vnus, cuius hic descriptio proluxior instituitur, (& est ille quintæ tubæ euerfor, cuius nomen erat *Abaddon*) vnus, inquam, copiarum quod robur est, in equitatu est. hi equi vnâ cum fessoribus suis vltimam sacerrimi examinis sectam, atque ordinem constituunt. quorum thoraces (mundana nempe eorum munimenta) ex igne conflantur: quo corporum persecutio indicatur. etenim apud Principes gratiosiores hi futuri sunt omnibus locustis; de quibus in quinta tuba. quorum Principum vires in sui trahent præsidium. Ex hyacintho quoque sunt eorum thoraces: quoniam vt hæc herba est specie obscurâ, colore fumeo, odore amaro; ita isti homines obscuris, dolosis, & amaritudinem

nem redolentibus heresibus (quæ in tertiâ tuba *absynthij* nomine iure veniunt) suam alent & firmabunt audaciam. Sulfur denique (quo peccati fæditas & graueolentia, tum tartarei ignis flamma & vis indicatur) ad hanc mixtionem pertinet. nempe Satanas; ille auctor peccati, & pœnarum administer; omni fraude hos tutabitur: fidissimos suos satellites, & nouissima omnium insecta, ex abyssi fumo genita. neque tantum copia illis erit, triplici hac ratione se munendi; verum etiam fideles vtrò inuadere & affligere audebunt. quod per *equorum leonina & voracia capita* significatur. & quibus artibus se tuebuntur, iisdem etiam hos absument. nam innoxiorum corpora vanis minis, & astutia heretica vexabunt; Principum potentia subnixi. tum verò Satanæ fraudibus, & machinamentis, alias atque alias animabus inflammandis insidias struent. prius genus *fumo*, posterius *sulfure* notatur. 18. Per has tres plagas occisa est tertia pars hominum: nempe, per ignem, fumum, & sulfur, quæ prodibant ex ore ipsorum. nimirum eò crescet ipsorum violentia, & improbitas, vt nullum non lapidem moturi sint, quò tertiam partem hominum ad interitum perducant. veruntamen non his tantum modis grassabuntur ad perdendos mortales: 19. nam eorum potestas non modo in ore eorum est (vt iam audiistis) sed etiam in caudis. nam eorum caudæ similes sunt serpentibus; aculeatæ nimirum, vt lædant. hac in parte locustis ab similes non erunt. 20. Nihilominus ita animi impiorum obdurabuntur, vt qui huius tubæ plagis occisi non sunt, ab impietate tamen sua non sint cessaturi. ab idololatria nempe, & adoratione dæmoniorum, & imaginum aurearum, argentearum, ænearum, lapidearum, lignearum; quæ neque cernere possunt, neque audire, neque ambulare. ideoque hunc hereticum Monarcham habent pro flagello, & pœna. 21. neque à violandis secundæ tabulæ legibus abstinebunt; homicidijs suis, & veneficijs, & stupris, & furtis: quorum alter ille Monarcha, qui corpus solum affligit, vindicta, flagellum, & pœna est.

## CAP. X.

*Ioannes audit explicationem mysteriorum, quæ in tergo libri scripta erant. sed reuelare nefas est. de futurorū notitiâ, quæ libri deuoratione notatur, pro tempore quidem letitia perfunditur: sed postea voluptas vertit in amarorem.*

**T**VM vidi alium Angelum validum, descendentem de cœlo: amiciebatur nube: supra caput eius erat iris. facies autem eius erat vt sol: & pedes eius vt columnæ igneæ. validus hic Angelus, amictus nube, est Christus: qui relictus nube in cœlos ascendit, & in nubibus nouissimo reuenturus est die. *nubes* populum Israeliticum in deserto iter facientem ducebat interdiu: è qua rorem gratiæ suæ affatim destillat Christus in corda



corda fidelium. caput iride cingebatur; vt fœderis cum electis olim iſti memoria renouaretur. de facie, quæ *ſoli*; & pedibus, qui *columnis igneis* aſſimilantur, in epiſtolæ meæ limine audiuiſtis. 2. habebátque in manu ſua libellum apertum. hic Euangelij, lætiſſimi illius nunciij, liber erat. dextrum pedem ſeu validiorem impoſuit mari: vt elementum illud ſuapte natura inſtabile ſtabiliret. ſiniſtrum autem terræ; quæ faciliſſimo negotio firmari poterat. quod ideo ab eo factum eſt, vt ſuæ in hæc elementa potentiæ daret ſpecimen; quibus nefas eſt metas ab eo præſcriptas transcendere. ideoque Dauid in Pſalmis terram vocat *ſcabellum pedum eius*. 3. Clamauitque voce magna, ſicut leo rugiens: terribilia enim erant, & magna, quæ denunciaturus erat. 4. & poſtquam clamaſſet, locuta ſunt ſeptem tonitrua voces ſuas. hi erant ſeptem Dei ſpiritus, qui eius iuſſu loquebantur. & ego ſcripturus eram, quæcunque loquerentur: ſed audiui vocem de cœlo dicentem mihi: *obſigna quæ loquuta ſunt ſeptem tonitrua, ſed ea ſcribere noli*. per illa enim Spiritus ſanctus mihi ſex tubarum arcanum, planiſſima interpretatione, nudauit; quod nunc diuina voce prohibeor orbi cum ceteris vulgare. obſignandum nempe eſt: & dum temporis aderit maturitas, fido ſilentij ſacrario tegendum. 5. Et Angelus ille, nempe Chriſtus dominus; quem vidi ſtantem ſuper mare & ſuper terram; ſuſtulit manum ſuam ad cœlum. 6. Et iurauit per eum, qui cœlos, terram, mare, & quæcunque in ijs ſunt, creauit; tempus non fore amplius: ſed diebus vocis ſeptimi Angeli, quum clangere incipiet, conſummatum iri myſterium Dei: ſicut prædixerat ſeruis ſuis, Prophetis. hoc iuramento mihi fidem facere volebat, peractis omnibus, quæ ſex tubæ repræſentauerant, ſtatim rebus omnibus finem adfore; quæ autem in ipſa rerum conſummatione expectanda ſunt, ea ſeptimæ tubæ ſono indicatum iri, omnia vti olim Prophetis ſuis reuelauerat. 8. tum vox ea, quam ante audieram, de cœlo me compellauit. nempe Dei patris vox de integro auribus meis appulit. & dixit: *abi, & accipe librum illum apertum, qui eſt in manu Angeli, ſtantis ſuper mare, & ſuper terram*. 9. abij igitur ad Angelum, & orauit, vt mihi librum daret. & dixit: *accipe & deuora eum: & amaritudinem adferet ventri tuo, ſed in ore tuo dulcis erit, vt mel*. 10. Accepi igitur libellum è manu Angeli. & comperi veriſſimum, quod dixerat. perfundebar enim voluptate, dum, librum deglutiens, particeps fiebam diuinorum myſteriorum: ſic in ore dulcis fuit. at peracta concoctione, cum ex officio mihi incumberet illum orbi annunciare; eamque ob cauſam improborum hominum odijs agitarer, ſpernerer, affligerer; exiguum autem meorum laborum fructum referrem: ilicet in ventre amaruit. quod olim & Ionæ contigit: & omnibus veris huius libri præconibus in poſterum continget. 11. Tum dixit mihi: *oportet te iterum prophetare coram populis, & gentibus, & linguis, & Regibus multis*. etenim mei filij in Chriſto, hæredes doctrinæ meæ, quorum vita

in has calamitates incidet, habebunt quoque in mandatis, eiusdem Euangelij prædicationem ad salutem credentium instaurare. his ea indulgebatur fiducia, ut mandata intrepidè exponant, non tantum coram populo, verumetiam coram Regibus multis; nec ad eorum facies quicquam obstupefiant.

## CAP. XI.

*Babylon, Papa imperium, externa est Templi pars. vera ecclesia est in Sancto Sanctorum: sed ad tempus duntaxat: nempe sub horum hypocritarum persecutionibus. iugiter mittuntur pastores fideles, in testimonium veritatis. vexantur illi & iugulantur ab Antichristo. tandem fortiores excitat Deus pastores, qui suis coloribus Papatum depingent: eiusq; ruinam prædicent. in septima tuba dies iudicij describitur.*

**H**inc datus est mihi longus calamus, instar virgæ. astititque mihi Angelus, qui librum dederat, dicens: surge, & calamo tibi dato metire templum Dei, & altare, & eos qui adorant in eo. 2 Sed atrium, quod extra templum est, exclude: & ne metiaris illud. nam datum est gentibus, quæ urbem sanctam calcabunt mensibus quadraginta duobus. ne forte, scilicet, crederem nihil suo sæculo profuturos successorum meorum labores (quando iam ex sexta tuba nimis certum est, duabus illis monarchijs orbem terrarum nexu & mancipio datum iri) Christus Dominus, tum ut mihi persuadeat nonnullos, & intaminatos & puros manere; tum ut fideles præmoneat pestiferum hunc Monarcham, cui nomen est *Apollyon*, corporea successione sessurum esse in ecclesia & templo Dei; eam ob rem, calamo metiri iubet Ecclesiam. nam, quotquot ad veram Ecclesiam spectant, sospitabit; illos inquam, qui de adyto sunt. cæteri propter hypocrisin gentibus accensebuntur. hæc erit successorum meorum, de quibus etiam nunc loquor, partitio. nam decempedâ & examine verbi (quod calamo significatur) *Sanctum Sanctorum* ab atrio separabunt; scilicet, à simulata illa & Antichristiana ecclesia, quæ quadraginta duobus mensibus, vel tribus annis & semi (nam idem est numerus) veram ecclesiam affliget humi, & conculcabit. hoc interuallo, à Christo præfinito, alluditur ad Danielis de duobus temporibus, & tempore & dimidio temporis, vaticinium. nam ut prophetica hebdomadis dimidium eo loci intellexit Daniel, ita hoc loco significat Christus persecutionem Abaddonnicam dimidium nouissimj temporis esse duraturam. ut nempe circa medium ultimæ huius hebdomadis eius imperium statuatur. cuius hebdomadis initium ducitur ab incarnatione, & primo Christi aduentu; finis in secundo aduentu hærebit. quæ quia ultima est periodus, hoc in loco *hebdomadi* non immeritò assimilatur. 3 Sed dabo sanctam ciuitatem duobus testibus meis, qui prophetabunt diebus mille du-

centis sexaginta, amicti saccis. nam hos mihi successores, in testimonium veritatis, & quidem idoneo numero excitabit. ex ore enim duorum, aut trium testium, stabit omnis vox. Contestabuntur hi falsam esse illorum doctrinam, qui sibi commissam persequuntur odio ecclesiam. & fient patroni Ecclesiæ, ut eam veri verbi potestate protegant, & sustentent. & nothæ Ecclesiæ poenitentiam annuntiabunt; qua de causa saccis amicti sunt. atque ut plena solaminis nobis oboriatur fiducia, etiam in densissima noctis caligine vnum subinde, vel alterum è testibus legabit Deus, qui istius *Apolhyontis* hypocrisin despuat; veram autem Ecclesiam muniat solatio. numerus dierum, quibus prophetabunt, examuffim respondet mensium præfatorum numero. nimirum tamdiu veritati testimonium perhibebunt, quandiu Antichristi regnum durabit. 4 Hi testes sunt duæ oleæ virentes, quæ sacro illo oleo electos inungunt: & duo candelabra, quæ orbem terræ (ut Christus dixit) suo splendore illustrant; humi posita, ut officium suum exequantur in conspectu eius, qui dominus est, & rector terræ. 5 Quod si quis velit eos lædere, ignis prodibit ex ore ipsorum, & deuorabit inimicos. ita enim oportet occidi, quisquis eos læserit. nempe Spiritus sanctus, ignis ille in ore ipsorum, acculabit, & secundâ morte perimet, quotquot eos persecuti fuerint, vel non audierint, vel eorum doctrinæ morem non gesserint. 6 Hi testes habent potestatem claudendi cælum, ne pluat diebus prophetiæ ipsorum: & potestatem habent super aquas, ut eas in sanguinem conuertant: & percutiendi terram omni plaga, quoties voluerint. nam & ipsorum & legationis fidem tam certis signis astruet Deus, quàm fuit gratiâ Eliæ cælorum oblatio, & defectus pluuiæ per id tempus, quod prædixerat; aut causâ Moïsis conuersa in sanguinem aqua; & percussa varijs plagarum generibus Aegyptus. 7 Atque hi non minùs morte sua testimonium dicent, quàm vita. nam singuli, decurso in terris tempore à Deo præfinito, dira patientur, & vincentur, & occidentur à bestia, Angelo abyssi; Rege locustarum. in magna illa vrbe, imperij sede, tanquam facinorosi publicâ afficientur morte. 8 Et in plateis vrbis iacebunt eorum cadauera. & hæc vrbs spiritualiter vocatur *Sodoma*; ob spirituale adulterium, id est, idolomaniam, quam exercet & fouet. vocatur *spiritualis Aegyptus*, quia intolerabili superstitionis pondere animas electorum grauabit, ut quondam Aegyptus corpora sacri populi sibi mancipata iniquis oneribus afflixit. In ea quoque ciuitate crucifixus est Dominus noster. nam vbi Christi membra propter Dominum iugulantur (quo genere delicti & vrbs hæc & Reges illius infames erunt) ibi reapse Christus ipse crucifixus est: eiusque passio tam ijs imputabitur, quàm Iudæ, qui eum prodidit. 9 Et homines ex omnibus tribubus, populis, linguis,

& natio-



& nationibus eorum cadauera videbunt, per tres dies & semi; nec permittent ea sepeliri. 10 Et incolæ terræ gaudebunt: & hilares erunt de eorum cædibus: & munera mittent alij alijs in testimonium lætitiæ; propterea quod à duobus Prophetis, qui orbem terrarum inquietabant, iam liberati sint. nam totus mundus, qui extra *Sanctum Sanctorum* est, non permittet modò, sed probabit quoque horum testium cædem; & quæcunque in eos crudeliter & ignominiose decreta sunt: tanquam communi sepulcri honore forent indigni. Eorum morte tota terra lætabitur. nam vt olim Achabus Eliam criminabatur, tanquam vexatorem Israelis: ita molestos sibi esse hos testes opinabitur mundus; nimirum, ob nudata eius probra, & penitentiam iniunctam. 11 Atque ita tres dies & semi; nimirum, tres annos & semi iacebunt neglecti. vnde colligitur, durante Antichristi regno, malè eos multandos. sed post tres dies & semi spiritus vitæ à Deo profectus ingreditur in illos; stabuntque erecti in pedes suos: & magnus metus in eos cadet, qui antea ipsos spectarunt. 12 Et magnam audierunt de cælo vocem dicentem ipsis: *ascendite huc.* & ascenderunt in cælum: & hoc ab ipsis fieri inimici ipsorum viderunt. nam quanquam, hypocritico illo & hæretico vigente imperio, præcones veritatis, statim vt conspecti fuerint, rapiuntur ad mortem; labascet tamen hæc Monarchia tribus annis suis, aut diebus totidem exactis. Tum spiritus vitæ à Deo profectus; nempe Sanctus Spiritus à Deo missus, in vltimi temporis Pastores validius infuset. nam in ijs reuiuiscunt denati Martyres: & radices agget in cordibus multorum doctrina pietatis; tantaque erit rationum, quibus illi vtentur efficacia; vt non magis de illorum victoria ambigere queat Antichristiana secta, & vnanimis illi orbis; quàm si à Deo in cælum inuitatos audirent, ad capiendum victoriæ præmium. Inuidiosa quoque illa vitæ & necis potestas cessabit. protegentur enim à multis, quorum animos ad pietatem inclinabit Deus; adeò magnificè, & secure, tanquam euolarent in cælos nube tecti, nec quisquam potis esset cohibere. 13 Tunc quoque terræ motus magnus erit; nempe tumultibus & seditionibus ciebuntur gentes: & decima pars vrbs cadet. Vrbs hæc in decem partes diuiditur; vt intelligamus eandem esse cum Monarchia, decem cornibus minace; quæ inferius describitur. decimæ partis casus nihil aliud est, quàm multarum gentium defectio, graue dominationis iugum detrectantium. Et cæsa sunt in eo terræ motu septem millia hominum: nimirum ingens hominum numerus per illos seditionum motus peribit. Reliqui autem territi sunt: & dederunt gloriam Deo cæli. multi enim per horum tumultuum, & diuinorum iudiciorum terrores reuocabuntur ad notitiam veri. 14 Væ secundum abiit. nam hæ sunt sextæ tubæ plagæ. & ecce tertium væ venit cito.

sequitur enim eorum dierum enarratio, in quibus finis statuitur, primò quidem imperio Antichristi; deinde verò orbi terrarum. itaque aures hîc arrigite. nam plagarum nouissima est. 15 Septimus igitur Angelus clauit: & factæ sunt voces magnæ in cœlo dicentes; *facta sunt regna mundi Domini nostri, & Christi eius, qui regnabit in secula seculorum.* ideo profectò in cœlis audita fuit huius clamoris lætitia, quia nouissimi iudicii tempus aderat: & potestate exiit: regibus terræ, Sanctorum hostibus, vnus Christus rex, & imperator rerum omnium, moderaturus erat habenas. 16 Tunc viginti quatuor Seniores, qui in conspectu Dei sellis suis insident, præ gaudio, quòd iam non longè abesset fratrum suorum salus, prociderunt in facies, & adorarunt Deum, dicentes: 17 *Gratias agimus tibi Domine, Deus omnipotens, qui es, & qui eras, & qui venturus es; quia nunc potestatis tue amplitudinem notam factururus es, & gloriosum tuum regnum initurus.* 18 Et iratæ sunt gentes. nam tandem impij intelligunt nullum amplius vi, vel dolo locum esse relictum. iam ira tua irrefragabilis, & præstitutum tempus mortuorum venit. nam mortui iam ad iudicium vocandi sunt: tuque seruos tuos, & Prophetas, & Sanctos, & quotquot nomen tuum verentur, paruos, magnos, remuneraturus es; & perditurus eos, qui terram perdunt; nempe persecutione Sanctorum, & omnijugo vitiorum contagio. 19 Tunc apertum est templum Dei in cœlo, vt conspiceretur arca fœderis in eo: quæ ideo monstrabatur à Deo, vt certos faceret Sanctos se promissi fore memorem, & seruato eius tenore Christum è vestigio demissurum ad iudicandum terram; quod tunc ingenti cum terrore perfectum est. hoc enim sibi volunt, quæ tunc acciderunt, fulgura, voces, tonitrua, & terræ motus. at grandine magna, quæ ea tempestate cecidit, terræ interitus significatur. nam grandinis nimbus omnium aliorum damnosissimus est satis, & maximè letifer.

## CAP. XII.

*Noua visio. malicia Diaboli aduersus Christum & Ecclesiam. diuina providentiæ beneficio Ecclesia euadit illius furorem. occulta ea est, & ad tempus abscondita. ad eam euertendam hæreses & persecutiones à Dæmone excitantur. in quibus omnibus parum est auxilij. ideoque capitalem hostem aduersus eam suscitatur, Romanum Papam.*



Vemadmodum septimum sigillum septem classica complectens (quorum intellectus patet ex dictis) nihil aliud erat, nisi amplior quædam septem priorum expansio (sicut ante ostendi) ita hæc visio, iam mihi patefacienda, nihil aliud est, nisi cum præcautione coniuncta manifestior expositio eorum temporum, in quibus Ecclesiæ metuendum



metuendum est periculum ; & inprimis trium nouissimarum plagarum. 1 Visum est autem signum in cælo magnum & mirabile : nempe mulier amicta sole : sub cuius pedibus erat luna , & in capite corona stellarum duodecim. 2 Et ferebat vterum ; iam quoque sic proxima partui , vt clamaret : grauiter enim torquebatur partus doloribus. 3 Et visum est aliud signum in cælo , dignum admiratione. Draco rufus & ingens , habens capita septem , & cornua decem , & in capitibus suis diademata septem. 4 Eius cauda secum trahebat tertiam partem stellarum cæli ; quas abiecit in terram. stetit autem is Draco ante mulierem , vt cum peperisset , filium eius deuoraret. 5 Peperit autem filium masculum , recturum omnes gentes ferrea virga. & raptus est filius eius ad Deum , & thronum eius. 6 Mulier verò fugit in solitudinem : vbi habet locum paratum à Deo , vt illic aleretur diebus mille , ducentis , & sexaginta. 7 Factum est autem in cælo prælium magnum : Michael enim & Angeli eius præliati sunt cum Dracone , & Angelis eius. 8 Draco autem & eius Angeli præualere non potuerunt : sed è contra locus eorum in cælo inuentus non est. 9 Atque ita Draco ille magnus , serpens ille antiquus , qui vocatur Diabolus & Satanas , qui seducit totum terrarum orbem proiectus est in terram ; & omnes eius Angeli cum ipso proiecti sunt. 10 Et audiui vocem in cælo dicentem : *nunc facta est salus , & potentia , & regnum Dei nostri , & potestas Christi eius ; quia deiectus est accusator fratrum nostrorum , qui accusabat eos in conspectu Dei nostri , die ac nocte.* 11 Nam qui cum eo pugnarunt vicerunt eum , propter amorem quo completuntur agnum , & eius sanguinem , & verbum testimonij eius : & eam ipsam ob causam suæ vitæ prodigi fuerunt vsque ad mortem. 12 Propterea hilares estote cæli , & qui habitatis in eis. Væ autem incolis terræ , & maris : nam Diabolus descendit ad vos , & excandescentiæ magnæ plenus est , vt qui sciat regnandi tempus exiguum superesse sibi. 13 Cum igitur vidisset se Draco in terram proiectum , persecutus est mulierem , quæ pepererat masculum. 14 Sed datæ sunt mulieri binæ alæ ingentes , aquilinæ , vt è conspectu serpentis auolaret in desertum , in locum suum , vbialeretur per tempus , & tempora , & dimidium temporis. 15 Eiecit autem ex ore suo serpens post mulierem aquam , tanquam flumen , vt vi eam abriperet. 16 Sed succurrit terra mulierj : aperuit enim os suum : & absorpsit flumen , quod eiecerat Draco ex ore suo. Ex prima huius visionis parte mihi datum est scire , vt primùm Ecclesia , quæ per mulierem significatur ( sponsa enim est Christi , amore & reuerentia illi , vt capiti , & marito , & gloriæ suæ morem gerens ; debilis tamen & infirma vt mulier ) splendore suo & innocentia illustris , vt pote sole amicta ; tum pedibus calcans & fastidians mundum , om-




niaque illius inania; utpote lunam calcibus premens, planetam non suo, sed mutuato lumine splendentem; formis verò omnijugis mutabilem, instar mundi; coronata denique glorioso illo duodecim Patriarcharum, & Prophetarum, & duodecim Apostolorum lumine, quibus succedit in vnitatem doctrinæ, ut merito illis tanquam astris hic dicatur coronata: ut primum, inquam, Ecclesia sic ornata Christum peperit in carne, qui masculus ille est, regens gentes ferrea virga (ut David in Psalmis canit) statim rufus ille, & antiquus Draco, ut qui in primis nostris parentibus suam exercuerit malitiam; Rector innumeræ hominum multitudinis, per septem eius capita & totidem diademata notatæ; Diabolus ipse, infinitis instructus machinis, & instrumentis suæ improbitatis per, decem cornua, quadam ad Danielis vaticinium allusione, notatis; ille robustus insidiator, non modo reprobos alliciens in consortium impietatis, sed & pastorum nonnullos, & visibilem Ecclesiam in certissimam ducens perniciem; ut qui caudæ illecebris incautam secum trahat tertiam partem stellarum cœli, & in terram projiciat + hic Draco, vitæ infantis insidiatus, & quidem priusquam nasceretur, diducto & hiantem rictu; cum iam de victoria diffideret, inò verò contrà cerneret Christum iam resurrexisse à mortuis, & ascendisse in cœlos (hic ille est puer raptus ad Deum & thronum eius) Ecclesiam verò etiam in aspera persecutionis hyeme florere, quæ fuga est mulieris in locum eremi destinatum à Deo, ubi per dies iam numeratos lateat (nempe ignota iacebit & neglecta Ecclesia, nec quibus modis alenda & tegenda sit, quisquam hominum resciet: Deus eam pascet toto Antichristiani regni tempore, qui est dierum numerus, quem vobis iam subduximus) quum cerneret Draco non modo evasisse Christum, & Ecclesiam ex unguibus suis: sed etiam non licere sibi (ut sub veteri lege solebat) Dei Sanctos amplius accusare, iam Salvatoris virtute renouatos, regenitos, iustificatos, quod prælio illo in cœlis factò notatur; ubi Deus innuere volens neminem sibi esse similem, auctor Christo fuit, vel quod idem est, Michaeli (quo nomine Deo similis significatur) & Angelis suis, ut cum Diabolo & eius Angelis configeret, eosque debellaret, & in terras præcipitaret: quum cerneret, inquam, se ab accusandis Sanctis æternum deiectum, nec ulli fore ulterius virulentia suæ locum: quemadmodum ea res Angelis volupe fuit, & Sanctis omnibus, propter fratrum suorum salutem (ut testatur hymnus in cœlis decantatus, à voce Deum laudante, & Michaelis eiusque Angelorum virtutem efferente; qui tanto studio pro Sanctis in terra decertarunt, ut si ipsi mortales fuissent, non dubitassent in eorum causa animas effundere, quos Christus suo sanguine redemerat; quorumque electionis defunctus erat apud patrem suum testimonio) ita contra Draconem  
ca res

ea res magis efferauit : & dirioribus tentationum machinis superstites mortales aggressus est ; tum quia redemptionis mysterio, quod hoc in cœlis prælio innuitur, potestate Sanctos accusandi priuatus est ; tum quia secundo Christi aduentu præfagiebat breui se è terris in tartarum præcipitatum iri ; vbi cathenatus eterno carceris squalori manciparetur, haud secus ac primo Christi aduentu, è cœlo in terras deturbatus est, quod vltima hymni parte indicatur ; vt nihil illi nunc restet, præterquam vt hæresibus & sæculari violentia inquietet Ecclesiam ; quæ ambo torrente illo aquarum vomitu notantur, quo abripere satagebat mulierem : postquam iam aquilinis alis donata est, vt in eremum eò se reciperet, vbi præfato dierum numero maneret ; nempe postquam Deus ea pernecitate donasset Ecclesiam, quæ satis esset ad Satanæ furorem declinandū, & ad latibula tempore Antichristiani regni mutanda : quum cerneret se frustra hic esse, tanquam illam vomitus inundationem terra subitò exiccasset, aut absorpsisset. 17. Tum verò Diabolus, Draco ille, aduersus mulierem, nempe Ecclesiam magis excanduit, quàm prius : atq; alia via bellū instaurauit aduersus reliquos, ex semine fæminæ, qui præcepta Dei obseruabant, & testimonio suæ vocationis & electionis commendabantur patri à filio Iesu Christo. nam hæc sola est genuina Ecclesiæ posteritas ; nempe legitimi eius heredes in gratia, fide, & veritate. 18. Steti autem super arenam maris : aut visus sum mihi ( hoc enim volo ) ad arenam maris stare ; quo elemento populi & gentes representantur : vt obseruare, quas inde Satanas copias educturus esset aduersus Ecclesiam. nam eius rei patefaciendę gratiā visio hæc mihi monstrata fuit : ad quā duo illa postrema miracula *εισαγγελῆς* loco erant ; vt ex rebus præteritis, tanquā radice, ramos inde pullulatueros rectiùs intelligerem.

## CAP. XIII.

*Ortus Papæ è ruinis quartæ Monarchiæ, quæ Romana est. eius descriptio. origo Papistica ecclesiæ. eius descriptio, & cum suo Monarcha, nimirum Papâ, conformitas. reuerentia, qua multæ gentes prosequuntur non Papam tantum, verum etiam eius legatos. apostasia vniuersalis, vt nulla futura sit visibilis Ecclesia, præter Papisticam. de Pontifice, qui primus blasphemus & superbos titulos omnes usurpauit.*

1.  Vm vidi bestiam ascendentem è mari, erectam nempe à Diabolo e gentibus, & populis monarchiam. & habebat septem capita, & cornua decem, & imposita cornibus suis decem diademata. quorum capitum & cornuum interpretatio ab Angelo mihi facta est ( vt commodò deinceps dicetur loco ) & impositum erat capitibus eius nomen blasphemie. 2. Hæc bestia Rex est : eiusque monarchia est quarta illa Danielis, quæ hac ipsa tempestate potitur rerum : in  
Cap. 17.  
Daniel 7.

qua

qua rediuiuæ factæ sunt trium præcedentium vires. est enim longè illis valentior. ideoque vt illa *leopardi*, ab acquirendi celeritate, nomen fortita est; & illa *leonis*, à potentia & sèuitia; & illa *ursi* à robore & diurnitate; ita hæc dicitur similis leopardo: nimirum specie, vnde nascitur eius agilitas. capite verò representat *leonem*. nam leonis vis in capite est, vt ante audiuiſtis. pedibus denique *ursum*; nam in ursi pedibus robur est, & pertinacia. eiusmodi compages docet hanc monarchiam longe esse cæteris neruosiorem; & earum in se vires (vt modo dixi) habere rediuiuas. Et animaduerti vnum e capitibus bestię lethaliter vulneratum: sed iam sanatum erat. & tota terra bestiam ingenti cum admiratione sequebatur. Scilicet, vt hinc mihi innotesceret, non illam esse hanc bestiam, cuius vos ante certiores facere iubebar. nam quod eius pessimum est, iam fere narratum est; & breui hæc monarchia euerteretur. atque ideo duntaxat mihi ostensa est; quia ex illius rudibus, & in augusta imperij sede exurget *heretica* illa *monarchia*, cuius vos præmonitos volo: quod indicatur letali capitis vulnere, quod perſanabatur. nam vt *phœnix* (quemadmodum profanæ meminerunt historiæ) ex suis reuiuiscit cineribus; ita ex huius imperij ruina aliud consurget, ad cuius potentiam, terrarum orbis, quantus ille quidem est extra *Sanctum sanctorum*, stabit attonitus; eam reueretur; eam sequetur; eius iussu capeſſet, vt modo audiuiſtis enarratum. 4. Et adorarunt Draconem, qui dedit potestatem bestię. manciparunt se etenim operibus tenebrarum, vt cultum & obsequium præstent Diabolo, qui hanc bestiam ad pugnam cum semine mulieris suscitauit: vt & antè à nobis dictum est. Diabolum quoque in suo satellite adorarunt; nempe, in bestia ab eo suscitata; in monarchia ab eo erecta: cui se magna reuerentia obstrinxerunt dicentes: *quis est similis bestię? quis poterit cum ea pugnare?* nam ingentibus humanæ potentię opibus nitetur hæc Monarchia: quibus orbis iudicio adeò ceteras vicit, vt ipsa vinci nequeat. præsertim verò incredibile videtur euertere posse eam à *paruo illo Lapide*, absque manuum opera è monte exciso, à Daniele memorato: cuius vi nihilominus contereretur in frustra. 5. Datumque est ei os loquens magna, & blasphemias: os, vt Daniel ait, grandiloquū & Domino ogganiens. nempe hæc monarchia, seu Rex eius, longè se efferet supra cæteras creaturas: & inauditâ omnibus sæculis titulorum arrogantiam se venditabit; quibus ille, vt & hereticâ doctrinâ suâ, multum diuino honori derogabit: imò verò omnem Deo debitam potestatem tam fidenter inuolabit; vt meritò dici possint verba aduersus Deum, & blasphemię nominis eius. & data est ei potestas agendi; nempe, permittet Deus gliscere immanitatem huiusce tyrannidis; vt spatio duorum & quadraginta mensium affligantur Sancti. cuius interualli ideo apud me facta est mentio, vt certò intelligerem hanc Monarchiam, quæ ex alterius ruinis excitata est, primò eandem esse cum *ciuitate sexta tubæ*, quæ duos testes perſequebatur

Cap. 12.

Daniel. 2.

Daniel. 7. 12.

Cap. 11.



tur (æqualis enim vtrique attribuitur duratio) deinde verò (quod hinc sequitur) cum *Angelo abyssi* quoque coincidere, seu cum illo *quintæ tubæ Apollyonte*: præterea cum *señore illo equi pallidi*, cuius nomen est *Mors*, in *figillo quarto*: denique, licet obscurius, cum *semisse equestris exercitus*: cuius semissis armatus ille equus, mihi in visione conspectus, pars viri-um erat; & caput eius, vel Monarcha erat illa idololatriæ plaga, qui Monarcha simul cum alio illo, cuius mentio paulò obscurior eo loci facta est, qui est plaga peccatorum, quæ contra secundam tabulam admittuntur; hæc inquam bestia hîc memorata, & alius ille Monarcha, qui se capitalem apertumque Christianæ Ecclesiæ hostem profitetur, copias suas ambo conscribent, vt magno illo die Domini cum Ecclesia confligant: de qua re suo loco. 6. Tum verò hæc bestia, pro potestate ipsi concessa, aperuit os ad blasphemias aduersus Deum; vt conuicijs afficeret nomen eius, & tabernaculum eius; nimirum *factum Sanctorum*, quæ est Ecclesia militans, & eos qui in cælo habitant. eò enim deueniet ferociæ tyrannus, vt non modò Dei nomen eâ, qua diximus, diritate blasphematurus sit, & Christi membra, quæcunque in terris reperiet, omni persecutionis laniena exanimaturus; sed & sanctas defunctorum animas omnibus calumnijs & conuicijs proscindet. 7. & eam ob rem permissum est illi bellum gerere cum Sanctis, adeoque & illos corporaliter vincere; & dominari omnibus tribubus, linguis, & nationibus. in tantum, scilicet, se extollet monarchiæ huius potentia. 8. Itaque adorabunt eum omnes incolæ terræ. magna, nimirum, pars hominum eum reueretur; quotcunque nomina sua non habent scripta in libro vitæ agni illius mactati: qui liber ante iacta mundi fundamenta scriptus fuit. nunquam enim poterant induci, vt genua Baali flecterent, qui à Christo ad salutem ab æterno prædestinati fuerunt. 9. Si quis habet aurem audiat: & decreto sequenti animum intendat. 10. Si quis in captiuitatem duxerit, ducetur & ipse captiuus. & si quis gladio occiderit, gladio quoque is occidetur. Quandoquidem igitur certò vobis constat, Deum suo tempore remensurum esse eorum tyrannidicandem, quam illi Ecclesiæ mensuram mensurarunt; nolite committere, vt deficient animi vestri in rebus aduersis, præ desperatione diuinæ vindictæ; quia ipse longanimus est: ne deficient, inquam, a confidenti constantique veritatis professione. nam in hoc patientia & constans Sanctorum, electorumque fides explorabuntur. 11. Deinde vidi aliam *bestiam* adscendentem è terra. & habebat duo cornua instar agni: sed loquebatur vt Draco. nam, quo melius intelligerem non in sola corpora dominari hanc monarchiam, sed è contra in animas præcipuè & conscientias hominum; alia hæc mihi monstrata est bestia, quæ hæreticum locustarum imperium refert: quarum Rex quintæ tubæ sono *Apollyon* renunciatus est. hæc bestia mentitur auctoritatem Christi, obtenditque duos gladios, & duas clauas, quas à Christo

à Christo scilicet acceperit; quod per eius duo cornua agnitis similia indicatur. Verum illius in sacra auctoritate simulanda consilium est, falsæ doctrinæ reuerentiam, & obsequia hominum conciliare: cuius rei signum est quod loquebatur, ut draco, vel Diabolus. 12 Est igitur adulterina hæc, & simulata Ecclesia, quæ omnem superioris bestię potestatem exercet: ut quæ Reges suos in augusta Monarchiæ sede instruat, & erudiat, quibus modis populi & gentes pellici debeant in obsequium. & hæc ipsa Ecclesia terram & ipsius incolas; omnes nationes, quæ eius errores hausere; ad alteram bestiam, cuius letale vulnus sanatum est, colendam & adorandam inducet. persuadebit enim illis huic monarchiæ ab omnibus hominibus, etiam propter conscientiam, obtemperandum esse, quæcunque demum mandarit; ut quæ errare omnino non possit. 13 Quod ut ab hominibus facilius impetrare possit, magna edit signa, magna miracula; adeo ut etiam ignem faciat è cælo descendere in terram, in conspectu hominum. unde quum illi à veritatis amore desciscant, ut credant mendacia; Deus per hanc notham ecclesiam, ut suæ iracundiæ organum, iusto suo iudicio illis illudet, & fucum faciet; per efficacissima nimirum miracula & prodigia, quæ cum illo Eliæ ignem è cælis deuocantis certare queant: quod hic repetitur. 14. Et hæc omnia miracula in conspectu bestię parauit: nempe ut per illa terræ incolas in cultum & adorationem *bestię* pelliciat. quibus etiam persuadet, ut faciant bestię imaginem, quæ gladio vulnerata fuit, & reuixit. nam non modo per se gentium multarum frena moderabitur hic hereticus Monarcha; verum etiam, suadente hac falsa Ecclesia, gentes vnanimi consensu Vicarijs eius, & Legatis, obsecundabunt: qui non contenti legibus loci, in quo sunt, soluti viuere & exempti; pari quoque cum Regibus honore & priuilegijs, vbi vbi sunt, fruentur. & hic voluntarius gentium consensus, adulterinæ illius Ecclesiæ sutelis expressus, hoc loco significatur per imaginem bestię, factam Ecclesiæ consilio. 15. Et potestas illi, nempe adulterinæ Ecclesiæ, data est imaginem bestię animandi; vocemque ex ea eliciendi; eorūque corpora occidendi, quotquot eam non adorarent. quemadmodum enim hæc *bestia* potestas populorum suffragijs confirmanda est, qui proinde imperij eius auctores sunt: ita operâ huius falsæ Ecclesiæ dabitur bestię hæc potestas, hoc enim est animam illi & vocem dare: cuius Ecclesiæ tanta erit rabies, ut neminem dimissura sit impunem, qui non censeat omnia huius Monarchæ mandata esse sacra, eiūque Legatis citra vllum renisum esse obtemperandum. 16. atque hæc falsa Ecclesia facit, ut omnes parui & magni, diuites & pauperes, liberi & serui, & in summa, ut omnes, cuiuscunque demum ordinis aut gradus fuerint, accipiant characterem, aut sigillum huius Monarchiæ in manu suâ dextrâ, aut in frontibus: nimirum ut publicè profiteantur obsequium, eiūque commoda tueantur, & ad-

2. Theff. 2.  
2. Reg. 2.



& aduersantes evertant. 17. & nequis possit emere aut vendere qui non habeat characterem, aut nomen bestię, aut numerum nominis eius. etenim tam vniuersalis futura est hæc apostasia, omnique hominum generi tam grata; vt nemini per illam adulterinam Ecclesiam licere possit in ciuili societate viuere (quę per emptionem & venditionem hic proponitur) nisi prius liquidò constiterit, non esse illum à religionis societate alienum. quod ex *bestię caractere*, eiusque nomine, & numero intelligitur. Quum itaque iam perspectum vobis sit, ad vniuersos hanc apostasiam pertinere, cauete ab ijs, in quorum ore insidiosa illa verba futura sunt, *Domine Domine*. triumphabunt enim ad tempus (vt hinc videre est) Pseudoprophetę: & penes se esse veram Ecclesiam iactitabunt; quia alia visibilis tum temporis nusquam erit. quanquam nullo tempore defuturi sint, qui genua non flectent Baali. Enimuerò non deuorabitur mulier à dracone, sed procul è conspectu hominum in cremo, vbi latebit, fouebitur: quemadmodum ante explicatum est. Retinete hæc verba memori mente, nam tempus veniet, cūm hæc doctrina multis erit instar spinarum in oculis. 18 Quod verò attinet ad *numerum bestię*, hīc sapientia opus est. qui intelligentiam habet, eius numerum subducatur. nam *numerus bestię*, vel Monarchię, est numerus hominis: nempe primi illius sedis Monarchę; qui primus omnibus blasphemię titulis insolescet; & sub quarta monarchia spirituales instaurabit dominationem, & tyrannidem: eiusque numerus, nempe numerus annorum à data hac nostrę Apocalypseos epistolę est sexcentorum sexaginta sex. tum enim ille regnare incipiet.

1. Reg. 19.

Cap. 12.

Benedictus a.  
Platina.

## CAP. XIII.

*Beata piorum conditio sub Papę tyrannide. eius ruina. soli fideles seruantur.*



Quemadmodum antehac, denunciato calamitatum terrore, mihi ad tristitię solatium proposita fuit Christi & Ecclesię beatissima conditio: ita nunc in proxima visione vtriusque bestię detecta tyrannide; nimirum spurie Ecclesię, eiusque Principis, omnibusque spiritualis illius dominationis expositis mallis; Christi & eorum omnium, qui se illi dediderunt, status indicatur: vt ex proximè sequentibus dabitur cognoscere. Tunc aspexi: & ecce, agnum stantem vidi in monte Sionis, & cum eo centum & quadraginta quatuor millia, habentia nomen patris eius scriptum in frontibus suis. nam grassante huius tyrannidis impotentiā, in *Sione* stabat agnus; nempe in loco suo sancto, vnde salutem spondet fidelibus, vt canit David. ingenti ille piorum acie stipatur, nimirum ex vnaquaque Israelis tribu duodecim millibus hominum selectis, vt antenorū vobis feci. qui numerus, etsi è Iudæis solis conflatus videatur,



tur, comprehendit nihilominus vtriusque generis fideles, cum Iudæos, tum gentiles: quod ad metaphoram continuandam factum est. nam ut antè per *Sanctum Sanctorum* (quæ pars erat materialis templi conditi Hierosolymis) omnes pij denotantur, quemadmodum audiuiſtis: ita Iudæorum numerum hoc loco expreſſum pro tota piorum collectione poni certum eſt: qui frontis notâ, partis nimirum maximè conſpicuæ, publicè Chriſtum intelliguntur profiteri: quemadmodum impij homines ſui Regis, Angeli nempe abyſſi, characterem in fronte impreſſum habent. Qui Chriſto dederunt nomina, ideo eius ſignum circumferunt, ut eius ope teſtentur euaiſſe ſe impotentem huius tyrannidis ſæuitiam. 2 Et audiui vocem è cœlo, tanquam vocem multarum aquarum, ſi magnitudinem reſpicias; & tanquam fragorem tonitruj, ſi terrorem. & audiui cytharedorum multorum vocem, pulſantium cytharas ſuas, 3 Et canentium quaſi canticum nouum, ante thronum, & in conſpectu quatuor animalium, & viginti quatuor ſeniorum. nec quiſquam poterat diſcere canticum illud, præter illa centum, & quadraginta quatuor millia: ij videlicet, qui empti ſunt è terra. nam qui pretioſo Chriſti ſanguine empti, & exempti ſunt è mundo, neque amplius ſunt de promiſcua multitudine, ſoli poterant ea verba diſcere, & intelligere. nam eorum ſolummodo ea res intererat. Vbi primò minatur Deus certam & celerem iſti tyrannidi ruinam: quæ vox Dei hoc loco, ut & apud Dauidem, multarum aquarum ſono comparatur, tum verò etiam tonitruj fragori. Secundò autem Angeli & Sancti hoc beneficium gratiarum actione agnoſcunt, & diuinas laudes hymno decantant; tanta animi alacritate, tanto ſtudio, quàm ſi hymnus nouus & antè inauditus foret; cuius ſuauiſſima harmonia ut notior euadat, ad temperatas cytharæ chordas, & organa in conſonantiam erecta, in conſpectu Dei, ſedentis in ſolio ſuæ maiestatis, decantatur, circumfuſis in corona quatuor animalibus, & viginti quatuor ſenioribus, quorum mentio antè facta eſt. 4 Hi agni comites ij ſunt, qui cum mulieribus non ſunt inquinati; nullius, videlicet, ſpiritualis adulterij rei, & omnino virgines, quo nomine in parabola lampadum inſigniuntur. hi comitantur agnum, quocunq; ierit. nuſquam enim ab eius veſtigij aberrant; neque verſus dextram, neque verſus ſiniſtram. hi empti ſunt ex hominibus: primitiæ mortalium Deo, & agno ſacræ. 5 Et in eorum ore non eſt inuentus dolus. ſunt enim inculpati ante thronum Dei, quorum debita ab agno ſoluta ſunt. 6 Deinde vidi alium Angelum, volantem per medium cœli, tenentem manu Euangelium æternum, quod annunciaret incolis terræ, omnibus nationibus, tribubus, linguis & populis. Nam ut antè in ſextæ tubæ clangore duos illos teſtes audiuiſtis reuiſſe, qui huius tyrannicæ & hæreticę monarchiæ ſcelere ſublati erant è vitâ: ita huius Angeli operâ idem

mihi nunc innotuit. hic in ipso crudelissimæ dominationis vigore per cælorum medium volat, quò nimirum palàm ab omnibus conspicì & audiri queat, dum salutis nuncium orbi terrarum longè lateque prædicandum circumfert. Deus ipse, videlicet, sub finem huius tyrannidis, dum adhuc viget & triumphat eius sequitia, Angelos suos & nuncios excitabit: & cum potestate legabit in terras, vt veritatis doctrinam palàm profiteantur; & huius tyrannidis errores, Sole & Luna testibus, refutent; quò nonnulli è singulis gentibus seligantur ad salutem, cæteri verò, qui pænitendi occasionem neglexerunt, inexcusabiles facti, geminatâ damnatione luant peruicaciam.

7 Ea autem monendi formula vtentur, quam audiui ab Angelo magna voce proclamari: *Timete Deum, & ei omnem gloriam tribuite: prope enim est hora iudicij eius. adore eum igitur, qui calum condidit, & terras, & maria, & fontes aquarum*: nempe, qui omnia bona & mala fecit; & corruptelis sæculi, in quo viuunt, hanc vniuersalem doctrinam applicabunt testes; & eo quidem modo, qui a duobus sequentibus Angelis expressus est. quorum prior aiebat: 8 *Cecidit, cecidit Babylon, illa magna Vrbs; quia vinum excandescentiæ præbuit omnibus gentibus potandum; vinum fornicationis suæ, & spiritualis adulterij*. Nempe vasta illa monarchia, *Babylon*, ideo sic nuncupata, quia abducit & detinet captiuas hominum animas, haud aliter, ac à vetere Babylone corpora Israelitarum rapiebantur in seruitutem: illa, inquam, monarchia citò redigetur in cineres. Cum enim apud Deum, cui omnia sunt præsentia, temporum discrimina nulla sint; ideo contingit vt ab ipso, & Angelis eius, sæpe dicatur factum, quod citra controuersiam & breui futurum est. quod eo diligentius notare debemus, quò frequentior in sequentibus occurret ea loquendi forma. Ea monarchia & citò, & suo merito ruet; quia plerosque omnes terræ incolas, suis blanditijs quasi inebriatos, stupefecit: eorumque obsequio ad hoc abusa est, vt erroribus suis, idololatriâ, & spirituali stupro eos pollueret. Nam vt viri, meretricijs illecti illecebris, coniugalem amorem permutant stupri consuetudine: ita horum hominum futelis gentes terræ Christum destituent, & hominum fidei salutem suam permittent. quinetiam fæmineum genus huic Ecclesiæ tribuitur, propter pathicam spiritualis stupri ignominiam: & disertim postea *magna meretrix* vocatur. Ratio autem, quare hoc genere monitionis Angeli vtantur, hisce verbis continetur, quæ ex tertij illius Angeli clamantis ore accepi. 9 Nam quicumque bestiam, aut imaginem eius ampliùs adorauerit, aut acceperit charactarem eius in fronte aut manu sua (vt ante auditum vobis est) 10 hic, in meritam flagitij pœnam, ex vino diuinæ excandescentiæ bibit. imò ex puro illo eius mero & non diluto, quod in poculum excandescentiæ ipsius infunditur. & torquetur igne &

ne & sulphure; nempe in tartarum præcipitabitur, cuius tormenta igne & sulfure figurantur: & id quidem in conspectu Sanctorum Angelorum. nam coram agno testimonium dicent contra illum: agnus autem eum iudicabit & damnabit. 11. Et fumus tormentorum adscendet in omnia ventura sæcula. videlicet, finem nescient tormenta eius. nam quotquot bestiam aut eius imaginem adorant, aut charactere nominis eius notati sunt; neque interdiu neque noctu sentient quietem. perpetuæ erunt videlicet horum miseriæ, sine intermissione, sine remissione. 12. Interea verò, dum funguntur testes pio hoc monendi officio, sanctorum vel fidelium constantia his in rebus explorabitur. quin & hoc examine, qui observant præcepta Dei, & retinent fidem Iesu Servatoris nostri, innotescunt & secernuntur à cæteris. 13. Tunc audiui vocem è cælo, dicentem mihi: scribe; *beati mortui; quotquot Domini causa dehinc morientur.* ita dicit Spiritus; quia requiescent à laboribus suis; & opera eorum sequentur eos. hac voce, quam cælitus audiui, certior factus sum testes hõce, propter sanctam illam monitionem, qua funguntur inter mortales, acerba multa passuros a spirituali Babylone: nihilominus, qui vitam suam causæ tam bonæ impenderint, fore cæteris feliciores. cui rei confirmandæ sanctus Spiritus ait, *ita est.* nec non rationem subiungit: quia, nempe, à perpetuis laboribus & ærumnis, quibus inter mortales obnoxij erant, iam feriabuntur: & opera eorum, tanquam merces, comitabuntur eos. nam vt sola fides hominum in cælos ductrix est, ideoque & prodroma; ita si fideliter obeant sua in terris munia, quo digniora & maiora illa fuerint, tanto maiore quoque in cælis remunerabuntur gloriæ mensurâ. & sic eos comitantur sua opera, vt eam ibi consequantur portionem, cuius per solam in Christum fidem antea erant certissimi. vt enim sol & luna, & cætera astra, quanquam lampades ardentes & lucidæ, non tamen eodem omnes micant splendore, sed suus cuique est lucis gradus, quo à reliquis distinguuntur: ita certissimum esse debet omnia vasa misericordiæ, quanquam inæquali gloriæ mensurâ donata, habitura tamen quantum possunt capere. inde autem orietur mensuræ inæqualitas, quia non omnes capere poterunt equalem. idem de gradibus pœnarum, quibus reprobj torquentur apud inferos, intelligendū venit. 14. Tunc adspexi: & ecce vidi candidam nubem: & insidebat nubi quidam, similis homini, habens impositam capiti coronam auream, & in manu sua falcem acutam. 15. Et alius Angelus prodijt è templo, clamans ad eum, magna voce, qui insidebat nubi: *Mitte falcem tuam & metes; quia venit tempus metendi. nam messis terræ præ maturitate exaruit.* qui candidæ nubi insidebat, similis filio hominis, Christus erat, in corusca gloriæ suæ nube, coronatus corona victoriæ. de quo eum duntaxat in finem hæc dicuntur, vt mihi innotesceret nouissimos illos dies, in quos incidet



incidit secundus eius aduentus, sequuturos proximè id tempus, quo resurrectione testium detegetur Babylon: vt ex sextæ tubæ fine vobis notum est. 16. quò tempore Christus in vnum colliget messem suam, vt ex ipso audiui, adhuc nobiscum in terris versante. 17. Tunc alius Angelus prodijt è templo, quod est in cælo; & aliam quoque falcem acutam manu tenebat. 18. Et alius Angelus prodijt ab altari, habens potestatem in ignem; & clamauit voce magna ad eum, qui habebat falcem acutam, dicens; mitte falcem tuam acutam, & vindemia botros vineæ: nam maturæ sunt vuæ. 19. misit igitur Angelus falcem suam acutam in terram, & vendemiauit vineam terræ, & misit in magnum illum lacum excandescentiæ diuinæ. nam, messe Christi in horreum collectâ, statim reprobi sunt mandandi exitio: vt patet ex Angeli iussu, qui ab altari veniebat; vtpote à Christo missus. hic Angelus potestatem habebat in ignem; nempe mandatum exitij: quod ille diuinarum plagarum administro, acuta falce armato, statim iniunxit. is autem eius imperio defectas vites in lacum excandescentiæ diuinæ immisit. nempe improbos diuinæ iracundiæ inundatione absorpsit. 20. Et calcatus est lacus extra ciuitatem. exiuitque sanguis è lacu vsque ad frenos equorum, per stadia mille sexcenta. Hoc certè omnibus electis insigni est solatio, quòd cum ceteri, qui non sunt de Christi messe in sanctam ciuitatem collecta, tanto numero intereant, vt equorum frena tingantur occisorum sanguine, & inundetur tota terra Cananæa, cuius longitudinem complet descriptus stadiorum numerus; quum, inquam, totus orbis inundetur, qui per terram Cananæam intelligitur, futurus sit tamen sanguis ille extra sanctam ciuitatem, quæ in medio terre sita est. quanquam enim vera ecclesia in medio orbis posita est, vt Hierosolyma in medio Cananææ terræ; tanta tamen ruina ne pilum quidem de eorum capitibus excutiet; sed extra eos cadet; exortes videlicet periculi, vt quondam terra Goshen plagarum Ægypti.

## CAP. XV.

*Fideles Papæ exitio & sua incolumitate laudant Deum. Plagæ, quibus ille eiusque sequaces percutientur, per septem phialarum effusionem significantur.*



Einde vidi aliud signum in cælo, magnum & admirabile: nempe, Angelos illos septem, qui habebant septem vltimas illas plagas: quoniam per illas erit excandescencia Dei consummata. explicata enim ruina vniuersi, quæ extra sanctæ ciuitatis pomeria cōtinget, nunc Dei Spiritus, ad incrementum solaminis, mihi speciatim manifestas fecit eas plagas, quæ imminet spirituali Babyloni: quibus, tanquam iustissima mercede, compensantur tum illius flagitia; tum

erumnæ, quibus orbem terrarum afflictura est. Et hæ sunt septem illæ nouissimæ plagæ, in septem Angelorum manibus; quorum hoc loco mentio facta est. 2. Et vidi tanquam mare vitreum mixtum igni; & eos, qui victoriam reportabant ex bestia illa, & imagine eius, & caractere eius, & numero nominis eius. nempe, ex quo tempore nouissima bestia ex alterius cineribus orta est, hos victores stantes vidi super hoc mare vitreum: & habebant Dei citharas. nam postquam, vna ex parte, mihi indicasset, quantum miseriarum perpeffura sit Babylon ab infligendis plagis: ita, ex altera, in victoribus illis, qui mari vitreo igne permixto insisterant, absolutissimam electorum fœlicitatem exhibuit: etiam eo ipso tempore, quo agitur tragœdia Babylonis. Nam hi victores Antichristum redarguent, & rubore confundent. reliquum verò orbem *vitreum mari* notatum adspicient illi, manus suas Dei citharis instructi, vel ora sua Dei laudibus, propterea quòd vitreum illud mare igne miscuerit: vel, quod idem est, iustissimâ pœnarum seueritate impios concusserit & oppresserit: quod sequentis hymni tenor exhibet.

3. Et cantarunt canticum Moysis, Dei serui & canticum agni. *canticum Moysis* dicebatur, tum quia diuinæ iustitiæ in mari vitreo puniendo, & sanguine Electorum vindicando, laudes continebat; quod in vltimis quoque Mosaïci cantici verbis continetur: tum quia Moyses de populo liberato à corporali Ægyptiorum seruitute Deo gratias agebat. Canticum agni dicebatur, propter similem laudis materiam; quia sub Euangelio è spiritualis Ægypti seruitute Ecclesiam liberauit. Huiusmodi autem erat eorum canticum: *magna & mirabilia sunt opera tua, Domine Deus omnipotens: iustus es in supplicijs, & verax in promissis, ô Rex: & defensor Sanctorum tuorum, eorum omnium, qui tibi adherent.* 4. *quis non timebit te, Domine, & glorificabit nomen tuum, siquidem solus omni ex parte sanctus es? nam in nouissimo die omnes gentes venient, & adorabunt coram te: quia iudicia tua tam manifesta facta sunt: illæque iam terræ incubuerunt.* 5. Et posthæc vidi plagas eas omnes, & singulas, quarum nomine diuinas laudes tanta contentione personabant. aspexi enim, & vidi templum tabernaculi testimonij apertum in cœlo. Huic prorsus simile est, quod in septimæ tubæ initio factum audiuitis. id pari de causa hîc iteratur, nempe vt arca fœderis tabernaculo inclusa conspicienda præberetur: inde enim testatum reliquit Deus se memorem esse promissi sui, septem Angelos missurum se, & totidem plagas incussurum. 6. Et ex hoc templo prodierunt septem Angeli (nam ab arcæ, & fœderis memoria factum est, vt a Deo cum mandatis mitterentur) induti lino mundo, & splendido, ad testimonium puritatis & innocentiae; & præcincti pectora zonis aureis, ad testimonium dignitatis & gloriæ. 7. Et vnum è quatuor animalibus dedit hisce Angelis septem phialas aureas, plenas excandescentiæ Dei viuentis in sæcula. Tali fulgent amictu hi Angeli:

& do-

& donantur illis aureis & pretiosis phialis ab vno è quatuor animalibus, præcellentissimis Dei creaturis, vt certò nobis constet plagas, quemadmodum Babyloni & eius sequacibus amarissimæ sunt, ita è contrà suauissimas accidere electis; nempe eorum è miserijs vindices. nam reproborum exitio sunt destinata; at de sancta ciuitate nemini prorsus nocent. 8. Et impletum est templum fumo, pròdeunte à maiestate Dei, & à virtute eius. nec quisquam poterat templum ingredi, donec consummata essent septem plagæ septem Angelorum; vt intelligamus neminem mortalium, quantumuis integer sit & purus sceleris, Deo se siltere audere iracundiæ suæ nube tetrico, & iustitiæ seueritate amictò; sed tum demum, quum fronte serenus, lenitate amabilis, dextram vltro miseris porrigit.

## CAP. XVI.

*Prima phiala Papam, eiusque assecclas nouis & incognitis affligit morbis. 2. ærumnis omnigenis, ferro, fame, pestilentia torquet populos illi adhaerentes. tertia æmulum Paparum ambitum ciuili bello castigat. hac vindicta iure rependitur sanguis Sanctorum ab ijsesus. quarta eleuat illius in animis hominum reuerentiam. quinta eius corruptelas profert in lucem. sexta copias eius & opes minuit, qua iactura animaduersa Iesuitas extrudit ad laceras reliquias colligendas, & euertendos fideles, quos Deus cum certa eius perniciæ propugnat. septima Papatum dissoluit, & diem Iudicij aduehit.*

**I** Vm audiui vñ cem è templo, dicentem hisce septem Angelis: *Ite, effundite septem phialas exardescentiæ Dei in terram.* iam iam etenim monstrandæ & describendæ mihi erant. 2 Aggressus est opus primus Angelus, & suam phialam in terram effudit. & incubuit vlcus malum, & noxium, in omnes eos, qui habebant characterem bestiæ, aut adorabant imaginem eius. Hæ plagæ mihi monstratæ destinabantur duntaxat in Babylonem, quemadmodum antehac dicebam. ideoque eandem illi remetientur mensuram, quam illa alijs mensurabit. nempe qualibus illa alios calamitatibus premet, talibus omnino siue, numerum spectes, siue pondus, ipsa cum suis assecclis torquetur. In quibus alluditur ad Ægypti plagas; quia ipsa (vt in sexta tuba audiuiistis) spiritualis Ægypti nomine venit. Igitur per primam hanc plagam innuitur afflictos fuisse ab illa pios, & morte affectos, vt ex sextæ tubæ sono patebat. & quemadmodum Moses solius Pharaonis causâ scabiem in omnes Ægyptios inuexit: ita perniciosum & pestilens malum omnibus Bestiæ sequacibus incumbet; nempe horrendis & inauditis morborum generibus laborabunt. 3 Deinde secundus Angelus ef-



fudit phialam suam in mare; factumque est illud, quasi cruor cadaueris; & quodcunque animal viuebat in mari, mortuum est. nam sicut bestia eorum persecutione, qui illius cultui reluctantur, turbabit mare; id est, gentes & populos inquietabit; suisque corruptelis bona opera extinguet, & fidei fructus fiderabit; quod declaratur visione bestiae orientis e mari: & sicut Moses rubrum mare conuertit in saniem (qui hinc cruor cadaueris appellatur) unde omnes pisces potioniata vitâ excedebant: ita gentes omnes & populi, Babylonicæ huius impietatis focij, intus & extra, bellis infestabuntur; nec non cæteris erumnis famis, & pestilentiae, & id genus alijs. 4 Tunc tertius effudit phialam suam in flumina, & fontes aquarum; & factæ sunt sanguis. nam corporeâ quidem successione fontes aquarum; id est, veros illos verbi cælestis præcones (quemadmodum ex tertia tuba constare potest) hæc notha Ecclesia proximè infecuta est: & Regi suo, *Apollyonti*, contra eosdem aquarum fontes opem tulit: auxiliareque manus præbuit ad impiam illam pastorum lanienam, qui adhuc publicæ labis erant immunes: quod in sexta tuba audiuiſtis. & vt Moses omnes fluuios, fontes, & aquas Ægypti mutauit in sanguinem: eodem modo doctores, & capita huius nothæ Ecclesiæ ciuilibus armis distrahentur. quin tribus aut quatuor in locis totidem homines reperientur, quorum singuli *regnum locustarum* pari ambitu affectabunt, quæ partium controuersia non nisi crudo ferro & sanguine dirimetur. Quocirca vt rectius intelligerem, quàm iuste dirus hic Sanctorum lanus, in multasiam personas diuisus, sui ipsius carnifex factus sit, 5 Audiui Angelum aquarum, nimirum, tertium illum, qui plagas has in aquas effudit; dicentem, *Iustus es ô Domine, quies, & qui eras, & qui eris; nec non sanctus, propterea quod hæc indicaris.* 6 Quoniam, vt isti cænosi, & fædi, & suppositij fontes aquarum Sanctorum & Prophetarum sanguine se scelerarunt; ita tu iam ijs sanguinem dedisti, quem potent. eiusmodi enim merentur mercedem. 7 Deinde vocem cuiusdam e sanctuario audiui, hæc ipsa confirmantem, his verbis: *Certe Domine vera sunt, & iusta tua iudicia. nam memor fuisti promissi tui, & iusto eos premio affecisti.* 8 Tum quartus Angelus phialam suam in solem effudit, & datum est ei homines igne affligere. nam, vt in quarta tuba, Sol sui luminis patiebatur deliquium; nempe à synceritate veritatis desciscabant præcipui doctores; non ab ipso *Apollyonte*, vt qui necdum esset, sed ab eius qualitatibus, unde conflatus est, ad apostasiam pellecti: cuius hoc loco pœnam luit *Apollyon*: & vt Moses Euri flatu inuexit in Ægyptum locustarum examina: eodem modo igneus ille Dei Spiritus, in ore testium, cruciabit Babylonem; Sol ille veritatis eam radijs suis torrebit; vt intus æstuet Babylon cum suis, & ardeat; nec quò se vertat sciat. 9 Sed illi blasphemarunt nomen Dei, habentis auctori-

auctoritatem in has plagas : neque resipuerunt , vt tribuerent illi gloriam . nam ea est impiorum peruicacia , ea obduratio , vt quæcunque ærumnæ pios ad Deum conuertunt , & odor vitæ sunt eis ad æternam salutem , eedem reddant hos deteriores , & sint odor mortis ad æternum interitum . 10 Tunc quintus Angelus effudit phialam suam in ipsum thronum bestię ; & factum est eius regnum tenebricosum . & illi , nempe bestia cum suis asseclis , mandebant linguas suas præ dolore . nam vt huius bestię origo , ac pabulum , est è caligine & fumo , quem eructat abyssus , cuius se Angelum & nuncium gerit , vt ex quinta tuba manifestum fuit ; & vt Moses densissimis tenebris Ægyptum obtexit : ita postquam probra illi à testibus obiecta sunt , ( quod quartæ phialæ æstu innuebatur ) regnum eius infusa veritatis luce obscurabitur ; & susque deque habebitur à multis : vnde grauis sequetur mystarum eius indignatio , quæ fremitu & dentium concussione significatur . 11 Et blasphemarunt Deum cæli præ doloribus & ærumnis suis : neque seauerunt à sceleribus suis . nam ( vt ante monui ) nihil est , quod istos flectat ad penitentiam : neque vlcera , quæ corporales pœnas ; nec dolores , qui spirituales notant : sed hæc & similia magis efferare & obfirmare consueuere eorum animos . quod ex ijs facile colligere est , quæ continuò post sextam phialam effusam in Euphratem fecerunt . 12 Tunc sextus Angelus suam in magnum amnem , Euphratem , phialam effudit ; & exsiccata est aqua eius : vt pararetur via Regum , venientium à solis ortu . quemadmodum igitur multarum gentium , quæ per *aquas* significantur , auxilio , dominata est illa bestia Ecclesiæ Dei ; & quemadmodum Moyses per mare rubrum virgâ Aaronicâ ficcum , tutumque transitum populo Israelitico aperuit : ita Deus vasti amnis Euphratis , Babylonem ambientis , alueum , quandiu visum est , euacuat ; nempe huius Monarchiæ neruos incidit . eam hostium incurfibus nudam exponit , vt pereat , quemadmodum iam audietis . Quod verò fluuius exaruerit , vt Reges ab ortu Solis venientes traicerent , ad Danielis historiam allusio est , mihi in sextæ tubæ clangore declarata . Quemadmodum enim Persæ & Medi ab aurora progressi , transito Euphrate , expugnarunt Babylonem ; & Baltazarem Regem eius trucidarunt : ita postquam testes spirituales Babylonem redarguere cæperunt ; vt in quarta phiala ; ex qua redargutione regno eius tenebræ offusæ sunt , vt in quinta habetur : tum verò Deus , Euphrate exsiccato , viam sternit ad illius interitum . quam viam insistentes diuinę iustitię administri , missi ab illo Sole oriente , nempe à Christo ( vt in sexto sigillo audiuitis ) Regem ipsum interiment : & eius magnam urbem cum æterna ciuium infamia excindent : quemadmodum in sequentibus hæc omnia clarius intuebimini . 13 Et tum demum ex ore draconis , & ex ore bestię , & ex ore Pseudoprophetæ il-

Exod. 14

Cap. 9.

lius

lius tres impuros spiritus vidi prodeuntes, similes ranis. hæc enim est (vt ante monui) illius pænitię summa, quam animo Babylonis phialę adferent. Draco vltimum in rebus desperatis auxilium petet à nouo quodam ordine ecclesiastico, quem ipse excitabit, procuratorum suorum & mandatariorum; quæ nouissima est Diaboli progenies. hi sunt, quos in sextę tubæ visione *equi* nomine indicaui. eorum numerus ideo est ternarius, vt triplicibus ipsorum armis respondeat, vt in sexta tuba animaduersum fuit: quoniam ex eorum ore tria ærumnarum & exitiorum genera prodibant. quemadmodum & ipsimet ex ore tergemino prodibant; *Draconis* primò, nempe quia Diabolus est eorum parens: deinde *bestia*, quia eorum & locustarum Rex est bestia; quas in labentis imperij subsidium extrudit, instruit, dirigit, postquam rem videt ad triarios venisse, certumque iam imperio suo exitium imminere: *Pseudo-propheta* denique, aut *pseudecclesia*; quia ex prædictis sceleribus nihil patrant, nisi auctore Ecclesia. hi immundi spiritus, errorum magistri, hæreseon institores, fraudum artifices, ideo ranis assimilantur; tum quia ex putidis, exoletis, & rancidis opinionibus toti sunt confuti; quibus longè ante eorum aduentum mundus occæcatus fuerat; non aliter, ac è putrescente limo conflantur ranæ: tum quia omnibus fraudum machinis supplantare nituntur, & dammare cæteros Ecclesiæ ordines, vt mancos & mutilos, quia eorum regnum est cæcitas. Sed quibuscunque demum versutijs hi se in gratiam plebis insinuent, nihil tamen aliud est eorum doctrina, nisi impura illa, & fæda priorum hæreseon colluui-es, à locustis multò antè facta. nimirum a natura comparatum est, vt ranunculæ crescant in ranas. 14 Sunt enim Spiritus Dæmoniorum improbi & dolosi, instar parentum suorum; miraculorum imposturis famosi; miros enim hominibus fucos facient: & Reges omnes, & totum mundum prensabunt, vt congregent sese ad prælium magni illius diei, Dei omnipotentis. Tanta enim gratia valebunt extrema hæc Diaboli excrementa apud plerosque orbis Principes (quemadmodum vobis in sexta tuba monstraui) vt aduersus Ecclesiam copias conscripturi sint, & ducturi in aciem. Victoria tamen penes Ecclesiam manebit, vt plenius infra ostendetur. 15 Beati igitur, qui interea temporis nec defectione, nec desperatione tentantur: sed vigilant, & vestimenta sua pura seruant a latè serpente labe; ne aliàs incedant nudi; nimirum amictu iustitiæ exuti: atque adeò eorum pudenda cernantur; scilicet naturalis eorum in malum propensio. nam, ecce venio vt fur. nihil enim erit hora aduentus mei incertius. 16 Et locus, in quo terræ Principes ab impuris spiritibus conuocati aduersus Dei Ecclesiam coierunt, vocatur Hebraicè *Armageddon*. nam eorum dolo malo Principes in suam perniciem congregati sunt. 17 Tum septimus Angelus effudit septimam phialam in aerem: & prodijt vox magna è templo cæli,



cæli, ab ipso throno dicens, *factum est.* 18 Tunc audiebantur fragores, & fulgura, & tonitrua: & tantus terræ motus factus est, quantus nunquam ante in orbe conspectus est. Nam sicut aer turbatus infernali illo fumo caligabat, vnde Rex locustarum emerfit in primo sigillo: & sicut Moyses ingenti vi grandinis percussit Ægyptum (quod genus meteoris nascitur in aere) ita postquam Deus conferto prælio Babylonem & eius omnes satellites profligasset (vt in sexto sigillo audiuitis) continuò iam sequitur nouissima plaga consummationis vniuersi in aere. in aere enim audientur fragores isti, magnæ illius diei prodromi: cuius lux non minorem adferet electis lætitiā, quā reprobis terrorem. Ex templo, in quo fædus erat, promulgabitur hæc dies, ipsius Dei voce, qua ijs verbis, quæ modo vobis percepta sunt, rerum omnium denunciabitur finis: cuius indicium est quidem fragor ille auditus, sed præcipuè & peculiari quadam ratione terræ motus, vt Christus ipse consummationem vniuersi prædicens explicat. 19 Et diuisa est vrbs illa magna in tres partes: & hoc iure, quia trientem orbis terrarum exitio dederat, vt in sexta tuba audiuitis. & ciuitates gentium ceciderunt, quia de poculo abominationis eius biberunt. & magna Babylon, eiusque peccata in memoriam venere, in conspectu Dei. tunc enim plenum calicem, & excandescētia sua spumantem, dabit illi Deus; cum indubitata illius pernicio exauriendum. 20 Et omnes insulæ fugerunt, & montes amplius inuenti non sunt. neque enim aut marium profundis, aut montium inaccessis tuti esse poterunt impij à diuinorum iudiciorum terrore, in die illo magno & nouissimo. hoc quoque supremum diem (vt ante audiuitis) significat. 21 Et grando magna, quasi talenti pondo, cecidit in homines: verum blasphemarunt Deum, propter plagam grandinis. nam vehementissima illa fuit. Per hanc grandinem quoque vasta quædam ruina in die nouissimo venit intelligenda, quemadmodum ex septima tuba vobis constare poterat. Verum ea erit durities, ea peruicacia, & obduratio impiorum, etiam in nouissimo vitæ halitu, vt potius crescat in maius, quā minuatur. cuius rei indices sunt blasphemix, quibus propter immixtam grandinis procellam confurgunt in Deum.

## CAP. XVII.

*Angelus Ioanni manifestam facit, & perspicuam hanc Papæ visionem: fusèque illum describit: tum auctores modumq; exitij illius clarissimè explicat.*



T quoniam non satis capiebam, quid sibi vellent hæc *plagæ*; quid item *Babylon*, quæ illis percussa dicebatur; capropter vnus ex Angelis, qui phialas effuderant, mihi dixit, *Heus tu, ego tibi familiarius exponam magnæ illius meretricis damnationem, tum verò quenam illa sit, quæ super multas aquas sedeat*: 2. cum qua spirituales stupri consuetudinem habuerunt *Reges*, & cuius scortationis vino inebriati sunt *terræ incolæ*; nempe ingens variarum gentium colluies, ad quas nihil attinet electionis mylterium: vt supra fuit indicatum. 3. Tum me per spiritum (vt in iplo huius epistolæ limine vobis significauit) abripuit Angelus in desertum, quo nomine Gentilitas significatur, *Esaia* teste. Nam *Bestia* cum suis omnibus reapse gentiles sunt, vt in sexta audiuitis tuba: & iuxta Domini nostri pronunciatum, *quisquis nobiscum non colligit, spargit*. nec enim magis inuenitur medium inter duos hosce athlotheras, *Deum & Diabolum*; quàm inter eorum præmia, *cælum & infernum*. & quemadmodum fieri non potest, quin alterum è duobus illis Dominis sequamur in vita; ita pariter necesse est ad alterum è duobus illis locis, post hanc vitam, proficiscamur. Tum vidi in eremo *mulierem* ipsam, nimirum *Babylonem*; *meretricem* illam, insidentem coccinæ & sanguinolentæ bestię; sicut ante humana specie insidebat *equo pallido*, in quarto sigillo. Et hæc bestia blasphemię plena erat, & septem capita habebat, & decem cornua, vt supra. 4. erat autem *mulier* illa amicta purpura, & cocco, & gemmis, & margaritis: manu autem aureum poculum tenebat. Monarchia enim hæc, & eius Monarcha, etiam corporali huiusmodi colorum magnificentia vestientur; gemmis, & margaritis splendentes. Porro colores hi, omnium maximè illustres, & hæc decora gemmarum indicant nihil fore hac Monarchia, eiusque sede gloriosius; aut in mundi conspectu (vt supra monui) splendidius. nec tantum pomposa hac honoris specie veram Dei referet Ecclesiam; verumetiam è communibus synceræ religionis principijs multa retinebit, quod *aureo poculo* significatur. Verumtamen illud ipsum *poculum* plenum erat abominationibus, & immunditiâ spiritualis scortationis eius. nam quanquam in multis veritatem retineat, quâ, tanquam illecebrâ, credulis infidietur, eosque in amorem sui pelliciat; eam tamen pestifero suarum hereleon, & traditionum veneno, & spiritualis sui adulterij impuritate inficiet: vt dictum est prius. 5. Et fronti eius mylterium inscriptum erat: *Babylon illa magna*: nempe spiritualis illa *Babylon* (vt supra,) mater scortationum & abo-

& abominationum terræ. quæ etenim hæreses & corruptelæ omnium maxime sunt, & solæ ferè præcipuè dici merentur, ex ea nascentur, & illæ quidem specioso Christianitatis titulo velatæ. hisce præter ceteros inquinabuntur vsque ad consummationem sæculi, quibus vox hæc in labijs natat, *Domine, Domine.* neque tantum Babylon hosce errores, vt mater, pariet; verum etiam, vt nutrix, eos fouebit, alet, proteget. *Mysterium* autem hoc dicitur, quia licet in publico & propatulo omnium oculis expositum sit (quod *frontis inscriptione* indicatur) ijs tamen solis nequitiam hanc dabitur intueri, à quorum oculis diuinæ misericordiæ ope glaucoma remota est. 6. Et vidi mulierem illam ebriam sanguine Sanctorum, & martyrum Iesu Saluatoris. sitiet enim absque modo, & ratione, & miseratione; atque auidissimè hauriet sanguinem Sanctorum, vt sæpe audiuiſtis prius. & cum viderem eam, valde eam miratus sum: neque enim intellectu penetrare poteram in septem capita, & decem cornua *bestiæ* cui insidebat. 7. Ergo Angelus qui eam mihi monſtrauerat (vt ante percepistis) quum me animaduerneret admiratione perculsum. noli (inquit) mirari. ego tibi reuelabo mysterium *mulieris*, & *bestiæ*, quæ eam portat, quæ habet capita septem & cornua decem. 8. hæc bestia, quàm vidisti, vel Monarchia per eam significata (quarta enim innuitur Monarchia, illa validissima omniū & quondam florentissima) fuit, & non est: adeo nunc videlicet diminutâ priore potentiâ, vt quodammodo dici possit non esse. de nouo autem, vt primum vulnus capitis perſanatum erit, ex abyſſo emerſura est: nec tamen effugiet imminentem ruinam. incolæ autem terræ, quorum nomina in libro vitæ ante iacta mundi fundamenta scripta non sunt, rapiuntur in admirationem, quæ omnia antehac percepistis: mirabuntur, inquam, bestiam quæ fuit, (nimirum florida & potens) & iam non est (quadantenus videlicet, vt modo percepistis) & adhuc est (nimirum ſuis etiamnum nixa fundamentis, licet multò quàm antehac debilior.) 9. Arrigite aures ad ea, quæ vobis aperio. hîc enim tanquam ad lydiū lapidem explorabitur hominum ſapientia, vt ex meis verbis intelligent, quæ tandem Monarchia, quæ tyrannis hic deſcribatur. *Septem bestiæ capitibus* tum ſeptem montes ſignificantur, ſuper quibus fundata est auguſta huius imperij ſedes: tum ſeptem Reges; vel totidem Magiſtratuum genera, quibus hæc Monarchia antehac uſa est, & poſthac vtetur. 10. quinque eorum fuere; vnus nunc eſt, nimirum ſextus; alius ſequetur, nempe ſeptimus; ſed nec dum venit, & quum venerit, exiguo ſane tempore manebit. 11. Bestia autem hæc, quæ erat (nempe adeo potens) & non eſt (vt modo audiuiſtis, nam iam decreſcit) eſt octauus ille, & tamen vnus eſt ſeptem. Etenim hæc bestia eſt ruderiſus quartæ Monarchiæ excitata (vt iam explicatum eſt) quum in hominum conſcientias hæreticam uſurpatura ſit tyrannidem, propter hoc nouum genus



genus politiæ distinguitur à cæteris : & hanc ob causam dicitur *oſtannus ille* : nihilominus, quia eandem imperij sedem cum cæteris fortietur, & pari aut maiore superbia orbi terrarum dominabitur, eâdem denique ciuilibus politiæ forma cum vnoquoque è septem illis vtetur ; propter hanc, inquam, tam multiplicem similitudinem septem illis hanc quoque bestiam adnumero. 12. Decem autem cornua, quæ vidisti, decem Reges significant ; numerosos, nimirum, illos in singulis prouincijs magistratus, huic quartæ Monarchiæ subordinatos ; qui regnum suum nondum acceperunt. nam sub omnibus illis politiæ speciebus, quibus imperium illud variabitur, præterquam sub vltima hac & hæretica ; magistratus inferiores & subordinati in subditorum numero futuri sunt : at cum *Bestiâ* regalem accipient potestatem. nimirum quo tempore *Apollyon* ille è *quartæ bestię* cineribus suscitabitur ; è ruinis, inquam, quartæ Monarchiæ ; continuò Reges terræ sese illi in seruitutem addicent, tanquam magistratus illi subordinati ; quum tamen ante id tempus, illius Monarchiæ robur in solis imperij subditis fuerit. atque ita *cornua*, vel vires illius bestię, ante vulnus illud acceptum, è meris subditis constabant. at, eo vulnere perſanato, Reges huius mundi & Imperatores in cornua illius & robur degenerabunt. 13. Hi vnus erunt sententiæ : & vires & auctoritatem suam bestię tradent. nempe vtrò Babylonico iugo colla præbebunt, & omnes potentię suę neruos in huius tyrannidis incolumitatem, & Sanctorum vexationem intendent. 14. Et cum agno manum conferent, dum sic illius membra affligunt. verum successu destituentur omnia eorum conata. nam profligabuntur demum ab agno : quia ipse est Rex Regum, & Dominus dominantium : & qui ab illius sunt partibus, eiusque sequuntur castra, *ELECTI* nominantur & *FIDELES*. 15. Dixit præterea mihi Angelus : aquę illę, super quibus *meretricem* sedentem vidisti, populi sunt, & turbę, & gentes, & linguę, quę se illius imperio permiserunt. 16. Quod autem illa decem cornua attinet, quę vidisti, hoc saltem tibi prædictum volo : licet ad tempus, libertatis suę immemores seruituri sint Reges Babyloni, dextris suis ei commodatis ad persecutionem sanctorum ; dies tamen veniet, etiam ante consummationem vniuersi, quum meretricem, quę eorum simplicitate tam diu & tam impotenter abusa est, internecino odio proſequentur ; solamque destituent. ciues enim suos & populos, quibus eius subnixa erat potentia, eius subtrahent imperio. tum carnes eius comedent : & ipsam igne exurent ; nempe opibus, & potestate, & magnificentia illam exuent : & demum penitus euertent. 17. Sed tu noli illud mirari. nam Deus dedit in corda ipsorum ; nempe ad tempus eos *Bestię* permisit abutendos ; vt nihil agant nisi ex illius libidine : omnes illius pretextus & vesutias approbent : regna deniq ; sua illius impotentię tantisper permittant, donec verbū Dei consummetur :  
nempe,

nempe, illi sua submittent sceptrā, & ius regnandi ab illa mendicabunt, dum veniet tempus hoc vaticinio præfixum: quo tempore à Deo excidantur Reges ad excindendam Babylonem. nec enim minus summorum Regum, quàm imæ plebis corda in manu Domini sunt; vt illius exequantur imperia; & tanquam pilæ, quocunque tandem voluntatis diuinæ tulerit impetus, rotentur. 18. Et hæc MULIER vel MERETRIX, quam vidisti, est magna vrbs illa bestię, vel Monarchię sedes; quæ Regibus terræ cum imperio præest: vt ante tibi innotuit. Ceterum in vna hac regni sede plures, imò permulti Reges, continuatâ successionē, alij alios sequuntur, qui eandem religionis hæresin, eosdem superstitionis ritus, & eandem omnes politiam retinebunt: & id quartæ Monarchię, ynde originem trahet, emulatione.

## CAP. XVIII.

*Luctus orbis in ruina papatus. quæ commoda hominibus huius mundi ex prosperis Papæ rebus redundarint: ingentes illius Ecclesię diuitiæ & opulentia. animarum nundinatio per indulgentias. celites de eius exitio interea temporis letantur, dum mundus & mundani homines ea propter incedunt pullati.*

**E**T post hæc vidi alium Angelum, descendentem de cælo, habentem auctoritatem magnam, ita vt terra illius gloriâ illustraretur. nam vt primum Deus per vnum è septem Angelis, qui phialas tenebant, faminam illam bestię insidentem mihi, quàm antea, fecisset notio-rem; nunc per alium quendam, qui est ipse Christus, meritissimam Babylonis damnationem mihi indicat: immò verò orbi terrarum promulgat, quod *Angeli in terrâ descensu* significatur. 2. Exclamauit autem magna voce, dicens: *cecidit, cecidit Babylon; illa magna; & facta est domicilium Dæmoniorum, & omnium impurarum, dirarumque volucrum.* nempe magna illa vrbs, augusta sedes imperij, excindetur à fundamentis: & æternum desolabitur, quemadmodum & Hierosolymis olim prædictum fuit. 3. quia ex vino scortationis eius omnes gentes biberunt, & Reges terræ cum ea scortati sunt; & mercatores terræ, opibus luxus eius ditati sunt. tanta humanæ gloriæ magnificentiâ & pompâ splendebat hæc Monarchia. 4. Et audiui aliam vocem de cælo, nempe Sancti Spiritus, dicentem: *exite ex ea popule mi*: omnes inquam electi: ne participes sitis peccatorum eius, & plagarum, quæ propterea illi incutientur. nam si externâ tantum conuersatione illi cohæreatis, & ad eius flagitia tantum conuiuere videamini; profectò omnium eius peccatorū rei peragemini. nam si vobis in votis est, vt Christus in nouissimo die palam, & coram patre suo & Angelis, vos agnoscat, corporaque & animas æternæ felicitatis præmio mactet; non debet esse vobis pudori, coram hominibus &



corpore & anima illi seruire. hoc ego vos præmonitos volo, vt qui secus facturi sunt reddantur inexcusabiles. 5. Nam ad eam altitudinem venerunt eius peccata, vt cælum contingant, & eorum memor est Deus. itaque non solum deferenda vobis est eius consuetudo, vt ante monui (neque enim sufficit abstinere à malo) 6. sed etiam de vindicta ab ea poscenda cogitandum est; vt id illi reddatis, quod vobis fecit; & duplum illi suorum operum rependatis; & in poculo, quod alijs propinauit, duplum ei propinetis: omnia nempe experimini, quæ ad eius molestiam & interitum facere videbuntur; quemadmodum illa alijs vexandis subuertendisque semper fuit intenta. denique eius superbiam, & luxuriam tormentis, mærore, luctu compensate. 7. Dicit enim in corde suo, Sedeo Regina, & iam firmatâ meâ Monarchiâ secura: neque vidua sum: neque orba vnquam ero: neque luctus videbo incommoda: nec interitus pericula gustabo. 8. Quandoquidem igitur humanis opibus subnixa est eius sclicitas, humanis etiam manibus punietur, *morte, luctu, fame, incendio*; nempe omnes experta tormentorum gradus, denique funditus peribit. quia validus est Dominus Deus, qui damnabit eam. 9. Tum Reges terræ, olim *cornua illius*, quique cum illâ scortati & luxuriati sunt, conspecto incendij fumo, præ miseratione flebunt & lugebunt eam. quanquam enim illi ipsi auctores ruinæ huius extiterint, vt iam explicatum est; tanta tamen ea futura est, vt quum fumantes aspexerint cineres, animi eorû in miserationem conuersi non possint non deplorare, quod manus peregerint. 10. Stabunt autem procul à tormentis eius. reficabitur enim tormentis hisce peccatorum suorum memoria, quæ illis ingentem incutient pauorem: & admiratione perculsi dicent: *Vah, vah! magna illa vrbs BABYLON, vrbs illa valida*, cuius iudicium & interitus vnâ & eadem horâ, & simul venere. 11. Et mercatores flebunt & lugebunt illam; quia merces eorum non eumentur amplius. eius enim pompa vendibiles faciebat pretiosas merces, vnde mercatores ditescabant. 12. quales sunt *aurum, argentum, gemma, margarita, byssus, purpura, sericum, coccus*; & omnia vasorum genera idololatriæ inservientia, ex ebore, ligno pretioso, ære, ferro, marmore. 13. *Cinnamomum & suffitus omniuges, ad supersticiosos ritus; cum vnguentis & thure, ad eandem rem, & similia*; & omne genus frumenti, iumentique; & oves ad conuiuiorum apparatus; & equi, & currus, & mancipia; & triumphorum & processionum solennitates, & hominum anima. nam multos conducet institores animarum, qui indulgentias; queis animæ sospitari, redimi, & liberari creduntur; pretio distrahant. Sed breui de his postea. 14. Et fructus desideriorum animæ tuæ, ô *Babylon*, abibunt à te: verterent nimirum in mærorem lubentiæ tuæ: & oblectamenta, & omnia pingua, & præclara abierunt à te: omnia nempe tua emolumenta & voluptates te destituent: nec amplius illa inuenies. tuum enim nomen in

eternum



eternum delebitur. 15. Et mercatores, qui harum mercium empti-  
one venditioneque ditabantur, procul stabunt à tormentis eius, flentes  
& lugentes. 16. *Vah, vah*, dicent: *magna illa vrbs olim amiciebatur bys-*  
*so, purpura, & cocco; auroque deaurata, & gemmis, & margaritis ornata, in-*  
*tuentium oculos præstinguebat: ecce, una hora vastata sunt eius diuitiæ: om-*  
*nisque eius pompa disparuit.* 17. Et omnes gubernatores, & nauarchi,  
omnisque in nauibus versantium turba; & omnes nautæ, & quotquot  
ex mari quæstū faciunt, procul stabunt, præ timore: 18. & clamabunt  
videntes fumum incendij eius; dicentes cum magna admiratione: *quæ*  
*vrbs magnificentia aut gloriæ splendore hanc æquabat?* 19. & miseratione  
ruinæ eius, & mærore amissi proprij quæstus, quem, mercibus vndi-  
quaque in eam urbem aduehendis, facere solebant, capitibus suis pul-  
uerem iniicient, & cineres: *Vah, vah*, aientes, *quòd magna illa vrbs; in qua*  
*omnes, qui habebant naues in mari, mercium pretys & negotiandi priuilegio lo-*  
*cupletati sunt; vnâ horâ desolata est.* 20. At quanquam in eius funere  
mæsti futuri sint terreni homines, propter terrenarum voluptatum &  
quæstum iacturam, quibus illi Babylonis ope ante fruebantur; cuius  
religio omnis terrena erat, nempe humanis inuentis & traditionibus  
nixa, terrenæque pompæ & potentiâ sustentata: exultate tamen cœli in  
eius interitu: vósque, *Sancti Apostoli & Prophetæ*, lætamini. nam in eius  
supplicio vestram Deus vindicauit iniuriam. 21. Tùm verò ad fir-  
mandum Babylonicæ ruinæ vaticinium, vidi Angelum validum tollere  
*vastum lapidem*, instar molaris, eumque proijcere in mare, dicentem:  
Tanto certè cum impetu deiicietur Babylon, illa magna vrbs: neque  
amplius locus eius inuenietur: quemadmodum de altera illa & corpo-  
rea Babylone vaticinatus est Ieremias. 22. Et vox *cytharedorum, &*  
*Muscorum, & tibia & tuba canentium* non amplius audietur in te. omnis  
enim lætitia & hilaritas ex hac Monarchia, eiúsque sede exulabit. nec  
*ullus artifex*, cuiuscunque artis, amplius inuenietur in te. nec *sonitus*  
*mole* amplius audietur in te. nam incolarum honore hæc vrbs in poste-  
rum destituetur. 23. nec lucernæ lux amplius inuenietur in te: ne-  
que *mariti & vxoris* vox amplius audietur in te. nam vt impijs nullus  
ibi in posterum futurus est locus; sic nulla erunt piorum domicilia. a-  
deo omnibus deuouebitur diris, vt nec virginum lampades ibi arsuræ  
sint; nec Christus cum sponsa Ecclesia vnquam appariturus; quan-  
quam in media tyrannide etiam intra illius vrbs pomeria electorum  
nonnulli semper latuerint, & semper quoque futuri sint; cuius vrbs  
mercatores erant optimates terræ, cuiusque præstigijs omnes gentes à  
vero seducti sunt. 24. Et *sanguis Prophetarum & Sanctorum* in ea in-  
uentus est, & omnium qui mactati sunt in terra. Iure igitur hac clade  
delebitur *Babylon*; tum quia nuncios suos & legatos magna instructos  
potestate *institores indulgentiarum suarum* esse voluit; precúmque, & Sa-

Sacramentorum, & meritorum, & peccatorum, & ipsarum quoque animarum, vt ante audiuiſtis : atque ita multis gentibus hoc tanquam carmine fucum fecit : tum quia barbarè Sanctos afflixit, & interemit ; adeo vt omnium, ab Abele, Sanctorum sanguinem, qui vitam suam pro diuinæ veritatis amore, & testimonio filij, tanquam victimam obtulerunt, ab illa sit exacturus Deus, & in illam vindicaturus : vt quæ priorum tyrannorum furorem in persequendis & opprimendis Sanctis exceperit, æquarit, exceſſerit.

## CAP. XIX.

*Sancti Deum laudant ob Papæ exitium. gloria secundi aduentus Christi fusè explicata. Papæ eiusque Ecclesiæ aterna damnatio.*



**I**gitur iuxta illa monita, quibus cœli & cœlites, Prophetæ nempe & Apostoli, tam iuebantur lætari de interitu Babylonis, quàm reprobis mærebant vt supra audiuiſtis : iuxta illa inquam monita, magnæ concionis vocem in cœlo audiui, dicentem : HALLELVIAH, quod si interpreteris sonat ; *Laudate Dominum, alta voce. salus honor gloria & virtus omnis cum Deo nostro.* 2 Nam vera & iusta sunt eius iudicia. ille MERETRICEM illam magnam, quæ scortatione terram polluerat, damnauit ; & sua dextra sanguinem seruorum suorum in illam vindicauit. 3 Deinde secundò dixrunt : HALLELVIAH. nam fumus ruine illius ascendit in omnia sæcula : neque enim vnquam resurget : sed vigili igne semper ardebit. 4 Itidem viginti quatuor seniores, vt Deo gratias agerent, prociderunt in facies suas : & cum illis quatuor *Bestiæ* adorarunt Deum insidentem throno, vno ore dicentes omnes : *amen, halleluiah.* 5 Vocem quoque a throno prodeuntem audiui, nimirum vnus è bestiis, ei succollantibus dicentem : *laudate Deum nostrum omnes serui eius, & qui timetis eum parui & magni.* 6 Et statim iuxta hoc mandatum appulit ad aures meas vox, quasi condensæ concionis, similis multarum aquarum aut tonitruï fragoribus, dicens : HALLELVIAH. *quoniam Dominus Deus noster, diruta Babylone, eiusque ciuibz oppressis, suum adiit regnum.* 7 Gaudeamus igitur, & exultemus : illique omnem demus gloriam ; quia venerunt NVPTIÆ AGNI, nempe dies nouissimus prope est. & EIVS VXOR parauit se illi ; scilicet eius Ecclesia ab improborum contagione liberata est. 8 Et datum est ei, vt amiciatur byſſo munda, & splendida, quæ est iustificatio Sanctorum. nam vt puritas, splendor, candor, & pretium commendant byſſum ; sic intaminatus ille est, & carus, & gloriosus iustitiæ per imputationem amictus, quo vestiuntur Sancti. nam ex sola Christi iustitia textur ille nostræ *iustificationis amictus*, die nouissimo

uissimo induendus; quem quoque ab ipso porrigi necesse est, ut modò audiuiſtis. nam quemadmodum ne bona quidem cogitatio in noſtra eſt poteſtate; ita penes nos non eſt niſi æternam mortem mereri: & cum omnibus bonis operibus, quæ poſſumus, defuncti ſumus, id nobis exiſtimandum relinquitur, *nos inuiles eſſe ſeruos*, ut Chriſtus ipſe dixit.

9 Tunc eadem vox, nempe Angeli, qui hæc expoſuit, dixit mihi: *Scribe & prode poſteriorum memoria. beati qui ad cenam nuptiarum* AGNI *vocati ſunt*: quarum ex ipſius ore parabolam audiuiſtis. nam quotquot efficaciter vocati ſunt, nunquam reiſcientur, ſed in æternum electi ſunt: & dixit mihi, vera ſunt hæc verba Dei, quæ te iuſſi poſteriorum memoria ſcripta relinquere. nempe ab ipſo Deo profectum eſt huius promiſſionis ſolacium, quam ita diſtictim volui fratribus tuis tuâ operâ teſtatam. nam in nouiſſimis diebus hæc ipſa meretricia & hæretica *Babylon* huius promiſſionis fidem apud ſuos eleuabit, & homines electionis ſuæ incertitudine ambiguos ſuſpender.

10 Et procidi ante pedes *Angeli*, adoraturus illum (nam omnes mortales naturæ vitio in rerum viſibilium cultum, id eſt, idololatriam propenſi ſunt. ea eſt noſtræ carnis infirmitas, niſi cælitùs diuinæ gratiæ ſultentetur fulcro) verùm ille ægrè ferens, *vide*, inquit, *ne feceris*. nam quanquam Creatoris beneficio Angelicæ naturæ excellentia vincat humanam, conſeruus tuus nihilominus ſum, atque adeo vnus è fratribus tuis, creatura, & miniſter Chriſti, eius teſtimonio defungens in cælis, quemadmodum tu in terris. Vnum igitur Deum adora. ſiquidem nullam creaturam cultu aut prece noſtra fas eſt dignari; neque verò vlla eſt, niſi per Chriſtum, interceſſio. nec eſt, quòd mihi huius prophetiæ gratiâ diuinum exhibeas honorem. teſtimonium enim Ieſu eſt ſpiritus prophetiæ, quod donum mihi cum multis commune eſt. imò verò non eſt aliud, quàm prophetiæ ſpiritus, qui gratiâ inſtruit omnes electos, ut verè & conſtanter de Chriſto teſtificentur; licet hoc non ſit illius ſpiritus donum, quo prædicuntur futura.

11 Tunc vniuerſus diei nouiſſimæ apparatus mihi datus eſt conſpiciendus. nam vidi cælos apertos; & ecce EQVVS ALBVS ex illis deſiliit (de hoc equo audiuiſtis in quinto ſigillo) qui autem illi infidebat, nempe Chriſtus, FIDELIS & VERAX nominabatur. huius enim iudicij functione promiſſis ſuis nunc erat ſatisfacturus. aliud quoque illi nomen erat, nimirum, QVI IVSTE IUDICAT ET PVGNAT. iam iam enim ſententiam laturus erat de orbe terrarum, & æternæ damnationis decreto proſcripturus improbos.

12 Oculi autem eius erant, tanquam flamma ignis (ut ex huius epiſtolæ initio vobis notum eſt) multaue in capite eius erant diademata. ex hoc enim in cuncta ſæcula, ipſe omnium regnorum mundi habenas moderaturus erat, quemadmodum Seniores in ſeptima tuba cecinerunt. habebatque nomen inſcriptum ſibi, quod nemo præter ipſum noſſe poterat.



poterat. tam profundo enim myſterij ſecreto ſeptum eſt hoc R E-  
 D'EMPTORIS nomen, vt nullius creaturæ ſapientiæ penetrabile ſit.  
 Vnde ipſum quondam dicentem audiui, *nec Angelorum tolli, nec ſibi* (qua-  
 tenus homo erat) *notum eſſe nouiſſimum illum aduentus ſui diem*, ſupremum  
 illius myſterij complementum. 13 Et amiſtus erat veſte tinſta S A N-  
 G V I N E, quo ſtolæ martyrum quoque lauantur: vt ex quinto ſigillo  
 patet. eique nomen eſt S E R M O D E I: vt in Euangelij mei limine  
 vobis expoſui. 14 Sequebantur autem illum omnes cælitum exerci-  
 tus, Angelorum & Sanctorum, ſublimes in equis albis, veſtiti pura &  
 candida byſſo, de qua ſupra. 15 Ex ore autem eius prodibat *gladius*  
*acutus* (vt in principio huius epiſtolæ audiuiſtis) vt eo percuteret gentes.  
 ipſe enim reget eas virga ferrea ( vt ait Dauid ) & is eſt, qui calcabit,  
 nempe iubebit calcari *lacum vini* furoris, & excandefcentiæ Dei om-  
 nipotentis, vt in ſeptima tuba audiuiſtis. 16 Habebatque in veſte ſua  
 & in femore, vtpote firmiſſima corporis parte, hoc nomen ſcriptum:  
 R E X R E G V M, E T D O M I N V S D O M I N A N T I V M. 17  
 Tunc vidi quendam Angelum ſtantem in ſole; nempe vt ſe orbi con-  
 ſpiciendum præberet, omniumque animos ſuo aduerteret præconio.  
 is omnes volucres per medium cæli volantes ingenti clamore proſe-  
 cutus, *adeſte*, inquit, & *congregamini ad cenam Domini*. 18 *Et edatis*  
*carnes Regum, tribunorum, magnatum, equorum, & equitum*. in ſumma, a-  
 deſte, vt liberorum, ſeruorumque carnes edatis, à ſummis ad imos. indi-  
 cio illud erat veniſſe diem iudicij, cui comes erat rerum omnium inte-  
 ritus, dira hac volucrum paſſione notatus. depaſcitur enim inhumata  
 cadauera rapax hoc volucrum genus. Omnes hominum ordines pub-  
 lica hac inuoluentur ſtrage: nullis dabitur eſſe ſecuris, niſi quos *chara-*  
*cteris* ſui priuilegio tutos, non ſemel ante, excepi. 19 Deinde vidi  
*beſtiam illam*, videlicet, B A B Y L O N E M, vnà cum omnibus mundi  
 Regibus; qui ab eius partibus erant: & eorum exercitus collectos vidi,  
 vt bellum cum eo gererent, qui albo equo inſidebat, & cum eius ex-  
 exercitu. 20 Sed capta eſt *Beſtia*, vnà cum *Pſeudopropheta*, aut Pſeu-  
 deccleſia, cuius miraculis ſeductæ ſunt nationes, quæ characterem be-  
 ſtiæ habebant, quæque eius imaginem adorabant, ſicut ante audiui-  
 ſtis: & ambo viui coniecti ſunt in ſtagnum ignis, ardens ſulphure.  
 21 At reliqui occiſi ſunt gladio, prodeunte ex ore eius, qui albo equo  
 inſidebat; & volucres eorum carnibus ſaturatæ ſunt. Continuo enim,  
 vt in iudicium Chriſtus prodierit, malè peribunt Dei hoſtes: & vno  
 hoc prælio; cuius in ſexta tuba ſextaque phiala facta eſt, & in poſterum  
 fiet mentio; abſolutiſſima reportabitur victoria. nominatim autem  
*Babylon*, cum *ſalfâ Eccleſia*, præcipitabitur in infernum, quia duplo me-  
 rentur ſupplicio caſtigari eorum impoſturæ: quanquam & propria eos  
 ſequetur damnationis calamitas, quam minatur gladius ex ore Chri-  
 ſti pro-

fti prodiens ; cuius in limine huius epistolæ : & *volucrum* inuitatio ad eorum carnes absumendas ; cuius hîc modo mentio iniecta est.

## CAP. XX.

*Breuis antecedentium visionum anacephaleosis. primitiue Ecclesiæ statim post Christum integritas. hæreses quæ eam exceperunt, & nominatim Papatus. eius ruina, etiam cum maximè furor eius caleret. dies nouissima. electorum salus, cæterorum interitus.*

**P**Atefactâ mihi militantis Ecclesiæ conditione à Christi morte ad consummationem vniuersi, ynà cum tentationibus, quibus præcipuè agitata est ; & laboribus, quibus afflicta est ; & vindicijs, quibus liberata est ; & victoriâ, qua nobilitata est, in sex primis sigillis : & adhuc fusiùs explicatis omnibus in septimo, cui septem tubæ inclusæ erant : deinde verò periculorû & calamitatum grauissimis explicatis in visione saminæ à Dracone infestata : indicato denique terræ mæore & cæli gaudio ex ruina *Babylonis*, capitalis piorum hostis, cuius damnatio prolixâ descriptione proposita est ; proximè mihi a Spiritu Sancto alia est oblata visio, tanquam præcedentium omnium summa, & totius vaticinij toties iam repetiti succincta iteratio : quæ in tres partes hic diuisa est. In prima est beatus Ecclesiæ status (vt vt mundo aliter fuerit visum) ad tempus bene longum, post primum Christi aduentum : quod in primo sigillo exprimitur. In secunda proponuntur ærumnæ & miseriæ, quibus postea conflictabitur : de quibus in tertio & quarto sigillo, & in tertio, quarto, quinto, sextoque classicis. in tertiâ lætifica illius sospitatio cum aduersariorû exitio, & vniuersi consummatione, vt supra in sexto sigillo, & septima tuba, & septima phiala, & albi equi è cælis descensu, cuius modò præcessit descriptio. Præcipuè autem hac visione exhibetur Dæmonis ipsius supplicium, quum in prioribus ministrorum eius duntaxat, & satellitum ruina fuerit exposita. eiusmodi autem erat visio. 1 Vidi itaque Angelum descendentem de cælo, habentem clauem abyssi, & catenam magnam in manu sua. 2 Is apprehendit *Draconem*, serpentem illum antiquum, Dæmonē ipsum, & Satanam, tentatorem hominum, & in mille annos eum vinxit. 3 Præcipitavit autem illum in *Abyssum*, quam, eo incluso, sedulò obserauit, ne qua erumpens gentes seduceret, donec mille anni consummarentur. nam postea oportet eum aliquantisper solui. 4 Deinde sellas vidi, & homines ijs insidentes, quibus iudicandi potestas concessa erat. Vidi quoque eorum animas, qui securi percussi erant propter testimonium Iesu, & propter sermonem Dei : quique non adorarunt *bestiam*, neque imaginē eius : nec acceperunt characterem eius in frontibus, aut manibus suis. hi viuunt,



hi uiuent, & regnabunt cum Christo ad mille istos annos. 5 Reliqui uerò è mortuis non reuiuifcent, donec prædictus annorum numerus fuerit exactus. hæc est resurrectio prima. 6 Beatus ille est & sanctus, qui primæ resurrectionis est particeps. nam secunda mors nihil habebit in hos iuris. sed erunt *Sacerdotes Dei & Christi*: & cum eo regnabunt in æternum. hæc prima est nuperæ diuisionis pars, ubi passione Christi catenatus Diabolus in mundo desijt grassari; &, velo cæcitatis ab oculis hominum per Christum reducto, relegatur ille in *Abyssum*, ubi in catenis maneat ad annos mille; quo numero longum illud tempus significatur, quo Diabolus, infernali clausus carcere, eius iussu vincitur, qui solus imperat inferno. Interea temporis non seducebantur gentes eius imposturis. nec dum enim irrepfit in mundum hæretica malignitas: in ipso persecutionis æstu sic crescente piorum numero; & puritatem uerbi sic retinente visibili Ecclesiâ, ut constantiâ suâ in rebus aduersis, & tolerantia in laboribus mundo dominari viderentur, imò suo martyrio terrarum iudices fieri. Nam tum demum Christi, & Sanctorum, in terris viget floretque imperium, cum diuini uerbi iubar terras irradiat; Sanctis palàm eius ueritatem profitentibus. hi sunt, qui bestiam non adorarunt, qui æterna electione & prædestinatione ab eorum contagio liberati sunt, quorum gustus aliquis nobis exhibetur in eo hereseon genere, quæ tyrannide Babylonis inuectæ & defensæ sunt. his etenim Satanas nullas vnquam excogitabit, aut magnitudine, aut periculo æquales. Ideo autem amplissimus ille Sanctorum cum animabus martyrum confessus aspectui meo obiectus fuit, ut certò scirem fideles animas, suorum corporum consortio liberatas, statim in cælos deferri; ibique omni auctas gloriâ manere in nouissimum diem. tum uerò cum corporibus suis, iam gloriosis, sociatas, integra beatitudine æternum frui. quem admodum è contra damnatorum animæ, à corporibus auulsæ, præcipientes eunt in Tartarum, ut ibi maneant in tormentis, donec nouissimo die cum infelicibus corporibus ad sempiterna supplicia vniantur. neque enim credendum est alterutris dari locum aliquem quiescendi intermedium. *reliquis autem mortuis*, nimirum impij, non utique reuiuifcent, donec iam dictus annorum numerus reuolutus fuerit. nam neque ijs annis labentibus, neque uerò elapsis, vnquam gustabunt regenerationis dulcedinem, quæ est *primæ resurrectionis & secundæ generatio*, ut Nicodemum docuit Christus. Idcirco (ut modo aiebam) ter & amplius beati sunt, qui primæ resurrectionis facti sunt participes. nam *secunda mors*, quæ est infernus, nihil habebit in eos iuris. sed erunt *Sacerdotes Dei & Christi*: & regnabunt cum eo mille annis; æternum illud laudis & eucharisticum sacrificium offerentes Deo; & fruantes societate electorum, qui per illud tempus in terris vixere. & hæcenus fuit primæ uisionis pars. 7 Finit autem horum dierum felicitate soluetur Satanas è carcere suo.



cere suo. 8 Et exibat, ut liberiùs seducat gentes, quæ sunt in quatuor terræ angulis. nam non solum sparsis hærelibus mundum cæcum faciet, atque apostaticum: verum etiam ingentis aduersus veram Ecclesiam perlecutionis auctorem se præbebit, contra illam excitatis ad bellum *Gogo & Magogo*, quorum numerus est sicut arena maris. hos ille, post alias calamitates innumeras, congregabit ad prælium, magno die Domini; de quo in sexta tuba, sextaque phiala, & statim ante hanc visionem: duas, nimirum, potentissimas Monarchias, & impotenter dominaturas Ecclesiæ. ambæ circa idem nouissimi sæculi tempus orientur, ambæ alio post tempore Christi spiritu diffilabuntur, ut infra audietis. alterius apertæ, professæque sunt aduersus Deum & Christum eius inimicitia. altera verò est *Babylon*, cò capitalior hostis, quò hypocrisi & versutia occultior. ambæ hæ, quanquam mutuis odijs arrogantique & inuidia sibi infestissimæ, conspirabunt tamen ad vexandam Ecclesiam; & innumeris eam copijs oppugnabunt. haud secus ac Herodes & Pilatus, malè inter se concordēs, fædus vnà aduersus Christum pepigerunt. hæ sunt eorum copiæ, quæ contra Sanctos præliabuntur ad *Armageddon*: & præcipuè huius belli incentrices erunt *tres ranae*, vltima illa insectorum progenies ex abyssi fumo genita, ut in sexta phiala prædictum est. 9 Hæ igitur ingentes copię, quas Diabolus ex abyssò excitauit, adscenderunt in terram, eiulque latitudinem multitudine sua texerunt: & castra Sanctorum, urbemque sanctam circumiere. Nam vndique Sanctos omni arte parabant obsidere: verum ignis è cælo missus eos consumpsit. præpotentis Dei dextra hostes illos, etiam cum maximè erant formidabiles, mirabiliter subuertit: & auxilio venit Sanctis in rebus desperatis, quum iam certissimum, quantum humana imbecillitas coniecturâ assequi poterat, illis immineret exitium. Nunc ad tertiam huius visionis partem veniendum est, in qua consummationis vniuersi descriptio proponitur. 10 Vidi enim Dæmonem, qui impios seduxerat, in *stagnum ignis & sulphuris* deturbatum, in ipsum nempe infernum; vnde ille nunquam in posterum euadet. in quo iam erant *bestia* & *PSEVDOPROPHETA*, ut ex antedictis constat. hîc ego magnâ cum voluptate adspexi ipsum auctorem omnium malorum pœnas luentem Ecclesiæ; quum antè soli eius ministri & instrumenta punirentur, ut in principio huius visionis explicatum est. nunc dies noctesque æternum vnà torquebuntur. 11 Tunc vidi *magnum thronum*, & quendam illi insidentem, omni gloria & splendore amictum, ipsum *IESVM CHRISTVM* nunc è cælis venientem iudicatum terras: à cuius conspectu cælum & terra fugere: nec eorum locus inuentus est. Nam *terra tota, cum maxima calorum parte*, ad eius secundum aduentum destruetur, cætera autem renouabuntur. 12 Et vidi omnes mortuos, magnos & paruos, stantes in conspectu Dei. sistuntur enim iudicio

iudicio mortui, qui iam omnes resurrexerant. & *libri* aperti sunt: nempe omnium mortalium consilia, & cordium secreta protracta sunt in lucem. & alius liber, ille *LIBER VITÆ*, apertus est, vt, quorum nomina illi inscripta forent, ante rerum initia electi & prædestinati ad salutem, secernerentur ad æternam gloriam. & mortui iudicati sunt ex ijs, quæ erant scripta in libris, secundum opera ipsorum. Nam vt Deus est Spiritus, ita cogitationes hominum iudicat, & *soli* fidei intuitu iustificat, quanquam id *secundum opera* dicatur fieri. quia inseparabiles sunt fidei fructus, & fidem nostrâ coram hominibus testantur. 13 Et reddidit mare mortuos, quos habebat. nam omnibus incumberebatur resurgendi necessitas. *MORS* quoque & *INFERNVS* reddiderunt mortuos, quos habebant. non solum enim corpora, sed & animæ defunctorum huic iudicio sistuntur, de quibus omnibus iudicatur secundum opera ipsorum. 14 *Infernus* autem & *mors* coniecti sunt in *stagnum ignis*; nempe suo in carcere æternum tenebuntur, nunquam inde erupturi ad sanctos inquietandos. nam *mors*, hostium postrema, proscribetur ex sancta ciuitate, *HIERSALEM*. 15 Cuiuscunque autem nomen non inuentum est in *libro vite*, is in stagnum ignis coniectus est. nec enim hisce supplicijs damnabuntur illi tantum, qui publicis coopti sunt flagitijs, verumetiam quicunque à Deo ad æternam salutem prædestinati non sunt. nam nulla relinquitur media via, sed quisquis cum Christo non colligit, is spargit.

## CAP. XXI.

*Æternæ illius Hierusalem, totiusque Ecclesiæ, in cælis triumphantis, gloriosa facies proponitur.*



Vmmatim iteratis in proxima visione omnibus prioribus, nunc in hac vltima Spiritus Dei gloriosa eorum exponit præmia, qui ad finem vsque perseuerant; & innumeris illis Satanæ insultibus non patiuntur se à vero Dei obsequio deterreri: quibus omnibus pro mercede datum est sanctæ illius *Hierusalem* hæreditatem cernere, vt iam audieris. 1. Nouum enim cælum vidi, nouamque terram, quibus dominabuntur potestate regiâ & æternâ omnes fideles: & sacro præterea sacerdotio fungentur in sæcula. Prius enim cælum & prior terra disparuerunt: neque maria amplius erant: omnia namque in die nouissima flammis absorpta & renouata sunt; expurgatâ nimirum concretionis mutationisque labe, omnia à seruitute *mortis*, cui antea abnoxia erant, ad libertatem gloriæ filiorum Dei traducta sunt. Non tamen in hoc nouo subluarium rerum apparatu suæ felicitatis domicilium statuent Sancti, sed in cælis. 2. Et ego IOHANNES, vidi sanctam illam ciuitatem Hierusalem,

salem, emissam cœlitus à Deo, *sponse* more ornatam, vt *sponsum* exciperet. Nam triumphans hæc Ecclesia, peracto vniuersali iudicio, descendet obuiam CHRISTO sponso suo, cui sic ex voto iuncta nullum vnquam in omnia sæcula metuet diuortium. 3. Et audiui vocem magnam de cœlo, veluti, quæ æternus huius thori honos confirmaretur: *Ecce, inquit, tabernaculum Dei, & eius cum hominibus commune domicilium: ipse cum ijs semper habitabit, & erit illorum Deus; illi verò eius populus.* 4. Et omnes lacrymas ab eorum oculis absterfurus est Deus. & mors amplius non extabit; neque luctus, aut clamor, aut labor, aut ærumna amplius in triumphante Ecclesia audientur: quia præcedentia cum abierint, hæc quoque terminabuntur. 5. Et qui insidebat throno Deus pater, *Ecce, inquit, omnia facio noua.* mihi autem dixit, *scribe quod vides, & trans mitte ad posterorum memoriam.* Nam certè vera sunt & fidelia hæc verba, & tandem aliquando certo certius euenient. 6. Dixit præterea, FACTVM EST. nam postquam harum rerum fides certitudine euentus constabit, tum omnium absolutissima consummatio erit. Ego sum ALPHA & OMEGA, principium & finis omnium. nam me auctore omnia & creata & deleta sunt. Sienti autem dabo gratis, & absque pretio, ex fonte aquæ viuæ bibere. ille profectò gratuitam donabit salutem poscentibus, quæ ex merito non venit, sed ex misericordiâ. quanto pere igitur desipiunt, qui, verâ salute reiectâ, quam si petiueris consequeris, supposititiam & vanam magno ære redimunt à Babylone? 7. qui suæ carnis & Satanæ victor euaserit compos omnium fiet, regni que Dei hæreditatem cernet: & ego ero illi Deus, & ille mihi erit filius. 8. *formidosus autem & incredulus,* qui indubitatâ fiduciâ à promissis meis non pendent, & *execrabilibus, & homicidis, & scortatoribus, & veneficiis, & idololâtris, & mendacibus,* his inquam omnibus locus in STAGNO paratus est, vbi ardent ignis & sulphur; quæ est *mors secunda.* 9. Tunc venit ad me vnus è septem Angelis, qui septem phialas, plenas septem plagis; tenebant. & *veni, inquit, ego tibi sponsam monstrabo, uxorem agni.* etenim huic Angelo in mandatis datum erat sanctæ huius Hierusalem, *Ecclesiæ triumphantis,* gloriam mihi ostendere; non vtique vt meæ curiositati satisfaceret, sed vt ego venturis sæculis proderem, non auritus, sed oculatus testis, quæ gloria, quæ merces maneat fideles in vitâ futurâ. 10. Atque ita me in spiritu abripuit in locum editum & excelsum, vnde magnam urbem sanctam *Hierusalem* videre erat, cœlitus à Deo venientem, vt dictum est supra. 11. habebatque in se gloriam Dei, eiúsque splendor gemmæ micantissimæ par erat; scilicet *Iaspidi,* si vernantes æternitatis radios confideres, vel *crystallo,* si lucidum fulgorem. 12. Habebatque hæc vrbs *murum* magnum, & sublimen, aptum excludere, quotquot agni signo notati non erant; vt etiam ciues à noxijs miserationum flatibus protegere. nam omnes tum lachrymæ ab eorum oculis abstergendæ,



stergendæ sunt. Vrbs quoque hæc *duodecim portas* habebat; & in portis Angelos duodecim, & nomina horum illis inscripta, quæ erant nomina duodecim tribuum Israël. 13. Et versus orientem tres portæ erant, tres versus occidentem, tres versus meridiem, tres versus septentrionem: vt certus sis, vnde vnde locorum venias, quodcunque vitæ genus sequaris, si sincero corde pulses, aditum tibi in hanc urbem patere: tam æquabili portarum distributione omnes aduenas videtur inuitare. 14. Et *murus* vrbs habebat *fundamenta duodecim*; in quibus erant duodecim nomina Apostolorum agni. hi duodecim Angeli duodecim portarum, cum duodecim muri fundamentis sunt *viginti quatuor seniores*, de quibus in Epistolæ huius initio. duodecim Angeli portarum sunt *duodecim Patriarchæ*, qui primi huc monstrarunt viam, atque adeo duces fuere ad hanc nouam *Hierusalem*: à lege enim, quæ per illos significatur, incipienda est veritatis & nostri ipsorum notitia. at nos Apostoli sumus duodecim fundamenta: nostrâ enim doctrinâ circumsepta est Sanctorum securitas, alijs omnibus exclusis. 15. Angelo autem, qui mecum loquebatur, *calamus aureus* in manu erat, quo ciuitatem, & portas, & murum metiretur; vt iustissimam illam inter portes sanctæ vrbs symmetriam concipiamus. 16. Vrbs verò hæc portarum ratione quadrata erat, quæ spectantes versùs quatuor plagas cœli, aduenas, vnde vnde essent, admitterent. longitudo autem eius latitudini æqualis erat, vt infinitum vrbs spatium intelligamus. quod cum Angelus calamo fuisset dimensus, compertum est duodecim millium stadiorum: quo numero, vt certo perfectionis indice, (quemadmodum sæpe vsurpatur) insignis huius vrbs notatur capacitas. Erant autem longitudo, latitudo, & altitudo æquales, ne quas inæquales huius vrbs partes arbitremur. 17. Angelus quoque murum eius dimensus est: & erat *centum & quadraginta quatuor* cubitorum. qui numerus par est numero Sanctorum, qui cum agno stabant in monte Sionis, vt ante audiuiſtis. Mensura autem, qua mensurabatur vrbs, erat mensura hominis, quæ est mensura Angeli. Mensuratur autem mensurâ Christi, Dei & hominis, hæc vrbs; vt illum solum spiritualis huius vrbs *architectum* veneremur; quam suis non humanis cubitis metitur. 18. Erat autem muri structura ex *Iaspide*, vt intelligantur æternum durare. ipsa autem ciuitas erat ex *auro puro*, instar vitri purissimi, cui nullæ adhærent sordes. 19. Et duodecim fundamenta vrbs omni gemmarum genere ornata erant. fundamentum primum erat ex *Iaspide*. secundum è *sapphiro*, tertium è *chalconio*, quartum è *smaragdo*, 20. quintum è *sardoniche*, sextum è *sardio*: septimum è *chrysolitho*, octauum è *beryllo*: nonum è *topazio*, decimum è *chrysopraso*: vndecimum ex *hyacintho*: duodecimum ex *amethysto*. hæc duodecim gemmæ, singulæ singulis assignatæ fundamentis, id volunt, nobis Apostolis, qui *fundamentorum* nomine intelligimur, diuersam

uersam cuique in cœlis repositam esse coronam gloriæ, pro laborum magnitudine & excellentiâ, quos hîc in terris obimus. in *gemma* quoque allusio est ad duodecim illos, quæ in Aaronis thorace fuere. 21. Duodecim autem portæ erant è duodecima margaritis, singulæ è singulis: quarum cum gemmis idem est sensus; nisi quòd de duodecim Patriarchis intelligantur. Et huius ciuitatis forum erat ex auro puro, instar vitri pellucidi; vt sciamus in ea vrbe nullum esse rebus vilibus, nedum immundis, locum; cuius *forum*, quo nihil in vlla vrbe magis tritum aut publicum, ex præcellentissimo constet metallo. 22. Nec templum in ea vidi. nam Dominus Deus omnipotens, *ipse agnus*, est templum eius. nam in solo agno, in quem omnes fideles inferuntur, glorificandus est Deus. 23. Neque hæc ciuitas Solis aut Lunæ radijs egebit. nam Dei gloria illustrat eam: & lucerna eius est AGNVS. vt enim terrenæ voluptatis domicilium non est, quod nobis hîc describitur; ita nec decus eius vlla ex parte terrestris est, sed cœleste totum & diuinum. 24. Et quicumque è gentibus salui facti sunt, in ea luce ambulabunt. & Reges terræ eò secum ferent gloriam suam. nam in ea ciuitate renuntiabunt fideles Reges omnibus humanæ gloriæ ornamentis, quæ nouo & incorruptibili honore permutabit agnus, lux ciuitatis. 25. Nec portæ eius claudentur interdium. nulla enim ibi futura est turbarum suspicio, quarum metu vrbium huius mundi obserantur fores. nec nox ibi vnquam vlla erit, vbi cœlestis spendoris iubar omnia illustrans nunquam deficiet. 26. Et in eam gloria gentium & populorum feretur. nam quicquid est in orbe illustre aut splendidum, nihil est ad huius ciuitatis decus. 27. Nihil autem impurum vel contagiosum capiet hæc vrbs, vt nec hominem flagitio quouis infamem, aut mendacem. ijs tantum hîc locus erit, quorum nomina in AGNI libro *vite* scripta sunt, vt ante audiistis.

## CAP. XXII.

*Reliquum prioris descriptionis. humane nature in idololatriam propensio. Scriptor huius libri & auctor indicatur, ne qua inde dubitatio aut lis postea oriatur. Optanda est fidelibus dies nouissima. Deuouentur diris, qui hoc libro abutuntur addendo, aut demendo.*



T scirem igitur tam esse mortis & corruptionis expertes ciues huius vrbis, quàm moenia, & cœtera eius ornamenta: monstrauit mihi idem Angelus *fluum aquæ vite*, cuius haustum fœminæ Cananitidi Christus promiserat; purum illum putumque, instar crysalli, ex throno Dei & agni fluentem. in quo allusio est ad terrestris Paradisi fluuios; & ad *fontem Ezechielis*, qui infernè ex templi pauimento scaturiebat.



bat. 2 In medio autem foro, & in utrâque fluminis ripa florebat arbor, ferens duodecim genera fructuum, pro duodecim anni mensibus; & folia, sanandis gentium morbis: hæc arbor, & hæc aqua vitæ nihil aliud sunt, quàm cælestis ille potus & cibus, de quibus tum Christus loquebatur, cum Capernaitæ eius doctrina offenderentur: ut in meo Evangelio videre est. huius *arboris* & *aquæ* typi modò erant illæ eiusdem generis apud Ezechielem, & in Paradiso terrestri. Numerus fructuum arboris respondet numero tribuum Israelis, quibus salus data est hos fructus per fidem edentibus; tum voluptatum, quibus ibi Sancti fruuntur, varietas & copia significatur. quæ arbor ut Iudeis alendis & satiandis fructus, ita curandis Gentilium spiritualibus affectionibus folia emittebat; quibus ita sanatis non tantum obtigit incolumitas; verum etiam orexis quædam, & appetitus ipsorum fructuum, queis comestis & concoctis nutriebatur anima, & spiritualis vitæ robur augebatur. In utraque fluuij ripâ crescebat *arbor*, ut sciamus vnam esse & indiuiduam vtrinque, ab omnipotentis Dei throno & ab agno profectam: cuius in medio foro, loco sane publico & omnibus communi, plantatio quid aliud significet, quàm neminem inde excludi? quin liberrimum vnicuique & promiscuum concedi accessum, ut eius participatione omnes se recreent, & focillent, vnde sanctę ciuitatis, Ecclesię nimirum militantis, nutritio & sanitas & vigor pendebant? 3 Nullum erit amplius anathema; inferno & morte suo in æternum conclusis carcere, ut in priore visione audiuitis. Nam hæc vrbs augusta erit Dei sedes, & agni regnantis in sæcula, vbi & serui eius continuâ gratiarum actione & laudibus illi inseruiant in sempiternum. 4 Et videbunt faciem eius coram, vnde eorum gaudium interminabile. & nomen illius inscribetur frontibus eorum, quod sæpe ante audiuitis. 5 Nulla ibi nox, nullæ tenebræ, sed nec vlla lucerna aut Solis lumen; quorsum enim hæc terrenæ lucis adminicula, vbi diuinæ maiestatis iubar omnia illustrat? igitur illi gloriosè regnabunt in sæcula. 6 Angelus hisce reuelatis, ut omnia certiùs firmaret, *Omnia, inquit, verba huius prophetiæ sunt vera & fidelia.* Et idem ille Deus, qui per Prophetas, suo afflatus numine, non intermittit futurarum rerum certiores facere Ecclesiā suam, ad me hunc Angelum misit; ut per me seruis suis prædiceret, quæ citò sunt ventura. 7 *Ecce venio citò,* ait Dominus. Beatus igitur qui obseruat, & opere custodit verba huius prophetiæ. 8 Ille ego IOHANNES sum, qui hæc audiui & vidi. nomen meum non reticeo, ne incertitudine scriptoris minuatur libri auctoritas. his autem omnibus auditis & visis, ad Angeli, qui hæc mihi ostenderat, pedes procidi, ut eum adorarem. 9 At ille; *Vide, inquit, ne feceris.* sum conseruus tuus, vnus è Prophetis, fratribus tuis; & ex ijs, qui obseruant verba libri huius, quanquam non negem me Angelum. Tu igitur Deum adora, ad quem solum omnis



nis cultus suo iure pertinet. huius delicti, de quo non ita pridem correptus fui, iteratione ego admoneor, & meo exemplo, tota Ecclesia, quàm non firmum sit genus humanum contra idololatriæ vitium, siue adorationem creaturarum: cuius respectu zeloten se profitetur Deus, in lege sua. Intuitu humanæ debilitatis circa hoc genus delicti, non ego, sed per me Sanctus Spiritus, in fine vnius ex epistolis meis, denunci-  
at fidelibus: *filioli caute ab idolis*: nec absque causa tantopere hoc vrgeo: nam noui ego *Babylonem* in nouissimis diebus hoc ipso idololatriæ, seu spiritualis adulterij veneno suos esse potionaturam, cuius rei ante in hoc libro mentio facta est. 10 Et dixit mihi Angelus, *ne obsignaueris verba Prophetiæ huius. prope enim est tempus*. In memoria tenetis, vt mihi ante iniunctum fuerit ea obsignare, quæ septem tonitrua dixerunt, quia illa reterege nefas erat: nunc è contra iubeor hæc literis mandare, & in lucem proferre, quia propè abest tempus, quum ista euenient. 11 Præterea monuit, ne de huius prophetiæ vtilitate desperarem, quamuis ad nihil aliud inferuaret improbis, nisi vt inexcusabiles redderentur. prænuñciauit enim Deus iniustos nihil hac prophetiâ deterreri, quo minus pergant facere iniurias; nec immundos, quò minus in sordium suarum volutabro maneat: iustos verò hinc firmari ad incrementum iustitiæ, & sanctos ad incrementum sanctitatis. nec enim verbis huius prophetiæ, sed Spiritu sancto per illam operante, fidei semina radices agunt in cordibus hominum. 12 *Ecce venio cito*, inquit Dominus Iesus, & mercedem meam mecum fero, vt reddam unicuique secundum opera sua. 13 Ego sum *ALPHA & OMEGA* principium & finis, primus & nouissimus, vt supra. 14 Beati, qui præcepta Christi obseruant & præstant, vt sit eis ius in arbore vitæ (nam obediendo donabuntur in ea vrbe ciuium priuilegio, cuius esca est fructus illius arboris) & vt ingrediantur urbem sanctam per portas, quæ semper illis admittendis patefcunt. 15 Sed extra hanc ciuitatem perpetuò maneat proscripti, *canes*, quales sunt profanæ vitæ homines; & *fornicatores*, & *venefici*, & *homicidæ*, & *idololatræ*; & quisquis *mendax* est, aut delectatur mendacio: & in summa, quotquot sine pœnitentiæ morsu in publicis volutantur flagitijs. 16 Ego *IESVS* (ait Dominus) misi Angelum hæc reuelatum Iohanni, vt testata fierent septem Ecclesijs. Ego sum stirps & progenies illa Davidis: ego sum lucidissimus Phosphorus, vestræ gloriæ fons & scaturigo. 17 Et spiritus & sponsa dicunt, *VENI*. Ecclesia enim, Christi sponsa, ad libertatem suam anhelans, optat secundum eius aduentum maturari; & Christus ardore amoris, quo illam amplectitur, annuit postulatis; & qui audit dicit, *VENI*. Nam hoc omnibus fidelibus debet esse in votis: & qui sitit veniat, nempe qui *AQUAM VITÆ* auet gustare, feruor expetat dissolutionem vniuersi, & nouissimum diem. & quisquis

cupit *aquam vitae*, gratis & sine pretio eam accipiat. 18 Ceterum contestor omnibus huius prophetiæ verba auditoris, si quis illi quicquam addiderit, Deum omnes huius libri plagas illi inflicturn. 19 Et si quis verbis huius prophetiæ quicquam ademerit, Deum illi portionem suam adempturum è libro *vite*, & ex sancta ciuitate, & ex ea beatitudine, quæ hoc libro scripta continetur. Nam quisquis libri huius aut exscriptione, aut translatione, adulterauerit quoquam modo autographum, vel eius interpretatione sciens volensque à verò sensu ad inania hominum commenta, aut suas præiudicatas opiniones abierit: si quis, inquam, horum quicquam admiserit, anathemate ferietur, vt sacræ scripturæ falsarius, & veritatis diuinæ corruptor. 20 Porro, vt omnia concludam vestro solatio; Ille, qui hæc quæ audiuiſtis testatur, ille inquam, ait, *Certè venio citò*. ITAQVE VENI DOMINE IESV, ET NOSTRAM INCOLVMITATEM MATVRA. 21 Gratia Domini nostri Iesu Christi sit vobiscum omnibus, vestrisque in verbi veritate successoribus, per quam vos vnà cum illis sic in ea veritate firmemini, vt temptationibus hoc in libro proditis resistentes, & ad finem constanter perseuerantes, tandem aliquando immortalem gloriæ coronam postrema visionē exhibitam consequamini. AMEN.



DVAE MEDI-  
TATIONES

SACRAE,

PRIOR IN QVATVOR  
VERSVS XX. CAP.

APOCALYPSEOS;

POSTERIOR IN QVINQVE

*Versus* XV. CAP. I. LIB.

CHRONICORVM.





cupit *aquam vitæ*, gratis & sine pretio eam accipiat. 18 Ceterum contestor omnibus huius prophetiæ verba auditoris, si quis illi quicquam addiderit, Deum omnes huius libri plagas illi inflicturum. 19 Et si quis verbis huius prophetiæ quicquam ademerit, Deum illi portionem suam adempturum è libro *vite*, & ex sancta ciuitate, & ex ea beatitudine, quæ hoc libro scripta continetur. Nam quisquis libri huius aut exscriptione, aut translatione, adulterauerit quoquam modo autographum, vel eius interpretatione sciens volensque à verò sensu ad inania hominum commenta, aut suas præiudicatas opiniones abierit: si quis, inquam, horum quicquam admiserit, anathemate ferietur, vt sacræ scripturæ falsarius, & veritatis diuinæ corruptor. 20 Porro, vt omnia concludam vestro solatio; Ille, qui hæc quæ audiuiſtis testatur, ille inquam, ait, *Certè venio citò*. ITAQVE VENI DOMINE IESV, ET NOSTRAM INCOLVMITATEM MATVRA. 21 Gratia Domini nostri Iesu Christi sit vobiscum omnibus, vestrisque in verbi veritate successoribus, per quam vos vnà cum illis sic in ea veritate firmemini, vt tentationibus hoc in libro proditis resistentes, & ad finem constanter perseuerantes, tandem aliquando immortalem gloriæ coronam postrema visionē exhibitam consequamini. AMEN.



DVAE

DVAE MEDI-  
TATIONES

SACRAE,


PRIOR IN QVATVOR  
VERSVS XX. CAP.

APOCALYPSEOS;

*POSTERIOR IN QVINQVE*

*Versus XV. CAP. I. LIB.*

CHRONICORVM.





M

Vr

Vr

Ix

X.



cu

tic  
Se  
sep  
bis

cu





## MEDITATIO SACRA, IN APOCALYPSEOS

CAP. XX. VERS. VII. VIII. IX. X.

- VII. *Postquam verò consummati fuerint anni mille, soluetur Satanas de carcere suo.*
- VIII. *Et exibit, ut seducat gentes, quæ sunt in quatuor angulis terræ; Gogum & Magogum: ut congreget eos ad prælium; quorum numerus est sicut arena maris.*
- IX. *Adscenderunt igitur super latitudinem terræ, & circumierunt castra Sanctorum, & urbem illam dilectam: sed descendit cælitus à Deo ignis, qui deuorauit eos.*
- X. *Et Diabolus, qui seducebat eos, coniectus est in stagnum ignis & sulfuris, ubi erat Ecclesia illa, & ille Pseudopropheta: & torquebuntur die ac nocte in sæcula sæculorum.*



T Christiano homini instituendo sacrae literæ omnium maximè necessariae sunt; ita earum nulla pars huic sæculo monendo efficacior est APOCALYPSI, nouissimi videlicet temporis historiâ; ex qua hanc mihi particulam selegi, tanquam meo consilio conuenientissimam. Postquam enim Iohannes, in decimono capite, de extremis temporibus vaticinatus fuisset, omnia quasi in faci-

Quàm necessaria sit Apocalypseos cognitio.

Summa 20. cap. Apocalypf.

culum colligit hoc vigesimo: cuius hæ tres præcipuæ partes sunt.

*Prima* quidem est *beata illa Ecclesiæ conditio* à Christo vsque ad Antichristum & apostasiam; sex primis huius cap. vers. exposita. *Secunda* est *ipsamet apostasia*, quam nos præ manibus habemus, in vers. septimo, octauo, nono & decimo. *Tertiâ* est *vniversalis illa pœna*, improbis in die nouissimo inflicta, à vers. 10. vsque ad finem capitis.

Sensus Apostoli hoc in loco est; Satanam post mille annorum vincula (vt apparet ex præcedenti eius sermone de Sanctis in terra triumphantibus)

Sensus contextus.

phantibus), erupturum esse è carcere : & ad tempus liberiùs, quàm ante, in terris grassaturum : at tandem sua cum pernicie debellatum iri.

Methodus  
tractationis.

Breuib; expositâ rei summâ, iam superest verborum interpretationem aggrediamur. & primò quidem eorum obscuritatem illustremus paraphrasi : deinde eorum sensum exponamus : tertio obseruemus, quid nobis ex omnibus discere conueniat.

### PRIMA PARS.

**I**N verbis ipsis hæc tria ordinis gratiâ considerabimus. *primò* vt solutus fuerit Satan : *secundò*, quid egerit solutus : *tertiò*, quàm malè illi cesserit conatus.

Satanas in  
membris suis  
solutus ad vex-  
andam Eccle-  
siam.

Quòd ad primum attinet : per *Satanam* non modo *Draco* intelligitur, capitalis ille Christi & Ecclesiæ hostis ; verumetiam cum illo omnia ipsius *organa* & *ministri* : in quibus, & per quos atrocia & dolosa consilia sua ad exitum perducit. imprimis verò *Antichristus cum vniuerso suo Clero*, qui cum Dracone coniunctus est 16. cap. vers. 17. & *bestia* dicitur & *Pseudopropheta*. Nam vt *Christi* nomine Christus ipse cum Ecclesia intelligitur, propter coniunctissimū, arctissimumque eorum inter se vinculum, & diuina inde fluentia bona 1. Cor. 12. 12. ita *Satanæ* nomine Satanæ ipse cum suâ Synagogâ comprehenditur, propter mutuum eorum vinculum, & dira inde fluentia mala. In *mille annis* certus est numerus pro incerto ; formulâ loquendi Spiritui sancto frequentatâ, quoties magnum aliquem numerum designat.

Mille anni.

Carcer vnde  
emittitur Sa-  
tanæ.  
1. Pet. 2. 4.  
Iud. 6.

*Carcer* vnde emittitur est *infernus* : qui duabus de causis *carcer* eius appellatur. *primò* quidem, quòd stante hoc vniuerso eo relegari soleat è terris, quoties visum est Deo illius tormenta acuere : quod testatur miraculum inter Gadarenos ad Genezareth Matth. 8. 28. *Deinde* verò, quòd post consummationem vniuersi æternū hic incarcerabitur : vt eodem cap. vers. 10. habetur. Toties *denique* ex hoc carcere soluitur, quoties sincera Euangelij annunciatio interrumpitur, vel impeditur ; vel hominum quidem opinione penitus corrumpitur & aboletur, quoties eadem incommoda patitur legitimus Sacramentorum vsus, quæ veluti pignora quædam sunt & sigilla Euangelicarum promissionum ; aut quoties ecclesiasticæ disciplinæ salubritas negligitur, cuius exercitio & verbi & sacramentorum puritas conseruatur. hæc magna illa *catena* est, qua vincitur Diabolus, & per *album equum* significatur, cuius frenum moderabatur AGNVS cap. 6. vers. 2. atque ita huius septimi versiculi hic sensus est, *Diabolum, prædicatione verbi diu vinctum, etiam illius impotentia in instrumentis suis interea frænata, tandem solutum fuisse, exorientibus in Ecclesia nouis hæresibus, & grassante satellitum ipsius improbitate, quorum primpili sint Antichristus cum suo clero. cui non satis est mundum suorum errorum veneno imbucere, nisi etiam illi dominetur, omniaque pro sua libidine agat,*

Solutio Sa-  
tanæ.

ne agat,

ne agat, feratque : quod fieri necesse est, decreſcente nimirum puritate doctrinae, & numero fidelium ; & inualeſcentibus in dies erroribus, & populis, qui mendaciorum ſpecie decepti oderunt veritatem, & deleſtantur iniuſtitia : 2. Theſſ. 2. 11. 12. & hæc de Satanæ ſolutione.

Nunc ad id pergendum, quod egit ſolutus. & primò quidem egreditur ſeductum deceptumque nationes, quæ ſunt in *quatuor angulis terræ*. Omnes illi ſe dedunt, quanquam non in omnibus eadem appareat vis tyrannidis ; aut idem operæ fructus. in his enim magis ſe prodit : in illis minus. Vt enim qui bene agunt, diuino afflatu ad bene agendum impelluntur ; quod etiam illi magis minùſue præ ſe ferunt, ſecundum menſuram gratiæ ipsis conſeſſæ : ſic qui malè agunt, inſtinctu Satanæ ad malè agendum feruntur ; eumque inſtinctum magis minusque produnt, prout impurus ille Spiritus eos habet, & poſſidet ; varijsue illecebris varios allicit ad obediendum ; ambitione, inuidia, malicia, metu, & ſic de cæteris. hæc prima eſt pars Satanici laboris.

Primò decipit  
Satanas, deinde  
in ſuas partes  
ſeducit  
mortales, ter-  
tiò eos armat  
aduerſus Ec-  
cleſiam.

Secundò autem *Gogum & Magogum* in aciem educit, numero innumero, ut eſt maris arena. atque ita cum nil niſi ſanguinem & prælium ſpiret iſte cum ſuis, numerosos habet & validos exercitus, & inflammatos ſæuitiâ. horum primi ductores, aut potiùs primi in hac acie confederatorem ordines duo hic nominantur, *Gogus & Magogus*. Gogus Hebræis *teſtum* ſonat, Magogus *reteſtum* ; ut ſciamus Satanam in duplici hominum genere ſe prodere, hypocritis nimirum, & apertis hoſtibus. Dicitur ergo Satanus vltimis hiſce temporibus de nouo dominaturus orbi, ut qui gentes mundi ſub horum duorum vexilla conuocabit ; alterius manifeſti, alterius occulti Dei hoſtis ; examina hominum longè latèque terris inſeſſura.

Gog & Ma-  
gog.

Tertiò, incredibili arrogantia & ſupercilio terræ ſuperficiem occupabunt, ſeu in eius latitudinem aſcendent : venditantes copias ſuas & vires, quibus à nemine reſiſti poſſe ſomniabunt. Obſidebunt illi *caſtra fidelium, & dilectam ciuitatem* : nempe manipulum illum fidelium Deo dilectum : aduerſus quem, numero ſuo innumero freti, bellum atrox gerent & inexpiabile.

In Electis eſt  
ſancta ciuitas.

Electi autem vocantur *Sancti & Dilecti*, quia Dei amore a cæteris ſegregati ſunt ; & in Chriſto inſiti per gratiam ; iam amore digni & gloriâ æternâ ; ut qui in eo iuſtificati & ſanctificati ſint. Vnanimis hæc eorum ſocietas aſſimilatur *caſtris, & urbi dilectæ* : Primò ut eorum aduerſus Satanam cuiusque organa, & peccatum, perpetuum in terris bellum ſignificetur : Secundò, ut mutua eorum charitas & fraternus amor exprimatur, & arctiſſimum fædus, quo inuicem obſtriſti ſunt ad bonam cauſam tuendam, quam eorum fidei Deus permittit. Denique, vel imprimis, ut valida illa & inuicta diuinæ dextræ tutela intelligatur, quæ in rebus proſperis & aduerſis ſemper illis præſto eſt ; ne aliquando in-  
gruente



gruente quocunque hoste deficiant. Vnde *pulcri* dicuntur *ut Luna: puri ut Sol: terribiles ut exercitus volitantibus procedens signis* Cant. 6. 10. imò *ut ciuitas munita: ut columna ferrea: & murus abeneus toti terræ oppositus* Ierem. 1. 18.

Satanæ soluti  
stragemata.

Infelix eo-  
rum euentus.

Hæc igitur est summa eorum, quæ Satanas facit solutus vinculis: *primò* quidem gentes decipiet: *secundò* occultos & apertos hostes aduersus Ecclesiam conscribet, infinito numero, inaudita sæuitia, intolerabili superbia: qui omnibus machinis Euangelij veritatem oppugnaturi sunt. sed infelicitissimus erit horum conatum exitus. nam igne cælitus demisso absumentur hostes; & Diabolus author fraudis cum omnibus suis satellitibus, & imprimis bestia & Pseudopropheta, in stagnum ignis & sulphuris deturbabitur, vbi dies noctesque perpetuis cruciabitur tormentis: vel, ut clariùs paulò exprimam, licet minarum terroribus omnia compleuerint, & improbo suo voto quam proximi fuerint ut iamiam prædam in manibus habere viderentur: Deus tamen è cælesti maiestatis suæ throno, vnde misericordiam suam notam facit amicis, & iustitiam hostibus; calamitates in eos demitteret, & pernicies tam ordinarias, quàm extraordinarias. *Ordinarias* quidem, dum fulminante Pastorum suorum lingua eorum improbitatem redarguit, quod genus pœnæ in sacris literis *ignis* non semel appellatur: *extraordinarias* verò, dum dolorum omnium acerbitate corpora eorum affligit in terris, & exquisitissimis cruciatibus animas torquet in inferno. & hucusque paraphrastica verborum expositio.

## SECUNDA PARS.

Puritas verbi  
Satanam deti-  
net in carcere.

**N**Vnc ad sensus ipsius enucleationem pergemus; eundem hîc obseruaturi ordinem, quo in prima parte modò vsi sumus. Antè omnia verò sciendum est, in quod tempus hi *mille anni* inciderint: tum quando, & qua ratione Satanas solutus fuerit. Tempus hoc deprehenditur sexto huius libri capite; vbi mystici illius codicis, diuinæ prouidentiae, tria prima sigilla aperit A G N V S. nimirum id tempus est, quo *albus equus & rufus & niger* in terris fuerunt: aut (ut clariùs loquar) aliquot annorum sæculis post Christum mediocriter floruit synceritas diuini verbi; ut historiæ Ecclesiasticæ testantur; quo tempore Satanæ potestas delituit: quod idem est, ac si *vinctum esse illum* diceres. Non paruo autem temporis spatio mansit in terris Euangelij puritas, quæ significatur *albo equo*; quanquam qui eam profitebantur viuerent sub cruce, quæ notatur *equo rubro*: & valde infestarentur ab hæreticis, quorum hieroglyphica sunt *equus ater*, & *absynthium* tertiæ tubæ clangore in *fontes aquarum* demissum, & *aqua* quæ ex ore *Draconis* euomebantur in *mulierem*, Cap. 12. Perennauit huius temporis fælicitas etiam nonnihil post Augustini mortem: tum verò tota Ecclesia

Ecclesia varijs cœpit inquinari hæresibus; quæ cum iam maturuissent, nobis Antichristum peperere: cuius hieroglyphica sunt *equus pallidus*, in quarto sigillo; *Rex locustarum* in quinta tuba, *Babylon* Cap. 11. & 18. *bestia iterum exoriens è mari*, Cap. 13. & *coccinata femina*, Cap. 17. Dæmonis igitur hoc in loco solutio nihil aliud est, nisi hærescon exortus, exque earum fumo genitus Antichristus.

Nunc quid solutus egerit videamus. Ille omnes gentes decipit: & exercitus innumerabiles *Gogum* nempe & *Magogum* conuocat ad prælium: in latitudinem terræ alcendit: & castra Sanctorum obsidet, & dilectam ciuitatem. hæc eius sunt facinora: quæ cum in alijs huius libri locis delineentur ad viuum, ea in medium libet adducere, vt mutua eorum collatione, & interpretatione, res tota magis elucescat. In nono capite dicitur Antichristus *locustas suas emissurus in terras*: nempe ordines suos sacros, quorum blanditijs teterrimas illas, quas excogitauit, hæreses orbi persuadeat. nec frustra; nam maxima mundi pars hac versutiâ in suas partes trahet. Cap. 11. dicitur *persequuturus Sanctos*, & *occisurus duos testes*; quorum cæde ipse cum terræ Regibus exultabit, tanquam ijs è medio sublatis, qui soli eius secundæ velificationi remoræ fuissent. Cap. 13. dicitur & *blasphematurus Deum*, potestatis diuinę vsurpatione, & *pseudopropheta vel pseudecclesiæ consilio atque ope imagines suas, legatōsque per orbem missurus*, vt quotcunque ipsi vel ipsius vicarijs parere, vel primatum eius recusant agnoscere, pessimis exemplis affligat & euertat; vt nec emere nec vendere fas vlli futurum sit, aut ciuilis societatis beneficio frui, qui supremam eius potentiam & dignitatem non reuereatur. Cap. 16. dicitur *tantum abfuturus à pœnitentia, dum Deus illius vindicat nequitiam*; vt è contrâ nouum quoddam genus *insecti excogitaturus sit*: scilicet, nouum ordinem Ecclesiasticum, *ROMANVM* nomine infamem, cuius opera Principes terrę sibi iunget foedere, & bellum instaurabit aduersus Sanctos; quorum in perniciem nihil relinquet intentatum. cuius belli apparatus & exitus hoc loco descriptus est.

Nunc omnia hæc in vnum colligamus, vt verus verborum sensus eluceat. *Orietur Antichristus, Deo & Ecclesiæ infestus: adulterinæ & hypocriticæ Ecclesiæ caput erit: supremum in terris ius sibi vendicabit: etiam diuinam inuadet potestatem. per locustas fucum faciet hominibus. fideles persequetur, nec erit qui palam illi ausit resistere. Tandem verò, quum regni sui vim sentiet imminui, & veram Ecclesiam inualescere, tum nouorum impostorum ope Reges terræ conuocabit, & copias aduersus Ecclesiam innumeras, vt est maris arena, & altero Christi hoste, aperto illo & manifesto, sibi coniuncto, aut fanè non impedito circumdabit castra fidelium, & dilectam ciuitatem obsidebit, & cum Sanctis bellum geret. at tantum aberit à victoriæ gloriâ, vt certa illum ignominia & perniciēs cum omnibus suis sectatoribus maneat.* Iam verò an in *ROMANAM PONTIFICEM* hæc omnia signa quadrent, ego hominibus

Occidente  
Euangelio  
oritur Satanas,  
& in suum  
meridiem  
scandit.

Papa est Anti-  
christus; & Pa-  
patus Saranæ  
solutio. hinc  
falsa dogmata  
& persecutio-  
nes Ecclesiæ.



Iesuite, ex-  
tiale genus  
infecti.

minibus ingenuis, & omni affectu vacuis iudicandum relinquo. Ego equidem existimo rem ipsam pro se loqui. Numquid enim ille Christi usurpat officium, dum se VNIVERSALEM nominat EPISCOPVM & CAPVT ECCLESIE? Nonne strenuè *Apollyontis*, & *Abaddonis* omnes partes implet? seque *euerforem illum* & *filium perditionis* prodit, dum execrabilem illum animarum quæstum exercet, quas pro suo arbitratu aut cœlis donat, aut inferno mancipat, aut suo purgatorio coerces? Nonne blasphemus est, dum inficiatur imputatâ Christi iustitiâ nos saluos fieri? Nonne per *locustarum agmina*, & *rasos illos fratres* orbi terrarum imposuit? Nonne multis sæculis sic dominatus est mundo, vt quisquis minimam partem usurpati Primatus negare auderet, statim ignibus addiceretur? Nonne nostrâ etiâ memoriâ, cum tyrannidem suam videret labascere, IESUITAS emisit; insectorum vt nouissima, ita pessima: quorum vassamentis Reges in priorem traheret seruitutem; vt fœderibus pactis cum defenderent, & genuinos Christianæ religionis professores funditus euerterent? Nonne cum illo iurato Dei hoste, SVLTANO TVRCICO, quicum inexprabile bellum ante gerebatur, iam inducias fecit; vt facilius opprimat Ecclesiam? Nunquid exercitus in Gallia conscripti iam in procinctu sunt aduersus Sanctos? Nunquid idem in Flandria, idem in Germania metus, vbi Archiepiscopus Coloniensis recens motus est loco? Quanti verò sunt aduersus hanc Insulam apparatus; de quibus noua indies crebrescit fama, & breui (quantum coniecturâ consequi possumus) oculis credituri sumus? In procliui igitur est æstimare, an hoc sit tempus, cuius meminit locus iste à nobis selectus; ideoque oportuno huic prophetiæ reuelandæ. & hæc ad sensus expositionem sufficiant.

### TERTIA PARS.

**N**Vnc ad tertiam partem venio, quid ex hoc loco discere conueniat: quod ego paucis indicabo, vt finem faciam. & PRIMò quidem ex eo, quòd nascente Antichristo Diabolus è carcere emissus sit, tum ad puniendam mundi ingratitude, qui veritatem oderat, & oblectauerat se mendacio; tum ad manifestandos electos, qui veritati adhæserant: ex eo, inquam, duo nobis veniunt obseruanda: prius nostræ institutioni inseruit, vt sciamus hominibus vltro à veritate deficientibus iure immitti à Deo magnum illum *impostorem, cum efficacia mendaciorum*, vt Paulus loquitur: tum vt eorum conscientijs per hæresin, tum corporibus per gladium dominetur. igitur, vt consimilem vitæ pœnam, etiam atque etiam cauendum, ne à reuelatâ & agnitâ veritate desciscamus. *Posterius* autem solatio nostro seruit, vt nobis persuadeamus hanc Antichristi tyrannidem, *paleam separantis à tritico*, vt loquitur Dominus; quemadmodum geminam adfert deficientibus pœnam, ita genuinam gloriæ coronam imponere perseverantibus. Beati igitur

Soluitur à  
Deo Satanas  
ad peccata  
nostra flagel-  
landa.

Perseuerantes  
coronantur:  
deficientes à  
Deo repro-  
bantur,  
Matth. 10. 22.



igitur qui in finem vsque perfeuerant : nam hi feruabuntur.

DEINDE, è numero *deceptorum gentium*, in quatuor terræ angulis, & è *numerofis hoſtium exercitibus inſtar arena maris* edocemur, hac ſub Anti-  
 chrifto defectione, vniuerſam correptam eſſe Eccleſiam, vnde VERA  
 illa inuiſibilis facta eſt. Ex quo *duo* efficiuntur : *primò* quidem Eccle-  
 ſiam corrumpi poſſe & errare ; *deinde* verò latere eam poſſe aliquandiu  
 ignotam.

Apoſtaſi ſub  
 Antichriſto  
 vniuerſalis.

TERTIÒ, ex eo quòd *Satanas*, non contentus decipere, etiam omnes ſuos  
*ſatellites in bellum cogat* ; monemur inexſaturabilis odij, quo ille cum ſuis  
 Deum in Eccleſia perſequitur ; *circumiens perpetuò*, vt *leorugiens*, &  
*quærens quem deuoret*, vt ait Petrus. Hæc eius malignitas 12. & 13. hu-  
 ius libri cap. graphicè deſcribitur. nam poſtquam *vaſtam aquarum elu-  
 uionem euomuiſſet*, id eſt, innumeras hæreſes & mendacia, *mulieri abſor-  
 bendæ* ; & ea tamen euafiſſet incolumis, de nouo excitauit BESTIAM è  
*mari* ; nempe cruentum illud Romanum imperium, vt eam cum omni  
 ſemine gladio hauriret. hac autem beſtiâ letaliter vulneratâ aliam è ter-  
 ra educit, ipſum ANTICHRISTVM : vt quod antè gladio ſolo non ſuc-  
 ceſſerat, iam hæreſi coniunctâ aggrediretur. Ita Diabolus, quum cer-  
 neret Euangelij lumen in cordibus fidelium nullis hæreſeon nebulis  
 obſcuſari, & regni Chriſti fælices progreſſus gladij immanitate non  
 fiſti ; Antichriſtum extrudit, *gemino enſe* minacem : nempe vt illud fi-  
 eret, quod ab eorum vno aliquando dictum eſt, PAVLI GLADIO REM  
 TENTANDAM, QVÆ PETRI CLAVIBVS NON CESSIT : quæ eius  
 hoc tempore diſciplina eſt. nam quum illi non ignotum ſit ludibrio  
 eſſe Eccleſiæ inſana ſuarum hæreſeon commenta ; nihil aliud ſibi reli-  
 ctum putat, niſi vt ferro & flammâ, quod reliquum eſt Eccleſiæ, era-  
 dat & deleat.

Filij Saranæ  
 impoſtores  
 ſunt & perfu-  
 ctores.

QVARTÒ, ex ingente hac *impiorum acie caſtra ſanctorum & dilectam ci-  
 uitatem undique obſidente*, diſcere eſt, humani generis maiorem partem  
 eſſe improborum. ideoque Dominus noſter ait, *multos eſſe vocatos, pau-  
 cos electos* : & iterum, *latam eſſe viam, quæ ducit ad interitum, & multos per  
 illam intrare : ſed anguſtam eſſe illam quæ ducit ad vitam, & intrare paucos.*  
 quid quod & MVNDI nomine eos appellet, & Diabolum MVNDI  
 Principem ?

Plures ſemper  
 impij quam  
 pij.

QVINTÒ, hæc *Gogi & Magogi*, illius aperti, huius occulti Chriſtiane reli-  
 gionis hoſtis reconciliatio, ad opprimendam Eccleſiam inita, oſtendit ; quàm  
 altis ſint defixa radicibus eorum odia in Sanctos : qui quanquam inter  
 ſe hoſtes ſint, tamen in odium tertij conſentiunt, vt Herodes & Pila-  
 tus in Chriſtum.

Impij inter ſe  
 diſcordes con-  
 iurant in  
 Chriſtum.

SEXTÒ, hæc *Sanctorum & dilectæ ciuitatis obſidio* indicat nobis cer-  
 tiſſimum eſſe adulterinæ Eccleſiæ ſignum, perſequutionem : illi enim  
 ſunt, qui in Sanctos *inquirunt* : Sancti verò in quos INQVISITIO exer-  
 cetur : impij ſunt obſeſſores, pij obſeſſi.

Perſecutio eſt  
 à pseudoeccle-  
 ſiâ.

Scripturæ sen-  
sus è Scriptura  
petendus.  
1. Reg. 1. 10.  
11.

SEPTIMÒ, ex formula loquendi & phrasi hac (*ignis è cælo demissi*) hîc vsurpatâ, desumptâ autem ex 20. libro Regum, vbi precibus Eliæ *igne calicibus deiecto absumpti sunt Achazia milites*; quemadmodum etiam non minima pars verborum, & sententiarum huius libri ex alijs Scripturæ partibus transumpta est: hinc, inquam, docemur, si certi esse cupimus, & ab analogia fidei nunquam discedere; sacræ Scripturæ sensum ex seipsa esse petendum; quum tam crebrò suas illa phrasès repetat & seipsam interpretetur.

OCTAVÒ, ex *suprema hac impiorum ruina*, cùm iam in ipso culmine fælicitatis & in summa rota prosperæ fortunæ consisterent; *duo* nobis veniunt obseruanda: *primò* quidem, permitti illis à Deo laxas scelerum habenas, sæpe etiam, dum ad ipsum impietatis fastigium deueniunt; tandem tamen grauissimè puniri, & in hac vita, & in vita futura: vt in sæculo Ecclesia euadat incolumis, in cælis verò gloriosa. *Secundò* verò, persecutionibus hisce profligatis, & persecutoribus euersis, diem fore nouissimum: id enim ex vers. 11. huius capituli docemur. at quàm citò vel serò post futurus sit, id soli Deo est notum. hoc tamen satis certum est, in eodem statu mansurum mundum vsque ad consummationem; nec aliam passuram mutationem, quæ quidem ad vniuersos pertineat.

Bellum nobis  
cum Anti-  
christo & ciuile  
& spirituale  
semper geren-  
dum est.

Igitur vt exhortatione finem faciam: *duo* nobis agenda sunt, qui hoc tempore Insulam hanc incolimus *primò* quidem consideranda nobis est nostra conditio; *secundò*, quæ illi conducunt, agenda. Conditionis nostræ præsentis hæc summa est: *triplici* obsidione cincti sumus: *primâ* quidem *spirituali*, ab Antichristi hæresibus: *Secundâ corporeâ*, & *illa vniuersali*; quia petimur vt membra eius Ecclesiæ, quam illi vniuersam persequuntur: *tertiâ corporeâ quoque, sed particulari*; nimirum à præsentis exercitu. at verò, quæ par est nobis facere in hoc rerum statu, hæc sunt. *primò* vt diuinæ dextræ inuocemus auxilium: *secundò* vt certâ fiduciâ inde pendeamus: cùm nobis in verbo suo tam constanter promiserit se suis non defore. *tertiò*, quum bonæ cōscientiæ testimonio freti simus, nobis ipsis in dilecta ciuitate & castris sanctorum non desimus; sed alij alijs animos addentes obuiam eamus vi: & vnanimes, vt *eorundem castrorum socij & eiusdem urbis ciues*, bonam causam, qua nos hostibus nostris superiores esse voluit Deus, animosè tueamur: & vt verbo dicam, pro libertate nostra, pro patriâ, & vitâ strenuè pugnemus. Nam cùm iam manifestum sit, non modò in futura, verum etiam in hac vita nobis à Deo promissam esse victoriam; nostrum erit illi certissima spe adhærere, ne incredulitate & diffidentia labentes duplex mereamur supplicium. quanto enim magis eorum vires auctæ fuerint vel ad fastigium conscenderint; tanto propiùs abest eorum ruina, & nostra fospitatio. Nam qui nobis promisit *amicus est verus, constans, sedulus, vigilans, potens, & ultor*: cui sit laus & gloria in omne æuum.

MEDITATIO





# MEDITATIO SACRA, IN SEQUENTES VERSVS XV. CAP. I. CHRONIC.

- XXV. *Deinde erat David cum senioribys Israël, & Chiliarchis procedentibus ad deducendam arcam fœderis Iehouæ, è domo Obed-Edom cum letitia.*
- XXVI. *Erat autem, cum leuaret Deus Leuitas gestantes arcam fœderis Iehouæ, ut sacrificarent septenos iuuenos, & septenos arietes.*
- XXVII. *Ita David paludatus pallio byssino, & omnes Leuitæ gestantes arcam, & Musici atque Cenania, qui Princeps erat muneris portandi Musicam exercentes: Dauidi autem impositum erat amiculum lineum:*
- XXVIII. *Denique omnes Israël ita deducebant arcam fœderis Iehouæ cum clangore, & sono buccinæ, tubi scilicet, ac cymbalis, resonantes nablijs & citharis.*
- XXIX. *Fuit autem, arcâ fœderis Iehouæ intrante in ciuitatem Davidis, quum Michal, filia Saulis, prospiciens per quandam fenestram videret Regem Dauidem saltantem & gestientem, ut sperneret eum cum animo suo.*



T non ita pridem, cùm PEREGRINA ILLA ET IMPIA CLASSIS nobis periculum minaretur, è re nata vos ad constantiam, certamque in Deo fiduciam hortatus sum; quibusdam sacre scripturæ verbis ad eam rem selectis: ita nunc, postquam diuinâ misericordiâ successus orationi meæ respondit, officio meo deesse non potui, quin ex modò citatis verbis vos porro commonefacerem, quid etiamnum vobis supersit agendum. non quòd vobis docendis parem me esse confidam; sed vt meditationes hæc meam in grauissimo negotio bonam mentem posteris testentur. Igitur vt ad rem veniamus; pius ille Rex DAVID, post victoriam è Philistæis, suis & Dei hostibus, partam, nihil prius egit, quàm vt omnibus regni ordinibus comitantibus, & prosequente Musicorum organorum symphoniâ, ipse, triumphantis more, & summâ perfusus lætitiâ, Domini



feëdoris arcam in suam domum transferret: quæ, cum in regiam perlata fuisset, præ gaudio sibi temperare non potuit, quin ante eam tripudicaret; quod cum ipsius vxor M I C H A L, Saulis filia, animaduertiret, cum animo suo spreuit & irrisit.

### METHODVS.

**Q**Uæ vt faciliùs intelligantur, *quinque* nobis exponenda & instituto applicanda veniunt. *primò*, quibus causis adductus fuerit Dauid ad hoc opus. *secundò*, qui cum eo huius operis fuerint socij. *tertiò* quod opus hoc fuerit, & quis eius peragendi modus. *quartò* de Michale ipsa dicendum est. *quintò*, quid ab illa factum sit.

### PRIMA PARS.

Dauid ex zelo  
& sensu diuinæ  
amicitiæ  
Deum colit.

**Q**Uòd ad *primum* attinet: *duæ* mihi videntur causæ præcipuæ Dauidem ad hoc impulisse; *vna* interna, *altera* externa. *Interna* est sacro zelo inflammatus Dauidis animus, & pronus in Dei gloriam; quemadmodum de seipso testatur: *zelus domus tuæ me exedit*, Plal. 69. 10. & fusiùs habetur Plal. 132. quem circa id conscripsit tempus, quo arcam transtulit. *externa* erat nobilis illa victoria, quam diuinâ ope retulit è Philistæis, antiquis illis & perniciosis Israëlitarum hostibus. de hac victoria agitur extrema parte capituli antecedentis; qua ita internus ille zelus in animo regis accensus fuit, vt, cæteris omnibus insuper habitis, huic operi se totum tradiderit. Hæ sunt duæ illæ grauissimæ causæ, quæ Dauidem impulere ad opus. Vnde discere licet, *primò* quidem, nullam virtutem magis decere Christianum Principem, imò nec Deo gratiorem reperiri, hac ipsa Z E L I constantia, & hoc seruire P I E T A T I S, quo omni studio fertur ille in Dei gloriam, cui suum honorem ex asse refert acceptum: *Deinde* verò, hunc Z E L V M, in quocunque demum repertus fuerit sine simulatione, nunquam dimittit Deo sine mercede: vt assiduâ donorum suorum largitione prouocet Deus homines ad *zeli*, & gratitudinis perpetuum incrementum. *tertiò* nunquâ defuisse fidelibus hostes, quos vincerent: vt diuinæ erga se beneuolentiæ semper confiderent; etiam cum amaro illo C R V C I S phar-maco aut eorum ægritudini medetur, aut à crassioribus delictis eos auocat, aut eorum fidem explorat. hinc in sacris literis deprehendimus Israëlitas, ex quo Deus illos sibi in populum consecrauit, nullo vnquam tempore vacasse Satanæ inuidiâ. Semper ille vicinas gentes, instrumenta sua, in eos emittebat, vt res eorum prosperas molestij & bellis inquietaret; licet id tandem cederet turbatæ Ecclesiæ in bonum, turbatoribus autem in perniciem. Et initio quidem à Pharaone multa illi in Ægypto grauia passi sunt: è qua regione vt liberati fuerunt, ab *Ammonitis* *primò*; deinde à *Philistæis* continuò vexati sunt: denique à *quatuor Monarchijs*, quarum

Vexationes  
humanæ semper  
cedunt  
Ecclesiæ in  
bonum.

quarum vnaquæque in hac sese arena exercuit. Verùm omnes prophatorum Regum & gentium furores aduersus Dei Ecclesiam hoc in loco commemorare superuacaneum foret: nec minùs molestum, propter illa quæ superiore meditatione complexus sum. quare huic vni libet insistere. Quomodò semper antè affectæ erant gentes in Israël, ita omnino regnante Dauide afficiebantur; eo præsertim tempore, cuius hoc loco fit mentio. quo tempore licet irruptione in Israelitas facta repulsi fuerint, copias tamen suas aduersus Dei populum de integro instaurarunt. nec contenti Israelitarum exemplo fines suos defendere, in *terram sacram* profecti, & latè fuso exercitu vallem occuparunt. Dauid igitur iussu diuino populum aduersus eos educit, & prælio conserto promissam consequitur victoriam; non humana virtute, sed diuina benignitate: vt ex illo loco obuium est consideranti. Igitur Ecclesia pati potest, periire non potest: & qui est illi finis miserix, est Dei hostibus initium ruinæ.

## SECUNDA PARS.

**S**ECUNDÒ, de socijs Dauidis in hoc opere dicendum mihi est: quòrū **TRES** ordines à Spiritu sancto hîc notâtur. **PRIMVS** est è Senioribus Israelis: **SECUNDVS** è Chiliarchis: **TERTIVS** è Sacerdotibus & Leuitis. de singulis strictim agemus. **SENIORES** hi Dauidis erant vicarij, in singulis regni partibus, ab ipso delegati, vt ius dicerent regijs subditis: qui obsequij promptitudine *Manus regix* dici possent. hi erant *duum* generum: *alij* enim magistratuum honore in munitis vrbibus fungebantur, iustitiæ munus in foribus ciuitatum administrantes: *alij* erant Principes tribuum, & patres familiarum, qui ruri idem obibant officium. Vtrumque genus si cum nostris moribus compares, duobus regni nostri ordinibus non absimiles reperies; nempe **BARONIBVS**, & **CIVIBVS**. **CHILIARCHÆ** viri fortes erant & pij; militiæ sub Rege præfecti; & personæ regix custodes; quibus ex officio incumberebat regia bella profligare. horum functio necessaria erat Dauidi, cui diuinitus iniunctum erat, (vt ex Nathanis Prophetæ verbis constat) Dei bella conficere: hostes Ecclesiæ subiugare: & sic viam sternere ad pacificum illud **SALOMONIS** imperium, cuius erat templum ædificare, & pacem colere; hic enim Christi typus erat, qui est Rex pacis. *Chiliarcharum* meminit hîc Spiritus sanctus: vt sciamus *primò*, eorum munus iniustum non esse: *secundò*, præcipuum esse huius functionis scopum, Dei gloriam: *tertiò*, hos ipsos cum laude ad honores militiæ venisse, & cum laude eisdem gessisse: vt disertis verbis ipse Dauid indicat, toto Psalmo 101. siquidem nemo in eius familiam aut ministerium receptus fuerit, qui non syncere Deum timeret. Et, citra controuersiam, Rex ille, zelo & pietate insignis, nunquam vel corporis sui

Dauidi in hoc opere tres hominum ordines auxiliantur.

custodiam, vel Dei praelia credidisset Dei inimicis, vel ignotæ probitatis militibus. videantur eorum nomina & laudes 1. Chron. 2. 26. Terti-  
 us ordo SACERDOTVM & LEVITARVM, proponitur eodem cap.  
 vers. 4, 5, 6, 7, 8, 9, 10, 11. sic omnium ordinum homines huic operi in-  
 tererant. quod diligenter Principibus notandum est, cæterisque emi-  
 nentioris loci & dignitatis, quorum fidei causa Dei mandata est. David  
 nanque in rebus ad Deum spectantibus nihil molitur, nisi præsentibus  
 & iuvantibus *Dei ministris*, spiritualibus Ecclesiæ suæ ducibus & re-  
 ctoribus: & constituerat ab initio arcam ferre Hyerosolima; sed quum  
 eorum præsentiam & consilium requireret hoc cap. vers. 12. 13. ait ijs:  
*vos estis præcipui familiarum patres inter Leuitas: sanctificate vos ipsos & ag-  
 natos vestros, ut deportetis arcam Iehouæ Dei Israelis in locum, quem præpa-  
 ravi ei. quia vos in principio hic non fuistis, irruit Iehoua Deus noster in nos,  
 quum non quæreremus eum rite.* Huc usque pars secunda fuit de personis;  
 vnde primò colligimus, pio Regi ex voto adesse pios regni ordines, in  
 sancti operis societatem. Deinde hoc commodi & voluptatis referre pi-  
 um Regem ex illis, quos pia cura sibi substituit, ut quoties ille bene a-  
 gendo præit, hi alacri zelo sequantur.

### TERCIA PARS.

Portatur arca  
 cum lætina in  
 sanctam ciui-  
 tatem.

Quid signifi-  
 cet arca fæde-  
 ris.

**C**omitatus verò huiusce hilaritas tribus actibus expressa est, arce  
 portatione; Musicorum organorum concentu; & Davidis an-  
 te arcam tripudio, lætitiæque. Translulit ille arcam in taber-  
 naculum, in monte Sionis ad eam rem ædificatum, ut gratum animum  
 testaretur Deo, de multis sibi indultis victorijs. Illinc orta est pompa  
 hæc; & publica & solennis, quæ insecuta est, omnium hilaritas. Con-  
 stat ARCAM ipsam fuisse diuino iussu à *Mose extructam, in deserto Sinai, ex  
 ligno Shittim*, quod corruptentibus cunctis resistit. erat autem figurâ  
 decorâ admodum & elegante, longa duos cubitos & semi, quæ latitu-  
 do eius quoque fuerat: intus & extra auro puro intecta. neque tantum  
 typus erat Iesu Christi, nostri Saluatoris perfectissimi, in quo omnia  
 Dei promissa sunt ETIAM & AMEN 2. Cor. 1. 20. in quo, tanquam in  
 arca, tutissimè reponitur Diuinæ largitatis vbertas; & cuius plenitudine  
*nos omnes gratiam super gratiam accipimus* Ioh. 1. 16. siquidem *factus est  
 nobis sapientia, iustitia, sanctificatio, & redemptio* 1. Cor. 1. 30. non modo,  
 inquam, Christi typus est ARCA: verumetiam certissimum pignus De-  
 um populo suo æternum adfore, ut omnibus donis suis eos ornet. quod  
 ut magis propriè significaretur, TABULÆ FÆDERIS in ea custodieban-  
 tur, & LEX à Deo scripta (qua etiam de causa ARCA FÆDERIS voca-  
 batur) ut intelligerent in *promisso Messia esse legis consummationem cuius  
 credenti* Rom. 10. 4. Supra arcam fuit operculum, SEDES MISERI-  
 CORDIÆ, nominatum, & supra operculum duorum Cherubinorum  
 effigies



effigies alis suis *misericordiae sedem* tegentium; inter quos Ipsa DEVS populum suum amica voce instruebat & solabatur: vt certo scirent omne hoc Dei cum hominibus commercium, siue suam illis impertiret scientiam, siue ministrantes Angelorum spiritus illis mitteret solandis; totum hoc, inquam, IESV CHRISTO, tanquam æterno fundamento, inniti. hæc ARCA igitur diuini in populum fauoris certissimum erat Sacramentum, & fædus Messiae; in qua corporaliter apparebat diuinorum promissionum veritas. Iam ad *tertiam* partem accedamus, modum nempe huius actus, seu gestum in arcæ translatione à comitantium cætu vsurpatum. Is vniuersim talis erat, vt arcam fæderis Domini deportarent ex ædibus Obededom in tabernaculum; quod in monte Sionis Rex ad eam rem extruxerat. Modus agendi singulorum hic est. *Sacerdotes* vitulos & arietes maçant Deo, quia operi dederat successum: *Rex ipse*, byssino amictus vestitu, saltat: & præ gaudio gestit ante arcam: *Chenania* Cantorum Princeps, cum socijs, laudat Psalmis Deum: & *omnes ordines populi Israelitici*, cum clamore, & sono buccinæ, tubisque ac cymbalis, & nablijs, & citharis arcam ferunt in ciuitatem Dauidis. In summa igitur, DAVID post tot victorias arcam in domum suam transfert: vt testatum faciat, quanta sollicitudine diuinum fauorem & sibi ambiat & populo; non contentus semel atque iterum hanc benignitatem gustasse, nisi per iugem arcæ præsentiam æternam sibi illius firmet possessionem. hunc nobilissimum æstimat, quem ducat, TRIUMPHVM: hoc gloriosissimum quod statuit TROPHÆVM & certè eiusmodi honor altior est *Ægyptiorum pyramidibus*, nobilior *Græcorum trophæis*, gloriosior *Romanorum curribus triumphalibus*: Quod ad organorum musicorum harmoniam, quæ arcam vehentem prosequabatur, credo nemini esse ignotum Iudæorum morem omni instrumentorum genere Deum laudantium: vt Dauid in Psalmis non vno testatur loco. Verum si quis fortè interroget, cur vno quàm alio tempore impensius latandum sit Ecclesiæ, præsertim cum extra controuersiam sit, nihil à Deo circa nos fieri, quod non redundet vel in corporum nostrorum, vel animarum commodum, vt id in multis rebus nostram captum exuperet. Non diffiteor hanc sententiam satis esse orthodoxam: attamen quotiescunque externis quibusdam indicijs manifestare dignatur Deus, quantopere diligat Ecclesiam; vel magno aliquo, & memorabili facinore pios asserit è periculis: tunc officij ratio iniungit solenniores, & vt sic dicam, cumulatiores Deo gratias persolvere; tum vt imbecillioribus, qui inter nos viuunt, consulentes, tum vt hominibus improbis, qui extra nos viuunt, obturantes ora, quantum in nobis est, gloriam diuini nominis quàm latissimè propagemus. hoc permulta *Sanctorum exempla* in scripturis sparsa certo certius confirmant; hoc *preces piorum* sæpe testantur, quibus à Deo flagrant non

Heb. 1. 14.  
Ioh. 1. 4. 12.

tam

tam proprij commodi, quàm diuinæ gloriæ causâ ; vt specimen aliquod amoris sui in ipsos edat. Ita fecerunt *Moses, Iosua, Dauid, Elias, Elizeus*, alijque *Prophetae & Serui Dei* innumerabiles. Quod ad tripudium Dauidis attinet ; scimus nos *saltationes, lusum*, & id genus alia, suapte naturâ **ADIAPHORA** esse, vsuque & proposito vrentis bona fieri aut mala ; quæ cum hoc tempore zelo quodam non indecoro transacta, & Deo honorando adhibita fuerint ; non modò veniam vel excusationem merentur, verumetiam laudem & præconium : vix parum fuerint ad mulierculæ gustum. Illud quoque notabile est Dauidem, quicquid huius fecit, peculiari & proprio Dei instinctu fecisse ; cuius numine ita plenus fuit hoc tempore, vt, gestuum corporis quasi immemor, se totum illius permiserit arbitrio, qui eius pectori infidebat ; & seipsum non respiciens solius Dei honorem & gloriam respexerit. Et hæc de tertia parte : ex qua hoc *primò* in arca notandum venit ; vnicum veræ & antiquæ religionis fundamentum, & salutiferæ doctrinæ corpus integrum in **SOLO CHRISTO** reperiri : vt clarissimè ostenditur, Act. 4. 12. Ioh. 14. 6. 1. Cor. 2. 11. 1. Ioh. 1. 7. *Secundò*, quotquot per eam salui fieri volunt gestandam illis esse **ARCAM** in corde per *fidem*, in ore per *confessionem*, Rom. 1. vt omnes vitæ suæ & muneris, ad quod vocati sunt, functiones diuinæ voluntati conforment, Matth. 7. 21. 22. 23. *Tertiò*, qui vere Christo vniti sunt, Christi portatione delectari, imò nulla re magis lætari, quàm assiduo huius portationis exercitio.

Fundamentum  
omnis religionis  
Christus.

#### QUARTA PARS.

Hypocrisis  
Michalis.

**Q**UOD ad hanc **MICHALEM** attinet, erat ea Saulis filia, & vxor Dauidis : scemina, quantum licet conijcere, prauè educata apud prauum parentem. quod spiritus sanctus satis innuit, dum eam Saulis filiam vocat : & certè patris sui proles erat, tam hypocrisi, quàm natura. Nihilominus ad visibilis Ecclesiæ corpus pertinuisse ex illius titulo colligitur : nam *Dauidis vxor* vocatur. igitur specie tenus vnita erat Ecclesiæ per coniugium : reuera autem, & in corde, alièna fuit propter hypocrisin. hoc genus hominum ( **HYPOCRITAS** intelligo ) sunt malum necessarium in Ecclesia, indiuiduum, inseparabile, usque dum Dominus messis venerit cum vannò in manu sua.

#### QUINTA PARS.

**E**A hoc pacto se gessit, vt toto publicæ lætitiæ tempore domi maneret secura ; nec pedem quidem efferret è limine, vt mariti lætitiæ participaret : non potis ( vt videtur ) dextrè satis vultu simulare lætitiæ. Vt primùm autem è fenestra maritum ante arcam conspexit saltantem, continuò actum hunc, sua natura medium & adiaphorum, in malam partem interpretata est, scemina vacua sensu eius causæ, quæ



quæ marito afferebat lætitiā : ideoque illius gestus apud se contemnit, & despicit, tanquam ex lasciuia & petulantia profectos. res mira ! fœmina, quæ nuper ingenuo amore mariti vitam è manibus Saulis parentis sui expedierat ; nec id sine suo periculo ; nunc non sustinet illum videre in re adiaphora cum laude versantem, quàm ipsamet ( non dubito ) sæpe ante lasciuē & salaciter exercuerat. hinc facile est *hypocritarum ingenia* cognoscere, qui corde Ecclesiam oderunt. in rebus ad religionem nihil attinentibus nemo illis humanior aut amicior est ; continuò ut causa religionis agitur & diuini cultus, tum verò dissimulare vltèrius, aut affectibus suis moderari non valent. quemadmodum Michal hæc etiam in ijs rebus, quæ patrem suum tangebant, marito non deerat : at ad Dei gloriam ante arcam saltare illum indignè ferebat.

His ergo pro legitima verborum expositione iam dictis, superest expendamus, quàm propriè ad nos, aut res nostras ista pertineant. & primò quidem, *si personas* intuearis ; hinc Dei populum superbè & improbè petitem ; illinc gentes, eorum hostes, miraculo fusas fugatasque ; Nunquid sincera illa *veritatis professio*, quæ in hac Insula nunc viget, oppugnabatur modò à vicinis populis, *verbi diuini osoribus* ? Nunquid nos quoque unum agnoscimus Deum, ut olim Israel ? & verbo eius purissimo dirigimur ? E contra nonne illi legiones Deorum colunt, ut olim Philistai ? & humanarum traditionum stultitiâ reguntur ? Nonne illi Philistæorum more inuasores sunt alieni ; nos uerò regionis nostræ defensores ? Nonne denique è sua patria egressi sunt in nostram, vastam illam Oceani vallem copijs suis sternentes, ac ingenti cum supercilio ruinam nobis & exitium minitantes ? Sed & obsecro nonne insignior nobis obtigit, quàm Israeli victoria ; nec minus hæc quàm illa diuino parta miraculo ? Nunquid enim ut, *agitatis vento MORORVM fastigijs* ; Deus Philistæos in fugam coniecit ; ita etiam *LIGNEARVM TVRRIVM lateribus procellarum impetu concussis, cum maxime partis perniciæ*, vniuersorum verò dedecore, hos difflauit ? Nunc verò ut in eo quod reliquum est, Israël quoque referamus ; quâ, obsecro, catastrophâ hæc cælestis comedia nobis terminanda est ? Nempe gaudio perfusis arca Domini in medium adferenda est. Et quæ alia est Christianorum ARCA sub gratia, nisi DOMINVS IESVS ? quem cum lætitiâ sistimus in medium, quando nouum testamentum in sanguine eius sincere & grataiter recipientes, corde quidem credimus eius promissis ; ore autem & opere fidem nostram coram mundo testamur, & in luce ambulamus, ut decet *filios lucis* ? Non est post eiusmodi victoriam gloriosius triumphare. Et quanquam inter nos non paucæ sint MICHALES, lætemur tamen : & Deo, qui illis iam laruas detraxit, gratias agamus ; persuasi omnino nunquam de nobis eas fuisse, quin potius contra nos esse, quotquot de rebus hostium prosperis lætantur, aut ex nostræ incolumitatis miraculo publicam non participant lætitiā. nam quicumque nobiscum non colligunt spargunt. Personat

Applicantur  
nobis quæ  
dicta sunt.

tas igitur



ras igitur hæc MICHALES & sedulo & caute perquiramus. eo enim *sapientiam serpentis* nobis commendat Christus, non ut decipiamus aut prodamus alios; sed ut aduersus hypocritarum fallacias, & proditones, quibus nos satagunt opprimere, muniti simus. Et, ne maxima hæc numinis in nos benignitas nostrâ ingratitudine in maiorem execrationem vertatur, & in die nouissimo testimonium aduersus nos dicant diuina munera, sicque geminata in nostrahant supplicia; adferamus in medium (ut iam finem faciam) ARCAM DOMINI; & quidem utroque, quo diximus, modo; scilicet, indefessâ perseuerantiâ in puritate verbi, iam à nobis recepti, quod certissimum est in vnius Saluatoris meritis nostræ salutis sædus; tum verò nouitate vitæ sic abluentes priores sordes, ut Christianos regeneritos decet, ad Dei gloriam, & confusionem hostium, & nostrum æternum solatium. AMEN.



DE

DE PROFLIGATA CLASSE  
HISPANICA IN FRETO

MORINO,

ANNO DOMINI M.D. LXXXVIII.

EPIGRAMMA REGIVM.

**I**N SAN O tumidæ gentes coiere tumultu,  
Ausæ, insigne nefas, bello ultrò ciere tonantem.  
Mars sese accinxit: metuenda tot agmina nunquam  
Visa ferunt: properare truces miro ordine turmæ:  
Nosque mari & terrâ sæuo clausere duello,  
Exitium diræque minantes strage ruinam;  
Frita sed tristi lugent conamina fine.  
Nam laceras iecit ventus ludibria puppes:  
Et merfit rapidis turgescens montibus æquor.  
Felix. communi qui euasit clade superstes,  
Dum reliquos misero deglutit abyssus hiatu.  
Quis vis tanta cadit? quis totque stupenda peregit?  
Vanus Iovæ sacro conatus risit Olympo.





DAEMONO-  
LOGIA,  
SIVE,  
DIALOGVS  
DE ARTIBVS  
MAGICIS,

*In tres Libros diuisus.*



D A E M O N O

L O G I A


S I V E

D I A L O G V S

D E A R T I B V S

M A G I C I S

per tres Libros distinctus



bo  
me  
ni  
er  
re  
al  
fic  
sa  
lit  
pr  
cu  
&  
ost  
sec  
cer



## P R A E F A T I O   A D L E C T O R E M.



*Ecce sagarum in hoc regno formidabilis multitudo Satanae ex asse deuota, Amice Lector, ut hunc tibi tractatum deproperarem. haudquaquam, mihi crede, ut eruditio- nis aut ingenij specimen ederem: sed dubitantibus ( quantum in me est ) persuaderem, cum Satanam hoc modo furere, tum eius instrumenta grauissimas poenas mereri: contra duorum nostrae aetatis hominum pestiferas opi- niones; quorum alter SCOTVS nomine, Anglus domo, non erubuit, libro typis excuso, defendere, magiam nullam esse; reuocato veteri Sadducæorum errore, qui Spiritus negabant: alter Germanus Medicus, WIERVS, contextâ pro his arti- ficibus Apologiâ, dum illis impunitatem quærit, se eorundem sacrorum socium prodit. Dialogi autem formam elegi, & faci- litatis & delectationis causa; re totâ in tres libros distinctâ. In primo agitur de Magia, & eius specie Necromantia: in se- cundo de Incantatione & Veneficio: in tertio de Spiritibus & Spectris, quibus infestantur mortales. Consilium mihi est ostendere, primò, & esse & fuisse in usu has Satanae præstigias: secundò, quo genere examinis explorari, & quo supplicio coer- ceri oporteat hoc scelus. eapropter edisseram, tum quid nigræ*



artis ope fieri possit ; tum qua ex causa physica pendeant quæ fi-  
 unt. non quòd omnia Diabolicæ potestatis sigillatim explicanda  
 susceperim, quod infinitum esset ; sed ut ipsa rerum genera  
 saltem pertractem, quibus species & differentia includuntur.  
 Verbi gratiâ, cum, lib. 1. c. 6. de potentia Magorum disse-  
 rens, aio posse illos efficere, ut quàm celerrimè omnis generis  
 cupedia adferantur ; familiaris nempe spiritus ministerio, qui  
 ut fur se oblectat furto, ut spiritus, callidè satis & rapidè  
 transferre potest, quod iubetur : sub hoc genere inferiora omnia  
 complector ; ut vinum è pariete promptum ( quod sæpe factita-  
 tum accepimus ) & similia, quæ ex generali ratione facilè de-  
 ducuntur. Ita secundo libro, ubi de incantationibus, cap. 5.  
 confirmans rationibus posse à veneficis, heri sui ope, & fieri &  
 curari morbos ; intelligendum relinquo, eiusdem Diaboli auxi-  
 lio, in quibuscunque morbis multum eos posse : ut alios frigi-  
 dos reddere & ad Venerem ineptos : alios supra naturæ mo-  
 dum procliuves & furentes in Venerem. idem est de cæteris  
 morbis iudicium. Ubicunque autem de Diaboli potestate di-  
 sputo, cupio à te observari diuersos vnius actûs scopos, in quos  
 Deus, prima causa, & Diabolus, primæ causæ instrumen-  
 tum Deique carnifex, collineant. Hic enim hominis, in quem  
 diuino permissu ius illi conceditur, aut corpus perdere vult, aut  
 animam, aut utrumque : ille verò, è malo educens bonum,  
 ex iusto reproborum interitu sibi gloriam quærit ; fideles verò  
 examinatâ sic patientiâ, paternæ correctionis virgâ excitat  
 ad vitæ emendationem. Explorato consilio meo, ignosces, A-  
 mice Lector, si in nostro opere non omnes ritus & arcana hu-  
 ius artis, aut innumeros & miros illius effectus inueneris. neu-  
 trum fuit mei instituti : & ex libri iij. cap. j. patet ratio, cur ea  
 omiserim. harum rerum curiosi, si magorum nosse auent mi-  
 racula, legant Bodini Dæmonomaniam ; maiore sanè col-  
 lectam studio quàm scriptam iudicio. legant eorum confesio-  
 nes, qui nostro tempore capti sunt. Sin quæ veterum sit de  
 horum

borum potestate opinio, scire desiderant, apud Hyperium & Hemmingium, nuperos in Germania scriptores, reperient; præter innumeros nostri temporis Theologos, qui ea de re fusè disquirunt. At nigræ huius artis superstitiones & ritus, periculosos magis quàm utiles, tradit in quarto libro Cornelius Agrippa, & quem modò dixi, Wierus. Quod reliquum est, Amice Lector, voueo ne frustra sit hic noster labor, sed ex eo aduersus prædictos errores muniaris. Tu nostrum conatum boni consule & Vale.

H 3







DAEMONOLOGIAE,  
SIVE DE ARTIBVS  
Magicis Dialogus.

LIBER PRIMVS,

*In quo exordium operis, & Magicæ artis in  
genere descriptio.*

CAPVT PRIMVM.

*Probat ex scripturis, malas has artes in vſu fuiſſe, & poſſe fieri; vt  
nunc exerceantur.*

Colloquuntur PHILOMATHES, Et  
EPISTEMON. PHI.



Ator magnopere te mihi hodie obuiam  
factum: tu enim scrupulum, qui me ma-  
lè habet, omnium rectissimè videris pos-  
se eximere.

EPI. Ego verò de rebus à te quæsitis,  
& mihi non incognitis libenter, & inge-  
nuè dicam sententiam meam; quam nisi  
tibi satis probauero, nullus moror, quin  
melior ratio obtineat.

PHI. Quid tibi de re noua hac &  
mira videtur, quæ omnibus iam in ore est, de veneficis inquam?

EPI. Mira res est profectò: neque vlla in gente, aut sæculo, tam  
claras & perspicuas auditas opinor reorum confessiones.

PHI. Citra controuersiam id quidem est: sed de confessionum ve-  
ritate dubitant Doctores.

EPI. Quàm tu earum partem vocas in quæstionem?

PHI. Non vnam sed omnes, quantum mihi adhuc compertum est:  
in primis autem, an sit Magia, vel magus. illam dubitationem obsecro,  
si potes, mihi exime: cum multis enim ea de re contuli, sed nunquam  
mihi ab vlllo satisfactum est.

EPI. Faciam libenter quod in me erit: quanquam eo difficiliùs ar-  
bitrer

bitrer futurum, quod statim rem ipsam è medio tollas. nam (vt in scholis dicitur) *contra negantem principia non est disputandum*. Cæterum fuisse Magiam & Magos probatur ex sacra pagina: esse verò, constat experientia & reorum confessionibus.

PHI. Scio adducturum te mihi Pythonissam Saulis. verum exemplum illud parum videtur pro te facere.

EPI. Ego verò & alia quoque non pauca citare possum: sed miror quamobrem locus ille parum pro me faciat?

PHI. Causam facile discas, si Saulum regem intuearis animo anxium, ieiunio infirmum, ad mulierem malis artibus infamem ideo venientem, vt de re tanta eam sciscitaretur; hominem, & priorum scelerum, & nouæ illius curiositatis, horrendæque apostasiæ conscientia agitatum: deinde mulierculam obserues subito spectro, quod vidisse se aiebat, attonitam, & exclamantem, detectâ quoque consultoris simulatione, qui se Regem esse negauerat. quid mirum hîc est Saulum, alienatis sensibus, femineæ vocis non deprehendisse imposturam, præsertim, cum in alio conclauis positus nihil eorum ipse viderit? Deinde quæro, quid ab ea suscitatum est, imò verò quid suscitari potuit? an Samuelis anima? apage prophanam opinionem, & Theologiæ aduersam. An Diabolus sub illius imagine? Sed incredibile est vel Deum id illi permittere, vt Sanctorum assumat faciem: tunc enim prophetae eis temporibus incerti fuissent, qualis cum ipsis spiritus in visionibus colloqueretur: vel potuisse Diabolum futura prædicere, quorum notitia Deo propria est.

EPI. Inuenies tamen, historiæ verbis accuratiùs perpensis, phantasma illud ipsi Sauli conspectum fuisse. Vt enim, dum figuræ magicæ & exorcismi fierent, in alio cubiculo concedam fuisse Regem (neminem enim eo tempore oculatum superstitionis testem admittunt) ex historia tamen patet, excitato malo genio, in rem præsentem continuò vocatum. Dicitur enim eo loci Saulus agnouisse Samuelem; id quod per hoc solum accidere non poterat, quòd senem comparuisse audiret pallio amictum: quia multi præterea senes in populo Israelitico suum diem obierant; & pallij habitus omnibus erat communis. Non fuisse animam Samuelis fateor libens: nec probare necesse erat rem extra controuersiam inter Christianos omnes positam; solis Magis & Necromantis, aut idiotis id in quæstionem vocantibus. Quòd autem interdum Satanæ conceditur Sanctorum induere effigiem ex eo loco patet, vbi dicitur Satanais, posse se in Angelum lucis transformare. At nihil ea res Prophetarum visionibus adfert incommodi: nunquam scilicet permittente Deo, vt electis fucum faciat impurus ille, sed ijs tantum, qui spontaneo errore illum consulunt. hos patitur Deus suos ipsorum incidere in laqueos; & *magnâ deceptionis efficaciam* (vt loquitur Apostolus) *deludi;*

*deludi*; quia veritati credere noluerunt. Quòd ad futura, verum illud est, non omnia eum præscire; quædam tamen præscijſſe ex tragico huius hystoriæ exitu satis notum est, quem muliercula suo ingenio diuinare nunquam potuisset. Nec hoc eò dico, quòd præscientiam Deo propriam Diabolo arbitrer communicatam; vel illum Angelorum more in speculo diuinæ essentia futurorum nonnulla putem intueri, cum à Creatoris sui vultu & amicitia æternùm exulet: sed quòd duabus alijs rationibus hanc scientiam participet; vel dum assidua edoctus experientia, ab initio rerum, ex verisimilibus & præteritorum analogia hariolatur futura, naturales rerum causas intuens, quæ semper eadem redeunt iu orbem: vel certis negotijs Deo inseruiens eorum prædicat exitus: quod hîc accidisse nihil abludit à vero: & in Micheæ ad Achabum Regem vaticinio simile apparet exemplum. Sed ad propositionem meam firmandam (possibiles esse Magos & Magiam) multa alia suppetunt è sacra pagina loca. Primò enim diuina lege districtè prohibetur Magia. at certum est in eo iure nihil frustra dici, nec execrationes aut pœnas in figmenta & vmbras denunciari; nec tanquam malum & flagitiosum ibi damnari, quod purum sit putumque nihil. Secundò ex eo loco id patet, vbi improbi Pharaonis sapientes, vt tyranni animum obfirmarent, Mosaica æmulati sunt miracula. Tertiò, numquid Samuel dixit Sauli *rebellionem esse instar incantationis*? at rebellionem cum ea re conferre quæ nulla esset, perquam foret absurdum. Quartò, an non Simon Magus hanc profitebatur artem? Quintò; qualis obsecro illa fuit, quæ Pythonico prædita erat spiritu? præter alia loca innumera, quæ tædij fuga libens prætermitto.

## CAPVT SECVNDVM.

*Quod genus peccati sit Magia exercitium. eius diuisio: & quæ sint ad eam illecebræ.*

PHI. **A**T mihi nimis videtur mirum Deum Opt. Max. homini, quem ad suam imaginem condidit, tam fœdam & crassam apostasiam permittere.

EPI. In prima sanè creatione factus est homo ad creatoris sui imaginem, quæ lapsu amissa solis electis, eaquæ nec integra, restituitur per gratiam. Cæteri à Deo auersi, postquam Satanæ dedititij facti sunt, illius gerunt imaginem: proindeque maximis & atrocissimis sceleribus maximè se oblectant.

PHI. An non, obsecro, sufficiat Satanæ, obliquum gerere in illos imperium, & vitiorum voluptatumque illecebris tot hominum animas perdere; nisi eorum credulitate quoque abutatur, vt illi tanquam Domino & hero *directum*, vt vocant, præstent obsequium?

EPI. Minimè verò. Nam cum ijs queis imperat, iuxta eorum ingenia



genia & captum solet agere. simplicissimis igitur se prodit qualis est. & quum hostis sit humanæ salutis, tam vafre omnes illaqueat, vt se deinceps expedire, si velint, non possint.

PHI. Hoc igitur innuis peccatum esse contra Spiritum Sanctum.

EPI. In aliquibus certè est, in aliquibus non.

PHI. Annon quotquot se dedunt Satanæ, in eadem omnes sunt causa?

EPI. Absit. nam peccatum contra Spiritum Sanctum duos habet ramos. Prior est a Dei cultu apostasia, omniumque eius mandatorum fuga: posterior est huius impietatis conscientia; cum eos non latet, contra Spiritus Sancti suæque notitiæ testimonium ea fieri: quales sunt, qui Diuinæ misericordiæ dulcedinem antè gustarunt. In priore serie sunt omnes Necromantæ & Incantatores; in posteriore ij duntaxat, qui scientes volentesque deficiunt à Deo.

PHI. Apparet igitur plures esse huius diri seruitij ordines: quòd si ita est, ne graueris eos mihi enarrare.

EPI. Duo sunt prima genera, quibus damnosæ artis omnia quæcunque sunt continentur, *Magia* nempe seu *Necromantia*, & *Veneficium* vel *Incantatio*.

PHI. Quænam autem sunt, obsecro, Diabolicæ ad hosce laqueos illecebræ.

EPI. Ipsæ illæ, quæ nobis perpetuò inhærent, tres animi passiones: nempe in magnis ingenijs *curiositas*; tum *studium vindictæ*, ex alta iniuriæ opinione; *Opum* denique *cupiditas*, ex sordibus profecta & egestate. Primâ alliciuntur Magi seu Necromantæ: secundâ & tertiâ Venefici & Incantatores. nam vaser ille & vetus serpens, cum Spiritus sit, facile scrutatur affectus nostros; quibus dolos suos in nostram perniciem accommodat.

#### CAPVT TERTIVM.

*Magiæ & Necromantiæ significatio, & originitio. Necromantiæ & Veneficij discrimen. Primi ad hanc artem aditus.*

PHI. **L** Ibenter audirem primò, quid voces Magiam, quid Necromantiam?

EPI. *Magus* in lingua Persica diuinarum scientiarum contemplatorem sonat, & interpretem; quæ superstitio, à Chaldæis veræ Theologiæ inscitia primitus vsurpata, virtutum prima diu habitata est, & honesto nomine immeritò donata; quod Græci ad omnes artes illicitas deinceps transtulerunt. *Necromantia* autem, quasi *mortuorum vaticinationem* significat: quo nomine synecdochicè tota ars appellatur; cum pars magna sit artificij cadauera è sepulcris ad diuinationes fuscitare.

PHI. Quomodo

PHI. Quomodo hæc ars differt à Veneficio ?

EPI. Lepidè sanè discriminantur à vulgo, & quadamtenus verè : Veneficos enim ministros aiunt & mancipia Diaboli , Necromantas Dominos & Imperatores.

PHI. Quì potest autem fieri, vt Diabolo imperent, homines illius obsequio addictissimi ?

EPI. Imperant non simpliciter, sed modo quodam : non vi artis, sed pacto. Vt enim eorum animas & corpora, quibus infidiatur , sibi auferat Diabolus , spondet in nugis quibusdam eorum fore se obnoxium imperio.

PHI. Contractus immane quantum iniquus ! sed ediffere, quæso, quæ vis sit artis ipsius, quod arcanum.

EPI. Latior paulò est campus ille, quem mihi aperis : sed summa rerum fastigia , quantum possum, sequar. vt duo sunt hominum genera, qui ad hanc peltem alliciuntur, docti indoctique : ita duplicem obijcit insidiator ille escam , duo humanæ curiositatis incitamenta & nutrimenta , queis in artis professionem incautos trahat. Hæc ego Diaboli *dictata* appello & *rudimenta*. Acuitur eruditorum curiositas & alitur *Iudiciariâ Astrologiâ*, quam *dictatorum* nomine intelligo. plerique enim multum progressi in literis, parum verò (proh dolor) in regeneratione Spiritus & nouitate vitæ, indignantes nihil esse in humanis scientijs, quod non triualibus quoque pædagogis vulgatum sit ; conantur non cælestium modò rerum notitiâ in ora hominum venire , sed ad futurarum quoque præscientiam per cælestes motus adscendere : quod cum primo intuitu licitum videatur, vt pote è rerum naturalium speculatione exortum, magis magisque inde alliciuntur : & animaduersâ multorum apotelesmatum veritate causas eorum scire volunt ; adeoque lubricam hanc curiositatis scalam gradatim adscendentes, tandem eò deueniunt, vt deficientibus Physicis artibus , non nisi per magicas & illicitas inexploto mentis desiderio satisfieri posse putent. hic statim deprehendentes per varias figuras, idoneis adiunctis exorcismis, multiformes excitari spiritus, dubitationum & ænigmatum interpretes ; totum hoc, quicquid est, inhærentia aut alligatæ figuris virtuti adscribunt, & diuinitati verbis ipsis innexæ ; iactitantes se acumine ingenij sui infernas Plutonis domos subiugâsse , & in Tartara & Stygem imperium tenere : cum tamen reuera hominum miserrimi æternam in seruitutem se hosti suo manciparint ; nihil auctâ, quam venditant, scientiâ, nisi per ipsius mali, infernarumque pænarum notitiam : quod Adamo contigit post esum fructus vetiti.

## CAPVT QVARTVM.

*Rudimenta artis Magicæ. Astronomiæ & Astrologiæ discrimina. Astrologiæ diuifio.*

PHI. **O** Bſecro etiam, ne obliuiſcaris dicere quæ ſunt Diaboli *Rudimenta*.

EPI. *Rudimenta* Diaboli primùm voco, quod vulgus *virtutem* dicit *in verbis, herbis, & lapidibus*; quando iſta abſque ratione phyſica cum incantamenti adhibentur; ſuperſtitioſos præterea actus, rituſque; & alia inuſitata, anilia, quæ Lydij lapidis, nempe rationis, examen non ferunt.

PHI. Cuperem exemplis id illuſtrari: nam quod dicis paulò generalius videtur.

EPI. Ego anilia carmina intelligo, quibus curantur incantatæ pecudes; aut aduerſus maligni oculi falcinum præſeruantur, appenſis ad caudas aut pilos aucupariæ forbi ramuſculis, varijſue herbis: quibus carminibus ſanatur odontalgia, fiſtitur hæmorrhagia; claudus equus curatur, vannus inuertitur, & omnino quicquid verbis agitur, nullo medicamento ad partem læſam applicato, vt mos eſt medicorum: præterea *nodos ligulæ*, quibus nuptiarum tempore ſuſpeditur aut tollitur uſus veneris, & ſimilia ab hominibus feſtiuiſ ioco fieri ſolita. Poſtquam enim homines curioſi, ſed ſcientiæ & pietatiſ inaneſ, hæc talia comperiunt reiſſâ euenire (eueniunt autem pleraque non facultate aliquâ verbis & nugis inſitâ, ſed Diaboli inſidijs) inaniſ gloriolæ pruritu ex illo artificio famam mereri volunt. itaque ſi non pudorem & bonam mentem penitus decoxerint, eiſ artis, quam licitam putant, idoneum magiſtrum quærunt: aut ſi omnino proſtigati fuerint & rudeſ, Diabolum ipſum ſine ambagibus conueniunt, & honoris aut lucri ſtudio cum illo ſtipulantur.

PHI. At licita mihi videntur quæ tibi Diaboli *Dictata* & *Rudimenta* appellantur, utpote multorum ſæculorum conſenſu probata; præſertim verò Astrologia, nobiliſſima pars Matheſeos.

EPI. In cæleſtibus corporibus, ſtellis fixiſ & errantiſ duo ab initio obſeruarunt eruditi; nempe eorum curſus & motus, quorum ſcientia *Aſtronomia* nominatur (quaſi dixeris τὴν ὡς ἀστρον νόμον. id eſt, aſtrorum legem) quæ Mathematicarum ſcientiarum vna eſt, non licita modò, ſed & laude digniſſima. alia illa *Aſtrologia* dicitur (quaſi ἀστρον, λόγος id eſt aſtrorum ſermo) in duas partes diuiſa: Prior medicamentorum ſimplicium facultateſ, anniſque tempora, & animantium morboſ ex ſiderum influentiâ diiudicat. pars hæc quidem nulla eſt Matheſeos, at tota pendet ab Aſtronomia; cum quâ licet vtilitate vel honeſtate certa-  
re neque-



re nequeat, moderatè tamen vsurpata non habenda est illicita. Posterior sic fidit astrorum influentijs, vt rerumpublicarum & priuatorum hominum prospera vel aduersa inde prænunciet : exercituum præterea victorias fugasque, & singulorum certaminum euentus, longitudinem & breuitatem humanæ vitæ, certaminum equestrium successus, & alia paradoxa, quibus describendis Cardanus & Cornelius Agrippa curiosius quàm vtilius stilos exercuerunt. Ex posteriore hac (quæ pars fortune olim dicta est) tanquam radice innumeri pullulant rami; tota illa *Genethliaca Vanitas*, cum (*Chiromantia, Geomantia, Hydromantia, Aëromantia, Pyromantia*, & sexcentis huiusmodi, quorum apud Gentiles veteres non minor vsus fuit, quàm cultus. at Christiana religio fidem his omnem abrogat, vsuque interdicat; cum nulla physica nitantur ratione: & Diaboli dictata mihi nominata sunt.

P H I. At eruditorum non pauci à te dissentiunt.

E P I. Non diffiteor. verùm meæ sententiæ mihi rationes non deessent, si non ea dissertatio me ab instituto auerteret, & diem aliena questione absumeret. Vnum tamen ijs respondebo, & quidem ex sacris literis, quibus refragari nullo modo Christianis licet; interdici nobis apud Ieremiam, *ne ijs hominibus auscultemus, qui ex astris & Planetis vaticinantur.*

#### CAPVT QVINTVM.

*Carminum vsus licitus & illicitus. figurarum & exorcismorum descriptio. cur tandem Magos ipsos eorum tædeat.*

P H I. **I**N ea re fecisti mihi satis: nunc ostende carmina illa, quæ ratione quidem vacant, iniusta esse & illicita. Nouenim à multis vtriusque sexus hominibus, non minus festiuis quam honestis illa palàm factitata; quos tibi longè facilius esset magiæ accusare quàm conuincere.

E P I. Si vocabuli, quo vsus sum, vim obseruasses, minùs à veritate & à mea aberrasses mente: quanquam enim nemo ludum literarium frequentet, qui non pareat ludimagistro; nec rebus magicis quisquam studeat, incantationibusque & figuris vtatur, qui non fædissimè à Deo deficiat (theoria namque istarum rerum plus habet periculi quàm noxæ, cum grauitas peccati ab vsu & praxi pendeat:) quemadmodum tamen rudimenta grammatices discere quisquam sic potest, vt à reliqua arte abstineat; nempe parentum arbitratu, ferulæ deinceps subducta manu; ita qui inscij hæc faciunt, quæ Diaboli dixi rudimenta; nescientes scilicet elcas eas esse, quibus incautos & improuidos inuitat ad hamum: de his inquam nihil acerbius statuendum, præsertim quum Diaboli opem ad ea, quod ipsi quidem sciant, non inuocent; in illius famulatio nomen suum haud vnquam professi. Nihilominus (vt de meipso dicam

cam quod sentio) nollem intra teli iactum accedere, nec castris Satanae sic prope adequitare. Nimis ille vafer est insidiator, & nos nimis incauti, nisi diuina gratia auxiliante, ad eius laqueos vitandos.

PHI. Rectè ais, Nam (quod vulgò dici solet) *longo eget cochleari, cui cum Dæmone edendum est iusculum*. Sed perge in artis descriptione.

EPI. Postquam igitur nonnullos in mala arte progressus fecere, siue docti illi fuerint siue indocti; egrè induci possunt, vt figurarum & adiurationum ope magistrum suum excitent; re nempe valde difficili & iam periculosa, vt quæ ad pactum iam spectet, in quo de apparitionis modis & obsequijs cauetur.

PHI. Obsecro te antequam plura addideris; de figurarum & adiurationum more nos edoceas; & quâ fiat, vt tandem earum tædio capiuntur magi, quum minus terroris habere videatur ille apparitionis modus, quàm rotundus ille & infucatus maligni illius Spiritus congressus.

EPI. Aut ego magister artis tibi videor, aut certè tu nimium cupis esse discipulus. cæterum de vno exorcismorum genere, quos nobis libri exhibent, Satanae *Dictata* mihi ante appellati, satisfacere conabor. Quatuor ibi veniunt obseruanda: adiurantes ipsi, ipse actus adiurandi, verba adiurationis, Spiritus adiurati. Sed ne tibi excidat prius à me insinuatum principium, nullam eiusmodi vim aut figuris, aut diuinorum nominum prophanationi, aut alijs gesticulationibus, ceremonijsue eo tempore usurpatis inhærere, quibus aut tartareus Spiritus suscitetur, aut descripto spatio suscitatus coërceatur: sed Satanae, qui mendaciorum omnium est parens, profundâ simulatione hæc fieri; qui vi carminis, cuius ipse auctor est, præ se fert se cogi, & loco circumscribi; & ea propter terminos, quos sibi præscripsit, non transilit: tum vt Magis gloriandi materiam suppeditet, quasi Tartaro imperarent: tum vt in rebus paruis & nihili conciliatâ apud eos fide, de eorum corio tandem sibi satisfaciât, corporibus & animabus in æternum abreptis interitum. Hoc fundamento posito, facile est intelligere non vnum adiuratorem sufficere; sed plures esse vel pauciores, pro figurarum & apparitionum forma. Duo sunt autem, sine quibus frustra suscipiuntur hæc sacra, nimirum *aqua benedicta* (qua in re Papistas adunco naso suspendit Diabolus) & *viui animantis hostia*. nec anni tempora negligi oportet, diesque, & horas; quibus omnibus rite præparatis describuntur figuræ triangulæ, quadrangulæ, rotundæ, simplicesque & geminatæ, pro apparitionis, quam optas, ratione. Sed omnes earum formas enumerare, vel characteres, intusque & extra & transuersim exaratas cruces, cum varijs apparendi modis, quibus Satanas illis ludificatur, & totius actus operosis ineptijs; eorum est, qui sibi ipsis in vanissimo negotio negotium faceffunt. Hoc solum addo, comparente adiurato Dæmone; quod non nisi omnibus, quotquot sunt, precandi mussitandique peractis  
anxiè

anxiè ceremonijs contingit, haud aliter fere quàm Papistarum sacrifici missas suas deproperant: eo, inquam, comparente, si quis ceremoniarum apex neglectus sit, aut eius præsentia pauidi vel latum vnguem figuram transierint, continuò de vitâ eorum conclamatum est. Satanas, non expectatis mortis Kalendis, rationes suas cum illis purgat, corpora & animas ex pacto secum abripiens. Tibi nunc iudicandum relinquo, an sine ratione fiat, vt eiusmodi adiurationum tædio tandem capiantur; siue moram laboris spectes, & superstitiosam illam dierum horarumq; obseruationem; siue terrorem apparendi, & præsentissimum ex minimo nugamento omisso periculum. Id quoque Diabolo ipsi cordi est, vt secum rotundiùs, & amotis his ambagibus velint conuersari.

## CAPVT SEXTVM.

*Pactum Diaboli cum Magis. eius in duo diuisio. quâ differant miracula diuina à Satanicis.*

PHI. **N**on deest ratio, sed vt potiùs illi omnino valedicant, quam familiariùs cum illo agant, si scaperent. At nunc ad illa veni, quæ artis huiusce magisterium iam consecuti factitant.

EPI. Ex eo incipiunt absque omni tergiversatione cum Dæmone pacisci. pacti ratio in duobus est, quæ tibi ante explicata dedissem, ni impedisisses. stipulantur enim à Dæmone, primò, certos comparendi modos, quandocunque illum volunt conuentum: deinde certa seruitia & obsequia, ad quæ se obstringit. etsi autem pactû sit mutuum, Satanicæ tamen obligationis partes priùs edisseram. Pro vario Magorum captu & peritiâ mutatur comparendi modus. vilioribus enim, quoties eum nomine inuocant quod ipse sibi imposuit, promittit se adfore canis, felis, simiæ, alteriusue animantis effigie; vel, si id non placet, sola voce satisfacturum se quæsitis. obsequia autem hæc sunt, vt de morborum curatione, de familiæ administratione, & id genus alijs parui momenti quæstionibus interrogatus respondeat. Curiosioribus verò assumpto cadauere se sistit, è quo de bellorum euentibus, de Rerumpublicarum statâ, aliisque rebus magnis oracula editurus est. Quibusdam nunquam discedet à latere, velut assecla. quin patietur circumferri se in anulo, vel re quauis portatili ad multos annos: & permittet merces genijs eiusmodi animatas alijs diuendi, magno vilisue pretio; pro genij inclusi ingenio, verace mendacæue. non quod Dæmon vllus sit non mendax, sed discipulorum suorum credulitate abuti solet Diabolus: quibus persuasum cupit, Lucifero labente, alios spirituum cecidisse in ignem, alios in aërem, aquamque & terram, in quibus elementis etiamnum maneant. vnde efficitur (si dignum est credere) aëris ignisque hospites



spiritus veraciores esse aqutilibus & terrestribus: & cætera nugamenta illius impostoris fraudibus excogitata. Nec enim illi pondere suo lapsi sunt, ut alicubi hærent; sed Dei gratiâ, in qua creati sunt, excidisse intelliguntur, quæ casus eorum maxima pars fuit. ex eo, orbem terrarum pererrant Dei Opt. Max. carnifices; mandata eius usque in diem nouissimum peracturi. ab hoc munere dum feriantur, in Tartareum carcerem reuerti necesse habent (ut ex miraculo Christi ad Genzareth patrato Matth. 8. satis constat) in quem carcerem nouissimo decreto æternum compingentur. Cæterum, non hic solum discipulis suis fucum faciunt hi maligni; sed etiam dum fabulantur in suâ Republicâ Principes, Duces, Reges pluribus aut paucioribus imperare Legionibus, & diuersis terræ plagis & tractibus. Licet enim suam esse Angelis hierarchiam non inficiet, quam Dæmones quoque ante lapsum participarint; lapsis tamen mansisse eandem quis credat? aut cælestia arcana, quæ nobis per Prophetas & Apostolos reuelare noluit Deus, nunc per istos pestilentes magistros patefacere? quin nos decet modestè ignorare mysteria, quæ diuinæ taciturnitatis sigillo obfiguata sunt, præsertim, quæ ad nostram non faciant salutem. Verum, ut ad rem reuertar, quemadmodum Magorum coryphæis exquisitissimâ & planè mirificâ ratione se sistit Satanas; ita operosa & mirifica illis præstat obsequia. artium enim & scientiarum spondet notitiam, rem nebuloni tam erudito haud difficilem. spondet rerum nouarum ab extremo orbe nuncios, pernicipitati Spiritus rem non minùs facilem. spondet aliena cuiuscunque arcana, non illa pectoris sacrario conclusa, & soli Deo peruia, sed quæ linguâ tenus prodiere. quid quod ex vultu mentem interdum coniectet, artifex haud dubiè Physiognomonicus callentissimus? quin rerum futurarum vaticinio discipulos suos apud Principes faciet gratiosos, vera falsis immiscens. nam in omnibus mendax omnium gratiâ excideret. at nihil non ambiguum ab eo expectes; qualia erant eius è tripode olim responsa. Epularum quoque magnificentiam suos Principibus commendabit; mira celeritate allatis vel è nouo orbe cupedijs. quidni enim certus fur expilet aliena, & Spiritus citissimè apportet expilata? peditum equitumque exercitibus stipabit suos, vel castellis & propugnaculis faciet securos: quæ nil aliud sunt, quam euania aeri impressa phantasmata, ab eo, qui substantiæ similitudine aeri affinis est. In aleâ verò & folijs lusorijs illos instruet præstigijs, quæ collusores deludant; & fallacijs præterea innumeris nimium hoc sæculo à plerisque usurpatis. norunt qui cum Italo illo, *Scoto*, adhuc superstitè familiariter vixere. quæ omnia mera sunt sensuum ludibria, veri inania; qualia erant Magorum Pharaonis, Mosaica imitantium miracula. Eo enim differunt diuina miracula à Satanicis, quòd Deus, Creator rerum omnium, quicquid exhibet miraculo, ita quoque se habet:

bet: vt Mosaica virga in verissimum mutata est serpentem. Diabolus autem, creatoris simius, miraculi imitatione non repræsentauit naturam serpentis, sed phantasmate adspicientium oculos ludificatus est. quod re ipsâ post apparuit. nam quos ille fecit serpentes à Mosaico absumpti sunt. Nec mirum videri debet per Diaboli fallacias illudi sensibus humanis, cum præstigiatorum nostrorum dexteritate sexcenta nobis aliter appareant, quàm sint. Quod verò attinet ad alteram partem contractus; id Magi dant Satanæ, quod ille tam improbo labore vbi-que aucupatur.

PHI. Multa profectò mihi de hâc arte narraſti, ſi modò tam vera ſint iſta, quàm mira.

EPI. De veritate nemo dubitabit, qui historias fide dignas legere, & quæ quotidie eueniunt inquirere non grauabitur. De poſſibilitate vero harum rerum, modoque, ſpero nihil à me ſine probabili ratione allatum: nec tuam ego deprecor cenſuram. Vnum eſt, quod ferè oblitus eram, ſyngrapham Magi ipſius ſanguine ſcribi ſolere. ſin verbo tenus inter eos conueniat, tum dirus magiſter, diſcipulum illum ſibi tangendo aſſerit; nulla interdum manente contactus notâ, quæ tamen in ſagis omnibus & veneficis indelebilis eſt.

## CAPVT SEPTIMUM.

*Cur ars Magica illicita ſit. quam mereantur pœnam, qui criminis illius rei.*

PHI. **A**Tris ſanè ſuiſque omnino coloribus mihi hanc artem depinxiſti. Sed obſecro, quæ tibi de illis opinio, qui rem tam noxiam & flagitioſam licitam eſſe defendunt?

EPI. Nempe aut eſſe eorundem ſacrorum myſtas, aut nihilo ijs ſanctiores. Sed quibus argumentis nituntur illi?

PHI. Præter illud, quod vulgò circumfertur, & à te modò refutatum eſt, imperare Dæmoni necromantas; duas, quas ego audiuerim, rationes prætexunt. alteram receptâ conſuetudine, alteram authoritate nixam, & quorundam iudicio inuictam. Dicunt enim Chriſtianos Principes & Magiſtratus, veneficorum acerrimos vindices, non connuere tantum in necromanticis præſtigijs, ſed ex ijs voluptatem nonnunquam & oblectamentum quærere. hæc conſuetudo eſt publica. at ſacrarum literarum obtenditur authoritas, quæ teſtantur Moſen omnes Ægyptiorum ſcientias calluiſſe, quarum præcipuam fuiſſe Magiam, extra controuerſiam ponunt: adeoque illicitam non eſſe, quia illi vti licuit, qui Deo fuit gratiſſimus.

EPI. Quod ad priorem rationem attinet; praua conſuetudo vim legis non obtinet; & Principes aut inſcitia aut contemptu diuini verbi facile poſſunt ceſpitare. altera, ſpecie validior reipsâ fallacior, ſi ſyllogiſtico

ftico exploraretur examine, pluribus quàm par est terminis constaret. Non enim primò, si omnes Ægyptiorum scientias edoctus erat Moſes, continuò & Magiam edoctus erat. nullam hic video neceſſitatem ſequelæ. nam Spiritus Sanctus, de ſciētijs loquens, licitas tantum intelligit, non noxias humanæ vitæ & peſtiferas; quæ <sup>in uſu</sup> ſcientiæ dicuntur, & potiùs, ſuo veròque nomine, inſcitia. nam homo pictus non eſt homo. Deinde ſingamus, ſi liber, Moſen non fuiſſe Magiæ imperitum; multum tamen opinor differre theoriā à praxi. nam & Deo, ſemper optimo, omnia nota ſunt, bona malæque, & noſtra ignorantia ex peccato & debilitate proficiſcitur. Denique vt vel maximè concederem, habuiſſe Moſen artis magicæ & notitiā & uſum, quod nemini Chriſtiano vnquam perſuadeas: cōſtat tamen eum, ante Spiritus Sancti vocationem, fuiſſe ex Ægypto, iam quadragenarium, patrā ſcilicet Ægyptij cæde: & in ſocerj Iethronis patriā, exactis poſtea quadraginta annis exilij, *ex rubo ardente* demum à Deo vocatum fuiſſe: vt ſi antè improbiſſimus foret, tum planè nouus euāſerit, & à priore Moſe totus mutatus. *Abrahamus* ſimiliter, antè fœdus iſtum cum Deo, idolis ſeruijt in Vr Chaldeorum: & *Paulus* ſub Sauli nomine Sanctorum hoſtis fuit acerrimus.

PHI. Quo ſupplicio igitur multandos cenſes Necromantas?

EPI. Pari ſanè cum Veneficis & Sagis; eòque maiore, quòd eorum lapſus, cum maiore cognitione coniunctus, peccato in Spiritum Sanctum affinioreſt. Idem de illis ſtatuendum, qui eos conſulunt, tuentur, conuiuent; teſtante delicti magnitudinem euentus atrocitate. nemini enim latior à Satana expectandus eſt nunciuſ, quàm ab eo rex Sauluſ retulit. Nihil autem refert, quàm bonum in finem conducas hoſ Satanæ ſatelliteſ: certum enim manet illud & in-

Aſtor.3.

concuſſum, *non eſſe faciendum malum vt inde eueniat bonum.*

DÆMO.





# DAEMONOLOGIAE.

## LIBER SECUNDUS,

*De Arte Incantatrice & Venefica.*

### CAPVT PRIMVM.

*Possibilem esse hanc nequitiam à sacris literis ostenditur. refutantur eorum argumenta, qui dicunt esse phantasie morbum ex humore melancholico.*

PHI.



Vm igitur de Magia aut Necromantia planè mihi satisfeceris, quæso, ne graueris in arte incantatrice & venefica idem præstare.

EPH. Amplam suggeris dicendi materiam, oreque & stilo multorum iactatam, sed intellectam paucis; id quod, fauente Deo, breui ex me percipies.

PHI. At liceat mihi pauca interfari. non desunt enim, qui è rerum natura hanc quoque nigræ artis speciem tollere conantur. eorum ego rationes adferam in medium, vt ipsi à te pari diligentia solutis in veritate acquiescam. Primò enim, quæ ex sacra pagina adduci solent artis veneficæ & testimonia & exempla, ea præsertim, quæ tibi prius memorata sunt; nihil ad Veneficos iudicantur attinere, sed ad Magos & Necromantas: verbi gratia, Sapientes illi Pharaonis, æmuli miraculorum Mosis, Magi erant, non venefici. idem de Pythonissa aiunt, quæ Saulo Regi respondit: & de Simone qui & Magus dictus est. Secundò, quam tu illis experientiam opponeres, & tot Sagarum confessiones; ea omnia nihil aliud esse volunt, quam melancholica muliercularum deliramenta. Tertiò, si Sagæ ea pollerent incantandi vi, quæ illis vulgò solet tribui; iam pridem cæteros mortales sustulissent è viuis: certè nemo probus piusue diras earum artes vitasset.

EPH. Prima tuarum rationum Scripturæ, ni fallor, innititur, negatiuè: secunda, naturæ, affirmatiuè: tertia, experientiæ. Ad primam vt respondeam, non diffiteor illos Pharaonis sapientes Magos fuisse; quibus

quibus & Pythonissam adiungo, quam Saulus consuluit; & Simonem Magum. Sed diuinæ legis (vt video) oblitus es, quæ Magiam, Diuinationem, Incantationem, Sortilegium, Veneficium, omnemque cum Diabolo consultationem districtè prohibet, damnatque, pari minarum seueritate talia omnia interdicens. Præterea illa Actor. 16. plena spiritu Pythonis, cui Apostolus silentium imposuit, nihil aliud erat, quam venefica; si modò vulgatum illud discrimen probas, nobis, initio colloquij, positum. spiritus enim, cuius ope tantum lucri adferebat ancilla Dominis suis, non erat illius arbitrio aut imperio obnoxius; sed priuatim publiceque per illius linguam loquebatur: vnde & dæmoniacæ similior videretur, ni sponte sua Dæmonem recepisset hospitem; quod ex tormentorum vacuitate, & quæstu satis apparet. Secunda tua ratio sagarum confessiones, & imaginationes omnes imputat atræ bili, qua cerebrum laborat. at si quis illum humorem, & iuxta propriam ipsius indolem, & naturalium Philosophorum opiniones, examinet, vereor, vt breue nimis hoc velum sit nequitiae palliandæ. vt enim atra est hæc bilis, & grauis, & terrestris; ita in ijs, qui illa laborant, similia cernuntur symptomata, pallor, macies, amor solitudinis; & summo eius gradu accedente, amentia, & mania. Contrà autem, qui hoc tempore artis veneficæ aut propria confessione, aut certis comperti sunt indicijs; partim, nec rei familiaris, nec sensus communis inopes sunt; partim verò obesi & corpulenti: plerique omnes voluptarij, societatis & festiuitatis, bonæ malæque, amantes: quæ omnia atræ bilis symptomatibus planè contraria sunt. Experientia item docet ægrè posse illis exprimi confessionem veri, absque tormentis; manifestum consciæ mentis indicium. at quos atra bilis fecit melancholicos, faciliè se suo produnt indicio, oblectantes se eo, quod crimini sibi non ducunt. Tertia tua ratio vix vllum responsum meretur. nam ni Diabolo iniiceretur frænum (vt sacra pagina testatur) faciliè ille suis ipsius technis, absque Veneficorum ministerio, humano generi interitum conflaret. cui negotio omnes adhibet ingenij neruos, *orbem, rugientis leonis instar, circumiens* 1. Pet. 5. nisi ante iacta mundi fundamenta certis finibus, quos transire ne latum vnguem potest, circumscripta esset eius improbitas. Sed, absque his, nimis facile est (proh dolor) euincere, non deesse hac tempestate Veneficos; ex sensu damni hominibus, iumentis, alijsque rebus illati, quas eorum impotentiae arcano suo consilio Deus permisit, vt ex dicendis de eâ arte manifestum fiet.



CAPVT SECVNDVM.

*Sortilegij originitio & significatio. eorum, qui se illi  
addixerunt, tyrocinium.*

PHI. **R** Euertere igitur ad ea, quæ intermifisti.  
EPI. Latina est hæc vox, *Sortilegij*, à fortibus ducen-  
dis legendisque sic dicta. cur autem à fortibus nomen  
habeant hi artifices, inde videtur factum, quòd inter diuinandum forti-  
bus uti soleant: ut cum ex vanni inuersione, aut simili superstitione vi-  
tam alicuius mortemue hariolantur. in summâ, propter carmina & ina-  
nes ceremonias in eâ arte traditas id nominis consecuti sunt. Multa  
sunt his cum Magis communia: nec mirum, cum eodem in ludo ambo  
ad improbitatem formati sint. Et ut antè duo feci Necromantarum ge-  
nera, doctos, indoctosque: ita horum liceat duos ordines notare, diuites  
meliorisque notæ Veneficos, & pauperes ac proletarios. His respon-  
dent duæ perturbationes animæ humanæ, quibus, tanquam illecebris,  
Satanas eos inuitat ad dispositos laqueos. quos enim videt calamitosos,  
egenos, ad incitam redactos, eos opum pollicitatione & quæstu allicit  
in seruitutem. quos perditâ vindictæ cupiditate aduertit accensos, sed  
patrimonio integro; hos, propositâ arbitrariæ ultionis spe, in famuliti-  
um recipit. Hoc autem prætereundum non est, neminem à Dæmone  
tentari, quantum hisce animi passionibus inquietatum; qui non ante  
huic aggressori aditum aperuerit, vel ignorantia, & improbitate, vel se-  
curitate & contemptu numinis. Tum verò quibuscunque cernit des-  
perata iam esse omnia prædictionem malorum remedia, eorum ægris  
animis pabulum suggerit inimicus; desperationem augens, quantum  
potest, donec opportunum videbitur suam illis mentem aperire. quo  
tempore aut spatiantes in agris, aut anxios in lectis, sed solos, assumpta  
humana specie, vel nuda voce emissâ interrogat, quæ sit causa sollicitudi-  
nis? & subitum certumque spondet auxilium; ea tamen lege, ut ipsius  
utantur consilio, ipsique ut melioris fortunæ auctori nonnullis gratifi-  
centur seruitijs. facile est diu antè obsessos animos in deditionem acci-  
pere, mox nouo congressui alius statuitur dies, quo id ceteris rebus om-  
nibus præuertitur Diabolus, ut sacramentum illi dicant seruitutis. tan-  
dem fatetur quis sit; illisque, eiurato Deo & baptismo, nomam suam  
imprimit, in tectam quampiam corporis partem; cui in proximum vs-  
que congressum nec cicatrix obducitur, nec dolor leuatur: at omnino  
sensus perit sanata, quantumuis stimules aut vellices, ut quotidiana pro-  
bat experientia. hoc veluti documento ostendit, se eum esse, qui & læ-  
dere possit & læsos curare; ut in rebus prosperis, aduersisque, ab eo solo  
affuescant pendere. Præterea, exquisitus ille dolor, relictus ex impressa  
nota,



nota, excitat in faucibus inquires desiderium noui congressus: aliàs fortè obliuiscerentur sui præceptoris hi nouelli Catechumeni, vix bene adhuc posito amentia tyrocinio; vel horribilis pacti memoria turbati consilium mutarent, & pænitentiam agerent. Tertio congressu, ingentem præ se fert in suis promissis fidem; læsis abominandas ultionis vias, egenis verò fœdas flagitiosasque ditescendi artes commonstrans.

## CAPVT TERTIVM.

*Partim in se agere Veneficos, partim in alios conueniendi,  
& Dæmonem adorandi ratio.*

PHI. **D**E initiatione dixisti satis: restat edoceas, quid agant, iam facti epoptæ. scire vehementer aueo, quid verè possint. quanquam enim eundem agnoscant Dominum cum Necromantis, diuersum tamen ab illis obsequium præstant. nam vt seruiendi auctoramenta non sunt in ambobus eadem, sic etiam seruitutis ratio diuersa est: quanquam amborum omnia in vnum colliment scopum, nempe, Satanicæ tyrannidis propagationem, & Christianæ Ecclesiæ, quantum in ipsis, ipsorumue magistro est, euersionem & ruinam. *Magi* igitur, quos Dæmoni sua addixit curiositas, honori suo inseruiunt, aucupantes ex arte gloriam & popularem auram: *Venefici* autem, quos vindictæ aut opum mancipauit cupiditas, toti in eo sunt, vt hominibus, iumentis, rebus, sæuæ ultionis studio, damna inferant; aut ex aliorum dispendijs, quoscunque demum eorum libidini permisit Deus, auaritiæ suam iniquissimis modis expleant, vt ditescant.

EPI. In duo non incommode diuiseris quæcunque agunt venefici. vel enim in se agunt, vel in alios. quâ diuisione recte intellectâ, nulla tibi de eorum potestate restabit dubitatio. licet enim, quæcunque in iudicio aduersus se confitentur, iure ac meritò confiteantur, & absque mendacio ea diffiteri nequeant; mea tamen sententia, longe aliter se habent nonnulla, ac ipsis videntur. è quorum numero sunt hæc, quæ in se agunt. nam quod de Magis antea confirmaui; eorum sensibus à Dæmone glaucomam interdum obijci, vt videantur esse, quæ non sunt; idem quoque de Veneficis nunc sentio.

PHI. Primò igitur, nigraue est, expedias quæ in se agunt, deinde quæ in alios.

EPI. Quem cultus & adorationis modum Deus ipse Ecclesiæ suæ præscripsit, eum Satanas, cacozelus ille Dei simius, æmulatur; vt facilius ad ea seruitia Veneficos inducat, in quibus eorum operam conduxit. Nam sicut moris est Dei seruis, vt rem sacram faciant, palàm in vnum coire; ita Satanas, sui cultus ergò, clandestina Veneficis indicit conuenticula, publicam lucem non audentibus intueri. Deinde vt nemo in

mo in cætum fidelium admittitur, vbi seruitur Deo, qui non antè sigillo Domini signatus est, sacramento baptismi: ita impiorum turbæ, vbi seruitur Satanæ, nemo se immiscet, qui non cicatricolâ tyranni notâ insignitus est. Præterea, vt dei miniliter, à deo missus, concionem populi docere solet, quo pacto Deus in spiritu adorari debeat & veritate: ita pestifer ille Spiritus, ipse suam instruit turbam ad omnia flagitia; seuerus quoque præteritorum scelerum exactor, quæ in eius gratiam patrarint. quin, vt Deum expressius imitetur & irrideat, non rarò in locis diuinæ adorationi constitutis suorum celebrat conuentus, in ipsismet inquam templis; quæ omnia opinor non videri modo Veneficis, sed reuera ita esse vt fatentur. id mihi persuadet Satanica diuini cultus intergentes cacozelia. Nonne Dei exemplo per oracula loquutus est? nonne Dei exemplo cruenta habebat & incruenta sacrificia? nonne templa suo dicata numini, instructa aris, victimis, sacerdotibus; ceremonijs frequentata & precibus? nonne, vt per Vrim & Thummim respondebat Deus, sic ille per animantium exta, & auium garritus volatusque? nonne, vt per visa, & insomnia, & extases Deus electis reuelabat, quid futurum esset; & quid fieri vellet; ita iste præmonebat suos? nonne vt castitatem amat Deus, impuritatem autem quam odit, punit; sic iste, licet simulatè, & vt vitantes minus malum pertraheret in maius, suos vetuit sacrificos immundo pollutoque corpore ad adyta accedere? nonne Deum fecit virtutis patronum, vindicem sceleris? Hæc me impulerunt rationes, vt credam Satanam, cui nihil perijt antiquæ calliditatis & versutiæ, eadem in hisce omnibus fiduciâ cum Veneficis nostris agere. confitentur ij, non tantum in templis conuentus suorum haberi, sed suggestum concionatoris à Dæmone nonnunquam occupari; recepto adorandi more, vt impuri numinis podicem singuli basient; res risu digna, sed à vero fortè nihil abludens. Calecutenses enim (si historia vera est) flagitioso huius osculi honore Dæmonem, sub hirci apparentem imagine, dignantur. ita ille appetitu gloriæ, quo olim perijt, etiamnum prurit; vt & illum locum sibi imitandum proponat, vbi dicitur Moses, præ gloriæ splendore, nonnisi posteriora Dei videre potuisse: quod tamen <sup>aut' ædificandū dicitur</sup> intelligendum est.

CAPVT QVARTVM.

*Quibus modis possint Venefici in remota loca transferri. Satanæ illusiones & præstigiæ. earumque causæ.*

PHI. **S**ed quæ censet fieri, vt ad impia hæc comitia venire queant venefici?

EPI. Hoc illud est, quo fucum illis à Satana arbitror fieri, & longè aliter se rem habere, ac ipsis videtur: nec tamen eorum confessiones arguo mendacij, quandoquidem ita loquuntur, vt sentiunt. Siue igitur

igitur Domino suo cultus sit exhibendus, siue eius mandata peragenda, non vnâ aiunt esse conueniendi rationem: interdum pedibus se ire, interdum equo, aut naue vehi, quacunque demum horâ à Satanâ fiant certiores. quæ itineris conficiendi ratio, vt quæ nihil habeat naturæ aduersum, facîle credi potest. Alia est paulò magis mira, sed quam nihil vetat esse veram, vt, Spiritus deferentis celeri ministerio supra terras, aquasue ad dictum locum ferantur: quum constet simili planè Angeli impetu delatum Habacuc ad Danielelem, in speluncam leonum. Et quidni arbitremur Diabolum in hoc quoque genere Dei simium esse, siquidem corpora solida de loco in locum transferre minore cum negotio possit spiritus, quàm ventus; merum, videlicet, meteoron, cuius tamen eam vim quotidie cernimus? at hoc motu raptus non vltra sanè ferantur, quàm patiatur respiratio; longinquitate spatij reciprocationem animæ impediende, præsertim in latione tam rapida. nam qui ex loco non nimis edito præcipitatur, ex sola casus duritie periclitatur de vita; sin ex rupe altâ & abruptâ, prius expiret necesse est quàm terram attingat, quod experienciâ quotidianâ compertum est. Venefici in hoc, non suo, aëris remigio affirmant à nemine se conspici, qui non ipse veneficus sit. quod mea sententia non est expers veri. nam si Dæmon quælibet phantasmata aëri potis sit imprimere (quod de Magis loquens superius confirmaui) non video, cur circumfusum maleficis aërem condensare ita & obscurare nequeat, vt intuentium oculis imperuius sit. Superest tertia conueniendi ratio, in qua arbitror latere Satanæ fucum: cùm se aiunt, assumptis animalculorum, aut auicularum imaginibus, templa & domos, clausit ostijs, subire; per tenuissima nempe aëris spiracula. Nec desunt inter eos qui animas, corporibus interea extasi consopitis, ad comitia existiment solas proficisci; adductis testibus, qui corpora eorum viderint iacentia & sensu spoliata; nominatisque ijs, qui in eodem conuentu fuerint, aliàs planè ignotis, prolatisque rerum certis indicijs, quas vnâ egerint. Sed hoc genus itineris tum ferè locum habere aiunt, cum in remotas prouincias regionê sue eundum est.

PHI. De his sanè gestio tuam audire sententiam: mihi ijs similia videntur, quæ vetulæ ante focum delirant.

EPI. Quod meræ Satanæ præstigiæ sint hæ, primò in ijs apparet, qui in auium aut quadrupedum simulachra mutati minimos quosque meatus penetrare æstimantur. hos licèt credam sibi aut alijs tales videri, Diabolo aërem variè figurante; at corpus humanum in eas contrahi angustias mihi videtur è numero eorum, quæ seipsa euertunt. sic enim attenuari, & non minui; aut sic constringi & non lædi; pugnat prorsus cum corporis naturalis ingenio: res simillima triticeo Pontificiorum deunculo, quem missifices, nouâ transubstantiationis metamorphosi, quotidie



quotidie creant. ita quantitas solido corpori propria est, vnanimi Philosophorum opinione, vt non magis ea possit corpus destitui, quàm spiritus eam habere. Cum Petrus è clauso carcere exijt, non id factum est contracto corpore in atomum, sed cedentibus domus foribus; quamuis id custodes latuerit. Et vt vel maximè id secus euenerit, quis tamen Diaboli operâ fieri posse asseueret, quicquid diuinâ virtute factum est? quod attinet ad corporum extasin, & incommittata animarum itinera; certum id est, naturalem mortem definiri, animæ è corpore migrationem: & semel mortuos absit opinemur Diaboli auxilio reddi vitæ, quod diuinæ omnipotentiae proprium est: quanquam Satanas se ipso cadauer possit animare, vt de Necromantis iam dictum est. Taceo, quòd animæ à corpore solutæ liberum non sit vagari; quum necesse habeat eò sine morâ proficisci, vbi corporis vnionem nouissimo die expectet. quæ autem Christus & Apostoli miracula fecerunt, ea cum Diabolo communicare Christianis non licet. Cæterum indicia illa, quibus animarum digressiones astruunt, Satanicis quoque adscribes imposturis. ille exanimatis eorum corporibus, altóque sopore stupefactis sensibus, phantasie obijcit imagines personarum, locorum, rerum; quibus illudit captis, haud secus ac Poëtarum Morpheus somniantibus omnes ideas formalesque suggerit. Numquid etiam, vt maiore fallaciâ ludificetur miseros, fratribus suis iniungere potest Satanas, vt eundem fucum eadem horâ multis alijs faciant, vt videri queant vnâ conuenisse, sermones contulisse, negotia tractasse? sic vniuersorum confessiones, & testimonia, quanquam singulos seorsum examines, coincident. Quid si damna illa, quæ soporis tempore putant venefici se hominibus & pecori intulisse, à Satana ipso aut socijs Angelis profecta sint? non est igitur, quòd pro ecpsycholecos illius argumento adducant mortem alicuius circa id tempus, quem illi veneno aut carmine se somnient interemisse: hunc enim Satanas, vt illis fortiùs illudat aliorumque credulitatem inuitet, diuino permissu interemerit. Nihil rationabilius mihi succurrit aut similius vero, quod ad ea respondeam, quæ in Veneficorum confessionibus à ratione & communi sensu aliena sunt. Hæc tuta satis est via inter Scyllam & Charybdin nauigantibus; ne si nihil credamus in eorum trahamur errorem, qui veneficas artes omnino negant; sin omnia; in ea opinionum portenta, quæ sana Theologia & Philosophia explodunt.

## CAPVT QVINTVM.

*Quæ in alios agant Venefici. cur femina his artibus addictiores, quantum ea possint Diaboli ope, damnorumque ab ijs datorum tutissima remedia.*

PHI. **C**ertè non destituitur ratione opinio tua. Sed explicatis quæ in se agant, ad ea perge, quæ agunt in cæteros.

EPI. Tria in illis notanda veniunt: modus deliberandi

de patrando scelere: partes Veneficorum, qui instrumenta sunt: partes Satanæ, qui scelus exequitur. Locus deliberandi est ædes sacra, vbi heri sui tetrum adorant numen: cui ex singulis quærenti, quid velint, alius ad opes acquirendas proponit flagitium, alius ad vltionem. ille, vt qui delectatur malo, non grauatè annuit votis supplicum; turpia suggerens consilia, quibus se reddant votorum compotes. Neque etiam leuiores illa fœminarum negotia insuper habet. illis iniungit cadauerum artus præsecare; & in puluerem redactis ea miscere, quæ ipse non auarè porrigit.

PHI. At priusquam vltius pergas, liceat ex te quærere, quod tute mihi iniectâ fœminarum mentione suggessisti, cur pro singulis viris viginti fœminas reperijs veneficijs addictas?

EPI. Causa est sexus debilitas, Satanæ dolis & fraudibus oportunior. quod in Euâ & serpente nimis ab initio (proh dolor) apparuit. Ex eo maior est Satanæ cum fœmineo sexu familiaritas.

PHI. Nunc ad priora reuertere.

EPI. Alias docet ex cærâ aut luto hominum, quibus nocere cupiunt, effigies componere; vt his lento igne assandis ipsi homines, continuo morbo, sensim contabescant, prout cera liquitur aut lutum durescit. alijs donat pulueres & lapides, quorum ope inferant auferanque ægritudines. alijs commendat peregrina venena & medicis ignota, siquidem occulta naturæ rectius callet mortalibus: non quòd ista quicquam habeant cum negotio, cui adhibentur, commune, (sola excipio venena, è mediâ naturâ desumpta) sed quia hîc, vt in cæteris, diuinorum operum vult æmulus haberi. Nam vt Deus per substantiæ terrestres sacramenta cælestem operatur gratiam, nihil cooperante materiâ: vtque Christus luto & sputo oculos aperuit cæco, nihil iuuantibus ijs quæ adhibebat; ita Satanas ex rerum externarum abusu speciem quærit & velum, quæ tamen ipsæ effectum nihil promouent, quicquid demum plebeia deliret inscitia. Cæterum ex hisce consultationibus, modis que operandi à Satanâ iniunctis, ea proueniunt, quæ nisi fieri posse ratione demonstrarem, nemo vnquam crediturus est. Omissis igitur leuioribus, quæ absque Dæmonis consilio malè feriata aniculæ per se faciant, ea tantum, quæ admiratione non indigna sunt, commemorabo. Primum igitur inter viros & fœminas amoris & odij auctores sunt venefici; res vaferrimo spiritui non difficilis, qui, cum in deprauatos hominum affectus se penetrauit, facile sutelis suis, quò vult, eos ducit. Deinde verò in alterum transferre possunt alterius ægritudinem; nempe eiusdem maligni spiritus ope, qui, permittente Deo, Iobum morbis & vlceribus afflixit. Antiquus enim medicandi artifex prædominantem in corporibus humorem non ignorat, quem excitare, efferare, augere potest; pro ægritudinis modo, quam Dei permissu corpori illaturus est. Nec egrè  
etiam

etiam cum hominem morbi molestiâ expediet, quem sanitatis illecebrâ in æternos laqueos illectet. Possunt quoque, cerea aut fictilia affantes simulachra, homines morte afficere. quidni enim Satanæ proclive sit vitales spiritus eâ mensurâ debilitare aut spargere, qua coniurati isti ceream colliquant igne effigiem, licet ad eam rem nihil conferat innoxia, qua utuntur, cera? quidni etiam lassitudine inductâ, & nimio sudore, exsuccum reddere corpus humanum: aut subtractis spiritibus, quorum ope peragitur concoctio, ita stomachum infirmare, ut transfundante primigenio humore, in cuius locum nihil reponitur, tandem æger contabescat, eodem prorsus modo ut liquitur ad ignem simulachrum? sic contemperante diro hoc artifice tabis momenta cum simulachri defluxu, ut vno eodémque tempore, & quasi operâ, incipiant & desinant. Possunt quoque tempestatibus & procellis eos terrarum marisque tractus agitare, quos illis Deus transcripsit ad tempus inquietandos. has procellas, improvísâ & insolitâ sui impetus violentiâ ac brevitate, facile à naturalibus discernas. Neque hoc Satanæ difficile est, cui tanta cum aëre intercedit substantiæ affinitas, cuiusque elementi movendi figurandique tanta vis, ut antè nobis explicatum est: præsertim cum in sacrâ paginâ Princeps aëris dicatur. Possunt etiam hominibus sanis maniam inducere aut phrenitidem; rem non arduam Satanæ, qui hos & alios naturales morbos sine negotio excitat. Possunt denique malis genijs, qui nunquam discedant à latere, homines exterrere; & ædes spectris facere inhabitabiles: quod hoc tempore à nostris veneficis scimus factitatum. possunt alijs spiritus immittere, ut verè fiant dæmoniacy, quod eò Satanæ factu facilius est, quia suis Angelis, si ita Deus permiserit, quamlibet iniungere potest vexandî hominis rationem.

**PH I.** An verò Deus his Diaboli mancipijs quicquam iuris concedet in fideles?

**EP I.** Concedet sanè: triplex enim est genus hominum hisce tentationibus & periculis, diuino arbitrato, obnoxium; impij propter flagitia, ut pœnæ gravitas respondeat atrocitati criminis; pij deinde sed fide inualidi, & sceleri aliquo sopiti, ut diri hospitis aduentu expergiscantur; viri denique optimi & iustissimi, quorum patientiâ orbis erudiendus est, cuiusmodi erat Iobus. quidni enim Deo tam liceat raris hisce & inusitatis uti supplicijs, quam quotidianâ illâ suâ & tritâ morborum rerumque aduersarum virgâ?

**PH I.** Quis ergo à Diabolicis hisce machinamentis securus sit?

**EP I.** Nemo tam sit fidens animi, ut sibi impunitatem hîc spondeat. Deus enim ab æterno non minùs prædestinat misérias, quibus singulos homines exercet, quam bona, quibus ornat. Neque nobis terrori esse debet omnis hæc, quantacunque est, Satanæ & satellitum eius potestas;



testas; quando aliàs cum eo hoste nobis centies in die configendum est. Itaque vt fortem militiæ ducem non magis absterret prælio maioris tormenti tonitru, quàm minoris scloppus, licet illi non constet ab vtro sit periculum: ita nos decet in sacrâ hac acie stare intrepidus, siue inusitata hæc sæuitiæ arma aduersus nos expediat Satanas, siue solita illa & trita, quæ continuâ assuetudine nobis in contemptum abiit.

PHI. Nonnè autem liceat morbum alterius sagæ maleficio factum alterius auxilio depellere?

EPI. Minimè gentium. *Non enim faciendum malum vt bonum inde eueniat.*

PHI. Quibus igitur licitis modis curabitur ægritudo?

EPI. Continuis ad Deum precibus, vitæque emendatione, & acerrimâ vindicatione in hæc Satanæ mancipia; quantum in vnoquoque nostrum est situm. horum morte legibus inflictâ nulla est salubrior afflictis victima. Neque hæc licita solum, sed & tutissima via est: nam Diaboli ope haud vnquam Diabolus eijcitur, vt ait Christus. Et medicina eiusmodi ad tempus quidem leuauerit ægotantem, tandem verò haud dubiè corpori animæque adferet interitum.

#### CAPVT SEXTVM.

*Qui homines magis minusq; veneficis obnoxij sint. quæ illis in Magistratum potestas, aut in carcere. Cur illic Diabolus eos inuisat. Cur Variatâ effigie cum illis agat.*

PHI. **S**ed quis audeat punire, si nemo securus esse potest à maleficiorum portentis?

EPI. Non est deferenda virtutis via, si prærupta videtur, & adscensu periculosa. constat præterea Incantatorum iniurijs nullum genus magis expositum, quàm pusillanimos hosce & exiguos fide, qui firmissimus est aduersus hæc maleficia clypeus: minimum verò illis hominibus imminere periculum, qui maximum illis periculum creant; nulloque præmio induci possunt vt eorum vitæ parcant.

PHI. Ergo pestilentiæ non absimiles sunt, qua nempe certissimè perit qui longissimè fugit; et discrimen minimè euitat, qui maxime metuit.

EPI. Ita est vt dicis. nam neque manus suas malè medicas possunt alicui admouere, qui eorum artibus non confidit, &, quod hinc sequitur, animæ suæ salutem periclitatur: nec vllis nocere minùs possunt, quàm malarum eiusmodi artium contemptoribus, fide tamen subnixis, non suâ arrogantia.

PHI. Sed quanta eorum est in Magistratum potestas?

EPI. Maior, minor, prout cum illis agit. nam in illos conniuen-

rem

tem per illos punire potest Deus : at sedulum vindicem, diuinoque & ciuili gentium iure Satanica maleficia persequentem non patietur Deus Satanicâ fraude opprimi, & à bono opere absterri.

PHI. An verò iam deprehensus & captis superest aliquis malæ artis vsus ?

EPI. Id fanè pro ratione custodiæ iudicandum est. nam si à priuatis hominibus, priuatasque ob causas detineantur, eadem est illis fugiendi nocendiue potestas quæ prius. sin à Magistratu asseruentur ob malæ artis conscientiam, non maior illis potestas restat, quàm olim ante disciplinam Satanæ illis fuit. Nam vbi Deus occæpit per vicarios suos eiusmodi scelera punire, non est quod metuamus, ne vindicis sceptri seueritatem Diabolus eludat.

PHI. An verò Satanæ ad discipulos suos iam incarceratos nunquam viset ?

EPI. In ea re, miserorum conditioni se accommodare solet : qui si factum mordicus negauerint, merebuntur datâ occasione illius alloquium ; vt paulò erectiores vano euasione promisso lactet ; aut omnia desperantes magis contristet, adque necem sibi quoquo modo consciscendam impellat, qui plerumque est eorum exitus. Sin verò prioris vitæ pænitiâ scelera apud iudicem confessi fuerint, non patitur Deus Satanæ præsentia, aut allectamenti resipiscentes vexari.

PHI. Non est consultum ( vt video ) eius vti consilio. Sed libenter scirem, qua specie incarceratos conueniat ?

EPI. Variâ omnino, & vt aliàs cum eis agere solebat. Magi enim vt iam diximus paciscuntur effigiæ, quâ ipsis appareat : & tyronibus talem se sistit, qualem requirunt figuræ. at coram his ineptis arbitrariam sumit personam, vel eorum moribus aptissimam. nam in publico eorum conuentu varijs apparet varijs, quod ex confessionum discrepantia nobis enotuit. Etenim multiplicibus aëri impressis imaginibus ludificatur spectantes ; simplicioribus & idiotis terribilis, & deformis, vt metum sui & reuerentiam incuriat : astutioribus non ita portentosus, ne fœditate adspectus stomachum fastidientibus euertat.

PHI. At contingi non posset ( quod tamen venefici fatentur factum ) si aërio se vestiret corpore ?

EPI. Ego de contactu parum in eorum confessionibus audiui ; quod tamen aut assumpto cadaueris ministerio fieri posset, aut ipso tactus, vt visus, sensu deluso : res tanto artificii non ardua, quia sensuum organa suapte naturâ infirma, accedente naturali morbo, faciliè abducuntur in errores.

PHI. Vnum tantum ex te quærerem, Veneficisne solis tum temporis cernatur Diabolus, an alijs quoque qui vnà sunt in carcere ?

EPI. Interdum id contingit, interdum secus, prout Deo visum est.

## CAPVT SEPTIMVM.

*Duo Dæmonum genera in terris conspicua. Cur alterum inter nos crebrius fuerit potentibus rerum Papistis, alterum Papistis eiectis. Negantes Dæmonum potestatem, negare potestatem diuinam, & erroris Sadducæorum reos esse.*

PHI. **L**iceatne verò Satanæ aliorum in conspectum venire, quàm discipulorum suorum, qui sacramento ipsi additi sunt; explosis præsertim iam aduentu Christi & abolitatis oraculis, alijsque id genus fallacijs?

EPI. Etsi certum est orientis Euangelij luce pulsas fuisse crassiores erroris Paganici nubes, non omnino tamen euanuisse impostores Spiritus quotidiana testis est experientia. Hoc autem obseruandum est inter duo illa conspicua eorum genera discrimen. Alterum, propagatis Euangelij radijs, ubique equivictorijs (de quo Reuel. 6.) multum impediatur, & videbatur rariùs. hi quoties apparent, aut hominibus extrinsecus nocent, aut eorum corpora per vim possident. Alterum genus ex eo tempore inter homines frequentius, & ex malis artibus, de quibus nostra est dissertatio, notius est. Hoc nobis in Britannia usu venit, quibus sub Papismi tenebris plura cernebantur spectra, plures genij, quam quis fando possit expedire; nunc ita rari, vt vix toto sæculo quicquam eiusmodi inaudias. at eo tempore non ita crebra erant veneficia, vt nostro, quo sanè creberrima euaserunt.

PHI. Quæ eius rei causa est?

EPI. Varia delicta variam à Deo accersunt in nos pœnam. Patribus nostris temporum & Papatus vitio crassè errantibus, familiariter nobiscum versabantur Dæmones, ignorantia nostræ nube septi, veluti *Lemures* aut *Manduci* infantibus illudentes. eiusmodi nempe terriculamentis puerilem eorum temporum ridebant inscitiam. Nunc autem religionis & doctrinæ integros, sed vitâ rebellantes veritati meritò Deus castigat eo criminis genere, quod Samuel rebellionis nomine indigitat.

PHI. Sed cum de Spirituum apparitione loqui cæperis, illum obsecro sermonem pertexe: multi enim hac tempestate mordicus id negant.

EPI. Quisquis Diaboli potestatem neget, is haud dubiè, si liceret, diuinam quoque negaret. cum enim Satanæ Deo è regione aduersetur, quâ, obsecro, ratione in Dei notitiam rectiùs peruenias, quàm notitiâ contrarij? vt per huius potestatem, licet creaturæ, Creatoris luceat potentia; per imposturas veritas; per iniquitatem iustitia; per sequitiam misericordia: & sic in cæteris essentia diuinæ & qualitatum Diaboli. At nimis multos vereor superesse in orbe Sadducæorum discipulos, qui spiritus negent horum errori reuincendo; vt vel maximè nulla alia subesset causa; Deus oculis nostris conspicienda Dæmonia iure suo nonnunquam exhibeat.



# DAEMONOLOGIAE

## LIBER TERTIVS.

*De Spiritibus qui homines vexant. epilogus operis.*

### CAPVT PRIMVM.

*Quatuor esse Dæmoniorum genera : primum genus Spectra esse, & Vmbra mortuorum. quâ ratione te his expediās.*

PHI.



Erge itaque eâ in requid verum putes, & quid fabulosum exponere.

EPH. In quadruplici differentiâ sunt Dæmones hi, in terras aduenæ, quorum operâ in diuexandis hominum corporibus vititur Satanas. de insidiolo animarum aucupio iam dictum est. Primum genus est eorum, qui ædes, aut solitudines infestant : alterum, qui homines, quibus se addunt ingratos comites, certis horis agitant : tertium, qui humanis se corporibus insinuant, quæ possidere dicuntur : quartum est erraticum, quod *Phariorum* agmen vulgò nominatur. De tribus primis, quomodo veneficis auctoribus homines aggrediantur, iam audiuius : superest dicere, quomodo suâ sponte, non alieno scelere, ad nos veniant. Sed mihi hic præmonendus es, ne verborum specie deceptus, quod de quadruplici Dæmoniorum differentiâ loquutus sum, aliorum accipias. nam reipsâ vnum tantum est eorum genus ; verum vt facilius mortalibus imponant, varijs se vestiunt figuris, variâsque insistant agendi vias, tanquam alij alijs naturâ forent probiores. Itaque (vt ad propositum reuertar) primi ordinis genios diuersis insigniebant nominibus antiqui, pro eorum ingenijs factisque. si ædes, quas frequentarent, vel horrore adspectus, vel fragore sonitus infestas redderent ; *Lemures* dicebantur & *Spectra*. Si defunctorum specie se amicis sisterent, *mortuorum vmbra* & *lares*. & innumera erant eiusmodi nomina pro agendi modo, vt in nostrâ quoque linguâ videmus obtinere. De hisce malis genijs certiores nos facit sacra pagina. Esaias Propheta, cum cap.

13. & 34. Hierosolymis minatur excidium, in solitudinem quoque vaticinatur urbem eam abituram, & *in habitaculum volularum, & lim & Zim*; quæ sunt hebraïca horum Dæmoniorum nomina. Ideo autem frequentant Dæmones hæc sola loca, vt fidem eorum, qui ibi manent, concutiant. à naturâ enim minùs metuimus comitati quàm soli; quod vaffer hostis arripit vt momentum victoriæ, non aggrediens nisi infirmos. Ad hæc publicos Christianorum cætus non patitur Deus visibili huius impuri præsentia vel adspectu traduci. Quotiescunque autem hoc hospite inquietantur ædes non desertæ; aut crassam arguit habitantium inscitiam, aut aliud aliquod infame flagitium, quod Deus insolito illo castigat supplicio.

PHI. Sed miror quomodo foribus & fenestris (vt aiunt) clausis domos intrent hæc portenta?

EPI. Introitus ratio mutatur pro ratione personæ, quam sustinent, nam cadauer induti facilè ingrediuntur inobseruati, & sine strepitu, apertis nempe forium valuis: at spiritali substantiâ exiles facilè se per aëris quæcunque spiracula penetrant in ædes. nam spiritus nullam habet quantitatem.

PHI. Anne autem impuris hisce liceat ante resurrectionis tempus defunctorum requiem sollicitare? vel, si liceat, an tantum in reproborum corpora (vt verisimile est) hoc ius habeant?

EPI. Non magis turbat Diabolus quietem mortuorum, assumens sibi ad tempus eorum cadauera, quàm venefici mutilantes, aut porci eruentes è monumentis. Nec quiescere dicuntur in sacris, quòd vno in loco perpetuò maneant; sed quòd à laboribus & miserijs tandiu ferientur, donec restitutâ animarum vnione simul æternam participent gloriam. Obnoxia verò Satanæ esse tam piorum, quàm impiorum cadauera, nihil absurdi est, cum nequeant, absente animâ, vlllo modo pollui. & probum, si quod sit illis à Satana illatum, quî potest esse maius suspendio, aut decollatione, aliâue mortis cotumeliâ, quam pij sæpenumero patiuntur? Nihil enim est in cadaueribus fidelium naturâ suâ honoratius aut incorruptius, quàm infidelium, donec illa nouissimo die expurgentur ad gloriam. testatur multorum morborum fœditas, quibus in hac vitâ torquentur; & nos de obsessis & dæmoniis loquuturi rem dabimus manifestam.

PHI. Sunt qui loca spectris infamia frequentasse dicuntur, nullâ rei eiusmodi auditâ vel visâ.

EPI. Credo equidem; quum non cuius arbitrium sit audire aut videre, sed quibus, diuinâ voluntate dispensante, id permissum est.

PHI. At quibus demum rationibus eijci possunt ex ædibus ingrati hospites?

EPI. Duplex omnino est mali remedium: eorum nempe, qui infestantur

festantur seriæ ad Deum preces, cum Ecclesiâ coniunctæ : deinde vitæ prioris emendatio, expiatioque peccatorum, quæ hanc à Deo insolitam pestem attraxerunt.

PHI. Quid sibi volunt hæ larvæ, cum recens mortuos, aut iam morituros repræsentantes in conspectum amicorum veniunt?

EPI. Peculiarem in nostrâ linguâ tunc appellationem habent : & frequens erat inter gentes hæc Satanae impostura, qua boni Genij famam venabatur, aut mortem amici prænuncians, aut defuncti voluntatem indicans, aut occultæ cædis rationem explicans, ut in historiâ Prodigiosâ legitur. ita ille homines veri nescios fefellit. quin crassioris cerebri Christianis etiamnum illudit ; non ausus periclitari apud cordatiores, qui benè norunt nec ad amicos reueri solere defunctorum animas, nec à bonis Angelis eiusmodi imagines vsurpari.

PHI. Nunquid de genere Spectrorum ædes infestantium sunt nostri Lycanthropi?

EPI. Vetus circumfertur de ijs & paradoxa opinio, ipso quoque nomine *homines-lupos* Græcis sonante. sed ( ut dicam ingenuè quod sentio ) si quid eiusmodi olim fuerit, profectum arbitror ex copiâ atræ bilis ; ex quâ etiam factum est ut nonnulli, vigilantes etiam, somniant hydrias se esse, equosue aut pecudes. eodem modo, vitiante, (ut arbitror) phantasiam & memoriam maligno humore, & per incerta intervalla exundante, miseri lupos se esse crediderunt ; eorumque etiam gestus simulârunt, pedibus manibusque incedentes, velut quadrupedes ; faminasque & infantes hiantes rictu petentes, ut voraturi ; cum canibus denique mordicus certantes : & sic brutæ consuetudinis æmuli ut imaginationis vitio obbrutuisse videri queant : quod Nebuchadnezzaris per septem annos fatum erat. At quod adijci solet de duris & squamosis exuijs, quas habeant & recondant Lycanthropi ; credo ab incertis rumoribus, vnde omnia mendacia, fluxisse.

CAPVT SECVNDVM.

*De secundo & tertio geniorum ordine, quorum ille homines affectatur, hic corporibus se immiscet. Cessantibus iam visionibus, & prophetijs, ambos esse malos.*

PHI. **P**ertex nunc de cæteris geniorum ordinibus sermonem tuum.

EPI. Duos sequentes ordines eorum, qui homines extrinsecus sequendo inquietant, & intrinsecus possidendo torquent, vnâ operâ expediam ; cum eadem sint vtriusque mali causæ eademque remedia.

PHI. Quales igitur ij sunt, qui his affliguntur pœnis ?

EPI. Aut rei sunt grauissimorum scelerum, quæ horrendo hoc flagello



flagello Deus vindicat : aut fortè ingenij probitate pares sunt optimis; quos tamen multas ob causas patitur Deus sic exerceri, vt patientiam probet, zelum excitet, cæterósque exemplo moneat ne nimium sibi fiant; quum ex iisdem constent elementis, fortè nihilo leuioribus inquinati peccatis; quemadmodum de ijs dixit Christus, qui casu turris Siloes oppressi fuerant : sed potius vt diuinam celebrent clementiam, quòd, cum in eadem fuerint causâ, non eodem puniantur supplicio.

P H I. Non iniuriâ, fateor, propter has causas permittit Deus Satanæ sic in homines grassari : sed cum in omni re satis constet Diaboli consilium Diuino esse aduersum, quem, obsecro, in scopum hîc collineat ?

E P I. Duorum alterum sibi proponit; nempe, vt eos, quos sequitur obsidétue, obiectis periculis in certum vitæ discrimen adducat : aut, permittente Deo, corpora tormentis debilitet & morbis incurabilibus fatiget. Alter illius scopus est ipsius animæ interitus, dum tormentorum impatientiâ eos ad desperationem aut blasphemiam irritat, quod fecit Iobo. veleâ lege abiturum se promittit, si Deo dixerint conuicium; quod paruuli confessione modò innotuit.

P H I. Tu quidem de ambobus generibus iunctim dixisti, ego verò de utroque seorsim nonnulla ex te petam. Constat eorum spirituum, qui homines sequuntur, non vnum esse ingenium : maligniores alij, eos, quorum se faciunt comites, cruciant & diuexant; alij mansueti magis & beneuoli ijs ministrant, & si quod imminet periculum prænunciant. scire iam cupio, an vtrumque genus pestiferum habendum, an posteriores à Deo missi sint ad tutelam (vt videtur) & custodiam bonorum. scriptum enim est legiones *Angelorum à Deo mitti, qui vigilando tuantur electos.*

E P I. Non me latet origo illius erroris. à gentibus veri numinis ignaris profectus est : quibus ineptè persuasum erat vnicuique nostrum duos addi indiuiduos vitæ comites, genium bonum & genium malum (Græci *εὐδαίμων* vocant & *κακὸς αἰεὶμων*) illum virtutis suaforem, hunc vitij. Sed Christiani (Deo sit laus) in Cymmerijs humanæ opinionis coniecturis non ampliùs errantes, scimus nunc bonitatis fontem vnicum esse Deum; qui omnium bonorum nobis auctor sit, quæ vel mente concipimus, vel manu exequimur : carnem autem nostram esse & Satanam, qui nos trahant in diuersa. Diabolus tamen, vt inueteratum illum gentium errorem in imperitorum animis confirmaret, durante Papatus cæcitate multorum ædes sine maleficio frequentauit, sedulus (vt videbatur) in ijs, quæ vsus domesticus requirebat. hunc, antiquorum *Larem*, nostri *Brunium* appellabant, hominis hirsuti effigie; quo hospite ædes suas credebant fortunatiores. eò superstitionis deuenerat inscitia.

P H I. At Diabolo semper propositum est malè agere. hæc autem ita ab omni malitiâ remota sunt, vt nihil appareat quod nō dixeris bonum.

E P I.

Gene. 32.  
1. Reg. 6.  
Psalm. 34.

... EPI. Numquid satis est nequitia, se pro Angelo lucis ignaris venditare, ut homines simplices & creduli iuratum Dei humanique generis hostem pro amico admittant? Nobis nihil certius esse debet, quam post Christi aduentum in carne, & stabilitam Apostolorum opera Ecclesiam, miracula defuisse, cum visis, vaticinijs, & Angelorum bonorum malorumque apparitionibus. talia enim ad primam fidei sementem & plantationem Ecclesiae faciebant, qua iam per EVI ALBI victorias firmata, lex & Prophetæ nobis satis videri debent ad salutem: vel ut reddamur inexcusabiles, ut Christus in Lazari & diuitis epulonis parabola indicat.

CAPVT TERTIVM.

*De Incubis & succubis Dæmonibus. & cur illi in Barbaris, & Septentrione frequentiores.*

PHI. **V**Nus adhuc me torquet scrupulus de eodem genere spirituum. Nosti famam scriptoque vulgari, inter malos genios, hominum sequaces, genus quoddam esse cæteris impurius & obscenius, eorum, quos comitantur, pudicitiam vitians. hinc primò ex te scire volo, an fieri possit quod fama dicit fieri: deinde verò, an inter spiritus sint sexuum discrimina?

EPI. Abominabiles isti humanæ castitatis violatores pro sexuum differentia, quibuscum rem habent, antiquis *Incubi* & *Succubi* dicebantur. Potest Diabolus hoc flagitium duobus modis exequi; aut enim furtim exempto è cadauere semine feminas polluit, nullum interea corpus videntes nullum sentientes, nisi quod ille impudens ijs indit in genitalia: ut de virginibus monasterij cuiusdam legimus, propterea quòd turpia à Satana passæ fuissent, crematis. aut sanè ipso assumpto cadauere, congressum viri nebulo mentitur. Quocunq; verò id fiat modo, certum est fæminas non sine insigni frigoris sensu semen illud suscipere. si enim à viuo decisum est, prius vim omnem & calorem deperdit, quam in matricem veniat: nisi verius est nunquam eas dotes habuisse, nempe expers agitationis, qua sanè in congressu virili vis seminis calorque excitantur. sin è cadaueris hospitio semen in vterum infandus adulter eijciat, quid mirum est itidem frigere, ut cadauer vnde deciditur? Quòd verò de Spirituum sexu laboras scire, ipsa te doceat Philosophia nulla eis esse sexuum discrimina, quibus ad generationis necessitatem natura semen non dedit. at constat nobis non esse Spiritibus semen, cum nulla sit generandi necessitas.

PHI. Quis fit igitur ut è Dæmonum congressibus confirmant nata monstra?

EPI. Aniles fabulæ sunt; nec suo illis suppetente semine, & illo è cadaueribus

flagello Deus vindicat : aut fortè ingenij probitate pares sunt optimis, quos tamen multas ob causas patitur Deus sic exerceri, vt patientiam probet, zelum excitet, cæterosque exemplo moneat ne nimium sibi fiant, quum ex iisdem constent elementis, fortè nihilo leuioribus inquinati peccatis; quemadmodum de ijs dixit Christus, qui casu turris Siloes oppressi fuerant : sed potius vt diuinam celebrent clementiam, quòd, cum in eadem fuerint causâ, non eodem puniantur supplicio.

P H I. Non iniuriâ, fateor, propter has causas permisit Deus Satanæ sic in homines grassari : sed cum in omni re satis constet Diaboli consilium Diuino esse aduersum, quem, obsecro, in scopum hîc collineat ?

E P I. Duorum alterum sibi proponit; nempe, vt eos, quos sequitur obsidetur, obiectis periculis in certum vitæ discrimen adducat : aut, permittente Deo, corpora tormentis debilitet & morbis incurabilibus fatiget. Alter illius scopus est ipsius animæ interitus, dum tormentorum impatientiâ eos ad desperationem aut blasphemiam irritat, quod fecit Iobo. veleâ lege abiturum se promittit, si Deo dixerint conuicium; quod paruuli confessione modò innotuit.

P H I. Tu quidem de ambobus generibus iunctim dixisti, ego verò de vtroque seorsim nonnulla ex te petam. Constat eorum spirituum, qui homines sequuntur, non vnum esse ingenium: maligniores alij, eos, quorum se faciunt comites, cruciant & diuexant; alij mansueti magis & beneuoli ijs ministrant, & si quod imminet periculum prænunciant. scire iam cupio, an vtrumque genus pestiferum habendum, an posteriores à Deo missi sint ad tutelam (vt videtur) & custodiam bonorum. scriptum enim est legiones *Angelorum à Deo mitti, qui vigilando tuentur electos.*

E P I. Non me latet origo illius erroris. à gentibus veri numinis ignaris profectus est: quibus ineptè persuasum erat vnicuique nostrum duos addi indiuiduos vitæ comites, genium bonum & genium malum (Græci *εὐδαίμων* vocant & *κακὸς δαίμων*) illum virtutis suasorem, hunc vitij. Sed Christiani (Deo sit laus) in Cymmerijs humanæ opinionis coniecturis non ampliùs errantes, scimus nunc bonitatis fontem vnicum esse Deum; qui omnium bonorum nobis auctor sit, quæ vel mente concipimus, vel manu exequimur: carnem autem nostram esse & Satanam, qui nos trahant in diuersa. Diabolus tamen, vt inueteratum illum gentium errorem in imperitorum animis confirmaret, durante Papatus cæcitate multorum ædes sine maleficio frequentauit, sedulus (vt videbatur) in ijs, quæ vsus domesticus requirebat. hunc, antiquorum *Larem*, nostri *Bruium* appellabant, hominis hirsuti effigie; quo hospite ædes suas credebant fortunatiores. eò superstitionis deuenerat inscitia.

P H I. At Diabolo semper propositum est malè agere. hæc autem ita ab omni malitiâ remota sunt, vt nihil appareat quod nō dixeris bonum.

E P I.

Gen. 32.  
1. Reg. 6.  
Plal. 34.



EP I. Numquid satis est nequitia, se pro Angelo lucis ignaris venditare, ut homines simplices & creduli iuratum Dei humanique generis hostem pro amico admittant? Nobis nihil certius esse debet, quam post Christi aduentum in carne, & stabilitam Apostolorum opera Ecclesiam, miracula defuisse, cum visis, vaticinijs, & Angelorum bonorum malorumque apparitionibus. talia enim ad primam fidei sementem & plantationem Ecclesiae faciebant, qua iam per EVI ALBI victorias firmata, lex & Prophetæ nobis satis videri debent ad salutem: vel ut reddamur inexcusabiles, ut Christus in Lazari & diuitis epulonis parabola indicat.

CAPVT TERTIVM.

*De Incubis & succubis Dæmonibus. & cur illi in Barbaris, & Septentrione frequentiores.*

PHI. **V**NUS adhuc me torquet scrupulus de eodem genere spirituum. Nosti famam scriptoque vulgari, inter malos genios, hominum sequaces, genus quoddam esse cæteris impurius & obscenius, eorum, quos comitantur, pudicitiam vitians. hinc primò ex te scire volo, an fieri possit quod fama dicit fieri: deinde verò, an inter spiritus sint sexuum discrimina?

EP I. Abominabiles isti humanæ castitatis violatores pro sexuum differentia, quibuscum rem habent, antiquis *Incubi* & *Succubi* dicebantur. Potest Diabolus hoc flagitium duobus modis exequi; aut enim furtim exempto è cadavere semine feminas polluit, nullum interea corpus videntes nullum sentientes, nisi quod ille impudens ijs indit in genitalia: ut de virginibus monasterij cuiusdam legimus, propterea quod turpia à Satana passæ fuissent, crematis. aut sanè ipso assumpto cadauere, congressum viri nebulo mentitur. Quocunq; verò id fiat modo, certum est feminas non sine insigni frigoris sensu semen illud suscipere. si enim à viuo decisum est, prius vim omnem & calorem deperdit, quam in matricem veniat: nisi verius est nunquam eas dotes habuisse, nempe expers agitationis, qua sanè in congressu virili vis seminis calorque excitantur. sin è cadaveris hospitio semen in vterum infandus adulter eiiciat, quid mirum est itidem frigere, ut cadaver unde deceditur? Quòd verò de Spirituum sexu laboras scire, ipsa te doceat Philosophia nulla eis esse sexuum discrimina, quibus ad generationis necessitatem natura semen non dedit. at constat nobis non esse Spiritibus semen, cum nulla sit generandi necessitas.

PHI. Quis fit igitur ut è Dæmonum congressibus confirmant nata monstra?

EP I. Aniles fabulae sunt; nec suo illis suppetente semine, & illo è cadaveribus

cadaveribus ad generationem inepto; cui nempe, ut ipsi cadaueri, omnis perijt vita, & naturalis calor, & plastica virtus. Quin si partus sequi posset, quod posse tota natura negat; non tamen monstrum nasceretur, sed talis plane soboles, qualem ex eadem fœminâ genuisset homo viuus, cuius è cadauere semen exemptum est. nihil enim ad hoc negotium confert Dæmon, nisi quod ferat & infundat semen; ut scias nullam ab illo, qualitatem participari. Potest quidem impostor ille, fœminæ, cui vitium fecit, vterum attollere, aut infarctis menstruis, aut herbarum ope, quod faciunt mendicæ; &, appropinquante tempore, concitare dolores partûs, similes omnino veris; tumque in manus obstetricis lapidem lignumue indere, aut monstrum infantis aliunde aduecti. sed fama publica in his facilior est, quam fides mea.

PHI. Sed cur in Lappia, Finniâque, Orcadibusque nostris, & Scheticis insulis, & alijs Mundi regionibus agrestioribus crebrior est hæc Satanæ obscæritas?

EPI. Vbi crassissima est hominum ignorantia, ibi crassissima est Satanæ impudentia. & hac ratione ante confirmaui frequentiora esse in fœmineo sexu veneficia.

PHI. Sed an eo usque miseræ quæquam fœmina deueniat, ut libens volensque se Satanæ prostituat?

EPI. Res satis testata est Veneficarum confessionibus, non paucas ab eo exorari ad stuprum; certè, ut detestando obsequio magis illaqueet miseras. Verum ut raptas miseratione prosequi, & votis nostris; ita concubinas & scorta Satanæ seuerissimè debemus vlcisci.

PHI. An autem *Ephialtes*, qui dormientes inuadit, est de genere spirituum, de quibus tibi sermo est?

EPI. Minimè gentium. est enim morbus è naturali ortus causâ: cui ab incubando ideo medici dederunt *Incubi* nomen; quia crassus humor, incidens in dormientium præcordia, respirationem impedit; & lassitudine inductâ, persuadet inscijs pondus inusitatum, aut spiritum incumbere, qui oppressos degrauet.

#### CAPVT QVARTVM.

*De Dæmoniacis & possessis, qui fiat ut eos curent Papistæ.*

PHI. **O**Mnem mihi exemisti scrupulum de ijs, quos combinasti, spirituum ordinibus. Nunc de ultimo illo dæmoniacorum genere duo mihi restant quærenda; quibus scilicet illi modis à phreneticis aut maniacis possint internosci: deinde quâ fiat, ut ab hominibus, nostrâ opinione hæreticis, Papistis, interdum curentur; cum verisimile non sit Satanam Satanæ ope expelli: tunc enim (quod Christus ait) regnum eius foret in se diuisum.

EPI. Varia

EP I. Varia sunt omnino symptomata (vt ad primam quæstionem respondeam) quibus hoc pestis genus à naturali ægritudine distinguitur. sed omiſſis Papiſtarum indiſijs; quòd aquâ benediſtâ aſperſi inſaniant; quòd à ſigno crucis retrorſum fugiant; quòd Dei nomen audire non ſuſtineant; & alijs huius farinae, relatu non moleſtis minùs, quàm ridiculis: pathognomonica & vera huius mali indiſia tria ſunt; nempe, corporis robur, ſupra quàm cuiquam credibile eſt, ad quod non facile acceſſerint ſex homines alio torti inſanię genere; deinde tumor ventris & thoracis immodicus, cum internis conuulſionibus, & ferreo neruorum rigore intenſioneque, & ſic quidem, vt nullâ arte in tantum extendi poſſet humana curis. tam maligna eſt incluſi Dæmonis vis in obſeſſi membra & ſenſus, animâ intereà eiùſque affectibus ab obſidentis poteſtate exemptis. variarum denique linguarum, quas nullâ diſciplinâ hauſerit obſeſſus, expeditus uſus: ſed vox raucum & peregrinum ſonans; maiorque conatus in loquentis thorace, quàm ore. ab hoc ſymptomate exemptos volo, qui, paroxyſmi tempore, omni orbantur ſenſu, à muto cæcoque ſpiritu agitati, qualem Chriſtus eiecit Matth. 12. Quod ad ſecundam quæſtionem attinet, de Papiſtarum aliorumue hæreticorum miraculis; primò res admodum incerta eſt; deinde, ſi vera ſunt, vix conſtat quâ fieri poſſint ratione. Quidni enim de illis iure dubitemus, an facta ſint; cum ſciamus, quæ nunquam facta ſunt, innumera ab illis miracula venditari; vt hac fraude labentis Eccleſiæ ſuæ fulciant putredinem? Deinde verò experienciâ compertum eſt paucos liberari omnino Dæmonijs, qui iſtorum operâ curati ſunt; Satanâ tantum ad tempus torturam & carnicinam intermittente, vt in Pontificiam hæreſin per falſa miracula alios alliciat, alios in eadem confirmet, omnes ſuperſtitione captos in æternum animæ periculum inducat, eadem fraude, quâ ante dicebamus morbos Veneficarum operâ curari. Sin aliquando eueniat, vt à Papiſtis eiſciantur Dæmonia (quod ego, ſaluâ eruditorum contrâ ſentientium reuerentiâ, veriùs exiſtimo, publicantibus ſcilicet rumorem orthodoxis hominibus, oculatis rei teſtibus) tum verò aio his de cauſis eam poteſtatem Papiſtis poſſe competere. Chriſtus Apoſtoliſ ius hoc dedit in Dæmones, imò verò mandatum; quod illi, vt par erat, iugiter exequuti ſunt. præſcribebantur illis ante miraculum preces & ieiunium; deinde verò vt miraculum ipſum eiùs nomine peragerent. Nulla igitur in illis erat hæc virtus, ſed in eo qui mandauit: res in Iudâ proditore nimis manifeſta, cui eadem erat cum cæteris poteſtas credita. Cum itaque precibus & ieiunio, diuini que nominis inuocatione eiſciantur Dæmonia; licet ſuis non careant næuis, quorum vicariâ operâ Deus eâ in re vititur, vt in Pſeudoprophetiſ apparet, quibus ipſe Chriſtus poteſtatem hanc diſertis verbis tribuit: quid mirum eſt Papiſtis idem ius eſſe, ſi modò præſcriptam à Chriſto rationem obferuent,



seruent; licet in multis Christianæ religionis articulis hallucinentur? Sicut enim Baptismum non vitiant eorum in Sacramento Eucharistiæ errores, vel additæ ipsi Baptismo quisquilæ & nugæ; sic eorum in alijs rebus errores nihilo facient hunc actum deterioorem.

PH I. Hoc certe mirum videtur permittere Deum, vt Satanæ hospitio dehonestentur corpora fidelium.

EPI. Hoc est, quo meam de assumptis fidelium cadaueribus sententiam probari modo dicebam. Nam si illi ius sit viuorum corpora inuadere, animæ vnita; quanto magis per Deum licebit cadauer arripere, non iam hominem, sed putrem hominis capsam. *Nihil, enim, teste Christo, hominem intrat, quod hominem inquinat; sed quod de homine egreditur, id demum inquinat.*

Mar. 7.

#### CAPVT QVINTVM.

*De quarto Phariorum agmine. quid ibi verum, quid apparens. Quousque de rebus his agat Dialogus noster, & cui bono.*

PH I. **R** Estat iam de quarto Spirituum genere differas.

EPI. Hic ille est erraticus Dianæ comitatus, à veteribus celebratus; nostratibus *Pharij* dicuntur, & *Boni Vicini*; quo nulla crebrior sub Papatu Satanæ impostura. quamquam enim Diaboli ope futura prædicere etiam tum nefas erat, qui tamen ab his aucti erant fortunatissimi probissimique mortalium habebantur. Ego fabulas hinc natas, de *Phariorum* rege & regina, de aula illa nimis festiua, & comitatu; & quòd decimas quasdam suas prouentúsque annuos ex singulis rebus perceperint; quod equo, pede mearint commearintque, ederint, biberint, cæteraque fecerint, humano prorsus more; & eius farinæ cætera commenta, *Elisij* *Virgilij* campis quàm veritati similia, ijs credenda relinquo, qui Christiana non sunt imbuti fide: etsi (quod antè monui) ita possit Satanus simplicioribus illudere, vt hæc & similia, quæ nunquam fuerunt, & audiuisse & vidisse se putent.

PH I. Quis igitur factum est, vt tam constanter & ad mortem vsque confessæ sint veneficæ, à *Pharijs* se auctas ad montem quendam venisse, quem, terrâ dehiscente, subeuntes *Phariorum* reginam viderint, recens etiam enixam; vnde lapidem acceperint varijs præditum virtutibus, quem sæpenumerò constat in iudicijs publicis apud nos exhiberi.

EPI. De his idem sentio, quod prius de Satanæ ecstatis, alto sopore stupefactis sensibus phantasiæ obijci montes domosque, atque adeo omnem imaginariæ aulæ magnificentiam, & cætera imposturæ ludibria; indi interea lapidem istum in somniantum manus, quem videntur sibi miseri apud *Pharios* accepisse.

PH I. Quid verò, quod nonnullorum, quos ibi se vidisse autumant, mortes

mortes certò prædicunt? hoc verum sanè insomnium est, quod & vigilantibus sibi aiunt videri.

E P I. Obtusius mihi videntur philosophari, qui eam reddunt divinationis huiusce rationem: nec apparet cur non æquè possit Dæmon illis futura prædicere, dum phantasiæ illudit; ac aliàs, dum sine fūco cum illis versatur. Ista igitur vaticinia nihil aliud sunt quàm inania visà, quibus Satanas, Dei æmulus, suam inter gentes (ut ante diximus) tuebatur dignitatem.

P H I. Iam cupio scire, an solis Veneficis hoc Cacodæmonum genus appareat?

E P I. Nonnunquam etiam poterunt in conspectum fidelium se dare; vel terroris gratià, vel ut probitatis simulatione malam de se hominum opinionem elevent. Veneficis autem innocentiae prætextum suggerunt, quo apud ignarum Magistratum declinent pœnam, ut ante indicaui. Sed ut bonorum iniquissimam vexationem miseratione prosequi debemus, ita horum improbitas (quos vaticinandi fiducià facile dignoscas) eandem cum cæteris veneficis meretur pœnam, fortè etiam maiorem, quia probitatem simulant.

P H I. Vnde verò ista in Spiritibus nominum varietas?

E P I. A Satanæ nequitia. hac technâ ille Necromantis imponit, assumptis sibi & commilitonibus Angelis innumeris nominum titulis. *Satanam, Belzebub, Luciferum*, tres esse mentitur spiritus: quorum duo priora nomina rebellium Angelorum Principi tribuit Scriptura; quemadmodum Dæmonum Princeps Belzebub dicitur Christo, eo in loco, quo ostendebam modo Dæmonia non posse ab hæreticis eijci. & Iohanni in Apocalypsi vetus ille tentator vocatur *Satanas*, malorum Angelorum Princeps. At in nomine *Luciferi*, crebrò in sacris vsurpato, metaphora est à Phosphoro, propter Satanæ excellentiam ante lapsum. Quin & Veneficis eadem nominum varietate dat verba Diabolus; tanquam alius atque alius foret spiritus, quotiescunque illi visum est novam larvam assumere.

P H I. Sed ego de *Pharijs* alia multa & mira sæpe audiui.

E P I. Quam ego mihi viam in reliquo sermone proposui, eandem hîc teneo: quoniam enim colloquij nostri occasio ex tuâ illâ quæstione profecta est, an forent venefici, & spiritus; & an ullam potestatem haberent; eò sermonem meum omnem intendi, ut & esse & posse confirmarem; non pluribus adductis exemplis, quàm posse fieri per rationem demonstrarem. nihil vtrò conor; multò minus, ut eorum omnium, quæ audiui hæc de re vel legi, tibi commentarium exhiberem; quo nec fidem apud æquos rerum æstimatores mererer, nec tam malas artes reprehendere (quod Christiani hominis officium est) quàm docere & tradere viderer.

## CAPVT SEXTVM.

*De examine & pœnâ Veneficorum. quibus testibus possint conuinci. cur crescat hoc seculo eorum numerus.*

PHI. **V**T igitur, iam die in vesperam inclinante, finem faciamus; quo supplicio puniendi sunt Magi, & Venefici? nam video tibi æquè esse utrosque reos.

EPI. Nempe ex iure diuino, & ciuili, & omnium Christianorum municipali, multandi sunt morte.

PHI. At quâ morte?

EPI. Passim obtinuit, ut crementur. quanquam in hac re sua cuique genti permittenda est consuetudo.

PHI. Nullum autem sexum, ætatem, ordinem morti eximis?

EPI. Nullum planè; modo à Magistratu id fiat. est enim supremus idololatriæ gradus, in quo qui deprehensus est diuinâ lege nemo excipitur.

PHI. Ergo neque pueris ipsis parcendum putas.

EPI. Absit verò: nam eorum captum superat illius improbitatis exercitium. societatem verò vel taciturnitatem tenella rudisque ætas excusabit.

PHI. Conscios igitur quoscunque condemnas?

EPI. Haud dubiè. nam ut ante de Magiâ dixi, qui consulunt hos artifices, patrocinantur, conuiuent, hortantur uè ad hoc nefas; in eâdem sunt causâ cum his, qui faciunt.

PHI. Nunquid igitur Principi, vel ei cui est potestas summa, graues ob causas hîc licebit conuiuere, vel etiam alicui parcere?

EPI. Licebit sanè, inquisitionis causâ, quandiu oportunum ei visum erit pœnam differre. at verò penitus auferre, vel quem Deus ferit non ferire; non modò non liceat, sed par omnino sit flagitium cum *Saulis* in *Agabum* lenitate, nec leuius ipso veneficij crimine, ut tum Samuel monebat.

PHI. Cum igitur tam atrox sit huius sceleris pœna; etiam atque etiam videndum est iudici, ne quem nisi noxium condemnet. nec opinor in causâ tam graui pro testimonio sufficere vanissimam garrulæ anus vocem.

EPI. Videndum sanè: nam Salomone teste *par crimen est innocentem damnare, & nocentem absoluerè*. Nec infamis personæ testimonium, idonea habetur in iure probatio.

PHI. Quid si plures eiusmodi testentur aduersus vnum?

EPI. Apud nos quidem duodecim iuratorum arbitrio res ea deciditur. At cum in læsæ maiestatis crimine pueri, fæminæ, infames non repellantur à testimonij dictione; multò minùs in diuinæ maiestatis iudicio,



iudicio, mea sententia, repelli poterunt. quorum etenim nisi Veneficorum testimonio deprehenderentur Venefici?

PHI. Credo equidem viros probos ab illis in consilium non adhiberi. at quid si imaginarijs interfuisse conuentibus nonnullos asseuerent, quo tempore ipsi erant ecstatici, vt tu ante confirmabas?

EPI. Et illos aio pro noxijs habendos. eorum enim imagines, nisi consentientibus ipsis, non mutuatus fuisset Satanas ad nefas. at lex consensum morte punit.

PHI. Ergo Samuel veneficus fuit. nam eius effigie vsus est Satanas: eiusque personam egit respondens Sauli.

EPI. At enim Samuel diem suum antè obierat: proindeque à suspitione malæ artis, si quisquam, remotissimus. Non vult autem Deus, vt Satanas in flagitiosis illis conuentibus mentiatur innocentium imagines, ne immerita scilicet, fædæ Apostasias infamia onerentur. tum enim etiam aduersus optimos non deesset hosti calumnia. Quod in ijs, qui à *Pharijs* dicuntur aucti, manifestò probatum est. hi enim neminem in ea aula se fatebantur vidisse, qui non postea iudicio publico veneficij compertus fuit: res nuper explorata puellæ confessione, quam sagarum malignitas malis genijs exterruerat. hæc etsi varias vtriusque sexus imagines conspiceret, à quibus vexabatur; omniumque nomina indicaret, quorum eæ erant imagines; nemo tamen eorum deprehensus est innoxius, sed nonnulli manifestâ ratione, plerique autem suâ confessione damnati. Rarum quoque & inusitatum arbitror, vt quisquam à Veneficis conscius nominatus fuerit, quem præsertim suis se oculis vidisse affirmant in conuentibus Satanae; qui non postea aut malæ artis reus peractus sit, aut, eo crimine non perspicuè demonstrato, impiæ & infamis vitæ conuictus. tam sollicitè hic Deus patrocinator innocentie. Adhæc, duo sunt non inepta huius examinis subsidia: prius est, nota Satanae in corpore inuenta, partisque notatæ stupor; posterius est, eorum in aqua fluctuatio. Nam vt in homicidio occulto, sanguis è cadauere, tangente homicidâ, erumpit, quasi cælitus poscens ultionem; quod Deus præter naturæ ordinem voluit esse secretæ immanitatis indicium: sic non naturæ ope, sed diuinâ voluntate institutum videtur prodigiosè in Veneficis impietatis signum, fluctuatio hæc: tanquam aqua suum in sinum eos non admitteret, qui excusâ baptismi aquâ se omni illius Sacramenti beneficio vtrò orbârunt. Quin nullis minis, nullis tormentis vnâ illis lachrymam exprimas, donec pœnitentiam ceperint agere; Deo scilicet non permittente, vt fædissimi criminis pertinaciam dissimulent: quanquam notum sit fæminis præsertim fluere ad imperium lachrymas, etiam falsas fictasque; vt de crocodilo adagium obtinuit.

PHI. Diem iam nostro hoc colloquio exeminus, & nunc digredendum est nobis. itaque Deum Opt. M. precor, vt Diabolicas artes

hoc tempore inter nos quàm vnquam aliàs frequentiores expurget, proscribat, aboleat.

EPI. Faxit Deus. at cur inter nos ita gliscant hæc maleficia, prima sanè causa est populi improbitas, quæ horrendam hanc apostasiam ceu pœnam accersit à Deo, qui nostra flagitia iustè vindicat maiore flagitio.

Huc accedit mundi consummatio, electorumque salus iam in propinquo; quibus Satanas brevis sui regni conscius magis magisque in membris suis efferatur.

V A L E.

ΒΑΣΙΛ.



ΒΑΣΙΛΙΚΟΝ ΔΩΡΟΝ,

SIVE  
DE INSTI-  
TUTIONE

PRINCIPIS

AD

HENRICVM

*FILIUM.*







REGIS AD FILIVM  
EPIGRAMMA.

**I**Ure vocat Deus ipse Deos, sceptriq; throniq;  
Participes quos ipse facit: quò iussa capeſſat  
Regalemq; apicem veneretur ſubditus orbi;  
At ſervire Deo regum ſit maxima cura.

Quod ſi, nate, cupis populo cum laude præeſſe,  
Diſce ſubeffe Deo: quas noſtro iniunxeris orbi  
Has leges accerſe polo; moderaris habenas  
Non tu, nate, tuas, ſed ſummi auriga Tonantis.

Filius exemplo rectis da præmia, curam  
Dirige ſupplicio; iuſtum verumq; tuere.  
Quicquid agas, age teſte Deo, qui vindice dextrâ  
Cuſtoditq; pios, perditq; oditq; profanos.

Dotibus his, fili, verè regalibus auctus  
Cœleſtem referes hunc, qui regit omnia, Regem.



FILIO



FILIO MEO CHA-  
RISSIMO ET HÆREDI  
HENRICO.



*Vi æquè debeat nostra hæc Prin-  
cipis institutio, quâ & Christiani  
hominis in Deum, & Regis pro-  
pria in subditos officia cum laude  
exequaris; cui, inquã, charissime fili  
æquè ac tibi debeat? te etenim  
filium mihi natu maximum, & con-  
iugij mei, Deo largitore, primitias,*

*probe & piè educare paternæ esl meæ curæ: regie verò, etiam  
regijs artibus hæredem meum tempestiuè instruere; ut oneris  
grauitate præceptâ iam incipias cogitare, regno natum oneri  
potius natum esse quàm honori: neque sic alijs antestare te  
dignitate, ut assiduis & periculosis laboribus, in eâ prouinciâ,  
quam tibi Deus Opt. Max. demandauit: ut ita dignita-  
tem muneris & grauitatem oneris æquali lance compenses; tum  
si olim (quod Deus omen auertat) illo fastigio excideris, ex  
honoris celsitudine casus magnitudinem estimes. Ita que ut me-  
moriæ tuæ rectius consulam; & quicquid repertu opus est sine  
morâ euoluas, tractatum hunc in tres partes distinxî. Prima te  
Christianâ pietate instruit in Deum: secunda verò regiâ pru-  
dentiâ in subditos: tertia denique, ut te gerere debeas in rebus  
adiaphoris, quæ, suapte quidem naturâ mediæ, ex usu intelli-  
guntur bonæ, ex abusu malæ; at validæ in vtramque partem,*  
prout

prout scilicet in ijs te gesseris, ad opinionem Principis in populo eleuandam, augendamue. Accipe igitur librum hunc, & tanquam præceptorem & consiliarium fidum amplectere, quem, quoniam mihi ipsi per occupationes semper adesse non licet, assiduam tibi monitorem esse volo: & quum hora mortis mihi ut cæteris incerta sit, pro testamento & supremâ voluntate haberi. tibi que coram Deo & per patriam potestatem præcipio, ut non minùs tecum circunferas, quàm Alexander ille Homeri Iliada. Consiliarium inuenies & iniustitiâ & affectu vacuum, qui nec malè agenti aduletur, nec alieno tempore molestus sit. non accedet nisi vocatus, nec loquetur nisi interrogatus. & si sermones cum eo quoties vacat contuleris, dices cum Scipione, nunquam te minùs solum esse, quàm cum solus es. Fraque, si tibi à patre cupias benedici, etiam atque etiam vide, ut hæc præcepta pro virili parte exequaris. sin ab ijs olim deflexeris, hic liber aduersus te testimonium dicet; & in cælis ratas faciet diras illas, quibus ego te deuouero. nam (Deum testor) malo nullos mihi esse liberos quàm improbos. sed lætiora ominor, mihi que spondeo te diuinâ benignitate, vnde mihi filius datus es, probum quoque piumque filium obueniße, nullâ Deo obréperente benignitas suæ pænitentiâ. Quem ego supplex veneror ut meam in te benedictionem, mi fili, ratam faciat. Vale.

Tui amantissimus pater

I. R.

PROÆ-



## PROOEMIUM AD LECTOREM.



*X* aureis sententijs, quas Christus Saluator Apostolis suis loquutus est, hæc una est; nihil latere quod non sit reuelandum, nec abscondi quod non sit cognoscendum: & quicquid in tenebris quis dixerit id audiendum in luce, & quod in aurem quis mulsitauerit, id palam in culminibus domorum prædicandum. quæ sententia, quum à fonte omnis veri & ab ipsâ veritate profecta sit, fieri certè non potest, quin vera sit. Quo magis viros bonos omni ope decet inspicere, & quid occultissimè egerint, & quibus modis, quod cupierunt, effecerint. nam parum refert scopum etiam rectissimum proponere, nisi rectam quoque lineam & viam, quæ eo ducat, elegeris; quæ si praua fuerit aut obliqua, totus actus cum auctore debonestabitur. etenim in ipsis arcanorum nostrorum recessibus nihil est omnituenti numinis oculo imperuium; cui cogitationum nostrarum tenebræ, etiam densissimæ, pellucidæ sunt.

Ceterum ut de humanâ communiter, ita de vitâ regiâ hoc propriè intelligendum venit. nam & auctoritate & officio publica est Regis persona; & tanquam in scenâ populo exposita, defixis undiquaque in illum singulosque eius gestus & motus spectatorum oculis. quo maiore curâ reges incumbere oportet, ne quam in animum cogitationem admittant, cuius olim eos pudeat in publicum prolata. nam tempus veritatis mater certo certius aliquando pariet. Id mihi quoque in hoc regie vitæ stadio non semel contigit, licet nunquam meo cum probro. Deo sit laus, qui mihi dedit suo in conspectu viuere, & intimas cogitationes antequam proferrem sic expendere; ut publici examinis seueritatem olim non deprecarer. Ceteris autem arcanis meis præter opinionem vulgatis iure annumero hoc Basilicon doron; scriptum à me & ingenij exercendi studio, & filij erudiendi, quem mihi natu maximum Deus, uti spero, solij heredem destinauit. Nam quum hic de Regis officio libellus nemini nisi Regi conueniret; & regius quoque hæres esset, cui pro monitore & consiliario datus est; dedecere existimaui, ut aut publici iuris fieret, qui erat vnius, & inter tam coniunctos internuncium agebat; aut archetypus, ad quem olim filij mores effigiandi erant, longè antè populo prostitueretur, quàm filius per ætatem & cernendæ hæreditatis tem-

pius

pus eo uti posset. Itaque ut occultior foret, typographo, taciturnitatis iurciurando prius obstricto, non ultra septem exemplaria permissa; quæ inter ministrorum fideissimos idèd volui distribui, ut nonnullis iniuriâ temporis fortè intereuntibus, unum certè vel alterum mihi superstes fieret; unde candorem meum paternumque affectum & curam filius olim cognosceret. Nunc quum præter consilium & opinionem meam liber hic è mea potestate euaserit, iam omnium censura factus obnoxius, acerba, beneuola, ut suus quemque affectus trahit; cogor sanè, tum ut hominibus maleuolis obuiam eam, qui vesparum more ex optimis herbis venenum sugunt; tum ut probis quibusdam satisfaciam, qui quedam non capiunt satis; & vera huius libri exemplaria edere, quorum auctoritate quæ iam vulgata sunt labefactentur; & hac præfatione clariora facere, quæ, ob breuitatem dictionis, aliorum atque ego volui accepta sunt.

Duo sunt autem quæ ab hominibus maleuolis in meo libro carpi, & à probis minùs rectè capi intelligo. Alterum & præcipuum est, quòd ex nonnullis in eo locis dubitatio oriri videatur de sinceritate religionis, quam inde usque à teneris annis constanter professus sum. Alterum verò, quòd alicubi videar occise matris iniuriam altâ mente reponere, & vindictam aduersus Angliam aut quosdam in eâ optimates meditari.

Prior calumnia, quâ nulla grauior, inde nata est, quòd paulò Puritanorum, & præcipitum quorundam concionatorum, ingenia morèsque acerbius paulò & satyricè depinxerim: qui laudi sibi ducunt Reges habere aduersarios, omniâque humana & diuina in Republ. miscere. Posterior verò ex eo, quòd seuerè filio interdixerim, ne vel audiat vel ferat iactata in parentes & auos opprobria: fideissimos enim mihi in omnibus aduersis extitisse (nam hoc exemplo usus sum) qui fidem datam Reginae matri nunquam fefellissent. Verùm candidus lector ex formâ materiæque operis facillè iudicabit, quantum mihi in utraque calumniâ oblatum sit iniuriæ. Nam in primâ parte, quæ agit de Regis pietate in Deum, tam sincère religionem meam professus sum, eam nempe in quâ eductum atque edoctum me disertis verbis testatus sum, quamque ut verissimam & æternam Diuini cultus rationem filio commendauim; ut nec Momum ipsum, si ab inferis excitatus esset, inuenturum hîc credidissem, quòd carperet. ita meo candore obturatum sperabam os inuidiæ. nisi fortè dicturi sint me mihi esse contrarium, quòd profectò in tantillo opere nimiam argueret & iudicij & memoriæ debilitatem. Secunda autem libri pars est in iuris & iustitiæ administratione. Tertia in rerum mediarum disciplinâ; quo nempe federe harum usus cum internis animi virtutibus maritari debeat, ut interpretum vice fungantur, & abstrusum mentis habitum illis saltem aperiant, qui interiorem hominem inspicere nescij ex specie illum æstimant, quæ in sensus incurrit. Itaque vel sola libri methodus accuratius paulò considerata facillè priorem illam & longè grauiissimam de religione calumniam expurgat; siquidem in primâ parte, ubi ex professo de religione agitur, sententiam meam sine vllâ circuitione eloquutus sim. Alibi autem, ubi mihi de ciuili gubernatione sermo est, non religio, sed mores & ingenia Puritanorum notantur;



notantur; & quæ poenarum exempla in eos statui oporteat, cum leges & supremi magistratus auctoritatem contemnunt. Verùm ut contra omnia liuoris tormenta murum mihi excitem abeneum; ipsa verba, vnde tanta illis bilis commota est, excutere & examinare libet, ne qua in posterum scandali materia hominibus maleuolis supersit.

Ad nomen ipsum Puritanorum quod attinet, non diffiteor, tituli iure, infami Anabaptistarum sectæ debere, quæ Familia amoris vocatur. hi enim se puros arbitrantur & quodammodo vacuos peccato; se esse veram Ecclesiam, solosque dignos Sacramentis; ceteros verò mortales execrabiles esse, & Deo inuisos. & de hac sectâ præcipuè intelligi volo, quæ de Puritanis dicta sunt. E quo genere nonnulli in Scotiam aliquoties Venere, nominatim Brunus & Penrius, ut suis zizanijis segetem Domini contaminarent. atque utinam ex eâ semente nulla nobis mesfis metenda foret. Verumtamen eos quoque hoc titulo insignimus, qui quàm illius sectæ nomen respuant, eorum tamen moribus & erroribus affines sunt. quales sunt male sani & vertiginosi concionatores, eorum discipuli; qui magistratus contemptu & somniorum suorum & reuelationum credulitate communem Anabaptistarum regulam sequuntur: propriam verò Familiæ disciplinam in multis alijs emulantur. Nam prophanos æstimant quotquot in eorum verba non sunt iurati: & de minimis Politicæ ecclesiasticæ quæstiunculis tantum excitant turbamur, ac si de sacrosanctâ Trinitate ageretur. conscientia suæ Scripturam accommodant, non Scripturæ conscientiam: quisquis minimum alicuius nugamenti apicem negauerit, statim audit Ethnicus & publicanus, ipso spiritu nedum sacramentorum communionem indignus: satius esse Regem legem, gregem pedibus conculcari, quàm horum quicquam attingi: & bellum sacrum ex eiusmodi causis excitatum impiæ paci esse præferendum. quin Christianis Principibus non modo resistendum, sed pro illis ne orandum quidem esse. Orationem enim ex fide esse; at eorum conscientijs iam esse reuelatum eiusmodi preces Deo curæ non esse. Penes lætorem esto iudicium, an illius sectæ nomen illis immeritò communicem, cuius errores imitantur. quid enim pudeat in nomen transire, quorum in familiam transisse non pudet? Hoc genus hominum seuerius in libro meo perstrinxi; adeoque filio meo, quoties legum auctoritatem contemnunt & à seditionibus non abstinere, censui puniendos. in quos eam quoque ob causam acerbius inuectus sum, quòd multos famosos libellos & probra sparserint in vulgus, non modo Christianis Principibus contumeliosa, verumetiam nostræ religioni, cuius prætextu edita fuere: quæ cum à Papistis duntaxat refutata sint, qui eâ occasione religionem quoque ipsam incurrant; non sublata sed geminata fuit scandali indignitas. Quod ad ceteros concionatores attinet, aliosque etiam, quibus simplex illa nostræ Ecclesiæ politia Anglicanæ ceremonijs præfertur; quibus Episcopalis dignitas Papalem fastum redolet, & pileus quadratus & superpellitium, & id genus alia, Papatus insignia videntur; hos (testor honorem meum) nunquam intellexi. imò verò tantum abest, ut de talibus rebus, quas semper adiaphoras æstimavi, rixandum



## Proœmium.

putem ; ut vtriusque partis eruditos & graues assertores pari honore & amore prosequar. Non nostrum est inter eos litem tam veterem componere. de fundamento fidei per Dei gratiam inter nos conuenit. Et ex polemicâ hac partium acerbitate pax Ecclesiæ turbatur, & schismatis occasione Papistis aperitur ianua, quâ redeant. Vna tamen his cautio est atque prouiso, ut suarum quisque opinionum conscientiam domi & apud se contentus sit ; neque in publicum, ubi legibus contrarium definitum est, eas producant ; nedum ut pernitiâ suâ schismatis aut seditionis in populo authores esse velint ; sed legibus & patriâ consuetudine acquiescentes modestiæ & paci studeant, & rationum momentis aut suam sententiam ceteris persuadeant, aut si alteram partem fortiozem senserint, positâ opinionum præiudicijs, ne erubescant accedere.

Hic sensus ex meo libro colligendus erat, sine ullâ religionis meæ aut remissione aut rimâ ; quemadmodum ex eo loco patet, ubi indicatis Ecclesiasticæ nostræ politiæ vitijs, filium hortor, ut bonis viris è Ministerio ; de quorum apud nos frequentiam Deo gratias egi, munificus esse velit : hos tamen omnes Ecclesiæ Anglicanæ ritibus aduersari in confesso est. Quin tantum abest ut religionem ullatenus velim corrumpi ; ut filium iubeam in Ministris ecclesiæ designandis sedulò providere, ne qua in receptam politiæ formam corruptela subrepat. Neque vniuersum Ministrorum ordinem vel Ministerium aliquando in crimen vocaui, sed quosdam è Ministris, quæ loquendi forma per totum illum librum mihi usurpata est. Sed quæ, obsecro, vel Momo teste, est illa religionis <sup>ad iudiciâ</sup>, cum filio multa denuncio incommoda, si fortè mihi superstes coniugem duxerit alterius religionis : quanquam profecto tam infrequens est Principum nobis consentientium numerus, ut haud facile sit illi prospicere de pari.

Quod ad aliam illam calumniam attinet, quòd vindictam aduersus Angliam aut quosdâ in ea Optimates ob maternam iniuriam mediter ; satis mirari non possum, unde rei tanta illis sit orta suspicio. Nam eo in loco Anglia nec disertis verbis mihi nominata est, nec testis adumbrata : at Scotos mihi in mente fuisse, vel ex hisce verbis satis apparet, quibus eam disceptationis partem sic fere concludo : me filij amore eo prouectum, ut quod sentio eloquar sine ambage : dum enim syncero veritatis indicio apud filium defungerer, quid rebellionum artifices aut patroni sentiant, parum referre. quomodò, obsecro, hic intelligi possint Angli, qui ubi nullum debebant obsequium, maiestatis aut rebellionis rei esse non poterant ? in memoriâ teneo illud Regina Angliæ, dum inauguraretur, scitissimum & vere regium apophtegma. Sed quid multis opus est, cum ex ipsius loci instituto facile appareat nullam aliam mihi mentem fuisse, quàm filio præcipere, ne probra in maiores suos dici pateretur : cui præcepto firmando meam de Scotis experientiam adiunxi ; sic tamen, ut nullum iniunxerim vindictam. Quod si scelus Macedonica simplicitate scelus dixerim, non ideo retractata intelligitur concessa semel sceleri venia. Matri ego meæ vno gradu proximior sum quàm meus filius : nec ita adhuc mihi ipse vilescō, nec ita senio inualidus sum, ut Dauidicum testamentum condere necesse habeam : quin hastâ quàm pennâ iustam vindictam scribere magis regium semper aestimaui. Sed

iii. Sed nolim esse in re ingrata prolixus : tantum voueo, ut ex præterita vita factis metiantur homines consilia futura.

Sic refutatis calumnijs, quantam satis est apud viros probos, inuidis autem relicto veneni sui pabulo; benignum lectorem obsecro, ut mentem meam hoc in libro benignè interpretetur. Non sum nescius, quanto illius desiderio plerique huius Insule homines flagrâint, dum alij, aut propter honestam quam de me opinionem conceperant, aut familiaritatis iure amici, studiosius legere cuperent, quicquid ab eo authore quem colerent & amarent profectum esset; quum librum non ignorarent veram esse scribentis imaginem: alij verò, quibus una est felicitas nouarum rerum notitia, huius quoque libri intuitu curiosos oculos satiare auerent, tantum ideo ne viderentur non vidisse: alij denique immeritâ authoris inuidiâ stimulatî alimentum hinc quærerent malitiâ; nihil desperantes, quin quicquid hic boni succi reperirent in vitiosos & noxios humores facile conuerterent. Diuersis his eandem rem cupientium studijs effectum est, ut maturius & sanè præter animi nostri sententiam liber ederetur. At tricipiti huic lectorum hydra fert animus triplicem obijcere clypeum, euidenciam, patientiam, candorem. euidenciam, ut amicorum ingenuitati satisfaciam: patientiam, ut curiosorum imperitiâ a quo animo feram: candorem, ut inuidiâ malignitatem non reformidem. Si omnibus placere nequeam, satis erit ijs non displicuisse quibus virtus placet: & horum quoque expectationi si non vbique pro rei dignitate satisfecero, velim expendant non omnia vni diuinitus data, sed aternâ iustitiæ lege varia varijs; deinde verò pluribus oculis plura cerni: non eandem denique esse omnium censuram, sed quot capita tot sensus: quemadmodum etiam in vultu earum formarum est infinitudo, ut facile ab altero quiuis secerni possit. Neque ego ab initio mihi proposui argumentum hoc, de Regis institutione, penitus exhaurire; adductis, quæcunque vel ab optimis authoribus, vel ab ingenio haberi poterant; sed tantum de huius Regni gubernatione ea filio præcipere, quæ illi discere & mihi docere conueniret.

Si videar alicubi minora quedam scrupulosius sectatus, id ipsius argumenti necessitas exigebat; non quo Principem vniuersim formabam, sed quo filium in plerisque iuuabam; quæ nisi specialius fuisset prosecutus, ut regni nostri & morbos & remedia; minor profecto ex generali tractatione ad eum utilitas redundasset. Eorum omnium cum mihi & theoria & praxis comperta esset, planius eloqui posse videbar, quàm umbratiles isti Magistri, qui regnorum ideas in Scholis contemplantur.

Quod si alicubi obscurus sum, id breuitati tribuendum, quam & meâ & filij causâ sequi necesse erat. meâ quidem, propter infinitas muneris mei molestias & labores, illis quoque satis notos, quibus ego famâ ignotus non sum. filij verò, quia in tenellâ ætate (haud ignotam rem loquor) ita voluptate & ludo abripiuntur Principes, ut grandioris libri vix aspectum ferant: in maturâ verò, sic actiuâ officij sui parte distinentur, ut contemplatiuæ non liceat vacare. ita prolixior commentatio nec illi erat utilis, nec mihi possibilis. Veruntamen eorum curiositatiparum me sentio debere, qui prolixitatis (ut videtur) tædio, cum transcriben-



di otium non haberent, nonnulla arbitrariè excerpserunt; dumque dimidiatam sententiæ partem prapropere arripiunt, parum pensi habuerunt alteram negligere. illi homini haud absimiles, qui è Psalmo citatis hisce verbis, non est Deus, antecedentiā dixit insipiens in corde suo omisit. ex istis autem pareccholis confecto libello, formā quidem <sup>quibusq.</sup> materiā autem curto, titulus (si Dijs placet) inditus est, Regis testamentum: quasi veteri & nouo testamento Regium hoc veluti tertium adiectum voluisssem. fateor mihi alicubi filium compellari tanquam testamentum condenti: ut taceam scriptas de rebus opiniones, quæcunque demum authoribus suis superstites sint, pro testamentis haberi. at à qualibet voce aut sententiā librum denominare nimis sanè est ridiculum.

Sed nouis hisce alienorum operum Nomenclatoribus & interpolatoribus sue inscitia relictis, vereor ut nonnullis, præsertim è vicino Angliæ regno, haud satis excusata sit nostra breuitas: qui quod in meâ Rep. feceram, id etiam fortè expectabant in suâ, ut vitia scilicet & remedia indicarem. sed vnica instituti mei ratio erat filio optimum, & qui mihi experienciā compertus erat, sui regni regendi modum tradere. Angliæ status non ita mihi cognitus fuit, ideò que de limitibus alicubi agens excusatum me haberi volui, si de illo regno nihil dicerem. Scio omni Reipub. suos esse nauos, nec ignoro quanti meâ intersit Angliæ prosperitas: & vel me tacente satis indicat origo mea: nihilominus cum iure illic rerum potitur Regina, quæ prudentiā & felicitate imperandi omnes inde vsque ab Augusto (præscinè dicam) superauit; mihi & experienciā & notitiā multò minori non conueniebat ardelionem illic agere, & in messem alienam meam falcem immittere. quin per Dei gratiam contra spero, antiquam illam viuendi regulam mihi semper cordi fore, Quod tibi fieri non vis alteri ne feceris. Neque ullus dubito, imò verò eius nomine spondere ausim (tanta mihi oboritur ex consuetà illius virtute fiducia) neminem ad bene monendum promptiorem fore, quàm illa ad id, quod prauum fuerit, corrigendum, aut, quod suâ integritate exciderit, restituendum. longè à me sit, ut eâ viuâ quicquam videar attingere.

Sic scrupulis exemptis, qui vel in speciem poterant offendere, restat mihi beneuolus Lector exorandus, ut fatum hunc nostrum magis æstimet ex parentis candore, quàm suâ perfectione. Mea enim vna tantum hîc laus est, quod nullibi ream peregerim virtutem, nullibi vitium absoluerim. quod si eam ornatus pompam non præ se ferat, at partium compositio nihil monstrari habet. Quum verò ab initio clam conscriptus fuerit nec nisi urgente necessitate iam editus, par est ab omnibus accipi pro verâ mentis meæ imagine, proque illâ regulâ viuendi, quam mihi & meis præscripsi; quæ ut præterita vitæ, quantum muneris mei ratio & tempora ferebant, directrix fuit; ita quoque index est & sponsor futura, ne quid aliud à me expectent homines, quàm quod hic meo chirographo & promissum & firmatum vident. quam mentem Deus Opt. Max. mihi cum vitâ & diademate simul indidit, & posteris quoque meis propriam fore confido ad regie nostræ functionis dignitatem & populi nobis subditi præsidium. Vale.



# DE REGIS OFFICIO ERGA DEVM.

## LIBER PRIMVS.



T alijs regendis impar censeretur, qui suos ipse affectus regere non potest; ita populo Christiano præesse non meretur, qui non ipse Dei notitiâ, & reuerentiâ, & amore præditus est. Neque verò impio Regi, quantumvis sudet, benecedere quicquam potest; vt nec ab impuro fonte quicquam purum manat. nam vt regius ait Propheta, *Ni Dominus domum ædificet, frustra laborât qui ædificant:*

*ni Dominus urbem custodiat, frustrat vigilat custos.* nec enim nisi Deo benedicenti successus imputetur: *Paulus plantat, Apollos rigat, sed Deus dat incrementum.* Disce igitur ante omnia, mi fili, noscere & amare Deum: cui duobus nominibus obstrictus es; primò, quòd te hominem; secundò quòd inter homines Deum quoque te fecerit, vt illis imperes, & eius solio infideas. Memento quantum supra cæteros eius benignitate euectus es, tantum illos superes gratitudine. In tuo oculo trabs erit, quod in alieno est festuca; & in tuo corpore vitiligo, quod in alieno est vitium; & *venialia* quæ vocantur errata, in te erunt crimina. Noli putare dignitate tuâ minui delicta, nedum vt delinquendi licentiam inde natam existimes. potius id cogita, honoris tui eminentiâ eorum grauitatem augeri. quicquid enim admiseris non est lapsus vnus; quum plus noceas exemplo, quàm delicto, tot mortales imitatione tui reos factururus. Memento igitur hunc humanæ gloriæ splendorem cælitus datum esse regibus, vt integritate & sanctimoniâ vitæ populo præluceant; vt sint tanquam faces, virtute & pietate accensæ, dirigendis errantium ciuium vestigijs. Memeto etiam ex cognitione & *timore Dei*, quod *principium est sapientiæ*, tibi emerfura omnia, quæ ad tui muneris functionem pertineant, seu Regem agere oporteat, seu Christianum. in Deo enim vt speculo humanarum rerum, quarum ipse creator & motor est, progressus omnes apparebunt.

Rectæ politiz  
basis.

Psal. 127.1.

1. Cor. 3. 6.

Principum  
erga Deum  
gemina obli-  
gatio.

Grauitas de-  
licti regij.

Vera princi-  
pum gloria.

Prou. 9. 10.

2. Timot. 3.  
16. 17.

Deut. 17.

Rom. 10. 17.

Circa quid  
versentur sa-  
cræ literæ.Cultus diuini  
duo gradus.Exemplum  
non negli-  
gendum.

Religio.

Methodus  
scripturæ.

Ad hanc autem cognitionem vnica tibi via aperitur, assidua nempe Diuini verbi meditatio cum indefessâ prece, vt intelligas. *scrutamini scripturas*, inquit Christus: *illa enim testimonium de me perhibent*. Et, *conuersa Scriptura*, inquit Paulus, *diuinitus inspirata est; vilis ad doctrinam, reprehensionem, correctionem, & iustitiæ disciplinam, vt homo Dei ad omne opus bonum perfectus reddatur*. Maxime autem regum interesse hanc diuini verbi meditationem ex eo constat loco, in quo bonorum regum populi Isiaelitici prima fit mentio; vbi disertis iubentur verbis legem Dei voluere & reuoluere. Audienda est quoque sacra doctrina cum attentione & reuerentiâ. nam (vt idem Apostolus ait) *fides est ex auditu*. Sed cautio hîc est, ne multorum more sacras literas ad tuos sensus detorqueas, quemadmodum campanæ sonum interpretari aliqui solent: sed contra ad expressam earum normam affectus tuos omnes exigas & componas.

In duobus potissimum versantur sacræ literæ, nempe in iubendis bonis & vetandis contrarijs. Tu in vtroque morem gere. nec satis sit à malo abstinuisse, ni bene agendo te exerceas. neu si multa bene egeris velari posse credideris, quæ admisces mala. Vt autem in duobus illis versatur sacræ paginæ institutio; ita in duobus quoque officijs posita est nostra obedientia. Prius est internum, ascendensque in Deum; nempe oratio per fidem: posterius est externum, descendensque ad proximum, nempe opera ex fide. quæ duo nihil aliud sunt, quàm exercitium religionis in Deum, & æquitatis in proximum. Ego tibi religionis articulos singillatim enumerare non habeo necesse. hypocrita non sum: meum sequere exemplum, vel, quod idem est, educationem tuam. Deo sit laus, nunquam me puduit, quid sentirem, palam fateri; quantumuis de me mentiri ausa sit hîc calumnia. Verùm ego religionem illam, quæ in regno meo iam palam obtinet, nunquam vel gratiâ vel metu coram mundo professus fuisset, ni conscientia mea mihi dictasset esse veram; id est, disertis sacræ Scripturæ verbis fundatam: quibus quæcunque religio destituitur, superstitio est; quæcunque aduersatur, abominatio est.

De æquitate in proximum supersedeo iam dicere; quia in secundâ parte huius operis, vbi de Regis officio propriè agitur, ea tractanda est.

**Religio** igitur nostra, quæ est Dei cultus iuxta reuelatam eius voluntatem, in sacris literis fundata est. fide illa animatur; custoditur conscientia. De Scripturâ in genere iam diximus: verùm vt ex ea facilius occurrat, quicquid ad institutionem tuam vel solatium faciat, hanc breuissimam methodum memoriæ committe.

Tota scriptura à Spiritu sancto dictata est; vt verbo illo vitæ militans in terris Ecclesia vsque ad finem mundi instruat regaturque: constat duabus partibus *Vetere Testamento & nouo*. *Veteris* fundamentum est

lex



lex quæ monstrat peccatum, & minatur poenam: *Novi* fundamentum est *Christus*, qui condonat peccatum, & exhibet gratiam. legis epitome est decalogus; cuius amplificatio est in libris Mosaicis; interpretatio & applicatio in Prophetis; obedientiæ & contumaciæ exempla cum præmijs & poenis in historicis. Verum quum neque toti legi, neque ulli ei parti satisfacere valeret humana infirmitas, visum est diuinæ clementiæ filij sui incarnatione & passione sibi satisfacere, ut qui operando salui esse non possemus, credendo salui fieremus.

De Lege.

Basis igitur verbi gratiæ est in quatuor illis historijs natiuitatis, vitæ, mortis, resurrectionis, & ascensionis Iesu Christi: interpretatio eius & vltus in Epistolis Apostolorum: At in Actis infantiae primitiæ Ecclesiæ historia est, intextis fidelium & infidelium vitis.

De gratiâ.

Libetne igitur in lege peccata tua inspicere? lege Moysen, ille monstrabit. An commentarium quæris ad legem? Prophetas reuolue & Solomonis in Prouerbijs & Ecclesiaste oracula; non solum ut inde discas qua ratione legi sit obtemperandum, verumetiam ut aureis instructus sis sententijs, & præceptis morum ad omnem omnino vitæ vsum: quale penu moralis prudentiæ, cum diuinâ consonæ, frustra apud Philosophos vel Poetas quæras. An mauis præmia scire bonorum, & malorum poenas? lege historias Moysi, Iosue, Iudicum, Ezræ, Nehemiæ, Estheræ & Iobi: sed imprimis illas Chronicorum & Regum, quas tibi omnino oportet esse familiares. in ijs enim, tanquam in speculo, teipsum contempleris in bonorum aut malorum Regum serie.

Vltus Legis.

At Saluatoris nostri doctrinam vitamque & mortem scire cupis? Euangelistas euolue. Quod si eo in ludo maiores adhuc progressus facere desideras, Apostolorum cognoscendæ tibi sunt epistolæ. Vin' autem doctrinæ Euangelicæ exercitium in hominibus Primitiæ Ecclesiæ videre? Acta inspicere. Apocrypha Papistis laudatoribus relinquo; in quibus multa referuntur, quæ Spiritus sancti stilum non redolent.

Vltus Euangelij.

Sed casto animo & verecundo scripturas legere oportet. quæ non capis reuerere; nec eorum, sed intellectus tui tenebras incusa. faciliora lege cum voluptate, difficiliora cum curâ & studio. Contextum ama, est enim optimus sui interpretes. vltra quàm ibi reperis noli exquirere. arrogantia est arcana scire velle, quæ Deus sciri noluit; præsertim cum nihil nos cælarit, quod scitu opus erat. Iis autem scripturæ locis maximè te oblecta, quæ ad tui muneris notitiam maximè faciunt; generaliorum & contentionum argutijs neglectis, quæ sunt inanes & inutiles.

Quomodo legendæ scripturæ.

*Fides* autem, religionis anima, persuasio quædam est, & apprehensio diuinorum promissorum, & eorundem animabus nostris applicatio. catena aurea meritò illa dici potest, quæ fidelium animas Christo coniungit. Ea quoniam domi nobis non nascitur, sed gratis à Deo cordibus

Fides religionis nutritrix.

bus



bus nostris inseritur, non nisi peccati potest, quæ nihil aliud est, quàm familiare cum Deo colloquium.

Precandi re-  
gula optima.

Precandi magisterium, secundum orationem Dominicam, absolutis-  
simam illam precandi regulam, pete è Psalmis Davidis, ex ijs tanquam è  
purissimo fonte hausturus, quicquid à Deo vnquam petere necesse fue-  
rit. Tibi autem hi magis accommodati sunt, quàm cuius è populo;  
quia Regem habent authorem, cui notissimum erat, quibus egeant Re-  
ges, & quid ijs à Deo petendum sit.

Precandi ex-  
ercitia.

Consuece orare, maximè cum solus es. at noctu caue ne quando  
intermiseris, quantumuis interdiu frequenter orâris. nam publicæ pre-  
ces exemplo non minus inseruiunt, quam precantis bono.

Precandi  
modus.

Inter orandum nolo apud Deum nimis sis hospes, vt ignara plebs,  
quæ Deum non alloquitur nisi è libro; neque etiam nimis familiaris, vt  
Pharisaici Puritani, qui supercilij suis Deo videntur imperare. hinc  
nascitur eius, quem oras, contemptus; illinc orationis tuæ languor &  
frigus. Tu Deum summâ cum reuerentiâ compella. nam si nec subdito  
aliter cum Rege agendum est, quanto minus mortalem vllum decebit  
cum Deo, tanquam sodale, fabulari?

Quid peten-  
dum à Deo.

Petenda autem sunt à Deo non modò spiritualia, sed etiam tempora-  
lia bona, nunc maioris nunc minoris momenti; vt concessa recondas in  
mente ad fidei tuæ confirmationem, & Diuini erga te amoris arrham.  
Ora vt animus dictauerit, & pro re natâ. Sed caue ne rem iniustam o-  
res, vt vindictam libidinem &c. ea enim oratio ex fide non est, & quic-  
quid sine fide est peccatum est.

Rom. 14. 13.

Quomodo  
oporteat pre-  
cum nostra-  
rum euentus  
interpretari.

Compos votifactus age Deo animitus gratias. sin è vestigio res non  
cesserit ex voto, tu ne cede: sed exemplo viduæ, quod non statim con-  
cessum est, importunitate orandi extorque. at si tandem repulsam tu-  
leris, scias, Deo ipso iudice, quod petis tibi non conducere: atque ad eò  
aduersa rerum, quæcunque diuinitus premunt, in hanc sententiam di-  
sces interpretari. sic non tantum fortiter & absque periculo pericula  
sustinebis, verum etiam læto erectoque animo certam à Deo in medio  
certamine expectabis victoriam, qui omnia mala tandem vertet in bo-  
num. quod semel expertus, cum ad aliud periculum deueneris, priore  
experientiâ vttere pro clypeo; persuasus & hoc quoque esse à Deo, &  
tibi in bonum olim cedere, vt vt nubes inter pluendum tibi non trans-  
luceat.

Conscientia  
religionis  
Cultos.

*Conscientia*, quam religionis custodem nominaui, est notitiæ illi-  
us, cordibus nostris infusæ, lumen; semper vigil, omnesque actus no-  
stros inspiciens; cuius testimonio lætantur qui bene agunt: at in sce-  
lere perpetuum sceleris sensum relinquit. ergo pijs non minori est so-  
latio, quàm impijs tormento. Nec enim id parui est momenti crimi-  
num indicem nobiscum circumferre, quæ nobis nouissimâ aut horâ  
aut

Totius vitæ  
index.

aut die obijcientur. unde, cum nobis libet, vel inuitimoneamur eorum, quæ ante mortem expianda sunt: vt dum adhuc tempus est agamus penitentiam, & in magno illo die compareamus amici stolis sanguine agni dealbatis. Ante omnia igitur annitere, *mi fili*, vt puram serues & intaminatam conscientiam: qualis hodie multis est in ore, oppidò paucis in corde. In primis verò à duobus morbis cauendum est, leprâ & superstitione: illâ atheismi, hac hæreseos parente. Leprosa ea conscientia est, quam Paulus *cauterio* dixit *inustam*: quia iam, securitatis callo indurata, amisit sensum peccati; quod Dauidi post adulterium & homicidium contigit, vsque dum Nathanis parabolâ compunctus sensum recepit. Superstitiosam intelligo, quæ peregrinum Dei cultum sequuta verbi authoritatem negligit, cui vera religio omnis innitur.

Reuel. 7. 14.

Morbi conscientie.

1. Tim. 4. 2.

Lepræ protherapeuticon erit, si quotidie ante somnum omnia dici acta curiosè expenderis; in Christiano tuo & regio munere quid feceris, quod omisisse melius erat; quid omiseris quod fecisse decebat. quo in examine noli tibi ipsi, cæco tui amore, blandiri, quo affectu omnes nimium laboramus, sed in te ipsum, velut in hostem, pronuntia. nam si vos ipsos iudicabitis non iudicabimini, ait Apostolus. tum verò iuxta seueritatem decreti corrige futura. At hæc æterna cautio est ne sciens volensque conscientiam olim læseris. Nam si, excusso conscientie freno, vel leuiora delicta sciens volensque admiseris; longè ea sunt coram Deo ijs criminibus grauiora, quæ cæco quodam animi impetu & dormiente conscientia designantur. Memineris igitur diem fore, quo tibi omnium ratio reddenda est. & vt totâ vitâ discas mori,

Leprosæ conscientie protherapeuticon

1. Cor. 11. 31.

Dies supremi examinis.

*Omnem crede diem tibi diluxisse supremum.*

Horat. lib. 1. epist.

Nolo enim cum Papistis subitam & improuisam deprecari mortem, sed potius sic viue, vt semper paratus sis mori. ita veram fortitudinem consequeris, ne mortem, cum venerit, olim reformides. Caue etiam, ne mendacio aut iureiurando conscientiam vulneres; vt vt id ioco factum possis interpretari. assuetudine enim discimus iurare: quod peccatum nec voluptate nec emolumento gratiosum est; eamque ob causam etiam apud homines excusatione caret. Ex prauâ etiam consuetudine, qua pudor è vita exulat, oritur mendacium. Ideoque nec tibi veritas vnquam neganda est: quod ipsum quoque mentiendi genus est, sed tui ordinis hominibus vitatu facillimum. Nam propositâ quæstione, cui nolis satisfacere; si responderis quærenti, nihil eam rem illius interesse; quis vltèrius percontari audeat? quo responso si subinde, & in rebus falsis pariter ac veris, vsus fueris; percontatores hialiquoties frustrati desinent tandem impudentiæ.

Vera fortitudo.

Abusus iuramenti.

Vt autem superstitionis morbo liberam habeas conscientiam; neque tuis ipsius inuentis, neque aliorum, licet doctissimorum, ingenijs confidere oportebit; verum disertis sacræ Scripturæ verbis inniti. Conscientia

Contra superstitionem.



scientia enim, quæ scientiæ certitudine subnixa non est, aut ignorantia est aut arrogantia. duo igitur extrema tibi vitanda sunt; ne, scilicet, Ecclesiæ auctoritatem certissimæ tuæ scientiæ cum Papistis anteferas; deinde, ne tu tua ipsius commenta & insomnia cum Anabaptistis amplexeris.

Externarum  
internarum-  
que rerum  
differentia.

Verum hîc sedulò distinguendæ sunt res fidei ab adiaphoris; substantia religionis à ceremonijs; & Dei voluntas reuelata in verbo à traditionibus hominum. quicquid enim ad salutem necessarium est, in sacris literis habetur. Iam verò circa res ab ipso Deo iussas aut veritas, vt vt eæ videantur exiles, nimium scrupulosus esse non potes. neque etiam populari lance hæc talia expendere conueniet, sed aureâ diuinæ voluntatis statêra. cætera, quæ æterno illo decreto sancita non sunt, retine, muta, euerte, prout temporis requirit necessitas. Cum igitur Pastores ecclesiæ ex diuino verbo tecum egerint, eos reuerere, vt Dei altissimi caduceatores; & fac omnino quod iubent. sin extra cancellos vagantes, sua aliqui commenta obtruserint, priuatisque affectibus zelum obtenderint; vanos homines & ab officio suo deuios eâ, qua par est, auctoritate reuoca in sui muneris orbitam.

Rerum exter-  
narum æsti-  
matio.


Conclusio.

Tandem vt quod de conscientia capimus cum primâ huius operis parte finiamus, Deum in ore habeas parcè, in corde frequenter: intus illi soli viue, rigidus, seuerus: foris autem omnibus, affabilis, communis. & quod aues virtutem, oderis vitia, magis reipsa appareat quàm verbis; malisque esse, quàm haberi probus aut pius. siquidem in cælis, non in terris expectanda est horum merces. Quodque Christus de eleemosyna & precibus mandauit, vt clanculum eæ fierent, id de totâ tua vita dictum puta. Ita non solum verâ & Christianâ humilitate intus ornabere, & aretalogi Phariseo perquam dissimilis coram Deo fateberis, inutilem te seruum esse, cum omnia feceris quæ potes; ipso Christo verba præeunte: verum etiam turpissimâ simulationis & dissimulationis, & vno verbo, hypocriteos crimen coram hominibus vitabis.

Luc. 10. 17.

D E.





## DE OFFICIO REGIS IN SVBDITOS

### LIBER SECVNDVS.



ED cum duplex tibi demandata sit prouincia, cauendum est, ne alterutrum remissiùs administres : neu dum Christianum hominem agis laudabiliter, regiam personam in æquitatis & iustitiæ procuracione exhibeas oscitanter. Æquitati autem & iustitiæ duplici ratione satisfeceris. primò si optimas leges & sanxeris & exercueris : nam in vsu est legis anima : deinde, si tuo ipsius & comitum exemplo populum ad bene viuendum inuitaueris. Ita enim inter homines comparatum est, vt simiorum more Regum suorum mores imitentur : quemadmodum diuinus Plato obseruauit, & Poeta his ex eo verbis expressit,

*Componitur orbis*

*Regis ad exemplum : nec sic inflectere sensus  
Humanos edicta Valent, vt vita regentis.*

Officium Regis.

Plato in Polit.

Isocrates in Syon.

Plato in Polit.

Claudian in 4. Conf. Honorij.

Regis & tyranni discrimen.

Plato in Polit.

Arist. 5. Polit.

Xenop. 8. Cyr.

Cicer. 5. de Rep.

Vt autem faciliùs intelligas, quæ tuæ sunt partes in legibus ferendis exercendisque, discrimen tibi inter Regem & tyrannum obseruandum est. contraria enim iuxta se posita magis elucescunt. Rex agnoscit se populo natum, & regno à Deo præpositum, cuius administrati ratio Deo quoque reddenda sit : Tyrannus populo se factum negat, immò verò omnia arbitratur in libidinis suæ & cupiditatis prædam iure cedere, vtpote magnanimitatis suæ præmia. Et vt scopum contrarium vterque sibi proponit, ita etiam contrariâ viâ ac ratione in illum feruntur. Rex bonus nihil putat laudatius, quàm cum laude suo munere defungi; ideoque bonarum legum sanctione & vsu, omnique præterea consilio & ope tranquillitati bonoque populi inuigilat; quemadmodum patrè patriæ & benignum Dominum addecet, cui ex ciuium fælicitate maxima oriatur voluptas, ex eorùmque amore vnica securitas; qui suos affectus & vota salutis populi postponat, & bonum publicum suam interpretetur

Arist. 5 Polit.  
Tacit. 4. hist.

Boni regis ex-  
itus & merces.

Exitus Ty-  
ranni Arist. 5.  
Polit.  
Isoc. in Sym.

De legum san-  
ctione.

Comitiarum  
authoritas &  
vetus usus.

L. 12. Tab.

Cic. 3. de Le-  
gib. & pro D.  
f. & pro Sect.

pretetur opulentiam. Tyrannus nihil ducit gloriosum, nisi per fas & nefas suæ ambitioni inferuire: nec nisi per factiones & intestina ciuium dissidia se tutum arbitrat. tantisper ille pietatem præ se fert, dum rerum potiat: at compos voti leges aptabit affectibus suis, rempub. cupiditatibus: omnes faciet miseros, ut se locet in tuto: denique vitrici & mercenarij more ex Reipub. dispendijs rem priuatam faciet. Quàm autem dispares sunt vtriusque mores, tam dispar quoque eos insequitur merces. Nam bonus Rex, laudabili & felici defunctus imperio, moritur sine sanguine; & ciuibus luctu, vicinis admiratione, omnibus vero virtutis suæ famâ relictâ æternæ felicitatis coronam assequitur in cœlis. & licet etiam ex his nonnulli (quod rarò tamen accidit) ciuium suorum parricidio intereant, at certè neque eorum fama neque parricidarum infamia vnquam interibit: ut taceam supplicia, quibus in hac vitâ certo certius vindicatur sceleris illius atrocitas. Turpis illa & maculosa tyrannorum vita tragicè finitur. quos habere se putant subditos, faciunt carnifices: ultione (fateor) semper iniustâ & ultoribus indignâ; sed quam sui non dolent, exteri etiam rident. ita ille populo vixit inuius. Itaque ad scelerum memoriam in terris superstitem, & non morituram in inferno pœnam hoc quoque accedit calamitatis, ut iure cæsum sanciat posteritas.

Tu mi fili duobus hisce propositis, quod melius est elige & imitare. regiamque illam & arduam virtutis viam ingredi: in qua si lapsus fueris non erit indecorus casus, nec hominibus bonis indefectus.

Vt nunc igitur eò, vnde digressa est, reuertatur oratio; sanctionem legum tuæ permitto prudentiæ, & prout noua in populo vitia, nouas corruptelas obseruaris: nam ex malis moribus bonæ leges natæ sunt. quanquam vereor, ne in hoc Regno iustior sit de legum executione, quàm de numero querela. de illa igitur pauca præcipere est animus. Hoc vnice caue, ne in comitijs, quæ legibus rogandis primò destinata fuere, priuatorum hominum negotia tractari permiseris. Nam ut ille ordinum confessus amplissimus censei debet, Regis videlicet suprema Curia, & (si ex primæuâ institutione censeatur) ad leges rogandas apertissima: ita si à vero usu ad priuatas ciuium controuersias trahatur, nihil illo cogitari potest iniquius. Videbis legum specie aduersus partes sententias pronunciari grauissimas, & (quod pessimum est) irreuocabiles; cum interea ordines ipsi nesciant plerumque, cui noceant. Comitia igitur ne indixeris, nisi legum ferendarum causâ, & id raro. nam in bene administratâ Republicâ paucæ leges sufficiunt, modo non otiosæ. De proscriptionibus quoque in Comitijs agi solet: sed id genus ultionis rarius censeo tentandum; nec nisi in criminibus atrocioribus, quæ proscriptos veniâ & restitutione in integrum prorsus faciant indignos. Leuioribus delictis aliæ pænæ satis acres constitutæ sunt.

Vt



Vt igitur quod leges imperant, vt oportet, exequaris ; reuoca tibi in memoriam, in eo quoque distingui tyrannum a Rege, quòd specie probitatis fucum ille faciat populo, dum confirmet tyrannidem ; tum verò cupiditates indomitæ primò erumpent in neruum. Noli tu æmulari Neronis quinquennium, aut molle illud votum, *Vellem nescirem literas* : quin potius in transgressores, quicunque demum fuerint, leges exerce. nec enim precariò, aut vi ; sed successionis & sanguinis iure regnum adeptus es ; nec est quòd seditionum metu impunita dimittas scelera ; id quoque persuasus, maximam hominum partem naturâ suâ esse Iustitiæ amicos. Quemcunque autem punieris id iustitiæ amore feceris, non vt iustitiæ obtentu cupiditati tuæ satisfacias. nam coram Deo homicidij reus eris, etsi ille pœnam iure meruerit, quem punis. Nec enim tam respicit Deus quid egeris, quàm quo consilio egeris.

Seuerâ iustitiæ manu sic firmato imperio ; cum populus iam senserit posse te, vbi vsus est, ferire ; in posterum licebit tibi iustitiam misericordiâ temperare ; parcere aut plectere, prout nempe delinquentis error aut voluntas, aut ante acta vita videbitur mereri. Nam si ab initio clementiam ostentes, crescet in immensum delinquentium numerus, crescet tui contemptus : & cum punire volueris maior erit fontium quàm insontium numerus : nec promptum erit discernere, vnde facere oporteat initium pœnæ. atque ita multos perdes inuitus, quos tempestiuâ paucorum pœnâ seruare potuisses. Tu meo ex periculo potes hîc esse cautior. nam cum ego mansuetudine meâ instituissem populum trahere ad legum obedientiam ; contrâ accidit, vt omnia plena facta sint tumultibus, ego verò pro mercede ne grates quidem retulerim.

Quamuis autem seueritas hæc tua (vt iam dixi) temporaria futura sit, ea tamen est quorundam scelerum enormitas, vt nunquam sine scelere condonari possint : cuiusmodi sunt Magia, homicidium deliberatum, incestus intra veritos consanguinitatis gradus, exhibitio veneni, adulteratio monetæ, pæderastia. Si quis in te deliquerit, aut tuam auctoritatem læserit ; tuo ipsius arbitrio, qui læsus es, & pœnam & veniam permitto, vt inspectâ delicti indole, & delinquentis ingenio, statuas, quod è repub. maximè esse iudicaueris.

Criminibus illis quæ extra spem veniæ constitui, vnum adhuc libens adiungerem, ni parci iudicis in hac causâ suspensionem vererer. id tamen, mi fili, te non cælabo, vt vt eo indicio verecundiæ fines transire videar. Est igitur crimen illud, nonnullorum hominum in scribendo & loquendo aduersus Parentes & Maiores tuos acerbitas. nosti diuinæ legis præscriptum, *honora patrem & matrem*. Tu cui ea potestas data est, noli permittere, vt impunè vlli liceat parentes & Principes, maiores tuos incessere. Ad te quoque pertinet apud posteros hoc exemplum. quicquid enim in decessores tuos licere voluisti, idem quoque in te statuent

De Legum executione.

Vsurpanda in principio regni seueritas. Sen. de cl.

Arist. 7. Polit.

Plato 2. &amp; 10. de Repub. Cic. ad Quir.

Laudabile temperamentum. Plato in Polit. &amp; 9. de L. Sal. orat. ad Cæs. far.

Exemplum domesticum.

Crimina sine veniâ.

Crimen læsæ maiestatis vel dignitatis regis.

Contumeliæ regij stemmatis.

Exod. 20. 12.

Plat. 4. de Legib.



vicissim licere. Nemo nostrum (fateor) est sine crimine, quod & coram Deo agnoscere & corrigere omni ope debemus: at publicæ dicacitatis materia ea esse non debet. Et quum nemo hodie viuat Princeps, quicum maiorum nobilitate non audeas certare; coercenda est eorum malignitas, qui dum vitijs simulant se hostes, stirpem regiam satagunt infamare, & populi beneuolentiam à posteris auertere. Nam quo pacto te ament, qui stirpem tuam oderunt? aut quare vulpium, luporumque prolem etiam lactentem occidimus, nisi quia genus nobis inuisum est? quare Neapolitani equi pullus carius vānit asinino, nisi generis gratia? Prodigij simile est, si quis filium diligat & parentem oderit, imò nulla est ad illius contemptum procliuior via, quàm per huius infamiam. Quam rem meâ ipsius experienciâ possum confirmare. Vt enim supplicia taceam quæ hisce oculis inflicta in eos vidi, qui aduersus parentes meos perduelles fuerunt; hoc ausim dicere, ex ijs, qui tum temporis adultæ ætatis erant, neminem mihi in angustijs fidum repertum, nisi qui parentibus meis fidelis fuerat. Eos præcipuè intelligo, qui Reginæ matri operam dabant. Modo enim tibi quod res est bonâ fide indicem, mi fili, quid perduellionis rei fautoresque senserint susque deque habeo. Nescio an effrenem hanc nobilium virorum licentiam, qua debiliores superbè opprimunt & affligunt, inter priora crimina connumerem; cum iam primæ notæ hominibus virtus ea esse cæperit: certè vindicem Regis manum inter præcipua exposcit. Tu sedulò in istos inquire, & seuerè reprime; vt ponant tandem supercilia, & æquali iure viuant cum cæteris. Suscipe causam pauperis & afflictæ vt tuam: & id demum verè regium putato, superbos deprimere. neque hic cuiusquam gratiâ moueberis, neque tuo parces labori, vt miserorum vindices iniurias. Veniat tibi in mentem, auo meo, laudatæ memoriæ, splendidum partum titulum, quum, ob debiliorum patrocinium, *Rex pauperum* appellaretur. Et cum in priuatorum litibus componendis præcipua regij officij pars versetur; meminisse oportet Dei thronum esse, cui infides: vbi ad dextram aut sinistram deflectere, vel diuiti fauere aut pauperis miserari non licet. Iustitia oculis orba est & amicis. illic tuis gratificandi, aut hostibus aduersandi nullus est locus.

Hic res ipsa monet, vt de Montanorum, & Limitaneorum hominum ex lege vitâ nonnulla subtexam. Montanos nostros, linguâ & origine Hibernos, in duo genera distribuo. Vnum est eorum, qui Scotiæ continentem habitant, quibus in magnâ barbarie superest tamen aliqua humanitatis species. Alterum est Insulanorum, omnino ferum & agreste, omnisque planè ciuilitatis expers. Priores facile erit in officio continere, si leges exerceas aduersus Tribuum Principes, à me latas. Posteriores domabis, si meo exemplo colonias è continente in insulas deduxeris, idoneorum ciuium, vt eorum conuersatione humanitatem dif-

cant,

Tyrannica  
Procerum  
superbia.

Arist. 5. Polit.  
Isoc. de regno  
Cicer de offic.  
& ad Quin. fr.

Regis gloria.

Exemplar imi-  
tandum.

Deut. 1.

Plato in Polit.  
Cic. ad Qu. fr.  
Arist. 1. Rhet.  
Plat. in Il.

De Montanis.

cant, quibus paulò melior est indoles. cæteri deploratæ feritatis aut è medio tollendi, aut aliò transferendi.

De Limitaneis, non est quod multa tibi ingeram; si totius Britannia imperium, quod tibi diuino humanoque iure debetur, olim fueris consequutus. istos tunc in medio positos legibus tam facile ac cæteros frænabis. sin aliter (quod non spero) euenerit, tum verò nec Borealis huiusce & sterilioris Insulæ partis, nec tuæ vitæ tibi secura erit possessio.

De Limitaneis.

Vt igitur iustè prudentérq; populum regas, multum scire expediet, quibus à natura morbis affici soleant: quemadmodum medici ægrorum curationem non ante aggrediuntur, quam peccantis in corpore humoris indolem perspexerint. At quibus præcipue vitijs singuli huius regni ordines tententur ipse expertus notabo. de Anglorum moribus, inter quos nunquam vixi, nihil temerè pronuntiabo; quamquam, Deo fauente, sperem me hospitem in eâ Republicâ non moriturum.

Res notatù digna vt bene regnes. Plato in l'oliti.

E tribus ordinibus hominum; in quos, antiquo huius regni iure, subditi omnes diuisi sunt; nullus est, qui non suis laboret vitijs, quæ longo iam vsu fere apud eos, pro virtutibus habentur. non quòd in singulis ordinibus nemo reperiatur purus contagione; bonos enim & malos vbique offendas; sed quia mihi experienciâ notum est, eiusmodi vitijs ipsos hominum ordines tentari. & ne videar Ecclesiæ prerogatiuam lædere, ea primas in hoc examine tenebit.

Trium ordinum examen.

Hæreditarius ille morbus, qui à mundi initio Ecclesias afflixit & pessum dedit, ab vnâ ad aliam translato (vt Ioannes ait) candelabro, est ambitio mixta auaritiâ. vnde etiam nostrâ & Parentum memoriâ Papatus inter nos, & alibi gentium subuersus fuit. At verò religionis in Scotiâ reformatio non sine arcano numinis auxilio peracta fuit. tam multa in populari tumultu, & rebellionem ciuium perturbatè facta fuere, ab ijs, qui suis indulgentes affectibus Dei opus nescientes promouebant (vt ex magnificentissimorum operum ruinis apparet) & hæc omnia absque Principis iussu: contra quàm in Angliâ & Daniâ factum est; varijsque Germaniæ partibus.

Ecclesiæ morbi.

Occasio Tribunitiæ potestatis Patritiorum.

Hic è ministerio homines nonnulli præcipientes, ignei, audaces, in hac humanarum diuinarumque rerum confusione, tam gratiosi ad plebem facti sunt; vt, degustatâ dominationis dulcedine, ceperint Democraticam Reipub. formam sibi somniare: & primò auiæ, deinde matris meæ subuersione elati (& nimium sanè blandiebatur ijs successus) postremò pupillari meâ ætate ad Democratia suæ stabilimentum diu abusi, iam potestatem tribunitiam spe certâ deuorauerant: vt in populari Republica, cum plebem, quò vellent, facillè circumducerent, omnium negotiorum momenta soli temperarent. Itaque nulla in meâ pupillari ætate, vel post, seditio contigit, quin hos homines sui furoris & amentia pa-

Tales erant Athenis Demagogi.



Regiæ potestatis oppugnation.

tronos seditiosi facere conati sint. Crebræ aduersus me in tribunitijs concionibus calumniæ spargebantur; non quòd crimen aliquod defignassem, sed quia Rex eram, quod omni crimine peius habebatur. Ac quoniam hanc odij causam palàm profiteri pudor erat, sollicitè in vitam meam morèsque inquirebant, minima quæque errata augentes in immensum, rumoribus etiam falsis ad calumniam arreptis: & quam omnino videri volebant culpam ab officio, & vitium ab homine distinguere; larua tamen incautis nonnunquam decidebat; & consilia, quæ tanto studio tegebant, suo prodebant indicio; nempe omnes Reges & Principes Ecclesiæ libertati esse inimicos, & iugum Christi non ferre æquanimiter. hac doctrinæ salubritate suos illi greges pascabant.

Paritatis obtentus.

Quoniam verò è Ministerio viri eruditi & probi, quos temeritatis huiusce & audaciæ pudebat, reuocare nitebantur temerarios ad consilium, abnormes ad modestiam; nec minus exemplo, quam voce, malè sanos corrigere; tum verò homines factiosi vnum furoris sui præsidium in paritate collocârunt; qua freti homines improbi, audaces, imperiti, pios, sapientes, & modestos redarguerent. Est hæc paritas mater confusionis, inimica vnitatis, quæ est ordinis parens: quod genus si vt in Ecclesiâ ita quoque in Repub. obtineret, omnia certo certius misceri necesse foret. Si vtramque ames, ex vtraque pestem hanc egere; Puritanos inquam, quos nec beneficijs deuincias, nec iureiurando fidos facias, nec promissis constringas; sine modo ambitiosos; sine causâ maledicos; nec quicquam spirantes nisi seditiones & calumnias; quibus vna conscientiæ regula est, non diuini verbi autoritas, sed commentorum suorum vanitas. Testor illum magnum Deum (nec testamentum condenti fas est mentiri) nunquam inter Montanos aut Limitaneos nostros latrones maiorem ingratitudinem, aut perfidiam reperiri posse, quàm inter hos phanaticos nebulones. nec patere, si pacatè viuere decreueris, vt hi eadem tecum patriâ fruantur, nisi fortè patientiæ experiendæ ergò, vt Socrates vixit cum Xanthippe.

Malum in Repub. seminarium.

Xanthippe.

Antidotus huius mali.

Paritatis & Monarchiæ oppositio.

Vna est contra hanc pestem cautio; si è Ministerio viros doctos & pios, quorum in hoc regno (Deo sit gratia) satis magnus est numerus, ad Episcopatus, aliosque in Ecclesiâ honores selegeris, pudendâ illâ ANNEXATIONIS lege, nisi mea opera antiquatam inueneris, abrogatâ. ita, subrutis fundamentis, non modo imaginariam illam paritatem euertes, quæ cum legitima administratione Ecclesiæ, aut Reip. pace, aut Monarchiæ bene institutæ legibus nunquam conueniat; sed etiam in regni comitijs antiquum illum trium ordinum honorem restitues, id quod aliter fieri omnino non potest. Ego tibi hac in re (si Deus dederit) viam præmuniam; tu, quod reliquum erit, iisdem vestigijs persequere.

Ad



Ad summam, id tibi de ordine Ecclesiastico consultum velim, ut bonum pastorem impensè diligas, superbum Puritanum impensè oderis; nec vllum titulum splendidiorem putes quàm ut *Ecclesiæ nutritius* saluteris. Templà omnia pastoribus, Scholas, ecclesiæ seminaria, Doctōribus instruas, annonisq̃ & salarijs ornes, doctrinam & disciplinam sine labe conserues, fastum deprimas, modestiam prouchas. ita, dum potestati superiori debitus à Pastoribus deferatur honos, & Pastoribus à grege, pietate, pace, literis florebit Ecclesia, tuque ex eà re summum capies oblectamentum.

De Ecclesiæ  
consilium.

Cæterum non minus cauendum censeo à superciliosis istis Romano Pontifici addictis Episcopis, quàm à Puritanis: ut quemque igitur ad dignitatem istam selegeris, statim ijs legibus circumscribere oportet, quæ omnem corruptelam facillè excludant.

Ecclesiastico ordini succedat Nobilitas; cui licet in Comitij regni secundus tribuitur locus, facillè tamen seu bene agere libeat, seu male, primas ea tenere censenda est.

De moribus  
Procerum.

Ego proprium huius ordinis, & veluti hæreditarium obseruavi vitium, inanem quandam magnitudinis & potentiæ suæ persuasionem. indeusque à teneris annis peltiferâ opinione imbuti sunt, sibi suam non constare dignitatem, ni triplici se nobilitarint iniuriâ. Prima est, quòd debiliores in seruitutem redigant; & vicinos, licet nullo ijs nomine obnoxios, ad obsequium cogant. secunda est, quòd clientes suos, quicquid demum contra leges admiserint, omni ope defendant & tueantur. nemini enim vitio verti potest, si iustam amici causam, quantum potest, promoueat. tertia est quod aduersus æquales, à quibus se læsos interpretantur, capitales inimicitias suscipiant; easque, Deo, & Rege, & Republicâ insuper habitis, inhumaniter & superbè exerceant, homo contra hominem, & tribus contra tribum. quin & Regem suæ modestiæ non parum æstimant debere, si, pacis publicæ ergò, in paucorum dierum inducias eius iussu consenserint: cum tamen ipso naturæ iure teneantur legibus obedire, & pacem vel capitis sui periculo sanctam tectam conseruare.

Hisce malis ut obuiam eas, nobiles condocere oportet, ut legibus iuxta cum infimis pareant. quorum indignationes & iras, dum tibi bene conscius es, securus spernas. Nunquam enim istis Principum Reformatoribus res bene succedit, nisi vbi insignita quædam præcessit regiminis deformitas. Ergo cum Baronum tuorum, & Nobilium probissimo quoque familiaritas tibi contrahenda est; tum honesti loci atque ordinis hominibus, quibuscunque demum, ea tui facienda est copia; ut affabilitatis fiduciâ coràm de rebus suis, metu posito, tecum agant, neu Comitum tuorum intercessione indigeant. Sanctorum enim mediatio est Papistice superstitionis. Ita istorum fastum ad mediocritatem &

Horum malorum remedia.  
Arist. 5. Polit.

Xen. in Cyr.  
Iloc. in Eu.  
Cicer. ad Q.  
fr.

modestiam reuoces. Capitales autem inimicitias hoc pacto optime compones, si leges aduersus eas à melatas exerceas; initio quoque ab ijs facto, quos tibi præter cæteros deuinxeris, vt illi omnibus exemplo sint, quibus ipse maximè faues. Quùm à Vestâ (vt dicitur) & à tuo lare emendationem inceperis, paulatim inde adusque regni fines fœliciter perduxeris. Neque enim cessandum, dum harum inimicitarum barbariem, quarum nomen etiam exteris ignotum est, penitus aboleueris. Tu etiam atque etiam videris ne leges meas, de Bombardis, & Pistolis quas vocant vnquam otiosas esse patiaris. neque verò de illis, qui infame hoc armorum genus portare aufint, alia tua vox sit, aut sensus, aut supplicium; quàm de ficarijs & latronibus.

Verùm alterum extremum non minus sollicitè deuita; ne nobilitatem tuam negligere, aut despicere videare, qui error auo meo cum mœrore mortem attulit. Considera, claritati generis vulgo comitem esse virtutem: & viris nobilibus, vel maiorum suorum gratiâ, cultum deberi. Qui igitur ex hoc numero legibus parent, patres & proceres regni agnosce. & quanto fuerit aula tua his talibus stipatior, tanto maiori tibi ducito ornamento. horum, in maximi momenti negotijs, vt re cōsilio & operâ: nec sanè in hoc regno alia esse possunt aut Regum, aut Legum brachia. Ita obsequentibus te comem præbe, & contumacibus seuerum; vt summi persuasum habeant nihil fore sibi maiori præsidio, aut honori, quàm si cum imis de obseruantia Legis & Regis ineant certamen. hoc enim eorum auribus semper inculcandum est, nullum seruitij genus tibi fore acceptius, quàm si ipsi præstent, & ab alijs præstari faciant legibus obsequium, absque quo cætera omnia quæcunque præstare poterunt, ingrata fore.

Sed nihil est quod legum vsum magis impediat, quam iuris regalis hæreditaria penes quosdam nobiles potestas; vera totius regni calamitas. Nihil mihi in præsentia consilij hîc succurrit, nisi vt seuerissimam a singulis exigas officij rationem, &, quantum leges permiserint, cessantium castiges ignauiam. & si quis potestatem hanc suo vitio amiserit, nemini post illum hæreditario iure eam concesseris. Verum ad laudabilem Angliæ consuetudinem omnia hæc paulatim aptare studebis, quod tibi factu erit facilius, quum ibi quoque (vti spero) rerum potitus fueris.

Nunc ad tertium illum Ciuium ordinem veniamus (nam minorum gentium Barones nobilibus accensemus) ij è Mercatoribus, & opificibus mixti sunt, quorum vtrique suis laborant malis.

Mercatores Rempub. ideo institutam putant, vt ipsi locupletentur; & ex populi incōmodis ditescere is verò est legitimus eorum quæstus. res necessarias exportant, reportant verò interdū inutiles, interdū nullas. Vilissimas nobis merces emunt, quas carissimè distrahunt: & quanquā  
annonæ

Plato in 1. Al.  
in pol. & 5. de  
1. Arist. 2. c.  
con.

Xenop. in  
Cyr.

Iuriū regali-  
um hæreditas.

Mercatorum  
mores.



annonæ pretium, pro copiâ & inopiâ, mutari soleat, nunquam tamen mercium pretia apud eos mutantur, nisi in maius. tanta illis est in malâ consuetudine constantia, ac si pragmaticâ sanctione stabilita foret. Horum culpâ monetæ etiam bonitas degenerat: nostram enim exportant, alienam ad nos referunt, quacunque ipsis libitum est æstimatione. Aduersus hos, & similes eorum mores, leges habemus, quas tibi censeo exercendas: sed tria hæc sedulò curato: vt, honestos, industrios, & paucos constituas inquisitores (remissè enim fiunt quæ fiunt à pluribus) quibus Fiscalem, virum fidum & acrem præficies. Deinde externos ad te negotiatores inuites; vt optimas merces à primis venditoribus emas vilissimè. Pretia denique idonea rebus constituas, obseruatâ aliarum regionum æstimatione; cui si nostri stare nolint, liberum esto alienigenis quibuscunque ea mercium genera aduehere.

Plato. 2. de Repub. 8. & 11. de leg.

De moneta consilium.

Et quia facta est pecuniæ mentio; ex puro auro argentoque eam fieri volo; nec pondere illudi populo, sed satisfieri bonitate. ita Rempub. ditabis, & si belli aut aduersarum rerum ingruat necessitas, instructum habebis ærarium. Nam vilioris metalli mixtione quæritum quidem facere possis; sed nollem id à te fieri, nisi aliàs vitare nequeas.

De artificibus. Plato 1. de legib.

Angliæ prudens factum.

Plato 9. de legib.

Ea est opificum nostrorum de seipsis opinio, vt nec pretia, quæ statuant labori, patiantur minui; neque etiam argui incitiam. si alterutrum feceris, ægre illi ferent atque indignabuntur. Tu nihilominus hac in re Angliæ sequutus exemplum; quæ postquam peregrinos artifices admisit, mirum in modum floruit; non tantum copiam veniendi facies, sed vltro etiam externos inuitabis. quod si ex voto successerit, tum tuorum aduersus illos inuidiam seuerissime coercebis; vt in primo illo exterorum opificum aduentu in Angliâ factum nouimus.

Morbus populi.

Sal. in Iug.

Vnum restat vitium, quod plebem nostram & ruri & vrbe peruasit; effrenis de principe loquendi, & iudicandi temeritas. Respub. his architectis formatur noua, præsentium fastidio, & desiderio futuri, licet ignoti. Cuius petulantia medela (si leges iam latas excipias) nulla mihi videtur oportunior, quàm si ita officio tuo fungare, vt vanis atque impudicis hominibus os obstruas: tantæque sollicitudine populi bono inuigiles, vt ne Momo quidem ipsi supersit calumnia: & sic cum seueritate misceas clementiam, vt & procacibus istis capistrentur ora, & modestioribus non modò sua constet incolumitas, verum etiam ex tuâ benignitate commendationis & præconij oriatur occasio.

Arist. 5. Politic. I foc. in Paneg.

Eam ob rem, & vt mutuam inter ciues foueas concordiam, non abs re fuerit spectaculis, & ludorum celebritatibus, & armis tractandis anniuersarios dies instituere; & vicinos ad conuiuiorum festiuitates cogere. Nec enim video, quâ maior sit ludorum in Maio, vel epularum in natali Christi die superstitio, quàm ieiunij quadragesimalis, aut abstinentiæ à carnibus diebus Veneris; cum Papistæ vtrumque pari diligentia



gentia faciant : si modo diem Dominicum, ludicris istis exemptum, Deo soli consecremus. Tu istam populo placendi rationem, quæ in omni bonâ Repub. honestissimè obtinuit, si reduxeris; Vetus illud merebere,

Horat de art.  
poet.

*Omne tulit punctum, qui miscuit vile dulci.*

Vides, mi fili, vt, desiderio tibi omnia syncerè indicandi, non dubitarim paulò magis esse Satyricus; & omnium in meo regno ordinum vitia acrius perstringere. sed testor Deum paterno in omnes animo id factum, & solius vitij odio; quùm in singulis ordinibus bonos viros reperiri quamplurimos non ignorem.

Plato in Polit.  
& Min.  
Tacit. 7. an-  
nal. Mart.

Vt autem deprauatos hosce hominum mores facilius emendes, multum vtique intererit, populi ingenia, immò verò vniuscuiusque tractus, & territorij nosse consuetudines. Itaque illius regni, in quo mansurus es, præcipuas partes tibi censeo quotannis obeundas: neu pigeat regna tua omnia, quæ per dei gratiam consequeris, tertio quoque anno lustrare, vt querelas tuorum ciuium, & preces eorum coram inspicias, non omnia Proregum tuorum arbitrio permittens: & quanquam in singulis regnis sua institues dicasteria, suumque ex indigenis Senatuum; non erit tamen alienum præcipua tibi ipsi referuare negotia, de quibus, ipse, quùm eò venies, ex æquo, & bono statues.

Prohibendas  
esse exterorū  
iniurias.  
Xen. 8. Cyr.  
Arist. 5. polit.  
Polyb. 6.  
Dionys. Halic.  
de Romul.

Neque modò tibi annitendum est, vt ciues tui nullam inter se patiantur iniuriam, verumetiam, vt ab exterorum vi securi sint. nec enim tibi gladius datus est, vt solas tuorum inter se iniurias vindices, sed & ab exteris illatas. Nam iusta sunt bella, honestis modò de causis suscepta. ideòque ante omnia prospice, vt tuis à partibus iustitia sit.

Quomodo  
cum exteris  
principib. a-  
gendum.  
Isocr. in Plat.  
& Parag.

Cum alijs Principibus, tanquam fratribus tuis, iustitiam & beneuolentiam colito. quicquid promiseris, vel cum tuo damno præstato; humanitatis & officiorum quasi inito cum singulis certamine. Vt enim apud omnes, ita maximè apud hos cãdoris, & fidei laus tibi querenda est; & Christianæ charitatis præceptum seruandum, vt alteri facias, quod tibi factum cupis. Ergo rebelliones aduersus alios Principes, exempli metu, tuas putabis iniurias. eiusmodi perduellibus neque mittes auxilia, nec quicquã credes: sed afflictorum Principum calamitatibus succurres. Quòd si quis tibi; aut populo tuo vltro fecerit iniuriam, quem neque officio neque merito ad sanam mentem reuoces; tu absque omni ferociâ compensationem petes; & ex æquo & bono controuersiam deceptabis: tum verò, si nullâ honestâ conditione persuadere poteris, vt desinat nocere, aut restituat ablata; vltimum sane erit refugium, vt innocentiam tuam Deo commendes; sed amicitia per facialem prius palam renunciata.

Arist. ad Alex.  
Varr. 1. 1. de V.  
P. R.  
Cic. 2. off.  
Liui. lib. 4.

Liui. 1. 2.  
Cic. eod.  
De bello.

Verùm cum bellandi ratio à multis tractata sit; & vsu potius quam

lectione

lectione discatur, quid à te hîc fieri velim paucissimis monebo. Præcipuum tibi sit in æquitate causæ præsidium, deinde cætera ad eam tuendam legitima conquire subsidia. nam Necromantas vel hariolos consulere, quam sit impium, docet funestus Saulis exitus. ab aruspicinâ, & profanâ diuinationum vanitate, penitus abstinendum est, iuxta legem Domini, fusiùs à Ieremiâ explicatam. Neque vnquam singulari certamine controuersiam decideris. præterquam enim, quòd totum hoc genus illicitum videatur, in quo exitus litis quasi forti & aleæ permittitur, cuius nullum est fundamentum in sacris literis post vetustæ legis abrogationem; in Rege sanè in primis illicitum putandum est; qui publicam gerens personam, sui ipsius potestatem non habet. eius enim salus vel interitus cum Reipub incolumitate aut pernicie, vt capitis & corporis coniuncta est.

Proper. 4. eleg.  
Lucan. 7.  
Varr. 11. de  
V. P. R.

1. Sam. 31.  
Deut. 18.

Plut. in Sert.  
& Ant.

Priusquam bellum susceperis, Regis illius à Christo descripti prudentiam æmulare, prouisis omnibus, quæ ad bellum gerendum necessaria sunt; & inprimis pecuniâ, belli neruo. Ductores ordinum senes elige expertosque militiæ, milites verò iuuenes & robustos.

Luc. 14.

Thucyd. 2.  
Sal lug.

Quin & seuerum militaris disciplinæ exactorem te volo, non modò ordinis seruandi causâ, cuius non minor in bello vsus est, quàm fortitudinis; & desidiæ puniendæ, qua nonnunquam totus exercitus periclitetur: verum etiam vt seditiones auertas, vnde certa in bello perniciēs. Hispanos intueri, quorum tantos vbique successus soli militaris disciplinæ custodiæ adscripseris. sæpe enim in bello non est, nisi semel errare.

Cic. pro leg.  
Man.  
Demost. Olynth. 2.  
Lin lib 30.  
Veget. 1.  
Cæf. 1. & 3.  
de bell. ciu.  
Pro in Thrac.

Parùm somno indulge, multùm labori: & hîc vt in cæteris rebus, peritissimos adhibe in consilium.

Cæf. 1. de bell. ciu.  
Liu lib. 7.

Cum militibus vt commilitonibus agendum est, vt eorum studia inuites; ideoque & sine modo ijs largiendum. nullus enim hîc parsimoniæ locus est. In deliberando lentum te volo & sagacem; definiendo constantem; faciendo promptum & acrem. Castra tua bene munito: hostem, nisi rei gerendæ se offerat occasio, ne adoritor. eum neque spernendum tibi consulo, neque metuendum. In Stratagemate exco- gitando ingeniosus sis, idemque honestus; non parùm hinc est subsidij, si adsit taciturnitas. Licebit tibi in conflictu periclitari, sed semel, aut bis. partâ autem fortitudinis & magnanimitatis opinione, pone militarem audaciam. nec quibullibet te periculis obijcies, sed omnium te salutem conferua, quorum maior habenda cura est, quàm tui.

Xen. 1. & 5.  
Cyr. & de discip. mi.

Plut. in Agel.

Polyb. 1. 4.

Xen. 1. Cyr.  
Thucyd 5.  
Isoc. ad Phil.  
Plat. 9. de legib.  
Liu lib. 2. & 31.  
Tacit. 2. hist.  
Plutar. de fort.

Ne temerè bellum susceperes modo consului; nunc consulo, ne temerè pacem facias. Priusquam transegeris, vide vt per pacis conditiones suscepti belli causæ compensentur, tuæque & populi securitati prospiciatur. aliàs honestum bellum ignominiosæ paci præferendum.

De pace.

Isocr. in Arch.  
Polyb. 3.

Cic. 1. off. & 7. Philip.  
Tacit. 4. hist.

Verùm non satis est ad boni Regis laudem, seueritate legum coercere,



Vita Regis  
est pro exem-  
plo.  
Plat in polit.  
& 4. de legib.

cere, & vi armorū populum protegere; ni ipse, cum suā familiā, integritate vitæ omnibus præluceat, eoque exemplo populum ad amorem virtutis & fugam vitiorum inuitet. Cum igitur, mi fili, omnes naturā imitentur Regem, caue ne olim dicaris, aliud populo iussisse, aliud sequutus, vt facta cum dictis non conueniant. sed è contra sit vita tua subditis instar perpetui edicti; & speculi, in quo legum vsum obseruent; & ex eā imagine viuendi exemplum capiant.

Plat in  
Theæt.  
& Euth.  
Arist. 1. Eth.  
Cicer. in off.

Et huius vitæ tuæ exemplum è duabus partibus compono; prior est aulæ & comitum tuorum disciplina, secundum pietatem & probitatem: altera, tui ipsius, iuxta eas virtutes, quibus cæteros dirigas & emendes. nec enim sufficiet ingentes virtutes mentis erga stultum captiuas concludere, nisi eorum bono, quos Deus tuo credidit imperio, eas in lucem proferas & exerceas. Virtutis enim omnis laus in actione consistit.

De aulâ.

Plat. 101.

De aulâ verò & aulicis regendis Rex David longè optima, & prudente Christianoque Principe dignissima tradit præcepta. Nam vt in subditis ingentem, ita in aulicis regendis geminam oportet curam adhibere, Oeconomicam nempe & Politicam.

Cic. ad Qu. fr.

Nemo ferè est ex omnibus, qui non aulicum bene, malèue agentem libenter sequatur. nec vllum eius est, si conniues, tam enorme flagitium, quod non alijs idem facientibus sit instar iustæ excusationis. Itaque circa familiam duo omnino præcipio, nempe vt prudenter eligas, & prudenter regas quos elegeris.

Plat. 5. de  
leg.  
Arist. 2.  
œcon.

Sunt qui ad vitam aulicam à naturâ prorsus sunt inepti. quanquam enim educatio altera sit natura, eaque cum conuersatione coniuncta ad mores emendandos multum possit, vt tamen in veteri est prouerbio,

*Naturam expellas furcâ licet, rōsque recurret.*

Summa ergo in seruorum tuorum & Comitum delectu cautio adhibenda est: nam

Ouid. 5. de  
trist.

*Turpius ejcitur, quàm non admittitur hospes:*

& idonea satis est causa non admittendi, quæ dimittendi minus idonea est.

De ministro-  
rum delectu.

Arist. 1. & 5.  
Polit.

Qui aulam sequuntur, aut immaturæ sunt ætatis; vt nobilium virorum hæredes, educationis gratiâ; & affecclæ ob ministerium: aut adultæ, qui ijs funguntur officijs, quæ prudentiam & iudicium exigunt. Priores illos, si antequam plenè adoleuerint, & ex honestissimis probissimisque familijs, & in fide parentum (vt sit in baptismo) elegeris, tuo officio rectè defunctus videbere. Licet enim anima non sit ex traduce, sed à Deo creata & infusa, certum est tamen, virtutem & vitium vna cum patrimonio sæpenumero deuolui ad posteros; nec minus animi quàm corporis morbos in quibusdā familijs hereditarios inueniri. Igitur ephebos istos ex ijs familijs eligere conueniet, quæ probitate & fide præter cæteras insignes, nullâ vnquam perfidiâ vel prodicione notatæ sunt.

Cicer. ad Qu.  
fr.

Testis fami-  
lia Gaureana.  
Plat. 6. de leg.  
Arist. 2. œcon.  
& 1. Polit.

Præf-



Priusquam illos maturæ ætatis ministros elegeris, vide ut illæ sint & intaminatæ famæ: alioqui populo nihil aliud sentiendum relinquis, quàm electos esse, quos tuo maximè conuenire ingenio perspexeris, & vitiorum amore cæteris omnibus prætuleris. Populus enim, qui te intus nec nouit nec discernit, solâ hac comitatus tui & conuersationis externæ specie ducitur, quæ solâ plebeijs sensibus obuia est. Tum vide ut eiufmodi præditi sint virtutibus, quæ suis muneribus obeundis sint necessariae. erit enim hoc iudicij tui specimen non vulgare, si vnique eam demandes prouinciã, ad quam regendam est aptissimus. Ad summam, in seruorum delectu sequere Dauidis consilium, & ad comitatum tuum optimos quosque & fidissimos oculis designes.

Plat. 6. de legi.  
Isoc. in Pan.  
Arist. 5. Polit.  
Demost. 2.  
Phil.

Plat. 7. de Rep.  
& in 3. de legib.  
Arist. 5. & 6. polit.

Psal. 101.

Atque hîc committere non possum, quin te moneam, vel pro patriâ potestate etiam iniungam, eos præcipuè in tuam familiam adscifcas, qui mihi fidelem operam nauauerunt. sin ex eo numero quosdam emeritos inueneris, præmijs ornatos dimitte: exque eorum sobole, ut notissimâ, ministros lege. Ita non modo tibi de præstantissimis seruis prospicies; cum necesse sit te ament qui parentes tuos amârunt, si verum est, quod modò ostendimus, te illis acceptum nunquam fore, qui parentes tuos oderunt: sed etiam ostendes gratæ esse apud te memoriæ patrem tuum. & veteres ministri, cum paternum in te animum senserint, benedicent tibi. sin diuturni seruitij merita neglexeris, eorum preces vertent in vota pro me, in diras aduersus te. Me mortuo his vtete, ut sint testes tui erga me amoris: & quorum ego fidem sensi maximam, hi apud te gratiam ineant potissimam. Neque tamen eos fidissimos iudicabis, quibus ego plurimum dedi (nam in præmijs dominatur fortuna, cuius etiam ea dicuntur bona) sed quibus plurimum credidi; ut cui sæpius occasio defuerit multis gratificandi, quàm voluntas. Nec tantum volo constanter ames qui me amârunt; sed quos ego odi, eodem gradu & constantiâ etiam oderis: neque vnquam meos exules reuoces, aut restituas proscriptos. aliàs & mei contemptum prodes, & tuam ipsius leuitatem. quo enim pacto constabit eorum fides in filium, quorum perfidia nimis nota fuit in parentem?

Beneuolentiã  
ad hæredes  
transmittendã

Sed ut ad institutum nostrum reuertamur: si ita, ut præcepi, seruos elegeris, facile ea vitabis incommoda, in quæ pupillaris mea ætas incidit. Tunc enim, qui omnia poterant, pro arbitratu quoque suo familiam meam supplebant; adlectis non quos nostris ministerijs credebant idoneos, sed quos rebus suis maximè oportunos sperabant: id quod in primâ illâ aduersus me concitatâ rebellionem manifestò apparuit, unde & familiæ meæ ingentem mutationem facere coactus sum. nihilominus mali exempli re diu postea ab ijs vexatus sum, qui seruos mihi tradere studebant, suo sanè magis quàm Domini bono. Meum igitur sequutus exemplum, famulos adscifce, non alijs, sed tibi oportunos.

Exemplum  
domesticum.

Et

Arist. 2. Polit.

Et quum communis omnium parens esse debeas, ex omnibus regni plagis promiscuè adscisce, delectu facto non secundum aliena arbitria, sed seruientium ingenia. nam cum ad omnes tuum pertineat imperium, æquum est ex omnibus tua eligi seruitia.

De muneribus publicis.  
Plato de Rep.  
Cicer. ad Q. fr.Isoc. in Pan.  
ad Nicoc. & de pace.Thuc. 6.  
Plutar. in Pol.Plat. in Phæd.  
& Men.

Arist. 5. Polit.

Isocrates in

Syan.

Tacit. 3. hist.

Curt. 8.

Sed summa est in eorum delectu cautio, queis publica regni negotia crediturus es. in cæteris tuum, in his verò euehendis populi bonum spectandum est; cuius ratio Deo olim exactissima reddenda est. Eiusmodi igitur officia hominibus notæ prudentiæ, probitatis & pudoris credideris, earum rerum, quas tractaturi sunt, imprimis peritis, & ab omni factione partiûmque studio alienis; sed ante omnia adulatione vacuis, teterrimâ illâ Regum & Rerumpubl. peste. Nam si æquum erat in primâ huius operis parte monere, vt ab intimo illo adulatore, quem in sinu circumfers, omni ope caueres, scilicet <sup>quæuis;</sup> quanto magis ab externis illis, nec vlllo sanguinis vinculo tibi iunctis, vt tibi tute es, metuendum fuerit, qui ideo putidissimam exponunt mercem, vt ex tuo exitio viam sibi muniant ad opes? sic te Deus amet, si neminem magno in Republ. loco, nisi virtutis causâ, dignabere. Ante omnia rei pecuniariæ probos viros & industrios præficies, & qui soluendo sint: at conditione mediocres, vt, absque vlllo seditionis periculo, accepti & expensi rationem exigas, quantumlibet seueram. Ex hoc errore præcipuè euenit, vt parum mihi sæliciter hæctenus cesserit negotium argenteum. Sed nihil tibi magis cauendum est, quàm ne peregrino homini publicum munus committas; quæ res seditionem in populo haud dubiè ciebit, & publicam aduersus te illûmque iniuidiam armabit. Sed (vt antè monui) quum regnorum tuorum, Deo fauente, hæreditatem cernes, ex indigenis ipsis curiam statues in singulis.

De Quæstoribus publicis.

Arcanum imperij.

Arist. 5. Polit.

Cicer. ad Qu. fr.

Plat. in 1. Al.

in Pol. &amp; 5.

de legib.

Arist. 2. æcon.

Et vt meo consilio, de seruorum tuorum delectu, tandem finem faciam, volupe sit in famulitio tuo nobilissimos quosque habere; præterquam enim quod ex eorum ministerio parum inuidiæ, beneuolentiæ plurimum oriatur, contrâ quàm euenit in hominibus nouis; videbis plerumque nobilitati generis comitem datam esse virtutem; quod & ante monui.

Aulæ administrationis.

Isoc. in Arcop.

Idem. in Pan.

Vt autem prudenter regas, quos prudenter elegisti (quæ monitionis meæ altera pars erat) aulam, & comitatum tuum populo statuere oportet pietatis, & probitatis exemplar. itaque tuorum moribus assiduè inuigila, vt legum præscripto ad vnguem respondeant. Quo pacto enim legibus parebitur foris, si negliguntur domi? Adeoque familiarium tuorum, quam reliquorum delicta grauiore pænâ cohibebis. Verum, quod præter cætera tibi iniunctum volo, caue, ne quis apud te gratiâ suâ abutatur ad subditorum aliquem vexandum, aut opprimendum. prout mores sunt aut merita cuiusque, ita te illi austerum exhibe vel familiarem. Hominem rixosum tui comitatus pestem puta. Intima

Arist. 2. polit.

Tacit. 1. hist.

Val. lib. 2.

ma



me admissionis ministros & præsertim à cubiculis selige mansuetissimos & fidissimos. nemo eorum alienis se immisceat negotijs, sed quod de Turcici imperatoris Ianizaris circumfertur, patrem alium non nòrint nisi te, negotia non nouerint nisi tua. Quod si quis ab amicorum suorum litibus abstinere noluerit, eum tibi cenleo dimittendum. Regi enim, qui ipse nullius est tribus, nullius agnationis, sed omnibus aut soli virtuti æquus, in comitatu suo ministros habere factiosos & partibus addicto, non conuenit. Ne altum illi sapiant, sed tibi morem gerant. & ut eorum nemo, nisi meruit, retinendus est; ita nemo, nisi commeruit, mutandus. Eorum operam ut & cæterorum præmio aut pænâ compensa, in quo politicæ administrationis basis est. Pro modo peritiæ in rebus agendis, singulorum vtere industriâ: sed omnia vni mandare non conuenit, ne superbiat, & cæterorum inuidiâ subiaceat. Candidos illos & ingenuos magis ama, quique veritatem cognationibus suis anteferant. Maledicos ne patere, vel eorum etiam, quos oderunt, calumniatores. Et omnes, qui tui seruitij nexu coniuncti sunt, fraterni amoris vinculo connecte. In summâ, apud te foueatur concordia, alatur modestia, perditus luxur exulet, exulet liuor, deiiciatur superbia: isque modus & decorum in singulis ministerij partibus obtineat, ut exteri aulam tuam visuri cum regina Shebæ, prudentiam tuam, gloriam domus tuæ, & ordinem seruorum tuorum admirentur.

Sed præcipuum consortij bonum ex pia & pudica vxore tibi sperandum est: ea enim quocunque alio tibi prior est; caro de tua carne & os de tuis ossibus; quod de Eua sua dixit Adamus. & quoniam fortasse funus nostrum prius duces, quam vxorem; breuiter meum tibi consilium super hac re exponam.

Primum igitur considera, in hac vita nihil esse melius coniugio si Deus fortunet; nihil peius, si ille aduersetur. Quum igitur absque Deo nullus sit coniugij successus, tibi enixè danda opera est, ut in eius meditatione, electione, vsu Deum facias propitium. Meditari ita oportet coniugium, ut futuræ vxori, cui soli debetur, castum custodias & incorruptum corpus. Nam quo iure ipse incestus castam postules virginem? aut cur in vno coniugij dimidio requiritur puritas, si in altero toleratur pollutio? Licet enim probè sciam, quàm leue sit hominibus, & veniæ proximum hoc stupri delictum; tu tamen, quid de conscientia supra à me dictum fuerit, in memoriam reuoca: non esse iuxta popularis opinionis vanitatem æstimanda delicta nostra, sed iuxta Dei legislatoris & iudicis prudentiam. audi ex ore Pauli Apostoli diuinum interdictum, *abstine à fornicatione. machus enim* (inquit) *regnum cælorum non possidebit.* audi ex ore Ioannis fornicationem adnumeratam flagitijs, quæ reos è spirituali & cælesti Hierusalem ad canes & porcos relegant. Cogita quæso, si quis semel ausit id leue iudicare, quod Deo graue est;

Curt. 4.

Demost. 8. Phi  
Sal. in Cat.  
Liu. 22.

Tacit. eod. &  
in 1 Ann.

Regnandi  
basis.  
Arist. 5. Polit.  
Tacit in Ag.  
Dion. li. 52.  
Xen in Agel.  
Isoc. in Sym.  
& ad Ph.  
Idem. de perm.  
Cic. ad Qu. fr.

1. Reg. 10.

De Coniugio.

Gen. 1. 23.

Meditatio  
Coniugij.

1. Cor. 6. 10.

Reuel. 22. 15.



Incommoda  
ex nostris affe-  
ctibus.

Exemplum  
domesticum.

1. Cor. 6. 19.

Tribus de  
causis institu-  
tum coniu-  
gium.  
Arist. 7. Polit.

In eod.

Causæ con-  
iugij accessio-  
nis.  
Ag. Ro. 2. de  
reg. pr.

& veniæ affine, quod proximum est pænæ; atque ita vnum genus peccati non conscientia, sed suo affectu metiatur; quid impedit, obsecro, quò minus in altero, ad quod eum aliqua animi perturbatio impulerit, idem faciat, cum eadem sit cæterorum ratio? atque ita pergat, donec omnium regulam, excluso Deo, suam faciat cupiditatem? tum verò, quid de eo aliud fiet, quàm vt prauis affectibus, quibus se dediderit, intereat? Sed quoniam ita cum omnibus comparatum est, vt plus cognatis percellamur exemplis; vide quàm diuersum coniugij nostris Deus successum dederit, meo, inquam, & aui mei. Ille incontinentiæ suæ, quàm ego prauæ educationi tribuo, grauem pœnam perpeffus, duos speciosissimos simul amisit filios; relicta filiola hærede, cui benedicere ante obitum illi non licuit, nec videre quidem. Ita ille decessit, patriâ gemino malo multatâ; prole recens natâ, quæ regnaret; eaque sequioris sexus. Quàm mihi Deus fuerit propitius, & continentia dono concessa, & bonis quæ continentiam sequuntur; tu ipse, & alij, eiusdem tecum sanguinis, testes sunt satis locupletes. quàm felicitatem & mihi & posteris, eadem numinis annuente clementiâ, spero fore propriam. Ne erubescas igitur, vtut in contrarium rapiant vanæ illecebræ, corpus tuum, Spiritus sancti templum, purum & incorruptum seruare; non incertis hominum opinionibus, sed sua ex indole vitia & virtutes discernens.

In delectu coniugis tres causas respice, ob quas ab initio coniugium institutum fuit; quibus tria accidentia adiunges, & ea non negligenda, modo prioribus illis nihil derogetur.

Tribus enim de causis institutum fuit à Deo coniugium, libidinis sistendæ, & sobolis procreandæ, & mutui adiutorij gratiâ. Noli itaque differre coniugium in senectam, cuius finis est coercere libidinem iuuentæ. Regi verò maturius vxor ducenda est propter bonum publicum. At tu noli committere, vt vilius rei gratiâ fœminam ducas creandis liberis vel ætate, vel naturâ, vel casu inhabilem: gemino enim peccato & tibi & populo noceres. Morosam etiam vel male educatam fuge. nam fœmina adiumento esse debet marito, non impedimento.

Tria accidentia, quorum etiam est habenda ratio, sed ita, vt præcipuis causis nihil derogent; sunt forma, opes, amicitia, omnia bona & à Deo. Nam forma vxoris non patitur amorem mariti decrefcere, aut aliò vagari: opibus & amicitij instructior fiet vxor, vt maritum iuuet. Quòd si hæc tria, tribus illis primis & præcipuis neglectis, sectatus fueris (quod nimis sæpe fieri amat) tum verò vt licitus eorum vsus cedit in bonum, ita abusus iste in magnum vertet malum. Cui enim bono sunt ista humana, cum Furiam habes, indiuiduam thori comitem, tuo semper lateri affixam? tum serò senties venustatem sine veritate, opulenti-

am

am sine prudentia; amicitiam sine gratia splendida esse miseras; & (ut verbo dicam) ingentium calamitatum larvas.

Tu, mi fili, trium causarum rationem habe, propter quas coniugium institutum fuit: & cætera omnia adijciuntur vobis. Ideoq; nihil mallem, quam fæminâ tibi sociari ut loco & dignitate parem, ita religione etiam non disparem. Licet enim (quod doleo) pauci sint Principes opibus florentes, qui idem nobiscum in religione sentiant, adeoque durius paulò & difficilius hoc consilium videri possit, cogita tamen, mi fili, atque apud animum tuum disquire, quo pacto cum vxore tua vnâ in carnem coalescere & concordem vitam transigere possis, quæ alterius & contrariæ Ecclesiæ membrum est; dissidio in sacris dissidium in moribus necessariò creante. Quid quod illius concionatores dissidentes a tuis turbas in populo parient, animis hominum, tuæ familiæ exemplo, in partes & factiones distractis: nec tu prauæ educationis periculum facillè a liberis auertes. Quòd si rem facilem arbitraberis fæminam ad arbitrium tuum formare, & fingere; cogita Regum sapientissimum, Solomonem, eadem in re frustra fuisse. rarior enim paulò est perseverantiæ herba, nec vbique germinat.

Mat. 13.

Præcipua in coniugio cautio.

Succurrat tibi, è grauissimis huius vitæ negotijs esse matrimonium; maximamque esse in prima vxore cautionem, quæ si infra sortem tuam fuerit, vix est, ut vnquam eam labem redimas: denique, quod de seruis præcepi, idem in vxoris delectu obseruandum est; ut ex integra sit puraque domo, & ab hæreditarijs animi corporisque morbis libera. Si etenim de canum equorumque genere non sumus incurij, quanto maior esse debet de nostra sobole sollicitudo? Hæc si in coniugio legendo seruaueris, & tuæ conscientiæ & posterorum tuorum dignitati & bono quam rectissimè consulas.

De incorruptâ vxoris origine.

Plat. 5. de Rep.

Cic. 2. de diu.

Arist. de gen.

anim.

Luc. 4.

Vxore iam ducta, votum in nuptijs factum Deo sanctè exolve, vnâ nimirum re facienda, altera fugienda. Nam ea in rebus omnibus uti vxor tractanda est, & dimidium tui: tui verò corporis vsura (quod iam tuum non est sed illius) alteri communicanda non est. Confido nihil esse necesse adulterij flagitium tibi dissuadere. veniat modò in mentem, quid in coniugio Deo promiseris; cuius promissi gratiâ cum tui tibi succedant liberi, quod aliàs illis non liceret, ratio sanè efflagitat, ut tu pro virili parte quàm sanctissimè custodias. Est Deus periurij seuerissimus vindex: Neque verò iocularè illud iusiurandum censerî oportet, quo liberis nostris amplissima regna cedunt in patrimonium. Pone tibi ante oculos Regis aui mei exemplum, qui filiæ suæ vnica & hæredi creauit exitium, genito filio notho, cuius rebellionè & soror & Regina euersa est. Quantæ verò calamitates in posteros eius ex infami illa spuriorum sobole redundarint, Bothuelij motiones sint argumento. Si vis igitur ut coniugio tuo Deus benedicat,

Plat. 11. de Legib.

Isocr. in Sym.

Cic. 2. de Leg.



nedicat, quod fecisti in coniugio ineundo votum optimâ fide exolue.

Quomodo autem erga coniugem te geras, è sacris literis discendum est: eam ut corpus ama, ut adiutricem foue, ut pupillam rege: illa nec in re iustâ ferat repulsam, nec tamen alienis tractandis assuescat. Tu caput es, illa corpus; tuum est leges dare, illius accipere, sed eâ imperandi suauitate, ut promptior illa sit obsequij, quam tu imperij; aut certe non minus ad sequendum procliuius, quam tu ad præcundum. Ita illi vni tuum amorem oportet esse deuorum, & omnes illius affectus tuæ voluntati obnoxios.

Arist. 8. Eth.  
& 1. Polit.  
Xen. & Arist.  
in œcon.

Arist. 1. Rhet.  
Plut. in Men.  
Ægid R. de  
reg pr.  
Pla. 5. de Rep.  
& 7. de leg.

Ad summam tria cum vxore obserua: inprimis ne quam Reip. partem attingat, sed regendæ familiæ tota intenta, nihil etiam ibi faciat absque tuo consilio: deinde, ne cum eâ conuersari patiaris, nisi honestissimos & castissimos: lubricior enim est hic sexus. deniq; ne quando simul ambo commoueamini; sed eâ irascente tu bilem reprime, quia, sedatâ istâ mentis perturbatione, tu de illius errore rectius iudicabis; & illa, cum ad se redierit, offensam suam melius intelliget, & tuam monitionem reuerentiùs admittet.

Liberorum  
regiorum  
cura.

Plut. in Thel.  
4 & 5 de rep.  
6 & 7. de leg.  
Arist. 7. polit.

Diffidiorum  
inter fratres  
præcautio,  
Polid. lib. 1.  
Sceptrum est  
extra com-  
mercia.

Si te liberis Deus beauerit, honestè & piè educato. diligit quoque ut par est; sed amorem hunc patriû vide ne sentiant, nisi quatenus eorum indoli expedire cognoueris. ita amore, pudore, metu eos in officio continebis. Et quando diuinâ bonitate tria hæc regna tibi obuenerint, natu maximum filiorum scribes regnorum tuorum ex asse hæredem: reliquis priuati patrimonij modus sufficiat. si regna diuiseris, discordiarum & bellorum semina posteris relinques; id quod huic Insulæ accidit à Bruto patre tribus filijs diuisæ, Locrino, Albanacto, & Cambro. Sin nullâ te auxerit sobole diuina benignitas, proximum hæredem, quæcunque tua de illo fuerit opinio, iure suo non fraudabis. Regnorum enim collatio est penes Deum, vsus fructus tamen noster est: nec magis penes Regem est, quàm populum, iure suo exturbare legitimum hæredem.

Quemadmodum autem comitum tuorum est bene agendo populo præire; ita tuum est comitibus tuis præferre facem ad virtutis viam, ut nihil prius aut antiquius habeant, quàm visas in te animi insignes dotes æmulari.

Vfus tempe-  
rantie Arist.  
Polit. 6.  
Cic. 1. off. 2.  
de inuent.  
& in parad.

De quatuor Cardinalibus virtutibus tam trita res est, ut nolim esse molestior: Vnum tibi mando, ut reliquarum reginam statuas Temperantiam. Neque verò eam intelligo, quæ vulgari notione duobus sensibus, tactus & gustus, leges præscribit: sed illam, quæ tibi det iura, & reginæ instar, omnes affectus subiiciat rationi, & singulas vitæ partes condiat salubri mediocritate. Itaque non modo affectus tuos, sed & ipsos virtutum actus moderationi submitte. Licet enim prima & desideratissima Christiani hominis virtus, sit pietas; ut quæ ex timore &

notitiâ



notitiâ Dei oriatur : meministi tamen , opinor, quo pacto , sub libri primi finem, omnibus externis actibus à pietate profectis moderationem censuerim adhibendam. quod ipsum de Iustitiâ confirmo, earum virtutum, quæ Regis propriæ sunt, omnium maximâ.

Vtere iustitiâ, sed eâ cum moderatione, ne tyrannidi affinis sit nam summum ius summa iniuria. Ut si quis noræ probitatis solus incidere in multos latrones, perditæ vitæ notæque infamiæ homines; eorûmque aliquem cum moderamine inculpatae tutelæ occiderit; ideone tamen, quia illis aquâ & igne interdictum non erat, neque ex vlllo oculato teste constare potest de impressione & vi, vir probus è vestigio ceruicem subijciet securi? Præterea legibus nostris sub graui multa interdici potest alicui, ne vicinum diuexet, ne fines eius agrorûque ingreditur; quid si eius equus, rupto quo tenebatur capistro, pratum vicini ingreditur, gramen conculcet & depascat; continuone mille aureos equinæ ferociæ aut debilioris capistri panam soluet Dominus? minime verò. leges enim ciuilis societatis regulæ sunt, non innocentia laquei. Vnde & earum interpretatio non tam ex verborum cortice, quàm ex legislatoris mente petenda est. nam ratio est anima legis.

Plat. 4. de leg.  
Arist. 1. mag.  
mor.

Cic. 1. off. &  
pro Rab. &  
ad Quint. fr.  
Sen. de Clem.

Arist. 5. Eth.  
1. Rhet.  
Cic. pro Cz.  
cina.

Quod de Iustitiâ dixi idem de clementiâ, magnanimitate, liberalitate, constantiâ, humilitate & cæteris virtutibus regijs dicendum est. nam in medio stat virtus. Satana tamen astu factum est, vt vitia, quæ extrema virtutem circumstant, sæpe virtutis nomine honestentur, quum nihil habeant virtuti simile; immò verò, contraria vitia iam posita in summo, inter se coincidunt. nam in infinitis omnia concurrunt. Quid enim differt summa illa tyrannis, cui humani generis interitus oblectamento est, ab extremâ leuitate, per quam licet vni cuique quod libet? quid differt summa prodigientia, quæ omnibus absumptis nihil possidet, à summâ auaritiâ, quæ, omnibus reconditis, nihil fruitur, haud absimilis asino, qui frumento onustus inedia absumitur & carduo vesci contentus est? Quid interest gloriosi Nebuchadnezaris superbia præposteræ Puritanorum humilitati, qui dum paritatem suamasserunt, & restantur in publico, Omnes homines esse vermes; Regibus tamen leges dare volunt; at à nemine accipere, à nemine redargui. Certè plus est sub nigro huius pileo superbiæ, quam sub Alexandri Macedonis diademate, vt de Diogene in simili casu dictum fuit.

Extrema vitia non sunt id quod videntur:

sed coincidunt.

Verum supra omnes virtutes tua tibi ars discenda est, vt regnes. quod cum præcipio, omnium artium notitiam tibi commendo. Quo pacto enim omnes corrigas & redarguas (quod tui est officij) nisi omnes noueris? Itaque præter cæteram educationem, lectione & rerum bonarum vestigatione necesse est te oblectes; sed duplici hac cautione: nempe, vt succisuius id facias horis, & quibus datum est à muneris tui functione feriari. Deinde verò, vt finem tibi proponas, non otiosam

Ars regia im-  
primis co-  
lenda,  
Polit. Polit.  
5. de Rep. &  
epist. 7.

Cic. ad Q. fr.  
& de Or.

Cic. 1. de fini.

Idem 1. off.

Scriptura.  
Deut. 17.Leges muni-  
cipales.Plat. 4. de  
Rep. 6. de Le-  
gib.  
Arist. 1. Rhet.  
Cic. 1. de Ora.  
Senec. in Lud.  
Præsentia  
Principis in  
foro.Plat. in polit.  
Arist. 1. Rhet.  
Cic. ad Q. fr.  
Plut. in Il.Xenop. 1. Cy.  
Præsentia  
Regis in se-  
cretiore Con-  
cilio.

scientiam; sed actuosam imperandi prudentiam, & ut illam studio que-  
sitam notitiam omnibus officij tui partibus exprimas: Astrologis pla-  
nè dissimilis, qui interdum nocturne siderum motibus se fatigant, ideo  
tantum, ne ignorent. Sed quum omnes scientiæ quodam quasi com-  
muni vinculo & cognatione coniunctæ sint, cœcuntibus nempe in v-  
num omnium principijs, vnde etiam factum est ut nouem Musæ Poë-  
tis dicantur sorores, omnibus volo des operam, ut ex earum harmoniâ  
cæterarum rerum, facultatûmque haurias notitiam, ut omnes conti-  
neas in officio, & omnes ad finem optimum architectonico dirigas  
consilio. leue enim est scientiæ onus, nec humeros ferentis degrauat.

Primam igitur & præcipuam sacris literis da operam (ut primo in  
libro monui) non tantum tuæ salutis gratiâ, sed ut custos vtriusque ta-  
bulæ Ecclesiam intra sui officij metas coerceas. Non minima hæc est  
officij tui pars, eos in officio rectè continere. Itaque in concionibus  
vide, ne à contextu suo vagentur: & si pax publica tibi cara est, caue, ne  
ex eo loco Rempublicam attingant. quin cæteris in exemplum statue  
qui primus eo genere ausit delinquere. Nihil absque ratione aduer-  
sus eos feceris, parcius tamen cum ijs disceptaueris. nam meæ facilita-  
tis illis obortum est fastidium & nausea, nec profectò eorum consue-  
tudo est, cedere. Conuentus autem celebrare aut alicubi congregari,  
tuo iniussu haudquaquam illis liceat.

Secundam operam dabis patrijs legibus. nam quomodo iuxta illas  
dices sententiam, si tibi fuerint ignotæ? in ijs, vti in iudiciario ordine  
& processu, stude quantum potes breuitati & perspicuitati. quorum  
enim prolixitas, nisi ut omnia incerta fiant obscuraque, & aduocati cæ-  
terique id genus ex populi spolijs ditentur, cum è contrario breuissima  
via hîc tutissima sit & certissima? Volupe sit in forum venire, ut iudi-  
ciorum ordinem inspicias; & si quos largitionibus corruptos offen-  
das, seuerissimo (nimio enim non potes) supplicio vindices. Dabis  
quoque gratiæ quorundam præsentiam tuam, ut per te celeriores vi-  
deant litis exitum: quanquam hoc maxime pauperibus dandum est,  
quibus nec vacat morari, nec, si vacaret, inter tot locupletes litigatores  
locus datur agendi. Cum autem ibi fueris, memineris Dei thronum  
esse cui insides, ne gratiâ vel aliâ de causâ deflectas à vero. non ibi lo-  
cus est (ut ante monui) aut amicis gratificandi, aut inimicis aduersandi;  
sed iuris reddendi, iustitiæ colendæ. Disce etiam, quomodo differat  
æquitas à iustitia: nec, miseratione pauperis, diuiti, quia minus eget,  
extorquebis suum; sed minori homini, ad quem pertinebat, maiorem  
adiudicabis tunicam, contrâ quàm Cyrus iunior fecit. Iustitia enim  
iuxta leges suum cuique tribuit: æquitas verò, quod accipienti maxime  
conuenit, quum danti res arbitraria est.

At secretiori Consilio crebro, & tanquam vnus ex assessoribus in-  
ter sis.



terfis. publicis enim negotijs hic confessus institutus est, & ad frānandam potentiorum impotentiam & vim. Morem huius iudicij fac simplicem, quantum potes, & breuem. Apage hinc aduocatos, cum suis ampliacionibus & dilationibus; pro se quisque causam dicat: nec te pigeat oppressorum ciuium querelas audire, aut pigeat sanè Regem esse. Lites alienas suis remitte iudicijs, vt vitetur confusio. at tuum erit à singulis seueram exigere officij obiti rationem.

Cic.ad Q. fr.  
Tacit. i. hist.  
Plut in Dem.

Post leges tibi res gestas populorum & annales commendo; imprimis autem tuæ gentis historiam, cuius exempla te propius tangunt, ne domi peregrinus videare. historiam, inquam, non illos Buchananī & Cnoxi libellos famosos, quos qui in tua vsque tempora asseruârīt, sentiat ille mearum legum pœnas. Etenim vnâ hac in re non dissuadeo quin Pythagoreus fias, & seditiosas horum scriptorum animas in illos credas transire, qui horum libros recondunt, vel opiniones defendunt. At authenticarum historiarum lectione sine tuo periculo experientiam colliges, præterita nimirum conferens cum præsentibus, cum nihil sit sub sole nouum. ita sphaerarum cælestium exemplo, quæ semper eadem voluuntur & reuoluuntur, in orbem feruntur omnia humana, quæ volubilitas per rotas in visione Ezechielis exprimitur, & à Poetis in *fortune rotâ* adumbratur. Hic quoque non exiguus est historicæ notitiæ fructus, vt cum exterorum Principum Legatis, prout te dignum est, verferis; de quæ aliarum gentium statu & politiâ non incommodè loquaris. At inter prophanas historias pati non possum, quin tibi Commentarios Cæsaris optimâ de notâ commendem, & propter orationis suauitatem & materiæ dignitatem. semper enim in eâ mente fui, neminem Ethnicorum Principum aut belli ducum rei militaris peritiâ cum Iulio Cæsare posse comparari.

Lectione historiarum.

Plat.in Men.

Arist. 1. Rhet.  
1. polit.  
Plut.in Tim.  
Cic. 2. de Or.  
Ecclef. 1.

Ezech. 1.

Liberalium artium studijs imbutum te volo quantum satis est Regi, non excultum quantum exigitur à Professore. accuratiori enim minutarum tractatione a muneris tui functione auocaberis; & hoste urbem diripiente fortè cum Archimede deprehensus in puluere inglorium populo tuo exhibebis spectaculum.

De artib. liberalibus.  
Sen.epist. 84.

Linus 1. 24.  
Plut. in Marc.

Non diffiteor præter cetera tibi degustandam esse mathesin, & vt castra munias, & aciem instruas, & propugnacula excites, & tormenta dirigas, & vniuersim rei militaris aliquam notitiam haurias: Sed quod Iacobus de fide dixit, caue ne mortua & sterilis sit hæc cognitio; sed in quotidianâ vitâ fructus ferat vberrimos.

De Mathesi.

Plato 7. de legib.  
Arist. 1. Met.  
Iac. 2. 17.

Magnanimitatem cole, non vindictę cupidine, quo pacto eam publicus error definire solet; sed tui ipsius coercitione: tanquam irâ indignum iudicares, qui in te peccauit, vt tuis imperes affectibus, & dum iram tuam rationi subijcis, triumphes; sapienter dispensans fortitudinis tuæ & animi impetum, vt domi quidem seruiat eorum ciuium, qui a forti-

De Magnanimitate.

Arist. 4. Eth.  
Sen. de clem.  
Cic. 1. Off.

Virg. 6. Æn.



a fortioribus opprimuntur, calamitatibus vindicandis; foris autem iniurijs hostilibus iusto bello reprimendis. Atque ita ubi insignita occurret iniuria, permitte laxas iracundiæ tuæ habenas. Regis enim ira est similis Leonis rugitui.

Prouer. 20.

Dchumilitate

Plat. 4. de legi.  
Xen. 2. de dict.  
& fact. Soc.

Vera & superbiæ expers humilitas tibi cordi sit, non modò apud Deum; siquidem infimum de plebe materiâ non superas, sed vsu, & id quidem merâ Dei ordinatione, verum etiam apud parentes. Et si forte mater tua mihi supererit, sic paternæ benedictionis compos sis, si illam ut par est honores. Beershebam in folio à dextris tibi collocato; caue, ne vllâ offensâ eam violes, nedum iniuriâ: sed memineris eam esse, vnde carnem tuam & sanguinem sumpisti,

*cui longa decem tulerunt fastidia menses:*

Noli æmulari iuuenes nostros Barones & Comarchos, qui defunctis patribus primam aduersus matres actionem intentant: sed tu matris tuæ benedictionem omni ope studebis mereri. Nec te ipse communi multorum errore decipias, quasi parentum imprecationes, ni merearis, fusque deque habendæ essent. Ah, parce naturæ ordinem inuertere, nec de maiore potestate, tuâ præsertim in causâ, sententiam feras. & persuasum id habeas, precibus hisce parentum, bonis malisue, pæne vaticinij certitudinem esse coniunctam. Et ut nihil aliud expectandum foret, vel ideo parentes honora, ut longæuius sis: quod Deus in lege promisit. Eos quoque honora qui tibi sunt loco parentum, rectores tuos, nutritios, præceptores: quibus si debitam retuleris gratiam & præmia, nihil ab officio vel æstimatione feceris alienum.

Exod. 20.

Xenop. 1. & 3.  
Cyr.

Cic. ad Qu. fr.

Arist. 5. Polit.

Matth. 18.

Nec tamen hæc ipsa, quam suadeo, humilitas impedimento esse debet, quò minùs in publicos illos oppressores, si quando se ausint coram sistere, excandescentiam tuam exeras: tunc enim legitimum est indignandi tempus. Quòd si iuris specie vim debilioribus illatam defenderint (ut nimis multifaciunt) quod legibus emendare non potes, id gratiæ tuæ & fauoris subtractione emenda: & tandem aliquando, quum tuâ ope opus habent, vicissim preme & afflige; ut, iuxta Christi de duobus debitoribus parabolam, quod alijs fecerunt, ipsi sentiant.

De constantia.  
Arist. 4. Eth.  
Thuc. 3. 6.  
Cicer. 1. offic.  
& ad Quin. fr.  
Brut. ad Cic.

In beneuolentiâ erga probos constantem te volo, & in rebus aduersis fortem & inuictum; non stoicâ illâ *ἀνδρεία*, qua multi, dum prauâ veteris illius sectæ imitatione hoc sæculo venantur honorem, vitæ & morum leuitate professionem suam traducunt. Nolo interea te stipitem, ut non sentias mala; nec tenellum nimis, ne nimio sensu victa ratio optimam remedij viam in aduersis non inueniat.

De liberalitate.

Verâ utere liberalitate, bonis beneficus, quin & honoris tui causâ munificus; eâ tamen ratione & modo, ut cuique secundum dignitatem

rem benefiat, ordinis, meriti, & necessitatis non neglecta mensura. Sed vide, ne ipse egeas dum nimium profundis. Præsertim verò statos regni prouentus, unde & tua & successorum tuorum regia dignitas alenda est, caue ne ullâ liberalitate minuas, nedum ut fontem hunc liberalitatis exhaurias: id enim sacrosanctum est & extra commercium. Cum tuo etenim & successorum damno alijs benefacere, non liberalitatis est, sed profusionis. Antè omnia caue ne populum ut ditescas tributis graues; sed populi opulentiam tuas opes censeas. At ex delinquentium peccatis, quæ nullâ cautione auerti possunt, nihil vetat, quin tuum facias quæstum. Quod si ad bellorum aliarumue necessitatum subsidia populo oporteat tributa imperare, id tamen fac quàm potes rarissimè; & fidus populi depositarius pecuniam exactam in præstitutos usus impende.

Cic. 1. & 2. off.  
Sal in Iug.  
Sen. 4. de ben.

Isoc. epist. 7.  
Xen. 8. Cyr.  
Phil. Com. 10.

Arist. 5. Polit

Præcipuè autem prudentiam adhibe, ut calumniam distinguas a vero. Primum itaque delatoris ingenium inspicies: deinde quid eius intersit conditio illius, quem detulit, prospera vel aduersa; tum quid eâ in re sit verisimilius: denique mores & vitam illius, qui defertur. Sufurronem & garrulum, si inueneris, ejice ex ædibus. Et quanquam illud verissimum sit, nihil magnum a Principibus absque taciturnitate fieri; præstat tamen sæpenumero delationem excutere, quàm credulitatis vitio viros probos suspicionibus lædere. nam cum tyrannorum morbus sit *suspicio*, ægræ conscientie symptoma, tu potius in alteram partem peccato, ut neminem suspectum habeas, qui nullo eiusmodi crimine vnquam notatus fuit. Sin lubrica hominis fides ante id comperta est, tum verò priore monitus experientiâ tibi prospicito.

De delatori-  
bus,  
Isoc. ad Phin  
Ponath. & de  
per.  
Cic ad Q. fr.  
Plut. de cur.

Isoc. de pac.  
Cic. 3. off.

Et ut consilio meo tandem finem faciam, quo pacto erga subditos te geras; cogita Deum, infuso hominum animis omnium virtutum amore, esse virtutum omnium authorem: id quod in veterum Romanorum integerrimâ vitâ apparuit. Populo igitur tuo ut loci dignitate, ita morum honestate præluce; ut bene agendi consuetudo successu temporis tibi vertat in naturam; & subditi legibus tuis auditis, & vitâ inspectâ, simul oculis atque auribus ad virtutis amorem & vitiorum fugam alliciantur.

Cicer. 3. Tusc.

D E-





# DE REGIMINE PRINCIPIS IN REBUS MEDIIS.

## LIBER TERTIVS.



Cic. de leg.  
Ouid. ad Liu.

Quint. 4. decl.

Arist. 5. polit.

Actiones adi-  
aphoræ ca-  
rumque mo-  
menta.  
Plat. in Phil.  
& 9. de legib.

Neutrorum  
bina genera.

Prius genus,  
& quo pacto  
illud neutrum  
sit.

Etus illud circumfertur & verum, Regem esse inftar actoris in scena, cuius singulos gestus & motus populus vndiquaque curiosis oculis obseruet. Quantumvis enim seuerus fuerit officij sui à seipso exactor, populus tamen, qui exteriora tantum videt, ex circumstantijs substantiam dijudicat, & ex specie illa exteriori, si paulò discinctior videatur aut leuior, de mente & ingenio opinionem anticipat; quam etsi successu temporis res ipsa refutat, contra ac ipsi sperauerant, interim tamen patitur iustus; & sæpe ex præiudicatis opinionibus contemptus, & ex contemptu rebellio nascitur, & rerum confusio. Ad hæc autem; certum est, omnes illos hominum actus medios & neutros ab aliqua virtute aut vitio pendere, pro vario eorum vsu & regimine. Nam inter illa non magis assignari potest medium, quàm inter eorum præmia, cælum & infernum.

Da igitur operam, mi fili, vt hos medios actus gestusque ita formes & instituas, vt internis animi tui virtutibus ornandis commendandisque inferuiant.

Ego hæc media in duo genera distribuo; quorum prius, consuetudo hominis in rebus necessarijs, victu, somno, amictu, sermone, sermone, & gestu. alterum est consuetudo eius in rebus non necessarijs; non illicitis tamen nec indecoris; ludo, exercitatione, sodalitis.

Hæ res necessariae quanquam ea ratione non sint adiaphoræ; quatenus sine ijs esse non possumus, vel quatenus à medio ad extremum, dum absque moderatione vsurpantur, deflectunt; qualitas tamen earum, vtendi que ratio, virtutem redolere potest aut vitium: multumque omnino in vtramque partem valent.

Vt igitur à rebus necessarijs initium faciamus, nihil est ex omnibus  
magis



magis publicum, aut plurium oculis, exterorum præsertim, obnoxium, quàm Regis mores gestusque in mensa. Quum igitur consuetudo Regum iam obtinuerit publicè cibum capere, in te vtique indecora esse non potest, sed potius ex dignitate tua: partim, vt suspicionem eam declines, quasi hominum congressus vitares, quod Tyrannorum proprium est: partim, ne ideo credaris priuatim cibum sumere, vt priuatim gulæ indulgeas, cuius puderet in publico. Sit apparatus mensæ splendidus: at tu paucis ferculis satisfacias fami, iunioris Cyri exemplo; quod & salubrius est, & à cupediæ vitio remotius, quæ ipsa quoque est gulæ species. Cibus autem vesceris, non lautis illis & exquisitis, sed communibus; tum vt in omnem pacis belliue euentum corpus habeas firmatum ad patientiam laboris; tum vt alacriore animo te tui subditi hospitem excipiant, cibus nempe parabilibus & è medio sumptis contentum; quod aliàs tibi verteretur fastui & lauitiæ, tuique apud tuos fastidium crearet. Simplex sit victus, absque illis operosis condimentis, quæ medicamentis quàm alimentis similia sunt: quorū vsus apud veteres Romanos gulæ vitio imputabatur, quia ad gustus blanditiam, non ad naturæ necessitatem comparata sunt: quo nomine ciuem suum Apicium, insignem illum catillonem, oderunt. At nomen ipsum Philoxeni, qui sibi scæda cupiditate collum gruis optauit, ignominiosæ fuit apud Græcos & Romanos memoriæ. Ergo aduersus illa nauseantis stomachi incentiua illud antiquum valeat, *Optimum condimentum fames*. Cibi potusque nimietatem fuge, turpe est in quocunque ebrietatis vitium, sed in Rege turpissimum; quod eam ob causam sollicitius vitandum est, quia est ex ijs flagitijs, quorum voluptas crescit cum ætate. Edendi gestum nec rusticum volo & rudem, tanquam inuerecundi Cynici; nec affectatum & concinnum, tanquam deliculæ Domina; sed virilè, & honestum. In mensa nihil minus decet, quàm vel negotiorum vel curarum meminisse: nihil magis, quàm aperta & serena frons. Tum iucundiores historiæ legendæ, vt capiat voluptas mixta vtilitate: vel si id minus arrideat, sermones cadendi, vr bani, arguti, honesti.

Studendum est vt somnus, qui è cibo oritur, moderatus sit, in quo magnam habet vim consuetudo. neque tibi illud excidat, si vitam in quatuor partes distribuas, tres ex ijs cibo, potui, somno, alijsque exercitationibus non necessarijs impendi.

Quamquam autem edendi & dormiendi sua sint & statura tempora, ita tamen te ipse assuefacito, vt qualibet è viginti quatuor horis pro arbitrio his vaces; quò victum tuum negotijs, non victui negotia accommodes. Neque verò voluptatem & mollitiem in lecto magis, quàm in mensa sectaberis, in primis si bella ingruant.

Tempore quietis cubiculum turbâ hominum ne inquietetur tam decori

Mores in mensa.

Xen. 1. Cyr.

Plur in Apophth.

Sen ep. 96.

Sen. de consol.

Iuuenal. sat. 2. Arist. 4. eth.

Xenop. de dictis & factis Socr. Laert. in Soc. Cic. 5. Tusc. Plat. 6. de leg. Plin. l. 14.

Cic. 1. off.

De somno.

Plat. 7. de leg.

Victus ratio optima. Plat. 6. de legib.

Mores in cubiculo seruandi.

Val. 2.  
Cur. 4.  
Plat. 6. de leg.

decori causâ, quàm ne quid eliminetur foràs. Fidi sint & taciturni, quos cubiculi honore dignaris. nam sæpe vsus erit Regi suorum taciturnitas. Cæterum in rebus maximè arcanis ita te geras, ne erubescere opus sit, si vel in foro præconis voce publicarentur. Præ ceteris autem prospice, vt, qui tibi sunt à cubiculis, integræ sint & illæ sæ famæ.

Negligenda  
in somnia.

Noli mentem aduertere in somnijs. nam vaticinia, visa, in somniaque prophetica, omnia in Christo consummata sunt. itaque in somnijs, aliisue in rebus, superstitionum ineptias deuita. est enim ex inscitia natus error, & Christiano homine indignus, cui persuasum esse debet, omnia esse pura puris (vt Paulus ait) omnesque dies, & cibos Christianis esse promiscuos.

Rom. 13.  
Tit. 1.

De vestitu.  
Iloc. de reg.

Cic. 1. off.

I lit. de reg.

Proximum est vt de veste loquamur, quæ post somnum induitur. In hac quoque modum serua; nec luxuriosus vt prodigus; nec sordidus, vt avarus; nec comptus, vt meretrix; nec rusticus, vt colonus; nec ineptus, vt Cretensis miles, aut aulæ tyro; nec seuerus nimium, vt concionator. sed aptus, mundus, honestus, incurioso quidem sed non indecoro habitu, media quadam inter Togatos & Paludatos via, inter horum leuitatem & illorum grauitatem: vt vestis ipsa significet ex utroque Regem esse compositum, Togatum, scilicet, ob iuris sanctionem & dictionem; Paludatum, ob gladij potestatem: vti etiam è ciuili & ecclesiastica dignitate dignitas regia mixta est. Neque enim merè Laicus est Rex, vt Papistæ & Anabaptistæ somniant, cui errori etiam Puritani nimium sunt affines. Sed, vt ad rem redeamus, vestimenta ad primæuæ institutionis vsum reuocanda sunt; cuius tres erant causæ, nempe vt essent pudoris & nuditatis velamenta; deinde, corporis ornamenta; tum verò, contra caloris & frigoris iniurias munimenta. si pudori occultando; tum certe, quod in corpore nostro pudendum est, indecorâ vestium formâ non debet representari. si corpori ornando; certè nimia concinnitate non debent esse inuitamenta luxuriæ, vt comæ adscititiæ, & impudicarum mulierum officinæ. si deniq, frigoris & caloris arcendis iniurijs; certè non debent homines, tanquam lapides, anni tempora, spreto Dei instituto, negligere, vt de calore & frigore videantur triumphare. Et quanquam in Principe laude non careat, immò verò necessaria sit hæc algoris & æstus patientia, quum bellum sub dio gerendum est: conuenire tamen magis arbitror, vt armatus & vestitus prodeas, quàm nudus; nisi forte vt te ad fugam expedias; quanquam ignauis id satis est, *metus addidit alas*. In summa, vestes cum ætate & anni temporibus mutato, de forma nihil sollicitus, cuius magistratam sequeris consuetudinem; interdum splendidior, interdum communior, vt occasio fert, nullâ seruata perpetuâ regulâ. Nam si circa hæc vana rerum curiosus videbere, in cæteris iudicare otiosus; & inter comptos iuuenes numerabere, non sine aliquo indolis tuæ & mentis

Cic. 1. off.

Arist. ad  
Alex.



mentis contemptu: sed nihil magis, quàm fæmineam in vestitu molliem vita, suffitus, odoramenta, & id genus alia. In bello, vestium vultusque nitore & magnificentia fac omnes superes. Enormi capillorum aut vnguium longitudine ne te exponas ludibrio. excrementa enim hæc sunt naturæ, quibus qui ita abutuntur, produnt ingenium aut vindictæ cupidum aut leue. Circa res externas & inanes, vt cibum & vestem, nulla vnquam voti religione obstringitor.

Neque tibi neque comitibus tuis arma vulgò permittes, nisi quæ equestris ordinis honorem deceant, cuiusmodi sunt gladij & pugiones. tumultuosa enim arma in aula nihil arguunt sani in regno. Itaque non illa modo Sicariorum arma, quæ offensionibus nata sunt, vt tormenta aliaque id genus, ex aula proscribes; verum etiam quæ defensionibus, cuiusmodi sunt thoraces occulti, manicæ hamis confectæ &c. Præterquam enim, quòd malo animo hæc talia gestari suspicio sit, neutrum præstant sui generis vsum. neque enim vim excludunt, neque hostium oculos suo fulgore præstingunt; & tantum abest vt globorum impetum repellant, vt potius augeant periculum: nec specie sui hostem exterreant, sed secreto suo inuitant, & nihil metuentem quasi fide data supplantant. Cum igitur perfidiæ causâ facta sint, non decet viros probos insignia gestare eius criminis, à quo longissimè volunt abesse; aut aliud præ se ferre, aliud reuera esse. Aduersus quæ omnia non inuenio quid respondere possint, nisi fortè antiquam hanc esse Scotiæ consuetudinem; quæ si peruersa sit, non magis propter antiquitatem probanda veniet, quàm Missæ nugamentum patribus nostris vsurpatum.

Arma in aula  
quæ.

Proxima deinde sermonis cura tibi habenda est, cui pronuntiatio- nem, & gestum loquendi, adiungo; Oratoris dotem præcipuam. gestu enim & pronuntiatione oculos auditorum alloquitur, quemadmodum aures linguâ. Tu in vtroque serua simplicem illam rationem, & à natura præscriptam, non artis lenocinio fucatam. vt fiat illud, *rien contrefait fin*: quicquid igitur est in alterutro affectatum deuita.

De sermone  
& gestu.  
Arist. 3. ad  
Theod.  
Cic. ad Q. fr.  
& ad Br.  
Cic. 1. off.

In sermone apertus, honestus, ingenuus, decorus, brevis, neruosus; vtutrumque extremorum fuge, & rustici idiomatis vilitatem, & librariæ concinnitatis affectationem; verba, inquam, nimis olentia lucernam: sed tenera & effæminata tanquam scopulum declina. Tuæ eloquentiæ præcipua laus sit in aperta illa, ingenua, & probabili sensuum tuorum explicatione, certis & idoneis subnixâ rationibus, admixtâ nonnunquam sententiarum grauitate, argutijque, & lepore, pro rerum aut temporum conditione: nullis è Theologia petitis facetijs, vt inter scyphos sacras literas scurriliter profanes, quod hodie nimis sæpe fieri amat.

Idem eod.

Cic. ad Q. fr.  
& ad Br.

Idem tibi in gestu obseruandum est, vt sit vultus non miserabilis

Idem 1. off.



aut ærumnosus, velut pædagogi; nec mobilis atque peregrinus, velut transmarini Equitis; sed ingenuus & grauis, ad patrium morem compositus. In ciuilitatis ritibus nec nimis parcus sis, id enim rusticitati & fastui imputabitur; nec nimis profusus, crebriore capitis aut corporis demissione. nimia enim popularitas ambiciosum aliquem Abfolonem magis deceat, quam Principem. Tu rebus præsentibus tuos aptabis gestus; dum pro tribunali sedes vel Legatos audis, ad grauitatem maiestatemque vultu composito: dum priuatim cum seruis versaris, ad familiaritatem: dum ludorum aut sermonum amænitati indulges, ad lætitiâ: at in bello, acre quiddam spiret, atque animosum. Vnum illud te iterum monebo, vt sermonem perspicuum & probabilem sequaris. præterquam enim quod mentis nuncia sit lingua, debiliorem argueret in Rege animum sermonis obscuritas; at falsitas multò magis, tanquam metu cuiuspiam non auderet verum dicere.

Phil. ad Alex.  
Cicer. 2. off.

Arist. 4. eth.  
Cic. Att.

Isoc. in reg. &  
in Euag.

Cic. 3. off.

Cic. 1. off.

Disputandi  
ratio.

Iudicandi  
ratio.  
Isoc. ad Nic.  
Cic. ad Q. fr.

De stilo Prin-  
cipis.

At memento aliud esse orationis genus cum disputas, aliud cum pro tribunali sententiam aut ius dicis, vel cætera officij tui exequeris. Disputandum etenim est placidè & moderatè, & quasi tantisper posita Regis personâ: nam contradictionem si impatientius tuleris, tuam sine ratione pertinaciam prodideris. In muneris tui functione, priusquam sententiam dixeris, consulto opus est; vbi dixeris, contradicendi licentiam, qua & tuæ authoritatis maiestas eleuetur, & lites fiant immortales, præcide: quod & ab omnibus inferioribus iudicibus & magistratibus obseruandum est.

In scriptione, quæ nihil aliud est quàm sermo literis consignatus, stilo vttere perspicuo, breui, & splendido, cum in Ediçtis tum in Epistolis, præsertim ad Principes exteros. Quod si te ingenij impetus ad aliquod opus scribendum ferat, siue soluta siue ligata oratione; hoc genus exercitij non possum non probare. id solum prouide, ne suscepti operis prolixitate ab officio auocere.

Cic. 1. off.

Hor. de arte.

Idem. ibid.

Arist. de arte  
poet.

Cæterum hîc noli tibi ipse adblandiri; sed priusquam aliquid edideris, peritissimorum in ea re, quam tractas, artificum experire censuras. Et cum scripta tua tanquam mentis totidem chirographa sint ad posteros, impudicitia & turpitudine vacua esse decet. omniâque, ametra, emmetra, *premuntur* (vt ait ille) *in nouum annum*; dum primus ille furor, quo inter scribendum incalueras, sensim deferueat; tuque iam, velut alienus iudex & cenfor, omnia prius ad seueriorem limam reuoces, quàm publici iuris fiant, quia — *nescit vox missa reuerti*. Si dignè aues scribere, elige materiam te dignam, non de nugis, sed de virtute; obscuritate, quantum pote est, vitatâ. Si quid ligata oratione scripturus es, scias non eam esse summam Poematis laudem, vt ad numerum omnia aptè cadant, verborumque insignis sit delectus; sed vt, omnibus in profam solutis, appareat inuentionis acumen & similitudinum

dinum rerumque nitor plus quam oratorius, & vt in prosa maneat species Poematis. In scribendo autem vt re patria lingua. nam Græcè & Latinè nihil non iam dictum est; & è scholastico puluere hîc reperias æquales. ad hæc, suam linguam polire & celebrare alienum non est à regia dignitate; qua in re, vt in cæteris, quæ honestioris sint notæ, omnibus subditis par est regem antecellere.

Inter res non necessarias, quæ licent tamen & expediunt, primum sibi in Principe adolescente locum vendicant corporis exercitationes & ludi, sed qui faciant ad sanitatem & robor. Licet enim animi cultus, qui otij rubigine solet hebescere, maximè omnium conueniat Regi; corporis tamen hæ recreationes sua laude non carent; queis profligatur otium, vitiorum omnium mater, & ad laborum patientiam corpus ipsum firmatur; in Rege res admodum necessaria. asperiore tamen & violenta, vt pilam Scoticam, quæ pede propellitur, luxandis potiùs, quàm firmandis ludentium artibus comparatam; petauristarum volutationes, funambulorum periclitationes, quæ hiltrionibus & agyrtis ad panem lucrandum inseruiunt, ex hoc numero prorsus expungo. Quibus autem te vt i velim, nec tamen vt artificij laudem sed corporis recreationem petas, sunt cursus, saltus, lucta, digladiatio, tripudium, pila reticularis, follis pugillatorius, arcus & sagitta, & id genus alia, amœna & campestria certamina: sed præ cæteris equestria. Nam Principi laudi ducitur, si eques omnium peritissimus sit & splendidissimus: vt mihi id de te olim liceat dicere, quod Alexandro pater Philippus, *πανδορία ἢ οὐ χυρρῶν*. Sed ea hîc frequentabis certamina, quæ in equo doceant vsum armorum; torniamen nempe decursumque ad annulum, vt hastæ; & humilior illud equitandi genus, vt gladij facultatem pares.

Non possum hic venationem omittere, eam, quæ canibus venaticis exercetur, quæ species laudatissima est & nobilissima. Nam sagittis aut globis in feras grassari illiberale est & furtiuum: & canis leporarij ministerium, nihil habet tam generosum ac militare. Sed ne suspectus videar venationis laudator, ego tibi Xenophontem laudo authorem veterem & illustrè, qui causas alterutri nostrum adulandi procul habuit. Is pulcerrimam Principis educandi rationem sub Cyri nomine proponit.

Aucupium, quod per accipitres & falcones exercetur, non damno; parcius tamen laudo: quia non ita militiam refert vt venatio, quæ equitem audacem, omniumque locorum peritum facit. infortunijs quoque magis est obnoxium aucupium, & (quod omnium est deterrimum) bilem, cæterasque animi perturbationes supra modum irritat. sed in utroque moderatio tenenda est, ne horas muneri tuo obeundo destinatas, quæ tibi religiosissimè semper seruandæ sunt, vnquam negligas; siquidem illa omnia ad hoc instituta sint, vt ad munus illud, cui natus es, fias expeditior.

De corporis  
exercitijs.  
Xen. 1. C. yr.

Plat. 6 de leg.  
Arist. 7 & 8.  
Polit.  
Cic. 1. off.

Plat. ibid.

Xen. in Cyr.  
Hoc. de iug.

Plat. in Alex.

De venatione.

Cic. 1. off.  
Cyri pædia.

De aucupio.

Arist. 10. eth.

De ludis do-  
mesticis.  
Arist. 8. polit.

Dan. de luf. al.

Cic. 1. off.

Obferuanda  
in lufu.

Delectus So-  
daliū.

Ifoc. de reg.  
Cic. 1. off.

Ludos autem domesticos, quibus tempus fallentes ipsi velocitate temporis fallimur, et si neque corpori neque animo conducant, non tamen omnino cenfeo improbandos; quum eam nostri partem occupent, quæ si vacua foret, malis cogitationibus vacaret, quia nihil potest esse vacuum. Nolo itaque quorundam nostra tempestate doctorum virorum curiositati astipulari (licet alias eruditionis & pietatis nomine eos suspiciam) qui folia lusoria & aleam, omnesque eiusmodi fortuiti euentus ludos prorsus condemnant. In eo enim errarunt, quod ex principio malè intellecto rationem suam deduxerint: nempe hoc genus ludorum genus esse sortilegij, ideoque illicitum: in quo sanè decepti sunt. nam institutæ sunt sortes, ut veritas in rebus obscuris, quæ alias expediri non poterat, enotesceret; ideoque vaticinij quædam species erat: at nemini in hisce propositum est veritatem latentem eruere, sed iactu aleæ pecuniæ quantum libet periclitari: haud secus ac de equi aut canis celeritate sponfionem facere quis posset. atque ita si ludi isti illiciti sint, nulla sponfio erit licita. Nec tamen ego aleatorum, & nepotum in me patrociniū suscipio, qui assidue ludendo tempus profundunt, cuius iactura longè est carissima; & vnà patrimonium dilapidant; quin malle penitus abrogari, vbi hæc tanta incommoda vitari nequeunt: tantum tibi vitio vertere non possum, si quando à grauioribus negotijs (quod bono Regi rarius contingit) feriaris, aut lectionis obrepit tædium, aut corpore male affecto, aut cælo minus sereno; si tùm, inquam, vel aleæ vel foliorum lusu animum reficias. Solâ autem aleâ absque alucolis certare perditissimos milites magis deceat, in extenta tympani membrana: quod genus & fortunæ & nebulonum imposturis nimis est obnoxium. Latrunculorum ludus displicet: est enim nimis consulta & philosophica stultitia. Cum etenim omnes ludi cum iâ finem inuenti sint, ut tantisper animos auocent à negotiorum molestijs, hic ludus, operoso nugarum apparatu, magis intendit animos, quàm priores curæ.

Sed circa lufum tria hæc tibi propono obferuanda. primò ex lufu nihil præter animi recreationem captes, de nummorum, quos ponis, iactura nihil sollicitus. Secundò, ne amplius ponas, quàm inter assecclas libenter spargeris. Tertiò, ut ludas ingenuè; ne doli aut mendacij consuetudo etiam per iocum obrepat. Hæc tria si nequeas seruare, proximum est consiliū, ut prorsus ab his ludendi generibus abstineas. nam neque iracundia ex damno, neque perfidia ex lucri desiderio *lufus* nomen meretur.

Iam verò non licet modò, sed etiam expedit sodales habere rebus aptos, seu res ludicras tractare libeat, seu serias & graues. nam iuxta rerum occasiones distinguenda sunt & tempora & sodalitia. Noli in concilio, aut inter publica negotia, cum venatoribus tuis sermones habere,

aut



aut inter venandum ludendumue negotia conficere. Cum ætate quoque varianda est sodalitijs, lususque oportunitas. vnamquamque enim ætatis partem suus maximè decet genius, insolitis vtique & illicitis vitatis; nec vt senex eat in militiam, nec iuuenis in senatum. Id verò accuratè prospiciendum est; vt integræ vitæ sint collusores tui, nec infamiâ notati, nec vitijs corrupti, nec qui obscena iocosis misceant. corumpunt enim bonos mores praua colloquia. Dominas præsertim, mera libidinis irritamenta, ante nuptias deuota. neue vnquam in te ipse ita peccaueris, vt scurras tuos velis esse a consilijs, vel histriones & mimos sæpe esse in tuo comitatu. Constat tyrannos illo genere maximè delectatos, qui tragædiarum ac comediarum auctores actoresque ipsi fuerunt. Vnde quod Philoxenus poeta tyranno Syracusano indignabundus respondit, nunc in prouerbum euasit, *reduc me in latomias*. & hæc vnica erat morituri Neronis gloriatio, *qualis artifex pereo?* quòd scilicet cytharædus eximius & tragædus periret. & certe tota illius vita & mors nihil aliud fuit, quàm vna tragædia.

Arist. 2. ad Theod.

Menand.

Plat. 3. de Rep.  
Arist. 7. & 8.  
Pol.  
Sen. 1. epist.

Suidas.

Suet. in Nero;

Noli ipse psallendi peritiam affectare, ijs præsertim organis, quibus vulgò victus quæritur. fuge mechanicis in rebus artifex haberi, *leur esprit s'en fuit au bout des doigts*, ait Bartassius: in cuius scriptis, vt Principe & quouis Christiano dignissimis, te cupio bene esse versatum. quin in hilari consortio hic quoque interdum vsus est, vt importunos declines. Te rationi æquum est cedere, quàm homines distinguuntur a bestijs, non importunitati.

1. Sep.

Qua de causa, & ad maiestatem augendam, meum exemplum non sequeris, vt omnibus omni tempore tui copiam facias: neque tamen vt Reges Persarum seclusus statis horis duntaxat adeuntibus patebis.

Cur. 8.  
Lu. 3. 5.  
Xen. in Ages.  
Cic ad Q. fr.

Et quum te diuina benignitas pluribus regnis destinârit, quod sæpe ante iam dixi, ita tuos ipsius & comitum tuorum mores in rebus adiaphoris compone; vt ad illius, quod humanitate, moderatione, & obedientia primum iudicaueris, instituta & mores cætera regna perducas. etenim in rebus hisce medijs magna est ad virtutem illecebra. Caue tamen, ne potius eò homines cogere, quàm ducere videare. Itaque successu temporis & paulatim id fiat, quotidianæ vitæ consuetudine, & mutui coniugij fœdere deuinctis inter se populis, vt non ægrè tandem coalescant. Quod inter has duas gentes eo facilius confieri potest, quia eandem tenent Insulam, ac religionis & linguæ vnione iam continentur. ita hæreditario & prope naturali eorum odio, quod ex diuturnis bellis, cruentisque & crebris ortum est prælijs, succedet ex hac politię vnione, rerumque & mercium communione firmissima & indiuidua eorum inter se concordia. cuius amicitie redeuntis (Deo sit gratia) longe suauissima iam quoque sentimus initia, ex hoc, inter Re-

Regula politię optima,

Commoda vnionis.

ginam sororem meam charissimam & me, diuturno feliciq̃ue fœdere, quod inde vsq̃ue, ex quo regnare vterque nostrum cæpit, integrum & inuiolatum permanfit.

Epilogus  
operis.

Thuc. 6.

Dion. 52.

Vt autem summam manum huic operi imponamus; vide, mi fili, vt ex vera constantique in Deum fiduciâ felicitatem in tuo munere obeundo expectes. vide, vt illius exterior functio interiorem animi rectitudinem testetur, vtque tui in rebus adiaphoris mores tui exprimant ingenij imaginem. & cum magnum tibi onus incumbat & graue, cognoscendo patiens sis, præiudicatis opinionibus liber, definiendo maturus, sentiendo constans. Præstat enim vel ea in sententia permanere, cui error adiunctus sit, quàm semper mutando nihil promouere, iudicio huius rei sumpto ex corporis tui microcosmo. In quo bini oculi prouidentiam significant, attentamq̃ue rerum omnium inspectionem: binæ aures patientiam audiendi, etiam vtramque partem. at vnâ duntaxat linguam habes, vt sententiam dicas planam, perspicuam, vniiformem. caput item & cor vnum, ne mutes consilium, quod rectum explorasti. duas denique manus, duosque pedes cum multis digitis, vt insigni hoc instrumentorum apparatu, quæ placuerunt, celerrimè peragas.

Hor. 1. epist.

Ephes. 4.

Arist. 5. Polit.

Dion. 52.

Plat. 9. de leg.

Sed vide nequid prius definias, quàm ira, quæ est furor brevis, re-sederit; quam tu iuxta Apostoli præceptum temperabis, *irascimini, sed ne peccetis*. In eo te oblecta, vt viros bonos non modo præmijs ornes, verum etiam honoribus; at neminem vltra, quàm Reipub. vires ferre possint. malos autem afficias supplicijs, at vt quisque pro se pœnam luat, non pater pro filio, nec frater pro fratre; nedum vt ob vnius noxam totam familiam oderis. Nam noxa caput sequitur.

Tanti vnumquenque facias, quanti ab eo virtutem fieri perspexeris. nec tuum amorem cuiquam vltra obstrinxeris, quàm ille bene agendo mereatur. Vide ne quis iustæ vltionis obtentu veniam impetret iniuriæ. Priore enim iniuriâ subditus læditur, at si læsus se vindicet posterior fit tibi, cuius officium iniuste vsurpatur, vt cui soli gladius datus est ad omnes omnium iniurias vindicandas.

Non abhorrebit, spero, ab his præceptis tua indoles, mi fili; nec tuam ipsius experientiam, quæ ex sera pœnitentia stultorum cognoscitur magistra, sed tibi aliorum exemplum, sapientium virorum Pædagogum, propones;

*Felix quem faciunt aliena pericula cautum.*

Plat. in pol.  
Cic. 5 de Rep.

Sic te Deus amet, & paterna mactet benedictione, si tui officij magnitudinem perpetuo habeas ob oculos, & tuorum omnium laborum finem in recta illius functione constituas; cætera, nisi quatenus  
huc

huc ducunt, leuia & inania existimes. hoc extremum est, quod  
mandò. Alij alijs ex rebus laudem petant, tu è regnandi scientiâ. quem-  
admodum apud sublimem illum & heroicum Poëtam, Anchises po-  
steris suis consulit & mandat:

*Excudent alij spirantia mollius æra:*

*Credo equidem, & viuos ducent de marmore cultus:*

*Orabunt causas melius: cælique meatus*

*Describent radio, & surgentia fidera dicent.*

*Tu regere imperio populos, Romane, memento,*

*(Hæ tibi erunt artes) pacique imponere morem,*

*Parcere subiectis, & debellare superbos.*

Vir. 6. Æneid.





THE  
HISTORICAL  
RECORDS  
OF THE  
CITY OF  
NEW YORK  
FROM  
1625 TO  
1898  
PUBLISHED  
BY THE  
CITY OF NEW YORK  
1898



IVS LIBERAE  
MONARCHIÆ,

SIVE

DE MUTVIS REGIS

LIBERI ET POPVLI

nascendi conditione illi subditi

*Officijs.*





## PRAEFATIO.



*Q*uod vobis offero, charissimi Cives, tam grante-  
ter, obsecro, admittite, quàm vobis amanter in-  
scriptum est. nolui simul inanis esse, & prolixus:  
breuitatem saltem spondeo, si abest rerum graui-  
tas. Quòd si nonnulla etiam praetermissa videbun-  
tur, scitote mihi propositum fuisse veritatis funda-  
menta sternere, non refutandis aduersarijs tempus  
impendere. veruntamen, quæ apud eos firmiora  
sunt hîc quoque (ni fallor) inuenietis aut contra-  
rijs rationibus aut tacitis obiectionibus, oblique  
licet & latenter, conuulsa. Consilium erat non irritare, si qua pote esset; sed in-  
struere & docere. Ego operæ pretium retulisse videbor, si vos, iuxta hanc  
viuentes normam, ad virtutem Regisque obsequium in posterum firmetis ani-  
mos; tum, quoties cum factiosis hominibus, qui rebellionum tumultus hîc vel  
alibi excitatos laudare vel excusare ausint, vobis res erit; his tuti præsidys  
Sirenum cantus contemnatis; hac trutina singula eorum exempla expensuri.  
Ita de factis omnibus quàm rectissimè iudicabitis; hoc est, iuxta eorum indolem,  
non vestram de eorum auctoribus opinionem. Dulcis mihi labor erit, unde  
hic vobis nascatur fructus. sed ne ex Praefationis ore nimis biante totus  
libellus exeat atque euadat, precor vobis numen benignum,  
& mihi vestram censuram propitiam.

( \* \* )

I V S







## I V S L I B E R A E M O - N A R C H I Æ.



**D**OST Dei Opti. Max. notitiam sicut nihil est in vlla Republ. necessarium magis scitu, quàm fidei & obsequij ratio Magistratui iuxta leges debita, præsertim verò in monarchia, quæ unitatis particeps, deitatisque æmula, consensu prudentū cæteris perfectior semper iudicata est: ita inscitia rei tantæ, & (quod peius est) vulgi error ab ijs profectus, qui sapientiæ Magistri haberi volunt, florentissimis Rebuspubl. exitium, cæteris exitij metum attulere. Blandiens fortunæ impietas, quæ non rarò seditiones aduersus Reges concitatas prospero donauit successu, permultos in hoc errore confirmauit; quanquam (vt postea ostendemus) nihil sit fallacius, quàm ex euentu de causâ ferre sententiam. Nulla autem est fuitue Resp. cui magis conducere possit huius rei notitia, quàm nostræ, infinitis seditionum miseriarumque fluctibus iamdiu agitata: quæ mala permulti quidem sentiunt, pauci oppidò intelligunt, aut causas vestigant. Patriæ amor, malorumque diuturnorum miseratio, mihi tandem silentium rupere; vt bonæ mentis imperio defungerer, vosque ad eius rei notitiam perducerem, ô populares, ex cuius inscitia vestræ sine fine exortæ sunt calamitates. ita intellectâ causâ virabitis effectus; ostensaque radice, fructuum, quos toties gustastis, amaritudinem purgabit. Statui igitur breuissimo hoc tractatu Regis liberi & populi subditi mutua describere officia; missis contrarijs opinionibus, queis tanquam veneno lectorum suorum animos nonnulli scriptores imbuere, suamque ad posteros ignominiam propagare non erubuerunt: quorum si singula refellerem, & vestrâ abuterer patientiâ, & auctores ipsos, eo quo digni sunt, sale fricare necesse haberem: lectores quoque meos, vt sua quemque libido ferret, in partes distraherem, potius quàm in vnica veritatis via firmarem: quem ego mihi in hoc tractatu (testor

eum

cum qui corda scrutatur) vnum solumque scopum propono.

Cum Monarchia igitur diuinæ potestatis quædam imitatio sit, eius primò è sacris literis substernam fundamenta: deinde verò è vetusto regni nostri iure, quod nobis charissimum esse debet; tertio è lege naturæ per varias similitudines omnia confirmabo: ad grauissima denique & in speciem validissima aduersariorum argumenta respondebo.

Regis erga subditos officium passim è sacris literis, & ex iureiurando, à bonis Principibus tempore inaugurationis præstari solito, ita notum est, vt proluxa descriptione nihil opus habeat.

Psal. 82. 6.

Psal. 101.  
1. Chr. 18.  
2. Chr. 29.  
2. Reg. 22. 23.  
Psal. 72.  
1. Reg. 3.

Rom. 13.

Reges *Deorum* titulo ornantur à Rege Vate, quia Dei folio in terris insident, & Deo soli sui reddunt officij rationem. Eorum autem officium est *iudicijs præesse, & ius populo reddere*, vt idem ait: *bonos euehere, malos deprimere*, eodem auctore: *bonas leges ferre earumque iussa facere*, vt à Iudæorum Regibus permultis factum nouimus. *pacem populi sanctam tectam seruare*, vt idem Dauid præscribit: *controuersias omnes populi dirimere*, quod Solomon fecit: *Dei ministros esse, eorum bono, qui bene agunt; eorum supplicio, qui male*, vt Paulus ait: *egredi & ingredi coram populo, vt Pastorem decet*, quod 1. Sam. habetur; vt iuxta Ieremiam ex regia prosperitate pax populi oriatur.

Nostri autem Reges, vt cæteri Christiani Principes, dum inaugurantur, iuramento se obstringunt, cuius hæ sunt partes: religionem patriam iuxta patrias leges defendere: nouatores omnes & turbatores punire: bonas leges à maioribus latas, earumque exercitium tueri; delinquentes verò & contumaces ex earum præscripto castigare: regni denique & Ordinum immunitates & priuilegia sancta tecta conseruare, siue aduersus hostes, siue inter se: in summa, populi bono & ornamento studere: & ad eam rem non solum veteres leges defendere, earumque iussa exequi, & nouas, si ita mali mores exigant, sancire; verum etiam imminetia præuidere pericula, & quibuscunque rationibus ea præcauere: concordiam, opulentiam, humanitatem inter ciues fouere: ijs, vt patres & excubitores decet, maiore cura prospicere, quàm sibi; quum sciant se eorum gratiâ factos esse, non contra; nec ignorent Deo reddendam esse omnium rationem, qui Regibus suam vicem ea lege mandauit, vt si propriam salutem amarent, populi sibi crediti salutem vnicè quærerent, corporibusque & animabus (quantum pote est) inuigilarent. Ex hoc iuramento inaugurali potius, quàm vlla lege quantumuis antiquâ & sanctâ, regij officij definitio petenda est.

Rex igitur, dum coronatur, iure naturæ fit subditorum pater. paternæ enim incumbit curæ liberos alere, educare, honestè instruere: Regis erga subditos eadem est sollicitudo. Parentibus labor omnis pro liberis susceptus suauis censetur: nec piget facere quicquid in eorum commodum



commodum & bonum. redundat : bonus Princeps erga subditos eodem modo affectus est. Pij parentis est omnia, quæ liberis accidere possunt, incommoda prospicere; & cum suo etiam periculo eorum pericula amoliri : ita Regis est populo suo consulere. Ira quoque & pæna, qualiberorum castigantur offensæ, merè paterna est, & dum resipiscentiæ spes superest mansuetudine temperata : Regis est in subditorum delicta, quæ illum non transcendant modum, sic prorsus animaduertere. Summa denique patris est voluptas, liberorum commodis obsequi : ideoque de eorum bono afficitur lætitiâ, de aduersis & malis miseratione & mœrore ; eorumque securitatem suo redimit periculo ; quietem labore ; somnum vigilia ; & in summa fælicitatem huius vitæ magis in illis ponit, quàm in se ipso : ita boni Principis animus est in populum.

Altera huius mutui & reciproci vinculi pars est Subditorum officium & fidelitas in Principem. cuius fundamentum petam ex verbis Samuelis à Spiritu sancto dictatis, quum ille populo petenti Regem diuino iussu daturus erat. & quoniam ea scripturæ pars tam est nostro instituto accommodata, ipsa verba hisce nostris inferere visum est.

- 9 **N**unc itaque ausculta voci illorum : Verumtamen quum sedulo contestatus fueris contra eos, & indicaueris eis rationem istam Regis, qui regnaturus est super eos.
- 10 Itaque indixit Schemuel omnia verba Iehouæ populo, petentibus a se Regem :
- 11 Ac dixit : hæc erit ratio ipsa Regis, qui regnabit super vos ; filios vestros accipiet, ut sibi disponat in curribus suis, & in equitibus suis, & currant ante currum suum.
- 12 Et ad disponendum sibi chiliarchos, & præfectos quinquagenis, & ad arandum arua sua, & ad metendum messem suam, & ad faciendum instrumenta bellica sua, & instrumenta curruum suorum.
- 13 Similiter, filias vestras accipiet, in unguentarias, in coquas & in pistrices :
- 14 Etiam agros vestros, & vineas vestras, ac oliueta vestra optima accipiet, & dabit seruis suis.
- 15 Semina quoque vestra, & vineas vestras decimabit, & dabit aulicis primoribus suis & seruis suis.
- 16 Seruosque vestros, & ancillas vestras, ac iuuenes vestros præstantissimos, & asinos vestros accipiet, adhibebitque ad opus suum.
- 17 Greges vestros decimabit, denique vos eritis ei serui :
- 18 Adeo ut clamaturi sitis die illa propter Regem vestrum, quem elegeritis vobis, sed non exaudiet vos Iehoua die illa.
- 19 Renuerunt tamen populus auscultare voci Schemuelis ; & dixerunt, nequaquam, sed Rex præerit nobis :



20 *Vt simus nos quoque sicut omnes istae gentes, & vindicet nos Rex noster, & procedens ante nos gerat bella nostra.*

Quòd verba hæc & sermocinatio Samuelis cum populo à Sp. Sancto sint, alia probatione non eget, quàm quòd pars quædam hæc sit sacrae scripturae, quæ tota teste Paulo <sup>divinitus</sup> est: quod principium nemo mihi vnquam Christianus negauerit. vnde necessariò efficitur non esse ista verba è Samuelis ambitione nata, quasi habenas, quas tam diu rexerat, ægrè poneret è manibus; & regium imperium faceret inuisum, vt populum à Regis flagitandi importunitate abstergeret. nam ille (vt ex contextu euincitur) populum iam in vnum conuocauerat, vt eorum petitioni libens annueret, quemadmodum illi disertis verbis Deus mandauerat,

*Ausculata* (inquiens) *voci populi.*

Diffuadere autem id velle, cuius concedendi gratiâ accesseris, vix Sapientis esse putem, nedum Prophetæ Dei altissimi. Præterea ex toto vitæ sequentis instituto satis apparet, non illum ambitione percitum tam diu populo dissensisse. hanc ille suspicionem longissimè à se remouit, quùm pro Saule assiduè apud Deum precibus intercederet; nec etiam post indicatam à Deo Saulis reprobationem orare desineret, donec Deus ipse, crebra eius interpellatione commotus, vetuit tandem, ne id ultra peteret. Quòd verò hæc verba non eò loquutus sit Samuel, vt Saulis primi eorum Regis defectionem prædiceret, ex multis colligitur: tum quia tyrannum illum vel oppressorem euasisse non est proditum in sacro codice, in quo tanquam in perfectissimo eorum omnium, quos exhibet, Regum speculo hoc peccatum, si fuisset, vnà cum cæteris apparuisset. tum quia ob virtutem & dotès imperio dignas electus est Saul à Deo, vt regeret Israël. Quòd autem postea defecerit, id deprauato ipsius ingenio, non Deo imputandum est: qui contra sentiunt Deum veluti vitricum populi sui accusant, qui eis Regem elegerit, quem ad regendum sciuerit ineptissimum: siquidem illius Regis electio à solo Deo proximè profecta est. Samuel igitur (vt consideranti perspicuum est) in eum finem hæc populo loquutus est, vt eorum animos ad Regis, quem Deus daturus erat, obsequium præpararet. quamobrem vt se patientia armarent, & diuinæ institutioni cederent, enormia illa vitia, in quæ nonnulli è futuris Regibus incidere possent, enumerat vates, quasi diceret: Quùm intempestiuè vestris precibus Deus Opt. Max. dato Rege satisfecerit, caute, ne vt diuinum iugum temerè nunc excussistis, Rege ante tempus petito; sic iugum regium, quod Deus vestris precibus victus vobis imponet, vtut graue videbitur, pari temeritate excutere conemini: hic enim error priore grauior futurus est. nam vt Regem nonnisi diuino permisso iussuque potu-

istis

istis consequi, ita cum semel vobis præfectum, nonnisi eodem Deo auctore potestis abdicare. idcirco in tempore vos ipsos patientiâ & modestiâ armate, quoniam penes eum solum est Regem deijcere, qui euexit. Nihil vobis relinquitur nisi parere, & ferre æquo animo quæ prænuncio incommoda. Dei enim est hic digitus, quem vobis, vestro arbitratu depellere nefas est.

Quod si ipsa contextus verba eo, quo posita sunt, ordine expendere libeat, qualis debeat Regibus obedientia perspicuum fiet.

Primò enim duo imperat Deus Samueli; vnum quidem, vt petenti populo Regem concedat: alterum, vt mala, quæ à Regum nonnullis passuri erant, prædicat; ne fortè, quùm illa euenirent, in hæc aut similia verba indignantes erumperent: Si Deus, cum Regem peteremus, indignæ huius seruitutis, quæ iam nimis sed serò nota est, nos præmonuisset, nullum vnquam Regem admisissimus. & hæc est eorum verborum mens:

*Nunc itaque ausculta voci illorum: veruntamen quùm sedulò contestatus fueris contra eos, & indicaueris ijs rationem istam Regis, qui regnaturus est super eos.*

Deinde exequitur diuinum iussum Samuel & hæc duo præstat: primò ostendit, quibus iustitiæ & æquitatis legibus violatis Rex populo futurus sit grauis. Secundò pristinæ libertatis spem illis omnem præcidit; vtut iugo illo, quod sua importunitate à Deo accersiuere, se opprimi sentiant. Æquitatis leges à Rege violandæ his verbis habentur.

- 11 *Ac dixit: hæc erit ratio ipsa Regis, qui regnabit super vos; filios vestros accipiet, vt sibi disponat in curribus suis, & in equitibus suis, & currant ante currum suum.*
- 12 *Et ad disponendum sibi chiliarchos, & præfectos quinquagenis, & ad arandum arua sua, & ad metendum messem suam, & ad faciendum instrumenta bellica sua, & instrumenta curruum suorum.*
- 13 *Similiter filias vestras accipiet, in vnguentarias, in coquas, & in pistrices:*

Leges iustitiæ à Rege violandæ illis verbis habentur:

- 14 *Etiã agros vestros, & vineas vestras, ac oliueta vestra optima accipiet, & dabit seruis suis.*
- 15 *Semina quodque vestra & vineas vestras decimabit, & dabit aulicis primoribus suis, & seruis suis.*

Quasi diceret: florem ipsum vestræ nobilitatis seruilibus circa se officijs dehonestabit. nec suo contentus patrimonio, ex agrorum vestrorum, & vinearum, & hortorum opimis, exque pecore vestro, luculentos sibi colliget prouentus. Ita ille inuerso naturæ ordine, inuerso Regis officio, vos ipsos, & posteros vestros, agrosque, & opes suæ mancipabit libidini.

Præmonitio autem illa, quòd iugum ipsorum importunitate à Deo impositum, quantumuis grauentur, nunquam tamen excuterent, his verbis exprimitur :

*Adeo, ut clamaturi sitis die illa propter Regem vestrum, quem elegeritis vobis: sed non exaudiet vos Iehoua die illa.*

Quasi diceret: quùm hæc omnia quæ prædico, olim ingrata experientia vobis comperta fuerint, fremite & indignamini vt liber; non licebit tamen potestatem excutere, quæ & diuina institutione & vestra electione vobis præest. volentes etenim, excidistis priuilegijs, quibus pristinam vestram libertatem olim repetatis: nec Deus permittet euerti, quod se auctore vobis orantibus stabilitum est. ac ne forte crederent rescindi olim posse contractum, quem ipsi vnanimi consensu firmârunt, Samuel, vt omnem illis exultationis prætextum auferret, postquam huius iugî grauitatem & onus multis ostendisset, quid illis animi sit interrogat, & an libenter illud fusciperent? Illi autem susceperunt, vt his verbis apparet:

*Renuerunt tamen populus auscultare voci Samuelis, & dixerunt: nequaquam, sed Rex præerit nobis.*

Quasi dicerent: neque sermonum tuorum, neque conditionum durities à nostro voto nos absterret. nostra erit ista bonorum malorumque fors. neque nos, quod cæteræ gentes ferunt, à nostris Regibus impositum onus detrectabimus. Quin si Reges nostrorum bellicorum duces esse voluerint, huius beneficij gratiâ æquissimo animo, quicquid oneris iniunxerint, feremus.

Nunc igitur, quùm omnibus Christianorum régnis tanquam exemplar quoddam proponi debeat Monarchia Iudaica, quæ ab ipso Deo instituta nullas leges habuit, nisi diuino editas oraculo; cur, obsecro, turbulenti & factiosi homines in Christianorum Principum regnis libertatem sibi vendicent quæ Dei populo non debebatur? præsertim quùm nullius vnquam Regis maior fuerit enormitas, aut superbia, quàm populo Israelitico hîc prædicta est: nisi fortè tyrannidis nomen non mereatur hæc hominibus illata vis, & filijs, & filiabus, & ministris; hæc nobilium familiarum, & vtriusque sexus procerum ad indigna, & seruilia munia compulsio; hæc agrorum, opumque ad vnius hominis commoda, eiusque aulicorum & Comitum fastum expilatio. omnis tamen rebellio hæc passuris interdicta fuit.

Et vt huius dogmatis in sacra pagina fundati veritas ex perpetua in eodem libro experientiæ obseruatione amplius elucescat, nunquam legimus, suadentibus Prophetis, aduersus Regem quantumuis impium fuisse olim à populo rebellatum.

Quùm huic ipsi Sauli denunciasset Samuel Deo ita visum esse illi sceptrum adimere, & alteri dare; quod reuera nihil aliud erat, quàm

Regem



Regem in ordinem cogere, & dignitate regiâ exuere; statim inde domum se contulit Propheta, & multo fletu diuinam pro Rege misericordiam sollicitauit. tantum abest vt quicquam turbarum dederit.

Et Dauid, cum iam Rex suffectus vindicare iure posset iniurias, quas à Saule, cui honestissimè & sine villo maleficio seruierat, perpetrasset; tantum aberat, vt vinctum Domini occideret, quum posset; vt ægre sibi persuaserit vestimentum eius attingere, nec id quidem, nisi summa cū religione, imò capitalis hostis benedictione. Postea quum nō nemo Saulem à se occisum falsò iactaret, Dauid, neglecto iudicij more, neglecto delicti examine, illud ipsum linguæ flagitium è vestigio morte vindicauit.

Et quamuis Achabo nemo vnquam vixerit dirior tyrannus, rebellio tamen aduersus eum ab Elia nulla alia concitata fuit, quàm quòd in desertum fugerit, vbi alimenti inops à coruis pasceretur. nec quisquam, opinor, dubitabit, quin Samuel, Dauid, Elias; si visum modò illis fuisset seditionibus aduersus Reges concitandis operam & auctoritatem suam impendere; apud populum tam gratiosi fuerint, quàm quisquam nostra tempestate è factiosis illis concionatoribus, cuiuscunque demum sectæ fuerint, vel hîc vel in Gallia; quibus vnum hoc negotium datum est, religionis obtentu rebelliones ciere. hætenus veritatis amor sed (testor) sine personarum odio acerbum me fecit.

At si quis extraordinarijs illis in sacro codice Regum abdicatorum aut occisorum exemplis populares seditiones voluerit tueri, quale erat facinus Iehu & id genus alia: Respondeo, præterquam quòd parem auctoritatem ista non habeant, si extraordinaria scripturæ exempla in quotidianam vitæ consuetudinem trahi debeant, tum verò dicemus homicidium commissum per fidem, vt in Ahude & Iaele, & furtum, vt in Israelitis digredientibus ex Ægypto; & mendacia apud parentes in fratrum damnum, vt in Iacobo, actus esse è virtute profectos, nec minore laude dignos, quàm rebelliones aduersus Principes. & vt summatim dicam, ex perpetua Scripturæ praxi constat populum legi illi paruissè.

*Iudicibus conuicium non dices, nec de populi Rectore loqueris malè.*

Itaque vt dogmatis huius petita è sacris literis fundamenta absoluiam, duo insignita & propria exempla, vnum sub vetere lege, alterum sub Euangelio in medium adducam. Ieremias sub lege propter rebellionem aduersus Nebuchadnezaremem, Regem Babylonis, Dei populo minatur exitium: cui Regi, & idololatræ, & crudeli, & peregrino, & tyranno, & libertatis Iudaicæ prædoni ideo censuit Propheta à Iudæis parendum, quia semel illum Regem admiserant, & agnouerant. quin & pro illius felicitate preces estimauit fundendas, addita ratione, quòd eius felicitate eorum pax staret.

Ierem. 27.

Sub Euangelio Rex ille, cui Paulus iubet parere, & conscientiæ causâ seruire, fuit tyrannus ille sanguinarius, sæculi sui labes, & orbis opprobrium Nero; nec minus quàm Rex Babylonix idololatriæ & Sanctorum odio infamis. Quòd si igitur nec idolorum cultus, nec apostasia, nec tyrannis, nec sanctorum propter veritatis professionem odium, Spiritum Sanctum retardârint, quò minus eiusmodi Regibus synceram & iustam obedientiam etiam conscientiæ causâ præstari à populo iuberet, & Cæsari dari quod est Cæsaris, & Deo quod est Dei, vt Christus ait, si vniuersa hæc diuini codicis praxis cum primaria lege institutionis Monarchiæ Iudaicæ ad vnguem congruit, vt ante prolixè rem deduximus; quanta sit ista, & quàm impudens in Christiano quouam populo arrogantia, eam sibi libertatem iniustè ire assertum, quam Deus suo ipsius electo populo noluit indultam? Vt igitur iuxta hæc nostra è sacris literis argumenta vniuersum hoc subditorum in Reges officium, & fidelitatem, duarum aut trium sententiarum ambitu complectar: Regi obedire debent subditi, vt Dei in terris vicario: Regis iussa facere, vt Dei ministri, nisi quò diuinis iussis è diametro repugnant: Regem vt Iudicem suum vereri datum a Deo; & soli Deo, siue cum iudicat siue cum rationem iudicij sui reddit, obnoxium: Regem denique metuere tanquam vindicem, amare tanquam parentem, pro eo orare tanquam patrono, si bonus quidem sit, vt duret, si malus, vt resipiscat: iusta eius iussa promptè exequi, in iniustis verò furorem eius absque reluctatione fugere, soloque fletu & suspirijs repugnare: Deo in auxilium vocato, iuxta illud in primitiæ Ecclesiæ calamitatibus,

*Preces & lachrimæ sunt arma Ecclesiæ.*

Iam verò, vt qualis esse debeat subditorum in Principes fidelitas ex ciuili & antiquo huius regni iure manifestum fiat, quod ab initio promissi: prius ostendere necesse est quo modo leges inter nos primitus latæ, & certa politiæ ratio instituta fuerit; vt, fundamento arte subtrato, tota edificiij compages stabilior fiat. Quanquàm verissimile illud sit, quod ab ijs adferri solet qui Tyrannomastiges haberi volunt, in primo nempe Regum inter gentes ortu, ipsaque mundi infantia Reges fuisse primò è media turba electos, qui probitatis & fortitudinis opinione cæteris antecellerent, qui infirmiores protegerent, violentos deijcerent, & ciuilem societatem sanctam tectam conseruarent; quod aliàs nisi virtute vnius commodè fieri non poterat: aliena tamen sunt à nostra questione eiusmodi exempla, quàm longe alia, imò contraria fuerit nostri regni origo.

Nam (vt annales nostri testantur) quò hæc Insula, & præsertim borealior eius pars quæ nostra est, parcè admodum & à paucis coleretur,

tur, quibus non minus parca erat humanitas; ex Hiberniâ, quæ diu ante nos habitata fuit, cum ingenti hominum numero transfretauit ad nos Fergusius: & partim Hibernorum auxilijs, partim indigenarum, qui sponte ad ipsum transibant, amicitia, rerum potitus, breui totius terræ, & omnium eius incolarum Dominum & Regem sefecit. ab illo, & illius successoribus, diu ibi regnantibus, leges, prout res exigebat, latæ sunt. Veritas igitur è diametro pugnat cum seditiosorum scriptorum fallacijs, qui nobis persuadere conantur ante latas fuisse, & stabilitas leges, quàm Principes rerum summâ tenerent. vel hinc perspicuum est Barbaris a sapiente Rege Remp. fuisse primò datam, deinde leges. quod ius ab illius posteris hætenus vsitatum fuit.

Igitur in Scotia, antequam vlla foret Reip. facies, aut ordinum distinctio, aut leges, aut comitia; Reges erant. ab his terra, quæ tota ipsorum fuit, diuidi cæpta est, & ordines hominum distingui, & politicum regimen stabiliri. vnde efficitur leges nostras esse à Regibus, non à legibus Reges. Quod vt adhuc liquidius appareat; ex archiuis nostris, in quibus antiquum & primæuum regni ius asseruatur, satis constat *Regem esse Dominum omnium bonorum, & totius ditionis dominum directum: Omnes subditos esse eius Vassallos*, qui latifundia sua ipsi, vt Domino, referant accepta, sui nempe obsequij & seruitij præmia. penes quem sit ius possessionis mutare, vt ex nuda habitatione feudū facere, & novos Barones creare; & hæc omnia sine comitiorum auctoritate, vel curiæ vllius consilio. Vt si fas esset ius violare (quanquam mea opinione iniuria, vbi vbi est, iniuria est) Rex subditis quicquid possident terrarum longè speciosiore prætextu adimere, suoque de illis arbitrato statuere posset, quum omnium sit Dominus, quàm populus (vt nonnulli male feriati scripserunt) Regem abdicare, & alium illi sufficere. Sed vtrūque horum vt iniustum, & diuinæ ordinationi contrarium, cogitatu, nedum factu turpe debet censeri.

Et iuxta primæuum hoc terræ nostræ ius. quotidie in comitijs regni, quæ Regis & Vassallorum suorum præcipua Curia dici meretur, cernere est leges à subditis rogari, quæ à solo Rege, subditorum consilio, feruntur. Quanquam enim inconsultis comitijs & regni ordinibus Rex ipse mulctis & penis arbitrarijs adiectis constitutiones in dies sancire possit, nusquam gentium est tamen penes Ordines vel legem ferre, vel constitutionem stabilire sine sceptri regij ope, vnde omnis legum vigor & vis. Et quanquam in alijs regionibus ingentes regij sanguinis factæ sint mutationes, sceptri iure ad novos Dominos iure belli translato; eadem tamen illic cernitur in terram & subditos potestatis regiæ vis, quæ apud nos, qui Dominos nunquam mutauimus. Quum spurcius ille Normandicus validissimo cum exercitu in Angliam transiisset, quo, obsecro, nisi armorum & belli iure Rex factus est? At ille leges



le leges dedit non accepit, & vetus ius & consuetudinem regni antiquauit, &, auitis possessionibus euerfis homines nouos & peregrinos imposuit, suæ militiæ comites; quemadmodum hodie pleraque Angliæ nobilitas Normannicam præ se fert originem; & leges Normannico scriptæ idiomate facillè testantur auctorem. Nihilominus posterius eius sceptrum illud hæcenus feliciter tenuerunt. nec hoc soli Normanno licuit: idem ius omnibus fuit, qui ante illum victæ Angliæ leges dederunt.

Et, ne longius hic morer, Regi competere vniuersæ terræ Dominium satis liquet ex legibus de thesauris, de spurijis, de ijs qui moriuntur sine hæredibus. Thesauri enim sub terra reperti, quorum custodia vsus nullius est, ipso iure sunt Regis. &, si quis sine hæredibus moriatur, prædia bonæq; Regi vt veteri Domino censetur relinquere. & spurij; si ante exceßerit è vitâ, quam à Rege, qui solus id conferre potest, ius Legitimi consecutus fuerit; Regem habet ex affe hæredem. Iam verò, vt ex dictis constat Regem esse terræ Dominum, ita non minus verum est in personas omnium idem illi ius competere; quæ est irrefragabilis vitæ & necis potestas. Licet enim iustus Princeps absque lege neminem vita exuit; lex tamen ista, iuxta quam dicit morris sententiam, ab ipsomet, aut decessore eius lata est: &, quod hinc efficitur, ab ipso non à lege potestas ista deriuata est. boni enim Principes, vt quotidiano vsu notum est, nouas leges etiam propositis pænarum minis sancire solent; quibus ea vetant fieri, quæ si vetita non essent sine peccato fieri possent. Nec volo tamen veterem illam Regis & legis distinctionem; quæ Regem facit loquentem legem, legem verò Regem mutum; è medio tollere. nam nec Deo administrationis suæ rationem reddere, nec securè aut feliciter inter homines regnare potest, qui regnando leges negligit. Esto enim (quod prolixè satis ostendi) Rex lege sua, cui auctoritatem & robur confert, dignior & maior; at, si bonus est, non modo omnia extra se iuxta leges dirigit, sed summam in ea voluptatem ponet, vt ex earum præscripto ipse viuat; ab æterna illa lege nunquam recedens, *Salus populi suprema lex esto.* Quòd si in iure obscurum aliquid sit, aut nimis seuerum, Regis est lucem affundere, & secundum æquum & bonum interpretari; ne fiat illud, *summum ius summa iniuria.* ideoque publicæ leges, in regni comitijs latæ, possunt à Rege mitigari, & propter certas causas illi soli cognitæ suspendi.

Porro, quod dixi bonum Regem iuxta leges viuere, non ita intelligendum est, quasi teneretur hoc facere, sed quòd sponte sua, vt Subditis exemplo præeat, id facturus sit: verbi gratiâ Rex in quadragesimali ieiunio familiam suam volet abstinere à carnibus: at ipse neglecta lege, quoties volet, comedet; nec dispensatione vlla ad eam rem indigebit. pa-

bit. pariter interdicta est iure nostro tormentorum gestatio ; at Regi licebit, quoties aduersus latrones aut rebelles expeditionem suscipit, tuos comites his armare. Itaque (vt dixi) bonus Rex vitam omnem iuxta leges formabit; sed sponte sua, & vt subditis exemplo praeceat, non quod ipse legibus subditus aut adstrictus sit.

Cum igitur ex antiquissimo huius regni iure, perpetuaque consuetudine, satis iam constet de regia in homines, eorumque possessiones potestate; facile erit intellectu, quæ illi fides, quod obsequium debeatur à Subditis. semper autem liberos Principes, qualis noster est, intelligo; non electos à populo; multò minùs eiusmodi rectores, qualis est Venetorum Dux, cuius aristocratica & restricta potestas monarchicæ libertati nihil habet affine: vt vt inter hos & illos quorundam scriptorum impudentia nihil agnouerit discriminis.

Quod si inferior feudi Dominus, quicquid demum prætexatur, iure suo à Vassallis nequeat exui, (vt omnibus est notissimum) quanto minùs Princeps, supremus ille omnium Dominus, à subditis suis in ordinem cogetur, vel auctoritate priuabitur? In inferioribus regni iudicijs Magistratuum potestates, quæ omnes Regi subseruiunt, arbitrio populi non mouentur suo loco. nec enim Urbium Præfectos ante nouæ electionis tempus ciuibus fas est reijcere: nec in Ecclesiasticâ politia Pastor gregis sui censuræ aut potestati obnoxius est. ne quidem vilis Ludimagister eijci potest à discipulis. Si ex his, quorum omnis potestas aut vicaria, aut temporaria est, & cum Regiâ collata aut minima aut nulla: si ex his nemo per quascunque causas exui possit dignitate ab ijs, quibus præfunt, multò certè minore iure Rex ipse, magnus regni Præfectus & Magister, abdicabitur à Subditis: nisi fortè inuerso legis & naturæ ordine maiorem par sit a minore leges accipere; iudicem iudicari à reo; & summum omnium Dominum ijs subesse, quibus præest.

Quàm appositè autem lex naturæ cum diuino humanoque iure in hac causâ conueniat, duplici similitudine apparebit. Idem Rex est populo suo, quod pater est liberis; quod caput est corpori è multis membris composito. Nam in Repub. Israelitica piæ memoriæ Principes, & Rectores non dubitarunt patres se populi fateri. & in alijs Rebuspub. titulus Patris Patriæ regum proprius fuit, ijsque sæpe decretus. & sanè perquam similia sunt Regis in subditos, & capitis in corpus officia. Capitis est pro ratione sibi datâ quæcunque corpori aut eius membris eueniant incommoda prospicere & auertere: Principis est eandem populi curam gerere. Capitis est ratiocinari & imperare, corporis verò secundum varia membrorum munia illius exequi imperium. ita se res habet cum Principe & populo. Vt ratio è capite profecta non modo membra omnia corporis, dum sana sunt, exercet; sed & ægra, si medicabile

medicabile videatur malum, quantum pote est restituit; si immedicabile, præcidit — *ne pars sincera trahatur.* ita quoque se res habet inter Principem & populum. Denique ut nullius membri curatio desperata est capite, cuius consilio instituenda est curatio, rectè valente; eius autem valetudine affectâ omnia membra simul affici necesse est: ita quoque se res habet inter Principem & populum.

Quod verò ad patrem attinet; cuius <sup>capiti</sup> erga liberos primâ tractatus huius parte explicui, dum Regis erga subditos officium complecterer; animaduertite, obsecro, quibus erga illum officijs liberi deuincti sint: an non monstri simile foret, si inuentâ causâ in illum consurgerent, &, cum visum esset, abdicarent, è medio tollerent, alium in eius locum adoptarent? dicite an vllus paternæ seueritatis aut improbitatis prætextus absoluat liberos, si violentas patri iniiciant manus? Hic est naturæ impetus, ut descendat potius quam ascendant amor; fingamus tamen inuisos esse patri liberos, & indignis (si velis) ab eo modis tractari; eritne aliquis ita ob omni ratione alienus, ut liberis licere putet patri suo par pari referre? Dicite, si pater nudo gladio insequatur filium, an huic fas erit se obuertere, & verbera verberibus rependere, aut alia ratione patri resistere, quàm fuga? facile esset ex ipsis brutorum animantium moribus, si cætera omnia deficerent, hoc euincere. Et ut celebratam illam ciconiarum in senes & inualidos parentes pietatem omittamus, nonne passim notum est multas reperiri & volucres & bestias, quæ fetus suos, sibi alendis & tuendis iam pares, multis verberibus & sanguine à se depellant? at suis parentibus illos aduersari, aut quicquam contra moliri, res noua est, & inaudita; præterquam in vno viperarum genere: ut sciamus viperino esse eos homines ingenio, qui, cum ratione uti debeant, huius tamen animalis peruersam indolem sequi malunt.

Et ut ad priorem similitudinem tantisper reuertar, potest consilio capitis membrum aliquod corporis, iam putre, ob salutem totius præcidi: at si caput ipsum, quocunque demum morbo tentaretur, corporis arbitrio præcidi deberet, quæ expectanda esset totius salus, facilis est coniectura.

Atque ita ne in hac parte videar prolixior; si liberis cuiuscunque demum causæ obtentu fas sit in parentem insurgere, eique è medio sublato alium suo arbitratu sufficere; si corpori, ut bene sit, caput morbidum liceat demetere; tum non inficias eo, quin populus iure & possit rebellare in Principem, &, cum visum fuerit, eum redarguere, & maiestate ac vita priuare. Lectoris denique iudicio excutiendum relinquo, an gemina hac similitudine Regum officiū melius declaretur, an Præfectorum in collegijs artificum, vel doctorum medicinæ; quod lepidum comparandi genus à contrariæ sententiæ auctoribus usurpatur.

Cæterum,



Cæterum, ne quis ex dictis alicubi scrupulus maneat; quod ab initio pollicitus sum, quatuor dubitationibus, quæ maioris momenti in hoc negotio esse videantur, solutis, finem faciam. Et primò quidem à plerisque eorum, qui rebellionibus & lætæ maiestatis criminibus defendendis stilos suos exercuerunt, solet hoc obijci; ea lege natum esse vnumquemque Reipublicæ, vt pari eam zelo & amore ac matrem suam prosequatur: quoties igitur tyrannorum improbitate laniatur, affligitur, rapitur; bonis ciuibus nullum non mouendum lapidem, vt tantâ eam peste liberent.

Hic ego bifariam respondeo. Primò in diuina politia longè illud est certissimum, non esse facienda mala, vt inde eueniant bona. nulla proinde improbitas, quanta quanta ea est, eorum iudicio Regem subiiciet, quibus iudicandis ille à Deo est præpositus. Quod si nec priuatus in priuatum suæ iniuriæ vindicandæ potestatem habet ( hæc enim Magistratus propria est, cui soli datus est à Deo gladius ) quanto minus populo aut cuiquam è populo, quàm omnes priuati sint, ius gladij aduersus publicum Magistratum competet; cui soli ius gladij in eos concessum est?

Secundò, hac temeritate non leuaretur afflicta Respublica, qui vnicus illius superest audaciæ color; sed geminâ potius ruinâ & vastitate obrueretur, adeoque ex inconsulta rebellionem contrarium planè eueniret. Nec enim vllus Rex tam immitis aut efferus fingi potest, quin per illum melius sit Reipubl. quàm per illius cædem. Primò enim omnis subita mutatio in Repub. periculosa est; quæ hominibus sordidis & nudis nouarum magnarumque rerum spem facit, vt alienis se vestiant plumis. soluta enim Reipubl. compage ad omne genus insolentia, in quod spe impunitatis ferri potest popularis impetus, habenæ laxantur. Deinde verò fieri non potest, quenquam Regem ita esse prodigiosè improbum, vt non publicè iustitiam amet, & in officio homines aliquatenus contineat, vbi ad eum priuatim, aut eius affectus, quibus præceps rapitur, nihil ea res attinet. at vbi nullus Rex est ibi nihil est nefas. Et longè verissimum illud est, quod à veteribus Philosophis dictum accepimus; satius esse in ea republ. viuere, vbi nihil licet, quàm vbi omnia; quæ rerum facies indomito equo, qui sessorem excussit, ab similibus non est. nam vt diuinus Poëta Bartasius ait: Præstaret in Repub. quosdam næuos & maculas ferre, quàm per causam reformationis omnia deformare.

Secunda eorum obiectio ex grauissimis illis malis orta est, quæ Reipub. ex tyrannica dominatione incumbunt: ideoque nihil esse Deo acceptius confirmant, aut afflictae Reipubl. gratius, quàm eiusmodi peste terram absoluere, & in libertatem tantopere omnibus animantibus expetitam homines asserere.

Neque

Neque ego inficias eo malum Regem Deum flagellum esse, quo hominum vindicantur peccata: licere tamen unicuique, cum vitum fuerit, eam poenam excutere id verò pernego. quis enim neget Regem Babylonis populo Israëlítico, vt in captiuitatis vaticinio minatus fuerat Deus, grauissimam fuisse & dirissimam pestem? quis nesciat talem Ecclesiæ Christianæ fuisse Neronem? at Ieremias & Paulus his parendum, proque eorum incolumitate preces & vota facienda esse censuerunt.

Patientia igitur & prece & emendatione vitæ; quæ sola nostrarum partium esse ex iure diuino iam satis ostendi; agendum est cum Deo, vt ipse sua manu pestem hanc è populo dignetur submouere. Nam quo pacto populus, cui iam integrum non est priuilegia vnanimi consensu in Regem translata repetere, veterem sibi libertatem asserat? nam si Principi ipsi non liceat priuilegia in quemcunque subditorum ordinem à se, aut maioribus concessa reuocare; quo pacto, obsecro, subditi Principem suum maiestate, qua ipse cum maioribus suis tamdiu inter eos eminuit, exuere poterunt?

Verum temporum iniuria, quæ perfida multorum consilia immerito sæpe donauit successu, materiem præbet tertiæ eorum obiectioni. nam è prospero, quo eiusmodi facinora donata sunt successu tyrannicidium euincunt Deo placuisse.

Verum illud quidem est bellorum, & humanarum rerum omnium euentus penes Deum esse. quam ob causam ipse se in sacris literis *Deum exercituum* indigitat. at si inde colligas meliori causæ semper indulgeri à Deo victoriam, pariter efficies Philistæos, aliasque gentes Israëlitis vicinas, cum in acie sæpe vicerint, meliorem quoque fouisse causam: & Philistæorum aduersus Dei arcam, quam prælio victores secum auexerunt, & diu captiuam suam in regione detinuerunt; iustam fuisse causam collegeris. Præterea non Theologis modo, sed & alijs quibuscunque probatis auctoribus improbantur singularia certamina, seu monomachia, quæ hoc prætexu fiunt, vt Deus exitu ipso manifestet causæ iustitiam. nam scire debemus innocentem partem non esse coram Deo innocentem. vnde etiam iustissimus Deus suam iniuriam sæpe committit vindicandam nequiori; quo ministerio peracto flagellum suum in ignem conijcit. Sic populi sui hostibus animos sæpe addidit Deus & robur: idem populo suo pœnitentiam agenti eosdem hostes permisit excindendos. Ita ille supremus Arbiter Vicarij sui scelera iustissimè vindicat, dum subditorum rebellione eius rebellionem castigat: quo in negotio nihil melior est subditorum causa, quàm Diaboli tentantis & torquentis illos, quibus illum Deus voluit esse carnificem. Ideoque vt ab initio monui nihil est fallacius, quàm ex euentu causam æstimare.

Vltima

Vltima eorum obiectio mutuo Regis & subditorum pacto & stipulatione (vt ipsi vocant) innititur. nam tempore coronationis pactum inter eos iniri, & iurisiurandi religione vtrunque firmari contendunt. vnde consequitur, Rege suam partem violante, non amplius populum obligari ad suam : sed è vestigio iureiurando exolui. nam vno contrahentium recedente à pacto, alterum aiunt iure gentium absolui.

Nego ego tempore coronationis inter Regem & subditos pactum iniri, cui præsertim tam seuera clausula (vt illi volunt) adnexa sit. quamuis illud satis constet eo tempore, aut regni initio, sponte sua, Regem promittere se munere à Deo in populum mandato honestè & fideliter functurum. Vt demus tamen pactum intercedere, quo nullum sanctius, nullum firmitus (vt ipsi volunt) cogitari poterit; quis tamen, si Rex conuentis non steterit, erit læsæ fidei arbiter, quis iudex inter partes? nemo ius ciuile primoribus labris degustauit, qui nesciat non censi ab vno contrahentium violari contractum, aut alterum contractu prius absolui, quàm legitima ordinarij iudicis cognitione liquidò constiterit, vter eorum prior à contractu discesserit. ea enim est cuiuscunque iuris ciuilis & municipalis cautio. aliàs nihil impediet, quo minùs in sua quisque causa & iudex & pars fiat : quo nihil absurdius cogitari posset. Nunc in hoc Regis & populi contractu solus Deus, cui vni Rex tenetur suæ administrationis rationem reddere, sine controuersia est iudex; tum quia in iuramento illo inaugurali Deo soli defertur & iudicium, & vindicta perfidiæ. & certè coram eo, vt omnis iuramenti arbitro, solum iurandum est. Quùm igitur Deus solus inter partes contrahentes perfidiæ Quæstor sit, eique soli & cognitio competat, & vltio: necessariò efficitur aduersus Regem pronuntiandam esse prius à Deo sententiam, quàm populus censeatur suo sacramento solutus. Ergo quàm iniuste pars altera contrahentium iudicem se in sua causa faciat & diuinum officium vsurpet, nemo non hinc videat. Eritne igitur penes <sup>antiquos</sup> vulgus imperium, quod Deus imposuit, quùm primum illud fastidire caperint, excutere? illum, cuius censuræ & pænæ obnoxij sunt, censere & punire? & in ea causa, in qua aduersarios esse illos cupidissimos ipsa indicat ferocia, asperos & immites fieri iudices? Quin ego in eiusmodi causa, prout iam fingitur, neque Regi neque populo defero iniuriæ cognitionem: nam, si rectè expendere, mutui illius promissi tempore pars vna est Rex, pars altera totus populus. si totus populus vno ore & animo rebellis euaderet, non vtique Regis foret se iuramento solutum credere, hostilem animum in subditos gerere, nihil non in eorum perniciem moliri; quamquam in præcipuos seditionis auctores iure suo tum posset animaduertere. multo minus igitur populus omni auctoritate nudus, &



Regi semper subditus, iudicium sibi in Regem arrogaret, nedum ut in ordinem illum cogeret, deiceret, euerteret. aliàs, ut primum populus violatæ fidei Regem postularer, Rex populum eiusdem criminis reum perageret : & sic cum utraque pars iudicem ageret in sua causa, altera, quæcunque infirmior esset, semper utique causa caderet.

Obseruandum quoque est iuramento hoc fidelitatis non modo populum tum iurantem, sed etiam eorum posteros teneri ; sceptri videlicet iure ad unius familiæ legitimos hæredes secundum lineam rectam æternum descendente : quod successionis genus in Dei populo primitus captum in Christianorum plerisque omnibus Rebusp. felicissimè perdurat. adeo nullus hæreseos aut legis prætextus populum à sacramento absoluat, quod Regi & illius hæredibus iuxta antiquissimas & primas regni leges debetur. Nam ut ipse Rex eorum Dominus est hæreditarius, nec coronationis beneficio, sed sanguinis iure regnum iniit ; ira, quum thronus regius nunquam vacet, non minus iniustum censi debet successorem non admisisse, quàm decessorem expulisse. nam quo momento Rex moritur, eodem legitimus illius hæres succedere intelligitur : atque ita successorem recusare non tam foret non admittere, quàm legitimum Regem suo loco mouere. Et hac tempestate satis (opinor) Galliæ nota est superstitiosa fæderatorum rebellio, qui sumptis armis, dum legitimum Regem natalitio regni sui iure per causam religionis student depellere, florentissimum regnum diu fædè vastarunt.

Neque hæc pro Regibus ideo disserui, quod omnia scelera, omnia flagitia ijs velim esse impunita : quasi eorum gratiâ factus esset orbis terrarum, eorumque libidini permissus, ut omnia pro arbitrio agant ferantque : sed contra, dum Deo, cui soli ut iudici ordinario subsunt, eos in supplicium dedo, asperrimæ (ni fallor) omnium & plagosissimæ ferulæ eos subijcio. Nam quanto cæteros mortales loco, honore, & potestate supereminent Reges, tanto maiore obsequio creatori suo deuincti sunt ; tantoque maioribus pænis, si sui olim immemores euaferint, exercebuntur. nimirum ad dignitatis mensuram crescit eorum aduersus Deum ingratitude, & quoniam in editiore loco positi sunt, grauiore afflictabuntur casu. quo enim aliquis Deo beneficijs deuinctior est, eo eius offensa iure enormior videtur. Sæpius & damnosius summas quercus feriunt Iouis fulmina, quàm lentas salices : & ex altissima sede procliuior est lapsus. Nunquam auditum est aut pietati aut officio defuisse Regem, quin eius ingratitude parem Deus aptauerit pœnam.


Neque etiam confido hisce meis argumentis populo persuaderi posse, ne in improbos Reges posthac vnquam insurgant ; qui non nesciam eiusmodi flagellis diuina prouidentia & iustitiâ immixtis sæpe

sæpe vindicari tyrannorum scelera, quemadmodum fœdissimis ver-  
mibus & terræ puluere insolentia Pharaonis olim coercita fuit. Sed  
meum in hoc tractatu consilium est, ijs saltem, qui opere & vita non  
inani nomine Christianos se esse volunt, pro virili mea parte dissua-  
dere, ne feris illis rebellionibus, quæ Regum improbitas à Deo vin-  
dicabitur, vel manus suas scelerent vel mentes: vt, cum Deo visum  
erit hæc furoris sui instrumenta, hæc flagella Principum in ignem  
conijcere; vos ad æternum illud tribunal puras dextras, puras con-  
scientias adferatis; qui nempe vera religione in Deum, vera pietate in  
Principem defuncti iudicium & supplicium illi permiseritis ad quem  
iure pertinebant.

Nunc mihi restat obsecrandus Deus, & spero fore; vt sua apud nos  
dona propria esse velit; seditionum vastitatem procul arceat; Regis a-  
nimum ac mores nobis tales conseruet, quales Deum nostrum in  
terris patremque amantissimum maximè deceant, & in prima huius  
operis parte descripsimus; neue illi quicquam charius sit vestra fæli-  
citate, ô Ciues; & dum sui curam agit, id potius vestri causa faciat,  
quàm sua; seque vobis natum iudicet, vos autem, charissimi popula-  
res & lectores beneuoli, omni studio illius fælicitatem & bonum pro-  
uehatis; atque ita pia fælici que inter vos æmulatione, dum ille  
vestræ paci & commodis, vos illius honori & incolumitati  
studetis, & perpetuis indies certatis officijs; omnes or-  
dines se illo beatos Rege, & Rex illis subditis  
vnicè se sentiat beatum.

(\*\*\* )

R 2



N



---

# MISOCAPNVS,

S I V E

D E A B V S V

T O B A C C I

Lusus Regius.



MISOCAPINVS

SEIVE

DE ABVA

TOBACCI

Regius



for  
sec  
tum  
lutr  
tas  
!  
idon  
con  
roy  
com  
exc  
ma  
die

uif  
tion  
vi  
qu  
vi  
cre  
ha  
gu  
am  
sto  
de  
ex  
bus



## PRAEFATIO.



*N*illum est humanum corpus, Cives charissimi, sic temperatum ut omnis morbi suspitione aut seminio vacet. nec ullius Reip. quantumvis felicis compages sine vitio vel vicij materia firmata fuit. Quo minus mirum est nostram hanc Rempublicam, diuitijs licet & pace florentem, cōmuni tamen ceterarum fato suis egritudinibus affligi. Populus sumus, si quis alius, summa charitate & obseruantia in Principem: ac temerè seduci nos rebellionēq; concitari non incomperta res est. In bello

fortitudo nostra, in pace obsequium in Principem nobis aureum hoc quo fruimur seculum dederunt. hinc opum affluentia, exque opibus & pace nata voluptatum mollities; nimis illa nota maximorum imperiorum calamitas. Clerus otio solutus, nobilitas delicijs. iuris peritos auaritia, plebem census profusio & curiositas transuersos egere. vniuersis incesit rei priuatae nimia cura, neglectus publicae.

Regem hīc decet, politici corporis Archiatrum, peccantis materiae varietatem idoneis educere catharticijs; nempe auctoritatis mansuetudine publicam fouere concordiam: seditionibus obuiam ire: sua & comitum frugalitate luxum hunc vestiendi profligare: deliciarūque pudorem ciuib; exprimere: in pace belli umbram per armorum exercitia instaurare: suis Vigilijs Ecclesiae veterum excutere: fori largitiones & corruptelas penarum acie praecidere: ad summam, nepotes ad frugem reducere: & legum minis sensim (nec enim vnius diei opus fuerit) vitiorum radices conuellere.

Sed ut in animantium genere non minus formica censetur, quàm elephas; auisq; nomen sic regalius meretur, ut cygnus; & odontalgia leuissima morbi notionem cum pestilentia habet communem: sic in ciuitatibus leuiora quoq; illa pro vitijs habenda, ad quorum tenuitatem nec Regis nec legis descendat auctoritas. quilibet è populo hīc medicus fiat, vbi omnis curatio erroris indicio & dissuasione virtute absoluitur. Et cum meo quidem iudicio nihil vllibi gentium sit corruptius crebro hoc Tobacci vsu, qui apud nos inualuit, absurdum morem scriptiunculae hac perstringere non putavi ab otio meo alienum. Si cui paulò abiectius hoc argumentum videbitur, sciat operam quoque nostram nihil minus esse quàm seriam. de fumo dissertatio est qui vel dormientis spiritu dissipetur. Nihil hīc expecto maius, quàm ut legentibus consent rationum mearum momenta: ut persuadeam optare magis possum, quàm sperare. Vnicum id laboro, charissimi cives, ut ex leuioribus hīce nostrum in serijs affectum aestimetis, nullis scilicet nos laboribus parcere, queis vestra commoda felicitatēque prouehamus. Valete.

M I S O.





# MISOCAPNVS, SEV LVSVS REGIVS DE ABVSV TOBACCI.



VO manifestior euadat fumosæ huius consuetudinis vilitas, detegenda eius infantia est; quibûsque de causis primitus in nostros mores regionésque inuecta sit. Vt enim apud æquos prudentésque rerum æstimatores laudem suo iure merentur instituta, quibus causam præbuerunt honestas, pietas, necessitas; initia verò dederunt viri graues, probitate & prudentia conspicui: sic merito infamix stigmatibus notantur illa, quæ ex turpitudine coorta, à barbaris profecta, sola nouitatis affectatione inualuerunt. Ignobilis origo Tobaccum agrestibus hominibus notum fecit, & inter nos deinceps publicauit. Pro nascendi locis varia sunt herbæ nomina: plerisque Americæ populis vulgari Tobacci appellatione celebratur. Constat hos & torrente cæli positu, & adusta corporis constitutione facillè venerea luentari; & Tobacci accensi nidore vti pro familiari antidotò. Postquam ab his nonnulli in Europam hac lue infecti redierunt, ne non satis esset diræ ægitudinis contagio Christianum orbem polluere, tetrum quoque suffumigium hoc communicarunt, vt vtriûsque veneni auctores vnum, scilicet, altero expellerent.

Nunc cogitate, ciues, an deceat in re detestanda Barbarorum similes fieri nos, cum nec in Gallorum mores dignemur transire, qui primi Christianum regnum habuere: nec Hispanorum elatior animos feramus, quos Turcicæ magnitudinis æmulos non immeritò dixeris. huccine demum redeat diuturna Britannix pax omnibus fortunæ bonis affluens, & militaris nostra gloria vicinorum patrocínio roties probata nunquam alienæ opis indiga? huccine exuto pudore redeat ciuitas nostra, Americæ fera pecora, Hispanorum mancipia, pro magistris  
morum

morum accipere ? si his pædagogis sapere discendum est, cur non plumas auro, & fracta vitra gemmis anteponimus ? cur non horum exemplo incedentes nudi Diabolum adoramus ? cur non cætera amplectimur inscitæ instituta, quæ barbaries insipientibus persuasit ?

De corruptissimi moris initijs sic res habet : non ita pridem apud nos obtinuit : in recenti memoria est parens eius : tum quibus technis hanc miseriam introduxerit. Sufficiat scire nec victorem victis iniunxisse, nec Regem sanxisse, nec medicum consuluisse : sed ignoti orbis nuncium cum tribus barbaris, & barbaræ huius mercis disciplina huc appulisse. Barbaros breui mors oppressit, mos barbarus etiamnum viuit, vigetque. quo magis mihi mirum videtur, tam gratum hactenus mansisse ab auctore parum grato, & causâ tam pudendâ. illud persuasum habeo nunquam hausturos fuisse nostros hunc fumum, si illis hauriendi causa apud barbaros innotuisset : nec enim vsu remedij se morbi suspicione infamassent, cum constet sanis non esse opus medico, nec alexipharmaca vsurpari ubi nullus est veneni metus.

Cæterum, quia deprehenduntur nonnullæ consuetudines laudabiles & probæ, quæ ab initio temerè leuique de causâ inuectæ sunt ; proxima erit cura ostendere, tam damnosum esse nobis Tobacci vsum, quàm turpis erat eius origo. quod vt commodius efficiatur, recognoscite mecum, quæso, tum quibus à principio incitamenti in eius amorem fueritis illecti : tum quanto ad cæteros mortales ludibrio, & ad Deum offensâ eius vsum nunc frequentetis.

Sufficiet autem quatuor credulitatis vestræ fundamenta examinare. bina quidem fallaci rationis specie ; totidem apparentis experientiæ nixa imposturis. Primò igitur certissimum hoc substernitis Physiologiæ vestræ principium, *cerebro suapte natura frigido & humido calida & sicca maximè conuenire, è quorum numero cum faciatis huius fumi graueolentiam continuò euincitis Tobaccum, siquid aliud, cerebro esse amicum.*

Hic primus est inscitæ clypeus, paralogismus ex ambabus præmissis falsis. Nam si cerebri natura in humido & frigido posita est, insulse colligitur calida illi & sicca, contraria nimirum, competere. vt enim sua homini constat sanitas constante natiuo corporis temperamento (qualia quatuor statuuntur quatuor mundi elementis respondentia) ita organis quoque ipsis sua quædam inest temperies, pro varietate actionum quibus obeundis sunt destinata ; vt ex partium temperamento non vno crasis totius vnica, velut è sonorum diuersitate harmonia, oritur. Iam vt paralogismo obuiam eamus, naturalis singularum partium temperies similia exigit non contraria subsidia, nisi actiones illius impedire & sanitatem totius lædere decreueris. Tanquam si hepatis calenti sanguinis officinæ, ventriculi camino, plumbi laminam pro emplastro applicares, cuius frigore calidam illius constitutionem iuuas,

res, breui prospiceres homini, ne gulæ vitio vel conscientiam vel patrimonium nimis læderet. aut si pondus è regione cordis suspenderes palpitationi coercendæ; quia vitali spiritu turgidum nullam facit motus pausam; noxam pectori afferres, non cordi auxilium. Par est omnino in cerebro iudicium, cuius constitutionem frigidam & humidam rebus calidis & siccis non promoueres, sed euerteres; seu odores immitteres, seu fomenta apponeres. quid enim aliud cerebro exsiccato incalfactoque expectes, nisi primò vigilias, deinde phrenitidem, quum nonnisi è miti humoris frigorisque coniugio somnus oboriatur?

Hæc igitur est sanitatis indoles, vt foueatur similibus, contrarijs lædatur. at si debita sui temperie corpus aut pars eius aliqua exciderit, therapeutica methodus iure obtinuit, non similia, quæ morbum alant, sed contraria, quæ expellant, adhiberi. hæc enim laboranti naturæ suppetias ferunt, dum morbi violentiam expugnant. quæ nisi in morbo usurpata naturam ipsam aduersa qualitate oppugnant. ita remediorum vsus absque morbo non est profanandus, quo pacto in huius fumosi alexiterij haustu passim peccatur.

Quod ad Tobacci vires attinet (vt paralogismi assumptionem nunc excutiam) nego eas calore & siccitate censendas: sed magis venenosa qualitate, cui adiuncta est adusta & fæda acrimonia. si quis eius cum humano temperamento antipathiam non sentit, ei olfactum aut nullum esse certum est, aut deprauatum. Nec enim nuda odorum vehicula sunt nares, sed vt ilium noxiorumque halituum incorrupti testes & nuncij; nisi fortè male affecto cerebro, primo sentiendi organo, per consensum & hæ partes præter naturam afficiantur. Vim exsiccantem fumo nullam esse aut exiguam inde licet colligere, quia fumus est, cuius natura, aquâ tenuior aëre crassior, quantum humori debeat, sui resolutione faciliè indicat. nam cæterorum vaporum ingenio in aquam, vnde erat, promptissimè reuertitur: quemadmodum quæ ex terra, aqua, mari vi solis attrahuntur exhalationes in pluuias, rores, pruinas, aliæque id genus mutantur.

Alterum nunc argumentum superest cuius specie incauti capti sunt. *per fumum hunc in cerebri sinus subiectum pituitam resolui, & aquosa stomachi excrementa educi; & (quod hinc sequitur) abditos distillationum fontes, vnde plurimæ in corpus humanum decurrunt ægrotudines, siccari; siue hoc caloris virtuti siue nobili occultique nominis qualitati tribuendum sit. hæc ita vera esse non aliunde magis disces, quam oculorum experientia, quum statim ab hausto fumo præcipitatos ex ore videris pituitæ riuos.*

Verum huius sophismatis vanitas vel ex illo ipso, quem modo attigi, meteororum adscensu descensuque patescit. namque vapores è locis humidis in medium aëris orbem calore Solis sublatis primùm loci frigore concrefcunt in nubes, deinde in terras, vnde erant leuati, humoris  
ponderis



pondere referuntur. ita putidissimi fumi volubilitas in cerebri cauitates, vt in carcerem, elati, natiuo ventriculorum frigore humoreque condensatur in liquidum virus, quod natura, fæditate pestis attonita, per palati canales statim eiectat. ita te expedis humoris molestia, sed quo stultè te ipse grauaueras. quod perinde est ac si aduersus dolores colicos alimenta flatuosa commendares, quæ flatus non dissipant sed generant: aut sedandis passionibus nephriticis vterere cibis viscidis, & caculosis; & cum multâ in lotio arenam subsidere animaduertes, non illam materiæ morbi decisam, sed è cibus natam; in eiusmodi cibus vnicum aduersus calculum præsidium statueres.

Vidimus geminum rationis fucum, nunc totidem experientiæ imposturas detegamus. *Nunquam* (aiunt) *tanta constantia Tobacci vsum celebrasset populus, nisi vtentibus ipse successus probasset humana vitæ nihil esse hac herba salutaris.*

Verùm si hac ratione vti liceat, nihil apud vllam gentem tam delirum aut infame reperietur, cui non erit paratissima defensio. quàm sint mortalium animi ad nouitatis studium procliuēs, metacente, satis constar, nec apud nos ignota res est. Si quis transmarinam vestis formam huc apporret, hominem illum nauci & nihili esse necesse est, qui non è vestigio imitabitur. hoc modo vnus stultitia propagatur in omnes: nec commodo aut honesto, sed nouitate sola ducimur. Sic dominatur vnicuique cæcus sui amor, ex secreto alienæ vanitatis contagio. nec æqualibus nostris pares videmur, nisi omnia eorum deliria æmulemur, quasi tum demum magnarum rerum capaces, quum nullum ineptiarum genus fuerit supra nostram imitationem: quum aliorum simij etiam cum nostra perniciæ facti sumus. Si vnus vel alter è præcipuis Academicarum nostrarum Mathematicis mira sibi diceret in supernis regionibus visa phænomena; magis mirum foret, si non plerisque è discipulis rerum nunquam visarum reperiret oculos testes. tam difficile est ingenij vel oculorum acumine cuiquam cedere. Quod igitur in plerisque alijs fieri amat, quidni in ridenda Tobacci consuetudine idem accidisse putandum est, non iudicij constantiâ, sed imitationis pertinaciâ apud Britannos inualuisse?

Restat adhuc vltimum adulterinæ experientiæ præsidium, quod priori imposturæ pro fulcro supponere tentarunt: *nempe huius suffumigij salubritate plerisque hominibus varias ægritudines fuisse leuatas: at neminem vnquam inuentum, cui ex illius vsum noxa creata sit.*

Quo in argumento cum errore insignis coniuncta est absurditas. error est non causam sumere pro causa vt loquuntur Logici; & quod fortè fortuna in vigore morbi quispiam hausto Tobacco melius haberet sensumque conualuerit, sanitatem Tobacco acceptam ferre. potius ille ægritudinis suæ periodos nesciebat, quæ cum ad vigorem accessit  
aut

aut ægrotantem extinguit, aut ad sanitatem inclinat. hæc sunt nempe olidissimi fumi miracula. Taceo rem auctoribus naturæ compertissimâ viribus imaginationis, spirituum vnione fulcientis naturam, non raro morbos deleri. hinc in odontalgia & doloribus colicis Æsculapios quotidie habemus novos, callolos agricolas, anus deliras, simplices ancillas. hi sacram, scilicet, exhibent ægris antidotum, suisque aut amicorum periculis notam: admittit credulitas: sanat fiducia. Vides vt illis profit ignoratio veri. sic non causâ decepti suam Tobacco imputarunt sanitatem, qui naturæ vi è morbo eluctati sunt. At si quis huius fumi malignitate exspirauerit (quod adeo infrequens non est) tartarea herbæ mors non adscribitur. piaculum est salutarem illam panaceam infamare. alia igitur ægritudine extinctus est. Quocirca furui huius nidoris patronos exoletis scortis non absimiles iudices, quibus impura multorum consuetudo ad purgandos renes laudatissima habetur: at quot in ætatis flore venerea lue contabuerint, ad animum haudquam reuocant. & Tricongij nostri intemperantiâ annisque debiles poculis sibi æstimant prorogari vitam, immemores prorsus, quàm multi ante diem inter popinæ procellas vitæ fecerint naufragium.

Haftenus errorem, nunc absurditatem argumenti protrahamus in lucem: *bircofo*, videlicet, *suffitu hoc multiplices, imò contrarios humani corporis morbos persanatos*. quis credat tantas inesse fætori vires, quæ medicos quoque ipsos indubitata Physices principia dedoceant? ijs semper persuasum fuit, nullum esse medicamenti genus omnibus simul corporis partibus amicum: nec iniuria; nam si (vt ante innuimus) tanta est in singulis temperamenti varietas, quod calidis aut humidis prodesse intelligitur, id frigidis aut siccis obesse necesse est. & vt in vrbium obsidionibus per eam mœnium partem tentatur irruptio, quam cæteris debiliorem hostis iudicauit: sic quatiuntur morborum intultibus non omnia, sed maximè oportuna corporis nostri membra, & in ægritudinem procliuiâ, dolore interea per sympathiam in cuncta serpente, qui per idiopathiam vni erat affixus. hic ad medici prudentiam spectat, ijs solum vti pharmacis, quæ morbo partique affectæ maximè conuenire ratio & experientia persuasere, quæ si alieno aut membro aut morbo accommodaret, tantum noxæ daret abusu quantum legitimo vsu adferret leuamenti. Quid quod circumspecta medici curiositas ad circumstantias quoque descendit, rationem climatis, anni tempus, ægri naturam, ætatem, victum, robur, consuetudinem, non neglectis Planetarum adspectibus, & Lunæ motu? pro quarum rerum varietate diuersa pharmacia instituenda; ea, nempe, quam præsens circumstantiarum concursus poscit. At in melioris notæ Tobacco nihil simile: *omni tempore loco & morbo præsentissima est panacea. In capite & stomacho* (si Dijs visum est) *exsiccat distillationum alueos*: (ecce, aduersus catarrhos omnes cæleste

cæleste protherapeuticon) at si verum amamus, cerebrum marcescit hoc veneno, & ventriculus ex præcoce concoctione cruditatibus grauat. præterea *podagram bellissimè fugat & simul ac in antra cerebri tortuosa emicuit nebula, vis eius* (mirabile dictu) *entheo salubritatis pondere in extremos pedum digitos decumbit.* audi cætera. *febres mitigat, orexin ciet, lassitudinem minuit, ebrietatem adimit, somnum conciliat, somnolentiam excutit, intellectum acuit.* & fortè scabiosos Americae nebulones lue Venerea exoneret: defæcator est eius in Britannia virtus, nec nisi generosiorum morborum inferuiens profapiæ. Quod si vt olim putore Tobiani piscis, sic Tobacci nidore (nam nihilo mitius olet) Diabolus posset in fugam conijci, nihil Puritanis, nihil Papistis miraculorum mangoni-bus ad exorcismos natura rerum creasset valentius.

Fingamus tamen quibusdam morbis curandis non incommodè virosum hunc suffitum adhiberi, an tamen citra temporum & personarum discrimina omnibus conueniet? an iuuenibus optimè constitutis & validis comperietur saluber? medicinæ operatio non est sine mutatione vtentis. bene habentem transfert à sanitate, valetudinarium à morbo. est tempestiuè adhibita naturæ laborantis subsidium, temere aut passim frequentata valetudinis robur etiam athleticum debilitat. Sed quid ego de medicamentis loquor? si quis alimentorum optima sic deperiret, vt nostrorum plerique Tobaccum, id est, inconsultò & passim ingereret; is & ventriculum labefaceret, & cerebrum grauaret, obfuscatisque spiritibus tandem gulæ mercedem lethargum inueniret. Hac debilitatis accersita ignominia multi apud nos absque hoc fædo halitu vitam acerbam ducunt. intermittere tantisper nequeunt, quod perpetua illis in naturam vertit assuetudo. tam difficile est ab adulta stultitiæ voluptate feriari. Sic qui in popinis consenuerunt breuem sobrietatis vsuram sine valetudinis periculo non sustinent. adeo illis inimica est virtus, quibus sola vitia nota sunt. & quid mirum est veneno nutritis ciborum salubria esse pro venenis?

Satis opinor hircosi folij patrocinium subruimus, nunc cum quantâ nequitia & dedecore Tobacomania hæc coniuncta sit, expendemus.

Agmen ducat in hac insanix acie libido indomita. cuius reatus non ad vnum tactus sensum pertinet, ad omnes diffunditur. Vestra in conuictu vrbalitas, in lupanari salacitas Tobacco vt cote acuitur. eius desiderio languetis, vt populus Israeliticus Ægyptiarum coturnicum. Præterea vt ebrietas est radix omnium scelerum, ita ebrietatis ramus est inexplibilis hæc Tobacci sitis. vide, sodes, vtriusque necessitudinem. Nobiles helluones, supràque vulgus potatorum famæ alis euecti, dulce illud & lene aspernantur vinum. spirituosum & acre sequuntur, quod cerebrum suæ præsentix statim commonefaciat, & inuisæ



sobrietatis torporem feriat. Tobaccophili nostri nihil magis in fumo affectant, quam nidoris acrimoniam, quæ intimas narium cauernas quàm celerrimè peruat, & cerebrum morfu non translatitio peruelat. Et ut in primo popinæ tyrocinio vix quisquam prorsus se mancipat gulæ (nemo repente fuit turpissimus) sed pedetentim cedit intemperantiæ illecebris: tum verò beluinæ emeritus militiæ maiore cura sobrietatem suam submergit, quàm vir sobrius sitim restinguit: ita primum inter putorem folij, pudorémque insueti moris hæere solent, mox tanta peruicacia inhaerent, ut citius a rebus charissimis, quàm ab hac mephiti se patiantur auelli. & hunc vecordiae morbum in magis sanè illius herbæ potentiam conferunt.

Accessit tertium hinc & maximum flagitium; in Regem & patriam (quorum saluti & dignitati fortunas, & si res poscat, vitam pro victima debetis) insignita nimis iniuria. eneruastis enim spontanea hac putredine vigorem animi, & robur corporis quondam athleticum emaculastis: nec Iudaici iam iter Sabbathi absque his delicijs duratis. emoni vultis, ni puer è deuio tugurio prunam ferat Tobacco accendendo. hæc vna est ex lassitudine deliquij vestri curatio: quemadmodum faminis hystericis vita fertur redire admoto naribus oleto. Ineptus habeatur miles alboris, vigiliæ, inediæ, impatiens: at quid de his in bello fiat qui Tobacci desiderium ferre non valent? O rudes maiores nostros, quibus absque hoc fumo vita transacta est: illi terra marique res maximas gesserunt, debellarunt hostes, erexerunt trophæa: sed caput beatitudinis Tobaccum ignorarunt. nec ex fictili tubo tanquam mamillâ fumum fugere impoliti didicerunt. ea heroici sæculi vnica fuit labes. Quid si nunc in hosticum facta excursione nonnulli è Tobaccotrophis nostris fumi studio desectentes ab agmine interciperentur? quis eorum interitu ingemisceret? quis non risu potius indignum viris infortunium exciperet? Periculosa est huic populo, si cuiquam, consuetudo quæ dedisci nequit. Meminerimus Persarum Romanorúmque imperia non alio magis quam luxuriæ voluptatumque vitio interiisse. Apud Americanos quoque ipsos vix emptorem inueniet seruus qui se Tobacco mancipauit. adeò ipsis auctoribus inuisa est hæc mollities.

Quantopere autem patrimonia vestra, Generosi iuuenes, hoc fumo dissipentur, testes erunt è vobis omni exceptione maiores, qui in expensi codicem quotannis referre solent Tobacci pretium, argenti vncias mille & sexcentas. Quanto satius esset pecuniam non habere, quàm in hos vsus insumere? Meminit historia hominis nequissimi Alexandro Seuero familiaris, qui gratia Principis abutens multos nummis emungebat, se pro illis apud Cæsarem intercedere & postulata impetrare mentitus. itaque viridium lignorum fumo suffocatus est, Præcone dicente, *fumo pereat qui fumum vendidit.* integra vix sylua sufficeret

sufficeret Britanniae fumiundulis suffocandis.

At verò ( vt de prauis moris vecordia vltimo loco dicamus ) quid in mensa, illa munditiae modestiaeque arâ, magis indecorum, quam mucosos illos tubos circumferre, in conuiuantium ora ingratisimum fumum reiectare, cuius fætor aërem inficiat, cibos inquinet, stomachos auersantium euertat? fumus culinæ, quam triclinio aptior: nisi & hic fumus vinctuosa pinguique fuligine culinam in vobis satis graphice sibi depingat. nigram ex concretis sordibus crustam non semel in mortuis repertam anatomici testantur. Quod si de morum elegantia Diapenses fæminæ cum hisce fumiuioris ad Iudicem venirent, litem proculdubio auferrent. Adeo inualuit hæc stultitia, vt viri cordati, ne singulares videantur, simul nunc insanire, & inuisum morem vna frequentare necesse habeant. quemadmodum duo illi Philosophi pluuiâ cum populo madescere cogebantur. vel vt ille allium inuitus arrosit, qui in alieno halitu odorem eius ferre nequibat. Quin eò deuentum est, vt vix hospitem sine Tobacco dapfilè putemus exceptum. Sine Tobacco nec medicina vlla valida est, nec sodalitiū suaue. Quisquis indicace iuuenum grege fuliginosam à se amouet fistulam, quam fortè latrina peius oderit, homo illepidus, & ne teruncio quidem æstimetur; prorsus vt est in gentibus septentrionalibus illaudatus ille pitissandimos. humanitas Dominae erga ministrum certissimo probatur indicio, si fumantem de manu fistulam misero porrexerit. Illa autem non vanitas dicenda sed diuinæ bonitatis contemptus, suauitatem anhelitus, quæ nulla arte acquiri potest noua, vel perdita restitui, hoc fætoresciēter corrumpere. quæ herbæ expertissima malignitas falsam de illa salubritatis opinionem sic refutat, ac si quis diceret, virus putredinis cum virtute alexiteria coniunctum. Sed tolerabilior foret, si penes mares solos mansisset insania. nunc & vxoribus necessitas incumbit deprauandi anhelitus, vt olentes maritos similitudine fætoris sustineant: ni faciant, perpetuum illud maritalis sentinae tormentum est sustinendum.

Tandem igitur, ô Ciues, si quis pudor, rem insanam abijcite, or tam ex ignominia, receptam errore, frequentatam stultitiâ: vnde & ira Numinis accenditur, corporis sanitas atteritur, res familiaris arroditur, dignitas gentis senescit domi, vilescit foris: rem visu turpem, olfactu insuauem, cerebro noxiam, pulmonibus damnosam: & si dicere liceat atri fumi nebulis tartareos vapores proximè repræsentantem.







# CONIVRATIO SVLPHVREA,

QVIBVS EA RATIO-  
NIBVS ET AVTHORIBVS

cœperit, maturuerit, apparuerit, vnâ  
*cam reorum examine,*

SCRIPTA A REGE, SED  
NOMINE SVPPRESSO.

[ \* \* \* ]



CONIVRATIO

SALPHVRA

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT

NHVS E A NAT

OVVS E A NAT



tater  
vfu v  
quan  
& b  
vitar  
com  
uola  
verè  
Prin  
fens  
nos  
tern  
par  
dan  
tuan  
uol  
nia  
gina  
ftra



## CONIVRATIO SVLPHVREA.



St, cum nemini liceat filere. concors enim gentium vox fuit, & in omni Rep. siue ea meridiano diuini verbi, siue dubio humanæ rationis lumine administrata fuerit, concors planè opinio; si religio in periculum veniret, si rex, si patria, nemini linguam continendam vel manum: sed pro munere & facultate dandam vnicuique operam, vt iniuriam auertat, vim repellat, & improbitatem in auctores vindicet. Si cui vnquam populo, certè huic id iam vsu venit, ne dicam toti Britannix, adeoque illustrissimæ huic, quanta quanta ea est, Monarchiæ. In Ethnicis Rebus publicis si gloriosissimè & beatissimè censebantur mori, qui vel aris vel focus vel patri patriæ vitam impenderant; si singulis hisce periclitantibus vniuersi velut ad commune restinguendum incendium iunctis animis opibusque conuolabant; quanto magis nos verè Christianos id deceat, huius insulæ Insula fortunata. verè fortunatæ fælices incolas, duce benignissimo nostro & pijsimo Principe? quanto, inquam, nobis grauior causa est, vt illius vulneris sensum acerbiteremque renouemus, quod non modò in Sanctissimæ nostræ religionis iugulum intentabatur, aut in regis patris patriæ interuencionem; sed omnium: nempe, vt nefarium istud & sacrilegum parricidium omnibus modis absolutum fieret, tanquam feritatis quædam idea, & crimen sine exemplo, aut verius omnium scelerum promptuarium. Vno eodemque interitu corpus cum capite parabant inuoluere; gregem cum Rege; aras cum focus, Lares cum Penatibus; omnia vno fulminis ictu cælis immittere; Regem caput reipublicæ, Reginam fertilem matrem, succrescentem non tam eorum, quam nostram progeniem, clerum venerandum, nobilitatem honorandam, fidi-  
dissimos



diffimos regni consiliarios, grauiſſimos iudices, equitum ſplendidiffimos, virorum generoſiſſimos, ciuium prudentiſſimos, ſcribas Regis, Conſilij, Sigilli, aliorumque iudiciorum inſignium, omnes denique noſtros iuriſperitos cum plebe innumera. Nec homines ſolos, vel animalia deſtinauerat hic furor ad interitum, abſque ordinum, ætarum ſexuumque diſcrimine: ipſa quoque ligna & lapides tantam rabiem non vitaffent. Curia iuſtitie ſacra, & ampliſſimorum ordinum conuentui dicata domus, templum in quo reges noſtri coronantur, monumenta priorum Principum, corona quoque cum cæteris regie dignitatis inſignibus, publica regni archiua, priuatorum hominum inſtrumenta, omnia redigenda erant in hoc nefandum chaos. Terrâ quaſi dehiſcente è Tartaro erupturus erat ſubitus & ſulphureus ſpiritus, flamma voraci, fulmine terribili, nouiſſimum hunc inferni diem dicto citius allaturus non modò hominibus viuus, Regi nimirum & populo; ſed deſunctorum monumentis in ventura ſæcula erectis. Itaque non nobis modò pereundum erat morti natis, ſed antiquiſſimorum Principum procerumque libitinis perennitati conſecratis: Trophea, inquam, illa auctorum ſuorum gloriam æternum teſtania, quæ de temporis inuidia tam diu triumphauerant, nunc ſine temporis iniuria diſiecta, diſſipata, abolita fuiſſent, erasâ non noſtrâ modò, ſed noſtrorum omnium è terris memoriâ. Tanti ſcleris deteſtatio me ad cogitandum impulit, quomodo in cauſa tam publica meo officio optimè deſungerer, vt ſi nihil aliud, vnum ſaltem lapidem ad ædificium, vel cum vidua vnum teruncium in gazophylacium conferrem. At cum inuiſæ & inauditæ machinationi nihil poſſit reperiri ſe ipſa inſeſtius, ſi ſimplex rei geſtæ veritas publici iuris fiat: nec alijs rationibus certius illi conſletur odium, quàm ſi pateat fuiſſe, qui prodigioſum facinus non excogitârunt modò, ſed facere deſtinârunt, ſed ad maturitatem perduxerint, & ita quidem vt intra duodecim horas exequerentur: Meus amor tergeminus in ea tria, quibus illi nos crudeliter orbaturi erant, mihi tandem hoc expreſſit officium; vt vniuerſum immanis tragædiæ drama verè exponerem: cùm fortè & ſeruitij mei ratione, & perpetuâ in aula mora mihi iſta quàm alijs ſint notiora, quia tertio quartoue auctore acceperint. Ita eorum infamiam faciemus nos immortalem, qui omnibus Catilinis diriores noſtram memoriam, voluerunt delere, diuinâ quoque miſericordiâ, qui nos noſtrumque Vnctum ſoſpitauit, perpetuis literarum monumentis conſeruata. Idem Deus faxit, vt marmoreis grati animi tabellis perpetuum maneat inſculpta.

**D**V M beata pace floreret Britannia, domi forisque sustentantibus & ducentibus rempublicam pietate & iustitia, nec vlla externi inter-  
niue motus suspicio esset; Rege à venatione sua Roistunià in urbem  
& propter anni tempus & propter conuentum iuridicum reuertente,  
præcipue autem ad habenda regni comitia, quæ bis iam ampliata e-  
rant: in summa hac rerum serenitate (ut scias ante procellam quies-  
cere ventos, & calidiores micare Soles ante pluiam) latens illud ful-  
men prima caput fulgura emittere, prænuncia tempestatis, quam mi-  
nabatur. Cum enim Rex statuisset die Iouis reuerri (qui dies ante  
ordinum conuentum decimus erat futurus) die Saturni priore red-  
ditæ sunt Baroni Montaquilæ Baronis Morliæ filio, & hæredi, suis in  
ædibus iam circum horam septimam vespertinam cænaturus, literæ à  
pedissequo suo, quem paulò ante in oppositam plateæ regionem ne-  
gotij causâ miserat. has ille ab ignoto homine staturæ procerioris sibi  
obuiam facto acceperat, cum mandato, ut eas domino suo daret in  
manus. quibus resignatis cum nulla esset dici, locique aut nominis  
subscriptio, manus præterea ignota & intricata, vnum è ministris ad-  
uocauit Baro ad lectionis subsidium. Intellecto earum sensu admo-  
dum mirabili, quanquam interpretandi anxius, an magni momenti (ut  
sanè erat) rem eam arbitraretur, an potius inimicorum technam à co-  
mitijs deterrentium; statuit tamen apud se (ut fidelem officiosumque  
ciuem decuit) eas, quicquid demum portenderent, non suppressere.  
Itaque multo licet iam vespere, & (ut hora anni erat) densis tenebris  
ad palatium se contulit, & Comiti Salisburiensi præcipuo Regis Secre-  
tario literas eas tradidit, addito, quæ ratione in ipsius manus venissent.  
Ille, ijs perlectis, eius industriam & prudentiam laudare, sibi que (ut ut  
ista se haberent) alia monita & transmarina quidem in memoriam re-  
uocare, quæ cum Rege & plerisque Sanctioris consilij communica-  
uerat, de Papistarum domi forisque apparatu & fœdere, ut in his ipsis  
comitijs pro religionis suæ libertate apud Regem contenderent; ita  
suum libellum supplicem exhibituri, ut vix ac ne vix quidem repulsam  
ferre possent, non absimiles validis illis mendicis, qui alteram manum  
expediunt ad stipem, alteram, si recuses, lapide ostendunt armatam.  
Addere Salisburiensis, se alijs de secretiore consilio, quia Rex ipse ab-  
esset, rem communicaturum: nec alter refragari, ea tamen lege, ut quis-  
quis foret euentus sibi nihil imputaretur; quum literas eas non con-  
silio, sed subito animi motu tradidisset; & eò duntaxat, ut quàm de re-  
gia & publica salute sollicitus esset, ostenderet. Salisburiensis as-  
sumpto in consilium Præfecto Cubiculi regij, & Montaquilio præ-  
sente, reperit quæ ab exteris locis audiuerat, nihil abludentia sanè ab  
harum literarum sensu: statim eorum incessit animis ex incolumitatis  
regiæ curâ ingentis periculi, ijs literis aduersus Regem notati motus:  
quæ

Antiquum Cl.  
1928

Literæ datæ  
Baroni Mont-  
aquilæ.

Comiti Sa-  
lisburiensi  
communi-  
cata.

Antiquum Cl.  
1928

Et Regij Cu-  
biculi Præ-  
fecto.



Demum ipsi  
Regi.

quæ res Præfectum Cubiculi regij præter cæteros iure sollicitum habebat; ad cuius officium spectabat non modò regiones læres, sed cætera quæ Rex suâ præsentia dignatur loca inspicere. Statuerunt igitur tres alios de Sanctiore consilio facere participes secreti, Thalassiararcham, Vigorniaque & Northampiae Comites. Illi communi opera expensis literarum verbis, quanquam primo adspectu res levis videbatur, pro sua tamen in Regem sollicitudine non omnino spernendam iudicabant: quin verò, priusquam quicquam ulterius inquirerent, cum ipso Rege communicandam; tum quòd illius in ænigmatibus & ambiguis interpretandis felix sagaxque ingenium sæpe ante compertum haberent, tum quia sceleri, si quod esset, maturando tempus aliquod indultum volebant, quò & detectio fieret illustrior & actio in auctores iustior & facilior. Comes Salisburienfis ex cæterorum decreto Regem in porticu à meridie spatiantem adiit, postridie quàm reuersus esset, qui dies erat Veneris omnibus Animabus facer. ibi remotis arbitris literas eas exhibuit nullà quidem suâ additâ earum censurâ, sed nudâ rei gestæ narratione, quarum hic erat tenor.

**M**I Domine, fecit amor quo tuorum nonnullos prosequor, ut de tua incolumitate sollicitus sim. Consulo igitur, si vitam amas, comminiscaris aliquid quo te hisce Comitibus subtrahas. Etenim ad huius sæculi improbitatem castigandam Deus & homo conspirarunt. nec parui pendemonitionem hanc, sed rus secede, ubi rei euentum expectes securus. quanquam enim nulla ullius motus suspicio sit, terribilem tamen idum (prædico fore) hisce comitibus ferent, nec quis eos læserit, aduertent. Consilium ne sperne, quod tibi prodesse potest, obesse verò non potest. præterierit enim periculum tam citò, quàm tu hanc epistolam combusseris; qua ut bene utaris diuina faxit benignitas, cuius sacræ tutelæ te commendo.

Regis delite-  
ris Iudicium.

Rex lectis literis, & pauxilla interiecta mora relectis, prorsus censuit non esse eas de nihilo; ipsâ phrasi aliquid acutius & neruosius præseferente, quàm in famosis libellis, læciuientium nugamentis, fieri soleret. Comes Salisburienfis cum Regem, cuius ingenium non ignorabat, altiore cogitatione defixum animaduerneret, subdidit ex vna earum periodo sibi videri auctorem vel stultitia vel infania laborare: & ea verba legens (præterierit enim periculum tam citò, quàm tu literas combusseris)



*bufferis*) hoc, inquit, non nisi ab homine stulto proficisci poterat: nam si omne periculum cum literis euanescat, aut earum combustio omne periculum auertat, monitionem totam parui ponderis esse necesse est. At Rex cum hac ipsa periodo coniungens priorem (*terribilem ictum his comitijs ferent, nec quis eos laeserit videbunt*) coniecit innui tormentarij pulueris periculum. non posse enim comitorum tempore alium tumultum motumue excitari, cuius auctores lateant, quàm tormentarij pulueris, ex tenebricoso angulo ab vno nebulone facile explosi. Vnde & periodum illam à Comite pro stulta allatam contra vsitatam verborum vim coactus est exponere, quasi per illa (*tam citò præterierit periculum quàm tu literas combufferis*) rectè intelligeretur periculi velocitas, cuius nempe tam celer exitus foret, quàm chartulæ coniectæ in flammam; vt *tam cito* idem sonaret, quod tam celeriter. Placuit igitur, antequam in domum Comitiam accederet, omnium infra locorum & cryptarum scrutinium fieri. Comes regium commentarium miratus, valde profectò ab illius ingenio & consuetudine alienum, vt qui in alteram partem fere semper peccaret, nec inimicorum machinationes ingenuè præmonitus vnquam crederet, qua innocentia suæ fiducia se in extremum discrimen sæpe antè coniecerat; insolitam hanc Regis cautionem à Reipublicæ cura magis quàm sua interpretatus est proficisci, omnibus vno ictu cadentibus, si scelus hoc cessisset auctoribus ex voto. Cæterum coram Rege constanter simulauit nullam subesse tanti metus causam. itaque pro more suo rem ioco transigens digressus est.

Rex decernit  
scrutinium  
faciendum.

Quamuis autem vultu videri volebat securus, intus tamen æstuante pro Rege & Republica sollicitudine, repositòque apud se cum beata Virgine Maria insolito Regis iudicio & intellectu, pati non potuit, quin cæteros huius colloquij faceret certiores: cùmque omnes videret vno ore consentire, vt redintegraretur apud Regem totius rei memoria, sequente die, qui Saturni erat, Regem in eadem porticu conuenit. Visum est vt Cubiculi præfectus, qui tum quoque præsens erat, pro officio & more omnia domus Comitialis loca supra infraque inspiceret: & si quid eiusmodi discriminis appareret, aut latere posset, sedulò obseruaret: omnia tamè differret in pomeridianas diei Dominici horas, qui confessum ordinum præcedebat, tam ad suppressendos rumores qui possent oriri, quam ad fraudem eò manifestius deprehendendam, quo maturior fieret. Itaque ex hac Regis sententia in Domum comitiam die Dominico profectus est, comitante Montaquilæ Barone, qui Regis obsequio aliàs deditissimus nunc scire auebat eius rei euentum, quam primus fauente fortuna detexerat. Inspectis infra locis, inuenta est in fornice sub Superiore domo ingens lignorum carbonumque fossilium vis. Itaque ex Chinardo quodam eltherophylacij regij custode interrogauit, quibus vsibus has ædes inferiores destinasset.

A Cubiculi  
Præfecto,

Carbones  
fossiles inuenti  
cum lignis.

Fauxius simu-  
latus Percij  
famulus.

Referuntur  
omnia Regi.

fer, respondit ille Thomam Percium & illas conduxisse & partem for-  
nicis sub illis; & ad eum pertinere ligna illa & carbones fossiles, quos  
vidisset. hinc præfectus Cubiculi, coniectis oculis in latus; quendam  
vidit stantem in angulo, qui se Percij ministrum custodémque ædium  
dicebat: at erat ille Guido Fauxius, cuius immani dextra consumman-  
dus erat vltimus illius Tragædiæ actus.

Cubiculi præfectus singulis non perfunctoriè (vt videri volebat)  
sed diligentissimè obseruatis (vt eius prudentiam & industriam decuit)  
se in cryptoporticum contulit ad Regem, cui præsentè Quæstore cum  
Thalassiarcha, & Comitibus Vigornia Northampiae & Salisburie, quæ  
vidisset notassétque omnia retulit, subiungens Baronis Montaquila  
iudicium, qui vt primum ædes audierat à Percio conductas, homine  
in praua religione tam peruerso, omnia habuerit suspecta; reuocatæque  
magnæ quondam inter eos amicitia memoriâ literas illas ab eodem  
Percio fuisse coniecerit. Addidit quoque mirari se, quorsum tantus  
lignorum carbonumque fossilium apparatus; in illis præsertim ædi-  
bus, quas rarissimè Percius incoletet: truculentum præterea sibi visum  
& esterum serui adspectum.

Disceptatio  
de Scrutinij  
modo.

Rex, aucta iam priore suspitione, iussit ædes eas penitissimè vestiga-  
ri, lignis & carbonibus ad imum excussis; quæ verisimile foret eò con-  
gesta, ad puluerem pyrium regendum. In eadem mente erant qui ade-  
rant a consilijs, sed de modo scrutinij disceptabant. hinc enim de regia  
incolumitate ita erant solliciti, vt nullam præcautionem iudicarent ni-  
miam: inde verò ægerrimè ad id genus inducebantur, nam si inane  
esset literarum terriculum, & ab homine aliquo otioso profectum, non  
modò id Regi & Reipublicæ turpe foret, nempe ex minimis aut potius  
nullis occasiunculis pauere: verum etiam Comitem Northumbria  
virum præcipuum è Subditis & Consiliarijs regijs inhonesta tangeret  
suspitione; cuius consanguineus & intimus amicus sit hic Percius.  
Qua in re eò magis anxij erant; quòd scirent nihil esse à Rege magis  
alienum, quàm vt videretur fidem boni ciuis etiam infimi loci in suspi-  
cionem vocare. At Rex constanter vrgens multa esse nimium similia  
veris, & ex scrutinio quantumuis accurato nihil vlli innoxio damni  
creari; censuit tandem, aut vestigandas omnes domus partes, nequid  
omnino latere posset discriminis; aut omnia missa facienda: vt fortu-  
næ successum commendantes ordinum conuentui postridie interef-  
sent; quod eos salua conscientia facere non posse arbitrabatur. Nam  
in eiusmodi negotio præstat nihil facere quàm dimidium. Itaque de-  
cretum est omnes earum ædium rimas, & angulos esse scrutandos; &  
ne nullâ re repertâ oriantur in populo rumores, scrutinium illud faci-  
endum per causam recuperandæ supellectilis regiae, & tapetum, quos  
Chinardus ex Esthetophylacio diceret ablatos. Huic negotio aprissi-

Scrutinij præ-  
textus inuen-  
tus.

mus



mus iudicatus est Thomas Cneuetus Eques splendidus, & interioris cubiculi regius minister, vt qui Westmonasteriensis Irenarchus tunc esset, homo notæ in Reginam Elizabetham præsentemque Regem fidei. Ille pro auctoritate ad domum comitalem nocte intempesta se contulit, exiguo stipatus numero, sed pro negotio satis. Antequam ædes ipsas ingressus esset, pro foribus offendit Percij ministrum vestibus & ocreis ipso noctis conticinio indutum: iussit hominem apprehendi, quod statim factum est: ædes deinde ingressus scrutari cœpit: continuo, fascium & carbonum fossilium parte aliqua subuersa, apparuit primò vnus pyrij pulueris cadus, deinde alij triginta sex maiores minoresque. hinc captum scrutatus tres inuenit igniarios funiculos, aliæque incendij instrumenta paratissima. Sine mora expressa est homini cōfessio sceleris, qui & hoc addidit, Si in ipsis ædibus paulò antè deprehensus fuisset in opere (tum nempe cùm vltimam machinæ manum imponeret) se eum cum ædibus diffaturum fuisse.

Fauxius nocte  
intempesta  
prehenus  
pro foribus.

Cneuetus arctè ligato nebulone, & ijs qui aderant in custodiam tradito; in palatium regressus est: Præfectumque cubiculi & Comitem Salisburiensem de successu certiores fecit, quorum monitu cæteri quoque Consiliarij in Palatio pernoctantes, vt primum accingi poterant, in cubiculum Regis conuenerunt, horâ circiter quartâ matutinâ. Vix introgressus est Præfectus, cùm impatiens læritiæ ex tanto anticipato discrimine edixit Regi, abrupta quadam festinatione, inuenta esse & detecta omnia; & proditorem ipsum in manibus & manicis esse.

Concilium  
conuocatur.

Postquâ visum esset reliquos à Sanctioribus cōsilijs ex vrbe accersere, inductus est captiuus. propter ipsam rei nouitatem nemini interdictus est illius adspectus vel etiam colloquium. Paulò post à Consiliarijs examinatus est. sed tanta cū constantiâ & propositi sui pertinaciâ respondit, vt nobis visi fuerimus alterum hîc in Anglia Mutium Scæuolam inuenisse. eâ ille videbatur fiduciâ planè antiquâ & Romanâ. Nam neque sceleris aut immanitate, aut conscientia, nec grauissimi concilij audientiâ, nec quæstionum numero vel assiduitate confusus deiecit vultum: sed potiùs renidens, vltro ludificari: nec negare factum, verùm cum Scæuola dolere frustra susceptum: postremò Deum non detexisse sed Diabolum. ad omnia respondere expeditè, & si quid alienum aut ineptum quæreretur, subsannare; ijsque illudere, quibus nullam esse credebat examinandi potestatem. Toto illo die nihil potuerunt ex eo de Socijs resciscere, cum ad ea non responderet, quibus coniurationis modus petebatur, quam ille in se totam suscipiebat: eò verò solius religionis & conscientiæ causâ se esse adactum: Regem non agnoscere se Dominum suum aut Dei vnctū vt qui esset hæreticus, nec se alium esse quàm Iohannem Ionsonium Thomæ Percij ministrum. Verùm sequente mane in turrin Londinensem abducitur; & vix tri-



duum elapsum est, cum bis terue repetito examine, & oblato tantum equulei terriculo, larua Romanæ constantiæ homini de facie sensim delabi & tandem decidere visa est. Tum primum aliquam veritatis partem fassus est, deinde verò totam perfidiæ scenam aperuit, ut ex subiuncta illius confessione apparet.



## CONFESSIO GUIDO- NIS FAVXII CORAM

IIS CONSILIARIIS, QVO-  
RVM NOMINA SVBSCRI-  
PTA SVNT.



*Confiteor de coniuratione aduersus Regem  
& Rempublicam mecum actum fuisse, &  
id Catholicæ religionis causâ; cuius coniura-  
tionis ipse auctor non fui. Ante annum se-  
rè circa Pascha in Belgica Archiducis di-  
tione mecum egit Thomas Winterus, qui ad  
eam rem unâ mecum in Angliam venit, & conscios assump-  
simus tres alios, generoso loco natos, Robertum Catesbeium,  
Thomam Percium, & Iohannem Wrightum. Qui cum in  
commune consulerent, quibus potissimum rationibus exequeren-  
tur facinus; Catesbeius præstito antè & exacto taciturnitatis  
iureiurando, censuit puluere pyrio optimè id posse fieri, actis  
subter domum comitalem, quam Superiorem vocant, cuniculis.  
quem locum ideò præ cæteris elegimus, quia ubi Catholica reli-  
gio iniquè suppressa fuit, ibi æquissimum esset vindictam sup-  
pressæ exigere.*

*Quod cum inter nos conuenisset, ades ad eam rem conduxit  
Percius, domui comitali proximas ad Westmonasterium: ibi  
capimus*

capimus cuniculos agere circa vndecimum Decembris Anno 1604.

Primi quinque in opus ipsum descendimus Thomas Percius, Robertus Catesbeius, Thomas Winter, Iohannes Wrightus, & ego. nec multò post alium assumpsimus, Christophorum Wrightum, obstrictum iuramento taciturnitatis, cuius sigillum erat corporis Dominici sacramentum.

Cum deuentum esset ad ima domus fundamenta duodecim circiter pedes crassa, & magni laboris opus videretur; alium assumpsimus virum generosum, Robertum Winterum, eodem iuramento & Sacramento obstrictum.

Circa natalem Domini cuniculos ad Domus Comitialis parietem perduximus: circa festum purificationis dimidium eius perfodimus. ijs operantibus slabam ego foris, ut si quis prope accederet, monerem. illi cessabant vsque dum ego signum darem redeundi ad opus.

Pernoctabamus omnes septem in illis ædibus tormentis, globis, puluere pyrio satis instructi; certi potius mori, quàm cedere aut capi.

Dum parietem illi perfoderent, auditus est ex hypogeo carbonum fossilium fragor. nos metuere, ne res facta esset palam. Ego in hypogeum missus sum; & cum carbones distrahi, & hypogeum ipsum facile conduci posse retulissem; Percius, animaduersa oportunitate, hypogeum annuo pretio conduxit.

Antebac in ædes intuleramus viginti cados tormentarij pulueris; quos in hypogeum tum transtulimus, & lignis & carbonibus ad id comparatis eos teximus.

Circa pascha, cum in Octobrem dilata essent Comitia, alius alio se contulit; ego cæterorum consilio in Belgicam me recepi, & ut Oueno coniurationis modum exponerem; & me suspitionis, fortè etiam inquisitionis periculo subducerem.

Percius interea cum clauem hypogei penes se haberet, plus eò intulit pulueris & lignorum. ego ineunte Septembri reuer-

*sus sum; & recepta claue auxi quoque modum nitrati pulueris, & lignorum, quibus eum contegerem: quo perfecto rus secessi usque ad trigesimum Octobris.*

*Conuenit porrò inter nos, vt quo die facinus hoc fieret, alij è nostris complicibus caperent Elizabetham, natu maximam Regis filiam, tum apud Haringtoniæ Baronem in Vicecomitatu Varuicensi; eamque Reginam publicarent, edito ad id ante parato: in quo de religione mutanda nulla erat mentio; nec nos facinoris auctores volebamus haberi, donec partes idoneis auxilijs essent firmata: tum verò animus erat utrumque fateri.*

*De capiendo Carolo filiorum Regis natu minore multum deliberauimus. Verùm cum nulla appareret rei eius expediendæ ratio, & prope à Londinio asseruaretur, ubi nobis idoneæ vires non suppetebant; constituimus per Dominam Elizabetham, quantum pote erat, rebus nostris prospicere.*

## CÆTERI CONIVRATIONIS PRINCIPES, QUI HVIVS horrendi facinoris conscij facti sunt.

{ Euerardus Digbini Eques. Ambrosius Rookwod. }	{ Franciscus Tresbam. Iohannes Grantus. Robertus Keius. }
---	---

## DOMINI DELEGATI Fauxio huic examinando.

{ Notingamiæ. Vigornia. }	{ Northamp. Salisburia. }	} Comites.
{ Suffolcia. Deuonia. }	{ Marria. & Dumbari. }	

Popamus Iudex. Edowardus Cocus. Gulielmus Wadus.

**A**T priusquam hæc narratiuncula prelo aptari potuit, captus est Thomas Winterus; & in turrim Londiniensem deductus. cuius confessionem reipsa eandem, sed circumstantijs paulò largiorem, visum est subiungere; vt res ipsa fiat notior, Lector abeat instructior.

CONFES-



CONFESSIO THOMAE  
WINTERI, CORAM REGIIS  
CONSILIARIIS, QVORVM  
NOMINA SVBSCRIPTA SVNT.

xxij. Nouemb. 1605.



*Non quod sperem veniam delicti, Honoratissimi Domini; nam maius illud est ( si humano more res expendatur ) quàm ut condonari possit: nec quòd boni ciuis opinionem hinc captem; nam eam ante consequi non possem, quàm patriam meam tanto periculo liberarem, quantum illi modò conflauimus: sed tantum ut vestro mandato obsequar, breuiter ipse meae accusationis partes implebo, & quousque in hoc negotio progressus sim. quod eò maiore fide exequar, quòd conatus eiusmodi Deo videam ingratos, & omnia aut pleraque facinoris capita iam confessa.*

*Anno Domini 1603. Regis autem primo; mansi ruricum meo fratre, à festo Omnium Animarum ad principium Quadragesimæ; quo tempore Catesbeius me acciuit Londinium; se enim cum alijs amicis libenter velle me conuentum. Rogauit, me excusatum faceret; peius enim solito habere me. itaque, quod nunquam ante feci, nuncium remisi solum. Breui alias accepi literas, ut si qua possem accederem. hac secunda monitione veni Londinium. at Catesbeium Lambethæ offendi cum Johanne Wrichto, ubi mecum sermocinari coepit, quàm necesse fore patriam tueri (nouerat enim me cogitare in Belgicam) eamq; a seruitute in qua esset expedire, aut sanè quod in nobis esset auxilium conferre. Respondi leuioribus de causis me vitæ adiisse periculum, nec iam de fore*

*Catholicæ fidei, si qua nasceretur occasio: sed nihil mihi occurrere, quod polliceatur successum. Dixit se excogitasse, quo nobis omnibus iugum uno momento excuteret, & Catholicam religionem sine exterorum auxilijs reseminaret: & ne te amplius (inquit) detineam, id tormentario pulvere fiet; quo domum comitalem cum regni ordinibus difflabimus. fortè enim illum locum designauit Deus ad pœnam, unde nobis orta est calamitas. Ego mirari nouitatem inuenti: & fateri quidem iugulum rei sic peti, & eiusmodi tumultu latam aperi-ri fenestram ad rerum mutationem. At si destitueretur successu (ut in eiusmodi rebus usu venit) tanto infamari scandalo catholicam religionem, ut non solum ab inimicis nostris, sed ab amicis condemnari mereamur. morbus hic (inquit) acria pascit remedia: & quæsiuit an vellem consentire. Volo inquam: siue aliud quicquam habes, tecum paratus sum vitam periclitari. obieci tamen multas remoras, domum deesse, & cunicularium, ac periculum strepitus in opere & similia. Tentemus tamen (inquit) & ubi amplius non licet progredi, cessemus. quia tamen pace & modestiâ prius omnia decet experiri, tu marc transmittes, & Comitem Stabuli de statu Catholicæ religionis in Anglia edocebis, orabisque, cum ad nos venerit apud regiam maiestatem contendat, ut statutis pœnalibus antiquatis nos in cæt. rorum ciuium ordinem recipiamur. Cæterum reuertens unâ tecum adduces fidentem aliquem virum, bonoque ortum loco, quem tu nostro negotio cognoueris oportunum; & Fauxium mihi nominauit. Ego paucis post diebus traieci; & Comitem stabuli Bergæ prope à Dunkerka offendi: ubi, Oueno mediatore, mandata illi mea exposui; respondit, districtè sibi à Domino suo iniunctum, ut Catholicos omni opera iuuaret; & se conscientie ratione ad hoc obstringi. Sed de hac re nihil prorsus cum eo egi.*

*Dunkerkam reuersus cum Oueno sermones contuli, an  
putaret*

putaret Comitem stabuli bona fide auxiliaturum nobis. Ego (inquit) nihil minus credo : nam isti homines sua quærent, Catholicos parui faciunt. Dixi ego non deesse in Anglia generosos viros, qui pro patria extrema quæque tentaturi essent, mallentque vitam ipsam in discrimen adducere quam miseram patriam sua ope destituere. Atque ut uno homine auctior fieret noster numerus, qui consilio & manu quicquid nobis iam visum esset iuuaret, Fauxium optavi, cuius laudes sæpe ante audiueram. respondit virum illum merere famam quam haberet, sed iam esse Bruxellis : & si fortè, inquit, ante tuum digressum huc non venerit, ego illum breui mittam in Angliam. Posthinc Ostendam me contuli, ubi Gulielmum Stanleum non offendi : venit tamen post biduum. Cum eo triduum aut quatrimum commoratus, inter cætera ex eo quæsiui, si Archiducem crederet auxiliaturum Catholicis in Anglia aliquid pro se ausuris ? Minimè gentium, ait : nam tanto pacis Anglicæ desiderio tenentur hæc prouinciæ, ut cuiusvis alterius rei ingrata sit mentio. neque sanè interea dum de pace agitur deceret quicquam moliri. respondi nihil eiusmodi nobis esse in mente. atque ita ad alios sermones dilapsi sumus, usque dum Fauxij mentio iniecta est, quem comitem in Angliam expetebam. De illius in re militari peritia percontatus sum, & subiunxi nobis opus fore eiusmodi homine, si posceret occasio. ille Fauxium prolixè laudauit. Dum hos cæderemus sermones, & ego accinctus ad iter Neuportum versus iam Stanleo valedicturus eram, interuenit Fauxius, reuersus modò ; & nos salutauit. hic est (inquit Stanlaus) quem optabas : ita secundum dedimus amplexum. Dixi statim, desiderari illum in Anglia ab amicis melioris notæ ; & si subsequi vellet Dunkerkam, collocuturos nos vberius de meo itinere. Ego dicto ambobus vale digressus sum. Interiecto biduo venit Dunkerkam Fauxius : ubi illi indicaui, si nihil prodesset pax cum Hispano, certum nobis esse aliquid in Anglia

pro



pro nobis conari; sed quomodo, incertum adhuc esse. Eosdem fere sermones Graueline iterauimus, ubi ego idoneum ventum expectabam. quo spirante eodem nauigio Grenouicum ambo appulimus: exscendentes in scapham deuenimus Londinium ad Catesbeium, quem tum domi offendimus gratulari ille nostrum in Angliam aduentum: & quæ noua à Comite Stabuli percontari; Verba inquam sat bona; sed vereri me, ut facta respondeant. Incipiebat conuentus iuridicus Paschalis; quo adulto ad nos venit Thomas Percius, sue à Catesbeio accitus, sue negotiorum suorum causâ: nec moratus plura; Amici, quousque tandem, inquit, linguâ prompti erimus, manu desides? Seduxit eum Catesbeius: & post aliquod de negotio colloquium, nihil prius audendum ratus est; quam taciturnitatis iuramentum omnes præstarent: quod intra biduum aut triduum promissimus. Ita post D. Clementis conuenimus Catesbeius, Percius, Wrightus, Fauxius, ego: præstitoque inuicem in conclaui taciturnitatis iureiurando, in aliam ædium partem progressi Missam audiuius, & sacramentum corporis Domini percipimus. Tum Percio & Fauxio impertiuimus secretum, cuius gratia iuratum est. illis res non displicuit. Percius inde ad domum conducendam missus est, quam me absente Catesbeius didicit ad Ferrisum quendam spectare. hæc tandem licet ægrè impetrata est; ea lege, ut, quod Ferrisus antefecerat, Percius similiter Chinardum agnosceret locatorem: Fauxius adoptato Ionsnij nomine Percij ministrum simulat, ut qui cæteris ignotior erat, & claues ædium custodijt usque dum intelleximus Comitia in septimum diem Februarij dilata. igitur alius aliò se rus contulit, reuersuri circa initium conuentus iuridici autumnalis. Antebac destinaueramus aliam domum trans fluuium conducere è regione Percianæ, ad tormentarij pulueris & lignorum custodiam; quæ ibi præparata facile vel vna nocte in Percianas ædes cymbâ poterant transferri. Eas enim cautio erat ne sæpe eundo redeundoque suspectas facere-

faceremus. Nullus Lambethâ oportunior visus est locus, ubi Catesbeius plerumque morabatur. domus custodem ipso Catesbeio legente conscium adsciuiimus, Keium, hominem honestum & fidum. Mensis supererat ad Diem S. Remigio sacrum.

Quatuordecim diebus elapsis, appropinquante iam conueniuridico, Fauxius & ego Catesbeium conuenimus ad Moricroftas; ubi inter nos conuenit nunc incipiendum opus, parandâque esse illa, quæ ad cuniculum agendum facerent. Fauxius Londinium abiit: me postridie acciuit: in causa erant Scotiæ quidam Proceres de Regnorum unione in Percianis ædibus collocuturi. hinc dilata est inchoatio operis in diem decimum quartum ante Natalem Domini, quo tempore in urbem venerant Percius & Wrightus, & nos bonam tormentarij pulueris partem paraueramus. Nos quinque igitur opus illud idoneis instrumentis aggressi sumus, artocreatum largiore instructi annonâ, ne nimium excurrere necesse esset. Sero noctis exorşi sumus: nec apparuit publicè quisquam nostrum, excepto Percij famulo, vsque in vesperras Natalis Domini: quo spatio sub angusto quodam introitu vsque ad domus comitalis parietem opus perduximus, tota fornice aſeribus suffulcta.

Dum unâ eramus, formabamus communi consilio quod reliquum erat huius negotij; quid hoc facinore peracto nobis agendum foret. Primus noster scrupulus fuit, quomodo Ducem Eboracensem proximum regni heredem capere possemus: Principem enim verisimile erat unâ cum Patre comitijs interfuturum. has partes sibi demandari voluit Percius: se familiarium gratiâ ingressurum conclauē: ibi mansurum vsque dum sulphurati pulueris tonitru audiatur: tum duodecim viris ad ostia domus dispositis, qui se præstolarentur, & tribus equitibus ad ianuam, qui captum Ducem exciperent, saluum & incolumem posse abduci. Diuinabat enim abfore plerosque aulicorum, aut, si qui adessent, posse nec opinantes & improvi-

sos opprimi. At Dominam Elizabetham, quæ iam ruri esset apud Baronem Haringtoniæ, sine negotio capi posse; contra-ctis eò ad venationem amicis: præsertim cum Asbia; Catesbeij prædium, in vicinia foret; locus ad rerum necessariorum apparatus satis oportunus.

Proxima erat cura de pecunia & equis; quorum si mediocri pararetur copia, hostibus plus quam pares videbamur: cum & penes nos esset regni hæres; & quatuor vel quinque diebus nos singula ante nosceremus, quàm cæteri.

Deliberatum est deinde, quos è Proceribus huic periculo eximere oporteret: & visum est omnes, si pote esset, catholicos, iisque addictos: inde de singulis sermo nobis fuit.

Tum verò, quos exterorum Principum faceremus conscios secreti, aut peracti facinoris patronos. Una omnibus mens erat, Principum promissis non temerè fidendum; quibus nec taciturnitatem imperes, nec iurandum. & incertum fuit an illi nostra consilia probarent: atque ut vel maximè id facerent, apparatus tamen non careret suspitione; qui si ante facinus patratum nullus foret, præmonitio nostra inutilis erat. nam eadem literæ, quæ rei gestæ ferrent indicium, facile etiam eorum orarent auxilium. Tardior videbatur Hispania, nec in primis turbis nobis adfutura: Gallia nimium propinqua & formidabilis; quæ adiuncta Hollandiæ classe plus reliquo orbe nobis incussit terroris.

Dum hæc ultro citroque disceptaremus, intelleximus comitia in Octobrem protracta; qua fama nos nostra consilia, opusque in post ferias natalitias distulimus. Circa festum purificationis, sulphureum pulverem Lambethæ præparatum transueximus in Percianas aedes. præstabat enim quicquid erat periculi uno loco concludere.

Alios item quatuordecim dies agendo cuniculo insumpsimus, contra lapideum parietem, perfossu sanè difficilem. quo tempore Christophorum Wrightum assumpsimus. instabat Pascha,



cha, quum tertio aggredieremur opus ; & tum data est occasio cryptæ conducendæ, in qua misso facto cuniculo sulphureum puluerem placuit disponi.

Quoniam autem grauabatur Catesbeius sumptibus, quos in nostra omnium alimenta, in sulphureum puluerem, in ædes varijs vsibus conductas erogauerat, quibus leuandis alios oportebat consortes adsciscere : illi, & Percio, & quemcunque tertium hi duo eligerent permissum est ; ut quos putarent idoneos in numerum reciperent. Multi enim ( inquit Catesbeius ) meam non reformidant conscientiam, qui nollent tamen sua nomina turbæ huic vulgari. ab omnibus assensum est.

Postea Fauxius in cryptâ recens conductâ mille calas posuit, & quingentos lignorum fascēs ; queis puluerem sulphureum operuit : ut quisquis cuperet, liberrimè ædes ingrederetur. Catesbeius ad nos retulit, an non operæpretium esset Fauxium in Flandriam transmittere, cum ut seipsum ad tempus subtraheret, tum Gulielmum Standlæum & Ouenum impertiret secreto. Placuit id nobis, sed ea lege, ut illi communi nobiscum taciturnitatis iuramento obstringerentur, neu cui unquam mortalium indicarent. Standlæum verò ideò conscium assumpsimus, ut quum primum posset ad nos veniret : Ouenum verò, ut peracto facinore cum exteris Principibus negotiaretur. abiit Fauxius in Flandriam circa Pascha : exeunte Augusto reuersus est. Cum appulisset Bruxellas ( ut mihi ipse retulit ) Standlæum non offendit, nec dum videlicet ex Hispania rediret, itaque Oueno tantum rem indicauit, qui quantum ipse facinus probare videbatur, innuit tamē nolle Standlæum eiusmodi machinationis mentionem admittere, cui nempe iam negotia essent in aula Anglicana. Cæterum spondebat Ouenus, se functurum indicio cum opus esset ; & Standlæum peracto facinore in Angliam missurum.

Eodem fere tempore ad Thermas Somersæteneses conuenere Percius & Catesbeius. ibi transcripta est in Catesbeium potestas;

testas; ut quoniam pauci nimis adhuc forent, quos ipsi visum esset adlegeret. Huic Euerardus Digbini equestris ordinis homo adscitus est, sed quo tempore incertum; & omnium nouissimus Franciscus Tresamus. ille ut ex Catesbeio cognoui pollicitus est conferre mille & quingentas libellas; hic bis mille: Percius verò ex Comitibus Northumbriæ redditibus circiter quatuor millia, & decem equos celeres.

Ego interea & Fauxius sulphureum puluerem cõemimus nouum, suspicantes veterem humescere; inque crypta eo ordine disposuimus, quem certum erat non mutare. Tum amplius protracta sunt Comitibus in quintum Nouembris. Nos digredientes constituimus decem diebus ante reuerti: quo tempore Catesbeius, Fauxio comitante, diuertit in ades ad saltum Regis Enfieldicum, vulgò dictas Whitewebbs, quo me etiam contuli. Sciscitari me iussit Catesbeius, an Princeps interfuturus esset comitijs? respondi famam esse, non interfore. Ergo trans amnem, inquit, disponendi sunt equi: & plurimum opera opus est ad Principem capiendum. Ducem Eboracensem faciemus missum.

Vespera diei Dominicæ post biduum secutæ, venit aliquis in meum cubiculum, nuncians epistolam quandam traditam esse Baroni Montaquilæ, in qua iuberetur subducere se comitijs, propterea quod ictu ibi feriendi essent: hanc epistolam iam datam esse Comiti Salisburiensi.

Postridie in diuersorium Enfieldicum profectus, rem Catesbeio retuli: omnia iam palam esse, nec quicquam superesse, nisi ut patriam fugiat. respondit nec dum se desperare. & Fauxium decreuit mittere, qui extrema tentaret, testatus Deum, si suæ illæ partes forent, non detrectaturum se periculum.

Die Mercurij profectus est Fauxius: vesperi reuersus est; quæ res non mediocrem nobis attulit lætitiā.

Die Iouis ego Londinium veni, die Veneris Catesbeius. Tresamus me ad Barnetum conuenit; ubi multis inter nos discep-

disceptatum est, unde illa epistola ad Baronem Montaquilæ, sed frustra. Tresamus, quem solum nos suspectum habuimus, sanctè deierauit à se non esse.

Die Saturni vesperi Tresamum conueni, in Collegij Linconiensis ambulacro. ubi eiusmodi commemorauit sermones Comitiss Salisburiensis ad Regem, ut secundam vice de negotio desperarem. omnia retuli Catesbeio. Statuit igitur se subducere: sed Percium præstolabatur, cuius consensus deerat. At Percius, quicum die Dominico egimus, certus erat nouissima tentare, finemque expectare.

Hac suspitione turbatis omnium consilijs, Catesbeius statuit die Lunæ, quo Percius in castrum Sionis se contulit, rus proficisci. Percius eadem nocte, aut postridie mane, illius vestigia pressurus erat. Die Martis horà quintâ matutinâ Iunior Wrightus meum ingressus cubiculum, retulit, à Viro nobili excitatum Baronem Montaquilæ his verbis: Exurge, inquit, & me comitare in domum Essexiam: expergefaturus sum Comitem Northumbriæ; subdens omnia iam palam esse. Quæso, inquam, mi Wrighte, regredere; & ad domum Essexiæ fores quod potes exquire. Statim reuersus, conclamata, inquit, res est. Nam ad fores Domus Essexiæ, Lep-ton equum conscendit; & subditurus equo calcaria interrogauit Proceres, an quid amplius vellent? cum illi negarent, viam Fluiualem, quantâ potuit celeritate, decucurrit. Tu igitur (inquam) propera ad Percium. eum enim certò certius quærunt. dic fugiat. Ego hic extrema expectabo. Tum me ad aulam contuli: sed foribus Prætoriano agmine obsessis nemini licuit intrare. hinc versus domum Comitiam flexo itinere, cum eodem milite interclusam offenderem viam, quæ Regia vocatur; nec transitus daretur, regressus sum: ibi unus, coniuratio (inquit) detecta est, qua Rex & Proceres nitrato puluere disflandi erant. Tum verò certum erat vulgata esse omnia. itaque ad equile me contuli: cantherium arrepuì: rus auolauì.



uolaui. Catesbeius conuentum indixerat ad Duncburcham: sed ego illos prius assequi non potui, quàm ad fratris aedes venissem, quòd die Mercurij vesperi contigit. Die Jouis in aedibus Baronis Vinzorij arma cepimus: apud Stephanum Littletonem pernoctauimus. Postridie speculatum egresso occurrit famulus; nuncians graui calamitate socios nostros distractos: Catesbeio, Rucuodo, Grantò sulphureo puluere ambustis, reliquos diffugisse. Littleton mihi fugam consuluit, cui se comitem promittebat. Respondi, quicquid accideret, non prius abiturum, quam amici corpus viderem humoque manderem. Quùm venissem mediocriter se habebant Catesbeius, Percius, ambo Wrighti, Rucuodus, Grantus. Rogauì quid facere decreuissent, Responderunt, ibidem mori. Et ego, inquam, non detrecto communionem fati. Circa horam undecimam aderat turba aedes obsessura. Ego in area ambulans trajectior dextrum humerum plumbea glante, unde dextri brachij usum amisi: secunda glante occubuit Wrightorum maior: tertia minor: quarta Rucuodus. Mihi pro foribus stanti, quibus irrupturi erant, ait Catesbeius; adsta Thomas: moriemur vnà. Respondi dextram mihi inutilem factam, ideòque vereri ne capiar. Dumque arctissimè staremus, Catesbeius, Percius, ego; ceciderunt illi vnà ut opinor glante: ego turbà oppressus sum; ventreque & alijs partibus saucius, vulneratusque, tandem arreptis à tergo brachijs apprehensus sum.

Ex eo vester sum, &c.

### Delegati pro examine.

{Notinghamia. Vigornia.} {Northampia. Salisburia.} Comites.  
 {Suffolcia. Deuonia.} {Marria. & Dumbari.}

Iudex Popamus. Edouardus Cocus. Gulielmus Waadus.

Nomina

Nomina eorum qui primi coniurarunt  
& cuniculum egerunt.

Robertus Catesbeius.	}	Armigeri.
Robertus Winterus.		
Thomas Percius.	}	Generosi.
Thomas Winterus.		
Ioannes Wrightus.		
Christophorus Wrightus.		
Guido Fauxius.		
& Batus Catesbey famulus.		

Nomina eorum qui conscij fuerunt, at in cun-  
culo vel crypta non fuerunt.

Euerardus Digbius.	}	Eques.
Ambrosius Rucnodus.		
Franciscus Tresamus.	}	Armigeri.
Ioannes Grantus.		
Robertus Keius.	}	Generosus.

**S**ed relinquamus Fauxium in hospitio digno tali hospi-  
te, vt conscientiam suam aliquantisper ruminet : nunc  
quid de cæteris horrendæ coniurationis socijs actum  
sit, dicamus. Vt primùm eo mane sparsa est noui &  
immanis sceleris fama ( erat autem dies Martis, quintus  
Nouembris, ordinum confessui dicatus ) proripuerunt se ex vrbe non-  
nulli è coniuratis, Winterus, ambòque Wrighti : nec enim tutum  
videbatur vltèrius morari : horâ quartâ matutinâ euaserat Percius, &  
pridie illius diei Catesbeius : omnes maiore festinatione, quàm succef-  
su in ditionem Varuicensem Couentriam versùs contenderunt. Die  
Mercurij, eâdem quâ Fauxius Westmonasterij apprehensus fuit horâ,  
Grantus quidam, generoso natus loco, sociatis quibusdam alijs Ponti-  
ficiarum partium hominibus, & in religione sua refractarijs, inuasit  
Benoxi equile ( is equorum domitor erat ) effractisque foribus equos  
bellicos, quos inuenit, septem aut octo abduxit ; quos Viri nobiles in  
viciniâ commiserant Benoxo domandos. Sic die Martis vesperi, quo  
coniuratio detecta est, ad Dunchurcham conuenere, tum qui Londi-  
nio euaserant, tum qui se Granto adiunxerant ; vt apud Euerardum

Grantus per  
vim abducit  
equos.

Digbij venatio.

Digbium equestris ordinis virum eam noctem transigerent. Digbii postridie illius diei, nimirum Mercurij, solemnem venationem indixerat vicinis : venationem sane mirificam, & alius generis, quam illi augurari poterant ; cum Nimrodes hic non ferarum sed hominum sanguinem sitiret.

Rebellio coniuratorum.

Hæc infernalis societas in vnum locum coijt : sed cum omnia detecta scelusque elusum animaduenterent, decreuerunt laxas suæ desperationi habenas permittere ; & quod furtiuo sulphurei fulminis ictu non effecerant, aperta rebellionē tentare : vt aut se redderent compotes voti, aut sanè turbæ immixti laterent. itaque congregatis quotquot poterant, obtendentes iam religionis causam ; arma, equos, puluerem sulphuratum intercipiunt, & cætera, quæ angusti temporis fortuna obiecit. Somniabant vtrò citròque discurrendo alios se attrahere, numerum augere ; instar niuæ pilæ, quæ ex alto monte deuoluta è minimis principijs in immensum crescit, adhærescente obuia niue. Cogitabant etiam, speciosi huius agminis exemplo, cæteros suæ superstitionis socios ad arma in omnibus Angliæ tractibus vocare. Verùm cum vires suas perduxissent ad summum, octuaginta homines non erant : & hi de feruis suis nunquam non solliciti, ne dilaberentur. Dilabebantur nihilominus quotidie ab agmine ; quod numero impar erat exercitui Gedeonis, sed multò magis fide & bonitate causæ.

vix octuaginta hominum.

Eorum fuga.

Hunc Catholicum manipulum, per ditionem Varuicensem Vigorniam versus palantem, & inde in Staffordiæ fines non regius Legatus fudit, nec missus ad eam rem Dux aliquis militiæ : is honos miseris non obtigit. tumultuaria Vicecomitis Vigorniensis manu cæsi, capti, dissipati sunt. Vbi illud notatu dignissimum occurrit, nec absque diuinæ gloriæ iniuria reticendum, cum Diuinam nobis iustitiam aperitissimè testetur.

Et ad Holbecham strages.

Quamuis regia edicta properè secuta sunt proditores ; in quibus atrocitas sceleris exponebatur, & quam necesse esset Percium viuum capi cum cæteris damnatæ cohortis socijs, non iam coniuratis, sed palàm rebellibus ; fecit tamen longitudo itineris, quæ centum miliaribus erat maior, & viæ cænositas, & dierum breuitas, vt amantissimi Regis subditi edicta omnia anteuenterint. Nam tertio post fugam rebellium & coniurationis indicium die, qui Veneris erat, plerique omnes ad Holbecham à Vicecomite Vigornienti, circa meridiem capti sunt, eo qui sequitur modo.

Grantus ille, qui mihi propter equos abductos nominandus fuit, domi se continuerat, vsque dum scilicet Londini peractum esset facinus : tum ille postridie illius diei, quo omnes nos fulmine rebatur difflos, abripuit aut verius furripuit equos bellicos, quibus ipse & alij perditissimi in vicinia nebulones vsuri erant ad Dominam Elizabetham, filiam

Regis



Regis natu maximam, capiendam, propè ab eo viuentem loco : cuius nomine, post patris, & matris, & prolis masculæ interitum, omnia scelera & flagitia facturi erant. Cui rei Nimrodes noster Digbius, ludicrum suum venatorium in idem tempus coniecerat, vt per eam speciem conuocata hominū turba facilius & citius regiam filiam abducerent.

Granri confi-  
lum de Do-  
mina Eliza-  
betha capien-  
da.

At vis Benoxo pridie illata, & equorum abductio insignita quædam lasciuiā videbatur plebi, cæterorum ignaræ : prudentioribus verò certę rebellionis suspicionem incussit tanta audacia. summi igitur infimiq; arma capere : rei insolitæ obuīam ire. Inter quos Fulco Greuilius, maior, eques splendidissimus, certa esse hæc indicia & scintillas erupturæ rebellionis interpretatus est ; & memor antea ctæ ætatis, memor famæ, memor officij sui ( nam in ditione Varuicensi regius erat vicarius ) quanquam corpore inualidus, acer tamen ingenio & amore in Rempublicam; vt virum fortem & bonum ciuem decuit, omnia eorum arma penes se esse voluit, qui aut domi non erant, aut dubio ædium suarum præsidio fidere non poterant : quod oppidis circumiacentibus etiam denunciauit. hinc percussus à vili fabro Winterus, & captus fuisset à plebe, ni eum properè expediuissent focij. Illi cum aduerterent omnia omnibus innotuisse, accepto ante oculos non leui damno, fugerunt. Sedecim è perduto comitatu capti ad Vicecomitem Varuicensem missi sunt in vinculis, & inde Londinium.

Fulconis Gre-  
uiliij pruden-  
tia.

Nec sedecim horis elapsis, Catesbeius, Percius, Winteri, Wrighti, Rucuodus cum cæteris, omnes certi coniurationem detectam iam esse & elusam, vnde aureos montes modò sibi promiserant ; vnicum statuerunt in desperatis rebus auxilium, simul manere, & ob causas iam dictas huc illuc discursare. Verum Dei Regisque amor ciuium animis quàm altissimè inhærebat, etiam infimi loci & ordinis, quibus ipsum coniurationis mysterium nec dum innotuerat, sed quam oculis videbant nequitiam damnabant. nemo quisquam vllibi inuentus est, aut vir aut fæmina, qui potum sitientibus præberet, aut miseris solatium impertiret ; quæcunque demum obtenderent speciosa nomina, religionem, Catholicam fidem : cuncti eos odisse, atque execrari. Vicecomites verò singuli in suis ditionibus populum armare, vestigijs palantium inhærere ; omnia festinare, quatenus viæ fæditas permittebat, aut subitò coacta manus. Ita postquam à Richardo Varnio equite, Varuicensi Vicecomite ex ea ditione exacti essent, captis quoque nonnullis inferioris fortis hominibus : Richardus Walsenius, eiusdem loci atque ordinis, Vicecomes Vigorniensis, per suos fines acerrimè eos persequutus est : intellectoque, pernoctare illos in prædictis ædibus, tubicinibus & nuncijs missis Regis nomine eos monuit, vt se ipsi dederent Regis ministro. & quum nullum aliud eorum crimen sciret, quàm quod oculis cernebat ; addidit se pro eorum vita apud regiam

clemen-

clementiam intercessurum. At illi sibi nimis conscij quantum facinus designassent, superbè respondent, longè alijs viribus opus esse, vt eos ad deditionem cogeret.

Coniurati  
pulvere pyrio  
intereunt.

Hic accidit mirabile diuinæ iustitiæ opus : Dum vltro citroque commearent nuncij, & Vicecomitis populique indignatio ex responsi arrogantia glisceret ; his parantibus animosè inuadere, illis verò pari se constantia in ædibus defendere, vt ante decreuerunt : commoti ignis euolante scintillâ, duæ admodum pulueris tormentarij libræ, Deo ita volente, incensæ sunt. puluis hic ante focum in cubiculo exiccabatur. fœdatae sunt præcipuorum rebellium facies, manûsque & latera aliorum debilitata. nam ingens scoræa bulga ictu excussa fuit, puluere quo referta erat (res mira) non incenso. confestim ceciderunt omnibus animi : & cum Principes coniurationis Catesbeius, Percius, Rucuodus se defendere non possent ; cæteri desierunt resistere. Tum verò stupor incessit conscijs improborum animis ; cum sulphurato puluere, quo alijs machinati sunt interitum, seipsos cernerent diuinitus exanimatos : & verum illud factum est, in quo peccamus in eodem plectimur. Nec mōra procumbentes in genua (vide mirabilem diuinæ iustitiæ potestatem in male affectas conscientias) Deum orarunt veniam immanitatis suæ : & positâ pertinaciâ fores aperuerunt, vt irrumpente Vicecomitis manipulo certam aliquando mortem inuenirent. Tres præcipui animis corporibusque iuncti irrumpentium furori se obiecerunt Catesbeius, Percius, Winterus. illi vna glande plumbea transfolli, hic viuus captus est.

Hic exitus tulit magnanimos hosce Catholicos, & nihil vile spirantes. qui modo nihil humiliter somniabant, quàm regum regnorumque excidia, seque sperabant in vetustissimis regnis rerum omnium fore arbitros, misera viliq̃ clade perierunt, vno momento visi, victi, euersti : inciderunt in foueam, quam ipsi alijs foderunt, & quod de illis Regia Maiestas in conuentu ordinum quodammodo vaticinatus est, id ipsi fecerunt verum ; alij è vestigio occisi, alij læthaliter vulnerati detracta veste nudi relictī sunt, vt frigore potius quàm vulnerum periculo videantur interiisse : cæteri, qui aut integri adhuc erant aut leuius fauciati, statim capti, vincti, & à Vicecomite, ordinario Iustitiæ sacerdote, in vilem carcerem detrusi, quo infimi ordinis scurræ & facinorosi vulgò detinentur ; & inde Londinium missi in vinculis ; vt infinitam mortalium turbam obuiam haberent, qui oculos suos pascerent in iustitatis hisce hominum prodigijs : sannionibus eos habentibus ludibrio, pueris & fœminis defixis admiratione, plebe obstupescēte, prudentioribus aliquid curiositati indulgentibus, vt spectarent non tam hominum corpora, quàm inauditi sceleris capsulas ; & se eorum aspectu fatiantur, quorum immanitatem nunquam satis mirari aut execrari poterant.

terant. Eos in publicum & horrendum spectaculum exhibuit Diuina iracundia.

Quid de ijs porro futurum sit Regis est & Reipub. statuere : nec dubitandi locus vullus est, quin, publico supplicio, & quod posteris exemplo sit, hoc scelus suo tempore sit expiandum. Bonorum ciuium est Deum orare, in cuius manu sunt corda Regum, vt eam velit esse huius Tragediæ catastrophē ( nam quæ Regi & fidelibus eius subditis Tragico-comedia fuit, ea coniuratis vera est tragedia ) vt sui nominis gloria & sacra religio prouehatur, Regisq̃ue incolumitati & Reipub. securitati prospiciatur : tum verò quæcunque adhuc latet perfidia eruat in lucem, horrenda denique hæc machinatio, cui nulla ætas debitum nomen inuenerit, debita tandem vindicetur pæna : quique nobis vniuersalem vereque Catholicum interitum vno ictu meditabantur ; qui atrox illud tyranni votum ( vt populus Romanus vnam tantum ceruicem haberet ) tantum superarunt, quantum verba distant à factis ; qui pacatissimas Iani nostri fores, quæ aliter ( Deo laus sit ) aperiri non poterant, sulphurato puluere discutere parabant, hi horribile & execrandum hoc parricidium iusto luant supplicio. sic infamia & dedecus totius gentis, quæ Basiliſci oua genuit aluitque inscia in sinu, vertet in solos sceleris auctores : quibus purgata Britannia pace perpetua in posterum, rerumque omnium affluentia floreat ; honestis, fidiſque subditis cum iusto religiosoque Principe, sacro nodo, & plusquam Gordio, coniunctis. Ita qui nostri memoriam radere & delere cogitârunt, viuunt illi in omnium sæculorum opprobrium.

Et nos incolumitatis nostræ diem gratissimis animis semper recalemus.

TRIPLICI







---

Triplici nodo Triplex cuneus,

---

S I V E  
A P O L O G I A  
P R O I V R A M E N T O  
F I D E L I T A T I S,

O P P O S I T A D V O B V S

Breuibus *Pauli V<sup>ti</sup>* Romani

Pontificis:

E T

L I T E R I S C A R D I N A L I S B E L L A R M I N I

ad *Blackwellum* Archipresbyterum.

[ \* \* ]





Nam  
vel q  
vind  
ra ad  
obse  
dus  
funt  
ctur  
est il  
Q  
Rom  
fide  
mo  
tum  
tion  
tur.  
que  
qui  
lior





# APOLOGIA PRO IURAMENTO FIDELITATIS.



Vam immane & insolens & post homines natos inauditum nefas nuper hîc in Anglia conflatum sit, ad meam & coniugis & liberorum meorum inter necionem, cum omnium procerum & promiscua optimorum ciuium strage; ita iam orbi terrarum innotuit, vt actum agere videri posset qui amplius publicaret. ipsa se sceleris atrocitas longè lateque per ora mortalium diffudit.

Nam si peccatorum nonnulla ideo in sacris literis dicantur *\*clamantia* \*Gene. 4. 10. vel quia cum publica infamia coniuncta sunt, vel quia cælitus quasi vindictam videntur poscere in auctores (qualia tamen nec insolita adeò sunt, nec gens vlla in orbe vnquam ijs penitus vacauit) quid, obsecro, de hoc scelere existimandum est, cui nec causa fuit nec modus vllus nec exemplum sœuitiæ? Quæ post contigerunt nec ea orbi sunt ignota, vt scilicet solorum nocentium supplicijs iustitiæ satisfactum sit, idque in publico iudicio, quo nullum in hoc regno visum est illustrius.

Quanquam enim sceleri tam horrendo nihil nisi religionis illius Romanæ zelum obtenderent, in cæteros tamen, qui idem cum illis in fidei negotio sentiebant, nihil durius statutum est; vt ex clementissimo nostro post detectam coniurationem edicto statim apparuit. tantum in proximo ordinum confesso leges quædam latæ fuerunt, de rationibus & vijs quibus eiusmodi scelerum portenta deinceps cauerentur. In his erat iusiurandum quoddam à subditis meis exigendum, quo conceptis verbis testarentur singuli mansuros se in fide & obsequio quod mihi nascèdi iure debebatur: quod non tam eò fiebat, vt melioris notæ subditi distinguerentur à perduellibus qui iustū regi negabant

bant obsequium; sed præcipuè vt eos, qui Pontificijs quidem additi opinionibus fidelitatem tamen non eiurauerant, à talibus secerne-rem, qui eiusdem zeli vèrtigine cum Sulphurarijs proditoribus abrepti intra naturalis obsequij metas nolebant cohiberi; proditionesque omnes & læsæ maiestatis crimina solâ religionis disparitate credebant excusari. Quod prudens piumque consilium Deus Opt. Max. iusto approbavit successu. nam multi è subditis meis qui Pontificiæ studebant fidei, tam Sacerdotes quam Laici, volentibus animis iurârunt in verba: vnde factum est vt ego de honesta eorum mente melius cæperim sperare, ipsi verò se à grauissima vindicarint infamia, quòd licet cum proditoribus Sulphurarijs communia haberent sacra, ab eorum tamen perfidia in Principem quàm longissimè abhorrerent. Pontificij igitur qui pacem amabant desperare vltra desierant, quùm iam illis constabat mihi in animo non esse vt religionis causâ illos affligerem, sed vt de ciuili obsequio quod conscientiæ causâ debebant eo iuramento cauere.

Sed neque Satanas ipse ad turbendam hanc rerum serenitatem quicquam potuisset comminisci nocentius, quàm quod post accidit à Romani Pontificis breui huc transmissio & publicatio, quo ille suis omnibus hoc iuramentum interdixit. vnde noua diffidentiae semina inter me & Papistas meos sparsa sunt, vt dum illi in re iustissima detrectant parere, id est, hoc fidelitatis pignore se Regi suo obstringere, ego iniquissima prouocatus repulsa non immeritò, iam non ob religionem, in eos possim animaduertere. omninoque eò nunc miseriarum venerunt, vt aut cum vitæ rerumque omnium iactura debitum regi obsequium necesse habeant negare, aut (si Pontifici credimus) animas suas eiurata catholica fide æterno deuouere exitio.

Quanquam autem inter me & Romanum Pontificem, alterius videlicet religionis caput, religio ipsa literarum & internunciorum omne sustulerit commercium, quùm tamen ille mihi bellum non indixerit, contra communem humanitatis legem & contra Christianorum Principum morem, hoc quicquid est fecisse existimandus est; & quòd me indicta causa persecutionis crimine damnârit, (ea enim illius est de me opinio, quùm Pontificios nostros ad martyrij patientiam hortatur) & quòd suarum partium hominibus in Anglia iuramentum fidelitatis tam seuerè interdixerit, id est, nelicitum suo principi polliceantur obsequium. Si enim se mihi legitimum arbitratum iudicem, cur, obsecro, damnat inauditum? sin (quod res est) nihil mecum habeat commune, cur falcem immittit in messem alienam? cur inter me & subditos meos se ingerit arbitrum, præsertim vbi nulla alia quæstio est nisi de ciuili obsequio?

Certè Pius V<sup>us</sup>, etiam cum impotentissimè fureret, & suis in nupera-

ram

ram Reginam nimis notis inimicitijs omnia permitteret, nihil potuit facere hac ipsa, quæ mihi ab isto oblata est, iniuriâ atrocius, nullâ iræ causâ vel in speciem ante indicatâ. Perinde enim est subditis interdici ne licitum principi spondeant obsequium, quod iste nunc facit; ac si obsequij legibus eos solueret, imò disertim præciperet, vt contra principem arma sumerent, quod faciebat Pius V<sup>us</sup>.

Sed vt ad *Breue* ipsum propius accedamus, in quo plus æquo sanè sudat dum iuramentum ipsum verbatim transcribit, cuius solus titulus ei satis erat, nullam scilicet aliam meditati illius refutationem, nisi vt totum simul vna litura deleret: hîc sanè, vt & in eo quod prius indicaui, quædâ eius erga me apparet inhumanitas, non sine aliqua in ipsius etiam Catholicos iniuria. Nec enim ex iuramento verba vlla quæ reprehenderet selegit; quod si fecisset, paterna mea in subditos cura, quibus nollem temere negotium facessere, persuadere mihi potuisset, vt ea aut corrigerem, aut interpretatione aliqua lenirem. Catholicos etiam suos permagna liberasset molestia, vt si ego recusassem in eo iuramento quicquam mutare, non deesset saltem ijs detrectantibus excusationis color, quem suæ obtenderent pertinaciæ, quasi a fide & obsequio Principis haudquaquam deficerent, sed quòd religioni ducerent in ea verba iurare quæ à Romano Pontifice essent damnata.

Nunc audiamus ipsum Tonantem.



# CATHOLICIS AN- GLIS PAULUS PP. QVINTVS.



*Dilecti filij, Salutem & Apostolicam benedictionem. Magno animi mœrore nos semper affecêrunt tribulationes & calamitates, quas pro retinendâ Catholicâ fide iugiter sustinuistis. Sed cùm intelligamus omnia hoc tempore magis exacerbari, afflictio nostra mirum in modum aucta est: Accepimus namque compelli vos grauissimis pœnis propositis Templâ hæreticorum adire, cœtus eorum frequentare, concionibus illorum interesse: pro-*  
fectò



fectò credimus proculdubio eos qui tantâ constantiâ atque fortitudine atrocissimas persecutiones, infinitas propemodum miseras hætenus perpeffi sunt, ut immaculatè ambulant in lege Domini, nunquam commissuros esse ut coinquantur communione desertorum Diuinæ legis. Nihilominus zelo Pastoralis officij nostri impulsî, & pro Paternâ sollicitudine quâ de salute animarum vestrarum assiduè laboramus; cogimur monere vos atque obtestari, ut nullo pacto ad hæreticorum Tempia accedatis; aut eorum Conciones audiatis; vel cum ipsis in ritibus communicetis, ne Dei iram incurratis. Non enim licet vobis hæc facere sine detrimento Diuini cultus, ac vestræ salutis. Quemadmodum etiam non potestis absque euidentissimâ grauissimâque Diuini honoris iniuriâ obligare vos Iuramento, quod similiter maximo cum cordis nostri dolore audiimus propositum vobis fuisse præstandum, infra scripti tenoris; videlicet:



Go A. B. verè & sincrerè agnosco, profiteor, testificor & declaro in conscientiâ meâ coram Deo & mundo, quòd supremus Dominus noster Rex *Iacobus*, est legitimus & verus Rex huius regni, & omnium aliorum Maiestatis suæ Dominiorum & terrarum: Et quòd Papa nec per se ipsum, nec per vllam aliam auctoritatem Ecclesiæ, vel sedis Romanæ, vel per vllam media cum quibuscunque alijs aliquam potestatem, vel auctoritatem habeat Regem deponendi, vel aliquorum Maiestatis suæ Dominiorum vel Regnorum disponendi, vel alicui Principi extraneo ipsum damnificare, aut terras suas inuadere auctoritatem concedendi, vel vllos subditorum suorum ab eorum suæ Maiestatis obedientiâ & subiectione exonerandi, aut vllis eorum licentiam dare arma contra ipsum gerendi, tumultus seminandi, aut aliquam violentiam aut damnum Maiestatis suæ Personæ, Statui, vel Regimini, vel aliquibus suis subditis infra sua Dominia offerendi. Item, iuro ex corde, quòd non obstante aliquâ declaratione, vel sententiâ Excommunicationis, aut deprivationis factâ vel concessâ, aut fiendâ vel concedendâ per Papam vel successores suos, vel per quamcunque auctoritatem deriuatam vel deriuari prætensam ab illo, seu à suâ sede contra dictum Regem, hæredes aut successores suos, vel quacunque absolutione dictorum subditorum ab eorum obedientiâ; fidelitatem tamen, & veram obedientiam

am suæ Maiestati, hæredibus, & successoribus suis præstabo; Ipsumque & ipsos totis meis viribus contra omnes conspirationes & attentata quæcunque, quæ contra Personam illius, vel illorum, eorumque Coronam & dignitatem, ratione vel colore alicuius sententiæ vel declarationis, aut alias facta fuerint, defendam: omnemque operam impendam reuelare, & manifestum facere suæ Maiestati, hæredibus & successoribus suis omnes prodiones, & proditorias conspirationes, quæ contra illum aut aliquos illorum ad notitiam, vel auditum meum peruenerint. Præterea iuro, quod ex corde abhorreo, detestor, & abiuro tanquam impiam & hæreticam, hanc damnabilem doctrinam & propositionem, Quod Principes per Papam excommunicati vel depriuari, possint per suos subditos, vel aliquos alios quoscunque deponi, aut occidi. Et vterius credo, & in conscientiam meam resoluor, quod nec Papa, nec alius quicumque potestatem habet, me ab hoc Iuramento, aut aliquâ eius parte absoluendi: quod Iuramentum agnosco rectâ ac plenâ auctoritate esse mihi legitimè ministratum, omnibusque indulgentijs ac dispensationibus in contrarium renuncio. Hæcque omnia planè ac sincère agnosco & iuro iuxta expressa verba per me hîc prolata, & iuxta planum ac communem sensum & intellectum eorundem verborum, absque vllâ æquiuatione, aut mentali euasione, vel secretâ reseruatione quacunque. Hancque recognitionem & agnitionem facio cordialiter, voluntariè, & verè, in verâ fide Christiani viri: Sic me Deus adiuuet.

*Quæ cum ita sunt, vobis ex verbis ipsis perspicuum esse debet, quod huiusmodi Furamentum, saluâ fide Catholicâ, & salute animarum vestrarum, præstari non potest, cum multa contineat quæ fidei ac saluti apertè aduersantur. Propterea admonemus vos, vt ab hoc, atque similibus iuramentis præstandis omnino caueatis: quod quidem eò acrius exigimus à vobis, quia experti vestræ fidei cōstantiam, quæ tanquam aurum in fornace perpetuæ tribulationis igne probata est, pro comperto habemus, vos alacri animo subituros esse quæcunque atrociora tormenta, ac mortem denique ipsam constanter appetituros, potius quàm Dei Maiestatem vllâ in re la datis. Et fiducia nostra confirmatur ex his quæ quotidie nobis afferuntur de egregiâ virtute atque fortitudine, quæ non secus ac in Ecclesiæ primordijs, resplendent nouissimis hisce temporibus, in martyribus vestris. State ergo, succincti lumbos vestros in virtute, &*

induti loricam iustitiæ, sumentes scutum fidei, confortamini in Domino, & in potentiâ virtutis eius; nec quicquam vos detineat. Ipse autem, qui coronaturus vos certamina vestra in cœlo intuetur, bonum opus quod in vobis cœpit, perficiet. Nostis quia discipulis suis pollicitus est, se nunquam eos relinquiturum esse orphanos: fidelis enim est qui repromisit. Retinete igitur disciplinam eius, hoc est, radicati & fundati in charitate, quicquid agitis, quicquid conamini, in simplicitate cordis & in comitate spiritus, sine murmuratione aut hæsitatione unanimes facite. Siquidem in hoc cognoscunt omnes, quia discipuli Christi sumus, si dilectionem ad inuicem habuerimus. Quæ quidem charitas cum sit omnibus Christi fidelibus maxime appetenda; vobis certè, dilectissimi filij, prorsus necessaria est. Hac enim vestrâ charitate diaboli potentia infringitur, qui nunc aduersus vos tantoperè insurgit, cum ipsa contentionibus atque dissidiis nostrorum filiorum præcipuè nitatur. Hortamur itaque vos per viscera Domini Iesu Christi, cuius charitate è faucibus æternæ mortis erepti sumus, ut ante omnia, mutuam inter vos charitatem habeatis. Præscripsit sanè vobis præcepta maxime vtilia de fraternâ charitate vicissim exercendâ, felicitis recordationis Clemens Papa octauus suis literis in forma Brevis ad dilectum filium Magistrum Georgium Archi-presbyterum Regni Angliæ, datis die quinta mensis Octobris 1606. Ea igitur diligenter exequimini, & ne ulla difficultate aut ambiguitate remoremmini. Præcipimus vobis, ut illarum literarum verba ad amussim seruetis; & simpliciter, prout sonant & iacent, accipiat & intelligatis, sublata omni facultate aliter illa interpretandi. Interim nos nunquam cessabimus Deum Patrem misericordiarum precari, ut afflictiones & labores vestros clementer respiciat, ac vos continua protectione custodiat atque defendat: quos Apostolica benedictione nostra clementer impertimur. Datum Romæ apud Sanctum Marcum, sub annulo Piscatoris, Decimo Calend. Octob. 1606. Pontificatus nostri anno secundo.

RESPON-



## RESPONSIO AD PRIMUM BREVE PONTIFICIS.

**A**NTE omnia maiorem hinc suum innuit Pontifex, quod ærumnis, quas religionis causâ patiantur in Anglia Catholici, grauiter doleat. Vbi ut manifestam illam, quam me impetit, calumniam tantisper missam faciam, ipsa me veritatis conscientia cogit testari neminem unquam Pontificium quicquam ab Elizabetha Regina religionis causâ pertulisse. quæ passi sunt supplicia ipsi suis sibi attraxere sceleribus. quod ex rerum gestarum temporibus & cæteris circumstantijs videre est. Antequam enim Pius V<sup>us</sup>. excommunicando proscripsisset Reginam, Catholicos verò suos ad rebellandum incitasset, satis constat nec effusum fuisse ullius sanguinem, nec verò cuiquam grauiorem paulò irrogatam pœnam, nec acerbiorẽ rogatam legem.

Quæ deinde sequuta sunt si quis affectu vacuus voluerit inspicere, illinc quidem crebros regni huius inuadendi conatus, peregrina consilia, domesticos tumultus, clandestinas machinationes, venena, cædes, quotidiana scelera, omnia Romanis elaborata officinis, continuas præterea subditorum ad defectionem sollicitationes, partim largitionibus pecuniarijs, partim ostentata immortalitatis mercede, libros denique conscriptos à fugitiuis alios ex alijs, publicaue editos auctoritate, ad facerrimorum scelerum patrocinium, & cætera grauissima & innumera facinora : hinc verò iustissima sed parca illa tot flagitiorum supplicia, nã ille luce meridiana clarius videbit tam procul fuisse beatissimæ memoriæ heroinam à persecutionis infamia, quàm erunt hi Tartarei scelerum architecti à martyrij gloria.

Postquam defunctæ Manibus iusta feci, liceat mihi cum Diuo Paulo meam ipsius famam ab innumeris quibus premitur calumnijs asserere, & quo me pacto erga Papistas semper gesserim bona fide testari. hoc sanctè affirmem, quantacunque demum fuerit (quæ certe fuit maxima) decessoris meæ clementia & misericordia in Papistas, meam tamen multo semper fuisse maiorem ; & omnino tantam, ut illius fiducia Pontificij nostri fastuosiores quàm prius suæ religionis libertatem, & iura omnia cum cæteris paria certo certius à me sibi promitterent ; non pauci verò è præstantissimis meis subditis indulgentia hac mea perculsi & attoniti continuò prælagirent euentus amaritudinem, qua-

lis in Sulphurea coniuratione contigit. Quot ego notissimæ contumaciæ Papistas in equestrem ordinem adlegi? quanta vtriusque religionis homines æquabilitate admisi, hosque & illos omni fauoris & honoris genere ornavi? quàm liber & inoffensus in aulam meam & comitatum accessus omnium ordinum Pontificijs semper patuit? & præter cætera, quanta liberalitate & promptitudine multatitiæ pecuniæ illis feci gratiam? Neque ignotum est quò pacto ipse Iudicibus iniunxerim ut damnatorum quoque Sacerdotum vitæ parcerent, addito clementissimè edicto, quo Sacerdotibus omnibus necdum custodiâ detentis antè certum diem abeundi è regno copia facta est, incarcerationis quoque & damnatis veniâ concessa. Vnde hi tanquàm nihil admisissent sui iuris facti sunt, & qui post comprehensi fuere trans mare amandati sua fruebantur libertate. Dies me citius vel charta deficeret quàm omnia in Pontificios benefacta, in singulos, in vniuersos, collata percererem. qua in enumeratione singulæ lineæ totidem forent Romani Pontificis accusationes, tanta nimirum ingratitudine tantam compensantis benevolentiam.

Atque ita lachrymas omnes ex persecutionis mærore per Pontificias fluentes genas satis (in fallor) absterximus. Verùm ille si politice tantum prudentiæ compos fuisset, veritatis licet & iusticiæ securus, debuerat in hac querela meum & nuperæ reginæ imperium distinguere, & potius laudando perpetuam facere quam in me cernebat clementiam. Verum etenim illud est quod vulgò dici solet, apud generosos animos plurimum quoque posse fictam benevolentiam imputationem. Est autem illa de persecutione manifesta calumnia: neque probari potest, ex quo ego hoc regnum adij quenquam hominum religionis causâ fuisse exutum vita: nisi forte iam ex nouo hoc Pontificis interdicto, quo debitum mihi prohibetur obsequium, iusta oriatur in multos animaduertendi necessitas. quod si euenerit, Pontifici imputetur eorum sanguis, qui vnus est eius fundendi auctor.

Alteram illam Pontificij brevis partem, qua vetat suos ne nostras Ecclesias ritusue aut ceremonias frequentent, non fert animus nunc attingere; quùm id mihi negotii tantum dederim ut orbi terrarum illius publicem iniuriam, quòd subditos meos à iustissima obsequij professione auerrat.

Cæterum verba ipsa quibus damnatur iuramentum numero quidem pauca sed pondere grauissima sunt; nempe, id perspicuum esse debere Catholicis omnibus, quòd huiusmodi iuramentum, *salua fide Catholica & salute animarum suarum præstare non possint; quàm multa contineat qua saluti & fidei aperte aduersentur.* Huic homini quadrat vetus illud Philosophi, *Multa dicit sed pauca probat*, imò vero nihil omnino probat. Nam quod obsequij professio erga Principem fidei & saluti subdito-

rum

rum aperte aduerferetur est supra noſtram Theologiam, & peregrinum est & inſolens dogma, & eo homine penitus indignum, qui ſe vniuerſalem Episcopum, & œcumenicum Chriſtianorum paſtorem cenſet appellandum. Lego non ſemel in ſacro codice Subditorum eſſe Principibus ſuis ſeu bonis ſeu malis etiam conſcientiæ cauſâ obedire. Vnde & populus aiebat, \* Iofuæ, *Quemadmodum Moſi obeduimus in omnibus, ita & tibi obediemus.* Sic \* Propheta auctor fuit populo vt obtemperarent Regi Babel: *ſubmittite, inquit, collar veftra ſubter ingum Regis Babel, eique & populo eius ſeruite vt viuatis.* Sic erga Pharaonem ſe geſſerunt \* Iſraelitæ, dum peterent ab eo dimitti. Sic erga \* Cyrum, dum veniam impetrant reuertendi vt templum exſtruant. In ſumma Apoſtolus vult omnes ſubdi poteſtatibus \* ſuperioribus, etiam conſcientiæ cauſâ.

\* Iof. 1. 17.

\* Ierem. 2. 27.

\* Exod. 5. 1.

\* Ezra. 1. 3.

\* Rom. 13. 5.

Nec à ſacrarum literarum præſcripto abeunt patres. Auguſtinus de Iuliano ſic loquitur: Iulianus, inquit, *exiit inſidelis Imperator. Nonne exiit Apoſtata iniquus, idololatra? Milites Chriſtiani ſeruierunt Imperatori inſideli. Vbi veniebatur ad cauſſam Chriſti, non agnoſcebant niſi illum, qui in celo erat. Quando volebat, vt idola colerent, vt thurificarent, præponebant illi Deum. Quando autem dicebat, Producite aciem, Ite contra illam Gentem, ſtatim obtemperabant. Distinguebant Dominum æternum à Domino temporali.* Tertullianus etiam, *Chriſtianus nullius eſt hoſtis, nedum Imperatoris: quem ſciens à Deo ſuo conſtitui, neceſſe eſt, vt & ipſum diligat, & reueretur, & honoret, & ſaluum velit, cum toto Romano Imperio, quouſque ſæculum ſtabit. Colimus ergo Imperatorem ſic quomodo & nobis licet, & ipſi expedit, vt hominem à Deo ſecundum, & quicquid eſt à Deo conſecutum, ſolo Deo minorem. Hoc & ipſe vult: ſic enim omnibus maior eſt, dum ſolo vero Deo minor eſt.* Iuſtinus Martyr, *Nos ſolum Deum adoramus, & vobis in rebus alijs lati inſeruimus, Imperatores ac Principes hominum eſſe profitentes.* Ambroſius, *Dolere potero, potero flere, potero gemere; aduerſus arma, milites, Gotthos quoque lacrymæ meæ arma ſunt. Talia enim munimenta ſunt Sacerdotis: aliter nec debeo, nec poſſum reſiſtere.* Optatus, \* *Super Imperatorem non eſt niſi ſolus Deus, qui fecit Imperatorem.* \* Gregorius etiam ad Mauritium ſcribens de lege quadam, qua milites nondum expleto militiæ tempore vebantur recipi in monaſteria, *Omnipotenti (inquit) Deo reus eſt qui ſereniſſimis Dominis in omne quod agit & loquitur purus non eſt. Poſtea ſe profeſſus indignum famulum ſuæ pietatis deinceps per totam epiſtolam omnis in eo eſt, vt legem illam perinde ac ſentiebat conuincat iniuſtam: demum his verbis epiſtolam concludit, Ego quidem iuſſioni ſubiectus eandem legem per diuerſas terrarum partes tranſmitti feci: & quia lex ipſa omnipotenti Deo minime concordet, ecce per ſuggeſtionis meæ paginam Sereniſſimis Dominis nunciaui. Vtrobique ergo quæ debui exolui qui & imperatori obedienciam præbui & pro Deo quod ſenſi minime tacui.*

Auguſt. in  
Pſal. 124.Tertull. ad  
Scap.Iuſtin. Martyr  
apol. 2. ad An-  
tonin. Imper.  
Ambroſ. orat.  
cont. Auxent.  
l. 5. epiſt.  
Ambr.  
Optat. cont.  
Parmen. l. 3.  
\* Greg. mag.  
epiſt. l. 2. in-  
diſt. 11. epiſt.  
61.

Iam verò quantum diſcrepet hic veteris æui Pontifex, qui Impera-  
toris



toris decreto etiam contra animum suum & conscientiam morem gerit, ab hodiernis illis & nostris, qui licitum illud & ciuile in Principes obsequium subditis interdunt, penes sit æquum lectorem iudicare.

Concil. Arelat. sub Carolo Mag. can. 26.

Cum Patribus idem sentiunt in decretis suis Concilia. Præsules Concilij Arelatensis totum Concilium subiiciunt Imperatori Carolo his verbis: *Hæc igitur Domino Imperatori præsentanda decreuimus, poscentes eius clementiam, ut si quid hic minus est eius prudentia suppleatur: si quid secus quam ratio habet, eius iudicio emendetur: si quid rationabiliter taxatum est, eius adiutorio diuina opitulante clementia perficiatur.*

Vid. epist. general. conc. Ephes. ad August.

Sed quid ego de Carolo magno loquor, cui non vnum sed sex omnino Concilia, Francofordiense, Arelatense, Turonense, Cabilonense, Moguntinum, ac Rhemense sese penitus submiserunt? Quidni potius œcumenica adferam Concilia, Nicenum, Constantinopolitanum, Ephesium, Chalcedonense, & quatuor præterea sic vulgo habita, quæ sese in omnibus Imperatoris prudentiæ ac pietati subiecerunt? adeo quidem ut patres Ephesini quater inculcent *se Imperatoris oraculo, nutu, sanctione, & mandato coisse; iamque ad eius pietatem supplices confugere, ut quæ contra Nestorium & illi consentientes gesta essent, illius potentia rata fierent & valerent*, ut liquidò apparet ex Generalis Concilij Ephesini epistola ad Augustos.

\* Ioan. 18. 36.  
\* Matth. 22. 21.

Quin etiam Christum dixisse lego *\* Regnum suum non esse de hoc mundo, iussisseque ut quæ Cesaris sunt Cesari, \* quæ Dei darentur Deo.* Et in Theologia hoc mihi hætenus multò semper visum est certissimum, ciuilem eam, quæ Magistratui defertur, obedientiam religioni & salutis animarum nihil aduersari. Quòd verò salutis animarum ea aduersetur, quemadmodum in hoc breui affirmatur, insolens est & nouum dogma & in Christiana Ecclesia nec lectum, nec auditum prius.

Pontifex igitur penes quem est priuilegium non errandi, & nouos quum libet fidei articulos condendi, meâ quidem sententiâ prius definire debuerat esse hunc vnum è Catholicæ fidei articulis, quàm credendi obediendique necessitatem Catholicis imposuisset. Sed responsum nostram ad hanc Pontificij brevis partem hoc concludamus delemmate:

» In rebus temporalibus vel licet obtemperare Principi vel non licet.  
» Si liceat (quod nemo vnquam vocauit in dubium) cur ita iniquus  
» est Pontifex & ferox in Catholicos, ut licitum ijs interdicit obsequium?  
» Sin æstimet non licere, cur suæ opinionis nullam attulit  
» causam? cur non ijs concedit, vel ut rectius dicam, cur non persuadet  
» ipsis illum regem ut deserant cui obedire non debent?

Adhortationem Pontificis.

Quòd autem tanta contentione eos hortatur ad constantiam & ut martyrium, cæteraque aduersa propter religionem forti ferant animo; id solum respondeo, si æqua sit & honesta causa quam illis commendat,

dar, necessariam quoque videri hortationem eius: sin, vt est & ego modò probaui, futilis ea est & vana, tum nulli bono esse hortationem eiusmodi, nisi vt ipse reum se faciat sanguinis tot ouium suarum, quas hîc sciens volensque abijcit, non modò vitas, opes & familias vbi nihil opus est euertens, verum etiam Papistis omnibus fædam inurens maculam; quasi fieri nequiret, vt qui Papisticam religionem seriò coleret, Principi alicui fidelis subditus esse posset, vel sanè illius religionis professio cum debito Magistratui obsequio haud quaquam posset subsistere.

Sed calumniæ & vanissimi rumores, quos in tam longo itinere hinc scilicet Romam vsque crescere necesse est, forte os subleuerunt Pontifici, feceruntque vt temere & præproperè hoc ad nos breue transmitteret. Nam magna illa ciuitas, mundi Domina, & mystico sensu (vt ipsi fatentur) Babylon, non potest non plena esse rumorum susurrus. Nec insueta res est hominibus de iniuria querètibz (quales sunt apud nos illi Catholici) suas exaggerare & multiplicare miseras: vt mirum videri non debeat si in ea vrbe iudex aliàs non iniquus, calumniâ tamen circumscriptus, iniquè iudicet; quod nonnulli ex ipsis Pio V<sup>to</sup>. non dubitant accidisse, quùm ille in nuperam reginam Elizabetham fulmen excommunicationis exploderet. Et quis scit analiquando eadem ratione excusaturi sint duo breuia Clementis octauì paulò ante Reginæ obitum huc missa, quibus me, & alios omnes qui nostram religionem vel profiterentur vel tolerarent, à regno Angliæ excludebat; immemor profecto eorum quæ eodem tempore & pæne vno eodemque spiritu mihi promiserat, & ministris quibusdam meis peregre agentibus sanctè testatus fuerat; quòd ex animo scilicet mihi faueret, enixèque daturus esset operam vt regni huius compos euaderem. Quin ipsi Pontificij, quùm rem istam animaduernerent tam esse ab omni diuino humanoque iure & communi sensu alienam, persuasum habuerunt non fuisse hoc breue Pontificis, sed famosum libellum in Pontificis odium concinnatum; vel sanè (vt iam diximus) calumniatorum dolis circumuentum Pontificem hoc quicquid erat scripsisse. Quia in mente erant non rudiores solum Papistæ, sed etiam qui eruditionis & prudentiæ famâ inter eos præcellebant: è quorum numero erat & Archipresbyter. At Pontifex vt hunc scrupulum ex suorum animis eximeret, alterum breue huc mittere non est grauatus, quo priori illi fidem astrueret; vt iam intelligatur sciens volensque in illud peccatum relapsus, quod aliàs incogitantia & delatorum improbitati potuisset adscribi.

Breue illud ita se habet.

DILECTI

Fama vires  
acquirit eun-  
do.

Eusebius,  
Occumene-  
nius, Leo no-  
mine Baby-  
lonis (1. Pet. 5.  
13.) Romam  
aiunt intelligi,  
quod & faten-  
tur Rhemistæ.

Vide acta in  
proditores  
Sulphurarios,  
Garnetum &  
socios.

Pontificiorum  
opinio de  
breui Ponti-  
ficis.

DILECTIS FILIIS CA-  
THOLICIS ANGLIS  
PAVLVS PP. QVINTVS.

Secundum  
Breue Ponti-  
ficium datum  
decimo Cal,  
Sept. 1607.



*D*ilecti filij, Salutem & Apostolicam benedi-  
onem. Renunciatum est nobis reperiri nonnullos  
apud vos, qui, cum satis declarauerimus per lite-  
ras nostras anno superiore, decimo Calend.  
Octobr. in formâ Breuis datas, vos tuta conscientia præsta-  
re non posse Furamentum, quod à vobis tunc exigebatur, &  
præterea strictè præceperimus, ne ullo modo illud præstaretis;  
nunc dicere audent huiusmodi literas de prohibitione Fura-  
menti non ex animi nostri sententia, nostrâque propria vo-  
luntate scriptas fuisse, sed potius aliorum intuitu atque industri-  
â: eaque de causâ iidem persuadere nituntur, mandata no-  
stra dictis literis non esse attendenda. Perturbauit sanè nos  
hic nuncius, eoque magis, quia experti obedientiam vestram  
(filij nostri unice dilecti) qui ut huic sanctæ sedi obediretis,  
opes, facultates, dignitatem, libertatem, vitam denique ipsam  
piè ac generosè nibili fecistis, nunquam suspicati essemus potu-  
isse vocari apud vos in dubium fidem literarum nostrarum  
Apostolicarum, ut hoc prætextu vos ex mandatis nostris exi-  
meretis. Verùm, agnoscimus versutiam atque fraudem ad-  
uersarij humanæ salutis, eique potius quàm vestræ voluntati  
tribuimus hanc renitentiam. Eapropter iterum ad vos scri-  
bere decreuimus, ac denuò vobis significare, literas nostras A-  
postolicas anno præterito decimo Calend. Octobr. datas de pro-  
hibitione Iuramenti, non solum motu proprio & ex certa no-  
stra scientia, verumetiam post longam & grauem deliberatio-  
nem de omnibus quæ in illis continentur adhibitam, fuisse scri-  
ptas, & ob id, teneri vos illas omnino obseruare, omni interpre-  
tatione secus suadente reiecta. Hæc autem est mera, pura,  
integrâque



integrâque voluntas nostra, qui de vëstra salute solliciti, semper cogitamus ea quæ magis vobis expediunt, & vt cogitationes ac consilia nostra illuminet is à quo Christiano gregi custodiendo nostra fuit præposita humilitas, indefinenter oramus: quem etiam iugiter precamur vt in vobis filiis nostris summo-perè dilectis, fidem, constantiam, mutuâque inter vos charitatem & pacem augeat. Quibus omnibus, cum omni charitatis affectu, peramanter benedicimus.

Datum Romæ apud S. Marcum sub annulo piscatoris,  
decimo Calend. Septembr. 1607. Pontificatus nostri  
anno tertio.

Petrus Stroza.

## RESPONSIO AD SECVNDVM BREVE PONTIFICIS.



Vòd ad hoc breue attinet, meritò in authorem sua retorquentur verba, vt *versutia & astus Satanae* appelletur. Nam si mille annis in hoc incubuisset Satanas, vt insigni aliquo infortunio Pontificios nostros mactaret, hoc commento nihil reperisset vnquam efficacius. Quotquot enim sacramentum fidelitatis dixerunt, & Laici & Sacerdotes non pauci & ipse Archipresbyter, idque sine renisu aut hæsitazione; necesse nunc habent non modo Principi negare obsequium nascendi iure debitum, quod scrupulorum obtentu in verbis iuramenti excusari vtcunque potuisset; verum etiam iuratum eiurare, imò verò tertia hac vice duo, quæ ante præstiterunt, iuramenta eiurare: alterum tacitum, quod ipsa nascendi conditione intelliguntur iurasse; alterum manifestum, nempe hoc ipsum fidelitatis, quod nihil est aliud quàm taciti illius expressio. Vnde efficitur Anglorum neminem manere posse in Catholica fide, aut suæ animæ salutis prospicere, nisi eiuret obsequium, quod nascendi iure debet Principi.

Nec satis erat exoleta illa prioris anni breuia nouis hoc anno firmare, nisi etiam (ne quis mensis nedum annus sine portento nobis efflueret) famosus ille cōtrouersiarum compiler Cardinalis Exiesuita Bellarminus literis suis ad Archipresbyterum missis oleum adderet incendio, follesque seditionis inflaret, & vt sic dicam, currenti perfidiæ calcar subderet. Mira res est, vt immodicus affectus, & Pontificiæ Monarchiæ studium viri eruditione clarissimi mentē egerint transuersam.

Literæ eius sic se habent.

ADMODVM



# ADMODVM RE- VERENDO DOMINO

D. GEORGIO BLACKVELLO

Archi-presbytero Anglie,

ROBERTVS S.R.E. CAR-  
DINALIS BELLARMI-  
NVS. S.D.



*Enerabilis in Christo Domine frater, Anni sunt fere quadraginta, quod inuicem non viderimus: sed ego tamen veteris nostræ consuetudinis nunquam oblitus sum, teque in vinea Domini strenuè laborantem, quandò aliter non potui, orationibus Deo commendare non destiti: me quoque in tua memoria toto hoc tempore vixisse, & in tuis orationibus ad Altare Domini locum aliquem habuisse non dubito. Fita igitur ad hoc vsque tempus non verbis, aut literis, sed opere, & veritate, vt Sanctus Ioannes loquitur, alter in alterius dilectione permansimus. Sed hoc silentium rumpere coëgit nuncius, qui diebus istis de tuis vinculis, & carcere ad nos venit. Qui quidem nuncius, etsi tristis videri poterat ob iacturam pastoralis tuæ sollicitudinis, quam Ecclesia ista fecit: tamen lætus quoque videbatur, quoniam ad Martyrii gloriam, quo dono Dei nullum est fælicius, propinquabas, vt qui tot annis gregem tuum verbo, & doctrina pauisses, nunc exemplo patientiæ gloriosus pasceres. Verùm hanc lætitiā non mediocriter interturbauit, ac ferè corrumpit tristis alius nuncius, qui de constantiā tua in recusando illicito iuramento ab aduersarijs tentata, fortè etiam labefactata, & prostrata successit, Neque enim, fra-*

ter

ter charissime, iuramentum illud ideo licitum esse potuit, quod aliquo modo temperatum, & modificatum offerebatur. Scis enim eiusmodi modificationes nihil esse aliud, quàm Satanae dolos, atque versutias, ut fides Catholica de primatu sedis Apostolicæ vel apertè, vel obscurè petatur: pro qua fide tot inclyti Martyres in istà ipsà Anglià ad sanguinem usque pugnârunt. Certè enim quibuscunque verbis iuramentum ab aduersarijs fidei concipiatur in Regno isto, eò tendit, ut auctoritas capitis Ecclesiæ à successore Sancti Petri ad successorem Henrici octauum in Anglià, transferatur. Quod enim obtenditur de periculo vitæ Regis, si summus Pontifex eam in Anglià potestatem habeat, quam in alijs omnibus Christianis Regnis habet; inane prorsus esse, omnes qui sunt aliquâ prudentiâ præditi facile vident. Neque enim auditum est unquam ab initio nascentis Ecclesiæ, usque ad hæc nostra tempora, quod ullus Pontifex Maximus Principem ullum, quamuis hæreticum, quamuis ethnicum, quamuis persecutorem cædi mandauerit, aut cædem fortè ab aliquo patratam probauerit. Et cur, quæso, unus Rex Angliæ timet, quod ex tot Christianis principibus nullus timet, nullus timuit? Sed, ut dixi, vani isti prætextus decipulae sunt, & stratagemata Satanae. Qualia non pauca in Historijs veterum temporum inueniuntur, quæ facile referre possem, si non epistolam, sed librum integrum scribendum suscepissem: unum tantum, exempli gratiâ, ad memoriam tibi reuocabo. Scribit Sanctus Gregorius Nazienzenus in prima oratione in Iulianum Imperatorem, illum ut simplicibus Christianis imponeret, in imaginibus Imperatorijs, quas Romani ciuili quodam genere honoris pro more adorabant, imagines Deorum falsorum admiscuisse, ut nemo posset Imperatoris imaginem adorare, quin simul Deorum simulacris cultum adhiberet. Hinc nimirum fiebat, ut plurimi deciperentur, & si qui fortè fraudem subodorati, Imperatoris imaginem venerari recusarent, ij grauissimè punirentur, ut qui

Υ

Caesarem



Cæsarem in sua imagine contempsissent. Tale aliquid in Iuramento vobis oblato mihi videre videor, quod ea fraude compositum est, vt nemo possit prodicionem in Regem detestari, ciuilemque subiectionem profiteri, quin primatum sedis Apostolicæ perfide abnegare cogatur. Sed Christi serui, ac præsertim primarij Domini Sacerdotes, vbi periculum Fidei subesse possit, tantum abesse debent à susceptione illiciti iuramenti, vt ab omni etiam suspitione simulationis præstiti iuramenti cauere debeant, ne fidelibus populis vllum præuaricationis exemplum reliquisse videantur. Quod egregie præstitit in signis ille Eleazarus, qui neque porcinas carnes comedere, neque simulare comedisse voluit, quamuis grauissima tormenta sibi cerneret imminere: ne, vt ipse ait in secundo libro Macchabæorum, multi iuuenum per eam simulationem ad Legis præuaricationem animarentur. Neque minùs fortiter Magnus Basilius, & exemplo ad res nostras magis accommodato, cum Valente Imperatore se gessit. Nam vt in historia scribit Theodoritus, cum Præfectus Imperatoris hæretici hortaretur Sanctum Basilium, vt non vellet propter paruum dogmatum subtilitatem Imperatori resistere; respondit vir ille sanctissimus & prudentissimus, non esse ferendum, vt de Diuinis dogmatibus, vel vna syllaba corrumpatur, sed potius pro eorum defensione omne genus supplicij amplectendum. Equidem arbitor non deesse apud vos, qui dogmatum subtilitatem esse dicant, quæ in Iuramento Catholicis hominibus proposito continentur: & non esse propter rem tam paruum Regis Imperio reluctandum. Sed non deerunt etiam viri sancti, ac magno Basilio similes, qui palàm affirmabunt, non esse de Diuinis dogmatibus, vel minimam aliquam syllabam corrumpendam, etiamsi tormenta & mors ipsa toleranda proponatur. Inter hos vnum, vel potiùs horum Princ. p. m. atque antesignanum te esse par est. Et quamuis vel inopinata comprehensio, vel acerbitas persecutionis, vel senectutis imbecillitas, vel

quid

quid aliud in caussa fuerit, vt constantia titubauerit; confidimus tamen de Domini pietate, & de diuturna tua virtute, fore, vt qui Sancti Petri & Sancti Marcellini casum aliqua ex parte imitatus videris, eorundem fortitudinem in reparandis viribus & veritate asserenda feliciter imiteris. Nam si rem totam diligenter apud te cogitare volueris, videbis profecto non esse rem paruam, quæ ob Iuramentum istud, in discrimen adducitur, sed vnum ex præcipuis Fidei nostræ capitibus, ac religionis Catholicæ fundamentis. Audi enim quid Apostolus vester magnus Gregorius in Epistolâ quadragesimâ secundâ libri undecimi scribat: Apostolicæ sedis reuerentia nullius præsumptione turbetur: tunc enim membrorum status integer perseverat, si caput Fidei nullâ pulse-  
tur iniuriâ. Itaque Sancto Gregorio teste, cum de primatu sedis Apostolicæ vel turbando, vel minuendo, vel tollendo satagitur, de ipso capite Fidei amputando, ac de totius corporis, omniumque membrorum statu dissipando satagitur. Quod ipsum Sanctus Leo confirmat in sermone tertio de assumptione suâ ad Pontificatum, cum ait, Specialis cura Petri à Domino sulcipitur, & pro fide Petri propriè supplicatur, tanquam aliorum status certior sit futurus, si mens Principis victa non fuerit. Ex quo idem ipse in Epistolâ ad Episcopos Viennensis prouinciæ affirmare non dubitat, necesse esse exortem illum mysterij esse Diuini, qui ausus fuerit à Petri soliditate recedere. Qui rursus ait, Quisquis huic sedi principatum existimat denegandum, illius quidem nullo modo potest minuere dignitatem, sed inflatus spiritu superbiæ suæ semetipsum in inferna demergit. Atque hæc quidem, & alia eiusdem generis multa tibi notissima esse certò scio, qui præter cæteros libros, visibilem monarchiam Sanderi tui, scriptoris diligentissimi, & de Ecclesia Anglicanâ optimè meriti, sæpe legisti: quique ignorare non potes, sanctissimos viros, eosdemque doctissimos, Ioannē Roffensem,

& Thomā Morum pro hoc vno grauissimo dogmate duces  
 ad Martyriū plurimis alijs, cum ingenti Anglicę nationis glo-  
 ria, nostra memoria fuisse. Sed ad memoriā tibi reuocare volui,  
 vt colligas te, & magnitudinem rei considerans, non tuo iudicio  
 nimium fidas, neque plus sapias quàm oportet sapere; & si for-  
 tè lapsus tuus non ex inconsideratione, sed ex infirmitate huma-  
 nā, ex metu carceris, & suppliciorum profectus est, non ante-  
 ponas libertatem temporalem libertati glorię filiorum Dei:  
 neque ob momentaneam, & leuem tribulationem fugiendam,  
 amittere velis æternum glorię pondus, quod ipsa tribulatio ope-  
 ratur in te. Bonum certamen diu certasti, cursum fermè  
 consummasti, fidem tot annis seruasti; noli igitur tantorum la-  
 borum præmia tam facile perdere; noli corona iustitię, quę ti-  
 bi iam dudum paratur, te ipse priuare; noli tot patrum & fili-  
 orum tuorum vultus confundere. In te sunt hoc tempore  
 coniecti oculi totius Ecclesię, quin etiam spectaculum factus es  
 mundo, Angelis & hominibus: noli in extremo actu ita te  
 gerere, vt & tuis luctum, & gaudium hostibus relinquant. Sed  
 contrā potiùs, quod omnino speramus, & pro quo ad Deum no-  
 strum assiduè preces fundimus, vexillum Fidei gloriosè erigas,  
 & quam contristaueras, lætam facias Ecclesiam: nec iam so-  
 lum veniam merearis à Domino, sed coronam. Vale, viri-  
 liter age, & confortetur cor tuum. Romę, die 28.  
 Septembris 1607.

Reuerendę admodum D. V. frater & seruus in  
 Christo Robertus Cardinalis Bellarminus.

RESPON-



## RESPONSIO AD LITERAS CARDINALIS.

**S**Iquidem igitur harum literarum refutatione cum eo collaturus sim pedem, testari prius necesse habeo nihil me huius facere ut ex tanti viri magnitudine mihi gloriam quæram, sed religionis solius & conscientiæ causâ; ne velut inaurata catapotia deuorent homines. Circa hæc illius carmina, tam veri omnis inania, quàm exterioris eloquentiæ fucos speciosa; neu calumniarum & mendaciorum nebulis mea obscuratur fama, simplicesue homines & incauti trahantur in errores, ipsaue denique veritas periclitetur silentio.

Priusquam autem singula huius epistolæ refutare aggrediar, quis mecum non miretur tantopere aberrasse à scopo virum tam eruditum, ut per literas elaboratissimas quæstionem à præsentī negotio prorsus alienam refutarit? Apparet iam transfugas nostros, de quorum familiaritate ita gloriatur, sic illi inculcasse iuramentum Primatus, quod tanto semper Papistis fuit terribulo; ut quum instituisset Iuramentum fidelitatis refellere, in illud inuectus sit quod eius animo præcipuè infederat; eorum more, qui aliud agentes aliud cogitantes sæpenumero pro eo quod agunt nominant id quod cogitant. Ut enim Primatus Iuramento voluerunt maiores nostri Pontificios à nostræ religionis hominibus discernere, ita hoc Iuramento, quod ille videri vult refellere, discerni volumus Papistas pacis & Reipublicæ amantes à Sulphureæ coniurationis ritualibus. At ille per totam Epistolam indignatur eò per vim adigi Catholicos, ut successorum S. Petri auctoritatem negent, iisque Henrici octauī successores sufficiant. Nam Iuramentum Primatus ab Henrico octauo introductum fuit, & vna erat ex causis cur Thomas Morus & Roffensis episcopus illius regis iussu vitam amiserint. nam in eam formulam iurare noluerunt. Ex eo tempore apud omnes Principes, qui nostrarum partium fuere, integra & illibata mansit eius iuramenti vis, quæ tota in hoc est ut Regis potestatem summam faciat in omnes omnium personas, Clericorum Laicorum; peregrinos verò Principes aliasque quascunque potestates ex his regnis excludat. Cui nihil simile habet nouissimum hoc nostrum iuramentum, quum non agat nisi de civili obsequio in rebus civilibus Principi à subditis debito.

Et ut manifestius appareat eum, licet nomine tenus posterius im-

probet iuramentum, totum tamen esse in refellendo priore, visum mihi est iuramentum primatus verbatim hîc describere; permiffa æquo Lectori iudicandi libertate an non hoc reuera illud fit, quod sub larua alieni nominis refellit Bellarminus.

**E**go A. B. palàm testor, & ex conscientia meâ declaro, quòd *Maieſtas Regia*, unicuſque ſupremus gubernator huius Regni, omniumque aliorum ſue *Maieſtatis Dominiorum ac territoriorum*, tam in omnibus *Spiritualibus ſue Eccleſiaſticis rebus aut cauſis*, quàm in temporalibus: & quòd nullus extraneus Princeps, *Persona*, *Prelatus*, *Status*, aut *Potentatus*, habet aut habere debet ullam *Juriſdictionem*, *potestatem*, *ſuperioritatem*, *præminentiam*, vel *authoritatem Eccleſiaſticam ſue Spiritualem infra hoc Regnum*; & proinde renuncio penitus, & reiſcio omnes extraneas *Juriſdictiones*, *potestates*, *ſuperioritates*, & *authoritates*: Et promitto, me deinceps *fidem*, & *veram obedientiam Regiæ Maieſtati*, eiùſque *Heredibus*, ac legitimis *Succeſſoribus præſtiturum*: & pro virili meâ adiuturum ac propugnaturum omnes *Juriſdictiones*, *priuilegia*, *præminentias*, & *authoritates Regiæ Maieſtati*, *Heredibus ſuis*, ac *Succeſſoribus conceſſas*, vel *debitas*, ſue *Imperiali huius Regni Coronæ unitas & annexas*. Ita me Deus adiuuet, & per huius libri contenta.

**V**T autem non ſolùm appareat quantum ille a quæſtionis ſtatu, verumetiam ab ipſa æquitate receſſerit, viſum eſt quoque Iuramento huic primatus propoſitiones ſubiicere, illis, ex quibus Iuramentum fidelitatis compoſitum eſt, contrarias: ne quem ſcilicet lateat, quantam in perfidiam & læſæ Maieſtatis ſcelera ſubditos meos inducere ſatagit, dum illis hoc iuramentum diſſuadet. quiſquis enim in eam formulam recuſet iurare, cum aut omnes aut quâdam ex ſequentibus propoſitionibus neceſſe erit tueri.

1. Quòd ego Iacobus non ſim rex legitimus huius regni, aliarumque omnium mearum ditionum.
2. Quòd Papa vel ſua, vel Eccleſia, vel Romana ſedis authoritate, vel aliqua alia ratione me poſſit dignitate regia priuare.
3. Quòd Papa de meis regnis & ditionibus pro ſuo arbitrio poſſit ſtatuerè.

4. Quòd

4. Quòd Papa externo alicui Principi ius possit concedere meas ditiones inuadendi.

5. Quòd Papa subditos meos à fide & obsequio mihi debitis possit absolvere.

6. Quòd Papa uni aut pluribus subditorum meorum ius concedere possit arma contra me sumendi.

7. Quòd Papa subditis meis ius possit concedere me ipsum, aut potestatem meam, aut alios è subditis meis violandi.

8. Quòd subditi mei non teneantur perstare in fide & obsequio erga me, si quando fuero excommunicatus.

9. Quòd subditi mei personam meam, vel imperium non teneantur pro viribus defendere, si quando Papæ sententia vel excommunicatus fuero vel depositus.

10. Quòd subditi mei propter excommunicationis sententiam à Pontifice aduersus me quandocunque latam non teneantur coniurationes aduersus me, & proditiones sibi notas detegere.

11. Quòd nec hæreticum sit nec detestabile, si quis putet Principes à Papa excommunicatos posse à suis subditis aut alijs quibuscumque regno vel vita exui.

12. Quòd Papæ liceat subditos meos ab hoc iuramento aut aliqua eius parte absolvere.

13. Quòd nec legitime nec plena auctoritate à subditis meis exigatur hoc iuramentum.

14. Quòd iuramentum hoc suscipiendum sit cum equiuocatione, cum mentali euasione, aut tacita reseruatione, & non ex animi sententia atque ex intimo pectore in vera fide hominis Christiani.

**P**ropositiones ex quibus constat iuramentum sunt his per contradictionem oppositæ, nec ad Pontificis in rebus spiritualibus Primatum vllatenus pertinent, nec in generali aliquo plenoque Concilio vnquam iudicatæ sunt ad illius auctoritatem pertinere. quin & inter ipsos Doctores Scholasticos inextricabile etiam nū est de his certamen.

Atque vt orbi terrarum magis adhuc innotescat neque nos neque regni nostri ordines primos fuisse huius iuramenti inuentores, sed à diuini verbi auctoritate pendere, & exemplo niti iuramenti veteris in celeberrimo Concilio mille abhinc annis præscripti, nedum vt in eo Concilio vel alijs permultis vnquam fuerit damnatum, vt nostrum nunc fuit à Romano Pontifice: visum est mihi eorum Antistitum hac de re verba subiungere, vt constet nihil à subditis meis in hoc iuramento peti, quod non ab omnibus hominibus antiqui canones disertis verbis & sollicitè præceperunt fieri. Quin & ipsam *Æquiuocationis* fraudem, quam nos in nostro iuramento tanta cum cura proscripsimus, vetera quoque Concilia pari diligentia & cautione excluderunt. adeo fere

in

Iuramentum  
fidelitatis ni-  
titur auctori-  
tate veterum  
Conciliorum.

Æquiuocatio  
ab iisdem  
proscribitur.



Quantum à  
Concilijs  
discrepet  
Pontifex.

Concil. To-  
let. 4. can. 47.  
Anno 633.

in nostro negotio nihil est, cui non aliquid illius quod ab ijs factum est respondeat; nisi quod antiqui canones de iuramento illo exigendo grauiter & seuerè cauerint: quod ille omnium Conciliorum (si Dijs visum est) CARVT districtè & seuerè prohibet à quoquam præstari.

*Verba Concilij hæc sunt.*

**A**Vdi sententiam nostram. Quicumque ergo ex nobis, vel totius Hispanie populis, qualibet coniuratione vel studio Sacramentum fidei sue, quod pro patriæ gentisque Gothorum statu, vel conseruatione Regiæ salutis pollicitus est, temerauerit, aut Regem nece attrectauerit, aut potestate regni exuerit, aut præsumptione tyrannicâ regni fastigium usurpauerit; Anathema sit in conspectu Dei Patris & Angelorum, atque ab Ecclesiâ Catholicâ, quam periurio profanauerit efficiatur extraneus, & ab omni cœtu Christianorum alienus, cum omnibus impietatis sue socijs: quia oportet ut Una pœna teneat obnoxios, quos similis error inuenerit implicatos.

Quæ sententia pœne totidem verbis in eodem canone ter iteratur, quâ tertio reiteratâ, & assensu vniuersi Cleri & populi rogato, tandem ab vniuerso Clero & populo dictum est: Qui contra hanc vestram definitionem præsumperint, anathema, maranatha; hoc est perditio in aduentu Domini sint, & cum Iuda Iscarioth partem habeant ipsi, & socij eorum. Amen.

Et in quinta Synodo decretum fuit ut hæc sanctio de iuramento fidelitatis in omnibus Concilijs Episcoporum Hispaniæ deinceps repeteretur.

*Verba decreti hæc sunt.*

Concil. To-  
let. 5. can. 7.  
anno 636.

Synod. Tolet.  
4. vniuers. &  
magna Syno-  
dus d. 63a  
Synod. Tolet.  
5. c. 2.

**P**ropter malarum mentium facilitatem & memoriæ obliuionem, hoc sacratissima statuit Synodus, ut in omni Concilio Episcoporum Hispaniæ, \*vniuersalis Concilij decretum, quod propter Principum nostrorum est salutem constitutum, peractis omnibus in Synodo, publicâ debeat voce pronunciarî. Quatenus sæpe replicatum auribus, vel assiduitate iniquorum mens territa corrigatur, quæ ad præuaricandum & obliuione & facilitate perducitur.

Rursus in sexto Concilio: Testamur coram Deo & omni ordine Angelorum, coram Prophetarum atque Apostolorum, vel omnium Martyrum choro, coram omni Ecclesiâ Catholicâ & Christianorum cœtu, ut nemo intendat in interitum Regis, nemo vitam Principis attrectet, nemo regni eum gubernaculis priuet, nemo tyrannicâ præsumptione apicem regni sibi usurpet, nemo quolibet machinamento in eius aduersitate sibi coniuratorum manum associet; Quod si in quippiam horum quisquam nostrorum temerario casu præsumptor extiterit, Anathemate Diuino percussus, absque ullo remedij loco habeatur condemnatus æterno iudicio.

Concil. To-  
let. 10. Can.  
2. Æra 694.

Et in decimo Concilio (ut multa illa Toletana omittam) ita habetur: Si quis religiosorum, ab Episcopo usque ad extremum ordinis Clericorum, siue Monachorum, generalia iuramenta in salutem Regiam, gentisque aut patriæ da-

ta re-

ta reperiatur violasse voluntate profanâ, mox propriâ dignitate priuatus, & loco, & honore habeatur exclusus.

Iuramento huic occasionem præbuit perfidia, cuius suspecti erant in Principes suos Christiani qui aut iurare æquiuocè aut quod iurassent perfidè solerent violare; vt ex varijs illius Concilij verbis videre est: \* *Multarum quippe gentium, vt fama est, tanta extat perfidia animorum vt fidelitatem Sacramento promissam Regibus suis obseruare contemnunt, & ore simulent iuramenti professionem, dum retineant mente perfidia impietatem.* Ac Rursus; *Iurant enim Regibus suis, & fidem quam pollicentur præuaricantur: nec metuunt volumen illud iudicij Dei per quod inducitur maledictio, multaque poenarum comminatio super eos qui iurant in nomine Dei mendaciter.* Eodem spectant quæ in Concilio Aquisgranensi habentur: *Si quisquam Episcoporum (inquiunt) aut quilibet sequentis ordinis Ecclesiastici, deinceps timore, aut cupiditate, aut qualibet suafione, à Domino & orthodoxo Ludouico Imperatore d. fecerit, aut etiam Sacramentum fidelitatis illi promissum violauerit, & eius contrarijs maleuolâ intentione se copulauerit, gradum proprium cononicâ atque Synodali sententiâ amittat.*

Concil. Tolet.  
4. can. 74.

Concil. Aquisgran.  
sub Ludouico pio. &  
Greg. 4. can.  
12. anno 836.

Nunc verò vt illius Epistolæ singillatim respondeam, & imprimis ad suauem illam veteris cum Archi-presbytero necessitudinis memoriam; fieri quidem potest vt ipsi recolenti suauis ea videri possit, at mihi liquet illius cum hoc homine eiusque socijs, transfugis nostris, amicitiam (de qua in prima Controuersiarum suarum præfatione gloriatur) nobis & regno huic amarissimam accidisse. Nonnulli enim ex illis Sacerdotibus & Iesuitis, \* qui ipsi aut proditores patriæ aut coniurationum in nuperam Reginam conscij fuere, Patrem Robertum Bellarminum inter præcipuos suos authores & oracula nominabant. Neque illi inuideo honorem, quem ex venditione interioris amicitiae cum alieni Principis fugitiuis & perduellibus consequatur; quos nisi melioribus quàm hæcenus fecit moribus imbuerit, profectò de Iesuitica Societate parum bene merebitur. Quòd autem ab Archi-presbytero contendit vt in precibus ad altare Domini velit esse ipsius memor; certè si Blacuelli preces tam futuræ sint illius animæ inutiles, quàm verisimile est Blacuelli animæ & corpori fore illius consilium, modò illud sequatur; posset utiq; Cardinalis æquo animo ferre earum precum iacturam.

\* Campianus  
& Hartus.  
Vide colloquium  
habitu in turre  
Londinensi.

Primus autem, qui lætum hunc de Archi-presbytero nuncium ad Bellarminum pertulit, is ipse (ni fallor) erat, qui comprehensum Archi-presbyterum & martyrio proximum indicauit. egregium vero charitatis signum in Cardinale, quòd veteris & dilecti amici audita apprehensione, incarceratione, & mortis periculo, tantopere exultauerit. At prius certò cognitum oportuit solam religionem causam dedisse supplicio, quàm se martyrij expectatione tam immodicè titillaret.

\* Charitas  
Domini Cardinalis.

ret. Nam quæ obsecro charitas hoc illi permisit, vt me persecutoris infamiâ oneraret antequam ex Archi-presbyteri damnatione & morte vllum eius rei argumentum suppeteret? vnde nouerat non ideo captum Archi-presbyterum quòd coniurationis sulphureæ conscius videretur? Vnde rescuerat accusationis quæ intentanda erat capita? denique vnde nomen criminis diuinauerat? nec dum enim quicquam illi obiectum fuerat.

\*Matth 5.43:

Tum si charitas suspiciosa esse non debet, quid erat cur me tyrannidis & persecutionis tam fidenter arcefferet; cui crimini non poteram non affinis esse si martyr futurus erat Blakwellus? Verùm de Bellarmino iure hic vsurpatur quod de huius sæculi hominibus pronunciavit Christus Seruator noster, quibus satis videtur amicos suos diligere cum inimicos habeant odio. nec enim hæc Cardinalis nostri pietas vltra suæ sectæ populares progreditur. Nam quantum superflua charitatis adiecit Blakwello, dum suam ex venientis martyrij opinione voluptatem profitetur: tantum mihi præter ius charitatis & fas omne detraxit, dum cruenti persecutoris me grauat inuidiâ.

Quòd autem interruptum hoc scribit gaudium ex sequentis nuncij appulsu, qui Archi-presbyteri constantiam præstito iam iuramento retulit labefactatam, nihil habuit Cardinalis necesse alterutrâ ob causam percelli, vel priore gaudio vel secuto hoc mœrore, vtroque pariter videlicet ex falsis orto principijs. Nam nec ea mihi mens vnquam fuit vt Blakwellum, aliumue religionis nomine affligerem: nec Blakwelli constantia hoc dicto iureiurando labefactata fuit. Ille cum sui iuris esset rem eam semper æquissimam & iustissimam ipse æstimârat, & Catholicos omnes ad obsequium inuitarat: captus verò sine hæsitacione aut mora cum primum iubebatur iurauit in verba, vt legitima & sancta; nullis nostris aut minis compulsus, aut illecebris adductus, vt ipse de se testari poterit.

Quòd verò iuramenti modificatione aut temperamento offenditur Bellarminus, ego quid hac criminatione sibi velit non satis assequor, nisi forte id reprehendit, res legitimas & iustas legitimis iustisque & idoneis verbis exponi. Nulla ibi cernitur aut modificatio aut temperamentum, quod Satanæ dolus absque calumnia dici queat; quum res ipsa in se planissima sit; & iuraturis omnibus tanta interpretationis perspicuitate exposita, vt molestum nihil habeat nisi illa in fine verba, quibus æquiocationis & mentalis reseruacionis fallacia exploditur. quod nouum & recens Romano-Catholicæ religionis dogma potiore iure inter stratagemata Satanæ numerabitur, quàm perspicua & plana de rebus clarissimis oratio.

Sed quid de peregrinæ rusticitatis hominibus dicemus, quos cum Satyro meritò indignemur ex eodem ore calidum simul spirare & frigidum?



gidum? Luterum & cæteros nostrarum partium audaciores liberioresque Theologos acerbissimè insectabantur, vt cerebroso & Diabolico afflato spiritu: noster de ijs sermo quia modestior est & temperatior, Satanæ dicitur stratagema. Itaque non iniuria cum Christo con-  
Math. 11. 17.  
querimur non saltare eos canentibus nobis, nec mærentibus collachrymari. His nec Iohannis Baptistæ feueritas placeat, nec Christi lenitas: quorum omnis in eo labor est, non vt ædificent Christo super fundamentum verbi & infallibilis veritatis, sed vt sæcularem Monarchiam suis fulciant traditionibus.

Sed quid illud sit in quo appareat Satanæ versutia ad fidem scilicet Catholicam & primatum St. Petri euertendum, ipso Bellarmino egebat interprete. Neque enim in tota Epistola vel verbo demonstrat St. Petri primatum in iuramento vllibi attingi, nisi forte sufficiat quod Dominus Bellarminus *quod tanti mihi non videtur vt absque* omni probatione cuiquam cordatiori debeat satisfacere. Cælum & terra, meo iudicio, non magis distant, quàm civilis obsequij professio & Catholica fides vel St. Petri primatus. Ecquid enim est, obsecro, in eo iuramento quod cum Catholica fide vel religione quoquam modo commune sit? An qui in ea verba iurat profitetur se religionis articulum aliquem aut credere aut non credere? An Ecclesiam semel nominat, seu veram seu falsam?

Nullus fidei articulus definitur in iuramento fidelitatis.

Quòd ad St. Petri Primatum, ignoro ego cuius Apostoli nomen in eo iuramento scriptum sit, excepto Iacobi, quod mihi in Baptismi lauacro impositum fuit; etsi Cardinalis in epistola illa, quæ tota de me erat, eo me nomine nusquam dignetur. Sic nec apertè nec occultè vlla est vel hierarchiæ Ecclesiasticæ, vel sedis Apostolicæ, vel successionis St. Petri, vel vllius rei similis in eo iuramento mentio. Quanquam author epistolæ successionis St. Petri egregie sanè meminerit, eamque cum Henrici octauæ successionem graphice contulerit; cuius ineptæ & malè moratæ comparationis miror eum non puduisse. Quòd enim ad successorem Henrici octauæ, quo nomine me intelligit; nunquam ego potestatem arrogavi nouos fidei articulos cudendi, aut de ijs iudicandi; nec in posterum facturus sum. sed animus est ijs me minorem gerere, & obediendo cunctis præire, pari cum infimis modestia. Quòd si Pontifex suam a D. Petro vel doctrinæ vel personæ successionem tam certò posset deducere, quàm ego meam ab Angliæ & Scotiæ regibus progeniem; non tam diuturna foret nec tanta in Christiano orbe eam ob rem contentio: nec tantum papyri vexasset\* Bellarminus *de Romano Pontifice* in decumanis illis controuersiarum voluminibus; vt omnibus quæ potuit allatis nihil aliud in fine definiret, nisi *moraliter certum esse*, quod disputabat, & illud suum *piè esse credendum*; postquam etiam ipsos\* Pontifices sua in causa testes fecisset, quorum tamen histo-

\* Bellarm. de Rom. Pontif. lib. 4. cap. 6. ibid. l. 2. c. 12.

\* Ibid. l. 2. c. 14.

rica narratio in articulum fidei transire haudquaquam potest. Illud citra iactantiam confirmo me maiorum meorum virtutibus propius inhærere, quàm euinci possunt D. Petro similes Romani Pontifices, præsertim cum anathemate feriunt Principes, eorumque subditos fidelitatis soluunt iureiurando.

Validissimum  
Cardinalis  
argumentum.

Sed nunc ad præcipuum eius argumentum deuentum est, vbi me panico sed superuacaneo terrore correptum scribit. *Nec enim vnquam auditum est, ait, ab initio nascentis Ecclesie vsque ad hæc nostra tempora, quod ullus Pontifex principem vllum quamuis hæreticum, quamuis Ethnicum, quamuis persecutorem cædi mandauerit, aut cædem forte ab aliquo perpetratam probauerit.*

Verùm primò cur cætera iuramenti sciens volensque transilijt, abdications, & deiectiones regum, coniurationesque & rebelliones in eos concitatas; quorum omnium non minùs quàm necis iniecta est ibi mentio quandoquidem omnia eodem redeant, nec quisquam inueniatur tam scrupulosus qui vnum ex his aduersus Regem tentare auderet, cætera verò si facultas adesset non auderet? Nec tamen vitio illi verito, quod omnia sicco pede transierit. aliàs enim effugere non poterat quin disertis verbis se ipsum argueret mendacij: quod nunc reipsa tantum non verbis facit. Tam magnificè enim in \*prioribus libris deiectiones Principum & abdications ostentauit, vt salua pudoris & probitatis opinione id hîc rursus inficiari non potuerit.

\*Bellarm. de  
Rom. Pont. l.  
5. c. 8. & lib. 3.  
c. 16.

Nec tamen (vt eo quò vult reuertamur) videre possum, qua fronte sic mordicus neget probatas vnquam fuisse Romano Pontifici cædes Principum. Quot imperatoribus eius opera intestinum commotum est bellum, quorum ea erat conditio vt occidi possent si vincerentur: nec id opinor refragante \*Pontifice, quum ita Henrico \*V<sup>to</sup>. succensuerit, quòd patrem suum in cuius perniciem eum excitarat sepulturæ honore donasset.

\*Paschali. 2.  
\*Gotsfrid.  
Viterbiens.  
Helmod.  
Culpin.

Sed vetustioribus historijs relictis Bellarmino, in cuius libris tantâ (vt dixi modo) narrantur fide, conuertamus oculos in nostra tempora, memores orationis panegyricæ habitæ a Pontifice in laudem Monachi qui Henricum tertium Galliarum regem confodit, Principem ipsorum iudicio ab hæretici vel Ethnici vel Persecutoris infamia tam longè remotum, vt Pontifex ipse in ea oratione dixerit *fictum Monachum fuisse occisum à vero*. Sed præter feruentissimam hanc orationem, & gratulationem de scelere, quàm parum abfuerit hic sicarius à consecrationis gloria & noui cælitis honore, Bellarmino eiusque sequacibus notius est quàm nobis. Et ni Cardinalium quorundam cautiore intercessisset prudentia, possemus iam haud dubie ex ipso Pontificis Calendario Bellarminum conuincere mendacij.

Vide orationem  
Sixti  
Vii. habitam  
in consistorio  
super morte  
Henrici 3.

Et vt domestica non negligamus, quot machinationes, quot insidie  
in

in nupera reginæ vitam structæ fuere, exque ab ijs parricidis quibus id negotij dederunt Confessarij, ipsò Papa authore? Ad cuius rei fidem vel id satis esse debet, quòd ex eo tempore vsque in hodiernum diem nemini Ecclesiastico lis mota sit à Pontifice propter coniurationum eiusmodi communionem. cuius rei Sanderus ille, quem Cardinalis in epistola sua honoris causâ nominat, testis est locupletissimus: nec alio dogmatum genere refertos esse eius libros deprehendet, quisquis inspexerit. Quantum autem hæc à se distent [Regem occidere cædemue eius probare & alios in eorum vitam concitare insidiasque factas gratas habere] ipsum Bellarminum Iudicem appello. Non obscurum est igitur quantopere hunc hominem affectus impotentia sui ipsius fecerit immemorem, vt & contra animum suum, & priorum librorum testimonium, & nostri temporis consuetudinem ipse secum pugnaret.

Verum quis illum sibi hoc in negotio miretur contradicere, cum grandia illa volumina vndique scateant contradictionibus, quas vbi ipse vel alius conciliauerit, credam quoq; præfactam & impudentem illam in hisce literis negationem [quod nihil vnquam aduersus reges tentarit Romanus Pontifex] cum eius quos dixi libris posse conciliari.

Et ne videar eum imitari strenuè affirmando quod confirmare non possim, ad libros eius Lectorem remittam, vt ex subiectis locis ipsemet suarum contradictionum testis citetur.

In libris de iustificatione <sup>a</sup> *propter incertitudinem (inquit) propriæ iustitiæ, & periculum inanis gloriæ, tutissimum est fiduciam totam in sola Dei misericordia & benignitate reponere.*

Quæ propositio toti tractatui & sensui quinque librorum de iustificatione vnde sumitur è diametro opposita est.

*Deus<sup>b</sup> non inclinat hominem ad malum, neque physice, neque moraliter.*

Mox contrarium ait *Deum inclinare quidem ad malum, non physice, sed tamen<sup>c</sup> moraliter.*

*Episcopos<sup>d</sup> Apostolis succedere, Presbyteros autem septuaginta Discipulis, docent constanter omnes Patres.*

Alibi contrarium<sup>e</sup> affirmat, *Episcopos non propriè succedere Apostolis.*

Alicubi Iudas, inquit, non<sup>f</sup> credidit.

Alibi verò Iudas & iustus fuit, & cerè bonus.

*Observatio Legis<sup>h</sup> secundum substantiam operis requirit, vt sic Præceptum observetur, vt peccatum non committatur, & non fiat homo reus ob Præceptum non impletum.*

Contrà, sciendum<sup>i</sup> est, inquit, non esse omnino idem facere bonum morale, & observare Præceptum secundum substantiam operis: potest enim seruare præceptum secundum substantiam operis, etiam cum peccato.

a Bellar. de Iustif. lib. 5. c. 7.

b Bell. de amitt. grat. & statu peccati l. 2. c. 3.

c Idem paulo post.

d Bell. de Clericis lib. 1. cap. 14.

e Bell. de Pontif. l. 4. c. 25.

f Bell. de Pontif. l. 1. c. 12.

g Bell. de iustif. l. 1. c. 14.

h Bell. de iustif. l. 4. c. 14.

i Bell. de gratia & libero arb. l. 5. c. 5.



\* Bell. de Pontif. l. 4. c. 3.

a Bell. de iust.

l. 4. c. 14.

b Bell. de

Pontif. l. 3. c. 14.

c Ibid. ex

senten. Hypol.

& Cyrill. &

cap. 12. eius-

dem libri.

d Bell. l. 1. de

miff. cap. 17.

e Bell. de

miff. l. 2. c. 12.

f Bell. de ani-

ma Christi.

l. 4. c. 5.

g Bell. de

Pontif. l. 3. c. 17.

h Bell. de

Pontif. l. 3. c.

13.

i Bell. ibid.

k Bell. de

Pontif. l. 2. c.

31.

l Bell. de Pontif. l. 2. c. 24.

m Henr. 4.  
n Abbas V.  
per b. Lamb.  
Sc. off. anno  
1077.  
Platin. in vita  
Greg. 7.  
o Federic.  
Barbarossa.  
p Naucler.  
gener. 4. Tac.  
Bergom. in  
Supplem. chr.  
Alfonf. Cla-  
con iavita A-  
lex ind. 3.  
q Henr. 6.  
r Rich. Hon-  
den in Rich. I.  
R. aud. in Po-  
lychron. l. 7.

*Petrus\* non amisit eam fidem, quâ corde creditur ad iustitiam.*

*Contra, Petri<sup>a</sup> peccatum fuit lethale.*

*Antichristus<sup>b</sup> Magus futurus est, & more aliorum Magorum occultè Dia-  
bolum ipsum adoraturus.*

*At contra, c Abhorrebit ab idololatriâ, execrabitur atque oppugnabit idola,  
denique templum denuò edificabit.*

*Verbis<sup>d</sup> consecrationis, vera & solennis oblatio celebratur.*

*Contra, e Sacrificij oblatio magis in re quàm in verbis consistit, & illa a.  
Elio quâ corpus Domini super altare ponitur, vera & realis oblatio est.*

*Mundi<sup>f</sup> finis non potest sciri.*

*Contra, g Post Antichristi mortem non futuri sunt nisi quadraginta quin-  
que dies, usque ad mundi finem.*

*Decem<sup>h</sup> Reges comburent purpuream meretricem, id est, Romam.*

*Contra, i Antichristus Romam odio habebit, & pugnabit contra eam, &  
comburet.*

*Duobus modis<sup>k</sup> intelligi potest nomen VNIVERSALIS EPISCOPI:  
Uno modo, ut ille qui dicitur VNIVERSALIS intelligatur esse solus Episcopus  
omnium vrbium Christianarum, ita ut ceteri non sint Episcopi, sed Vicarij tan-  
tùm illius, qui dicitur Episcopus uniuersalis: quo sensu Papa non est uniuers-  
alis Episcopus.*

*Contra, l Omnis ordinaria iurisdictio Episcoporum descendit immediatè à  
Papâ, & est in eo, & ab eo in alios deriuatur.*

Quæ ego selegi pauca è multis ut prudens lector Leonem, quoda-  
iunt, ex vngue. hic hominis mos est ut quoties graui aliquo argumen-  
to premitur non curet omnino, nec meminerit an cum cæteris quæ a-  
libi scripserit bellè concinat responsio, dummodo ad præsentem tem-  
pestatem quomocunque declinandam inseruiat.

Nunc autem ut cò redeamus vnde digressi sumus: *Ab initio* (inquit)  
*nascentis Ecclesiæ usque ad nostra hæc tempora nunquam auditum est, quòd vl-*  
*lus Pontifex Maximus Principem vllum quamuis hereticum, quamuis Ethni-*  
*cum, quamuis persecutorem cædi mādauerit, aut cædem fortè ab aliquo patratam*  
*probauerit. Et cur quæso vnus Rex Angliæ timet quod ex tot Christianis*  
*Principibus nullus timet, nullus timuit?*

Nullus igitur Christianorum Principum vnquam sibi metuit à Pon-  
tificè? vnde ergo factum est ut miseri isti Imperatores ita fuerint à  
Pontifice iactati vexatique, & demum ad extremum compulsi exiti-  
um, cuius rei testem citauimus ipsum è libris suis Bellarminum?

Non ille sibi metuebat<sup>m</sup> Imperator, qui nudo<sup>n</sup> pede in niue & ge-  
lu totum triduum prius stetit ad ianuam Pontificis quàm admissus  
est? o Non ille, qui pronus<sup>p</sup> humiacuit, ut alteri Pontifici ceruicem  
præberet calcandam? Non q ille qui pati<sup>r</sup> coactus est ut alius Ponti-  
fex sacram de capite coronam pede excuteret?

Non

Non Philippus <sup>a</sup> ille, cui Pontifex Innocentius tertius, quo inuito Imperator creatus fuit, his verbis fertur minatus, *Aut Pontifex auferet Philippo diadema aut Philippus mitram Pontifici?* nec mora, contra eum excitatus est Otho, qui eo occiso Romam se contulit, & primum à Pontifice coronatus fuit Imperator, deinde à <sup>b</sup> Pontifice imperio exutus. Non metuebat Fredericus <sup>c</sup> ille, quem Innocentius quartus excommunicatum priuauit Imperio, Principibus sacramento fidelitatis absolutis, subornatoque in Apulia qui illi venenum propinaret? & quum ex ea potione conualefceret, conducto filio notho Manfredo, qui patrè nouo & nocentiore veneno extingueret, quod & factum est? Quid scripsit Alexander <sup>d</sup> tertius Sultano? Vt si in pace cuperet viuere, Imperatorem, <sup>e</sup> cuius effigiem mittebat, quauis ratione tollendum curaret. Non Alexander <sup>f</sup> Sextus ducenta aureorum millia accepit à Baiazete, vt fratrem eius Gemen, vel vt alij appellant Sisimum, tum Romæ captiuum occideret? Non recepit veneno cum se extincturum, & patrato scelere percepit mercedem? Non metuebat post Thomæ Becketi cædem noster <sup>g</sup> Henricus secundus, qui, præterquam quod nudis pedibus religionem peregrinantis impleuit, virgis quoque per capitulum actus est, vt puer in literario ludo, lætus etiam quod sic euaderet? Non iure metuebat Christianissimi Regis proauus Iohannes, quum Hispano tradi videret suum regnum <sup>h</sup> Nauarræ, cuius dimidium etiamnum detinetur? Non illius successor, qui iam regnat iure metuebat, quum excommunicatione absolui se tam supplex peteret, nec inuitus largiretur vt legatus suus Romæ virgis caderetur, pro eo scilicetagens pœnitentiam? Non erat cur sibi caueret nupera Regina Elizabetha iam excommunicata à Pio Quinto, subditis fidelitatis sacramento solutis, donatâ etiam Hispaniarum regi Hiberniâ? quum famosus ille & transfuga Theologus auctus galeri honore, vt nunc Belarminus, proditiōis Stanleianæ <sup>i</sup> apologiam ederet; qua confirmabat non licere modò, sed & conscientiæ causâ vnique Subditorum ex officio incumbere, vt Reginam, hæreticam nempe & excommunicatam, omni sua ope destituerent, exercitusque & vrbes & propugnacula sibi commissa Hispaniarum regi ipsius hosti dederent, siquidem Regina nullo iure ea teneret?

Cæterum etsi viri prudentes ex alienis malis discant sapere, & sibi prospicere, iuxta vulgatum illud,

*Tunc tua res agitur paries cum proximus ardet* : Ego tamen propius, & meo periculo iussus sum circumspicere, primò quidem bullis quas dixi transmissis ne debitam huius regni hæreditatem cernerem : deinde post aditam & pacatam eius possessionem illo Sulphureæ Coniurationis portento, quo me meosque omnes & regno & vita ibant exutum. Vt vt autem Pontifex videri nolit illi proditiōi fauisse, negari

<sup>a</sup> Abbas Vrsperg, ad anno 1191. Naucler. gener. 40. Cuspinian. in Philippo.  
<sup>b</sup> Abbas Vrsperg.  
<sup>c</sup> Matth. Paris in Henr. 3. Petr. de vineis epist. lib. 1. & 2. Cuspin. in Freder. 2.

<sup>d</sup> Vita Frederici Germanicè conscripta.  
<sup>e</sup> Frederic. Barbaross.  
<sup>f</sup> Paul. Iouius hist. l. 2. Cuspinian. in Baiaz. 2. Guicciard. l. 2. g Houeden pag. 308. Matt. Paris in Hen. 2. Walsing. in Hypo. Neust. Ioann. Capgrau.  
<sup>h</sup> Gomesius de reb. gestis Francif. Ximenij Archiep. Tolet. l. 5.

<sup>i</sup> Cardinalis Alani responsio ad literas Stanleii. Anno 1587.

tamen non potest quin ministri eius apud nos præcipui, & mancipiorum eius primores, Iesuitæ, illius conflandæ primi extiterint artifices: quorum is, qui facerrimæ cohortis dux fuit, in ipsa sceleris confessione expirauit, alij conscientia facinoris patriam fugere; nonnulli se in Italiam recepere. Nec tamen fugitiui illi, nec Balduinus, qui quum in Belgica uiueret non vixit tamen exfors huius criminis, vnquam à Pontifice in iudicium vocati fuere, nedum vt pœnam vllam tam immanis & nefarij facinoris pertulerint.

Nihil iam opus est mirari vnum regem esse qui timeat, aut exclamare, quis Christianorum principum vnquam sibi metuit præter eum? quasi vi suadæ efficere posset, ne ego & mei subditi crederemus solem in meridie lucere, nec factum fuisse aliquando quod nostris hisce vidimus oculis. vel vt aures nostras obturemus non ad illius incantationes, sed ad perspicuæ veritatis euidentiā. At miretur quantum volet, nunquam tamen euincet panicum vllum propterea mihi metum in cessisse. Quando ego à Pontifice securitatis cautionē importunius expectij? Quando Christianis Principibus amicis & affinibus meis molestus fui, vt mihi beneuolentiam Pontificis conciliarent? Quando eorum operam ad meæ securitatis præsidium flagitauī? non vltra progreditur mirabilis hic noster metus, quàm vt in meis pascuis oues distinguam à capris. Quæcunque enim fuerint in Sulphurea coniuratione Pontificis Romani partes, illud sanè ex constanti Coniuratorum confessione in ipsa quoque morte satis constat, solam religionem tanti facinoris audendi causam eos habuisse. quidam etiā in ipsa morte induci non potuere, vt Deum aut regem veniam poscerent delicti: quin & confortes suos ad similem animabant constantiam. Et non iustissimam suberat causa, cur vnā cum ordinibus regni hac iuramenti formula bonos subditos distingueremus à malis? imo Papistas illos, qui quamuis suæ religionis studio tenerentur boni tamen ciues manerent, à Furijs illis & Orci iucendiarijs secerneremus, qui cum Sulphureæ coniurationis authoribus idem sentirent? Imo quæ maior gratia (absit verbo inuidia) diuersæ religionis hominibus à rege poterat exhiberi, quàm vt ab ijs iuramentū eiusmodi exigeretur, quo honestam mentem & fidem erga Principem in rebus ciuilibus testantes ignominiam & dedecus eluerent, quod omnibus earum partium hominibus ex coniurationis Sulphureæ noxa adherescebat?

Quòd autem ad confirmationem præualidi illius argumenti Iuliani apostatæ exemplum adducit, \* illiusque astutias aduersus Christianos, quos eo scilicet redegerit, vt aut idololatriam aut lèse maiestatis crimen admitterent: meminisse vellem Lectorem bonæ quoque similitudinis eam esse conditionem, vt vno nonnunquam pede claudicet; at hæc ita inepta est, vt manibus, pedibus, & membris omnibus capta sit; quum præsentī

\*Nazianzen.  
in Iul. inue-  
ctiua Prima.



Bellarmini-  
anæ similitu-  
dinis euerfio.

præfenti negotio nihil fimile appareat, præter hoc vnum quòd Iulianus Imperator fuerit, ego rex fim. Primò enim Iulianus apostata fuit, & Christiana fide, quam olim fequutus fuerat, renunciata ad Ethnicorum superstitionem vel atheismum potius reuerfus est; ego Christianus sum, nec religionem, quam cum materno lacte pæne imbibi, vquam deserui; nec illius, Deo fit laus, vquam me puduit. Iulianus ob solam Christi fidem Christianis fuit infeltus; ego in hoc cum meis subditis negotio id vnum fpecto, vt bonos ciues a perfidis proditoribus fcernam. Iulianus sibi Christianorum interitum proponebat; ego vt Christiana religio in pacata floreat Republica. Iulianus illos voluit ad idololatriam allectos; ego meos ad fidei & obsequij quæ mihi nascendi iure debentur professionem. Vtebatur Iulianus dolis quibus illos nec opinantes irretiret; mea omnis ratio plana est & perspicua & ab omni obscuritate quàm remotissima, nemini eorum qui iuraturi sunt negatâ veniâ ( si petat modo ) aut meditandi, aut deliberandi, aut dubitationes quascunque proponendi. Sed summa diffimilitudo in eo est, quòd Iulianus ad Idolorum & statuarum cultum illos compelleret; quum ego cæterique omnes nostrarum partium tantum ab hac culpa absumus, vt hæretici a vobis non aliam ob causam habeamur, quàm quia ab idololatriæ communione sumus alieni. ita quod in similitudine præcipuum esse debuit diffimillimum apparet. Iulianus enim persequabatur Christianos, quia nolebant esse idololatræ: ego apud vos audio Persecutor, quia idololatra esse nolo. Vt finem faciam vetus illud in tam ineptæ similitudinis artificem Bellarminum optimè quadrat,

*Perdere quos vult Iupiter, hos dementat.*

Quocirca nulla habenda est ea illius conclusio, contra charitatis leges illata, sibi videri non sine dolo malo excogitatum hoc iuramentum, ne quis ( si ipsi credimus ) prodicionis odium aut regis obsequium profiteri posset, quin vnâ eademque opera, Apostolicæ sedis primatum abnegaret. Vnde hoc illi commentum in mentem venerit, ego equidem diuinare non possum: nam verisimile esse quod dicit, ne ipse quidem nititur ostendere. neque mihi operæ est cum larua luctari, id est, absonam rem & incredibilem refellere.

Negari id quidem non potest, Christi seruos non paucos, Sacerdotes, aliosque, propter Christi confessionem tormenta omnia & mortem quoque ipsam perpeffos. neque exemplis, quæ ad hanc rem adducit, alia ratione occurrere necesse est, quàm vt moneam illum, dum constantiam Martyrum his illustrat, strenuè agere Sophistam, quia controuersum pro confesso vbique accipit, quasi Martyrum eorum causa eadem foret cum nostrâ.

Vt tamen melius videat Lector non solum quàm sint aliena quæ ad-

hibet exempla, verumetiam quàm mala passim fide authores citet, visum est loca ipsa, ad quæ digitum intendit, exscribere, & statum causæ de qua in singulis agitur, breuiter exponere; vt quàm parum ad rem faciant, & quàm facile in eos qui adferunt pro telis retorqueri possint, manifestius appareat.

2. Maccab.  
c. 6. v. 18.

Excutitur ex-  
emplum Elea-  
zari.

Et primò ad Eleazarum quod attinet; si Archi-presbyter pari iure abstinere posset a iuramento, quo ille a suilla; non foret hoc a Cardinalis instituto exemplum alienum. Vt enim Scribarum princeps fuit Eleazarus, sic iste est Archi-presbyter. Et vt in Eleazari exemplo permagna vis erat iuniores scribas animandi ad legis obseruationem, vel ad dissimulationem eos trahendi, si videri ille voluisset suillam gustasse: sic archi-presbyter inferiores sacerdotes suo poterat exemplo ad iuramentum fidelitatis inuitare vel auertere. Sed cum fundamentum vitiosum est, domus diu stare non potest. Quod enim, obsecro, in sacris literis exemplum patrocinetur ijs qui recusent iurare in verba Principis, vel fidelitatem ei debitam negant? Posset Cardinalis, si vellet, reminisci eum hominem censuris Ecclesiæ iure esse obnoxium, qui legibus autoritate Ecclesiæ stabilitis recusat parere, verbi gratiâ certis diebus ab esu carniū abstinere. Igitur si satius est mori, quàm minimum ceremonialis legis apicem violare; corpusque affligere & macerare multò præstat quàm posituium Ecclesiæ ius negligere; nonne permittet Archi-presbytero, quò animam suam a peccato & corpus a pæna redimat, viuere secundum regni leges, & mihi suo exemplo spem facere cæteros eiusdem ordinis homines dignitate minores, pari tamen esse cum ipso probitate, parique in Principem fide? hic erat, ni fallor, longè melior illius exempli vsus.

1. Sam. 14. 25.

Sed mihi de alio iuramento monendus est hic Cardinalis, quod Rex a populo pæne cum suæ vitæ & totius exercitus periculo exegit, quum eos compulit iurare abstinentiam ab omni cibo a mane in vespèram: cuius sacramenti tam seuerus vindex fuit, vt Ionathanem filium suum natu maximum, & futurum (vt tum spes erat) regni hæredem tantum non ad mortem compulerit quòd pauxillo mellis de summa virga gustato legem violasset, quam tamen ille latam nescierat. Et stratagema Satanæ vocabitur iuramentum nostrum, cuius exigendi tanta fuit necessitas ad firmandam meam posterorumq; meorum incolumitatem, neu populus meus Antichristianæ scortationis amarorem tam altè dehinc imbiberet, sed in cordibus suis tantillum mellis retinerent subditi, quo se testarentur semel mihi desponsatos semper fore meos, integro & illibato obsequij & fidelitatis vinculo? hoc solùm dico, sortem a deo profectam in iuramento Saulis, & Bellarminianam nostri iuramenti censuram ab eodem spiritu esse non videri.

Theodoret.  
l. 4. c. 19.

De exemplo Basilij quod ille suæ causæ tam putat accommodatum, hoc

hoc primum necesse habeo monere, in Sanctorum patrum, quæ adfert testimonijs examinandis minus futurum nobis molestiæ, si familiarem & tritum iam nimis dolum amoueret; neu quum ea adducit quæ pro ipso faciunt, quæcunque officiunt omitteret; sed rerum sensus non minus quam verborum sententias proferret. Nec longè exemplum nobis petendum est. in hoc ipso Theodoretî testimonio, si sequentem duntaxat versiculum citatis a se verbis adiunxisset, Archi-presbyterum potius ad iurandum induxisset, quam a iurando deteruisset. proximè enim sequitur: *Imperatoris quidem amicitiam magni se pendere cum pietate, qua remota perniciosam esse dicere.* Cæterum vt constet vtri nostrum maius sit ius in hanc Theodoretî sententiam auctoris scopum paucis indicabo.

Excuitur exemplum de S. Basilio.

Imperator Valens ipse Arrianus, postquam vxoris consilio omnes Ecclesias suis nudasset pastoribus, venit Cæsaream, cui præerat Episcopus Basilius, ille quem Lumen orbis indigitat historia. Egerat cum eo Imperator per \* legatum vt cum Eudoxio Constantinopolitano Episcopo Arrianæ factionis principe communicaret: aliàs minabatur exilium. Appellens legatus Cæsaream Basilium ad se accersit, honorificèque & blandè compellatum monet, vt cedat tempori; neu tenui dogmatis exquisitioe tot Ecclesiarum commoda in periculum adduceret. offert præterea Cæsaris amicitiam, & se illius si vellet conciliatorem. Respondet S. Basilius *illecebras has sermonis esse, & pueris quidè capiendis idoneas, inbiantibus ad palpum. illos vero qui diuinis innutriti essent literis nunquam omnino pati posse vt earum vna syllaba in discrimen veniret; adeoque si opus esset nullum genus mortis pro illis subeundum recusaturos. Imperatoris quidem amicitiam magni se pendere cum pietate, illa remota perniciosam esse.*

Theodoret. l. 4. c. 19.

\* Modestum nomine, vt ait Nazianz. in oratione funebri pro Basilio. Theod. l. 4. c. 12.

Ita se habet historia: nunc causam vtriusque comparemus, St. Basilij, inquam, & Archi-presbyteri. Basilius imprimis ad Arrianismum inuitabatur: Archi-presbytero nihil fuit in religione mutandum. Basilius nisi verbum diuinum obstitisset, Imperatori libens paruisset: at hic homo ideo iubetur parere, quia ita iubet Deus in verbo suo. Basilius magni faciebat amicitiam Principis cum pietate coniunctam: eam iubetur Archi-presbyter spernere, quam salua nihilominus pietate posset amplecti.

Verum vt iniquiore multo onere Archi presbyterum premat, non contentus Eleazari & Basilij exemplis eum ad fortitudinem & constantiam hortari, planè iam miserum affligit humi, cum St. Petri & Marcellini lapsu eius comparans: quorum hominum peccato, seu personas seu dignitatem intueare, nihil vel in sacrarum literarum vel historia Ecclesiasticæ monumentis formidabilius aut grauius inuenies. alter vnum & verum Deum, alter dominum & saluatorem Iesum Christum

Exempla a St. Petro & Marcellino sum. præ excutuntur.



stum negauit. alter cum prophanis Gentilibus immolauit idolis, alter cum contumacibus Iudæis Dominum & magistrum eiurauit. Ego non assequor quid hac comparatione sibi velit Cardinalis, nisi fortè id agat, vt conscientiam hominis horrificet, & in desperationem præcipitet. certò scio omnes homines, quotquot eorum veneno non sunt potionati, miraturos, quùm audierint iuramentum fidelitatis nascendi iure Principi debitum assimilari apostasiæ a Deo & abnegationi Saluatoris.

Sed vt amborum causas *dic d'ia n'ar'v* diuersas, & indecoram illam St. Petri capitis Ecclesiæ cum Apostata Pontifice comparationem prætereamus; miror ab eo vsurpatum hoc Marcellini exemplum, quùm de totius historiæ veritate dubitet frater eius Baronius, Binnius verò in vltima Conciliorum editione clarè refutari posse affirmet, & probabiliter ostendi historiam duntaxat obreptitiam esse, nisi a recepta opinione non temere foret recedendum.

Et si liceat conijcere, in eadem mente foret & Bellarminus, si vna vel altera Concilij illius Sinuessani sententia ipsius causæ admodum opportuna non obstaret. ea sunt, *Prima sedes iudicatur a nemine*; &, *Iudica causam tuam, nostra sententia non condemnaberis*. Sed cui bono numerosum hoc (vt Cardinalis fatetur) Concilium ex trecentis videlicet Episcopis præter cæteros, in vnum cogeretur, quùm priusquam coirent satis intelligerent se nihil posse iure agere? & postquam coiissent cuculorum more eandem nobis cantilenam aliquoties occurrentem, *Prima sedes iudicatur a nemine*, & quùm totum triduum sedissent (diuturnum mehercule Concilium & graue) nulla re peracta domos reuerterentur? ita tamen vt septuaginta & duo homines contra Pontificem ibi testimonium dixerint, & illius excommunicationi subscripserint, ipse verò suo sibi ore denunciãrit *Anathema maranatha*? hæc tam enormiter dissona vt reconcilientur probè, ablegandus mihi est Cardinalis Venetias ad patrem Paulum, qui in suâ aduersus Cardinalis oppositiones apologiã eruditissimè super ijs differuit.

Sed ab vno Pontifice transcamus ad alium: satis enim iam docui quàm sit grauis Catholicæ fidei articulus hoc iuramentum. Cur hîc St. Gregorum nostrum vocarit Apostolum ignoro sanè, nisi fortè, quia Augustinum Monachum cum alijs in Angliam misit qui nos ad Christi fidem conuerterent. atque vtinam posteriores Papæ illius inhærent vestigijs. Ille enim quanquam diuino vt aiebat monitu eos in Angliam miserit ad regem Ethelbertum, nullam tamen illi muneris sui partem nisi regis permissu obiere. Sic Rex Lucius a decessore illius Eleutherio multos impetrauit Episcopos, quibus autoritate regia sedes in Anglia concessæ fuere. hi suadebant hominibus credere in Deum, & obedire Regi. Quorum mores si imitarentur hodierni Pontifices,

Plat. in vita  
Marcell.  
Concil. tom. 1.  
pag. 212.  
Baron. Ann.  
302. num. 95.

Tom. 1. Conc.  
in act. Concil.  
Sinuess.

Apolog. Pat.  
Pauli aduers.  
opposit Card.  
Baron.

Ad locum St.  
Gregorij Gre.  
l. 11 c. 42.  
Bed. Eccles.  
hist gent. Ang.  
l. 1 c. 4.

fices, non iam regum transfugas alerent, nec eos inuitis Regibus, inuitis legibus in patriam remitterent, perfidiæ & rebellionis imbutos disciplina, qua subditos a suorū Principū natiuo auocent obsequio. Nec cum deuotis hifce mancipijs tam inhumaniter agerent, quos nunc eiusmodi instructos mercede & suspectos faciunt Reipublicæ, & in certum adducunt vitæ periculum.

Nunc ad Apostolum nostrum, quoniam sic cum appellari placet Cardinali: non inutilem nauarem Ecclesiæ operam, si id duntaxat ab eo possem impetrare, ne mala in posterum fide patres citaret, neu verba contra authorum mentem dehinc adduceret. Nam hæc epistola Gregorij ad Iohannem Panormi Episcopum scripta fuit, cui pallij nimirum vsus concedebat, vt ijs temporibus atq; ordine gestaret, quo decessores eius Sicilienses Episcopi antea soliti fuerunt: sed ea addita lege, ne Apostolicæ sedis reuerentia vllijs præsumptione turbetur. tunc enim status membrorum integer manet, si caput fidei nulla pulsetur iniuria, & canonum maneat incolumis atque intemerata semper autoritas.

Greg. l. II. c. 42.

Nunc expendamus verba. scripta fuit epistola hæc ad Episcopum, cui concedebatur vsus pallij, res suapte natura neutra & adiaphora. Quod autem pallio, nisi cum Apostolicæ sedis venia, vti vereretur Ioannes, rem fecit opinor non ingratam Pontifici: vnde & ea quam adferbat Cardinalis monitio sequuta est. Nos quod ibi docet Gregorius ambabus (quod aiunt) vlnis amplectimur, nedum vt impugnemus: nempe, obseruandum esse sine renisu quicquid ceremoniarum a magistratu politico & ab Ecclesia ordinis gratia iniungitur; quum pestifera sequatur diuina & confusio in membris, quæ capiti suo in eiusmodi rebus negant obsequium. At quod Gregorius, cum CAPVT FIDEI dixit, se ipsum intellexerit, quasi ipse Caput Fidei vel Christianæ religionis haberi voluerit, id vero reliquæ ipsius doctrinæ & scriptis è regione aduersatur. Primò enim, cum alius quidam VNIVERSALIS EPISCOPI titulum inuaderet, dicere non dubitauit Gregorius: *Ego vero fidenter dico quia quisquis se VNIVERSALEM EPISCOPVM vocat vel vocari desiderat, in elatione sua Antichristum præcurrit.* At CAPVT FIDEI nomen est infinitum quantum ambitiosius.

Iohann. Constantinop. vid. Greg. lib. 4. ep. 32. Lib. 6. ep. 30.

Deinde vero VNIVERSALIS EPISCOPI oblatum nomen spernens Gregorius, *Nullus* (inquit) *vnquam decessorum meorum hoc tam profano vocabulo vti consensit. Nullus eorum vnquam hoc singularitatis vocabulum adsumpsit, nec vti consensit.* Nos (Romani Episcopi) huius vocabuli gloriam oblatam non quærimus. Iam obsecro, qui Vniuersalis Episcopus dici noluit non hic longè ferret indignius *Caput Fidei* nominari, nisi fortè eo quo iam dixi sensu? quem si Cardinalis repudiet, liceat bona illius venia de Gregorio dicere, quod ipse alicubi de Lyra, *minus cautè loquutus est*, vel quod alibi de Chrysostomo, *loquutus est per excessum.*

Greg. l. 4. ep. 32. & 36.

Bellarm. de Rom. Pontif. l. 2. c. 10. Idem. l. 2. de missa c. 10.

Itaque

Itaque ut nostrum Apostolum asseramus in libertatem, quod nostra in acie aduersus illos militet, quod dixit longè id fatemur verissimum, sed eo quo dixit sensu. nempe, quum turbatum itis, vel iniminutum, vel abolitum auctoritatem & primatum Ecclesiæ, qui est penes Principem in sua terra, statim ut sic dicam obtruncatis Ecclesiam, demessoque capite eius & rectore præcipuo totius corporis membrorumque constitutionem dissoluitis. Ita velim apud se statuatur Cardinalis eam nobis esse de Apostoli nostri bona mente opinionem, ut nihil malimus nunc & Pontifici & Cardinalibus suggeri, quàm quod Gregorius Imperatori & Reipublicæ per Sabinianum voluit suggestum: *Vnum est* (inquit) *quod breuiter suggeras Serenissimis Dominis vestris, quia si ego seruus eorum in morte Longobardorum me miscere voluissem, hodie Longobardorum gens nec Regem, nec Daces, nec Comites haberet, atque in summa confusione esset diuisa. Sed quia Deum timeo, in mortem cuiuslibet hominis me miscere formido.*

Greg. l. 7. ep. 1.

Ad testimoni-  
um Leonis.Leo in die as-  
sumpt. suæ ad  
Pont. serm. 3.  
Leo epist. 89.  
ad Episcop.  
Vienn. idem,  
ibid.

Transeamus nunc a Gregorio ad alium Papam, S. Leonem, quem suum vocat Cardinalis Apostolum. Ac ut intelligat non contradicendi quod Sophistarum est, sed veritatis indagandæ studio litem illi in prioribus locis motam; fateor tria illa ex Leone testimonia bonâ ab eo fide produci, verbis nimirum cum auctoris mente & consilio conspirantibus.

Cic. in Hort.

\*Ita se nomi-  
nat in serm. 1.  
in die assumpt.  
Ex breuiario  
Romano.

At liceat illi non nihil in aurem dicere, quod an verum sit ipsius conscientiam arbitram statuo; videlicet, conuenire id in Leonem quod de se Cicero olim fassus est Hortensio. Aiebat ille ideo se *in cælum extulisse eloquentiam ut vna ascenderet*: & S. Leo immodicis tollebat laudibus D. Petrum ut eius ex asse \* hæres eas sibi solidè vendicaret. fuit ille Orator eximius, & Romam grassantibus Attila & Genferico solius facundiæ virtute à gemino incendio liberauit.

Epist. 89.

Ex hac tanta facundia libabat ille interdum non nihil D. Petro, ut cum eum canit *assumptum in consortium indiuidue unitatis*. quæ verba cum ijs subiecta sint quæ citat Cardinalis (*exortem esse mysterij diuini quisquis ausus est a Petri sodalitate recedere*) religionem certè illi incurrere debebant, ne præcedentia verba pro Romanæ sedis aut Pontificis prærogatiua adduceret, quum maiestati diuinæ tantum derogent sequentia. Ac rursus: *Scripta humilitatis nostræ* (inquit) *auctoritate & merito Domini mei Beatissimi Petri Apostoli roborata sunt. Obtestamur, ut ea quæ à nobis Deo inspirante, & Beatissimo Petro Apostolo decreta sunt, seruetis. Si quid à nobis rectè agitur rectèque discernitur, si quid quotidianis supplicationibus à misericordiâ Dei obtinetur, illius est operum atque meritum, cuius in Sede suâ vinit potestas, excelsit auctoritas. Petrus Apostolus ab ipso omnium Charismatum fonte, tam copiosis est irrigationibus inundatus, ut cum multa solus acceperit, nihil in quenquam sine illius participatione transferit.* In sum-

Epist. 52.

Epist. 89.

Serm. 2. in die  
anniuers.  
assumpt. suæ.Serm. 3. in die  
anniuers.  
assumpt. suæ.

ma,



ma, tam fuit D. Petri studiosus Leo, vt a D. Petro scilicet fuerint quicunque ab ipso mitterentur Legati: & coram D. Petro fierent quicunque coram ipso fiebant.

Epist. 24.  
Epist. 4.

Neque verò eo facundiæ genere temere & inconsultò utebatur. nam ea tempestate certamen illi erat de Primatu cum Patriarcha Constantinopolitano. Et in Concilio Chalcedonensi sexcenti amplius Episcopi decreuerant Constantinopolitanæ sedis parem esse cum Romana authoritatem, nulla illi in speciem relictâ prerogatiuâ; & vno verbo, victus erat Leo.

Concil. Chal.  
Act. 16 & can.  
28.

Et tamen qui tantum dat Petro nihil aufert Cæsari, sed honoris titulos, & debita illius cuncta agnoscit iura, potestatem quoque Concilij conuocandi, vt duo vel tria è multis loca quæ iam proferam testantur:

Epist. 9. Theodosio.

*Si pietas vestra (inquit) suggestioni ac supplicationi nostræ dignetur annuere, vt intra Italiam habere iubeatis Episcopale Concilium.* Itemque ad Episcopum Constantinopolitanum scribens; *Quia, inquit, clementissimus Imperator, pro Ecclesiæ pace sollicitus, Synodum voluit congregari, quamuis appareat rem de qua agitur, nequaquam Synodi indigere tractatu.* Rursus; *Quamuis ad diuini Concilij Episcopalis, quem pietas vestra constituit, occurrere me nulla ratio permittat.* Vt vel ex his appareat quàm Petro tantum tribueret, Cæsari tamen quod Cæsaris erat non negasse. Sed iniquius nobiscum agit Cardinalis, quòd dum distortis istis exemplis & rationibus quod vult satagit efficere, neminem tamen adducat testem, nisi reum; & Pontificum Romanorum authoritatem suis ipsorum confirmet decretis.

Epist. 16. Flau.

Epist. 17. Theodosio.

Vnum tamen illi in media exemplorum turba laudabile verbum excidit, quòd satius sit Martyribus cruciatus omnes & ipsam mortem pati, quàm vt vnâ diuinæ legis syllabam patiantur corrumpi. Quam disciplinam si ipsemet cum cæteris suæ sectæ popularibus imbibisset, non iam Eucharistia sub vna specie administraretur contra manifestam Christi institutionem, contra multorum in Primitiua Ecclesia sæculorum vsum: non inuaderent priuatæ Missæ locum Dominicæ Cænæ: non repugnaret D. Pauli & D. Lucæ verbis canon Missæ; quod aduersarius ipse non negat, & se ingenuè fatetur ea reconciliare non posse. non tot denique in Ecclesiam reciperentur traditiones hominum, non dicam pari cum diuino verbo, sed maiore vtique honore. Sed vereor ne ab ipsius mente aberrauerim, neu per diuina dogmata Dei verbum voluerit intelligi, sed tantum Canones & Leges Domini Dei P A P Æ. aliàs tanti non fieret Apostolicæ sedis primatus, cuius tantillum est in sacris literis fundamentum.

Quòd autem tantopere metuit ne Archi-presbytero causam lapsus dederit aut inopinata eius comprehensio, aut persecutionis acerbitas, aut senectutis imbecillitas, aut alia similis difficultas; id quam nihil sit satis

fatis dictum est prius. Blakwellus sua sponte iuravit in verba, nullis minis, nullis precibus adductis, ut ipse testari poterit & nos ante monuimus.

Cæterum in hoc testium Catalogo S. Sanderum cum illius visibili Monarchia nefas putabat omittere, quem ego hominem nonnullaque eius ante notavi facinora. Quisquis librorum eius æquus æstimator esse volet de Angloromanis forte suis non malè meritum interpretabitur, at ut de rege vel regno bene meritum putet, fieri omnino non potest. Testis sunt ipsi libri, è quibus ut è florentissimo prato pauculos qui sequuntur excerpti flores.

Sander. de visib.  
monar. l. 6. c. 4.

**E** LIZABETHA Regina officium sacerdotale in Anglià exercet docendi atque euangelizandi, non minori cum auctoritate, quàm Christus ipse, aut Moyses unquam fecerunt.

Sand. de clau.  
David l. 6. c. 1.

Fœminæ Primatus in rebus Ecclesiasticis non aliunde est, quàm à Diabolo.

Sand. de visib.  
monar. l. 2. c. 4.

Porrò de Regibus omnibus sic generatim pronunciat; Rex qui Pontificis auctoritati se subijcere recusabit, nullo modo tolerandus est; sed omnem operam subditi dare debent, ut alius in eius locum quamprimum surrogetur.

Ibid.

Et Regem hæreticum à regno quod in Christianos obtinet, remouere oportet, Episcoposque omni ratione providere, ut alius quamprimum in eius locum succedat.

Ibidem.

Et, Meritò asserimus quoscunque Reges Christianos, in ijs quæ ad Fidei negotia pertinent, ita Episcopis & Presbyteris subesse, ut cum in religionem Christianam post unam & alteram correptionem pertinaciter delinquentes perseuerauerint, ob eam causam à temporali suâ præfecturâ, quam in Christianos habent, per sententiam Episcoporum deponi & possint, & debeant.

Ibidem.

Et, Episcopi præsumunt regnis temporalibus, si talia regna subijciunt se fidei Christianæ.

Sand. de clau.  
David l. 5. c. 2.

Et, Potestas secularis, siue Regia, siue alia quælibet ex hominibus est.

Et,

Et, Inunctio quæ à sacerdote Regi confertur, declarat eundem sacerdote minorem esse. Ibid.

Postremò, Prorsus contra Christi voluntatem est, ut Reges primatum habeant in Ecclesiâ.

Sand. de clavi David. l. 5. c. 4.

Quale illud sit par Martyrum Cardinalis.

\* Elizabethæ Barton, vide decretum Ordinum.

Quod autem exemplorum hoc agmen nobili illa Anglorum Martyrum biga concludit, Moro scilicet & Roffensi, quos propter grauissimum religionis dogma scilicet, quum in primatum regium iurare recusarent, mortem scribit appetijisse: pace eius dixero, de Martyribus illis nonnulla malè doctus est, etiam quæ ad caput causæ proximè videntur spectare. Manifestum enim id est, & ex actis non vnis euincitur, integrum annum mancipatos fuisse eos custodiæ priusquam de Pontificis primatu capitis anquirentur; partim quòd in negotio successionis regis, quam omnes regni ordines chirographis suis confirmauerant, se præbuisent austeriores; partim quòd eorum alter Fisherus in causa Sanctæ Virginis \* Cantianæ nominatus esset, & iam læsæ Maiestatis teneretur, conscius scilicet fraudum illius pseudoprophetissæ, & coniurationis in Regem, quam cælabat.

Quum hæc ob causas vterque mancipatus esset custodiæ (hæc enim de primatu suo securus erat Rex, vnanimi subditorum suorum consensu fretus; tantumangebatur quo pacto ad sobolem ex secundis nuptijs susceptam regnum deuolueret) in promptu est coniungere quàm faciles essent iam irritati amborum animi ad vltiorem Regis offensam, & ad potestatem regiam magis magisque oppugnandam: id quod etiam contigit. Publicatâ enim, dum illi in carcere essent, legitimâ Regis potestate in rebus Ecclesiasticis, quæ iam & Cleri suffragijs in Synodo & cæterorum ordinum decreto in Comitijs rata erat, ita illi aduersati sunt, vt recandescere regis ira de nouo capitis anquirentur, tum propter *grauè illud fidei dogma*, nempe primatum Pontificis; tum propter nuptiarum & successionis regis negotium; id quod ex Mori confessione perspicuum est. Pro tribunali enim, auditâ mortis sententiâ, *non ignoro*, inquit, *cur me morti adiudicaueritis, videlicet ob id quod nunquam voluerim assentiri in negotio matrimonij regis*: vt ex ipsius verbis iam constet, magnum illum Martyrem non aliam agnouisse mortis suæ causam quàm quod regijs nuptijs & successioni renixus fuerit: quæ martyrij causa (nisi ego fallor) parum aut nihil cum religione habet commune.

Histor. aliquot Martyrum nostri sæculi. Anno 1550.

Roffensis autem Mori in martyrio collega, qui Primatus regij iuramentum certa ratione temperatum non renuebat suscipere, is quem admodum aliam ob causam mancipatus est carceri, ita *grauis illius dogmatis de Primatu* testis obiit & martyr admodum claudicans & singularis, tota Ecclesia Anglicana remis velisque ea tempestate in contrari-



um eunte, è quibus multi & literarum & prudentiæ opinione multis post se gradibus relinquebant Roffensem.

Quocirca à Bellarmino ipso, qui inter cæteras veræ Ecclesiæ notas *Vniuersalitatem* nominat, mutuabimur hîc auxilium, nitemurque generali & Catholico totius Ecclesiæ Anglicanæ pro nobis decreto: vt constat ex libello, cui nomen inditum fuit *Christiani hominis institutio*, Cleri coeuntis autoritate publicato. Quod argumentum eruditissimè à diuersis tractatum fuit; à Stephano Gardinero in libro *de vera obedientia*, cui adnexa fuit *Boneri episcopi præfatio* de summo & absoluto Regis imperio: à Domino Beckinslaw *de vera differentia regie potestatis & Ecclesiasticæ*: ab Episcopis Tonsallo & Longlando pro concione, & in literis eiusdem Tonsalli ad Cardinalem Polum, vt alia omittam vtrâque conscripta linguâ, Anglicâ & Latinâ. Quod nisi æger Fisheri animus Cardinalitij petasi expectatione fuisset sustentatus (& hic Calertum prius allatus fuit, quàm ille caput cui destinabatur amitteret) valde dubito, an propter illud *grauæ fidei dogma* sustinuisset mori.

Et sanè duo hi Duces in ipsa Martyrij acie à popularibus suis prorsus deserti fuere. nec enim quenquam alicuius nominis, nec alios temere multos reperias qui graue hoc fidei dogma sanguine suo post firmarunt. Atque ita hinc expensis calamitatum vtriusque veris quas dixi causis, illinc paucitate testium qui decumanum illum Bellarminianæ fidei articulum sanguine suo obsignarunt; exigua profectò inde gloria ad Ecclesiam Romano anglicam redundet, è qua duo soli Elias & Enochus aduersus nostram Antichristianam doctrinam testes reperti sunt.

Illud persuasissimum habeo ex Dei verbo, ad cuius amussim grauiæ fidei dogmata exploranda sunt, Primatum regium melius defendi posse & in posterum spero semper defensum iri, tanquam verum & proprium Christiani regis in suis ditionibus officium; quam ille suas poterit Regum degradationes, & deiectiones, & cæteras aduersus sacram Maiestatem contumelias, & scabiosa diçteria, quibus tum priora illius scatent volumina tum nuperi aduersus Venetos libelli.

Sub veteri testamento Reges <sup>a</sup> gubernabant ipsimet Ecclesiam, illius vitia <sup>b</sup> purgabant, corruptelas reformabant, arcam in <sup>c</sup> suum locum præfultantes ducebant, templum <sup>e</sup> & ædificabant & <sup>f</sup> dedicabant, ac consecrationem illius suâ præsentia iuuabant, librum <sup>g</sup> legis erui è tenebris & coram populo recitari faciebant, <sup>h</sup> fædus inter Deum & populum renouabant, <sup>i</sup> æneum serpentem diuino erectum iussu Messiaque venturi typum confringebant, <sup>k</sup> idola & deos falsos euertebant, per suos delegatos, qui vtriusque erant ordinis Ecclesiastici & ciuilis, publicos mores emendabant, <sup>m</sup> supremum Sacerdotem deiiciebant, sufficiebantque successorem. In summa, quæcunque ad regimen Ec-

Primatus Regum nititur autoritate sacrarum literarum.

a 2.Chron.

19.4.

b 2.Sam.5.6.

c 1.Chron.13.

12.

d 2.Sam.6.

16.

e 1.Chron.28.6.

f 2.Chron.6.

g 2.Reg.22.

11.

h Neh.9.38.

David.

Salomon.

i 2.Reg.18.4.

k 1.Reg.15.12.

2.Reg.13.4.

l 2.Chron.

17.8.

m 1.Reg.2.

27.

cl  
fi  
vo  
De  
cij  
ris  
lau

com

rita

gifi

prob

testa

omi

Dat

huim

nant

A

nou

Reg

popu

fidei

tificis

ant, e

spirit

cus &

num i

omni

um m

priam

Deo c

At

gibus

hyperl

non vi

1 R

2 pi

3 Q

pos

clerae spectare videbantur ordinabant Reges. Nec ab hoc eorum officio abludabant tituli & priuilegia diuinitus illis concessa, <sup>n</sup> Filij enim vocantur *Altissimi*, imo & <sup>o</sup> *Dij*, & <sup>p</sup> *Vncti Domini*, in Dei <sup>q</sup> *solio sedentes*, Dei <sup>r</sup> *famuli*, Dei <sup>s</sup> *Angeli*, facti iuxta <sup>t</sup> *cor Dei*, <sup>u</sup> *Lamina Israëlis*, <sup>x</sup> *Nutricij Ecclesiae*; cum innumeris id genus titulis honorum, quibus veteris Testamenti volumina referta sunt, quod nec aduersarium ipsum laet.

At in nouo Testamento *omnis anima* <sup>y</sup> *illis subiicitur*, & *quidem propter conscientiam*. <sup>z</sup> *Orandum est pro omnibus*, sed *praecipue pro regibus & in auctoritate constitutis*, vt sub ijs *piam & pacatam honestamq; vitam degamus*. <sup>a</sup> *Magistratus Dei administer est ad vlciscendos facinorosos*, innocentes autem atque probos remunerandos. <sup>b</sup> *Omnibus quidem obtemperandum est superioribus potestatibus*, sed *potissimum Principibus*, & *in eminentia collocatis*. Reddite *omnique quod suum est*, *Timorem cui timor*, *amorem cui amor iure debetur*. Date <sup>c</sup> *Casari quae Caesaris sunt*, *Deo quae Dei sunt*. <sup>d</sup> *Regnum meum non est huius mundi*. <sup>e</sup> *Quis me constituit Iudicem super vos?* *Reges* <sup>f</sup> *gentium dominantur eorum*, *vos autem non sic*.

An tot exempla, sententiae, tituli, prorogatiuae, aliaque in Vetere & nouo Testamento innumera idoneam non conferant in Christianos Reges potestatem, vt Ecclesiam intra suas ditiones non minus quam populum regant, & vtriusque Tabulae sint custodes; non quod nouos fidei articulos cudere eos conueniat (quod proprium est Romani Pontificis officium) sed quod diuino verbo obedientiam conciliare debeant, exque illius praescripto lapsam religionis integritatem restituere, spiritualem potestatem ciuili gladio protegere, corruptelas tollere, decus & reuerentiam Ecclesiae conseruare, ambigua definire, quaestionum ineptias praecidere quod fecit Constantinus, denique in rebus omnibus decorum seruare, certum rerum neutrarum & indifferentium morem praescribere, quod Iuramentum Primatus regij velut in propriam spectabat metam: An non hoc sit Principum officium ipsis a Deo concessum penes aequos & candidos aestimatores iudicium esto.

At quo pacto ista munia, & praerogatiuae, & titulorum insignia Regibus in veteri & nouo testamento diuinitus data cum eximijs illis & hyperbolicis honoribus conueniant, quibus eos Bellarminus mactat, non video.

1 **R**eges potius seruos esse quam Dominos.

2 **Q**uod non solum subiecti sint Pontificibus, sed & Episcopis, sed & Presbyteris, atque adeo etiam Diaconis.

3 **Q**uod Imperatorem non grauare bibere oporteat non solum post Episcopum, sed etiam post Presbyterum.

n 2.Sam.7.  
14.  
o Psal. 82.6.  
& Exod. 22.8.  
p 1.Sam.24.  
11.  
q 2.Chro.9.8.  
r 2.Chro.6.15  
s 2.Sam.14.  
10.  
t 1.Sam.13.  
14.  
u 2.Sam.21.  
17.  
x Isai.49.23.  
y Rom.13.5.  
z 1.Tim.2.2.  
a Rom.13.4.  
b 1.Petr.2.  
13.  
c Matth.22.  
27.  
d Ioh.18.36.  
e Luc.12.14.  
f Luc.22.25.

Euseb lib.3.  
de vita Con-  
stantini.

1 De laicis  
c.7.  
2 De Pontif.  
l.c.7.

3 Ibidem

4 Ibid. & de  
Clero cap.  
28.

4 *Quòd Regum auctoritas atque functio non immediate ex Deo descendat, neque ex iure Diuino, sed duntaxat ex iure gentium.*

5 De Pontif.  
lib. 3. cap. 16.  
de Rom. Pon-  
tif. l. 5. c. 8.

5 *Quòd Pontifices multos quidem Imperatores deposuerint, nemo autem Imperator aliquando Pontificem: imò verò quòd Episcopis, qui mancipia sunt Papæ, deponere liceat Principes, & eorum leges rescindere.*

6 De Laicis  
c. 6.

6 *Quòd Ecclesiastici homines tam longè supra Principes sint, quàm anima supra corpus.*

7 De Pontif.  
l. 5. c. 18.

7 *Quòd Reges deponi possunt per subditos suos ob multas causas.*

8 De Pontif.  
l. 2. c. 26.

8 *Pontifices nullo modo deponi posse: nemini enim mortali-um permissum esse de ijs iudicare.*

9 De Pontif.  
l. 4. c. 15.

9 *Obedientiam Papæ deberi propter conscientiam.*

10 De Cle-  
ric. c. 28.

10 *Obedientiam autem Regi non alio respectu deberi quàm propter ordinem politicum.*

11 Ibidem.

11 *Quòd ipsi illi homines Ecclesiastici, qui & nati sunt & degunt in Regnis Principum, non tamen sunt eorum subditi, nec ab ijs iudicari possint, ipsis autem fas sit principes suos iudicare.*

12 Ibidem.

12 *Quòd obedientia quam Clerici tribuunt Regibus etiam in minimis mereq; ciuilibus negotijs, non sit à necessariâ aliqua subiectione, sed tantum ex discretione, & propter obseruationem boni ordinis atque moris.*

Antipathiam diuini & Bellarminiani codicis hætenus contuli, vt ex contrarijs iuxta se positis magis elucescat veritas. Id autem fidenter dicam, & idem mecum sentiet quisquis sepositis affectibus hæc tam pugnantia inter se commiserit, non magis opponi Christum Beliali, aut lucem tenebris, aut cælum inferno, quàm Roberti Bellarmini de regibus opinio diuinis oraculis aduersatur.

Ad literarum epilogum, quum nihil habeat nisi hortationis vehementiam, vt Blakwellus ad constantiam & martyrium obfirmet animum: dolet mihi profecto tot sententias è sacris literis tam commodè & dextrè confutas tam incommode & falsò vsurpari. Sed nullo colore probari potest mala causa, nec falsa oratio vllis verborum offucijs sancit: vt iam ipse (quod nobis obijciebat) stratagemate Satánico vi videatur,



videatur, quum tanta sanctitatis specie hortatur ad nefas. Qua ipsa in re rectius, me iudice, seruasset decorum, si inter tot sacra & diuina verba duas aut tres Gentilitæ profanitatis vuculas non passus fuisset sibi excidere. Nam in sacro codice, præsertim in nouo Testamento **PONTIFICIS MAXIMI** nomen non occurrit. Quocirca illius sus tituli & successionis referat Pontifex ad Numæ Pompilij potius quam D. Petri institutionem. D. Petrus enim de eo officij genere nihil quicquam ne per somnium quidem vnquam audiuit.

Quod ad **CAPVT FIDEI** quo titulo quoque vtitur Bellarminus, & nos supra meminimus; certum est Apostolos non nisi vnum Christum hoc honore dignatos. Itaque in Epistola tam sacra & cathara ab vtroque titulorum genere abstinendum erat, & quorum vocabula in sacro codice non comparent, & quorum honos (eo nimirum sensu quo vsurpantur à Cardinale) soli Christo competit.

Sed vt tandem finem faciam, candidos literarum illius & Pontificiorum breuium lectores obnixè volo rogatos, non ex verborum specie sed rerum pondere causam æstiment, neu tam respiciant quid affirmetur strenuè quàm quid probetur legitimè. Apud bonos deinde subditos contendo, vt maneant in veritate, neu transmarinis præstigijs patiantur se ab officio & nascendi iure mihi debita obedientia abduci. Denique cæteros obtestor in quorum manus hæc nostra venient, vt positis tantisper affectibus candidè iudicent de nuda & infucata rerum veritate, quò calumniarum atræ nebulae quibus iniustissimè premor tandem euanescent, constetque omnibus vnicam illam mihi & scriptionis & editionis causam extitisse.





S  
A

S



SACRATISSIMO

ATQVE INVICTISSI-  
MO PRINCIPI AC  
DOMINO RODOLPHO II.

ROM. IMP. SEMPER  
AVGVSTO;

SERENISSIMIS ATQVE  
POTENTISSIMIS

CHRISTIANI ORBIS

Monarchis ac Regibus;

ILLVSTRISSIMIS CEL-

SISSIMISQVE LIBERIS PRIN-

CIPIBVS, REBVS PVBLICIS

atque Ordinibus;

FRATRIBVS CONSANGVI-

*N* *E* *I* *S*, *A* *F* *F* *I* *N* *I* *B* *V* *S*,

FOEDERATIS, ATQVE

AMICIS CHARISSIMIS;

IACOBVS



IACOBVS  
DEI GRATIA, MAGNAE  
BRITANNIAE, FRANCIAE  
ET HIBERNIAE  
REX,

FIDEI VERE CHRISTI-  
ANÆ, CATHOLICÆ, APO-  
STOLICÆ, VETERISQUE AC PRI-  
MITIVÆ Ecclesiæ, tot Episcoporum, aliorumque  
Fidelium Martirij gloriâ coronatorum  
sanguine illustris, Propagator,  
ac DEFENSOR:

IN CHRISTO IESV,  
omnium nostrum SERVATORE ac  
MEDIATORE VNICO; SALVTEM  
Fœlicitatēque perpetuam.

( \* \* )

SACRA





ACRATISSIME  
ATQVE INVICTISSI-  
ME IMPERATOR, SERENIS-  
SIMI POTENTISSIMIQUE RE-  
GES, ILLVSTRISSIMI CELSIS-  
SIMIQUE PRINCIPES, INCLYTI  
ORDINES, FRATRES, CONSAN-  
GVINEI, AFFINES, FOEDERA-  
TI ATQVE AMICI CHARISSIMI.

VOBIS, ad quos iure ac merito pertinet, consecro, dedicóque Monitoriam hanc meam Præfationem, quam Apologiæ pro Iuramento fidelitatis iam secundum editæ, visum est præfigere. Causa enim communis agitur, & quæ ad ius dignitatẽque pertinet omnium non modò Regum, sed aliorum etiam quibuscunque suprema est à Deo rerum Ciuium demandata potestas. Quòd si in omni societate, siue vniuersitate ciuium, siue opificum collegijs, vnicuique ea cura est, ne quid ex illius communitalis, cui fidem dedit, priuilegijs deliberetur; omnesque adeò communem agi rem existimantes coitione facta cuius se periculo potius obijciunt, quàm vt vel tantillum de immunitatibus suis detrahi patiantur: si tenuioris, inquam, fortunæ hominibus tantus infedit animorum ardor, tanta tuendorum iurium & priuilegiorum sollicitudo, vt iniuriam, vel infimo cuique illatam, omnes ad se pertinere putent; quid nobis in pari causa faciendum, quos Deus in altissimo dignitatis gradu, quasi suos Vicarios & Legatos ad exercenda iudicia, in suo solio collocauit?

Quæ me ratio impulit, vt rem vobis exponerem, quæ non tam propriè me attingit, quàm ad vires auctoritatis nostræ (de Regibus generatim loquor) debilitandas, & iura conuellenda, aditum patefacit. Cum autem Pronunciatum sit, non omnium modò gentium ordinumque moribus inuiolatè receptum, sed & iuris Ciuilis, quo maxima pars orbis Christiani regitur, auctoritate comprobatum, vt æquas in disceprando partes obtineant, qui consimilem fouent causam: quanto ma-  
gis

gis vestrâ hoc interest quod nunc agitur, cum non in pari aut simili, sed eâdem prorsus causâ versemini; quam vnâ mecum omnes aut fouetis, aut saltem fouere debetis? Quoniam igitur vna eadêque omnium est causâ, cum Ciuilia, tum Municipalia omnium populorum iura concedunt, monentque, vt simul ad patrocinium coëant, quos eadem causâ, & vnum discrimen coniungit. Quin & ipse Naturæ sensus hoc docet, quod Poëta cecinit:

—ecquid  
*Ad te post paulò ventura pericula sentis?*  
*Nam tua res agitur, paries cum proximus ardet.*

Expergiscimini igitur, dum tempus est, & licet, neque finite somno diuturniore incidi in singulis, ad ruinam vniuersorum, auctoritatis vestræ neruos; qui iunctis viribus complicati, velut in laqueum excrescerent tam validum, vt si hostis eum rumpere pertendat, cum Achitophèle potius suffocetur, quàm perfringendo possit euadere. *Nunc dum singuli pugnant, vniuersi vincuntur.*

Quod autem ad Apologiam attinet, certè mihi visum non fuit, vt cum primùm est edita, frontem eius nomine meo insignirem; neque ea tamen mente, vt eam aliquando eiurarem. Satis infidebat animo, quod excerptum ex Scripturis in Præfatione ad Lectorem in **ΒΑΣΙΛΙΚΟΝ ΔΩΡΟΝ** inserui; *Nihil tam occultum esse, quod non aliquando reuelabitur*: quo in loco sum pollicitus (nec auspice Deo datæ fidei deero) nihil me in secretissimis penetralibus facturum, quod, si foras sit prolatum, possit mihi ruboris pudorisue necessitatem afferre.

Apologiam sanè meam suppresso auctoris nomine primùm emisi, cum hoc mihi consilium duabus potissimùm de causis placuisset. Prior erat, ipsius rei de qua agebatur argumentum; altera, hominum quibuscum negotium erat conditio. Res enim & materia scribendi, ad quam accingebar, tractatus erat argumentis & quæstionibus Theologicis plenus, quibus iusiurandum fidelitatis ab eorum, qui in illud scripserant, calumnijs afferebam. Mihi autem penè indignum videbatur nomen Regium libris eiusmodi, qui scholasticas disputationes continent, præfigi; cum potius è Maiestate nostra sit Edicta & Decreta scribere. Nam neque me Pontifice vlla ex parte inferiorem esse credo, (pace illius dixerim) quem eâdem ratione Censores meæ Apologiæ excusant: eum quippe Breuia strictim & præcisè conscripsisse; nec aut rationes aut argumenta addidisse; quòd non sit illius disputare, sed iudicare atque decernere.

Altera tacendi nominis ratio mihi fuit, eorum conditio cum quibus ad disceptandum descendebar. Quanquam enim paucis Pontificia

Breuia



Breuia notabam, mihi tamen id præcipuè laboris dederam, vt Bellarmini literas ad Blackwellum refellerem. Neque verò mihi vnquam persuasi, tantum esse in purpura Cardinalitia dignitatis, vt occurrere Regio fulgori par ac æmula, & velut æquali maiestate cum eo possit ad certamen componi. Nam & multa millia in subditis habeo, qui splendore natalium Bellarmino non concedant: & hanc illius Ecclesiasticam dignitatem, Cardinalatum inquam, nescio quo loco, aut precio habeam, siue ad Scripturarum auctoritatem, siue ad Imperatorum Constitutiones expendam: cùm sit nihil aliud, quàm noua Paparum institutio, quam in immensum excrescere decessorum nostrorum, Regum inquam, qui his aliquot sæculis rem Christianam rexerunt, mollis, & ad omnia Pontifici conuiuens lenitas permisit. Sed & quanquam Apologiæ meum nomen non præscripsi, nihilominus vestrũ aliquot, ad quos hoc quod agitur potissimum spectat, Fratres & Consanguinei mei charissimi, ex Legatis suis rescire potuerunt, me, nihil dissimulato nomine, cùm primũ ille liber prodijisset, ijs aliquot exemplaria obtulisse, auctoremque palàm esse professum. Anglus item Paragraphista, vel potiùs petulans ille atque peruersus Parsonius (quandoquidem suo illo P. tantopere delectatur) rectè verèque animaduertit, mea insignia ipsi fronti voluminis præposita fuisse: quod haud temere fit in libris, quos priuati homines euulgant. Vnde facile est ipsius malam mentem arguere, qui vt in me inuehatur atrociùs, Auctoris ignorationem præterdit. Nunc verò quum animaduertam, licet ab Apologia nomen meum abstinerim, Censores tamen meos nihilo mitiores factos, calamum à conuitorum plaustris non abstinuiffe: (nec enim pepercunt in me inclementer dicere, modò nominatim ac directè, modò oblique Auctorem exagitando) iam omnino maturum est velum exuere, nec dubitanter aut furtim meos foetus agnoscere, tanquam pudendos & exponendos produxissem. Sed vt melius totius quæstionis vim ac rationem percipere possitis, à principio omnia repetenda sunt, & quibus inijs ac fundamentis hæc tanta controuersia excitata est.

Horrenda illa & prodigiosa cõiuratio, quæ per tormentarij pulueris impetum destinabatur, de cuius flagitij immanitate nulla vnquam ætas conticescet, (quanquam illius mentio tam sæpe repetita mitem ac misericordem Parsonij animum perfodiat) non in me tantum meosque posteros inita, publicos etiam Regni Ordines euertere ac delere instituerat; nec alij tanti facinoris auctores, quàm Papistæ aliquot, præposito suæ religionis subuershendæ zelo, ad hanc immanitatem inducti. Ex ijs nonnulli tantâ pertinaciâ obstinauerant scelus, vt nec in supremo vitæ articulo detestarentur suum crimen, supremisque verbis, & penè superueniente morte præcis, reos se vilius flagitij confiteri abnuerent, aut petere cogitati facinoris veniam, nisi prius Romana Ecclesia, hoc tantæ

tantæ coniurationis consilium, suâ sententiâ damnauisset. Nec multò post innotuit, non paucos ex meorum subditorum numero, qui Romanam religionem profitentur, omnis conditionis atque sexus, alios domi, alios foris & apud gentes exteras, confusa & obscura significati-  
one rescuiisse, magnum aliquid, quo Romanæ Ecclesiæ vtilitas promoueretur, in id coëuntium Ordinum tempus comparari: quan-  
quam illis, ne vulgata res secretum omne perderet, destinatæ rei modus, ac consiliorum ratio nequaquam proderetur. Sed & certæ precatio-  
num formulæ conceptæ, & à multis vsurpatæ, quibus prosperos suc-  
cessus tanto & tam graui negotio precabantur. Ipsi quoque coniura-  
tionis auctores atque architecti in constantiæ suę pignus, & silentij au-  
ctoramentum, sæpius, & multorum sacerdotum ministerio, Euchari-  
stiæ sacramento sumpto, animos suos ad flagitium obfirmârunt. Qui-  
dam præterea ex Iesuitarum primarijs contagione tanti sceleris infecti:  
ex his aliquot maturâ ad exteras gentes fugâ vim iudiciorum eluserunt:  
intercepti aliquot (inter quos Sanctus ille Garnetus & Ouldcornius)  
& facinus confitentes, capitis supplicio affecti sunt.

Hæc tanta & tam atrox coniuratio, tot circumstantijs infamis, vtrum  
illis Regni Ordinibus, in quorum exitium conflata fuerat, iustam oc-  
casionem præbuerit, vt cum primùm deinde conuenissent, magno, ar-  
dentique animo omnes vias quærent, inirentque, quibus posset de-  
prehendi, an adhuc restarent hîc aliqui, qui cum coniuratis in tam im-  
mani scelere sentirent; id verò vestri iudicij sit, quos Deus præcipuos  
sibi in terris Vicarios in administratione Iustitiæ esse iussit. Inter cæte-  
ra, quæ ad hanc rem facere videbantur, hoc etiam fidelitatis Iusiuran-  
dum, quod hodie tam indignè ab iniquis æstimatoribus carpitur, fan-  
citur, & inter publica Ordinum decreta relatum est. Quòd si tunc  
leges aliquæ tristiores sunt in Papistas latæ, qui tamen receptis hîc antea  
legibus minus audientes erant, sanè temporis, locique, & hominum  
denique ratio, qui eas ferebant, vobis omnem, seu mirandi, seu indig-  
nandi ansam præripit; cum hæc omnia seueritatem istam legum in  
Pontificios non tam suaserint, quàm extorserint. *Tempus* erat, proxi-  
mus Ordinum conuentus post patefactum & illustratum coniuratio-  
nis scelus. *Locus* autem idem ille, in quem parata fuerat sulphureorum  
fulminum immanitas: vt, vel parietum aspectus ipse, ad tam recentis  
atrocitatis memoriam intuentes excitaret. Ipsi quoque *Homines* non  
alij, quàm qui publicè ad celeberrimum illum Conuentum fuerant de-  
legati; quibus nempe tam cruentum funestumque exitium intenta-  
batur. Ita tamen animus meus, & instituta administrandarum rerum  
ratio, ab omni acerbitate abhorret, vt vix vlla ad superiores leges seue-  
rior accessio in hunc vsque diem executioni mandata sit. Atque vt cer-  
tioribus indicijs perditam horum conuitiatorum malitiam deprehen-  
dere

dere possitis, qui hoc iusiurandum excogitatum esse impudenter asserunt, ad improvidorum Pontificiorum conscientias in causis fidei in fraudem illiciendas, rem omnem paucis expediam.

Ea pars publicorum Ordinum, quæ inferiore Curia continetur, (inferiorem domum Parliamenti vocant) cum primum conciperetur iurisiurandi formula, clausulam inseruerat, qua Pontifici excommunicandi mei potestas adimebatur. sed hanc clausulam induci protinus ac deleri volui, ut vis alia huius iurisiurandi non esset, quam excommunicationem Pontificis, iustam ac legitimam causam meis subditis ministrare non posse, ut quicquam apertis aut clandestinis consilijs, in me, meumque imperium moliantur: qui abdicandorum Regum ius, nullo legitimo modo Pontifici quæsitum esse censeam: & hanc iniustam Paparum usurpationem & violentiam sæcularem, Excommunicationis, quæ spiritualis censura est, fines longè latèque excedere arbitrer. Tanto studio, tantæque sollicitudine cauebam, ne quicquam hoc iureiurando contineretur, præter fidelitatis illius, civilisque & temporalis obedientiæ professionem, quam ipsa Natura omnibus sub regno nascentibus præscribit: addita sponfione, qua opem & auxilium contra omnem vim debitæ fidei aduersam à subditis stipulabar.

Hoc igitur iusiurandum tantis tamque iustis rationibus subnixum, tam æqua tamque moderata formula conceptum, cuius vnus ille finis erat, ut Pontificij nequaquam turbulenti, cæteraque boni ciues, ab eis dignoscerentur, quorum animis opiniones illæ furiosæ & sanguinariæ inhæserant, quæ coniurationem nitrati pulueris pepererunt: Hoc, inquam, iusiurandum cum promulgatum esset, positumque iam in usu, tantum turbarum in Pontificis, Clerique Pontificij animis conciuir, ut instar vndarum vndas superuenientium ipsa Breuia in Angliam certatim aduolarent, quibus interdicebatur Catholicis, ne se illius sacramenti religione obligarent: rem esse fidei contrariam, quamque ipsi sine iactura animarum admittere non possent. Cardinalis quoque Bellarmini literæ ad Blackwellum allatæ sunt, in eandem sententiam quidem scriptæ, sed quibus prolixius de hoc iureiurando differebatur.

Hic ego tam æqui iurisiurandi tamque legitimi tam iniustam oppugnationem mecum perpendere; hic metuere, ne Sophistarum illorum calumnijs & argutijs rudes simplicioris vulgi animi, religionis & conscientiæ obtentu, in fraudem inducerentur. Visum itaque è re esse ut huius iurisiurandi Apologiam ederem, in qua suscipiebam probandum, nihil in eo contineri, nisi quod ad obedientiam merè civilem ac temporalem spectat, qualis summis Principibus à subditis debetur: huic autem æquissime legi controuersiam non aliunde esse motam, quam ab ambiciosa Pontificum tyrannide, quam illi contra auctoritatem Scripturarum, contra Conciliorum antiquorumque Patrum men-



tem sibi in temporalia Regum iura & auctoritatem iniuste vsurparunt: in qua quidem Regum auctoritate asserenda totam meam Apologiam impendi.

Sed cum id operis emissem, ecce tibi exortos subito duos Censores, qui non tam argumentis in librum, quam in me conuitijs certauerunt; ut impudentiam hominum omnes merito mirentur. Cum enim librum Anglico sermone conscripsem, qui, pro argumento, iurisiurandi Anglicani patrociniū complecteretur, totaque res Anglos meos potissimum tangeret; & mox aliqui, faciliorem illi viam ad exteras gentes sterni cupientes, eundem latinitate donassent; redijt ad me non multo post male mulctatus, & vtrōque idiomate vapulans. Atque quidem credo, si tot tamque varijs linguis prodijisset, quotquot erant in illa confusione Babylonica, vexatum illis omnibus fuisse rediturum: ex quo intelligas, quā impiger sit Diabolus, & quā in omnes occasiones intentus, quo venenatas suas merces extrudat. Sed illorum malam mentem vel hoc ipsum liquidò arguat, quod me statim gemina confutatione exceperint: Blackwelli autem Archi-presbyteri libro (quo ille huius iurisiurandi æquitatem, & ius Regum in rebus ciuilibus innumeris Scholasticorum Pontificiorum testimonijs, tuetur) ne verbo quidem responderint.

Quod ad istum, qui mihi Anglicè respondit, fugitiuum illum meum, & officiorum, quæ mihi iure naturæ debuit, eiuratorem; neque sacras vestras aures violari, neque stylum meum fœdari patiar, in eo homuncione depingendo; qui non erubuit, immo non exhorruit debacchari, atque acerbitalis suæ virus in Reginam recentis fœlicisq̃ memoriz euomere. Subditumne Principi naturali maledicere? Virum fœminæ, cique Heroïnæ conuitiari? Hominem pium, externa saltem professione, in demortuam impiè insultare? Denique Rhadamanthi munus inuadere, sedere atque agere Iudicem apud inferos? Hoc illum cruciat scilicet; hinc omnis illius furor & rabies, quod ferre non potest, vel me successorem, vel quenquam ex eius ministris, quicquam honorificè de ea prædicare. Maledictus, qui maledicit vncto Domini: pereatq; interitu Core, qui peccauit in contradictione Core: foras eiusmodi canes, porcique eijciuntur, extra cœlestem, dico, Ierusalem.

Venio nunc ad illum, qui Latinè in me scripsit. sanè de homine ipso quod dicam, non habeo: ex subditis meis non est; Domino suo stat, vel cadit. hoc tamen mihi constat, vtrumque eorū icisse sortem super libro meo, quem diuidere non poterant. fugitiuo meo obtigit, ut defunctæ Reginæ memoriā conuitijs oneraret; sed non alia re, quā recte refellenda sunt huius rabulæ mendacia. Alteri externo, ut me meamque Apologiam petulantius lacefferet, quod & videbatur maiori cum audacia facturus, & reuera confidentius præstitit: sed quā iuste,

iustè, siue ipsam materiam, siue tractandi modum spectes, nunc videndum.

Primum quidem, quis illi libro auctor sit, tantum ex coniectura augurari possum. id nominis sibi adscripsit, Matthæus Tortus Cardinali Bellarmîno à facellis; distortus sanè Doctor, tortuosa Matæologia imbutus; auctor obscurus; mihi quidem prorsus incognitus, & parum ut opinor, ex vllis suis operibus orbi notus. Quis non igitur perditum nebulonem arbitretur, qui non in refutando tantum Rege, sed etiam calumnijs onerando, prima artis suæ rudimenta posuerit? Verum quisquis totius libri seriem accuratè perpenderit, quàm elato spiritu styloque decurrat, ut nec toti Regum ordini, nec mihi nominatim ipsi pepercerit, quanto denique fastu & supercilio, hæc & similia in eo scribantur; <sup>a</sup> *Habemus enim exemplaria Brevium illorum in manibus*: & <sup>b</sup> *Decernimus* &c. id quicquid est operis, Cardinali certè potius, quàm illius ministro imputauerit. ac quo loco præcipuè <sup>c</sup> *certitudinem suam* <sup>d</sup> *moralè*, & suum illud *piè credi* sibi à me obiectum conqueritur, fædo memoriæ lapsu suam ipse laruam prodens, <sup>d</sup> *Mala fide nobiscum agit*, inquit; hoc ipso non alium esse se à Bellarmino confessus. Sed sit sane Torti quisquis ille est, non autem personati Cardinalis liber: factum omninò præstare Cardinalem oportet, cum & bonus iste Tortus ex illius familia sit, & patrocinator Domini causam suscepit; cum sit, inquam, negotium Bellarmini, & per seruum tanquam procuratorem gestum, quicquid in eo actum est, non potest non Bellarmino imputari; cum præsertim Anglus ille meæ Apologiæ oppugnator, quater prædixerit, eam aut opera Bellarmini, aut mandato propediem refutandam.

Nunc verò rem ipsam, obsecro, & modum respondendi videamus. certè *modus* ipse ab omni modestia alienus, dehonestandæ materiæ abundè suffecerit. Primum enim ad arrogantiam suam prodendam, in Præfatione Typographo Politano adscripta, qui hunc elegantem (ita enim appellat) libellum excudit, Cardinalitiam dignitatem in omnibus cum mea componere voluit. Tortum enim, licet obscurum & ignobilem fateatur, cum sit tamen à Sacellis Cardinali, satis idoneus, scilicet, ei videtur, qui Anglico libro respondeat sine nomine auctoris euulgato: quasi supposititium & obscurum nomèn libro Cardinalis præpositum, Regis libro, qui nullum authoris nomen præ se ferret, refellendo sufficeret: aut Cardinalis Sacellanus Decanum Regij Sacelli æquare debeat; quem, ut videtur, Parsonius cum Cardinale conspirans auctorem Apologiæ inscripsit. Nec in Præfatione solum, hac se mihi maiestatis comparatione adæquauit; sed eodem vbique fastu tota libri series intumescit. quam ego in scribendo breuitatem, eandem ipse in respondendo sequi voluit: quo compendio in secundo Pontificis Pre-

ui refutando vsus eram, eodem in me voluit vti, meoque exemplo sese penè intra vnus paginæ angustias coercere. Et quoniam Sacramenti fidelitatis summam in articulos quatuordecim distribui, peccare in suâ amplitudinem credidisset, nisi & publicorum Ordinum edictum, quo istud iusiurandum continetur, in totidem particulas diuisisset. Quòd si inani hac superbia & amplitudinis suæ ostentatione ita animum expleuisset, vt à grauiori in me iniuria temperaret; videri sanè tolerabilior potuisset. Nunc verò quid esse causæ dicat, cur penè continuis in me, meamque Apologiam conuicijs suam responsum referret? Nam cum in tota mea Apologia nusquam Bellarminum verbo atrocior læserim, & præcipuè id cauerim, ne hominem mendacij insimularem; ille, hanc lege humanitatis spreta, nouies disertis verbis me mentiri pronunciat, & septies falsi arguit: quod perinde est, ac si mendacium mihi exprobraret. cæteris verò contumelijs, nescio an vlla pars librivacet, cuiusmodi sunt: *Nugæ, conuitia, temeritas, Vanitas, impudentia, blasphemia, sermonis barbaries, cum eadem felicitate scribendi, cauillationes, applicatio inepta, fingere historias, audacia quæ in hominem sanæ mentis cadere non potest, vel sensu communi caret, imperitia & leuitas, omnem omnino pudorem & conscientiam exuisse, mala fide nobiscum agit, vt lectoribus per fas & nefas imponat.* His & eiusmodi conuicijs, nescio vllamne paginam immunem reliquerit, nisi fortè vbi inutili otio abutens, Pontificia Breuia, suamque ipsius epistolam recitat. Sed hæc fortè in ignotum Apologiæ authorem solummodo; quem tamen (vt suprà demonstraui) probè norat, probra mittebat: immo verò nec mihi ipsi, nec nomini meo pepercit. Modò affirmat Clementem Pontificem sensisse, me

a Tortus pag. 47.

b Pag. 98.

c Pag. 87.

d Pag. 98.

e Ibid.

f Pag. 97.

a *non abhorre à fide Catholica*; modò, me b *in Scotia Puritanum, & Protestantium inimicum extitisse*, alibi concludit, c *Quia Iacobus non est Catholicus, hoc ipso hæreticus est*: iterum, d *Ex Christiano Calvinistam fecerunt*: alio loco, e *Neque omnino verum est, Iacobum nunquam deseruisse religionem, quam primò suscepit*. Et posteaquam Iuliano Apostatæ me contulisset, hoc argumento rem concludit, f *Cum Catholicus non sit, neque Christianus est*. Sit hæc honesta necne ratio cum Rege agendi, vestro sane iudicio relinquo; quos non potest tanta contumelia vni vestri ordinis illata, non grauius commouere.

Iam verò argumentum, & subiecta materia libri, modo tractandi probe conuenit. nusquam enim ad id, in quo causæ cardo vertitur, directè responderet. quippe duo tantum sunt capita, de quibus in Apologia differui, vt suprà monui. Prius, vt probarem in fidelitatis Sacramento, nihil aliud, quàm obedientiam merè Ciuilem & secularem, summis Principibus à subditis debitam, contineri. Alterum, vt ostenderem, hanc in Reges potestatem à Pontificibus iniquè vsurpatam, cum Scripturis, Concilijs, & Patribus pugnare. Prius, non aliter quàm hac



hac vitiosa consequutione refutat: cùm hoc iureiurando, ius abdicandorum Regum, Pontifici negetur; ne quidem excommunicandorum potestatem illi relinqui. Nec posterius disputationis meæ caput alijs machinis adoritur, quàm illis Christi verbis, *Pasce oues meas: & Tibi dabo claves regni cælorum: & Nemini unquam Catholico id dubium fuisse: vt asseuerare verè possim, aut non ab eo intelligi meum librum; aut certè ignorationem simulari, eò quòd nusquam appositè respondeat primariæ quæstioni; vt suprà demonstratum est. Itaque iure optimo possum in ipsum ignorantie fugillationem retorquere, cuius me temerè damnauit initio libri, dum affirmat me, nec Pontificis Breuia, nec epistolam, nec iuramentum ipsum intelligere. Cæterùm vt hac vitiosa consequutione delectatus, eandem ad fastidium repetit, in eaque triumphat, non posse Pontifici coercendorum & proscribendorum Regum ius, nisi cum Primatu & spirituáli excommunicationis potestate, auferri: ita hoc verborum fundamento, *Pasce oues meas*, immane quàm amplum solutùmque imperium Pontifici exstruat; quo ad libidinem condonare atque adimere regna possit: huic tamen seruituri, non alios quàm Christianos Reges addicens. Nec dubito, quin pro Imperij vestri maiestate, iniuriam tam indignè auctoritati vestræ illatam sitis grauer laturi: præsertim cùm illis omnibus è vestro numero, qui Romanam amplectuntur religionem, hoc, magis quàm mihi, prouidendum sit. Nam cùm me hæreticis annumeret, cùm Iuliano Apostatæ æquet, extra caulam etiam, gregemque Pontificium, esse putet necesse est. Eodem itaque iure cum Ethnicis Principibus censendus sum, in quos ipse nihil posse Pontificem fatetur. At vos, de Pontificio grege estis: vos magnus ille Pastor *instar ouium ad occisionem ducere* pro libidine sua potest. Cùm aselli auriculas vellet Leo pro cornibus accipi, idem omnes sentire oportebat; & vos pura fortasse nitidèque cute, nihilominus vt scabie infectæ oues, segregandi prorsus estis, si vos censura Pontificia tales esse iudicarit.*

Sic nouum & egregium, scilicet, sensum his Christi verbis affinxit, *Pasce oues meas*: tanquam hoc significarent, Tolle, proscribe, abdica Christianos Principes atque Reges: Illis quoque, *Quodcunque solueris*, quibus potestatem Pontifici datam esse contendit, in omni iuramentorum, votorumque, mulctarum quoque, censurarum, atque legum genere dispensandi: immo & soluendi naturale hoc vinculum, quod subditos ad obtemperandum suis Principibus astringit: interpretationem absurdam, eique simillimam, quam nuper ex illius fratribus vnus ridiculè diuulgauit: nam hæc verba, quæ Petro in ecstasi in rapto dicta sunt: *Surge Petre, occide, & manduca*: ita<sup>a</sup> Baronius exponit: Age, Papa, confice Venetos, penitusque disperde.

\* Sent. Baron.  
super excom.  
Vener.

Sed est totus in fermento, quòd sententiâ ex Controuersiarum ope-

Lib. de Clericis cap. 28.

Pag. 135.

Pag. 11.

re productâ, alienum à Regibus eius animum detexerim. Nam cum in ea parte, quæ est de Clericis, eò audaciæ deuenerit, ut Ecclesiasticos homines, omni terrenorum Regum potestate solutos pronunciet: nec eos, vel in ciuilibus rebus, ad obsequium posse adigi, nisi tantummodo *vi rationis*, & pro arbitrato suo, pacis, & tranquillitatis publicæ conseruandæ gratiâ: quia, inquam, citans hunc locum in libro meo, mirandus refero, eximere illum omnes Clericos potestate Regum, etiam eorum sub quorum imperio nati sunt, & in quorum regnis degunt: Tortus, meis verbis commotus additionem esse ait, ad concitandum ipsi odium, & conflandam inuidiam, astutè insertam. *Affirmat quidem Bellarminus cum communi sententia Catholicorum*, inquit, *Ecclesiasticos exemptos esse à potestate Principum terrenorum: sed illas particulas, qui & nati sunt, & degunt in regnis Principum, Bellarminus in libro suo non posuit*: quasi verò hæc verba, de omnibus Ecclesiasticis, Regibusque omnibus absolute prolata, non eum, quem eliciui sensum faciant. Nam ne Laici quidem, ut Clericos mittam, alijs quàm legitimis suis Principibus ad obsequendi parendique necessitatem tenentur. Sed nec erubescit confiteri, eam sibi fuisse mentem, quam argui: *Non quòd*, inquit, *Verum esse existimem; sed quia non erat opus ad ista descendere*. mihi autem succenlet, quòd arcanum eius extulerim, iam pridem typis ab ipso auctore euulgatum. Sed quorum ille odium in hoc pertimuit? nonne vestrum? quorumue interest, nisi Regum, nequid prærogatiuis regalibus detrahatur? Quòd si potentissimus quisque vestrum altè serioque recogitet penè tertiam populi solique vestri partem, Ecclesiæ esse dicatam, nonne illius, quæso, iacturæ sensus animos vestros percutiet, quæ tantum hominum fundorumque vestro iuri subtrahat, ut ubique Pontifici coloniarum prouinciæque constituentur? immò quantum spinarum & tribulorum in medijs vestris ditionibus relinquitur, cum asseratur tam potens hominum factio sub imperijs vestris nasci, educari, optimisque prædijs frui posse, quæ à vestra potestate immunis sit, nec villo iure vestris legibus iudicijsque subiecta? Adeò ut, cum antiquitus, Clerici nihil ultra decimas appeterent, ijsque contenti viuerent: nunc Papa Clericorum caput, non nisi tertia ciuium & bonorum ac fundorum parte, in omnibus Regnis & prouincijs accepta, acquiescat. Sed nec hoc tantum loco prærogatiuam illam Papæ in Reges Principesque exequitur; totam libri seriem rum in eâ extollendâ impendit; tum in iniqua mea seueritate accusanda, quòd Catholicos homines adigam ad hoc fidelitatis sacramentum, quod euincere nititur, nihil esse præter antiquum illud Primatus *iuramentum*, nunc recens *verbis obscurioribus, & per ambages circumlocutionum formatum*, in hoc tantum, ut clandestinis machinis spiritualis Pontifici auctoritas eripiat: quam ipse sæcularem Pontificis in Reges Dictaturam, præcipuis Catholice fidei articulis annumerat.

Ac

Ac ut vobis in perspicuo magis sit, non alium mihi scopum in hoc negotio extitisse, quàm ut de ciuili & temporali *obedientia*, quæ mihi à subditis debetur, agerem; nec illorum conscientijs infidias à me esse comparatas (quod hic mihi Conuitiator falsissimè obiecit) primùm illud videamus, quàm longè Imperatores atque Reges, qui superioribus sæculis religiosè Christianèque vixerunt, ab eo abfuerint, ut ius in se aliquod Pontifici esse crederent: cùm contrà, Papas ipsi creauerint, in ordinem redegerint, adeoque de sede deiecerint. Instituam deinde decessorum meorum Regum Angliæ Catalogum, qui eo ipso tempore, quo res Pontificiæ florentissimæ fuerunt, Pontificibus in eorum temporalem auctoritatem grassantibus animosè restiterunt.

Ac primùm quidem Imperatores Christiani, multis sæculis, non modò Romano Antistiti non submittebant sua sceptrà, sed & Papa se Imperatorum Beneficiarium ac subditum omni obsequio & submissione fatebatur. huius assertionis probationes ac exempla ex mea Apologia peti possunt.

Sed & per ætates complurimas certum ius ac inuiolatum apud Imperatores mansit, Romanos Pontifices creandi. Testis mihi princeps erit ille Pontifex, qui in<sup>a</sup> Concilio 153. Episcoporum, Abbatumque decreuit, ut Carolo Magno Imperatori ius ac potestas esset, eligendi Papam, & *ordinandi sedem Apostolicam: dignitatem quoque Patriciatu ei concessit. Insuper Archiepiscopos & Episcopos per singulas prouincias ab eo inuestituram accipere definuit: ut nisi à rege laudetur & inuestiatur Episcopus, à nemine consecratur: & quicumque contra hoc decretum ageret, anathematis vinculo eum innodauit: & nisi resipisceret, bona eius publicari precepit.*

Quòd verò Imperatoris assensus, longo annorum decursu, eligendis Pontificibus interuenerit, <sup>b</sup> Platina, multique ex Pontificijs scriptoribus testes sunt: atque ipse <sup>c</sup> Bellarminus in suo Controuersiarum opere hoc commodè eludere non potest. Quin & certam pecuniam, ut confirmationem obtinerent, Pontifices in Imperatorium fiscum dependere cogebantur, quem morem penè ad septingentesimum Christi annum durasse, <sup>d</sup> Sigebertus & <sup>e</sup> Luitprandus, alijque Pontificiæ sectæ historici, testes sunt.

Sed & passim occurrunt Imperatorum exempla, qui Romanis Pontificibus suam potestatem abrogarunt. <sup>f</sup> Ottho Imperator, Iohannem duodecimum Pontificatu abdicauit, quòd esset varijs criminibus, ac præcipuè libidine infamis. <sup>g</sup> Henricus tertius Imperator exiguo temporis spatio, Benedictum nonum, Syluestrum tertium, & Gregorium sextum, *Synodaliter deposuit*, cùm insimulatos auaritiæ, tum quòd hanc in Principes extraordinariam potestatem proteruè & procaciter vsurpassent.

Nec minor Regum constantia, hoc in se ius Pontificis temporale asper-

a Sigebert. ad annum 773. Valthram. Naumburg lib. de Episc. inuest. Mart. Polon. ad annu 780. Theod. à Nicem. de Priuil. & iurib. Imperij & dist. 63. C. Hadrian. b Vide Platina in vit. Pelag. 2. Gregor. 1. & Scuerini. c Lib. de Clericis. d In Chronicis ad an. 680. e In vit. Agath & Anast. in vit. Agathon & Her. Contract ad annum 678. edit. post. & dist. 63. c. Agat. f Luitprand. hist. lib. 6. cap. 10. 11. Rheginno ad an. 963. & Plat. in vita Ioan. 13. g Marianus Scot. Sigeb. Abbas Vrsf. ad an. 1046. & Plat. in vit. Greg 6.



<sup>a</sup> Walthram.  
Naumburg.  
lib. de inuestit.  
Epif. vixit cir-  
ca annum  
1110.

<sup>b</sup> Vide An-  
nal. Franc.  
Nicolai Gillij  
in Philippo  
Pulchro.

<sup>c</sup> Anno 1268  
ex arrestu Se-  
natus Parisi-  
ensis.

<sup>d</sup> Ioan. Ma-  
rierius lib. de  
Schismat. &  
Concil.

aspernantium. nam primùm, illustrium auctorum consensu, qui res Regum Christianorum Scriptis prodiderunt, accepimus (vt <sup>a</sup> Walthramus testis est) *de Episcopis Hispania, Scotia, Anglia, Hungaria, quomodo ex antiqua institutione usque ad modernam nouitatem, per Reges introierint, cum pace temporalium, purè & integrè. Qui pacificè sollicitus est, reuoluat vitas Patrum, & historias legat, & intelligat.* Ac vt hanc illius sententiam vniuersè prolatam, per partes & articulos probemus, ordiamur à Franciæ Regibus, quanquam à Walthramo in hac diuersarum gentium enumeratione prætermisissis. Ex illorum monumentis primùm eruam, <sup>b</sup> Philippi, cui cognomen Pulchro fuit, illas celebres ad Bonifacium octauum literas, quarum (post ridiculam salutationem) initium in hæc verba conceptum est: *Sciat tua maxima fatuitas, nos in temporalibus alicui non subesse, &c.*

<sup>c</sup> Ludouicus quoque nonus, qui Sanctus vsurpatur, publicâ sancti-  
one, quam Pragmaticam appellant, omnes Curia Papalis exactiones  
intra regnum suum prohibuit. Sub initia deinde Ludouici vndecimi,  
<sup>d</sup> Pius secundus Pontifex, sanctionem illam ante tot annos latam egre  
ferens, legatum cum solennibus publicisque literis ad Ludouicum  
transmisit, quibus vehementer efflagitabat illius promissi fidem, quo  
se Ludouicus, cum tantum Delphinatus Princeps esset, obstrinxerat, si  
quando Francico sceptro potiretur, se Pragmaticam sanctionem anti-  
quaturum. Rex ad Parisiense Concilium, cui rem cognoscendam  
commiserat, Legatum literasque reiecit. ibi cum negotium agitari  
cœptum esset, Pontificia primum postulatio est à Iohanne Romano,  
Regis Aduocato, acriter oppugnata: in cuius sententiam cum Parisi-  
ensis Academia iuisset, à Pontificijs conatibus, ad proximum generale  
Concilium prouocatum est. Ita Cardinalis irarum plenus, re infecta,  
discessit. Immenso laboris sit, & qui in volumina excrescat, sigillatim  
perconsere, quories Franciæ Reges, ipsaque Gallicana Ecclesia, Ponti-  
fici obstiterint; vel aliquod sibi ius in eos temporale arroganti; vel in  
ipsorum priuilegia irrumpenti: adeò vt nec illi in ipsâ Beneficiorum  
collatione assenserint. sed & tanto studio à Regis Ecclesiæque Gallica-  
næ partibus, Sorbonistæ steterunt, vt senserint, si Pontifex Romanus  
Regi de eiusmodi rebus controuersiam mouisset, posse Ecclesiam Gal-  
licanam sibi Patriarcham constituere, & à Romana sede deficere. Et  
Gersonus ille, cætera Romanæ fidei tam pius rigidusque propugnator,  
tantum abfuit vt ius istud sæculare Pontificibus assereret, vt contra, de  
*Auferibilitate Papæ ab Ecclesia*, librum scripserit, quanto magis à Regum  
ac Principum ceruicibus? Nunc verò vt cætera externorum Regum  
facta præteream, satis erit decessorum meorum aliquot, qui in Anglia  
regnarunt, exempla memorare: vt omnibus inde constet, etiam illis  
sæculis quibus crassior cæciórque veritatis ignoratio Orbi incubuit,  
Angliæ

Angliæ Reges sæpe, Pontificium ambitum, gliscentemque tyrannidem non modò non tulisse, sed & illi fortiter restitisse.

Atque in hoc ordine princeps mihi erit Rex<sup>a</sup> Henricus id nominis post Conquestum primus, qui concessit *Episcopatum Wintoniensem Willielmo Gifford*, & continuò de possessionibus cunctis ad *Episcopatum pertinentibus*, contra noui Concilij statuta inuestiuit.

<sup>a</sup> Matt. Paris in Henric. 1. anno 1100.

<sup>b</sup> Idem Henricus dedit *Archiepiscopatum Cantuariensem Radulpho Londinensi Episcopo*, & illum per annulum & pastorem baculum inuestiuit.

<sup>b</sup> Idem ibid. anno 1113.

<sup>c</sup> Sed & *Papa Calixtus Rhemis Concilium tenuit*, ad quod Rex Henricus quosdam *Angliæ & Normanniæ Episcopos* destinauit. *Turstanus quoque Archiepiscopus Eboracensis electus*, illuc veniendi licentiam à Rege impetrauit, interposita fide, quòd benedictionem ab eo non reciperet. Qui ad Concilium veniens, Romanos (sicut mos est) in suum fauorem largitatis beneficio transtulit: & per eos ut à Papa consecraretur, impetrauit. Quod ut Regi Anglorum innotuit, omnem ei locum suæ dominationis interdixit.

<sup>c</sup> Idem ibid. anno 1119.

<sup>d</sup> Rex Edwardus 1. Abbati de Waltham, & Decano Ecclesiæ Sancti Pauli interdixit, ne decimus bonorum cuiusque in Hierosolymitani belli sumptum colligerent, quanquam hanc prouinciam illis Pontifex tribus *Bullis* demandasset: Decanus verò, Abbate interim mortuo, Regi, Regiòque se stitit consilio, promisitque se, quâ erat in Regem obleruatiâ, nihil vltra, nisi iussu nutûe Regis in eo negotio gesturum. Hic hominem Ecclesiasticum teneo, qui Papæ non paruit, ut Regi suo parêret, in rebus quoque Ecclesiasticis. nondum scilicet noua hæc Iesuitarum Theologia orbi innotuerat.

<sup>d</sup> Ex archiuis Regni.

Idem ille Edwardus, diem Decano Sacelli de Woluerhampton dici iussit, quòd contra regni priuilegia ex sacelli sui Prebendis vnam, ad Pontificis mandatum, cuidam contulisset. Decanus autem compariuit, culpamque confessus sese regiæ clementiæ permisit. Sed & Dunelmensem Episcopum prerogatiuis ac priuilegijs omnibus idem Rex spoliauit, quòd prohibitorio cuidam interdicto minimè paruisset. Inde palàm est, nequaquam illius sæculi Principes credidisse, Clericos à sua iurisdictione esse exemptos. Sed nunc sublimior quædam nobis & Seraphica in contrarium doctrina proponitur.

Denique ad pleniorẽ huius rei fidem faciendam Ioannis de Istok accedat exemplum, qui in carcerem ab eodem Edwardo coniectus est, quòd totos septem annos apud Romanæ Curia Iudices, super Neuchurchiensis Reçtoratu contendisset.

Edwardus secundus paternis vestigijs insistens, Abbatem de Walden, quòd Sancti Albani Abbatem cum alijs aliquot ad Romanam Curiam citauisset, primò ad causæ dictionem vocari, mox & in custodiam duci iussit.

Eadem ratione, cum Bamburiensis quidam Præbendarius, Beuer-

cotum

cotum quendam ad Romanam Curiam traxisset, literæ statim Regiæ intercesserunt, quibus capi præbendarius, & custodiæ mandari iuebatur.

Nec verò Edwardus tertius ab his Aui, Patrîsq̃ exemplis abiuit. Cùm Lichenfis Rector diem Priori Sancti Oswaldi dixisset, vt se Pontifici Auenione sîsteret, quòd apud Iudices in Curia Domini Regis pensionem quandam contra ipsum recuperasset: Rex imperauit, vt in temporalia simul ac spiritualia eiusdem Rectoris bona inuaderetur. Idem cùm Harwoden quidam, Pontificiam Bullam contra sententiam à suis Iudicibus latam impetrasset, reum esse, dignumque in quem animaduertetur, pronunciauit.

Sic & illum qui Pontificijs Bullis fretus, seipsum in Barnuellensis Prioratus possessionem miserat, deduci in Turrim Londinensem iussit, & in ea custodia, Regis arbitrium expectare.

Ex quibus liquet, ne florentissimis quidem Pontificis rebus, maiores meos vilius ex subditis contumaciam inultam tulisse, qui mandato Pontificio Regium imperium posthaberet, etiam in eis rebus, quæ ad Ecclesiam pertinere videbantur: tantum aberat, vt se, vel Pontificiæ potestati in temporalibus mancipatos; vel Clericos à sua Iurisdictione emancipatos iudicarent. Et hæc quidem tot Regum exempla obfig-nabo, publicorum Ordinum, sub Richardo secundo, decreto, quo cauetur, Nequis beneficium à Pontifice Romano impetraret: qui secus faxit, extra Regis fidem & tutelam censeretur. Ita quod quatuor illi Reges continua serie factitarunt, id lege publica confirmatum videmus.

Paucis hisce exemplis, satis, vt opinor, apparet me omni calumnia liberatum; neque ambitione, aut nouandarum rerum studio quicquam esse molitum, quòd aliquid Pontifici debitum subtraherem: vel mihi aliud arrogarem, quàm quod Imperatores Christiani, & diuersarum gentium Reges, præsertim qui ante me in Anglia regnarunt, multis retrò sæculis pro suo vindicarunt. Neque verò illa Parsonij ad D. Cookium responsio accipienda est; multò plures Angliæ Reges esse, qui obsequij & ad omnia Pontificis imperia facilitatis suæ monimenta reliquerint: cùm quibusdam fortasse occasio, alijs vires ad resistendum defuerint. Nam ipso iure Ciuili, satis est iniustam meorum iurium vsucapionem quotiescunque licuit, fuisse interruptam.

Verum hoc fidelitatis Sacramentum, non tantum ob conceptas in eo formulas, sed & illius ratione, cui præstandum est, Bellarminus repudiandum censet. Rex enim, inquit, \* *Catholicus non est*: & alijs aliquot locis, addito meo nomine, vt suprâ memoratum est, me hæreticum dicere non dubitauit. Sed vel ipso iure Pontificio, antequam hæreticus publica sententia renunciatus fuero, non est vt populus meus auctoritatem



auctoritatem meam defugiat. Equidem si priuatitantummodo hominis personam sustinerem, causamque coram ipso ac Cardinalibus in Conclavi suo dicerem; credo, difficile foret hæreticum me euincere, si ex antiquis ipsorum Decretis & Canonibus iudicium hoc exercere vellent.

Primum enim, quicquid Cardinalis in contrarium asserat, non sum Apostata, qui non modo in eadem, quam hodie profiteor, religione semper ab ipsis incunabulis innutritus fuerim: sed & Patrem, paternumque Avum, idem de fide sentientes habuerim, ut nec ex ipsorum regulis (cum in eorum nunquam Ecclesia fuerim) propriè hæreticus dici possim. Regina autem mater mea Augustæ memoriæ, quanquam in ea religione perstiterit, quam à teneris imbiberat; tantum tamen à crassioribus quorundam Papistarum superstitionibus, & nuperis Iesuitarum dogmatibus abfuit, ut & Archiepiscopo illi, qui me Baptismatis fonte abluerat, interdici curauerit, ne saluâ inter ceremonias vteretur. Et quidem mos gestus imperanti; omisâ quæres illa, fœda sanè, magisque ad mimicum Christi derisum, quàm ad imitationis pietatem inuenta. Eius verba hæc fuerunt; Nolle se, ut impurus, & lue Veneræ infectus presbyter, in os infantuli sui inspueret. Quin & Baptisterium, in quo salutari aqua tinctus sum, hinc in Scotiam, Serenissimam & immortalis memoriæ Elizabetha transmiserat; quæ etiam me per Legatum de fonte suscepit: quæ quidem in religione quid senserit, Pium V. non latebat. Ac ut clarioribus argumentis illam gloriosissimi nominis Reginam, meam Matrem, à superstitionum ineptiis vindicem, id asseuerare possum, me nullis literis, quas ab ea frequentes habui, ad Pontificiam religionem fuisse inuitatum. supremis quoque verbis Præfectum domus suæ, nobilem Scotum, qui hodie viuit, & in meis domesticis est, his mandatis ad me perferendis oneravit: quanquam ipsa diuersæ religionis esset ab ea, in qua, Dei beneficio, mihi educari contigit; nolle se tamen me ad sua sacra vehementius hortari, nisi mihi mutationem illam, conscientiæ secreta vis persuaderet. Si probè, sanctèque viuerem; si sedulò ius redderem, & commissos mihi populos prudenter pièque gubernarem, non dubitare se, quin bene mecum ageretur; & possem in ea, quam colebam, religione perseverare. Non sum ergo Apostata, qui nec eius fidei desertor, quam partim parentum meorum tenuerunt, partim arbitrio meo permiserunt. Nec si illorum ritibus Baptismate ablutus, nihilominus ab ijs in religione dissentio, ideò aut Apostata, aut hæreticus dici possum: cum de *Baptismi substantia*, nulla sit lis inter nos, omnièque baptizemur *In nomine Patris, & Filij, & Spiritus Sancti*: atque ita in hoc doctrinæ capite nulla est inter nos controuersia.

Quòd autem me Hæreticum arguunt; nunquam equidem me pudebit

a 1. Pet. 3.

debit *fidei* meæ rationem reddere, &, vt iubet<sup>a</sup> Apostolus, *illius spei quæ in me est*. Is ego sum *Catholico-Christianus*, qui in tria *Fidei* symbola, Apostolicum, Nicenum, & illud Athanasij libens iurem; quorum duo posteriora primi paraphrasin continent. Hęc in eum sensum interpretor, quem illis esse voluerunt Patres atque Concilia, à quibus sunt condita atque descripta: quibus quidem symbolis, quotquot sunt in Anglia Ministri, subscribunt, cum ordinantur. Sed & alijs omnibus Symbolis, tanquam legitimis & Orthodoxis assentior, quæ, vel à Concilio aliquo publicè, vel priuatim, ab antiquis Patribus, in eiusmodi hæreticos cõscripta sunt, qui ipso sæcula, pestiferâ aliquâ doctrinâ infestant.

Prima quatuor generalia Concilia, tanquam Catholica & Orthodoxa veneror atque recipio: quæ & publica Ordinum nostrorum sanctione recepta sunt, & ab Ecclesia nostra pro Orthodoxis habentur.

*Patribus* autem eam venerationem exhibeo, quâ nec ipsi maiorem optarent, nec Iesuitæ parem vnquam detulerunt. Quicquid enim quadringentis post Christum annis, vnanimi consensu, Patres ad æternam salutem esse necessarium statuerunt, aut cum ijs ita esse sentiam, aut modesto saltem silentio obmutescam; reprehendere certè non audeo. Sed priuatis singulorum Patrum sententijs ita meam mentem astringere, vt ab eis recedere integrâ *fide* non possim; quî id mihi iugum imponam, quod ipse à se Bellarminus amolitur, cum præsertim ipsi Patres inter se soleant repugnantibus & contradictorijs sententijs decertare? Mihi igitur in antiquorum Patrum scriptis, <sup>b</sup> Augustini cautione vt placet, *Quod in eis diuinarum Scripturarum auctoritati congruit, cum laude eorum accipio; quod autem non congruit, cum pace eorum respuo.*

b Lib. 2. contra Crescon. cap. 32.

*Scripturis* quidem ipsis, nemo opinor est, qui non à me eam fidem haberi, quæ illis à Christiano homine debetur, existimet. Ipsa etiam Apocrypha eo loco habeo, quem illis Antiquitas tribuit: cum Biblijs nostris excudi solent, & eodem volumine compingi; publicèque in Ecclesijs læctantur. Et hæc quidem, vt à sanctis pijsque hominibus scripta, veneror: sed cum absint à Sacrorum librorum Canone, ac Catalogo, *secundæ læctionis, ac ordinis* (quæ & ipsa<sup>c</sup> Bellarmini distinctio est) esse credimus: nec illorum auctoritatem tanti esse, vt *Fidei* vllum caput (nisi quod alijs Canonicae Scripturæ locis asseritur) elici, aut stabiliri inde possit. Atque ita cum<sup>d</sup> Ruffino, qui nouitius, credo, non est, hunc locum concludo, qui Patres ait, *Omnia quidem legi in Ecclesijs voluisse: non tamen proferri ad auctoritatem ex his Fidei confirmandam.*

c Lib. 1. de Verbo Dei. cap. 4.

d In expositione Symboli.

De *Sanctis* verò vitâ functis, colo equidem illorum memoriam; cuius honestandæ ergo, nostra publicè Ecclesia tot solennes dies instituit, quot Scripturæ auctoritate in album Sanctorum relatos legimus. Sed tot nugis, quæ in nouitiorum Sanctorum actis ac legendis perscribuntur, sanè credulitatem meam deludi non fero.

Ac

Ac primum id *Beata Virgini* tribuo, quod de ea Gabriel asseruit, & in suo Cantico de se ipsa prædixit, <sup>a</sup> *Benedictam esse in mulieribus*, & <sup>b</sup> *benedictam eam omnes generationes esse dicturas*. Hanc ego Christi Matrem veneror, ex qua humanum sibi corpus assumere Saluatori nostro visum: atque adeò Dei Matrem, cum in Christo non possit à diuinitate humana natura separari. Illam ego supra omnes beatorum hominum, ac Spirituum ordines ad cælestem gloriam elatam, excepto illo vno, Deo simul ac homine, eius Filio, piè ingenuèque fateor, constanterq; contendo. Sed, nec ipsam deridiculo ausim habere, nec impias in Deum voces emittere, non illi Diuæ modò, sed & Deæ nomen tribuens, obtestansque vt Filio illi quidem, sed & Deo & Saluatori suo, imperet & dominetur. Ne illud quidem in animum induco, tam otiosè in cælis eam degere, vt absurdis cuiuslibet inepti hominis orationibus pateat, scelèque eius rebus ac negotijs immisceat; nunc precibus, nunc imperio cum Filio suo agens; modò in terras ad sacerdotum oscula & complexus descendens, modò cum dæmonibus acri ac pertinaci altercatione contendens. In cælis, in æterno sanctarum animarum receptaculo, in æternam est fœlicitatem collocata, nunquam à tantis gaudijs vllâ terrenarum rerum curâ, aut sollicitudine auocanda. Sit ibi sanè cum charissimo Filio, suo, nostròque Redemptore, in perenni beatitudine, & omnibus sæculis duratura.

Venio ad *Sanctorum suffragia*. Scio ego <sup>c</sup> Christum præcepisse, vt <sup>c</sup> Mat. 11. 28. ad ipsum veniamus, quicumque peccatis oneramus: illum quippe nos refecturum & leuaturum. Scio Paulum <sup>d</sup> Apostolum, humilitatem, <sup>d</sup> Col. 2. 8. 23. & religionem Angelorum prohibuisse, omnemque eiusmodi venerationis cultum, in superstitione & humilitate, non ad parcendum corpori, non in honore aliquo ad saturitatem carnis. Sed quâ fiduciâ, quòue auctore decurratur ad Deos Penates istos, siue Tutelares, quasi Aulicos & familiares Dei Opt. Maximi, equidem nescio. Id illis probandum reliquerim, qui noua disputandi ac philosophandi ratione Theologiam corruperunt. Mihi satis est, Deum, per Iesum Christum, prout iubemur, inuocare: & hanc viam tutiorem, ideòque in rebus ad æternam salutem spectantibus potiore, insistere. Quòd si Romanæ Ecclesiæ officina, Fidei articulos ante quingentesimum Christi annum inauditos ac inuisos recenter excudit; non sum credo damnandus pro hæretico, si ad hæc nouitia & nupera non accedam. In his Articulis, priuatas illas missas numero, in quibus Sacrificus simul & populi personam, & sacerdotis sustinet. In his quoque est *Sacramenti mutilatio*, quâ Laicis partem illius mediam subtraxerunt; *Transubstantiatio*, adorandi causa eleuatio, in supplicationibus, Sacramenti circumgestatio, *Supererogationis opera* (quibus *Thesauri Ecclesiastici* nomen iure optimo accommodauerunt) *Baptizatio campanarum*, & mille præterea nugæ; & qui-



dem super omnia illa *Veneratio* statuis imaginibúsque delata. Si in hisce fides mea hæreat, fateor me malle in istiusmodi rebus parùm, quàm nimium credere. Nihilominus cùm eatenus credendo processerim, quatenus Scripturæ præscribunt, Fidei symbola suadent, vetera Concilia decernunt, *Schismaticum* me dicant licet, & à Romana Ecclesia defecisse, certè *Hereticus* esse nullo modo possum.

Quòd ad *Reliquias Sanctorum*, si quas eiusmodi haberem, quas constaret Sanctorum corporum partes esse; eas ego honorificis tumulis solenniter inferrem: nec committerem, ut supremis defectæ funeribus, ad eius infamiæ imaginem seruarentur, quam perditis hominibus, publicòque iudicio damnatis, constituimus in pœnam ultra mortem duraturam.

Sed cùm *reliquiarum*, tum *imaginum* adorationem, pro intolerabili Idololatria habeo atque abominor; Iconomachus sanè non sum: non arguo, si quis aut fingere statuas, aut imagines pingere, siue ad publicum splendorem, siue ad priuatorum hominum domesticos vsus, velit. Sed quòd illas adorari, quòd illis supplicari, quòd aliquam sanctitatis opinionem affingi illis oporteat, id quidem antiquis inauditum; Scripturis verò in contrarium apertissimè atque ex diametro pugnantibus, ita est oppositum, ut mirari non desinam, quod hominum ingenium, quæ Satanæ fraus, hoc tam audax commentum Ecclesiæ Christianæ obtrudere attentarit. Quæ tamen omnia excusantur argutis, hoc genus, effugijs, & sophisticis distinctiunculis; *Idolum*, scilicet, *nihil esse*: se autem rerum *quæ sunt*, & *veri Dei* imagines venerari. At Scriptura omnis rei à Deo conditæ similitudinem coli vetat. Non igitur, *Nihil* fuit, cui Deus cultum deferri interdixit. Sed nec serpens æneus, nec corpus Moyſis *nihil* erant; ille tamen contritus est, hoc absconditum, ne Idololatriæ materiam caussamque præberent. Quin & Dei imaginem non venerari tantum, sed & effingere prohibemur: additæque ratio, Deum sub nullius vnquam aspectum cecidisse. Sanè quid delineemus eius faciem, si Moyſi, quo nemo mortalium Deo familiarior, tantum eius posteriora licuit contemplari? Cum igitur Deus ad viuum exprimi non possit, superuacaneus est labor conatúsque inanis, id falsâ adumbratione corrumpere, quod imitari non possis: quod nemo, non dico, Princeps, sed vix quisquam homo plebeius in sua effigie ferre sustineat. Meditentur itaque, qui sic in religione sentiunt, defensionem aliquam, quâ se in vltimo iudicio Idololatriam exprobranti Christo, probent: qui, an tum temporis istiusmodi excusationes, ex illis argutiarum ineptijs petitas, in solutum accepturus sit, vehementer ambigo.

At *Cruci*, inquit, *Saluatoris*, prærogatiua quædam singularis deferenda est, debetque *ratione contactus* adorari. Primum videamus quod

quod contactus genus sit, qui vim virtutemque ex Christi corpore eliciat : omnino contactus, an is tantum, qui cum fide coniungitur. Non cuilibet id esse datum, non potest dubitari. <sup>a</sup> *Mulier quæ erat in fluxu sanguinis, cum vestimentum Christi tetigit*, propter suam fidem *salua ac sana facta est : nam alioqui turbæ* (Petri verbis) *comprimebant & affligebant Iesum*, cum accessit hæc mulier, in quam solam *virtus de Christo exiit*. Iudas cum sæpe eum alias, tum postremo illo osculo tetigit : tetigit & illa perditorum manus, quæ illum *colaphis cecidit, & cruci affixit*. Ausim tamen profanos impiolque dicere, si qui carnificum illorum colendas reliquias ac adorandas esse credant. Sed & *terra Chanaan* quotidianis Christi vestigijs *tacta*, hodie tam maledicta conspicitur, à Turcis occupata, innumeris Christianorum hæresibus ac scetis infamis; primæ quoque fertilitatis oblita, & in miserabilem sterilitatem degenerans, ut qui eam beatis ac benedictis annumerat, ipse inter maledictos poni debeat. Quin & proclamante muliere, <sup>b</sup> *Beatum ventrem, qui Christum portauisset*, Imò ait, *Beati, qui audiunt verbum Dei, & custodiunt illud*. Aut igitur id animi fuisse Christo probent, ut in lignum illud crucis, ad quod clavis suffixus est, benedictionem effuderit : aut cum suo argumento *de contactu* valeant. Sed demus virtutem patranda miracula, quæ & umbræ Petri data est, cruci esse concessam : an hinc, quæso, consequens est, ipsi cruci adorationem deferendam, quam nec sibi, nec suæ umbræ Petrus deferri pateretur ? Equidem non dubito, quin Prophetæ, qui toties maledixere eiusmodi imaginum cultoribus, quæ oculos habent & non vident, aures habent & non audiunt, multo acerbius dicturi in eos fuerint, qui arboris truncæ partem, ne ad aurium quidem, vel oculorum similitudinem, efformatam venerantur.

Iam *Purgatorium*, iam illa friuola, <sup>c</sup> quæ id commentum consequuntur, indigna existimo, in quibus opera ac tempus impendatur. Sanè <sup>d</sup> Bellarminus nullum ei ex Scripturis fundamentum asstruere potuit. hoc eum tantummodo percontari velim, an viridis ille amœnulusque campus, qui in Purgatorio florentibus spatijs extenditur, interfluente riuo distinctus sit, ut si fortè in eam regionem peruenero, aucupio tempus ac otium fallam. Equidem cœlos, ac inferos esse scio, in præmium ac pœnam Electis, reprobisque constitutos : quot sint præterea animarum sedes, atque receptacula ego, qui Deo à Consilijs non sum, scire nequeo. <sup>e</sup> *Multæ sunt mansiones in domo Patris mei*, ait Christus, qui ipse est vera expiatio, verumque Purgatorium nostrorum peccatorum. Sed quot atria, quot conclauias in malorum Dæmonum domo sint, melius illi dixerint, qui iam illa perlustrarunt. quòd si sint plures animabus sedes, quàm quas ipsi nouimus, destinatæ : satis certè nobis fuerit, eas cognoscere, quas Deus suo Verbo nobis esse voluit reuelatas ; nec ulterius diuinæ mentis arcana scrutemur. *Cælum ac infernum* humano ge-

a Luc. 8.

b Luc. 11.

c Videntur  
bilia, Indul-  
gentiæ, Satis-  
factiones pro  
mortuis, &c.  
d Lib. 2. de  
Purgatorio  
cap. 7.

e Ioan. 14. v. 2

neri aeterna domicilia constituta, ex Scripturis didicimus. Id agamus, ut alterum consequamur, alterum defugiamus : atque hinc finis, extremaque rerum meta.

\* Bellar. lib. 4.  
de Rom. Pont.  
cap. 25.

Sed in hac omni oratione, nondum Romanæ religionis arcem attigimus, id est, *Caput Ecclesiæ, Petricæ Primatum*. nam qui hunc articulum negat, ex Bellarmini sententia, Catholicam fidem negat. Episcopos esse in Ecclesiâ debere, tanquam institutionem Apostolicam, ac ordinationem proinde diuinam, contra Puritanos, contraque Bellarminum semper sensi ; qui \* negat Episcopos à Deo immediate suam iurisdictionem accepisse. Sed nihil mirum à Puritanis eum stare, cum Iesuitæ nihil aliud, quàm Puritano-papistæ sint. Et quo studio in Episcoporum, & Ecclesiasticæ Hierarchiæ (Politici duntaxat ordinis causa) defensionem semper incubui, eodem in confusam illam Anarchiam & parilitatem Puritanorum inuectus sum, ut vel ex ΒΑΣΙ-

ΛΙΚΟ meo ΔΩΡΟ satis constat. Cælum, cœlestisque spiritus per ordines ac discrimina disponi, ac gubernari scimus : immo nec Inferi sine suo quodam ordine & distinctione stare possunt. Dæmones in legiones digesti sunt, suosque principes habent. Cui igitur cœtus in terris aliquis confusus permistusque, nullo ordinum dignitatumque discrimine, possit consistere ? Quamobrem, satis equidem mirari non possum, quo ore iste Apologiae meæ Censor pronunciare potuerit, *me in Scotia Puritanum, & Protestantium inimicum extitisse*. Ego igitur Puritanus, qui à Puritanis non solum à natiuitate continuò vexatus fui ; verumetiam in ipso matris utero propemodum extinctus, antequam in lucem editus essem ? Ego, qui anno salutis 1584. suam Episcopis dignitatem restitui, & æqualitatem illam popularem, cum nondum ad ætatis annum duodeuicesimum peruenissem, repressi ? Ego, qui in meo ad Filium libro multò acrius ac vehementius in Puritanos, quàm Pontificios inuectus sum. cui etiam, cum secundò ederetur, prolixam in odium Puritanorum Præfationem Apologeticam præposui ? Ego denique, cui sex totis annis antequam in Angliam venirem, præcipuus labor fuit, deiectos Episcopos restituere, & Puritanorum Anarchiam expugnare ? Imò verò si de rebus in Scotia à me gestis, ad instar Cæsaris, Commentarij ederentur, vix à tertio decimo ætatis meæ anno integrum mensem abiisse constaret, in quo non eiusmodi aliquid acciderit, quod Cardinalitium in hac re mendacium arguere, ac refutare possit. Præclara sanè laus, præclarum encomium, quo Puritanos ornaui, cum me plus fidei, vel in illis efferis cum montanis, tum limitaneis latronibus, quàm in hoc genere hominum inuenisse professus sim. Sed omisâ hominis impudentiâ, ad rem ipsam redeamus.

Episcopos, & Ecclesiæ Hierarchiam (ut modo dixi) & inter ipsos  
Episcopos



Episcopos ordinem aliquem, ac discrimen libens agnosco. Scio Patriarchas in Ecclesia Primitiua extitisse; & institutionem illam ordinis & discriminis causâ amplexor. Sed & inter illos de principatu magna contentione certatum est: quòd si in eo quæstio adhuc verteretur, meo libens suffragio primum locum Episcopo Romano deferrem: Ego Occidentalis Rex, Occidentali Patriarchæ adhærerem. Sed nec illi de temporali suo iure litem moueo: sit, per me licet, *primus Episcopus inter omnes Episcopos*, sed eo sensu *Episcoporum Princeps*, quo Petrus *Apostolorum Princeps* fuit. At verò, vt Hierarchiam Ecclesiasticam probo, ad ordinum dignitatumque discrimen (sic enim intelligi volo) ita prorsus pernego, terrestrem esse aliquem Ecclesiæ Monarcham, cuius verba pro legibus esse debeant, quique *infallibilitate* spiritus, nunquam in suis sententijs errare possit. Nec, si regna terrestria à Monarchis terrestribus regi debent, ideo Ecclesiam sequitur à terrestri quoque Monarcha debere gubernari, nam nec vnus est aliquis totius orbis regnorumque omnium moderator ac Monarcha. Christus Ecclesiæ suæ Monarcha est, Christi que vices explet, quem venturum promiserat Spiritus Sanctus. <sup>a</sup> *Reges gentium dominantur eorum, vos autem non sic.* Nec <sup>a</sup> Luc. 22. v. 27. Christus antequam in cælos ascenderet, pollicitus est se Petrum, qui Apostolos dirigeret ac doceret, relicturum; sed <sup>b</sup> Spiritum Sanctum <sup>b</sup> Ioan. 14. 26. se in eum finem missurum esse prædixit.

Et quidem quòd ad geminam illam ex Scripturis probationem, quâ fretus Bellarminus Papam supra Reges effert; nimirum, *Pasce oues*: & *Tibi dabo clauis*, haud ignorat Cardinalis hanc potestatem Clauium à Christo <sup>c</sup> alibi Apostolis in plurali numero esse concessam. sed nec est <sup>c</sup> Mat. 18. 18. inficius, quam rationem Veteres afferant, cur Sancto Petro potissimum *oues pascere* mandauerit: quantum præterea tum scriptorum veterum, tum nouitiorum Papistarum agmen sit, quibus nec pauci Cardinales assentiuntur, qui vtrumque Petro quidem dictum, sed ad omnes pertinuisse Apostolos arbitrantur, quorum ipse personas sustinebat. Quod nō esset, quī potuit quæso, <sup>d</sup> Paulus Corinthiorum Ecclesiæ auctor esse <sup>d</sup> 1. Cor. 5. 4. incestum illum excommunicandi, *cum spiritu suo*? dicendum sanè fuerat, cum spiritu Petri. Quī potuerunt omnes Apostoli censuris suis in nomine Christi vti, nec vllibi eius Vicarij meminisse? In omnibus Apostolorum congressibus Petrum, vt è multis vnum, legimus inter illos confedissee. cūque Antiochiam lecti viri ab illo celebri Apostolico Concilio, quod Hierosolymis est habitum, mitterentur, disertè scribitur, <sup>e</sup> *Visum est Apostolis & presbyteris, totique Ecclesiæ, mittere lectos vi-* <sup>e</sup> Act. 15. 22. <sup>23.</sup> *ros*: sed merum de Ecclesiæ capite silentium. Sic & in eorum literis, Apostolorum, Seniorumque, & Fratrum fit mentio; de Petro nec verbum. Sed & mirum est Corinthios à <sup>f</sup> Paulo obiurgatos, quòd per- <sup>f</sup> 1. Cor. 1. 12; sonis hominum plus æquo deferrent, alique se Pauli, alij Apollo, alij

a Galat. 2.

b Galat. 1. 18.

Cephæ sectatores profiterentur. nam si Petrus *visibile Ecclesie caput* fuit, qui non ab eo stabant, à fide Catholica recedebant. Sed apertissimè constat Paulum non satis in hac nupera ac nouitia doctrina fuisse institutum, <sup>a</sup> qui cum Petro tam parum comiter egit, vt illi se non æquaret modò, sed etiam anteferet. Nihilominus Cardinalis ex eo superiorem Petrum probat, quòd eius inuiscendi gratià <sup>b</sup> Paulus Hierosolyma profectus sit. sanè Paulus eò se profectum, vt Petrum videret, & de certis rebus cum eo ageret, testatur: sed addidisse debuit, eò quoque se, ad sacra pedum oscula esse profectum. Ac quidem vt hanc questionem absoluiam, verum est Petrum, & ætatis, & temporis, quò à Christo vocatus est, ratione, vnum ex primarijs Apostolis fuisse: Principem ordine illorum duodecim, quos primos Christus elegit, & de tribus illis vnum quos Dominus, ordinis seruandi gratià, cæteris præposuit. Nec aliquid sibi amplius trecentis post Christum annis Romanæ sedis Episcopus arrogauit. Ira interim generalibus Concilijs suberant, vt & nuper Coustantiense Concilium tribus Pontificibus abdicatis, quartum inaugurauerit: Imperatoribus autem vsque ad Phocæ tempora paruerunt, qui Domini sui cæde sibi ad culmen Imperij iter tecit. Nunc autem quibus artibus facti sint *Christi Vicarij*, imò uerò *Dij in terra, triplici corona insigniti, celi nimirum, terræque ac inferorum Reges, totius Orbis Iudices*, & ipsi à nemine iudicandi, *Fidei Capita, supremi omnium controuersiarum decidores*, propter certitudinem & infallibilitatem spiritus: omni potestate tam spiritali, quàm temporali præditi, *summi Episcopi, Orbis terrarum Monarchæ, super Imperatores omnes Regesque euecti*, denique *supremi Vice-dei*, qui velint nolint, errare non possunt: quibus, inquam, artibus ad tantum fastigium ascenderint equidem nescio: illud scio, maximè nostrâ referre, qui Reges sumus, vt huic rei maturè occurratur. Quantum ad me, Petrum & Paulum, tanquam præcipuas Ecclesiæ columnas agnosco & veneror: istos autem non noui: & illud tamen in dubium reuocare, est à fide Catholica deficere: imò sursum deorsum omnia ferri, ordinemque naturæ inuerti, præponi <sup>c</sup> laeuam dexteræ, numeròque ac ordine postremum, honore primum esse oportet, vt illi Primatui suus splendor, suâque dignitas conseruetur.

c Bellar. de  
Rom. cont.  
lib. 1. c. 27.

Hac iam ingenua fidei meæ confessione, spero effectum, vt neque Apostata, neque Hæreticus iure cenferi debeam: vt qui Scripturis Canonicis credam, tribusque Fidei Symbolis, primisque quatuor generalibus Concilijs adhæream. si nimis facilis ac credulus, præsertim noua dogmata afferentibus, esse nolo; eruditiores fortasse fidei meæ infirmitatem miserabuntur: sed me nemo, scio, pro hæretico damnabit; nisi fortè qui pro Deo Papam colunt, eumque sic habent, quasi Scripturam loquentem: vt nec Hæresin aliter definiant, quàm opinio-

nem

nem quamcunque in causis Fidei decisioni Papali contrariam. Ego verò id ingenuè spondeo, quoties Religionis illius, quam profiteor, vllum caput ostendetur non antiquum, Catholicum, & Apostolicum; sed nouitium esse ac recens (in rebus scilicet, spectantibus ad Fidem) me statim ab eo discessurum. Totum igitur hunc locum <sup>a</sup> Vincentij <sup>a</sup> Libello aduersus hæreses. Lirinensis auctoritate sic concludam: Me nunquam vllum Fidei dogma, quod quidem ad salutem est necessarium, amplecti recusaturum, quod tota Catholica Ecclesia iam inde ab Apostolorum temporibus, sine intermissione, multis post sæculis, constanter docuerit & crediderit. Sed opinione Cardinalis, me in eo hæreticum, sat scio, prodidi, quòd in Babylonis, Vrbisque super septem colles exstructæ vocabulo ~~inferim~~, tanquam innuerem, Romam hodie esse spirituales Babylonem: quanquam & Babylonis nomine, tum in <sup>b</sup> Petri Epistola, tum in <sup>b</sup> 1. Pet. 5. 13. Ioannis Apocalypsi, Romam intelligi, noster iste cauillator nec grauatè concedat. Sanè quòd ad definitionem Antichristi, nolò rem tam obscuram & inuolutam tanquam omnibus Christianis ad credendum necessariam vrgere: sed quid de toto hoc negotio sentiam, nudè & simpliciter explicabo.

Antichristum esse venturum, & cùm venerit, vniuersalem defectio- nem fore, inter nos conuenit. sed *tempus, sedes, persona* eiusdem, ea sunt, de quibus dissentimus; & in disputatione tanta, scrutari nos Scripturas oportet, vt veritatem eruamus. Meâ quidem sententiâ <sup>b</sup> S. Paulus id <sup>b</sup> 2. Thess. 2. planius explicat, quod S. Ioannes magis mysticè de Antichristo prædixerat. Nam quòd Paulus ibi de Antichristo loquutus sit, satis ex illis verbis constat, <sup>c</sup> nisi venerit discessio primum. Discessionem enim illam <sup>c</sup> Vers. 3. generalem, tantum Antichristi temporibus fore in Ecclesia, omnes Pontificij constanter affirmant: alioquin eorum Ecclesia esset quotidie erroribus obnoxia, quod omnino ipsorum doctrinæ repugnat. Eum deinde describens ait, quòd <sup>d</sup> homo peccati, filius perditionis extollet se <sup>d</sup> Vers. 3. 4. super omne, quod dicitur Deus. At verò qui sint, de quibus Psalmista cecinit, <sup>e</sup> Dixi, vos Dij estis, Bellarminus non ignorat. Apud veteres Theologos Reges erant; Bellarminus etiam Ecclesiæ Antistites adiungit. <sup>e</sup> Psal. 82. 1. Fac utrosque intelligi. Nemini obscurum est, quis ille sit, qui super vtriusque gladij potestatem hodie se efferat.

Post hanc autem Personæ descriptionem, deinde Apostolus *Sedem* designat: <sup>f</sup> *Vt sedeat, inquit, in templo Dei*, id est, in sinu atque ad eò <sup>f</sup> 2. Thess. 4. neutralibus Ecclesiæ. Iam vbi sit Apostolica illa sedes, cui libet relinquo diuinandum: sed & quis in ea sedens pro Deo sese gerat, peccata condonans, animas redimens, Fidei articulos definiens, omnium hominum censor & iudex, ipse à nemine iudicandus.

*Tempus* notat idem Apostolus omnium euidentissimè, cùm reuocat Thessalonicensibus in memoriam, <sup>g</sup> quòd cùm adhuc apud eos esset, hæc <sup>g</sup> Vers. 5. illis



a Verſ. 6. 7.

illis prædixerat. Itaque <sup>a</sup> nouerant, inquit, quid obſtaret, & quis detineret, quò minus homo peccati reuelaretur, licet myſterium iniquitatis iam tum operaretur. Porro S. Pauli temporibus neceſſarium non fuiſſe, vt reuelaretur Chriſtianis, Imperatores Romanorum, homines eſſe peccati, nemo adeò rerum imperitus eſt, qui non videat. Sed hæc reuelatio, de qua Apoſtolus loquitur, arcanum fuit magnùmque myſterium: vnde & videri poteſt, non eſſe auſum in hac ſua Epiſtola quid illud impediementi fuerit prode. fortassis tranſlationem ſedis Imperij Romani intelligit, quæ locum vacuum homini peccati relinqueret, in quo conſideret. Non enim ſenſiſſe, hominem illum peccati, fuiſſe Ethnicos Imperatores ſui temporis, illa præmunitione, quam facit, ad tractandam hanc quæſtionem, luce clariùs oſtendit. Ne ſeducerentur enim veritus, *dicm Domini appropinquare opinantes*, ait viſum eſſe ſibi, præmonere eos, vniuerſalem à Fide diſceſſionem antè venturam. Ex quo patet, non illum præſens illud tempus, ſed futurum, idque longinquum innuere: alioqui malè probaret argumentum ſuum, quo ſecundum aduentum Domini non inſtare confirmat. Sed neque interitus ratio, qua periturus eſt ille homo peccati, conuenit vaſtationi <sup>b</sup> Ethnicæ Romæ à Gotthis Vandalique factæ. Air enim noſter Apoſtolus, *c illum impium ſpiritu oris Domini conficiendum eſſe, ac demum aduentu eius abolendum*. Iam vt mea fert opinio, ſpiritus oris Domini, non aliud eſt, quàm Verbum Dei, & Verbi prædicatio, qua potentia illius hominis peccati paulatim minuitur, atque conſumitur, donec ſplendor aduentus Domini penitus illum ſuſtulerit. Porro modum ac rationem operationis eius explicans, meà quidem ſententiâ, quid ſenſerit, optimè explanat. Ait enim <sup>d</sup> fore per efficaciam erroris in ſignis & prodigijs, &c. Iam quæ tandem Eccleſia iactet innumerabilia miracula, quæ tamen maximam partem aduerſantur ſuæ ipſorum doctrinæ, nemo melius <sup>e</sup> Bellarmino dixerit, *cum iumento ſuo famelico, quod pabuli oblitum, Sacramentũ genibus curuat, eo quo potuit modo adorabat*. Et tamen certè erubeſcet dicere, inſtitutum eſſe ſanctiſſimum Sacramentum, quod adorarent oues, & boues, & pecora campi.

b Sic enim Tortus Romanam appellat, cum ab eis vaſtata fuiſſet, licet multis ante annis Chriſtiana fuerit.  
c Verſ. 8.

d Verſ. 9. 10.

e Bellar. lib. 3 de Euchar. cap. 8.

Iam auctoritate S. Pauli planum fecimus, *tempus*, quo venturus eſt Antichriſtus, & vniuerſalis illa diſceſſio futura, non niſi longo poſt tempore; quàm ſcripſit illam Epiſtolam, futurum fuiſſe: *ſedem* eius futuram in templo atque Eccleſia Dei: actiones, quibus potiſſimum *perſona* eius dignoſcitur, eas fore, *vt extollat ſe ſuper omne, quod dicitur Deus*. Iohannes quidem fuſius, licet, vt dixi, <sup>ſeu in ſignis</sup>, deſcribit hunc Antichriſtum, quem ſub figura prodigioſæ cuiuſdam beſtiæ, cui ſeptem erant capita, cornua decem, xiiij. cap. proponit; deinde xvij. interpretatur: vbi illam appellat <sup>f</sup> meretricem, *quæ ſederet ſuper aquas multas & 8 prodigioſæ beſtiæ inſideret*. Denique ſic concludit illud caput, vt mulierem hanc <sup>h</sup> magnam illam ciuitatem, *quæ Regibus terræ dominatur*, appellet. Et tam illo capite,

f Apoc. 17. ve. 1.

g Verſ. 3.

h Verſ. 18.

Verſ. 5.

capite, quàm initio proximi, ciuitatem magnam, <sup>a</sup> *Babylonem* vocet. Itaque ut illam eandem mihi propositam methodum, de *tempore, sede, & persona* Antichristi persequar, Romam aut esse, aut fore sedem illius Antichristi, locus iste perspicuè, & sine vlla contradictione declarat. Primùm enim nullus iam Papista inficiatur, Babylonis nomine ibi planissimè Romam intelligi: Deinde hanc *mulierem*, esse illum Antichristum, liquet ex tempore, quo vim suam atque operationem exeret, quod erit quadraginta duùm mensium, prout xij. cap. habetur: prorsusque consentit cum illo triennio & sex mensibus, quod temporis spatium omnes Pontificij Regno Antichristi tribuunt. Præterea Bestia cum septem illis capitibus, & decem cornibus, quorum vnum caput vulneratum est, rursusque sanatum, xij. & xvij. capitibus iuxta describitur: quam in priore capite ex tempore, quo regnum obtinebit, Antichristum esse constat: in posteriore Romam significari nomine Babylonis, Pontificiorum ipsorum confessione euincitur. Ita iam liquidò probata est pars vna de tribus propositis, Romam esse sedem ipsius Antichristi. Neque quod cap. xj. legitur, effugium aperit, aut probat Antichristi sedem esse Hierosolymis, vbi dicitur, <sup>b</sup> *cadauera testium iacebunt in plateis Ciuitatis magnæ, quæ spiritualiter Sodoma, atque Ægyptus vocatur: vbi & Dominus noster crucifixus est.* Verbum enim illud *spiritualiter*, Sodomis, Ægypto, & Hierosolymis tribuitur. Et cum nominasset Sodoma atque Ægyptum, non subiungit Ierusalem, addito solùm *vbi*, sed *vbi &*: quasi diceret, Etiam hæc Antichristi abominatio tanta erit, ut sedes eius tam plena sit futura spiritualibus fornicationibus, atque Idololatrijs, quàm Sodoma & Ægyptus olim fuerunt: imò persecutione Sanctorum tam cruenta, ac si Dominus noster iterum ibi in membris suis sit crucifigendus. Quis autem est tam mediocriter versatus in sacris literis, si eas vel à limine salutauit, qui nesciat vsitatam hanc esse in illis locutionem, ut Christus ipse dicatur persecutionem pati atque interfici, cum hoc sit Sanctis qui membra sunt Christi? <sup>c</sup> Christus sic loquitur de suprema die differens: necnon eodem dicendi genere ad <sup>d</sup> S. Paulum, in eius conuersione, vtitur. Babylonem autem, siue Romam (quando Bellarmino sic vocari placet) magnam esse ciuitatem illam, vbi Dominus crucifixus est, versus etiam xvij. capitis extremus aperte confirmat. Sic enim ibi, <sup>e</sup> *In ea ciuitate, sanguis Prophetarum & Sanctorum inuentus est, omniumque qui interfecti sunt in terra.* Iam neminem negaturum spero, Christum ex illis vnum fuisse, qui in terra sunt interfecti. Præterea rectè dici potest, illum interfectum fuisse in illa magna ciuitate Babylonis, quandoquidem auctoritate Romani imperij morte affectus est sub iudice Romano, criminisque in Rom. Imperium, licet iniustissimè, reus. parum enim amicus Cæsari videbatur, qui Christi non esset inimicus.

<sup>a</sup> Cap. 18. vers. 2.

<sup>b</sup> Cap. 11. 8.

<sup>c</sup> Matth. 25.

<sup>d</sup> S. 40. Act. 9. 4.

<sup>e</sup> Apoc. 18. 24.

a Apoc. 13.

b Cap. 17.

10.

c Vers. 11.

d Apoc. 4.

1.

e Cap. 7.

f Cap. 9. 16.

18.

Hac igitur iam parte illustrata de sede Antichristi, proximum est *Tempus* exquirere, quo regnum obtinebit ille Antichristus, si nondum aduenerit. Sanctus quidem Ioannes ait, xij. capite, huic Bestiæ, cui capita sunt septem, cornua decem, <sup>a</sup> *Unum caput vulneratum fuisse, cuiusque sanatum.* Quibus explanationem adhibens xvij. capite ait : *hæc* <sup>b</sup> *capita septem, totidem esse Reges, quorum quinque cecidisse, & unum esse, septimum nondum venisse : sed cum venerit, exiguo spatio remansurum.* <sup>c</sup> *Bestiam autem, quæ fuit, & non est, octauum esse, & unum tamen de septem.* quæ designat illum Antichristum, qui nondum venerat (Apostolorum dico temporibus) sed postea erat venturus. Quò sit, ut inter ætatem Apostolorum, & finem sæculi, intercedere oporteat aduentum illius Antichristi : id quod etiam ipsi Pontificij fatentur. Vnde manifestum est Babylonem, quæ est eadem Roma, sedem fore ipsius Antichristi : sed non illam veterem Romam siue Ethnicam, quæ fuit Apostolicis temporibus ( <sup>d</sup> Ipse enim palàm prædicat, sibi nihil esse scribendum, nisi quod erat post suum tempus euenturum ) neque etiam illam, iam aliqua ex parte Christianam Romam, dum in motu fuit conuersionis suæ, quæ è vestigio consequuta est ætatem Apostolorum, illustris tot piorum Episcoporum martyrijs : Sed Romam illam Antichristianam, tum cum ipse Antichristus ibi sedem posuerit, posteaquam per operationem mysterij iniquitatis, Christiana Roma planè corrupta fuerit, & sinceritatem religionis amiserit. Atque ita illud læthale vulnus, quod à Gothis ac Vandalis acceperat, curabitur in illo capite, siue Rege Antichristo, qui deinde exurget, atque ad diuturnum tempus regno potietur.

Sed hîc obijci poterit, non diu posse regnare illum Antichristum, quando S. Iohannes duobus tribusue locis dicit Antichristum non amplius triennio, & sex mensibus dominaturum. Sanè cui vel paulum modò notus est stilus, & loquendi modus S. Iohannis in Apocalypsi sua, facillè animaduertet, illum *certum numerum pro incerto ponere* contuuisse. Id <sup>e</sup> quod facit in xij. illis millibus suis de quaque tribu, qui ob signati sunt ad salutem : <sup>f</sup> Et in exercitu ducentum millium, qui missi sunt ad delendam hominum partem tertiam : idem alijs compluribus in locis facit. Itaque qui recordabitur illum in omnibus suis Visionibus, ex professo morem à Prophetis nempe Ezechiele, Daniele, Zacharia, in Visionibus suis vsurpatum imitari, mutuantem locutionum formulas, ab illis qui prophetarunt ante Christum natum, ad explicandas suas de nouissimis diebus Prophetias ; admodum verisimile esse comperiet, in illis tribus diebus & dimidio, cum imitari Danielis Hebdomadas : Hebdomadam vnâ accipiendâ, totum illud tempus, quod inter aduentum Christi primum ac secundum intercefferit, cuius temporis, siue spiritualis hebdomadæ dimidio triumphantem inducit Antichristum. Nam quòd ad literalem illam interpretationem, quam

omnes



omnes Pontificij sequuntur, trium annorum & sex mensium : qua volunt illud tempus ad amissum incidere in dies omnium nouissimos, exceptis quadraginta quinque ante secundum Domini aduentum, planè toti nouo Testamento repugnat. Christus enim ait in nouissimis diebus epulatu- ros homines, celebratu- ros nuptias, omnibus eiusmodi secularibus negotijs implicatum iri, cum hora nouissima repente eos nec-opinantes opprimeret. <sup>a</sup> *Hic erit ad molam, alius super tectum domus, &c.* quibus omnibus significatur illorum temporum summa securitas. Idem narrat <sup>b</sup> parabolam quinque stultarum Virginum, ad declarandam inexpectatam, minimèque suspectam horam, quæ nos occupabit. sed <sup>c</sup> *de die illo, inquit, vel hora nemo scit, neque Angeli in cælo, neque Filius, nisi Pater.* S. Petrus iubet nos <sup>d</sup> *vigilare & sobrios esse*, ad excipiendum illum diem semper intentos. S. autem Ioannes in hac eadem <sup>e</sup> Apocalypsi, bis nos admonet, vt furem nocturnum, sic Christum esse venturum: quod in <sup>f</sup> Euangelio quoque Christus ipse testatur. Atqui si Antichristus regnabit annos tres & sex menses ante nouissimum diem, non plus autem temporis diebus xlv. post eius interitum effluet: profectò dies ipse, & hora illius diei, non potest fugere eos, qui superstites futuri sunt illo tempore, quo periturus est Antichristus. Nam vt Pontificij docent, mundus non ignorabit illum esse Antichristum, tam duorum testium doctrinâ, quam repentino eius interitu. Ex quo consequitur, neminem fore nescium, continuò, nulla mora interposita, post xlv. dies exactos, diem extremum esse venturum. quod si verum esset, non vti fur venturus est Christus, neque mundum oscitantem oppressurus, contra omnia Scripturæ testimonia à nobis citata, aliâque complura. Ad hunc modum docuimus Romam esse sedem ac domicilium Antichristi: posterius autem dimidium spiritualis illius hebdomadis inter primum ac secundum Domini aduentum, tempus illud esse, quo dominabitur. nam in priore mysterium iniquitatis cœpit operari: sed nondum erat ille homo peccati reuelatus.

Quinam verò sint illi testes, magna est quæstio. Recepta opinio Papistarum est, Enochum atque Eliam esse oportere, quod ita Bellarminus pertendit, atque in ea sententia sic obfirmatus est, vt putet eum, quide hoc dubitat, si non hæreticum esse, in magno tamen errore ver- sari. Sed vanitatem Iudaicæ, quam sequitur, fabulæ, paucis aperiam.

Cardinalis in libro Controuersiarum producit quatuor Scripturæ locos ad otiosum hoc somnium confirmandum, duos è veteri Testamento, ex Malachia, atque Ecclesiastico; totidémque è nouo, alterum apud Matthæum, Christi, (potuit addidisse etiam Marcum) alterum Ioannis in Apocalypsi xj. cap. Primùm quòd ad illos locos in genere attinet, fidenter affirmo, verbum in illis non reperiri, reliquæ Scripturis, quod innuat vel Enochum, vel Eliam redituros esse, & cum Antichristo

<sup>a</sup> Matth. 24. 41.

<sup>b</sup> Matth. 25.

<sup>c</sup> Matth. 24. 36.

<sup>d</sup> 1. Pet. 5. 8.

<sup>e</sup> Apoc. 3. 3. & 16. 15.

<sup>f</sup> Matth. 24. 44.

Confutatio demonstrati-  
onis Bellar.  
qua probare  
ninitur, Eno-  
chum & Eli-  
am duos esse  
testes de qui-  
bus fit mentio  
xi. Apocal.

Bell. de Rom.  
Pont. li. 3. c. 6.

tichristo dimicatu-; in eoque conflictu occidendos; aut quicquam simile. Deinde, ut cuique loco sigillatim respondeam, ac primum illi Malachiae, nescio quis Christo, eius sit melior interpres, qui bis apud

a Matth. 11. 14. & 17. 12. a Matthæum, apud b Marcum semel, certiores facit tam ipsam multitu-  
 b Marc. 9. 13. dinem, quam discipulos suos, Iohannem Baptistam illum esse Eliam  
 c Bellar. ibid. repromissum. Atque hinc c Bellarminus pessimam cum Christo fide agit, qui ut demonstraret nondum venisse Antichristum, eò, scilicet, quòd Enoch & Elias nondum reuersi sunt; ad hoc probandum verba Christi citat Matthæi xvij. *Elias quidem veniet, & restituet omnia*: sed quod sequitur, dissimulat, à quo priora interpretationem capiunt: nimirum iam Eliam venisse in Iohannis Baptistæ persona. Quid? quòd in se recipiens Bibliandri obiectionem soluere, qui Christum ait sensisse prophetiam Eliæ venturi completam esse in Iohanne; arripit illud, *Qui habet aures, audiat*, xj. Matt. quod continuò sermonem illum excipit de Eliamagnumque inde elicit mysterium: Sed callidè dissimulat, quod xvij (quem locum ipse antea allegauerat) Christus interpretatur eodem modo Malachiam, sine eorundem subiunctione verborum, *Qui habet aures, audiat*; suam eodem adiungens non ferendam paraphrasim; nobisque impudenter exponens, quid Christus vellet dicere; in imo sanè, quid Christum dicere oporteret, si bonus probusque Catholicus fuisset. hoc enim sensisse cum persuasissimum habeo, glossemate Aurelianiensi addito, quo contextum euerit. Iam videtis, quantà cum impudentiâ Christi verbis abutatur, qui tribus in locis, ut dixi, alterum aduentum Eliæ de Iohanne Baptista interpretatur. Idem improbi-  
 d Matt. 17. 11. mè cauillatur super verbo *uenturus*. Christus enim videtur illo quidem verbo, sed repetens vulgarem opinionem: interpretatur autem, iam eum in Iohanne venisse, ac si diceret; vera est quidem prophetia, Eliam esse venturum: d *sed ego dico vobis, Elias iam venit*, de Iohanne Baptista sentiens. Ita primum verba prophetiæ tempore futuro reperit, ut apud Prophetam reperiuntur; deinde ea iam in Iohanne completa esse, in præsentem tempore demonstrat. Neque est, ut hæc verba Malachiae, e *Dies magnus & horribilis*, Christi in eum f expositionem refellant. Etenim si quo die Saluator mundi passus est, g Sol obscuratus fuit omnino ad tres horas, velum Templi scissum in duas partes à summo vsque ad imum, terra contremuit, petrae fissæ sunt, monumenta aperta, mortui resurrexerunt: si ille, inquam, dies non fuit magnus atque horribilis, quid horribile sit, non video: qui haud dubiè omnes sine exceptione Iudæos iusto anathemate perdidisset, nisi idem Iohannes, præcursor Domini, permultos prius conuertisset doctrinâ pœnitentiæ atque Baptismo. Sed quid ego laborem ampliùs de interpretatione Malachiae: quidue hoc mihi arrogem? cum omnibus satis esse debeat, Christum ipsum sic interpretatum esse; cumque ipse dixerit, adeoque ter dixerit,

e Mala. 4. 5.

f Matth. 27.

g Hæc solis

obscuratio ita

supra omnem

modum hor-

ribilis fuit, ut

Dionysius so-

lo naturæ in-

stinctu, &amp; phi-

losophiæ natu-

ralis cogni-

tione, cum vi-

deret, attoni-

tus exclama-

ret: *Aut Deus**patitur, aut vi-**ces patientis**dolet.*

Malach. 4. 6.

per quem facta sunt omnia, quis mortalis audebit aliam interpretationem, immo contrariam affingere?

Iam quòd ad locum Ecclesiastici pertinet, sicut filius Sirach tantum mutuatus est illum à Malachia, quòd liquet ex verbis eius *de conuertendo filiorum corda ad patres*, quæ verba sunt ipsius Malachiae; sic Christus est optimus habendus vtriusque interpres: neque dedecori est huic mortali Iesu explicari ab immortaliveroque Iesu, licet ad pudorem & confusionem hæreseôs Iesuitarum. Sed Enochum oportet in hoc negotio cum Elia coniungi, nullam aliam ad rem, ni fallor, nisi ad iugum ex altera parte tollendum. Nullus enim Scripturæ locus de reditu eius loquitur. Hoc tantum in Ecclesiastico legitur, placuisse Enochum Deo, ob eamque causam translatum fuisse in Paradisum, *ut daret Gentibus sapientiam, vel pœnitentiam*, quando ita volunt. Et quid istuc est, dare Gentibus pœnitentiam? nimirum Enoch in hanc vitam reuersurum, & pugnaturum contra Antichristum. Scitum quidem commentum, sed parum aptum huic loco commentarium. Cùm Bellarminus ageret de Elia, vrgebat hoc maximè, venturum esse Eliam, qui Iudæos conuerteret potissimum, & *restitueret tribus Iacob*. Sed vbi ad Enoch redit, oportet illum *dare Gentibus pœnitentiam*: de Iudæis autem ne verbum quidem. adfuturi sunt, nimirum, vt suam quisque curet prouinciam, neque vtrique idem detur negotium, sed ita sortiantur prouincias, vt Petrus & Paulus; qui sic inter se partiti sunt, vt ille Iudeorum esset Apostolus, hic iret ad Gentes. Quid opus est tam longè petitis, coactis que commentationibus tribus de verbis? nōne sensus hic satis rectè clarè que constabit; Enochum Deo placuisse, atque in Paradisum fuisse translatum, vt exemplo Gentibus esset; & hic tantus honos illi habitus, Gentes impelleret ad agendum pœnitentiam, sanctisque eius vestigijs insitendum? Quid enim potuit efficacius persuadere & adigere Nationes ad pœnitentiam, quam vt ipsis inspectantibus Diuinus ille vir, viuus in cœlum, pro mercede integritatis suæ sustolleretur; ceteri omnes interirent atque in corruptionem abirent? Destitutus autem à Scripturis, necesse habet Cardinalis ad Patres confugere, quòd probet Enochum atque Eliam adhuc viuere, postea que mortuos. Sed pari felicitàte, atque in Scripturis versatus est, vt verbo eius vtatur, quo ille in libello suo <sup>a</sup> contra me vsus. Ad hoc probandum quinque de Patribus adducit, Irenæum, Tertullianum, Epiphanium, Hieronymum, Augustinum: qui quidem omnes super hoc consentiunt, vtrumque, Enochum atque Eliam adhuc viuere: quod nemo Christianus vnquam, opinor, negauerit. Abraham enim, Isaac & Iacob etiamnum viuunt, vt Christus est auctor: <sup>b</sup> *Deus enim, inquit, viuens est, non mortuorum Deus*. quanto magis in viuis sunt Enoch & Elias, qui nunquam mortem more aliorum gustauerunt? Sed de reli-

Ecclesiast. 48.

<sup>2</sup> Malach. 4. 6.

Ecclesiast. 44.

16.

20.

<sup>a</sup> Pag. 27.

<sup>b</sup> Mat. 22. 32.



a Irenæus l. 5.

b Lib. contra Iudæos cap. 2.

c 2. Theff. 2.

d Apoc. 11.

e Apocal. 21. 27.

f Lib de Grat. primi hominis.

qua quæstione, an postea morituri sint primi duo testes eius, Irenæus ac Tertullianus planè negant. <sup>a</sup> Ille enim ait, in Paradiso remansuros usque ad consummationem, *conspicantes incorruptionem*. Iam remanere illic usque ad consummationem, & non videre corruptionem, ex diametro repugnat reditioni in hunc mundum, mortisque perpeffioni. <sup>b</sup> Tertullianus etiam huic consentiens planissimè dicit, Enochum nunquam gustasse mortem, *ut æternitatis candidatum*. Iam malè sibi firmatum habet ius æternitatis, si iterum moriturus est. Loca autem ex tribus reliquis Patribus adducta, alterum confirmant, illos hodie vivere: alterius nullam faciunt mentionem, esse aliquando morituros.

Sed quoniam in hunc de Patribus antiquis forrè sermonem incidimus, finite, quæso, hac occasione obiter vos moneam, mirum non esse, si sæpius Patres hîc errent, & minus rectè multa Apocalypsis mysteria intelligant, propterea quòd liber ille eorum temporibus adhuc obfignatus fuit: & licet <sup>c</sup> *mysterium iniquitatis* iam tum ageretur, ille tamen *homo peccati* nondum erat reuelatus. In omnibus enim obscuris Prophetijs certissima est regula, nunquam eas satis intelligi posse, vique dum compleantur.

Atque ad hunc modum duobus Bellarmini locis è Veteri Testamento depromptis, per hunc tertium è Nouo, qui verba Christi continet, satisfeci. quæ quoniam luce sunt claria, quartum nunc Scripturæ locum <sup>d</sup> xj. Apocal. videamus. Illi enim *duo testes*, scilicet, quorum ibi fit mentio, non alij, quàm Enoch atque Elias sint, necesse est. Sed quî possit hoc cum Theologia, vel ratione consistere, ut hæc duo glorificata corpora, de Paradiso, cœlœ (utro, vos videritis) descendant; prædicent, & pugnent contra Antichristum; interficiantur ab eo, posteaquam per multa annorum millia exempti fuerint à maledictione mortis, cui per naturam omnes subiacent; tertio die resurgant ad imitationem Christi; exinde multis miraculis editis redeant in cœlum vedariorum more, vltro citroque cœlum inter & terram cursitantes: hoc, inquam, quî possit cum Theologia, vel ratione consentire, equidem fateor, caprum meum superat: maximè quòd eos oporteat indutos esse cilicio, quorum corpora, opinor, tam diu fuerint à peccato libera, ut non amplius ista maceratione egeant. Nunc enim oportet illos, aut in cœlo esse, aut in Paradiso. si in cœlo (quod haud dubiè verum est) glorificata sint corpora eorum oportet: cum <sup>e</sup> *nihil corruptibile eò possit penetrare*. Ex quo consequitur non posse eos amplius carnis infirmitatibus, ac potissimum morti esse obnoxios. Quòd si sunt in terrestri Paradiso, primum scire auemus, vbinam sit ille Paradisus, quâ regione terræ, quibus orbis in oris.

<sup>f</sup> Bellarminus quidem in suis Controuersijs multum desudat, Paradisi regionem situmque perquirens, terrane inueniatur, an aëre: sed hæc

Genes.

a Rom. 12. 3.

b Gen. 5. 24.

c 2. Reg. 2. 11.  
10.

Quid per hos  
duos testes  
significetur.

hæc omnia sunt mera deliria. Scriptura testatur Paradisum, adeoque hortum Eden, fuisse quendam in terra locum, quem Deus elegit, ut Adamum inibi collocaret, unde cum eum paulò post propter gravissimam offensam expulisset, blasphemum est credere vllum ex Adami posteris eò postmodum peruenisse. Omnis enim eius progenies maledicta est in ipso, & de terrestri Paradiso eliminata, necnon ipsa terra vniuersum, ac Paradisus speciatim propter ipsum maledicta sunt. Secundus autem Adam per gratiam certum ex eis numerum vocauit, qui sibi coheredes fierent cœlestis Ierusalem, cœlestisque Paradisi. Terrestris enim, haud dubiè diluuiò, si non antè, deletus est, sublatis illis omnibus exquisitissimis delicijs, summæque amœnitate, quâ reliquas terræ regiones longè multumque superabat. In aëre autem pendere, incredibile est, nec dissimile somniorum Alcorani. in Scripturis enim nullum commemoratur eiusmodi miraculum, nec aliunde oriri potuit, quàm ex curiosis ac præferuidis cerebroforum hominum commentis; qui non didicerunt <sup>a</sup> *sapere ad sobrietatem*. Hoc igitur certum est, in cœlo domicilium & requiem habere Enochum atque Eliam. <sup>b</sup> *Enoch enim*, inquit Scriptura, *ambulauit cum Deo, & non apparuit: quia tulit eum Deus*, vel ad se recepit: <sup>c</sup> Elias autem visus est sublimè in cœlum flam-  
mante curru subleuari. Vt autem illi, qui tot millia annorum cœli fuerunt incolæ, mortalitatis legibus soluti, ut hæc, inquam, glorificata & incorruptibilia corpora redeant in hanc vitam, prædicent Euangelium, edant miracula; cum Antichristo denique confligentes interficiantur ij, quos mors naturalis antè absumere non potuit, sicuti commentitium est figmentum, ita naturæ planè repugnat eiusmodi sanctificationum corporum. Sed illud inprimis mihi mirum videtur, cur Enoch potissimum vnum esse oporteat ex his *duobus* Christi *testibus*. Moyses certè atque Elias cum Christo fuerunt in transfiguratione, in figuram Legis & Prophetarum. Lex enim & Prophetæ grauissimi testes fuissent ad coarguendum Antichristum. Cur autem Enochi cœli iugo subdiderint, Moysen exemerint, diuinare non possum.

Sed nimis anxie studiosèque hanc futilem & sanè anilem fabulam refutaui, cui tantum abest, ut credam; ut contrà, isto tam erudito sæculo, hoc qui credat (Deum testor) non modò pro magni nominis Theologo, sed ne pro Christiano quidem habeam: quin potiùs Scribis & Pharisæis accenseam, qui sic insaniebant, ut quamuis Christus contrarium docuisset, semper tamen venturum esse Eliam somniarent. Veteribus autem Theologis, si qui in hac parte errauerint, æquior sum, propter rationem quam suprà memorauì.

Iam illa anili fabula refutata de *duobus* illis *testibus* Enoch atque Elia, restat, ut meam coniecturam interponam, doceámque quosnam illos *testes* esse arbitrer. Equidem fateor multò facilius esse eiusmodi nulla

ratione subnixas, ac Theologiae fundamentis aduersantes fabellas refellere, quàm tam alti reconditque mysterij germanum sensum eruere. Itaque ut non tantum mihi arrogauerim, quenquam ut adigam in meam sententiam, nisi quem ipsa veritas, & animi sui iudicium eò pertraheret: ita proponam probabiles coniecturas, quæ, ut spero, hæreseos & nimia curiositatis suspicione vacabunt.

Duobus diuersis modis mysterium horum *testium*, meâ quidem sententiâ probabiliter & non incommode potest exponi: quorum alter est, ut per *duos* hosce *testes* intelligantur Vetus ac Nouum Testamentum. Nam ut Antichristus non potest non inimicus esse Verbo Dei, illudque supra omnia odisse: sic nihil intentatum relinquet, quò illud *dedecoret, corrumpat, supprimat*, & quibus possit artibus *destruat*. Cæterum an hic liber duorum Testamentorum, vel *duum* Christi *testium*, vim aliquam à Babylonica Monarchia passus sit, necne, nihil dicam: res ipsa loquitur. Non obtundam vos recensendis tritis illis, quibus vtuntur ad minuendam eius auctoritatem dictarij, cuiusmodi sunt, *Nasus cereus*, *Mortua litera*, *Lesbia regula*, sexcenta alia probri & ignominia plena. Sed quantum Traditiones hominum, atque auctoritatem Ecclesiae his testibus præferant, ex ipsorum doctrina apparet. Ad cuius rei probationem, si nihil aliud exstaret, satis profectò esse posset ille libellus scitam hanc inscriptionem præferens, *De insufficientia Scriptura Sanctæ*. Cum autem nulla de re magis laborandum sit, quàm ut integra & incorrupta conseruetur sacra Scriptura, complures veteris Latinae versionis locos etiam corruptissimos corrigi minimè patiuntur: cuiusmodi sunt *euertere domum*, pro *euerrere* ad inueniendum denarium: & illud de Iohanne dictum, *Sic eum volo manere, donec veniam*, pro *Si, tamen* si non solum mendii, sed etiam mendacij manifestum sit; ut subsequenter contextus verba declarant. Sed tantum absunt à veterum codicum emendatione, ut vulgarem versionem Pontificij non dubitent archetypis originibus Hebræorum, & Græcorum antepone. Hæc etiam contemnendane est deprauatio Scripturarum, fidem atque auctoritatem omnium, aut maximæ partis Apocryphorum librorum, ex æquare Scripturis canonicis, contra quàm Patres sentiunt, ac vetera Concilia decernunt? Illa autem quàm sacrilega corruptio, *Dominam* pro *Domino* ponere in toto Psalterio? sic enim *Dominæ nostræ Psalterium*, quod vocant, non ita pridem denuò Parisijs est excusum. Nonne hoc est Christi, Matrisque personam ac dignitatem confundere? Quid de Scripturae suppressione dicam? quot sæculis populus Christianus in tanta cæcitate, & salutaris doctrinae ignoratione detentus est, ut hi testes penè incogniti essent; cum Laici Scripturam attingere (ut quibus hoc interdictum esset) non auderent, maxima pars Clericorum in illius lectione versari aut nollent, aut non possent?

Cardinal.  
Peron.

Luc. 15. 8.

Iohan. 21. 22.  
23.

A Bonauentura,  
Doctore  
Seraphico  
editum.

Ad

verus Luc. 15. 8. correctus fuit in Bibl. Clementis octauæ:  
depererat itaq; Nomen quod est de Supplicante.



Ad hunc modum hi *duo testes* Christi, de quibus ipse dicit <sup>a</sup> *Scrutami Scripturas; illæ enim testimonium perhibent de me*: hæ duæ <sup>b</sup> pingues oliuæ, pacem afferentes cunctis credentibus, pacem, dico, conscientie: hæ <sup>c</sup> duo candelabra, quæ posita in conspectu Dei, prælucent nationibus, queis significari virumque Testamentum, & representari in ipsa Romanæ Missæ \* celebratione volunt: ad hunc, inquam, modum fuerunt hi *duo testes* *dedecorati, corrupti, suppressi*: quid dico suppressos? immo ad silentium damnati, ut pro hæretico combureretur, qui in manus sumere auderet, aut inspicere. Deinde in ignota lingua sic absconditi iacuerunt, pauci ut possent adire, aut assequi: quorum in locum Legendæ subierunt, & portentosa quædam mendacia, quibus omnia suggesta & templa resonabant. Atque ita euenit, *ut corpora horum testium proiecta in plateis illius magnæ ciuitatis iacerent, quæ spiritualiter Sodoma vocatur*, propter spirituales eius fornicationes, quæ sunt Idolorum cultus: *spiritualiter Ægyptus*, eò quòd Sanctos Dei in seruitutem humanarum traditionum redegerit. *Quare oneramini ritibus?* Quis requisivit ista de manibus vestris? Sic, inquam, *corpora eorum ad triduum & dimidium diei* sine sepultura proiecta sunt; id est, ad dimidium illius spiritualis hebdomadæ, quæ inter primum Christi aduentum, & secundum intercèdit. Et tum certè Scripturæ tanquam cadauera, iacebant, absque monumento, omnium contemptui expositæ, neglectæ penè ab omnibus, nec à pluribus intellectæ, cum nemo pœnæ formidine requirere eas, aut poscere auderet, sicuti suprà diximus. Quæ cum sic intermortuæ, & quasi depositæ, exanimæ & sine vigore iacuissent, non secus atque Lex, quæ cum diu in tenebris obruta latuisset, quasi vitæ redita ac restituta losiæ tempore reuixit; *gaudebant habitatores terræ*, nempe, homines terrena sapientes, *munera vtrò citròque inter se præ gaudio missabant*, quòd carnales suæ libidines non amplius iam comprimerentur, neque in ordinem cogerentur, ancipiti illo gladio resectæ. Iam enim certò sciebant, quicquid fecissent, quocunque modo vixissent, pecunijs se omnium peccatorum indulgentias Babylone impetraturos: quippe *Omnia venalia Romæ*. Adeò non opus fuit hominibus ad veniam peccatorum inueniendam, in cælum suspicere; sed pronos marsupia despicere, si sat nummis intumescerent. Immo quorsum attinuit Deum adire, & cælum per vim zeli que feruorem occupare, cum Indulgentiæ se vtrò offerrent, atque ad fores præstò essent? Cum homines complures spirituales, iactarent se neque Vetus intelligere Testamentum, neque Nouum?

<sup>a</sup> Iohan. 5. 39.  
<sup>b</sup> Apoc. 11. 4.

<sup>c</sup> Ibidem.

\* Vide Expositionem Missæ, annexam Ordini Romano, à G. Cassandro editam.

Verf. 8.

Coloss. 2. 20.

Verf. 8.

2 Chr. 34. 14.  
Verf. 10.

\* Verf. 3.

En quàm inclementer, & quanto cum dedecore hi *duo testes* excepti sunt in altera parte Hebdomadæ spiritualis, qui in prima, \* *cilicio cooperati sunt*; id est, pœnitentiam cunctis nationibus, circiter quingentos aut sexcentos post Christum annos, prædicauerant: cum Deus Ver-

<sup>a</sup> Apocal. 6. 2. bum suum, siue *testem*, <sup>a</sup> *insidentem equo candido*, sic ouantem fecit incedere in primordijs Ecclesie, vt omnes, qui aduersarentur, vinceret: destrueret omnem altitudinem, quæ se extollit aduersus cognitionem  
<sup>b</sup> 2. Cor. 10. 4. Dei ( <sup>b</sup> vt ait Apostolus ) aditu cœlorum prohiberet omnes incredulos, non minus eos spiritali igne Verbi conuinceret, durasque eorum ceruices frangeret, quàm Moyses & Elias plagis & fame rebelles Ægyptios obstinatosque Israëlitas contuderant. Neque contenti erunt, hos *testes* dedecorasse, corrupisse, suppressisse, sed ad extremum quoque  
<sup>c</sup> Apoc. 11. 7. <sup>c</sup> *interficiendi sunt*: quam ad rem prodit \* *Censura generalis, vt censorio mucrone iugulentur*. Quid enim aliud agit, quàm iugulat, cum alias omnes translationes, præter suam, auctor comburi mandat? quod etiamnum fieri solet. Præ se fert enim & palàm profitetur, se non id agere, vt corrigantur ( quod si facere vellet, magnam ei gratiam haberemus ) sed vt deleantur & destruantur, vnumquemque Scripturæ locum, qui illorum Traditionibus refragatur, hæreseus arguens. Neque id solum, sed tot ferè conuiitijs atque maledictis onerans, quot Cardinalis in meam Apologiam contulit: non dirigens, neque explicans Scripturam ex Scriptura ( quæ est optima interpretandi ratio ) sed ad suas traditiones, tanquam ad Lydium lapidem, ipsam quoque Scripturam exigens: Vt damnet hæreseus, non eos modò Scripturæ locos, quos recitat, sed eandem etiam sententiam ferat in omneis confimiles, vbicunque in Scripturis reperiantur. Et tamen summo Dei Optimi Maximi beneficio, nunc incipimus ( id quod maiores etiam nostri aliquot superioribus sæculis fecerunt ) oculis cernere hosce *testes* resurgentes, & in pristina gloria refulgentes, <sup>d</sup> *Deo quasi leuante eos, atque in pedes* <sup>e</sup> *statuente*: denique tollente in cælum quasi in triumphali nube gloriæ, prout Elias curru subleuatus ignito traditur. Quæ Euangelij resuscitatio, atque in sublime euectio, tantum <sup>f</sup> *terramotum*, tantamque rerum mutationem in plerisque gentibus peperit, vt *pars decima*, id est, bene magna, multique eorum, qui *magnæ Ciuitatis* ditioni suberant, nempe Babylonis, cognitis imposturis, ab ea defecerint; *septem millia*, id est, ingens multitudo per occasionem illius mutationis occisa sit: multi ad Deum conuersi, *gloriam Deo cæli tribuentes*. Hic igitur vnus est modus, quo locum hunc Scripturæ probabiliter, vt mihi videtur, interpretari licet.

Est & alter magis receptus, qui ad literam contextus propiùs accedit: si dicamus per hosce *testes*, non ipsum Dei Verbum, sed Verbi prædicatores, intelligi. Pauci erant ab initio, qui illum *hominem peccati*, reuelarent, & corruptelas eius retegerent. appositè igitur duali numero descripti sunt: <sup>g</sup> *Nam in ore duorum aut trium testium stabit omne verbum*. Neque maior fuit eorum numerus, qui magnum illud opus inchoauerunt, quàm negotij magnitudo necessariò postulabat.

<sup>a</sup> *Prædica-*

<sup>c</sup> Apoc. 11. 7.  
 \* Venetijs  
 excusa anno  
 1562.

<sup>d</sup> Verf. 11.  
<sup>e</sup> Verf. 12.

<sup>f</sup> Verf. 13.

<sup>g</sup> Deut. 19. 15.

• *Prædicabant in cilicio*; quippe poenitentiam prædicabant: plurimos eorum crudelissima morte affectos fuisse, Orbi notissimum: *mox resurrexisset* in eiusdem doctrinæ successoribus constat, idque tanta vi & efficaciam, ut omne miraculum superet. Cum enim habeatur in Scripturis opus Dei miraculi plenum, Spiritus Sancti virtute perfectum, quod b Apostolus Petrus propè tria hominum millia vno die conuerterit: isti, de quibus loquor *testes*, intra paucos annos eiusdem Spiritus vi, multas potentissimas nationes in veræ Fidei viam reduxerunt, quæ constanter hodie perseverant; Deum laudantes, qui eas ab Antichristi magnæ Ciuitatis imperantis tyrannide exemerit: & altâ voce clamantes, c *Exite de illis populus meus, ne participes sitis delictorum eius, & de plagis eius non accipiatis*. Hoc igitur isti miraculorum nundinatores, qui nauseam mundo cient, & chartæ precium adaugent, editis quotidie veteribus illis quidem, sed denuò interpolatis miraculis, ac plenis mendaciorum Legendis: hoc, inquam, isti cogitent magnum reuerà miraculum & quod fidem penè superet, & vilibus suis atque adulteratis, ut tandem ipsos pudeat, mercibus componant. Atque ita duobus modis explicatâ coniecturâ meâ, quos *duorum testium* nomine intelligi censeam, quorum Apocalypseas xj. fit mentio (quanquam non sit magnum vtriusque discrimen; in altero enim ipsum Dei Verbum; in altero Verbum quoque Dei, sed ex ore prædicatorum eius, accipimus) restat iam ut tertium descriptionis Antichristi locum excutiamus, in quo de *persona* querendum esse instituimus.

Scorto Babylonio, quod Bestiæ inequitat, sedem alicuius Imperij, & successione continuatam hominum seriem illi præsidem, non vnum aliquem designari, perspicuum est ex forma, qua diuersis libri locis Antichristus ipse describitur. Versu enim vltimo cap. xvij. d *mulier* exponitur, *magna illa ciuitas, quæ dominatur Regibus terræ*; quæ non potest significare certam vnius hominis personam, sed plures homines sibi continenter succedentes, ut suprà memorauimus, quorum sedes est magna illa Ciuitas. Similiterque eodem cap. e *septem capita, illius Bestiæ*, duobus modis exponuntur: primum *de septem montibus*; quod oburum est: deinde, *de Regibus totidem*, quod de illis non potest intelligi Regibus qui f *Bestiæ suam potestatem tradituri sunt*, ei que subiicientur, qui mox g *decem illis cornibus* figurantur: Sed magis apparet septem capita Bestiæ, septem Imperij formas esse, illius sedis proprias, quarum quinque iam fuerant & ceciderant. Reges enim primò fuerunt; deinde exactis Regibus, Consules, Dictatores, Decemuires, Tribuni militum. Sexta erat, quò tempore Iohannes conscripsit hunc librum, Cæsarum Imperium. Septima, quæ nondum venerat, & exiguo temporis spatio erat duratura, Ecclesiastica est Episcoporum, quæ translationem Imperij Romæ Constantinopolin consecuta est: licet illorum regimen Imperatoribus quodam

a Apoc. 11. 3.

Sanguis Martyrum est semen Ecclesiæ.

b Act. 2. 41.

c Apoc. 18. 4.

d Cap. 17. vers. 18.

e Vers. 9.

f Vers. 13.

g Vers. 12.



Ex quo Constantinus magnus Imperium Romæ Constantinopolin transfudit, vñ; ad Bonifacium 3. anni circiter 276.  
a Vers. 11.

\* Non quoad limites, & Imperij amplitudinem; sed propter imperandi modum & ciuitatis gloriam.  
a Cap. 18. v. 9. & 11. 16.  
19.

b Vers. 9.

c Vers. 12.

Prima Visio, qua describitur Antichristus.

d Apoc. cap. 7.

e Vers. 2.

f Vers. 1.

g Vers. 8.

\* Sine illis secundum electionem, quo coniunctim intelligitur idem ille equus pallidus, vñ. cum fessor suo & comite, qui sunt Mors & Infernus.

quodam modo fuit subordinatum. Quanquam enim hæc gubernandi ratio annos circiter cclxxvj. durauerit, tamen exiguum hoc fuit præ longo illo tempore, quo regnum, quod illi continuo successit, nec dum delijt, Antichristus obtinuit. Octaua, <sup>a</sup> *quæ est Bestia, quæ erat, & non est, & itura est in perditionem*, ipse est Antichristus, qui quidem censetur octauus propter illius summum & absolutum Imperium; simul tamen septimus, quia visus est successisse Episcopis in Ecclesiastica quadam ratione imperandi: licet amplitudine sua gloriam Imperij Babylonij parem effecturus erat illi magnificentia, quam magna illa ciuitas obtinuit, tum cum maximè floreret ac triumpharet; quæ Sancti Iohannis ætate multum imminuta erat per nobilium factiones, & seditiones militum, ipsorumque Cæsarum socordiam. Ita pristinus ille magnæ Ciuitatis, seu Bestiæ splendor, cui S. Iohannis ætate tantum decesserat, <sup>b</sup> *ut non esse tum, nisi quodam modo videretur, restituendus erat per illum Antichristum, qui sicut ascendit ex abyssu, sic iturus est in perditionem*. Quinetiam ex illo maximo <sup>a</sup> planctu, qui cietur ex interitu Babylonis xvij. cap. tam à Regibus, quàm mercatoribus terræ, vbi ad miserationem desolationis eius augendam iteratur terribi, cecidisse horè momento magnam Ciuitatem; ex illo, inquam, grauissimo planctu planissimè constat, regnum Antichristi longius triennio & semestri spatio, aut vnius hominis ætate duraturum. Reges enim, qui cum ea fornicari sunt, & <sup>b</sup> *in delicijs vixerant*, tempus habuisse diuturnius ad magnam illam necessitudinem contrahendam oportuit. <sup>c</sup> *Mercatores autem terræ*, sic eius, dum stetit, prolixè copias & feclicitatem ostentant, quasi suarum esset Emporium diuitiarum, quæ tam exiguo tempore non poterant, ac ne vno quidem sæculo, coaceruari. Sed vt iam omnem hanc Antichristi descriptionem in pauca conferam, compendiosa vobis methodo ante oculos ponam omnia, quæ de eo dicta sunt in Apocalypsi, ad pleniorē explanationem trium illorum Capitulorum quæ iam explicauimus.

Antichristus meo quidem iudicio quater à Iohanne in Apocalypsi, quatuor diuersis visionibus depingitur, quæ omnia in breue compendium cap. x. contrahuntur. Primum *equo pallido* describitur in visione sigillorum cap. vj. postquam enim Christus <sup>d</sup> *in equo albo*, cum primum sigillum apertum est, propagatione Euangelij triumphasset: <sup>e</sup> *rusus autem equus* ad apertionem secundi, non minus contenderet infestam persecutionem mouere, quàm Christus constantia Martyrum vincere; Fames autem atque alia plaga, per <sup>f</sup> *equum nigrum* figurata, prioribus illis persecutionibus in tertio sigillo succederent, dehinc iam procedit ille Antichristus in *equo pallido*, cum quartum apertum est sigillum, & *qui sedebat super eum, nomen illi Mors, quem Infernus sequebatur*; fessor pallido equi colori consentaneus: *& data est ei potestas in quartam terram par-*

tem,

tem, id est, in Europam, *interficiendi gladio*, & persecutionibus sæuendi, (quod Ethnica Roma factitauerat, *equo rufo* figurata) & conficiendi spirituali inedia seu fame Verbi Dei, quam minatur Propheta, sicuti *niger equus fame & morte corporali* necabat, quibus mors spiritualis designatur. Antichristus enim *equo pallido* notatus, Ecclesiam tum sæua persecutione & corporali morte vexabit; tum non minus pelliciendo Nationes in Idololatriam spirituali quoque morte mulctabit. Locustas enim, quibus ut rex imperat, quarum ix. cap. huius libri fit mentio, emittet; vnaque cum eis tres illos ranunculos, cap. xvj. commemoratos, qui Reges nationesque omnes ad calicem abominationum eius exhauriendum alliciant. Atque hic definire hanc descriptionem Antichristi perspicuum est. ad resignationem enim <sup>a</sup> quinti sigilli continenter subiunctam, animæ & sanguis interfectorum <sup>b</sup> Sanctorum, magna voce clamantes, accelerari vindictam expetunt, iudicium expolcunt: quod in sexto <sup>c</sup> sigillo concessum est eis aduentu Christi novissima die qui per *recessum cæli instar libri conuoluti*, & alia multa in eandem sententiam significatur.

Sed quia hæc videri posset ipsius Antichristi brevis & obscura descriptio, fusiùs & magis specificè depingit eum, præsertim in visione *Tubarum*, cap. ix. <sup>d</sup> Illic enim habetur ad quintæ tubæ clangorem, cum iam passim hæreses in tribus è quatuor primis clangoribus disseminatæ fuissent, nempe ad primam, tertiam & quartam (temporalem enim persecutionem cenleo tantum secundo tubæ cantu significari) Iohannem <sup>e</sup> *Vidisse stellam de cælo decidentem in terram, cui data est clavis putei*, <sup>f</sup> *qui dicitur abyssus: quæ cum aperta esset, cum fumo putei magnam vim locustarum exiisse in terram*, de quarum tam astutia, quam potentia, cum multa dixisset, Regis earum, qui eduxit eas de puteo Abyssi, nomen exponit, quod Hebraicè Abaddon dicitur, Græcè autem *Ἀπολλύων*. Hæc autem *stella, quæ de cælo cecidit*, significat, nî fallor, aliquæ eximie dignitatis in Ecclesia, qui cum ex officio lux mundi esse deberet, ut <sup>h</sup> Christus præceperat; ille contra munus suum deferens, instar Luciferi deficit, regnum sibi erigit, pestifero subdolorum & immanis sæuitiæ animalculorum examine emisso, quæ *locustarum* nomine notantur. Ad hunc modum sedes Antichristi cœpta est erigi, cuius doctrina copiosè declaratur in secundo *Væ*, post inflationem sextæ tubæ; vbi dicitur, <sup>i</sup> *resistite* <sup>i</sup> *duos homines, qui non sunt occisi in his plagis, non egisse pœnitentiam de operibus manuum suarum*, <sup>k</sup> *ut non adorarent demonia, & simulachra aurea & argentea & area & lapidea & lignea, quæ neque videre possunt, neque audire, neque incedere*. De cultu dæmoniorum, egregium Doctorem Iesuiticum <sup>\*</sup> *Vasquem consulite*. Quantum verò ad cultum imaginum, negari non potest, quin caput doctrinæ præcipuum sit Romanensis Ecclesiæ. Deinde ibidem subinfertur, <sup>l</sup> *non egisse eos pœnitentiam ab homicidijs suis*, neque

a Vers. 9.

b Vers. 10.

c Vers. 12.

Visio secunda describens Antichristum.

d Vers. 1.

e Vers. 2.

f Vers. 3.

g Vers. 12.

h Matt. 5. 14.

i Vers. 13.

k Vers. 10.

\* Lib. de Cultu adoration. lib. 3. disp. 1. cap. 5.

l Vers. 21.

neque à veneficijs, neque à fornicationibus suis, neque à furtis.

*Homicidia*, perlecutiones eorum denotant, promiscuas cædes ac trucidationes. De *veneficijs* qui dubitat, eorum *Agnos Dei* contempletur, quibus ignis restinguitur, benedicta indusia, & diuerforum generum reliquias; denique orationes, quæ homines à tormentorum bellorum impetu, vi flammæ, violentia ferri, iactu fulminum, cæterisque id genus periculis conferuent. Tum iudicet, an non sint hæc veneficijs & veneficorum incantationibus simillima.

Iam *fornicationem* eorum intelligo, cum spiritualementem, quæ perhibetur Idololatria, tum non minus carnalem, quæ apud eos frequentior est, tam propter matrimonium Clericis suis interdictum, quàm propter tot otiosorum Monachorum ac Sanctimonialium greges. Otium enim esse maximum incitamentum atque illecebram libidinis, vsus vitæ quotidianus docet. *Furti* autem in eo maximè se alligant, quòd Deo furripiunt titulos honorum, & amplitudinem potestatis illi soli debitam, quam in Antichristum caput suum conferant. Nec minùs in accumulandis opibus furti tenentur, dum prestigiatorijs artibus, *Tubilai*, *Indulgentijs*, *Reliquijs*, & id genus alijs efficacibus delusionibus, animas hominum nundinantur.

Desinere autem descriptionem Antichristi cap. ix. liquet ex iureiurando, quod <sup>a</sup> *fortis ille Angelus, leuata ad cælum manu* deierat vers. vj. cap. x. post cāntum sextæ tubæ, <sup>b</sup> *tempus non fore amplius*. Sed cum septimus Angelus *tubā cecinisset, consummabitur, inquit, mysterium Dei, sicut Euangelizauit per seruos suos prophetas*. Vndecimo cap. tantummodò describit modum quo debellatus est Antichristus; cuius regnum antè exposuerat cap. ix. nobisque de duobus illis testibus annuntiat, fore vt post perlecutionem, quam ab Antichristo passi sunt, exitium ei adferant. Quòd si quis putet Antichristi mentionem fieri solùm xj. cap. Bestiam autem de qua agitur xij. & xvij. cap. tantum significare Ethnicam illam veterem Romam: ad hanc minuendam opinionem satis est recordari, nunquam Antichristum poni nominatim toto cap. xj. nisi vbi vers. vij. capitis eiusdem appellatur Bestia, quæ prodit de puteo abyssi, quæ per loci descriptionem, vnde emergit, probatur eadem esse Bestia, cuius eadem origo xvij. totidè verbis commemoratur. Adeò non est alius, sed idem Antichristus varijs visionibus iteratus, varièque descriptus.

Iam xij. & xij. cap. ac deinceps vsque ad xvij. fusioem facit ac pleniorē prophetica explicationem itatus Ecclesiæ, regniquē ipsius Antichristi. Capite enim xij. designat Ecclesiam specie *mulieris à Dracone*, qui Diabolus est, in desertum fugientis. *Draco* autem vbi videt, se non posse aliter illam consequi, *effundit ex ore aquas instar fluminis, quibus abrepta traheretur*: quo significatur plurimas nationes solutas & immixtas esse ad persequendum, & vexandum Ecclesiam. Decimotertio autem

a Cap. 10.  
vers. 6.  
b Vers. 7.

Cap. 11.

Vers. 3.

Tertio visio  
describens  
Antichristum.  
Cap. 12. v. 6.

Vers. 15.



autem cap. ex illa nationum immensa colluione, quæ persequantur <sup>Cap. 13.</sup> Ecclesiam, exoritur magna illa Ciuitas, Regina omnium illarum Gentium, & caput diræ persecutionis, bestia quâdam figurata, <sup>a</sup> quæ septem <sup>a</sup> Verf. 1. habuit capita & decem cornua, <sup>b</sup> pardo similis, cum propter colorem, quia <sup>b</sup> Verf. 2. resperla erat maculis, id est, corruptelis contaminata; tum quod adulterinam quandam imperandi rationem adhibet, specie spiritualem, reuera sæcularem, quæ super Reges terræ extollitur: Leopardi similem, quæ spuria est bellua, è Leone pardoque mista; *vr finis pedibus*, ad vires eius significandas; *ore autem leonis*, ad rapacitatem declarandam, sæuamque naturam.

Hæc Bestia, quæ suam à <sup>c</sup> *Dracone habuit potestatem, plagam autem lethalem in vno capite*, siue vna imperandi rationum, à Gotthis ac Vandalis acceperat, sed mox <sup>d</sup> *curata est, aperuit os suum ad blasphemias in Deum* <sup>e</sup> *bellumque Sanctis intulit*: quam, scilicet terram vniuersam adorare <sup>c</sup> Verf. 3. oportet, quod nunquam vetus illa Ethnica Roma à quoquam postulauit; quæ dedignata non est fœdere coniunctos Reges, *socios atq, amicos* comiter appellare. Cultus autem, atque adoratio, hoc eodem nomine ac titulo, soleatne adhiberi singulis Pontificibus cum inaugurantur, nemo Cardinali nostro melius nouit. <sup>d</sup> Verf. 6. <sup>e</sup> Verf. 7.

Deinde <sup>f</sup> *alia bestia è terrâ* exoritur, cuius firmior origo est & stabilior, vt quæ visibiliter veræ Ecclesiæ succedat; ob eamque causam *duo cornua, tanquam Agnus gerit*; specie quidem externâ Christi sponsam referens, & Christum sibi propugnatorem obtendens: sed instar *Draconis* loquitur, docens damnabiles Diabolicasque doctrinas. Hæc autem Apostolica Ecclesia (Apostolica dicerem) postquam mundo palam fecisset suam ingentem potentiam, & *omnia faciendo, quæ prior Bestia unquam potuit facere, in conspectu eius*: hoc est, ostentando magnitudinem suam non infra magnitudinem Ethnici Cæsarum Imperij subsidere, tanta cupidine incensa est efferendi Bestiam hanc, quæ iam Antichristi nomen & sedem tenuit, vt *terram faciat terræque habitatores adorare illam priorem Bestiam*, siue Romanum Monarcham: atque ita in eum omnem suam potentiam atque opes transferat. Quin Reges etiam, Cæsaresque, pedes eius exolculari non detrectabunt. Quam ad rem edet miracula, in quibus se venditabit, seducens portentis mendacibus, errorisque efficaciâ, vt <sup>h</sup> Paulus loquitur, quamplurimos: Inter alia autem <sup>h</sup> 2. Thess. 2. eius prodigia, <sup>i</sup> *ignem de cælo deducet*; nempe *fulmen Excommunicationis*, <sup>i</sup> Verf. 13. cuius tanta vis est, vt thronis exturbare Principes valeat, adè vt omnes pro hæreticis occidendi sint & exurendi, qui <sup>k</sup> *Bestia nolunt imaginem adorare*, hoc est, summam eius potestatem nullis limitibus circumscriptam. Quinetiam hæc *Bestia*, vel *Pseudopropheta* (sic enim xvj. cap. appellatur) adè totus incumbit ad augendam illam alteram *Bestiam* siue Antichristum, vt à cunctis ordinibus generibusque hominum, <sup>l</sup> *in manibus* <sup>l</sup> Verf. 16.

a Vers. 17.

nibus dextris ac frontibus suis, illius Bestiæ character siue nomen accipiendum sit; <sup>a</sup> sine quo non licebit cuiquam emere quicquam, aut vendere. Character in fronte quid est aliud, quàm externa professio, vel humilis potius confessio, se huic Bestiæ subijci? Signum in dextra, notat actualement eorum atque implicitam obedientiam erga eam, quam putant non posse errare, etiamsi eos contra Principes suos naturales arma ferre iuberet. Cui similis est illa *cæca obedientia* in quam omnes Iesuitæ iurant, quibus nec ab similes sunt Romanenses illi apud nos Sacrificuli, qui Sacramentum fidelitatis iure naturali debitum, in deterius mutati eiurarunt: quod licet primò suscepisse se dicant, illæsa conscientia, utpote vinculo Naturæ obligatos; tamen nunc illud idem necesse habent eiurare, & fas omne abrumpere, ne Pontificijs mandatis non pareant, cuius libidini conscientiam eorum & rationem mancipatam esse oportet. Qui verò non concedit absolutam hanc potestatem, *neque emendi, neque vendendi* ius habet: quia nemo fidem seruare tenetur hæreticis, yllumue contractum cum illis ratum habere: immo æquiucare (ipsorum verbo utor) & peierare aduersus illos Romano-catholico licet.

b Vers. 15.

\* Irenæus  
aduersus hæ-  
reses. lib. 5.

Iam quod ad nomen Antichristi attinet, & *numeri* in eo nomine *mysterium*, siue intelligendus sit numerus, quem literæ conficiunt in Græco nomine \* *χίλις*, quod optimè cum Romana fide, & Latina liturgia congruit: siue quòd in contextu *numerus* vocatur *hominis*, placet accipere annorum Domini numerum, cum ille homo, qui primus omnium vsurpauit titulum Antichristi, viueret, Lectoris arbitrio dijudicandum relinquo. Primum illum hominem intelligo Bonifacium tertium, qui primus se nuncupauit *Vniuersalem Episcopum*: quo titulo, S. Gregorius, qui vitam vsque ad tertium annum ante Pontificatum illius produxit, ipsum Antichristum cognoscendum fore <sup>c</sup> prædixerat; siue eius, ut ipse loquitur, præcursores: qui licet defunctus sit sexaginta annis ante annū DCLXVI. Christi, tamen titulus ille non nisi Lx. post annis in successoribus Bonifacij iam confirmatus resedit. Aut si libet numerum annorum inire, à tempore quo Pompeius templum diripuit, vsque ad Bonifacium, non multum huic annorum numero explendo deerit.

d Cap. 14.  
vers. 3.

e Vers. 6.

f Vers. 7.

g Vers. 8.

h Vers. 9.

Ad hunc modum cum Antichristi dominatio prophetice xiiij. cap. descripta sit, occasus eiusdem <sup>d</sup> xiiij. prænuntiatur; primum exultatione festiua, ac triumphali noua cantione Sanctorum in cœlis: deinde Angelorum trium præconio, quorum primus <sup>e</sup> *manu tenens æternum Euangelium, cunctis gentibus annunciandum* (certissimum telum, quo *duo testes* oppugnaverant Antichristum) <sup>f</sup> *timorem & gloriam Deo prædicaui. quando iudicii eius hora venisset.* Secundus pronuntiavit <sup>g</sup> *ruinam Babylonis*, quæ est interitus ipsius Antichristi. Tertius vetuit atque interminatus est sub pœna damnationis æternæ, nequis <sup>h</sup> *Bestiam adoraret, neu chara-*

Et rem

Herem eius acciperet. Quamquam autem in reliquo capite nouissimus dies iterum prænuntietur, quasi paulò post reuelationem hominis peccati sequuturus; veruntamen <sup>a</sup> xv. cap. commemorat *septem plagas*, <sup>a</sup> Cap. 15. v. 1. nomine *phialarum*, priùs super Antichristum, & regnum eius venturas. quibus nominatim <sup>b</sup> xvj. cap. expositis, inter alias numerat effusam è <sup>b</sup> Cap. 16. *quinta phiala* plagam tenebrarum, immò tantam caliginem, vt & ea <sup>c</sup> Vers. 10. regnum Antichristi obscuratur. vnde sextus Angelus cùm effuderit <sup>d</sup> *phialam* suam, *Via preparabitur Regibus ab ortu Solis*, cùm iam homo <sup>d</sup> Vers. 12. peccati conceptus est reuelari; sublati omnibus impedimentis, quæ possent iter eorum ad inuadendam illam Monarchiam remorari: non secus ac fluuius Euphrates, qui Babylonem ipsam præterlabitur, eam ab incurfu Regum Orientis (Medorum, scilicet, atque Persarum) quoad permansit Babylonica Monarchia, tutabatur; donec fluminis exsiccatione, aut inopinato Cyri transitu <sup>e</sup> Babylon noctu capta est, Balthasar occisus, imperium eius euersum, etiam dum Babylone residebat, inebriatus & potens in vasis ad Dei ministerium comparatis; atque ita quasi in templo Dei sedens, sacrisque eius abutens mysterijs.

Ad cuius mali remedium cùm *sexta phiala* effunderetur, <sup>f</sup> *tres im-* <sup>f</sup> Vers. 13. *mundi spiritus in modum ranarum exhibant de ore Draconis, Bestie, & Pseudoprophetae*, quod sic intelligendum arbitror: cùm primùm Antichristi Regnum tam crassa densaque ignorantiae caligine obscurabitur, vt omnis diuinarum humanarumque rerum cognitio, literæ denique omnes penè intereant, paucique ex ipsis sacerdotibus legere auctorem Latinum, nedum intelligere possint: atque ita munita erit via expeditissima ad interitum Babylonis: tum noua secta exurget, & noui spiritus ad labantem illum thronum fulciendum: qui tres numero censentur, ideò quòd tribus magistris diriguntur. suscitantur enim & afflantur ipsius Satanæ spiritu, qui nomine *Draconis* figuratur; auctoritate ipsius Bestiæ, quæ est Antichristus, confirmantur & stabiliuntur; denique à Pseudopropheta, quem Apostaticam Ecclesiam interpretor, docentur: cuius cornua sunt instar *Agni*, sed ad similitudinem *Draconis* os loquitur. Hi quidem Spiritus ad hunc modum emissi, triplici auctoritate, in defensionem sui Monarchæ triplicem coronam gerentis, muniti, bene assimilantur ranunculis. sunt enim <sup>g</sup> *ranunculi*, qui possint in utroque elemento tam terrâ, quàm aquâ viuere. Quamuis enim professione sint Ecclesiastici, tamen artibus hominum politicorum, cùm opus est, vtuntur; <sup>g</sup> Reges adeunt terræ, quos ad prælium magni diei <sup>g</sup> Vers. 14. & ab omnipotente Deo constituti congregent. Quæ cædes, quamque horribiles in multis orbis Christiani regionibus lanienæ eorum impulsu perpetratæ sint, & quàm malè cefferit Regibus, qui illorum dictis audientes fuerunt, omnes non iniqui temporum nostrorum Historici testantur. Quisquis autem Rex aut Respublica illos non admiserit,



rit, illisque non obtemperauerit, exterminari illum Regem, euertere illam Rempub. arma alia si defunt, vel sulphurato puluere oportet. Atque hæc *ranæ* non absque re in omni literarum genere elaborarunt, quò docti euaderent, ut crassam illam ignorantie nebulam, quæ regnum Antichristi, antequam exissent, obductum fuerat, dissiparent, atque dispellerent. <sup>a</sup> Deinde huius capitis clausula, ultimam plagam completitur, effusam in ipsum Antichristum *septima phiala*, quæ est nouissimum illud iudicium summæ die futurum. Tum enim, inquit, <sup>b</sup> *Babylon venit in memoriam coram Deo.*

Quarta Visio  
describens  
Antichristum.  
c Cap. 17. v. 3.

d Vers. 4.

e Vers. 1.

f Vers. 2.

g Vers. 6.

h Vers. 5.

Sed xvij. cap. Visio prior exponitur; ubi Antichristum <sup>c</sup> *mulier sedens super illam multorum capitum Bestiam* repræsentat: quia ut vera Christi sponsa & Ecclesia per *mulierem* xij. cap. repræsentatur, sic caput adulterinæ falsæque Ecclesiæ per *mulierem* hîc etiam designatur; sed <sup>d</sup> *quæ calicem plenum abominationibus manu teneat*: ut & ipsa <sup>e</sup> *scortum* propter spiritualia eius adulteria vocatur, utpote quæ <sup>f</sup> *Reges terræ seduxerit*, ut spirituales suas fornicationes participarent. Erat tamen externâ specie, mirum in modum splendida & gloriosa, sed sæuis persecutionibus & *sanguine sanctorum ebria*. Quoque innotescat magis, fronti nomen eius inscribit, moribus consentaneum: <sup>h</sup> *Mysterium, magna illa Babylon, mater illa fornicationum & abominationum terra.* *Mysterij* vocabulum illi duobus nominibus competit: vno, quòd sibi illud arroget; altero, quòd reuera digna sit hoc nomine. Sibi illud assumit in eo, quòd ipsa se *Caput visibile* indigerat mystici corporis Christi, quatenus dispensatrix esse vult & sola mysteriorum Dei interpret: denique magnus hic in terra Deus, & auctor Fidei, Mystes est professione, id est, Sacerdos. Et si verum est, quod non nemo obseruauit, illum habuisse antiquitus *mysterij* nomen, Mitre inscriptum, non est quod aliam interpretationem requiramus. hæc enim in eo planissimè prophetia impleta est. Dignam autem esse hoc nomine, quod reliquum est tituli, facile arguat; quo demonstratur <sup>i</sup> *mater esse scortationum & abominationum terra.* atque ita, sub falsa specie sanctitatis, si verum quærimus, mysterium sit ipsa iniquitatis, atque omnium abominationum; sub laruata simulatione curæ spiritualis animarum, regna exhauriens, orbemque Christianum sanguine & cædibus miscens.

i Vers. 5.

k Vers. 9.

l Vers. 12.

Iam cum hanc coccineam & cruentam Bestiam, eiusque sessorem ad hunc modum figurâ corporis, vestibus, nomine & moribus descripsisset, deinceps Angelus Iohanni Visionem interpretatur, & tam Bestiæ, quàm sessoris arcanum explicat: nempe *septem capitibus Bestia*, significari totidem <sup>k</sup> *colles*, quo situs Ciuitatis, sedesque Imperij notatur; nec non septem capitibus, *septem* intelligi *Reges*, siue formas administrandæ Ciuitatis illi proprias; de quibus iam exposui, quid sentirem. De <sup>l</sup> *decem* autem *cornibus*, quæ totidem *Reges* esse demonstrat, qui simul eodémque

eademque momento temporis cum Bestia suam accipient Regiam potestatem, meo quidem iudicio denarius, certus numerus est pro incerto, sicuti septem capitum numerus, & decem cornuum Draconis seu Diaboli, non potest aliter intelligi, nisi ut numerum declaret incertum; præterquam quod in decem cornuum mentione, ad decem cornua septicipitis beluæ, septimo Danielis alludere videtur. Itaque hos decem Reges reor esse omnes in commune Reges Christianos, & liberos Principes, ac Respublicas, Vos scilicet, Dilectissimi Fratres, quibus libellum hunc meum dicaui, deque nobis omnibus hæc pronuntiari: quod, licet hæc nostra omnium absolutorum Principum potestas cœperit vno eodemque tempore cum Bestia (illustriora enim orbis Christiani regna, non nisi ruente Ethnico imperio Romano, libertatem suam vindicarunt) atque indidem Antichristus suum regnum auspicatus sit; licet per diuturno tempore in adoranda Bestia nobis perseverandum foret, in eius obsequium catholicè & vniuersim consentiendo, omnem ei <sup>a</sup> potestatem nostram auctoritatemque concedendo, pedes eius exosculando, cum ea simul calicem idololatriæ hauriendo, <sup>b</sup> bellum cum Agno, in persecutione Sanctorum eius, iubente ea gerendo, quæ tot nationibus & populis imperabat: tamen his tot tantisque difficultatibus superatis, tempore opportuno quod Deus nouit, atque adeo præstituit, post illam cum Agno depugnationem <sup>c</sup> victoriamque eius, hoc est, nostri conuersionem <sup>c</sup> vi verbi, tandem aliquando odio meretricem habebimus, & sic desertam relinquemus ac nudam, ut pateat omnibus hypocrisis eius, & falsa zeli simulatio: denique carnem eius comedemus, ipsamque igne comburemus. Hunc igitur in modum <sup>d</sup> via Regum orientis erit patefacta. Deinde rationem <sup>d</sup> subiungit huius tam subitæ, miræque mutationis in nobis. <sup>e</sup> Deus enim, inquit, dedit in cordibus eorum, ut facerent suam voluntatem, vnoque consensu traderent regna sua Bestia, donec verba Dei complerentur: secundum illud Salomonis, <sup>f</sup> Cor Regis in manu Domini; quocunque vult, flectet illud, ut lapsus aquarum. Ad hunc modum interpretatus Bestiam, siue imperium, vno deinde verbo explicat mulierem, quæ super illam sedebat, seu Monarcham, qui regebat eam, non aliud esse, quam <sup>g</sup> magnam illam Ciuitatem, quæ dominabatur Regibus terræ; sedem imperij designans, & quasi digitum intendens ad conditionem eorum, qui sedem eam occuparent, atque in ea dominarentur.

Tum magnitudo ruinæ eius, & luctus ingens, quem Reges pariter ac mercatores facturi essent super eam, prædicantur ab alio quodam Angelo cap. xviii. cum Reges plangerent eius occasum, quia <sup>h</sup> in delicijs cum ea diffuebant: quod cum Ethnica Roma à nullis vnquam Regibus factum est; nec fieri potuit, quos vi & armis subegit. Sed illa, cuius interitum deslebant, honorificis eos nominibus titulisque ornauit, veniamque eorum libidinibus atque illicitis matrimonijs indulsit. Mer-

a Verſ. 11. 15.  
16. 17. 18.

b Verſ. 12. 13.

c Verſ. 13.

d Henr. 3. R.  
Gallorum.  
e Henr. 4. R.

f Verſ. 4.

g Verſ. 6.

\* Vt cornicula  
Æſopica.

h Verſ. 7.

catores<sup>a</sup> autem terræ, cum omnibus nauicularijs, & gubernatoribus, & commercia habentibus in mari, plangent ruinam illius magnæ Ciuitatis (cui nulla par vnquam fuit) propter iacturam diuitiarum & commercij, quibus eius, dum ſterit beneficio, fruebantur. Atque ibi omnia<sup>b</sup> diuitum mercimoniorum genera deſcribit, quibus magna illa Ciuitas, cùm eſſet Emporium copioſiſſimum, abundabat. Opus enim habet proſectò, nec poteſt carere diuitijs, & pretioſis eiufmodi mercibus, cùm ad ornatum Templorum, ac Satrapis ſimilium Prælatorum, tum ad cultum ligneorum, quibus eſt plena, Sanctorum. Beata enim Virgo quotidie nouitijs & exquiſitiſſimis veſtimentorum generibus, quamuis habitum referant meretricium, induenda eſt & ornanda. Omnium autem ſumptuoſarum mercium, quæ maximi pretij ſunt, <sup>c</sup> Anima, ſcilicet, hominum, poſtremo nominantur. Tantum enim pecuniarum in Miſſas impenſum, tantum in hoc vel illud Cœnobium Monachorum aut Fratrum erogatum, inprimis verò in illam, omnibus regulis & legum nexibus ſolutam, &, vt ita dicam, incomprehenſibilem, Ieſuitarum ſectam, valebit redimendæ cùm largitoris animæ, tum parentum eius in centeſimam uſque generationem, ne flammis Purgatorii excoquantur. Et certè, credo, non eſt illa mediocris animarum negotiatio, cùm homines uſque eò ſpe & promiſſione æternæ ſalutis falcinantur, vt facile perſuadeatur Fraterculo, <sup>d</sup> Regem dominum ſuum confodere, imberbiadoleſcentulo in vitam proximi <sup>e</sup> ſucceſſoris perditè inuadere, multis, in Sereniſſimæ Reginæ nuper deſunctæ, necem ſæpius coniuurare: denique, me imperium obtinente, nitrati pulueris impetu Regnum regniſque Ordines funditus euertere, atque ita tam Animi, quàm Anima iacturam facere.

Sed quantumuis flebilem edant lamentationem, voce cœlitus miſſa, mandata duo accipiunt; vnum, <sup>f</sup> exire quamprimùm è Babylone, ne ſiant participes peccatorum eius, ac deinde pœnarum. Qua præmonitione excitati, vtinam vos omnes (Chariſſimi Fratres & Conſanguinei) vobis, dum tempus eſt, conſularis, & ad hæc proſpicienda oculos aperiat; Alterum, <sup>g</sup> reddere ei, ſicut & ipſa reddidit vobis, immo duplicare ſupplicia ſecundùm opera eius. Vt enim illa non niſi alis veſtris in tantam altitudinem ſubuolauit, tam titulos ſuæ magnitudinis & honores à vobis mutuando, quàm veſtrâ munificentiam, quicquid temporalium poſſidet, perfruendo; Ita ſi quiſque veſtrum, ab illa rurfus, quod ſibi ereptum eſt, repetet, breui, vt inquit Poëta, ſtabit \* furtiuis nudata coloribus, deciſiſque humilis pennis; idque propter ſuperbiam ſuam. hæc enim ratio redditur, <sup>h</sup> Quia glorificauit ſe, & in delicijs fuit; & dixit in corde ſuo ſe ſedere Reginam. Nulla enim certior eſt apud illos veræ Eccleſiæ nota, quàm ſecundæ res, & externa proſperitas. Vidua autem non eſt; quippe quæ ſponſum Chriſtum habeat, indiſſolubili nodo ſibi deuinctum.



etum. suam enim ei fidem iureiurando firmavit, se nunquam eam deferreturum. itaque *luctum non videbit*. errare enim non potest, neque Inferni portæ vnquam aduersus eam præualebunt.

Sed licet terra, & homines terrena sapientes, hunc in modum Babylonis occasum in illo xvij. cap. plangent : tamen xix. Cælum & Angeli, Sanctique omnes in cælo, præ gaudio ruinæ eius, triumphalem canunt cantionem, laudantes Deum propter illius <sup>b</sup> *magnæ meretricis* ruinam : quæ rectè magna perhibetur. Noster enim \* Cardinalis faretur perquam difficile esse Papam definire : tanta est eius amplitudo atque maiestas. Sub finem autem illius capituli, obstinata illius *meretricis* pertinacia describitur, <sup>c</sup> *quæ aduersus infidentem equo albo, eiusque exercitum totis viribus præliata est*, <sup>d</sup> *donec Bestia siue Antichristus caperetur; & cum eo Pseudopropheta* (id est, falsa Ecclesia) *qui miraculis, prodigiisque mendacibus seduxit eos, qui Bestiæ characterem acceperunt. Utique autem coniectus est viuus in lacum ardentem igne & sulphure*, vnde nulla redemptio : sicuti sub finem superioris capituli ad describendam plenius Antichristi ruinam, dissimilem omnino plagæ illius sanabilis, quam Ethnica Roma acceperat; primum *Jaxo molari comparatur in mare coniecto*, quod nunquam rursus emergit, neque in summo fluitat : deinde multis rebus iucundissimis exprimitur, quarum voces inde nunquam postmodum exaudientur, vbi nihil nisi horrida desolatio commorabitur. Verum vt patientia & constantia Sanctorum in terra, Deique Electorum melius confirmaretur, persecutio nouissimorum dierum breuiter repetita prædicitur, postquam *Satanas vincetus fuerit*, compressusque eius furor, dum mundus ad *mille annos*, hoc est, ad longum tempus, pacefrueretur. Quo soluto persecutores exoriuntur, *Gog & Magog*, occulti apertique hostes Christi : quod de Papa, & Turca (qui ferè eodem tempore ad suam magnitudinem excreuerunt) accipiendum sit, necne, alijs iudicandum relinquo. Sed hoc certum est, <sup>e</sup> illorum æternam confusionem illic repromitti : nec minus *Draco* <sup>f</sup> *Bestia & Pseudopropheta*, omnes simul *mittentur in lacum ignis & sulphuris*, sempiternos in eo cruciatus perpassuri. <sup>g</sup> Tum nouissimus dies iterum describitur, <sup>h</sup> *qui propter Electos accelerandus est* : temporarias autem illas tribulationes quò fortiùs Electi constantiùsque perferrent, vtpote post breue temporis spatium finiendas, duobus extremis capitibus beatitudines cælestis æternæque Ierusalem copiosissimè proponuntur.

Ad hunc modum inuerecunda illa vis ac impudens, quam sensui duorum Scripturæ locorum Cardinalis attulit, *Pasce oues meas; & Tibi dabo clauas*, vt ex eis supremam in temporalibus Pontificis potestatem supra Reges ac Principes astrueret, me impulit, vt ex hoc, quem modò excussi, Scripturæ libro, Pontificem Romanum Antichristum esse euincerem, eumque quo teli genere me erat adortus, eodem vlciscerer.

a Cap. 19. v. 2.

b Vers. 2.

\* Bellarm. in resp. ad Gerf. confid. 11.

c Vers. 19.

d Vers. 20.

Cap. 18. 21.

Ibid. v. 22. 23.

Cap. 20.

Vers. 2.

Vers. 8.

e Vers. 9.

f Vers. 10.

g Vers. 11. 12.

13.

h Mat. 24. 22.

Cap. 21. 22.

Neque me ab ista sententia ullus Pontifex dimouebit, nisi qui nihil fibi iuris esse in temporalibus Principum rebus ac negotijs prius fatebitur. Id autem mihi maximè in votis est, vt si cui hanc meam de Antichristo coniecturam libebit refellere, singulis disputationis meæ partibus ordine respondeat: nec illi satis sit meam sententiam condemnare, sed methodum meliorem ad *Apocalyps. ôs* expositionem subiiciat, quæ neque vlli contextus parti repugnans sit; nec ineptum aliquid aburdumque contineat. Alioquin nihil facilius *Momo*, quàm alienam narrationem carpere, suamque longè deteriore eius loco subijcere: cum multo difficilius sit errata emendare, quàm arguere.

Exspatiatus aliquandiu in Antichristi vita ac titulis, quæ equidem Pontifici multo rectius conuenire probauerim, quàm Bellarminus suum illum Papæ dominatum in Reges: redeo tandem ad hunc Censorem meum, qui, vt dixi, *materiam* scriptionis scribendi *modo* mirum quàm probè adaptauit. nam vt illius scriptio mera est Satyra, & in me meamque Apologiam conuictorum & maledictorum congeries: sic & ipsa materia mendacijs & figmentis tota scatet: quæ nomina tam in illud scriptum iure cadunt, quàm in meum iniuria conferuntur. Tria enim mendacia confinxit contra fidelitatis Sacramentum, cui propugnando Apologiam destinaueram: vt mittam illud toties ab eo repetitum mendacium, nolle se meis mendacijs, nugis, contumelijs, & blasphemijs respondere. Vnum insigne mendacium profert etiam de Papæ primo Breui: Alterum, de Puritanis, quos ad suas partes traducere studet, & aliud de occasione quæ perduelles nostros ad nitrati pulueris coniurationem inuitauit. Tria deinde mendacia effutit, de Parlamento siue ordinum decreto, quo fidelitatis iusiurandum præscribitur. Vnum quoque, sed illud graue, in suos illos scriptores Catholicos: duo denique in recensendis cauissis, ob quas duo in Anglia Iesuitæ extremo supplicio sunt affecti. Sed & diuerſas quinque historias aut adulterat, aut negat, aut detorquet, vt & libellum typis excusum: ne quid dicam de illo impudenti mendacio à me paulò antè refutato, me in Scotia, scilicet, fuisse Puritanum. Et ne pars libri aliqua tam preciosis vacaret mercibus, illum quinque tam nouis ac peregrinis in Theologia dogmatibus referſit, vt Papistarum paucissimis vel audita, vel probata existimem. Quæ omnia mendacia, cum quinque nouis, atque, vt videtur, falsis doctrinæ capitibus, historiisque compluribus ementitis, in Tabulam relata sunt separatim ad finē huius Monitionis, quibus singulis sua est annexa confutatio.

Sed librum illum refellere, id verò neque mihi necessarium, nec meæ dignitati consentaneū esse duxi. Non quidem necessarium, quòd, vt antea monui, summa illa ac primaria de Sacramento fidelitatis quæstio, quam Apologiā meā asserui, necdū est iustā aliquā & directā responsi-

one

one impugnata. Citationum in margine notulas perperâ locatas carpere, vel similes typographorum fortuitos errores, qui inter excudendum voces fortè aliquas aut addiderint, aut præterierint, quæ tamen ad argumentū & rei summam non faciunt; ea verò validissima tela sunt, quibus meam Apologiam oppugnat. Iam autem præter Regis Maiestatem esse puto, ut in lite ac certamine Cardinali se componat, saltem cum eo Cardinali, qui non sælicius ac illustrius, quàm iste, natus sit. Nam Ecclesiastica illa dignitas, quanquam Principum incuriâ (ut iam dixi) ad hoc præsumpti honoris culmen ascendit, tamen si ad eius originem & cunabula redeamus, nihil est aliud, quàm titulus Presbyteris & Diaconis Paræcienſium Ecclesiarum vrbis Romæ attributus: olim quidem Presbyteris & Diaconis cuiuslibet Cathedralis Ecclesiæ vniuersè concessus. Sed cum eiusmodi Cardinalium ingens multitudo vndique Romam commeantium, Urbem impleret, tandem nomen Cardinalis cæteris ademptum est, & solis Romanarum paræciarum Presbyteris & Diaconis reseruatum. Et cum ante S. Gregorium nemo illius tituli meminerit, qui sexcentis post Christū annis in quibusdam Epistolis de Cardinalibus loquitur, atq; ita multis post Apostolos sæculis, hodierni isti Sedis Apostolicæ Electores inuisi omnibus & incogniti fuerint: cumque ipse Gregorius non eos alio loco ponat, quàm quem eos olim obtinuisse modò dixi; non potest, opinor, Cardinalis, qui Gregorium Angliæ Apostolum vocat, mihi Angliæ Regi vitio vertere, si Cardinales eodem gradu & ordine habeo, quo constat nostrum illum Apostolum habuisse. Sed quo modo, præter rationem suæ originis ac institutionis, tam prodigiosè sint elati, ut ex paræciarum Presbyteris ac Diaconis, nunc Principes facti sint, Regūque æquales, & ex gradu, Episcopali dignitate minori (ut <sup>a</sup> Bellarminus & <sup>b</sup> Onuphrius fatentur) sint hodie soli Pontificis Electores, quicum generalium Conciliorum vice funguntur (vnde & iam vsus generalium Conciliorum penitus exoleuit) immo ut non nisi ex illorum collegio fas sit Pontificem eligi, qui supremam in Reges sibi auctoritatem vindicat; hoc, inquam, tam insolens incrementum quo modo cœperit, nullisque repugnantibus adoleuerit, nostrum est omnium providere: qui cum in terris Vicarij Dei simus, iure optimo suspectos habere debemus istiusmodi nuper exortos Principes, qui sua origine modici humilè que, seipsos ad summum fastigium, suis ipsi suffragijs subuehant; Regibusque deinde se componunt. Sed hæc est præcipua, quam nobis inferunt, iniuria, quòd ius Christianis commune Regibus in generalibus Concilijs, nobis adimant; cum illorum habendi modum penitus sustulerint; eorū vi ac potestate ad se pertracta, & velut monopolio in Pōtificio Conclauī cōstituto. Et tamē si spes vlla aut expectatio superesset, posse Christianos omnes ad aliquem in religione consensum adduci, id esset à generali Concilio

a Lib. de Clericis cap. 16.  
b Lib. de Episcopis, Titulis & Diaconis Cardinalium.



Concilio expectandum; indicto in commodum nec suspectum locum conuentu, vbi Christiani omnes Principes, aut ipsi, aut per Legatos possent adesse; & Ecclesiastici omnes, qui Christianam religionem profitentur, illisque veteribus veræ, antiquæ, Catholicæ & Apostolicæ Fidei fundamentis adhærescunt, tutum accessum ac com meatum haberent, incendiarijs vtrunque furiosis ac nouitijs, siue Iesuitis, siue Puritanis exclusis.

Cum igitur non id mihi negotij dare statuerim, vt illi libro respondeam, eis de causis quas attuli, quæ me & ipsius controuersia, & controuersiam facientis hominis causa mouerunt, sat visum est, si iterum meam Apologiam curarem excudi, nihil penè emendatam, nisi quatenus librarij aut typographi peccauerant, istamque Epistolam ac Præmonitionem præfigerem, vt etiamnum experiar, sitne aliquid, quod dicere in eam iure possint: sat certus, nequaquam ex meis subditis defuturos qui scriptoribus illis, meisque scilicet Censoribus fusè copiosèque respondeant. Vobis interim hanc mentem atque animum oro, vt perpendere diligenter velitis, quàm hæc controuersia vobis omnibus, & grauis & communis sit censenda. Nam nec in tota mea Apologia, nec in illa præclara ad illam responsione, vilo modo speciatim de me agitur, num excommunicari à Pontifice & regno abdicari possim: (quippe tam benignè Cardinalis mecum agit, vt sentire Pontificem dicat, non è re esse, vt me hoc tempore nominatim excommunicet) sed controuersia nostra generalis est, Num Pontifex legitimam aliquam in temporalibus supra Reges sibi possit potestatem arrogare.

Iam vos antea docui, Ecclesiasticos ex illius sententia, nullius secularis Principis iurisdictioni esse subiectos. quale autem ab illis hominibus obsequium *de facto* expectare debeatis, ipse non obscure significat illius obedientia exemplo, quam Imperatori Mauricio Gregorius Magnus detulit. Vbi hominem non puduit Christianam sancti illius viri humilitatem traducere: quasi id fuisset violentum coactumque obsequium, Gregorio vel non satis valente, vel non auso repugnare. Qua in re non iniuriam Gregorio tantum facit, sed omnino humilitatis ac patientia splendorem illum, qui in prima illa & adhuc Oriente Ecclesia, ac præsertim sub persecutionum sæuitia nituit, fœda turpique labe maculat; si hæc ingens Martyrij & Christiana patientia gloria, non demissioni animi spontanea, sed necessitati ascribatur; quod aut viribus, aut animis defecti (instar Iudæorum aut Turcicorum mancipiorum) fortioribus aduersarijs cederent: contra SS. Pauli Petrique præcepta, qui *propter conscientiam* subditos esse iubent; contra illam etiam Tertulliani pro Christianis Apologiam, & antiquorum Patrum apertam professionem & ubique repetitam. Sed benè cum illorum temporum Christianis, qui sub Ethnicis Imperatoribus degebant, actum

actum est, quòd hæc noua, insolensque doctrina nondum emerferat. alioqui funditus extirpati sublatique, ne suis quidem malis aliquos ingemiscientes inuenissent; cùm periculosa in Republica factio atque secta iure videri posset, quæ vellet parère duntaxat, donec auctis viribus imperium excutere, aut inuadere potuisset.

Iam igitur perspicitis Cardinalem nostrum id agere, vt hinc quidem Reges omnes, atque Monarchas Pontificiæ potestati mancipet; illinc autem vel ex Pontificijs subditis minimum omni Christianorum Principum iurisdictione exsoluat. Neque illi satis fuit Pontificem omnium nostrum ceruicibus imposuisse; nupero quoque tractatu, cui titulum fecit, *Recognitio librorum de Controuersijs* vniuscuiusque nostrum populos ac subditos nostris fascibus superiores esse voluit. quippe recensere suos de Controuersijs libros aggressus, & emendare atque exponere, quicquid in illis esset vel incuriâ, vel errore peccatum, exemplo *Retractionum* Augustini (ita enim in Præfatione scribit) nihil quidem ex pristinis erroribus rescindit, sed reuerâ recinit, repetitque, & absurdissimum quemque nouo argumentorum subsidio confirmat. Inter cætera eximere Clericos ab omni temporalium Principum potestate: & non modò Pontificis, sed & ipsius populi supra nos imperium stabilire, penè præcipua sunt egregiæ illius Recognitionis argumenta.

Et quidem in illa eximendorum Clericorum quæstione, eo studio, eaque contentione depugnat, vt & Cæsarem neget legitimum Iudicem Pauli fuisse; <sup>a</sup> contra ipsa Contextus verba, & prouocationem Pauli, qua Cæsarem suum esse Iudicem fatebatur: vt omittam toties ab eo implorata Ciuitatis Romanæ iura ac priuilegia, <sup>b</sup> cuius esse se Ciuem, ac proinde Imperatori subiectum prædicabat. Sed mirum est, non pudère istos Romano-catholicos tam magnificè tum Ecclesiæ suæ antiquitatem, tum doctrinæ iactantes, nobis autem nouitatem adèò acerbè exprobrantes, tam nouum atque ineptum in illum S. Pauli locum glossèma confingere: quod vt repugnat Apostoli verbis, ita nec vllius ex antiquis Concilijs, aut alicuius Patris hunc locum eo sensu exponentis auctoritate firmatur. Sed nec in dubium Primitiuæ ecclesiæ temporibus vnquam est vocatum, an Apostoli, aut alij cuiuscunque gradus Christiani, Imperatoribus de iure subijcerentur. Vbi verò fasces Regios populo submitti debere disputat, hoc seditionum fundamento, vtitur, vt probet non Regibus auctoritatem à Deo immediatè, perinde ac Pontificibus esse concessam. Nam Rex quilibet, inquit, à populo suo eligitur; immo & \* *populus nunquam ita suam potestatem in Regem transfert, quin illam sibi in habitu retineat, vt in certis casibus etiam actu recipere possit.* Egregium profectò Theologiæ Axioma, & factiosis ac rebellibus auidissimè arripiendum, qui in Principes insurgere, seque in libertatem

<sup>a</sup> Act. 25.  
10.

<sup>b</sup> Act. 22.  
28.

\* Bellar. in  
Recog. lib. 3.  
quæst. de  
Laicis.

bertatem vindicare, quodcumque; ipsis videbitur, eo iure freti possunt.

Et quidem inter alia testimonia, quibus Reges inaugurari à populo ac creari solitos conatur euincere, trium Regum ex Scripturis creatio-  
 a 1. Sam. 10. 1 nem profert, Saulis, Davidis atque Ieroboam. Et quanquam ipsis Scrip-  
 turæ verbis fateri adigatur, Deum Samuelis Prophetæ ministerio <sup>a</sup> Sau-  
 lem, ac deinde <sup>b</sup> Dauidem inunxisse, nihilominus ex subsequente po-  
 puli consensu probare annitur, non immediatè à Deo Reges illos;  
 sed per populum, mediatè, ad illud auctoritatis & potentiae culmen e-  
 uectos; quamuis verbum illud *sortis* ter repetat, cuius beneficio Saulem  
 electum fatetur. Quod si ea *sortis* electio, non immediatè à Deo est, er-  
 go nec <sup>c</sup> Matthias. qui eo modo ad Apostolatam promotus est, à Deo  
 immediatè est electus. ex quo sequitur, & illum, qui sedem Apostoli-  
 cam occupat, sine rubore non ausurum se immediatè à Deo constitu-  
 tum prædicare; cum & Matthias ipse in locum Iudæ successus, & Apo-  
 stolis annumeratus, non immediatè sit electus. Sed ut impium blasphe-  
 mumque prorsus esset, ambigere num immediatè à Deo in illum lo-  
 cum Matthias assumptus sit (quanquam prærogatiuâ *sortium* illi ho-  
 nos, ut & Sauli, delatus sit) ita & multis vestrum, *Fratres amantiſſimi*, in-  
 cognitum certè non est, quis sit Sanctus ille Spiritus, quæue *sortes*, qui-  
 bus Pontifices istis sæculis eliguntur; cum & Collegium Cardinalium,  
 quibus solis eligendi Pontificis ius est, multis ante me natum annis, in  
 duas, easque præpotentes factiones discesserit: nec iam coniectu *forti-*  
*um*, sed prægrandi annuâ pecuniâ in auidas Cardinalium aliquot fauces  
 coniectâ, hæc ad Principum nutum partibus studentium comitia per-  
 agantur. Sed in primis memoriæ lapsus in homine miſor. Hic enim  
 per populi cōsensum, qui postea accessit, vult duos illos Reges, (quan-  
 quam antea Dei iussu inauguratos à Propheta, atque inunctos) pote-  
 statem Regiam accepisse; oblitus, cum eiusdem libelluli initio cuius-  
 dam obiectioni responderet, qui ex Cypriano colligit Episcopos à po-  
 pulo Cypriani tempore iudicatos, se asserere, illis verbis assensum tan-  
 tum populi eligendis interuenisse Episcopis. Nec adduci vlla ratione  
 ibi potest, ut concedat populi in probandis Episcopis improbancis  
 consensum eo modo debere intelligi, quasi eligendi Episcopi populo  
 ius ac potestas esset. Et hæc Cypriani tamen verba magis faciunt ad po-  
 puli in eligendis Episcopis potestatem comprobendam, quàm hic lo-  
 cus quem ex Scripturis attulit, ad auctoritatem populi in Regibus in-  
 augurandis confirmandam. Hæc enim ipsa sunt Cypriani verba, quæ  
 à Bellarmino referuntur: *Ipsa plebs maximè habet potestatem vel eligendi*  
*dignos Sacerdotes, vel indignos recusandi.*  
 Cyprian. lib. 1. Epist. 4.

Iam verò nullis vnquam, opinor, Scripturæ testimonijs euicerit, Is-  
 raelitarum iudicio fuisse permissum, Saulem ac Dauidem iam inunctos,  
 & in publicum à Propheta productos, Reges admittere vel repudiare.

Videtur



Videtis quàm non curet, etiam in exiguo volumine ipse sibi repugnare, dummodo causâ, quam præ manibus habet, inseruiat. Hic enim vult per consensum populi, Regis eligendi potestatem designari; cum autem de Episcopis agitur, eodem illo consensu non ius eligendi Episcopi, sed electionem ab alijs factam confirmandi intelligit. Quod autem Ieroboami exemplo vitur, profectò non ignorat, eum à tumultuante populo, & à suo Rege per seditionem deficiente, in Regem, Dei & populo & Regibus irati permissu, fuisse electum. Sed si extraordinarijs huiusmodi exemplis ad generalem regulam statuendam abuti vult, & hoc modo suam causam contra omnem Theologiæ rationem propugnare; cur non & nobis Regibus exemplum inaugurationis Iehu, in contrarium opponere liceat; qui cum tantum à Propheta, idque secretò vinctus esset, nihil populi consensu expectato, se statim pro Rege gessit?

Equidem vos arbitror iam planè animaduertere, quantum ius illud ac potestas, quâ sibi Babylonius Monarcha vindicat, nostræ auctoritati in commune præiudicet. Nam ut modò præmonui, nec ipse Pontifex, nec ex eius vasallis, id est, Ecclesiasticis quisquam debet, ulli Regi Principiue submitti: & è contrario, Reges, Regumque subditos non oportet modò Pontifici, sed & Reges ipsos populo subiacere. Iam verò quàm immensa & periculosa, vel machinandi in Principes, vel coniurationes fouendi licentia, Ecclesiasticis hac doctrinâ concedatur, vobis equidem relinquo cogitandum: cum illi quicquid egerint atque deliquerint, nullo iure ad nostra tribunalia trahi possint: immo cum eorum nefaria in caput nostrum consilia, pijs operibus ascribenda sint; & illi (si qui eiusmodi criminum supplicia luerint) in Martyrum Sanctorumque album continuo referendi. Ita Martyrologium illud nuper excusum, inter Anglicos Martyres Garnetum & Oulcornium recensuit; qui hic proditiōis in Regiam Maiestatem, Regnumque damnati, pro facinoris conditione pœnas luerunt: Ut cum Isaia pronunciare possim, *Vae qui dicitis malum bonum, & bonum malum: ponentes tenebras lucem, & lucem tenebras: Qui iustificatis impium pro muneribus, & iustitiam iusti aufertis ab eo.*

Nam ut ea tempestate, quâ nox densior Pontificiæ doctrinæ Orbi incubuit, non coniugi, non patri licuit, Sacrificio inter coniugis filiaue amplexus deprehensio aliud suspicari, quàm eum ad excipienda confessione peccata in illud secretum deuenisse: ita licet sat superque idoneis probationibus Iesuitas perduellionis & coniurationum reos esse pateat, ipsique veritatis vi victi facinus confessi sint, nihilominus pro Martyribus habendi sunt, & eorum sanguine miracula patranda, & straminea miracula à stramine petenda; dum eorum interim capita erectis affixa palis, ad publicam tanti sceleris memoriam, Sole ac ventis

contra-

contabescunt. Immo & hæc inter alias ratio in epistola typographi illius redditur, qui hūc siue Bellarmini siue Torti libellū Colonię edidit; te id operis suscepisse, quòd sancti illius constantisq; Garneti innocentia, illā scriptione propugnaretur cōtra rumores, quos, nescio quis, temerè diuulgauerat, quasi ille coniurationis Anglicę reus ac particeps extitisset.

Sed quanta hæc, Deus bone! impudentia, aut malitiosa ignorantia, vt ille dicatur, à nescio quo, coniurationis infamiā oneratus, qui quod & coniurationis nefas non ignorauerit, & illud reticuerit, sua nec ambigua, nec coacta, nec semel repetita confessione primū conuictus; tū publicè & more patrio facinoris damnatus, extremo tandem est supplicio affectus? Vt illi etiam tot sanctitatis, tot innocentia, tot constantia elogia atque attributa addantur? quasi verò sententia publico Iuris ordine lata & executioni mandata, dici possit rumor, à nescio quo temerè diuulgatus. Fateor equidē auctore, quod in Præfatione promissum est, gnauiter præstare voluisse, quippe qui locis aliquot straminei illius sancti faciat plenam honorificis mendacijs mētionem. Vbi quamquam Garnetum pulueræ coniurationis non ignarum fuisse fateatur; tamen quòd, vt ait, id tantum sub Confessionis sigillo rescuerit, eius in ea re silentium commendat, & vel eo nomine cupit eum corona gloriæ redimitum. Neque verò illum pudet, id tanquam ex præcipuis Catholice fidei dogmatis intonare, *Secretum Confessionis Sacramentalis nullo modo esse, ne quidem ad maximorum malorum declinationem, reuelandum.* Sed quā hęc perniciosa doctrina, & Principibus omnibus ac Rebuspublicis infesta sit, vobis, quorū maximè interest, relinquo iudicandum. Quamuis enim non negarim, ex quo Scholastici Doctores auctoresq; habere in Ecclesia cœperunt, & antiqua Theologiæ fundamenta nouis è Philosophia petitis distinctiunculis labefactari; illos asseruisse, quicquid Confessario sub Confessionis velo retegitur, quantumcunque no-ia & periculosa res sit, teneri eum Confitentis nomen celare: nemo tamen veterum certè Scholasticorum inficiatur; si quid illi patefactum fuerit, cuius occultatio magnum possit Reip. periculum creare, quin quoties id accidit, Confessarius possit, & debeat, quamuis hominem celet, rem indicare; atque efficere vt quoquo modo innotescat, quò periculo maturius occurratur. Sed vt nulla proditio, nulla quantumuis atrox & diabolica coniuratio, quamuis ad totius Imperij Regniue pestem ac perniciem spectet, si sub Confessionis sigillo reuelata sit, prodi à Sacerdote ac reteri debeat, ac ne res quidem ipsa vel indirectè aperiri, quò ingruenti malo obuiam eatur; id verò quanquam à paucis aliquot nouitijs Doctoribus, qui Iesuiticas præceptiones imbiberunt, receptum sit, tamen tam nouum est & periculosum dogma, vt neque Rex, nec Respublica in securo possit consistere, vbicunq; thesis illa assertores inuenerit.

Nunc

Nunc autem ut tam eum *de facto* in huius historiae narratione, quam *de iure* in hoc horrendo & suppositio Theologiae fundamento mentitum probem; de Garneto, ut res se habuerit, sincere exponam; quam historiam cauillator iste misere ementitam ac adulteratam lectoribus obtrudit. Primum enim, illud non est habendum Confessionis arcum omnino reticendum, quod ille, qui detegit, non magno cum more animi morisue indicat, nec facinus esse putat ullam poenitentiam emendandum; sed est contrario, ut pium mentis impulsus prodat, a quo nec Confessarius auertat, neque eo nomine ullam poenam aut poenitentiam imponat. Et eo quidem modo coniurationis scelus Garneto, ut & ipse fassus est, innouit. Præterea quanquam diu in eo perstitisset, rem totam sibi esse sub Confessionis velo, nondum plenè finita Confessione, detectam; ad extremum tamen liberè professus est, se non inter confitendum, sed inter ambulandum ad illius facinoris conscientiam ascitum; suæ tamen fidei commissum, quanta potuit maxima taciturnitatis cautione; idque se non aliter interpretatum, quam sub ipso Confessionis sigillo. coniecisse etiam, illud Confessioni esse affine, quod & ipsius Confessarius esset, & aliquoties ante, eius Confessionem excepisset, essetque post dies aliquot excepturus: Sed & illi coniurationem aperienti denunciasse, ad Superiorem se de re tota relaturum. Illud quoque obseruatione dignum est, fassum esse Garnetum, duos secum de illa prodicione egisse; & ex his alterum, nempe Catesbeium, præsentem & audientem altero, de ea re sibi esse locutum. Et qualis hæc Confessio habenda, cui tertius aliquis arbiter ac testis interfuit? Sed & postrema iam admoti ad supplicium verba (quæ tantopere à nostro hoc Censore iactantur) quam apertè fateantur, hoc totum sub Confessionis sigillo minimè esse actum, Comitis Northamptonij liber satis declarat.

Iam verò ille alter, qui Garneto hanc puluerariam coniurationem aperuit, Grenwellus Iesuita est. Sic Iesuita Iesuitæ, nefariæ prodicionis ordinem exposuit; nec ille, qui tantum scelus aperuit, vllum conscientiae stimulum sensit, neque is, cui patefactum est, vllam confitenti ob cogitatum scelus poenitentiam indixit. Ac ut palàm sit plures ex Iesuitis, huius coniurationis conscios fuisse, Ouldcornius alter ille sulphureus Martyr, cum in irritum cessisset è latebris suis extracta coniuratio, concionem Catholicorum suorum habuit, ubi eos consolatus, ac etiam hortatus est, ne animos sinistro & infelici coniurationis euentu desponderent, aut de causa, quod parum prosperè cecidisset, desperarent: sæpe antea sanctis eiusmodi conatibus fortunam defuisse; idque S. Ludouici Regis exemplo: eum secunda in terram Sanctam expeditione suscepta, morbo in itinere perijsse: maximam exercitus partem peste esse absumptam: sed & parum feliciter priorem expeditionem



cessisse, in qua à Soldano & Mahumetanis captus est. Eos itaque hortabatur, ne ab incepto defilterent, sperarent potius suis illis consilijs, quanquam hoc tempore deploratis, diuinam aliquando opem nequam defuturam.

Ex his, opinor, perspicitis, quâ ille, quâque audaci impudentiâ, veritatem ipsam, tot publicis testimonijs fultam, mendacij in simulârit; qui & generaliter Iesuitarum nullum huius coniurationis conscius ac participem extitisse asseruit (ita enim in illo suo libro scribit) nec ipsum Garnetum ad prodicionis secretum aliter, quàm sub Confessionis sigillo peruenisse. Sed si primum hoc esset mendacium, quod de tummis Angliæ rebus à fugitiuis meis sacrificulis ac Iesuitis confectum, sparsumque fuisset, facile esset forsitan huic malo remedium inuenire. Quin & monasteria plerâque apud exteros, & Iesuitarum Collegia, in parietibus depictas habent istiusmodi fabellas; & transfugarum libri pleni sunt impudentissimis id genus figmentis: cuiusmodi sunt, sæua illa & innumera suppliciorum genera, quibus suos hîc Martyres esse affectos queruntur: eorum alios quaternis in diuersum actis equis discerptos, alios vrsinis pellibus inclusos à canibus fuisse laniatos: immo nec mitius cum fœminis actum: & mille alia funestæ & horrendæ carnificinæ exempla mentiuntur, quorum omnium vanitatem quam breuissimè vobis aperiam.

Ac primum vt de suppliciorum causis dicam, id constanter asseueror, quod & in Apologia mea posui, hîc neminem, siue meis, siue defunctæ Reginæ temporibus, conscientiæ ac religionis causâ vltimo supplicio affectum. Nam quantumuis religioni suæ deditus sit, quantumuis eam apertè & constanter profiteatur, nullum ei à Legibus impender capitis periculum; nisi comperto contra leges externo aliquo actu deliquisse: aut coniurationem, consiliûmve summæ rei perniciosum inijsse exceptis tantummodo sacrificulis cæterisque Pontificiarum partium, qui in transmarinis regionibus sacris ordinibus initiantur: qui tot coniurationibus, tot prodicionibus ab ipsis in Anglia, vel conceptis vel laudatis infames, à nostris finibus sub perduellionis pœna arcentur: & tamen nullus ex illis in hunc diem, quod contra legum sanctionem in patriam remigrarit, eam solam ab causam morte multatus est. Iam de equuleis & exquisitis cruciatuum generibus, quibus plurimos suorum affectos queruntur; sanè huic commento refellendo, ipsæ leges & intemerata multis sæculis Angliæ in causis capitalibus consuetudo satis esse possunt. neque enim quæstionum vllum genus hîc habetur præter manicas & fidiculas; quæ etiam non nisi in Maiestatis criminibus vsurpantur. Sed & proditores omnes, siue Protestantes, siue Pontificios idem supplicium manet; si Reginæ Mariæ tempora excipias. tunc enim nulla suppliciorum atrocitas, in viros, in fœmi-

nas,

nas, in infantes nostram religionem profitentes, est omiſſa: immo contra Dei, Naturæque leges, grauidis mulieribus mors immaniſſimè illata; infansque è materna aluo exiliens in eaſdem cum matre flammâ iniectus. Sed tanta huius tyrannicæ perſecutionis, ſæuitia, illius temporis Episcopos auctores habuit, qui Pontificia auctoritate freti, à perpetuis & receptis ſuppliciorum formis receſſerunt; quæ regni moribus ac legibus conſtitutæ, in puniendis ſontibus conſtanter & inuiolatè ſeruantur. Nam & Sacerdotes & Pontificij omnes perduellionis rei, in foro ſæculari hîc iudicantur, ſic vt in eorum pœnis nihil grauius eſſe poſſit, quàm quod vel legibus eſt præſcriptum, vel longa conſuetudine receptum. Illud etiam in hoc negotio obſeruandum; externum ac peregrinum neminem religionis cauſſa in iudicium hîc vocari: quod in illis regionibus longè ſecùs eſt, credo, vbi Inquiſitio dominatur.

Sed cùm verear, ne vobis tædio fuerim hac mea prolixiore oratione, quâ ſpero vobis patefactum eſſe, nihil in me Pontificem ſuis Breuibus, nihil iſtos Apologiæ meæ oppugnatores his libellis eſſe molîtos; quod non Regibus omnibus Liberis Principibus, ac Rebus publicis æquè, ac meis rebus pernicioſum & exitiabile videatur: nunc finem ſcribendi faciam, conceptis ad Deum votis, vt ſecuritatis veternum excutiat, quo & nos hæcenus, & noſtri multis ſæculis deceſſores torpuerunt: ac vt nobis mentem iniiciat, primùm ſeriò cogitandi quid ad Euangelij plantationem & propagationem, ex conſcientia ſecundùm diuini Verbi præſcriptum præſtare teneamur, noſtri illius veri ac vnicuique Paſtoris imperio ac voci, quam in Scripturis audimus obtemperantes, (nam & oues ſuas vocem ſuam audituras ipſe prædixit) non inanibus, fluxiſque Ioh. 10. 27. & prauis hominum traditionibus attendentes. Deinde vt ſceptrorum noſtrorum ſecuritati maturè prudentérque conſulamur, nec Babylo- nicum illum Monarcham latiùs ſerpere, & quotidianis in noſtra iura victorijs graſſari patiamur. Quòd ſi Dei, cuius in terris Legati ac Vicarij ſumus, benignitas ea eſt, vt ſuam cauſſam cum noſtra, ſpiritualem libertatem cum temporali voluerit eſſe coniunctam; quo ſtudio, quo ardore animi, in id negotium incumbere nos oportet, qui noſtris laboribus in regno cœlorum æternæ beatitudinis præmium ſcimus eſſe re- poſitum; interim autem in hoc ſæculo temporalem ſceptris noſtris ſecuritatem ac quietem comparabimus.

Equidem arbitror, quotquot iam veræ illi Fidei, cui adhæreo, no- men dedisti (quanquam inter vos necdum benè de apicibus neſcio quibus conuenerit) facile ad pium hoc ac prudens conſilium erigiac adduci poſſe. Nos, De beneficio, nec numero, nec dignitate ita ſu- mus contemnendi, quin bono vicinis noſtris exemplo præire poſſi- mus: quandoquidem Chriſtiani Orbis, omniùmque in eo ordi- num, inde à Regibus, liberis que Principibus, vſque ad infimæ condi-

1. Tim. 1. 4.  
Ibid. cap. 4. 7.

tionis homines, pars propè media in nostram religionem iam consensit, de Babylone certè exiuit. Sed vnum hoc vos ( Fratres charissimi ac Consanguinei ) præque omnibus vnum, obsecro obtestorque, vt inter vos veræ Fidei vnitatem conseruetis, & communionem Spiritus in vinculo pacis retineatis, omnesque de genealogijs quæstiones ineptas & inutiles, necnon aniles fabulas ( vt inquit S. Paulus ) abijciatis : ne parimini fanatico Concionatorum feruore, atque inanibus super rebus adiaphoris altercationibus, discerpi ac dissipari mysticum illud Corpus, cuius partes ipsi estis ; quando & illius, cuius nos membra sumus, tunica inconsutilis exstitit. Nolite per Deum immortalem committere, vt nostræ Fidei scandalum factis inter nos schismatibus oriatur, néue parabola opprobrij simus in ore aduersariorum, quibus vnitas vnæ præcipuis est veræ Ecclesiæ notis.

Act. 26. 29.


Abac. 2. 4.

Vobis autem ( Fratres & Consanguinei dilectissimi ) quorum mentes Deus Opt. Max. Veritatis suæ fulgore nondum illustrauit, cum Elizeo præcor, vt oculos aperiat, quò cernatis quàm multi, quàmque inuicti Angelorum exercitus ad propugnandum pro Veritate accincti, paratque aduigilent : immo cum Paulo opto, vos omnes fieri tales hac vna in re, qualis & ego sum : imprimis vt velitis Scripturas peruolutare, ex his credendi normam petere, neque super aliorum incertis opinionibus, sed vestra ipsorum certa scientia, Fidei fundamenta collocare ; quando iustus sua fide viuit, & vnusquisque fit fide propria saluus. Verum hæc Diuinæ benignitati suo tempore prouidenda commendans, facere non possum quin interim vos hortor, vt pristinam libertatem, dignitatēque Imperiorum ac Rerumpublicarum, sartam, tectam retineatis, neque quenquam Deo minorem, vobis in vestris ditionibus maiorem esse patiamini : illustrium decessorum vestrorum exemplo, qui etiam tum, cum densissima cæcitas, verique ignoratio hominum animos obsideret, Pontificum in sua iuragrassantium ambitioni fortissimè restiterunt. Certè è Regnis vestris Imperiisque reperire est aliquot, quæ omnibus sæculis immunitates suas contra iniustam ambitiosissimorum Paparum potentiam illibatas perpetuò tenuerunt. Nec defunt quibus cognitum fuit recentibus admodum experimentis, Papam, ad sæcularia Principum inuadenda, impotenter aspirare ; cuius insolentem audaciam fortiter retudisse, & in asserendis vestris priuilegijs constanter perstitisse, cedit vobis in gloriam nunquam intermorturam. Quamobrem vos toto pectore obsecro atque obtestor, vt in hoc negotio cum piorum Regum, tum incorruptorum in terris Iudicum officium faciatis : quod eiusmodi est, vt non solum non inferatis cuiquam iniuriam, aut in aliorum libertates inuoletis ( quod, si me auditis, neutiquam est faciendum ) sed etiam vt eas quæ vobis Dei benig-nitate contigerunt prærogatiuas, strenuè ac viriliter propugnetis.

Quos



Quos enim Deus propulsandis à vita fortunisque aliorum iniurijs populo præposuit, ipsos ab alijs accipere iniuriam, sit pudendum. Itaque animi iam certus, maturis vos iudicijs, omnique præiudicio liberis, hæc quæ vobis proposui rationum momenta ponderaturos, meamque in scribendo libertatem æqui bonique consulturos, Apologiam hanc meam benigna vestri fauoris aura prosequentes; saltem donec validioribus & certioribus argumentis expugnabitur, finem facio: ardentibus à Deo Omnipotente votis contendens, vt vos in terris quamdiutissimè velit fortunare, ac tandem temporario fœliciter Imperio perfunctos, beatæ in cœlo immortalitatis coronam triumphalem reportare.



# CATALOGVS MENDACIORVM TORTI,

vnâ cum breui eorundem  
confutatione.

TORTVS. Edit. Politan. Pag. 9.



Ic [ in iuramento fidelitatis ] aperte negatur summo Pontifici potestas excommunicandi Reges etiam Hæreticos.

## CONFUTATIO.

*Quæstio de Pontificis potestate in Regibus excommunicandis nec tractatur, nec vlllo modo definitur in Iuramento fidelitatis; sed ex proposito declinatur. Inspiciantur Verba Iuramenti & Monitoria præfat. pag. 10. 11.*

TORTVS. P. 10.

2 Nam ex verbis illis Dominicis, *Quodcunque solueris super terram, erit solutum & in Cælis*: Catholici omnes colligunt, ad Pontificis maximi auctoritatem pertinere, non solum potestatem absoluendi à peccatis, sed etiam à pœnis, censuris, legibus, votis atque iuramentis.

## CONFUTATIO.

*Quòd non omnes Romano Catholici ita colligunt ex hisce Christi verbis Matthæi. 16. Vt alia argumenta tacitus præteream; vel inde apparet quòd ex plurimorum sententia quicquid Christus promissit Matth. 16. id actu præstitit*

tit Ioan. 20. *cum dixisset*, Quorum peccata remiseritis, &c. Unde constat Christum potestatem illam (oluendi promissam sensisse de absolutione à peccatis, nullà hìc mentione factà de absolutione aliqua à legibus, votis, iuramentis : Atque ita sentiunt Theophylactus, Anselmus, Hugo Cardinalis & Ferus in Matth. 16. Sic etiam Scholasticorum primarij, Alexander Hales in Summa, part. 4. q. 79. memb. 5. & 6. art. 3. Thom. in 4. distin. 24. q. 3. art. 2. Scotus in 4. dist. 19. art. 1. Hadr. 6. Papa in 4. dist. q. 2. de clauib. p. 302. edit. Paris. an. 1530. qui etiam pro hac interpretatione citat Augustinum & glossam interlinearem.

## TORTVS. P. 18.

3 Odi parricidia, execror conspirationes, sed occasiones desperandi datas nemo inficiari potest.

## CONFUTATIO.

*Quòd occasio desperandi puluerarijs Proditoribus non erat data, ut isse mentitur; sed quòd ita à Iesuitis edocti, irruerant in hoc sanguinarum facinus, Vide Monit. præfat. pag. 132. 133. & Actionem in Proditores*

## TORTVS. P. 26.

4 Nam ab eo Iuramento non solum Catholici, sed etiam Calvinistæ Puritani abhorrent.

## CONFUTATIO.

*Puritani non abhorrent à Iuramento Primatus, sed quotidie suscipiunt, nec unquam recusarunt : Eundem etiam Primatum tuetur Calvinus Instit. lib. 4. cap. 20.*

## TORTVS. P. 28.

5 Principio non scribit Pontifex se mœrore affici ob calamitates quas tempore Regina, aut initio Regni Iacobi Regis, in Anglia pro retinenda orthodoxa fide Catholici patiebantur, sed ob calamitates quas hoc tempore patiuntur.

## CONFUTATIO.

*Verba ipsius Brevis recitasse, est hoc mendacium confutasse : sic enim scribit Papa, Magno animi mœrore nos semper affecerunt tribulationes & calamitates, quas pro retinenda Catholica fide iugiter sustinuitis. Sed cum intelligamus omnia hoc tempore magis exacerbari, afflictio nostra mirum in modum aucta est.*

## TORTVS. P. 28.

6 In 1. articulo [Statuti] confirmantur leges Elizabethæ.

## CONFUTATIO.

*In primo articulo istius Statuti nulla fit mentio de confirmandis legibus R. Elizabethæ.*

## TORTVS

TORTVS. P. 29.

7 In decimo articulo [ eiusdem Statuti ] additur, vt si tertiâ vice [ Catholici ] propositum sibi iuramentum recusauerint, capitis vitæq; dispendium patiantur.

CONFUTATIO.

*Nullus est eiusmodi articulus in toto illo Statuto, vbi vel de proponendo hoc iuramento tertiâ vice, vel de capitis vitæque dispendio ulla mentio habeatur.*

TORTVS. P. 30.

8 In 12. habetur vt qui Principibus externis militare voluerit, is prius Iuramentum præfatum præstet, alioqui perduellis habetur.

CONFUTATIO.

*Non dicitur in Statuto, quod perduellis habebitur; sed quod si loniæ reus habebitur, qui Principi extraneo militare voluerit priusquam Iuramentum susceperit.*

TORTVS. P. 35.

9 Ostendimus eo Iuramento, negari potestatem Apostolicam tum ligandi, tum soluendi.

CONFUTATIO.

*Nulla est sententia assertoria in isto Iuramento, nec vllum verbum nisi conditionale de Pontificis potestate ligandi, v. l. soluendi.*

TORTVS. P. 37.

10. Diocletiano & Neroni vellent nollent, ipsi etiam summi Pontifices subiecti esse cogeantur.

CONFUTATIO.

*Quod Christiani sine exceptione non coacti, sed libere & propter conscientiam, Ethnicis Imperatoribus subyciebantur, vide Apolog. nostram. p. 23 24. & Veterum Apologetica.*

TORTVS. Pag. 47.

11. Quibus verbis [ Breuium Clementis 8. ] non solum Iacobus Scotiæ Rex non excludebatur, sed includebatur potius.

CONFUTATIO.

*Si Breuia [ Clementis ] non excludabant me Regno, sed includebant potius; Cur ea flammis tradidit Garnettus? quare non mihi videnda asseruauit, vt sibi & suis Catholicis apud me maiorem inde gratiam conciliaret?*

TORTVS. P. 60.

12. Ex quatuordecim [ articulis in Iuramento fidelitatis comprehensis ] vndecim sunt qui primatum Pontificis in spiritualibus attingunt.

CONFUTATIO.

*Ex hisce articulis ne vnus quidem Pontificis Primatum in spiritualibus attingit: Quorsum enim attingeret, cum contra Primatum Pontificis in spiritualibus, expressum alibi Iuramentum extet?*

TORTVS.



## TORTVS. P.64.

13. Inter alias calumnias illam profert in medium, quòd *Bellarminus* vel conscius vel auctor fuit prodicionum aduersus Reginam *Elizabetham*.

## CONFUTATIO.

*Nusquam dixi [ in Apologia ] Bellarminus vel auctorem, vel conscium fuisse prodicionum aduersus Reginam Elizabetham; sed proditorum præceptorem, eumque tam prauis & pernitijs dogmatibus eorum mentes imbuisse, ut ijs facillimum esset thesin transferre ad hypotbesin; & quæ ille è Cathedra dictaret, ad suas machinationes pro re nata accommodare.*

## TORTVS. P.64.

14. Scit [*Bellarminus*] *Campionum* contra hæreticam prauitatem solum conspirasse.

## CONFUTATIO.

*Quòd Campianus ultimo supplicio affectus est, non in causa fuit quòd contra hæreticam prauitatem, ut iste Libellator videri vult; sed quòd contra Reginam Elizabetham, & huius Regni statum conspirauerit: id quod ex actis iudicialibus euidentissimè constabat.*

## TORTVS. P.65.

15. Cur *Henricus Garnettus* vir doctrinâ omnis generis & vitæ sanctitate incomparabilis, ultimo supplicio affectus est, nisi quia reuelare noluit, quod saluâ conscientia reuelare non poterat?

## CONFUTATIO.

*Quòd huius nefandi facinoris notitia, non ex sola confessione ad Henricum Garnettum peruenerit, ut iste mentitur; sed alijs etiam modis: nec ex vnius, sed plurium relatione, ita ut illud reuelasse saluâ conscientia potuisset; vide Monit. Præfat. pag. 131. & Comit. Northamp. librum.*

## TORTVS. P.71.

16. Itaque *Sixtus* Pontifex neque Regem cædi imperauit, neque cædem ut à priuato illo homine factam approbauit.

## CONFUTATIO.

*Quàm splendidum sit hoc mendacium patet ex Oratione ipsa Sixti. V.*

## TORTVS. P.91.

17. Quod autem additur de *Stanleiana* prodicione; non fideliter neque verè narratur; siquidem more suo auctor *Apologiae* multis additis mendacijs fœdè corrumpit.

## CONFUTATIO.

*Quæ dicta sunt de prodicione Stanleiana, recitata erant ad verbum ex Apologia Alani pro causa Stanleiana, ut ibi videre est.*

## TORTVS. P.93.

18. Constat *Henricum Garnettum* in publico iudicio constanter semper dixisse; neque se, neque vllum Iesuitam huius conspirationis Auctorem,

Auctorem, vel complicem, vel consultorem, vel consentientem villo modo fuisse. Et paulò post. Id ipsum instante morte coram innumera- bili populo longâ oratione protestatus est.

CONFUTATIO.

Liber qui inscribitur Actio in Proditores, & nostra Monit. præf. pag. 131. 132. clarè euincunt contrarium.

TORTVS. P.97.

19 Iacobus autem cum Catholicus non sit, neque Christianus est.

CONFUTATIO.

Contrâ. Ego verè Catholicus sum, vt qui fidem profitear verè antiquam, Catho- licam & Apostolicam; ac proinde verè Christianus sum. Vide Confessionem fidei meæ in Monit. præfat. p. 37. 38. & deinceps.

TORTVS. P.98.

20. Etsi vera sunt quæ narrantur ab ijs qui cum intimè nouerunt, cum in Scotia Puritanus & Protestantium inimicus esset, nunc in An- glia Protestans, & Puritanorum aduersarium se gerit.


CONFUTATIO.

Contrâ: Qualis Puritanus eram in Scotia, vide Præfationem in BAZIAIKON APOCN, & Monit. præfat. pag. 48. 49.



# HISTORIÆ EMENTITÆ CVM EARVM CONFUTATIONIBVS.

VERBA TORTI. P.70.

1  Onstabat eum [Henricum IV.] naturali morbo extin- ctum fuisse.

CONFUTATIO.

Non constabat: quandoquidem Historici nonnulli aliter scribant, eum in vinculis mortuum fuisse, vel fame, vel pædore sitique carceris. Lege Fasciculum temporis, ad An. 1094. Laziard. epitom. vniuersal. Hist. c. 198. Paulum Langium in Chronico Citizenli ad An. 1105. Ia- cob. Wimpheling. in Epitom. Rerum Germanic. c. 28.

TORTVS. P.83.

2. A quo [vinculo Excommunicationis] vt absolui mereretur, ad istam humilitatem se ipse [Henr. IV.] sponte deiecit.

CONFUTATIO.

Henricum IV. non sponte, nec metu Excommunicationis Papæ, quam inua- lidam censuit; sed metu amissionis Regni & vite sese in tantum humiliâsse, te- stantur Historici. Lamb. Schafnaburg. ad An 1077. Abbas Vrsperg. ad An. 1075 Plati. in Gregor. 7. Auctor vite Henrici 4. Bruno in Hiltor. belli

belli Saxonici. Cuspinianus in Henrico 4. Sigon. de Reg. Ital. lib. 9. Laziard. in Epitom. Hist. vniuersal. c. 193.

TORTVS. P. 83.

3. Hæc Historia [*Alexandri III. Frederici Barbarossæ* ceruicem pede conculcantis] est dubiæ fidei.

CONFUTATIO.

*At non est dubia fidei apud Historicos cum nullus neget; multi affirmant:* Nacler. Genera. 40. Iacob. Bergomen. in supplement. Chron. ad an. 1160. Petrus Iustinian. lib. 2. Rerum Venerarum. Papyrius Masson. lib. 5. de Episc. vrbis, qui etiam pro hac re citat Gennadium Patriarcham Constantinopolit. Alphon. Ciaccon. de vitis Pontif. in Alex. 3. Azorius Iesuita Institut. moral. part. 2. lib. 5. cap. 43. Denique Hieronym. Bard. in Victor. naual. alios complures huius Historiæ fidem asserentes, adducit.

TORTVS. P. 83.

4. Quid aliud Fredericus timuit, nisi excommunicationem.

CONFUTATIO.

*At Fridericum timuisse solam excommunicationem, nullus antiquus Historicus scribit: sed Imperij & Dominijs amissionem potissimum timuisse, testantur plurimi.* Martinus Polon. ad an. 1166. Platina in Alexan. 3. Laziard. in Epitom. Hist. vniuersal. c. 212. Naclerus Generat. 40. Iacobus Wimphelingus in Epitom. Rerum German. c. 32.

TORTVS. P. 88.

5. Adde Cuspinianum [in hac re de Turcæ fratre veneno sublato] aliorum Historicorum testimonijs destitui.

CONFUTATIO.

*Eadem historia à plerisque alyis celeberrimis Historicis memoriæ prodita est.* Vide Francisc. Guicciard. li. 2. Hist. Ital. Paulum Iouium lib. 2. Hist. sui temporis. Sabellicum Ennead. 10. lib. 9. Continuatore Palmerij ad an. 1494.



## NOVA DOGMATA, VNA CVM NOVITATIS EORVNDEN DECLARATIONE.

DOGMA PRIMVM. Pag. 9



Nter omnes conuenit posse Pontificem Max. Hæreticos principes iure deponere, & subditos ab ipsorum obedientia liberare.

CONFUTATIO.

*Immo verò tantum abest, ut inter omnes de hoc conueniat, veriùs ut dicas,*

ante



ante Hildebrandi Pontificatum, id nemini unquam in mentem venisse, qui primus omnium hanc nouam doctrinam, planèque antè inauditam prodidit, & multi viri docti, cum illius, tum subsequenti seculi testantur (ut alios inferiorum ætatum testes omittam) qua de re vide epistolam Cleri Leodiensis ad Paschalem II. Sententiam Episcoporum horum temporum ab Auentino descriptam libr. 5. fol. 579. Conradi Traiectensis Concionem apud eundem Auentinum, dicto libr. 5. fol. 582. & alteram Eberhardi Saltzburgensis Archiepiscopi Ibid. libr. 7. p. 684. Sententiam Archiepiscopi Treuirensis in Constitut. Imperialib. à M. Haimensfeldio editis pag. 47. Epistolam Walthrami Megburgensis Episcopi, quæ extat apud Dodechinum in Appendice ad Marianum Scotum, ad an. 1090 Bennonem in Vita Hildebrandi: Authorem libri de Vnitate Ecclesiæ, siue Apologiam pro Henrico IV. Sigebertum in Chronico ad an. 1088. & 1111. Godfridum Viterbiensem in Pantheon. par. 17. Othonem Frisingensem libr. 6. c. 35. & libr. 1. De Gestis Friderici c. 1. Vincentium in speculo Historiali. libr. 15. c. 84. Similia habet Fridericus Barbarossa, libr. 6. Güntheri Ligurini, de gestis Friderici, & libr. 1. c. 10. Radeuici de gestis eiusdem Friderici.

## SECVNDVM. P. 51.

In ortu supernaturali, quem habemus ex Baptismo, intelligi debet Iuramentum tacitum & congenitum, ad obediendum Principi spirituali, qui est Christi vicarius.

## CONFUTATIO.

Mirum est unde iste hauserit hanc nouam & prorsus incognitam Theologiam, quæ non aliunde quàm ex ipsius putido cerebro nasci potuit: fin minùs, suos nobis auctores enumeret, qui docent & affirmant Christianos omnes siue paruulos, siue adultos, virtute Iuramenti cuiusdam taciti in Baptismo suscepti, teneri ad obedientiam absolutam Christi vicario præstandam, aut in aliud quàm Christi nomen baptizari.

## TERTIVM. P. 94.

Sed cum Catholica doctrina non permittat ad vllum malum vitandum, secretum sacramentalis confessionis detegi, maluit ille mortem acerbissimam pati, quàm tanti Sacramenti figillum violare.

## CONFUTATIO.

Quòd secretum sacramentalis confessionis, ad nullum malum quantumcunque vitandum, vel præueniendum possit detegi, nec indirectè saltem, aut in genere, modò persona, quæ confessionem edit. celetur; præterquam quòd Thesis est, cunctis Principibus, & Rebus publ. longè perniciosissima, ut in Monit. præf. p. 129. docui; nouum est dogma, & Orbi Christiano ante hæc tempora inauditum. Scholastici enim Doctores & Canonistæ tam veteres, quàm recentiores ferè omnes, planè contrarium affirmant. (consule Alexandrum Hal. part. 4. q. 78. memb. 2. art. 2. Thomam. 4. dist. 21. q. 3. art. 1. ad 1. Scotum in 4. dist. 21. q. 2. Hadrian. VI. in 4. dist. vbi de Sacram. Confess. edit. Paris. 1530. pag.

pag. 289. Dominic. Sot. in 4. dist. 18. q. 4. art. 5. Francif. de Victor. sum. de Sacrament. n. 189. Nauar. in Enchirid. c. 8. n. 12. Ioseph. Angles. in Florib. part. 1. p. 247. edit. Antwerp. Petrum à Soto lect. 11. de Confess. *Ipsi Iesuitæ astipulantur*, Suarez. Tom. 4. disp. in 3. part. Thom. disp. 33. §. 3. Gregorius de Valentia Tom. 4. disp. 7. q. 13. punct. 3. *qui addit, hanc communem esse Scholasticorum sententiam.*

#### QUARTVM. P. 102.

4. Ego verò audeo dicere, meliorem causam habere Catholicos Iuramenti recusandi, quàm Eleazarus habuerit carnis porcinæ non gustandæ.

#### CONFUTATIO.

*Hæc assertio reuera nouum Dogma continet, Breue scilicet Pontificium Legi Mosaicæ præferendum esse; & Catholicos magis teneri Pontificis decreto, quàm Iudæi olim Lege per Moysen traditâ tenebantur.*

#### QVINTVM. P. 135.

5. Clericos exemptos esse à Iurisdictione Principum secularium, ac per hoc non esse Subiectos Regibus; sed debere tamen Leges eorum de temporalibus rebus obseruare, non vi legis, sed vi rationis; id est, non quia subditi sunt, sed quia ratio dicat ob commune bonum & pacem Reipub. eas Leges ab hominibus esse seruandas.

#### CONFUTATIO.

*Quàm sit amicus Regibus Cardinalis & qui Cardinali à Sacellis est, qui tot subditos ab eorum potestate exemptos velint, docet Monit. præfat. p. 23. 24. Sed quod ad eiusmodi novos Aphorismos spectat, desinant isti Veteratores has opinionum nouellas subtilitates, vel potius subtiles nouitates, pro antiquis & Catholicis Dogmatibus Orbi Christiano obrudere, donec suis Catholicis Venetis, eos nouitatis falsique arguentibus; hæc in parte satisfecerint.*

(\*)

CANDIDO





## CANDIDO LECTORI.

**E**tsi non diffido pium quemque & candidum lectorem, sue meum in hac Praefatione consilium expendat, ubi de Puritanis Verba facio; sue operis Epilogum, ubi professionis meae Principes compello, facile iudicaturum Puritanorum nomine non alios intelligi, quam populares & subditos, qui sub Imperio meo aegentes, Legum imperijs reluctari animis obstinauerunt; Ecclesias autem apud externos reformatas, earumue regimen non designari: Netamen inuidus quisquam aut maleuolus aliorum atque ego sentio Verba mea interpretetur, hoc te paucis, Benigne Lector, monitum volui; quicquid inibi de Puritanis dicitur, de ijs solis accipiendum, qui intra Ditionis meae fines pernecaci huic se disciplinae tradiderunt. Mibi enim alioqui est decretissimum, rebus alienis me non immiscere; sed alias Reformatae Religionis Ecclesias Christianae suae libertati permittere. Immo tantum abest, de ijs ut durius quid statuam, ob opinionum inter nos de quibusdam capitibus, quorum pleraque omnia sunt Adiaphora, dissensum; ut contra existimem, per eam quam CHRISTVS nobis commendauit libertatem, Christiano cuique Regi, Principi ac Reip. esse concessum, externam in rebus Ecclesiasticis regiminis formam suis praescribere, quae ad civilis administrationis quam proximè accedat; dummodo à Fidei veraeque Religionis fundamentis nec tantillum abscedat. Absit itaque à me eos ut iudicem, quos DEVS à Iurisdictione mea voluit esse immunes; aut in illud committam, quod ab Apostolo sumptum in frontispicio libri huius legitur,

Non ergo amplius inuicem iudicemus, &c. Quod  
quidem de me spondeo; de te, Pie Lector,  
spero, & cupio.






---

# PROTESTATIO ANTIVORSTIA.

IN QVA  
REX SVAM EXPONIT  
SENTENTIAM DE  
CONFOEDERATORVM  
Ordinum affectu & actis in causa  
VORSTII.





DOMINO NOSTRO

ET

SERVATORI

IESV CHRISTO

VERE ΘΕΑΝΘΡΩΠΩ,  
ET HVMANI GENERIS  
VNI. ΜΕΣΙΘ,

HOC GRATITVDINIS SVÆ ΜΗΜΟΣΥΝΟΝ.

CONSECRAT

HVMILLIMVS EIVS SERVVS

IACOBVS

DEI GRATIA MAGNÆ BRI-  
TANNIÆ, FRANCIÆ, ET HIBER-  
NIÆ REX,

DEFENSOR FIDEI.

PRO-

le in  
Qu  
cord  
Ordi  
stio è  
chis h  
hum  
part  
illius  
arrip  
omné  
visum  
Ordi  
gotiur  
rofac  
cuerit  
Pro  
mus, e  
runt;  
uio in





## P R O T E S T A T I O A N T I V O R S T I A.



SE è præcipuis officij regij partibus, Ecclesiam suis in ditionibus tueri, & hæreses extirpare extra omnem est controuersiam. quo nomine Imperatores Christiani Regesque, & Principes insigni titulorum honore *Custodes ac vindices vtriusque tabulae, & nutritij Ecclesie* saluari consueuere. Sed quid iuris sit Principi in alienâ Republ. vbi hospiti non licet esse curioso, religionis negotio

se immiscere, non vacat quæstione; de quâ iam nobis agendum est. Quum solo diuinæ gloriæ zelo accensi (ipsum testamur, qui renum & cordium scrutator est) apud Illustrissimos fæderatarum prouinciarum Ordines de infælici hæretico, vel potius atheo, Doctore Conrado Vorstio è finibus suis eijciendo sæpe & multum egissemus, à cacostomachis hominibus, quibus mos est salubria alimenta in vitiosos & noxios humores vertere, malè acceptum est consilium nostrum, & in sinistram partem detortum; quasi inanis cuiusdam gloriolæ, aut sanè libertatis illius Reipubl. sensim labefactandæ studio, hoc negotium tam cupide arripuissemus. Itaque, vt nostram famam à calumnia vindicaremus, omnesque instituti nostri rationes Christiano orbi notas faceremus; visum est hunc libellum publici iuris facere, in quo acta cum fæderatis Ordinibus in hanc causâ apparerent, & simul causæ quibus ad hoc negotium seriò & suscipiendum & persequendum inducti sumus, & porro faciemus, donec ad optatum aliquem finem Deo Opt. Maximo placuerit omnia perducere.

Proximo autumno cum vltiores regni tractus pro more lustraremus, exeunte Augusto bini illius Vorstij libri in manus nostras venerunt; *Tractatus Theologicus de Deo*, Domino Mauricio Hassiæ Lantgrauio inscriptus Anno 1610. & in eundem *Exegetis eius apologetica* Fæ-

deratis ordinibus inscripta, Anno 1611. his acceptis, & disputationum primi libri præcipuis duntaxat articulis, vnà cum commentario secundum libri in eisdem raptim & non sine horrore perlectis, ita nos diuinæ gloriæ zelus abripuit, vt nec horæ vnius morâ interpositâ literas ad legatum nostrum, Hagæ commorantem, in hanc sententiam deproperauerimus :



**H**IDELIS ET DILECTE: *Quam potes festinè Ordines conuenito, vt illis nostro nomine significes nihil dubitare nos, quin per suos legatos, quos iam ante biennium dimisimus, moniti à nobis fuerint, vt prouiderent ne hæreticos & seditiosos concionatores in Rempubl. paterentur irrepere. Notabamus præcipuè Arminium, qui etsi paulò ante excefferat è viuis, discipulos tamen multos superstites reliquit. Nunc, pro perpetuâ nostrâ in eorum Rempubl. curâ, omittere non potuimus, quin nouâ causâ subortâ eos de integro moneamus. Venit nuper in manus nostras cuiusdam Vorstij sacre Theologiæ doctoris liber, atheismo & blasphemijs ita refertus, vt pro eâ sollicitudine, quâ Christianum Principem & defensorem fidei (quales semper nos fuimus) erga Ecclesiam affici oportet, non modo librum flammis censeamus credendum, sed auctorem quoque ipsum grauissimâ pænâ multandum. hæc cum ita sint, tantùm abest vt hoc Ecclesiæ scandalo indoluerint Ordines, vt hominem ad Theologicam cathedram in Academiam Lugdunensem crebris suffragijs vocauerint: quem locum non multò illo melior Arminius, cuius adhuc durat in multorum animis aculeus, nuperrimè tenuit. Cum igitur appetat S. Michaelis dies electioni destinatus, & è dignitate nostrâ & conscientiâ se arbitremur, huic pesti (quantum in nobis est) occurrere, qui Illustrissimis Ordinibus propter religionis communionem nunquam antehac defuimus: volumus nunc ex te resciant, nihil posse nobis accidere ingratius, quam si monstrum illud hominis ad tantum in Ecclesiâ honorem euexerint. Quod si prætendant hominem, retractatis iam erroribus, professoriæ dignitatis capacem factum: respondebis tantum delictum eâ palinodiâ leniter nimis expiari, & si nos audiant, grauius propterea puniendum, nedum vt eo nomine tantum honorem mereatur. & quanquam ferè nobis persuasum sit federatos Prouinciarum ordines ab hac viperâ, vnde & schismata in Ecclesiâ & discidia in Rempubl. eueniant, satis sibi per se ipsos cauere; si tam n. primum de illo promouendo consilium mutare noluerint, tunc illis nostro nomine denunciabis orbem terrarum scripto publico certiores facturos nos, quanto odio hæreses illas earumque defensores persequamur. atque vt Illustrissimi ordines rectius intelligant, quibus nostra monitio fundamentis nitatur, te terrimorum errorum, quibus nulla libri pagina vacat vnâ cum his \* catalogum accipe, & vale.*

\* Catalogus iste hoc in loco de industria omittitur, quò præcipua illius capita in alteris nostris ad Legatum literis repetantur.

**N**AM cū eiusmodi monstrum hominis, qui ipsam Deitatis essentiam sibi exagitandam sumpisset, inter eos viuere intelligerem, zelus diuini nominis, & Sociorum nostrorum amor, quibus & religionis fœdere iuncti eramus, synceram hanc nobis expressit monitionem; ne pestis huius contagium, quo non modo ipsorum Respubl. verumetiam reliquus Christianus orbis inficeretur, amplius serpere paterentur: vnde nobis tanto certius denunciabatur periculum, quanto nostris ditionibus erat vicinius.

Legatus, sedulo satis nostrum exequutus imperium, prolixè Dominos monuit periculi, quod noui hospitis aduentus portenderet. & tum facile illis fuit eo sese expedire, & hominem vnde venerat remittere, cū necdum Leidam in professoriam domum inductus esset, nec vxor cum familiâ eò venisset. nam vt vulgò dici solet,

*Turpius eijcitur quàm non admittitur hospes.*

Nihil tamen apud illos vel Legati industriâ vel rei gerendæ oportunitate promotum est: nec aliud ab ijs responsum impetrari potuit, quàm in hanc sententiam.



**P**ERCEPTIS, quæ Serenissimi Britanniarum Regis legatus & Consiliarius in conuentu Ordinum xj. Kalend. Octob. scripta exhibuit; & rei summâ prolixè disceptatâ; officiosè & submissè à Serenissimo Rege contendunt, vt sibi persuaheat Fœderatarū Prouinciarū ordines; cū contra iniustitiâ, & tyrannidem, & carnificinam Hispanicam, quæ in corpora, fortunas, & conscientias multis annis grassata erat, frustrâ iam omnia supplicationum, precum, diuturnæque patientiæ remedia tentassent; tandem ad libertatem suam, & priuilegia tuenda compulsos fuisse ad arma: & Serenissimi Regis aliorūque Principum & Rerumpubl. implorato auxilio, bellum ex eo diuturnum, difficile, & sumptuosum, memorabiles terra marique pugnas, urbium obsidiones, & ruinas, regionum & ciuitatum vastitates, aliâque omnia belli incommoda summa in utrâque fortunâ constantia animique moderatione pertulisse: Principem autem suscepti gestiue belli causam illis fuisse crudele



crudele illud in hominum corpora, fortunas, & animas, Hispanicæ inquisitionis iugum quo maiore nunc obsequio se Serenissimo Regi sentiunt deuinctos, qui, post tot amoris consilij & auxilij documenta, paternâ adhuc eos prosequatur curâ: ac; dum puritati Christianæ reformatæque religionis in nostris Ecclesiis, & Scholis conseruandæ tam sollicitè incumbit; fidem faciat duraturi affectus. quo nomine illius maiestati gratias agunt, quantas mente complecti valent: & piæ sinceræque monitioni ita se audientes fore spondent, ne possit inde ulla querelæ materia oriri. Quod ad Doctorem Vorstij negotium attinet, hæc se comperisse: Academia Leidenfis curatores; quum pro officio suo & perpetuâ Academia consuetudine Doctorem Theologiæ exquirerent, qui in cathedram vacuam succederet; inaudiuisse Steinfurti sub Comitibus Bentemiensibus (qui primi in Germaniâ superstitione & idololatriâ Papatus reiectâ sincerâ religionē, quam etiamnum retinent, amplexi sunt) quendam Doctorem Conradum Vorstium, iam decimum quintum professionis Theologiæ & ministerij diuini verbi annum agere; virum ob singularem eruditionem, & alias animi dotes à Domino Mauricio, Hassiæ Lantgrauio, Professore Theologiæ expetitum, & controuersis aduersus famosum Jesuitam, Bellarminum, Christianâ modestiâ disceptatis, etiam eorum iudicio olim laudatum, qui nunc se capitales illius hostes profitentur. his de causis illum à curatoribus Academia, initio mensis Iulij Anno 1610. inde excitum, missis ad Comites Bentemienses Illustrissimi Principis Mauritiij, & Dominorum Hollandiæ & Westfrisiæ literis: cui vocatiōi ab hominibus, quorum ea res nihil intererat, mense Augusto obuiam itum est. Cum igitur Vorstius hæreseōs insimularetur, visum fuisse curatoribus (nec ipse refragabatur) ut tum Hagæ, tum Leidæ se sisteret, & obiecta, quæ posset, dilueret: neminem tamen vel hic vel illic inuentum, qui quicquam aduersus eum diceret. At Maio sequente à sex ministris

nistr  
Holla  
sex p  
la r  
post n  
(pro  
ueniss  
legiti  
cusat  
gata n  
& bu  
bis qu  
in con  
bus A  
isse, n  
one in  
nius e  
Ordin  
gem d  
mente  
& ben  
consul  
ab Ho  
quocun  
moniti  
Domini  
so huic


V  
Bertius,  
minij di  
suo de

nistris accusatum fuisse; quibus in pleno conuentu Dominorum Hollandiæ & Westfrisiæ auditis; cum adessent Curatores & sex præterea concionatores; auditis quoque Vorstij ad singula responsis, & causâ vtrique fusè disceptatâ; Dominos, post maturam deliberationem, adhibitis quoque in consiliûm (pro illius conuentus more) Concionatoribus, nihil causæ inuenisse, cur rescinderent aut morarentur, quod à Curatoribus legitimè atque ordine factum esset. Augusto proximo noua accusationis capita contra Vorstium excusa, & in populum vulgata nouæ consultatoni causam præbuisse: in quâ iuxta diuina & humana iura, & patriam consuetudinem, decretum est, vt bis quoque accusatoribus Vorstius de integro responderet. quo in conuentu ordines Hollandiæ & Westfrisiæ, cum Curatoribus Academiae & Consulibus urbis Leidenfis, contestatos fuisse, nunquam sibi in mentem venisse aliam à reformatâ religione in Scholas admittere, nec Vorstio illic locum fore, si vel vnius ex obiectis erroribus perageretur reus. ideoque confidere Ordines Hollandiæ & Westfrisiæ, Magnæ Britanniae Regem de toto negotio, eiusque circumstantijs, & bonâ eorum mente plenè edoctum, pro singulari suâ sapientiâ & prudentiâ, & benignitate, quæ ab ipsis facta essent omnia æqui bonique consulturum: præsertim cum à Delegatis spes facta sit, nihil ab Hollandiæ & Westfrisiæ Ordinibus in hoc negotio, vel alio quocunque agendum, nisi cum debitâ Serenissimi Regis eiusque monitionis reuerentiâ. Uniuersos interea Ordines seriò à Domino Legato petere vt apud Regiam Maiestatem responso huic gratiam conciliet.

Dat. Hagæ in conuentu Ordinum Kalend. Octob. 1611.

**V**ERVM antequam hoc ordinum responsum in nostras manus venisset, è Vorstianis libris nonnulli in Angliam perlati sunt; nec incio (vt fama est) aut inconsulto auctore. quo tempore Bertius, illius, qui Academiam Leidensem primus hæresi infecit, Arminij discipulus eò vsque impudentiæ processit, vt literas cum libro suo de *Apstasia Sanctorum* ad Archiepiscopum Cantuariensem mitteret.

ret. nec eiusmodi librum contentus mittere, cuius solus titulus merebatur incendium, literis præterea affirmare non erubuit nihil esse in libro, quod cum Ecclesiæ Anglicanæ doctrinâ pugnaret. Nos Ecclesiæ Christi iudicandum relinquimus, an præmatura hæc nostra fuerit diligentia, cum gangræna non solum vicinos nostros peruaderet, aut proximus tantum paries arderet, sed nostri quoque regni viscera communi sollicitarentur periculo. Itaque infælicibus Vorstij libris in cæmeterio Paulino, & in utrâque Academia publicè nostro iussu crematis, visum est Fæderatos Ordines de Vorstij exilio iterum interpellare; & literas ad eos dare, Hagæ, in pleno conuentu, nonis Nouembrib. à legato nostro exhibendas. nam in priore responso hunc diem nobis condixerant. literæ autem hæc erant.



**I**LLVSTRISSIMI ET POTENTISSIMI DOMINI: Quum ex responso ad proxima nostra postulata certiores facti essemus, vobis esse in animo Comitij Novemb. habendis de illo Vorstio certi aliquid statuere: quanquam ante per Legatum nostra mens vobis satis innotuerit, non abs re tamen visum est, & ut pietatis in Deum & synceræ in vos charitatis officio fungeremur, vestram hisce literis memoriam refricare. Satis arbitramur vobis constare nullâ humanâ ratione induci nos, ut in huiusmodi negotio vobis negotium faceffamus; sed quicquid huius factum est, id diuinæ gloriæ zelo, & scandali omnis ex reformatâ Ecclesiâ purgandi studio factum esse. Quod homini corruptissimo in vrbe celeberrimâ domicilium concesseritis, non possumus non mirari: quod verò Apologiam illam vobis inscriptam, in quâ priorum omnium blasphemiarum impietatem recoxit, permiseritis apud vos excudi, & in populo vulgari, longè præter nostram expectationem accidit. Nos, à proximis literis ad Legatum nostrum datis, duos illos Vorstij libros, priorem Hassia Lantgrauio, posteriorem vobis inscriptum, ne de re ignotâ iudicare videamur; legimus; quanquam non sine horrore; & relegimus. Spes erat ex vitioso illo semine, quod Dei hostis Arminius inter vos seminauerat (unde permagna vobis messis nunc metitur) aduersus eiusmodi hominum pestes vos factos cautiores; præsertim quum inde inter vos schisma exortum sit, cui nisi obuiam eatur, Reipubl. vestræ salus, quæ secundum Deum solâ nititur concordia, in præsentissimo discrimine versatur. Verum quidem est nullam huius Arminij ad nos famam prius venisse, quàm è vitâ excessisset: at dissidio, quod in vestra Reipubl. moriens reliquerat, tandem, sed serò intellecto; legatis vestris, quæ tempestate extraordinarij nobiscum erant, quid maxime foret è Reipubl. vestra sine mora indicauimus. nec dubito, quin bona fide meo apud vos mandato de-

functi



functi fuerint. at quorsum est opus de hæreticorum inter vos aut Atheorum arrogantia porro inquirere; cum vnus è Leidenfibus Vestris infamem librum (De Apostasia Sanctorum) non contentus vulgare, eò porro impudentia processerit, vt illum nostro Archiepiscopo Cantuariensi muneri miserit; adiunctis etiam literis, quibus, vt & in ipso libro, affirmare non erubuit, nihil ibi reperiri, quod cum recepta Angliæ doctrinâ pugnaret. æquissima igitur causa subest, cur eiusmodi hæreses extinctas velimus in herbâ; ne si creuerint, & Diuinam iram, & Christiani orbis infamiam, & Vestram per schismata secum trahant ruinam. Quod miser hic Vorstius Atheismum & hæreses, quas iam publicauit, aut inficiatione à se amouerit, aut æquiuocatione molliet, hoc illi forsan apud vos proderit, ne igne luat scelus: (quod genus pœnæ an quisquam hæreticorum magis aliquando meruerit Vestrum nunc est iudicium) at vt in Vestra Republ. viuatur aut doceat, quicquid demum vel abnegauerit vel defenderit, id quidem flagitiosius est, quam vt vobis in mentem vnquam suspicemur venturum. licet enim ex obiectis pleraque aut omnia dilueret (quod profecto nunquam poterit) nihilominus propter scandali labem, & perennem homini iniustam notam, satis superque causæ est, vt solum vertat. Cæsari satis non erat si vxor probro careret, nisi etiam vacaret probri suspitione: quanto æquius est vos in re tantâ, vbi Dei bonos agitur, & vestra & populi vestri salus, & Reipub. vestre incolumitas, maiore vti cautione? nec sub cinere scintillas fouere tandem aliquando in flammam erupturas? cogitatu non est difficile hominem vel metu supplicij, vel horrore flagitij quibuscunque modis daturum operam, vt virius, quo illi præcordia coquantur, celet & supprimat. nam quid ille non negabit, qui Dei omnipotentiam negauit & æternitatem? Sit ille, si lubet, innoxius; at viris probis & eruditus non ita destituta est Ecclesia vt hunc admittere necesse sit, omni scandalo & ignominia maculosum, nec nisi multorum annorum examine & pœnitentia repurgandum. Cæterum, vt vt ista sint, vobis etiam atque etiam prospiciendum est, ne iuuentutem vestram in loco tam celebri ignominioso dedatis magistro, qui vt primum, illic pedem fixerit rediturus est ad vomitum. Quod reliquum est, velim vobis persuasum esse, ingenuam hanc nostram monitionem non aliunde, quam à sincero Vestre Reipub. amore profectam esse. Speramus autem, sicut nos ipsi optime in his conscientia fruimur testimonio, ita vos, singulis æquali lance expensis, grauissimum hoc negotium ad Dei gloriam; Vestram dignitatem, & salutem; nascentis atheismi interitum; nostrumque & Ecclesiæ merentis votum expedituros. Sin verò (quod Deus auertat) nos frustra habueritis, & eiusmodi sectarijs non locum modò inter vos, verum etiam veniam dederitis, vt exoletas & damnatas hæreses ab inferis reuocent, nouas autem & Catholica Ecclesiæ aduersas cudant; cogemur sanè inniti, & cum ingenti animi mœrore aduersus profanas nouitates protestari; ac pro titulo, quo nos Deus ornauit, fidei Defensoris ab hæreticis primum secedere; deinde, conuocatis (si fieri possit) in Concilium reformatis Ecclesijs, in commune consulere, quâ ratione teterrimæ hæreses possint extinguï, & ad inferos vnde emerferunt relegari: denique & iuuentuti

uentuti nostra seuerè edicere, ut ab Academia Leidenſi, & cæteris nouarum opinionum peſte infectis, abſtineant. Sed meliora & ominamur & ſperamus. nec enim Deus Opt. Max. qui vobis contra externos hoſtes tandiu adſuit, & Rempub. ex veſtro noſtroque voto, qui in nullo periculo vobis deſuimus iam firmare cœpit; vos animarum veſtrarum hoſtibus, qui nihil niſi veſtrum interitum inbiant, exponet prædæ. Quâ ſreti fiducia vos veſtræque omnia diuine commendamus tutela. Vobis vt ante Amicis.

IACOBVS REX.

Dabantur ex regiâ noſtrâ Weſtmonaſterienſi pridie Nonas Octob.  
Anni 1611.

Quid autem Legato noſtro hîc agendum eſſet, literis in hanc ſententiam ſignificauimus.



**C**VM EX RESPONSO Ordinum ad noſtra in Vorſtium poſtulata diem cognitionis protractum intelligeremus; & potentiores eſſe iſtius hominis patrenos, quàm optandum erat, ex multis veriſimile eſſet; vî, um eſt per literas noſtras, prolixas ſatis & ſerias. priorem apud illos monitionem repetere. has cùm illis in concilio exhibueris, quantum potes noſtro nomine contendere, ut hæreticus ille, ex tot blaſphemijs conſutus, exigatur in exilium; & effrenis hæc diſputandi licentia & Leida & alibi coerceatur; & vaniſſimarum quaſtionum, quibus ipſa Theologia fundamenta conuelluntur, tandem aliquando inueniatur finis, quod vt ſidentiùs poſtules, en tibi breui in indice impietatis, qua totus eius liber refertus eſt, præcipua capita. Quod ſi nullâ præce adduci poterunt, vt reſormata Eccleſiæ deſiderio ſatisfaciant: (quod nobis præter opinionem eueniet) tum verò id ſolum tibi agendum ſupererit, vt proteſtationem noſtram cum prioribus literis ad te miſſam illis notam facias; & primo quoque tempore denuncies nos eorum, quos ſuo in ſinu fouent, à verâ fide apoſtaſiam Chriſtiano orbi vulgatuſ. hoc nos vt paulò aſp. riùs; cum necdum cætera remedia ſint deplorata, per literas illis ſignificare noluimus. ſed optamus & ſperamus meliora.

Theobaldæ è regiâ noſtrâ pridie Nonas Octob. Anni 1611.

**A**T PRIVS QVAM appetiſſet tempus, quo Fœderatis Ordinibus noſtræ literæ erant exhibendæ; rumores in populo ab hominibus aſtutis magis, quam pijs differebantur, ardorem noſtrum deferbuiſſe, & acſionis illius memoriam nobis iam excidiſſe. quin & Vorſtius cum vxore & liberis iam Leida vt Profeſſor confederat, vt i ipſe in libro ſuo, cui titulus eſt Chriſtiana & modeſta reſponſio,

sio, his verbis testatur : Quum igitur diuinâ vocatione sic ferente, in eâ vrbe ac prouinciâ sedem fixerim, cûmque domo totâ nunc habitem, quæ supremam in terra iurisdictionem vestram agnoscit, &c. Legatus igitur noster quum rumorum mendacia altu feminari animaduerteteret, quasi noster eo in negotio refrixisset calor; Vorstio verò in vrbe Leidenfi domicilium videret concessum, idque inter primæ nostræ monitionis tempus & conuentum illum Nonis Nouemb. indictum; statuit continuò cum illo errorum indiculo, vnde tanquam ex vngue leonem agnoscerent, literas nostras exhibere; quibus ipse suas in hanc sententiam præmisit :

**S**I de vestra Republ. Magnæ Britannia Rex Dominus meus bene vnquam meruerit, Viri illustrissimi (quàm bene autem & consilio & ope meruerit vos ipsi grato animo semper agnoscitis) certè hoc tempore optimè videtur mereri, quo per literas eam inter vos religionem nititur in tuto locare, quam reformatâ in Britannia, Germania, & Gallia Ecclesia vnanimes recepere. Quid enim Maiestatis suæ interest, si professionem Theologicam in Academia Leidenfi non adeat Vorstius? aut Arminiana hæresis è templis vestris proscribatur? n. si quod Princeps Christianus Euangelij propagationi, vester amicus Reipubl. vestræ incolumitati studeat; quæ subditorum eius sanguine fundata est, nec stare diu potest, si reformata religio vobis conscijs vel Sophistarum fallacijs elusa fuerit, vel hæreticorum scelere deprauata.

Si igitur Reipubl. vestræ Palladium est religio, cuius puritate nititur vestra securitas, vos ipsos testes appello, quo in discrimine res versentur, cûm ita dominatur in præcipuis Bataviae urbibus Arminius, & Vorstius Leida in ipso Ecclesiæ vestræ seminario vexillum aduersus Deum proponit, nouam commentus sectâ ex antiquis & nouis hæresibus confutâ. dixit insipiens in corde suo non est Deus. at qui pleno ore in Deum blasphemias ebuccinat. & sciens volensque nihil non impietatis stilo suo permittit; huic præ omnibus hæreticis, qui inde vsque ab exorto Euangelij lumine è tenebris emerferunt, sine controuersia primam scias deberi. Sed ne quis dubitationi superfit locus, accipite, quæ Serenissimus meus Dominus sua manu è libris eius excerpta vobis in gustum proponat.

## EX VORSTIANIS ANNOTATIONIBVS.

**C**Æterum nihil vetat Deo etiam corpus ascribere, si vocabulum corporis in significatione latiore sumamus. Pag. 210.

Non satis igitur circumspectè loquuntur, qui Deum ut essentia, sic etiam voluntate prorsus immutabilem esse affirmant. Pag. 212.

H b

Nusquam



Pag. 232.

Nusquam scriptum legimus, Dei substantiam simpliciter immensam esse. immò non pauca sunt, quæ contrarium sensum habere videntur.

Pag. 237.

Magnitudo nulla actu infinita est, ergo nec Deus.

Pag. 308.

Et sanè si omnia, & singula rerum euenta, præcisè & ab æterno definita fuissent, nihil opus esset continuâ rerum inspectione & procuratione, quæ tamen Deo passim tribuitur.

Pag. 441.

Plenius tamen respondere videntur, qui certam quidem in genere vniuersalem Dei scientiam esse docent. Sed ita tamen, ut plures certitudinis causas in visione præsentium ac præteritorum, quam in visione futurorum contingentium agnoscant.

Pag. 471.

Omnia etiam decreta, quæ semel apud se præcisè definiuit, uno modo & actu, post factam definitionem accuratissimè nouit: sed de alijs omnibus, & singulis quæcunque sunt & sunt seorsim & per se consideratis, hoc affirmari non potest; quippe quæ non modò successiuè in tempore, verum etiam contingenter, & sæpe conditionaliter existunt.

## EX APOLOGIA.

Pag. 38.

**P**oster peculiarem quandam entitatem, seu quasi limitatam, & restrictam essentiam habere putandus est.

Pag. 43.

Unde porrò non difficulter efficitur etiam interna quedam accidentia in Deo, hoc est, in ipsâ (ut sic dicere liceat) proæreticâ Dei mente, ac voluntate, reuerà existere.

In Cap. 16. periculosè dissentit à receptâ sententia Theologorum de omnipræsentia Dei.

In Cap. 19. pag. 99. attribuit Deo magnitudinem, & quantitatem.

Talia sunt istius magni Theologi dogmata, quem ad primæ cathedræ honorem communibus suffragijs accersistis. de qua impietate nihil aliud dicturus sum, quam quod in simili causa à Romano Oratore dictum est: Mala est & impia consuetudo contra Deum disputandi, siue seriò id fiat siue simulatè.

Nunc ut ad vos veniam, Viri illustrissimi, & Regis Domini mei imperium exequar, ego vos per mutue illius amicitie vinculum, quo cum illius ditionibus vestræ prouinciæ hætenus connexæ fuerunt, quod ille sacrum teclumque semper præstabit, oro atque obtestor, ut tandem experrecti hoc ipso in conuentu videatis,

videatis, ne quid Respub. detrimenti capiat: quæ seriùs, ocys, proculdubio evertetur, ni pestem hanc, quam in sinu alitis, è ditionibus vestris primo quoque tempore proscribatis. Ille à discipulis Socini, cuius doctrinam penè cum materno lacte suxit, iam Magister expetitur, & summo desiderio expectatur. auolet hinc ad aues concolores. at ex Academia Vestra Leidenfi S. Theologia studiosi quinquaginta sex à Dominis Holandia petierunt, ne pro imperio Professor induceretur, qui Basiliensium & Heidelbergensium Theologorum literis, & sue scriptiõis testimonijs plurimarum hæreseon compertus esset. Speramus igitur. grauiissimis hisce causis equà expensis lance; Vorstij multiplici hæresi; Regis æquissimâ postulatione; vestrarum prouinciarum ferè omnium petitione; Ministrorum, quotquot Arminium non spirant, submissâ supplicatione; facturos Holandia Dominos, quicquid & Religionis sinceritas & patriæ vtilitas præscriperint. Est præterea, quod Serenissimi Regis nomine à vobis petam, vt, certâ fidei formulâ prouincijs vestris omnibus inuinctâ, frenetur nimia hæc disputandi licentia; unde nihil expectetis, nisi ciuium dissidia, & distracta Reip. factiones: illam autem prophetandi libertatem, quam in Antibellarmini sui præfatione vobis inscriptâ tantopere urget Vorstius, penitus è medio tollaris. Vos denique; qui iam olim pro conscientiarum vestrarum libertate arma sumpsistis, bellumque difficile & cruentum quadraginta annis ob Euangelij amorem pertulistis, & omnibus pietatis officijs hætenus defuncti estis; orat Serenissimus Rex, vt etiam atque etiam caueatis, ne Arminiani vestra cognitionis præiudicio freti impiam illam doctrinam de Apostasiâ Sanctorum in orbem terrarum fidenter euulgent. Quanti semper Maiestas sua vestram amicitiam fecerit docent facta vobiscum inita, docent crebra ad vos è suis regnis transmissa auxilia, docet sanguis suorum ciuium in vestra causâ obertim profusus. Vnicum huius amicitie glutinum est religionis communio: cum defensor fidei ipse sit; quo titulo magis se æstimat, quàm regno Britannia; patronum se eorum omnium proficitur, qui se eiusdem religionis & fidei profitentur consortes.

At si semel vester zelus feruorque hic intepuerit, vestram pariter erga se & suos subditos amicitiam refrixisse suspicabitur. Hæc Domini mei iussuijs addendaerant, quæ ipse suis ad vos literis complexus est. Vos rem totam eâ, quâ valetis, mentis acie expendite, & quod è Ditionum vestrarum dignitate & bono esse iudicabitis, id bonis auiibus definite.

**L**EGATO NOSTRO, interiectâ multorum dierum & hebdomadam morâ frigidè & ambiguè in hanc ferè sententiam responderunt se, perlectis literis nostris quæ pridie Non. Nouemb. redditæ essent, & ponderatâ Legati postulatione, gratias nobis agere quàm maximas; quòd & prouinciarum & religionis reformatæ incolumitatem eâdem semper curâ & sollicitudine prosequeremur. Quòd verò ad articulos illos Vorstio

stio obiectos; *Academiae Leidenfis Curatores*, post seriam *Ordinum consultationem*, decreuisse, ut ab omni professoriâ functione abstineret *Vorstius*; *Leidâ* interea communi civium iure domicilium haberet. Quod si antè, vel in proximo *Dominorum Holandiæ & Frisiæ* conuentu qui proximo *Februario* futurus esset, ad obiecta non responderet *Vorstius*; tum verò *uniuersos Ordines* confidere ex nostri animi sententia *Dominos Holandiæ & Frisiæ* sententiam dicturos: sese interea, quum absque urbium principum & prouinciarum offensa nihil aliud eo tempore fieri possit; à Legato nostro serio petere, ut de meliore nota, & prout ipse intelligeret bono eorum publico maximè conducere, hoc ipsorum responsum nobis commendet.

Veritus itaque Legatus, ne responso hoc tam frigido nos parum acquiesceremus iudicauit iam tempus venisse, quo ad vltimum illud deplorata causæ remedium confugeret. cætera omnia, quæcunque nobis in mandatis haberet, iam esse peracta; & cum tot ampliationes, & frigida responsa essent instar repulsæ, nihil iam restare, nisi ut nostram illis protestationem denunciaret: quod ille in publico eorum conuentu his verbis fecit:

**N**otant antiquitatum Gallicarum studiosi, illius gentis aduocatos ab aliqua sacra scripturæ sententiâ causa ditionem solitos ordiri: id mihi nunc vsu venit; Illustrissimi; mediæ hæc erit sententia: Si peccauerit in te frater tuus, argue eum inter te & ipsum solū. si audierit te, lucratus es fratrem tuū: si non audierit te, adhibe vnum atq; alterū, ut in ore duorū vel trium stet omne verbū, si non audierit eos dic Ecclesiæ. Nemine esse opinor in hoc confesso, qui non vltro agnoscat Regis Domini mei in procurandis ditionum Vestrarum commodis fraternam beneuolentiam, atq; in hac Republ. Stabiliendâ paternam sollicitudinem. Unde etiam factum est, ut non sine dolore acceperit *Conradum Vorstium*, tam multiplicis hæreseōs testibus omni exceptione maioribus conuictum, ad professionem Theologicam *Dominorum Holandiæ* decreto accersitum; quando ea res cum manifesto Ecclesiæ reformatæ & suæ Maiestatis dedecore coniuncta esset. Itaque ut innumera, quæ insecutura essent mala, maturè satis anteueneret, per literas mihi iniunxit (quod ij *Kalend. Octob.* exequutus sum) ut suo nomine vos orarem, ne illum hominem intra vestros fines vnquam admitteretis. responsum a vobis est, negotium illud cum debita Maiestatis suæ reuerentiâ transigendum.

Tantum tamen abest, ut vlla apud vos fuerit regie petitionis verecundia,

ut p  
host  
quan  
affec  
rum  
præc  
bui;  
circu  
cile ap  
recept  
succen  
at, qu  
ni mei  
melian  
initum  
indign  
stius p  
tis (ref  
typis se  
omnesq  
cat. H  
officio  
formata  
sanguin

Q

opinion  
14. Ca  
res tot  
sponsor  
miseric  
uum (i  
guis in  
soluere  
adiunge  
apud H  
minor in  
Leidenf  
paci cor



ut potius de industriâ refragati fueritis. in Academiam inuitatus est Vorstius; hospitio comiter exceptus; domicilio & professionis dignitate ornatus. Rex, quamuis elusâ primâ operâ, per literas tamen, suâ exaratas manu, relique & affectus plenissimas prolixè & grauitè dissuasit, ne vestrum & reformatarum Ecclesiarum honorem atheo admissio Theologo laderetis. Eas literas coram præcipuarum Bataviæ urbium legatis in vestro conuentu Non. Nouemb. exhibui; nonnullis quoque in eam sententiam regio iussu adiectis. Sex septimanis circiter elapsis à vobis responsum est sed adeò confusè, ambigüe <sup>à vobis & hinc inde</sup>, ut facile appareret nihil minùs vobis in mentem venisse, quàm Vorstium dimittere; receptum Leide, & professoriâ dignitate ornatum, fortè, ut Iosepho Scaligero succenturiatus Academia possit esse ornamento: fortè, ut priuatim liberè faciat, quod publicè præ pudore non auderet. His de causis nomine & iussu Domini mei protestor, recepto in Academiam Leidensem Vorstio, iniuriam & contumeliam reformatæ Ecclesiæ per vos factam: Protestor fædus cum Domino meo initum, quod reformatæ religionis communionē nitebatur, per vos lesum. Quam indignissimam in Deum & in se iniuriam, quâ sibi & fæderi Britannico Vorstius prælatus est, ægerrimè se ferre non dissimulat: & nisi maturè resarcia-  
tis (resarcire autem nisi dimisso Vorstio non potestis) protestationem hanc suam typis se vulgaturum denunciat; ut quantopere Vorstij atheismum & hæreses omnesque impietatis eiusce fautores & patronos oderit Christiano orbi innotescat. Hæc habui in mandatis; quæ nisi exequutus fuisset, tum meo in Deum officio cuius hæc causa agitur, tum Regis optimi dignitati defuisset, qui ut reformatæ religionis puritatem vindicet, nec suo nec liberorum aut subditorum sanguini parciturus est.

**Q**UA PROTESTATIONE factâ, Domini, inito consilio eiusmodi nobis responsum concinnârunt: licet hoc Vorstij negotium Serenissimo Britannicæ Regi paulò præter opinionem hoc tempore cesserit, non dubitare se tamen, quin  
14. *Calend. Martias in conuentu Dominorum Hollandiæ res tota ex animi sententia foret transigenda.* Itaque eo responso refocillata nobis spes fuit Dominos Hollandiæ, apertis diuinâ misericordiâ oculis, percepturos demum quale excludant Basilisci ouum (nam phaleratis Vorstij verbis verum sit verus illud, *latet anguis in verbâ*) & prouinciam suam omni illius hæreseôs suspitione absoluiuros. Nam Zelandi, Frisijque, quibus Holandorum nonnullos adiungo, ita nouitiam hanc sectam oderunt, ut de eâ exterminandâ apud Hollandiæ Dominos sæpius contenderint. Certè nobis non minor incessit dolor quàm admiratio, tantam Curatoribus Academiæ Leidensis obductam fuisse ob oculos glaucomam, ut hunc hominem paci conciliandæ & sedandis Academiæ & Ecclesiæ litibus idoneum

crederent: quod Legato quoque Ordinum nobiscum versanti scribere non dubitarent. eorum cæcitatem alio argumento conuincere necessesse non est, quam ipso euentu: exitus acta probat. Siquidem ex quo Vorstius appulit (quod sine dolore meminisse non possumus) plures quam vnquam antehac in eâ Repub. animorum distractiones, plura dissidia euenerunt. testantur accusationes crebræ, & libri aduersus eum scripti illiusque ad obiecta responsiones: testantur Professorum Academiae Leidenfis complurium protestationes, & confæderatarum prouinciarum, & vrbium nobis iam dictæ querelæ: vt planè fateri necessesse sit, si eo consilio hominem adduxerint, nihil minùs ex voto respondisse quàm euentum.

**F**INITA eorum narratione, quæ nobis in hoc negotio cum prouinciarum fæderatarum Dominis acta sunt, proxima cura est rationes subdere, propter quas in alienâ Republ. eiusmodi negotium aggressi sumus. quod obiter à nobis ibi præstitum est, vbi de Vorstij libris in Britanniam aduectis loquuti sumus. Tres ibi causas inuenias, cur nostram hûc falcem immittere necesse fuerit. Impulit nos zelus diuinæ gloriæ, cui nos nostraque omnia impendere debemus. impulit charitas in vicinos & fæderatos nostros. impulit denique iustus eiusdem periculi metus.

Cerrè si de *numero aut naturâ Sacramentorum* nouam litem mouisset Vorstius, si de *meritis, de purgatorio, de visibili Ecclesiæ capite*, aut id genus alijs, quæ inter nos & Pontificios agitantur, si de *operibus Dei ad extrâ* (vt loquuntur in Scholis) quanquam nec eiusmodi erroribus inter Fæderatos nostros cuperem esse locum; Si non altius ille euectus fuisset, & sanctissima quæque profano stilo sollicitasset; ego vel abstinuissem, vel minore animi contentione causam suscepissem. Nunc verò quando hic Antijohannes, in cælos & Dei solium profano alarum remigio sublatus, sacram illius & ineffabilem essentiam, quæ miranda non rimanda erat sacrilegis quæstionibus sollicitat; & *infinitatem*, vnum ex attributis diuinis, cum *immensitate* quæ nonnunquam creaturis tribuitur, commiscet; *essentiam & substantiam cum hypostasi* confundit; *primas & secundas creationes* inuehit, *mediatas & immediatas*; Deum *quantum facit & qualem*; *æternitatem* è sæculorum periodis componit, & cum *æuiternitate* confundit; Deum inficiatur *actum purum*, & qualitatum expertem, qui nempe *aliquid in seipso diuersitatis aut multiplicatis habeat*, & (horresco referens) *principium cuiusdam mutabilitatis*; quasi bellum non Theologiæ solum sed humanis omnibus scientijs indixisset: neminem hic recuso iudicem an iustis de causis videar commoueri vel maxime reformatæ religionis professor non forem, sed latiore vocis vsu Christianus, aut (si velis) è Scholâ Platonis Theologus, naturalis saltem numinis cognitione præditus.

Nunc

Nunc ut ad secundam causam veniamus; licet Christiana charitas omnibus debeat, proprio tamen iure ad eos pertinet, qui sunt fidei domestici: cum igitur non solum fœdere nobis coniuncti essent prouinciarum Ordines, verum etiam fœderis illius præcipuus nodus esset religionis reformatæ communio, monitos sanè eos oportuit, ne hæreses tam perniciosas vel germinare in suis ditionibus, vel radices agere paterentur; è quibus nihil aliud sperare possent, quàm certum animarum periculum, aliarumque Ecclesiarum secessionem, & demum suæ quoque Reipub. distractionem, cuius secundum Deum præcipuum foret in concordia fulcrum. quod consilium eo libentius secuti sumus, quòd ex ipsis prouincijs nonnullæ, bono exemplo nobis præeuntes, dicam Vorstio grandem impegissent, eiúsque exilium Dominis Hollandiæ pro virili suâ parte suasissent. Profectò, si ex Holandiâ oriundus fuisset Vorstius, ut olim Iohannes Leidenfis; satis fuisset Dominos imminenti periculi certiores facere, cæteris ipsorum arbitrio permissis. at quum alienigena sit, è peregrinâ gente ad iuuentutem erudiendam accitus, nullum habet nascendi priuilegium, quin possit ab ijs, cum primum visum fuerit, dimitti. Professionem expende, & dices mecum, mille hæreticos Laicos minore cum periculo in ciuitate tolerari (qui quamdiu neminem seducunt nemini nocent) quàm vnum aliquem prauorum dogmatum magistrum, qui suæ impietatis virus incautæ iuuentuti instillet. nam

*Quo semel est imbuta recens seruat odorem*

*Testa diu; —*

& quid tandem fiet de riuulis quorum fons est corruptus.

Et hinc quoque tertia ratio nostræ in hoc negotio sollicitudinis deducta est. nam si per iuuentutem Batauicam vniuersim serperet hæc labes, quàm prope absumus nos à periculo? non pauci è iunioribus nostris subditis erudiendi causâ in eam Academiam proficisci solent, illam multis nominibus iam diu celebrem, sed præcipuè quod nostrâ memoria bina illa literarum lumina habuerit Scaligerum & Iunium. tanto est hæreseos virus corporeo quocunque periculosius, quanto anima nobilior est corpore. idèoque Iohannes Euangelista, statim ut Cerinthum hæreticum conspexit, contagij metu è balneo se proripuit. & quanto magis nobis metuendum est, ne eandem à Batauis labem contrahat iuuentus nostra, quum magnus ille Apostolus, Christo Domino vnicè charus, tantâ sollicitudine ab hæreticis sibi cauerit? cuius quoque extat in epistolâ interdictum, ne dicas illi, Aue.

Neque verò nos latet, quid à plerisque pro Vorstio dicatur: non satis intelligi bonum virum, sed prauis consequentijs aliorum ac sentit torqueri: non esse accipienda dogmaticè, quæ disputat Scholasticè: & ut concedatur minùs cautè alicubi locutum eum, non esse tamen id Vorstio



stio imputandum in hæresin, sed accusatoribus in logomachiam: in nouissimis denique operibus se à calumnijs satis vindicasse, & hæresi omni renunciâsse.

Sed nos primo effugio respondemus, nullam aduersus illum actionem iure sequelæ à nobis fuisse intentatam; sed ex suis ipsius disertis verbis hæreseôs conuictum.

Quod verò attinet ad illam quæstionum vel (vt ipse vocat) disquisitionum libertatem; nobis quoque eadem mens est, in rebus dubijs, de quibus sine fidei periculo in vtramque partem sentire liceat, non permittendam modò, verumetiam probandam esse Scholasticam <sup>enquê</sup>, saltem intra scholæ parietes. Verùm in præcipuis fidei nostræ articulis hâc vti dubitandi licentiâ; nec tantum in numinis conclaue, verumetiam in eius essentiam per fas & nefas penetrare, & in penitissimâ quæque illius curiosos oculos defigere, vel, quod de Medicis Pantagruelis dicitur, accensâ face in Deum descendere, eiusque essentiaë abdita scrutari: hæc omnia (fidenter dixero) ad destructionem faciunt, non ad ædificationem. quod olim contra eorum hominum curiositatem, qui necesse habebant scire quid Deus ante mundum conditum egisset, vsurpatum scimus à D. Augustino. Longè alia erat apud Iudæos, dum eorû pietas adhuc integra esset, numinis reuerentia: Illi sibi moriendum credebant, si Deum semel aspicerent. Nec eorum magnus Legislator Moses seriâ & submissa prece plus apud Deum effecit, quàm vt eius posteriora videret. Itaque de altissimo diuinæ essentiaë mysterio nouas quæstiones mouere, de trinitate, de hypostaticâ personæ Christi vnione vel scepticè disputare, vel etiam à receptis in Ecclesiâ loquendi formulis; quæ temporum successione, & quatuor primorum conciliorum decretis, & fidei symbolis inualuerunt; nunc discedere, & nostras phrasas, nouas, inauditas, Ecclesiæ obtrudere omnino non licet. De his perinde est dubitare & contrarium statuere. omnisque eiusmodi disquisitio pœnam meretur inquisitionis. *Non est bonum ludere cum Sanctis, multo minus ergo cum Deo.* E primis est carminibus, quæ pueris nostris proponuntur discenda,

*Mitte arcana Dei cælumque inquirere quid sit.*

parum videtur referre, siue dixeris; hæc scœmina est meretrix: siue. probabilibus argumētis suaderi potest scœminam hanc esse meretricem. neque Vorstius, opinor, pro amico illum haberet, qui diceret; valde est hoc controuersum, an pestifer hæreticus sit Vorstius & iam infernali debitus supplicio. non quod tam acerbè de illo statuendum sit, sed quòd non desint idonea argumenta, quibus hoc satis fiat probabile. Natura hominis inde vsque à primorum parentum lapsu libertatem arbitrij amittit, & pronis in malum mortalibus, ne vmbra quidem illius relicta est præterquàm apud eos, quos Deus ab originalis peccati le-

prà

prà  
lex p  
nou  
vesti  
ora:  
facie

famâ  
rum I  
ction  
tinctu  
no co

Qu  
um, id  
sum el  
postat  
perpet  
dunt.

Aaron  
Domini  
mine (  
hostes  
homoio

Qu  
obiecta  
refibus  
proxim  
bendi g  
manus

Nam  
mus; q  
quàm d  
eiusce p

Omn  
verò D  
negotij  
semper

præ expurgatos merâ sua gratiâ sibi consecrauit. Vnde periculosa alex plena res est, vt vel maximè singulis idonea responsa subiunxeris, nouas hæc quæstiones proponere. Nam maxima pars hominum, vestigijs primorum parentum insistentes, naturæ vitio eligunt deteriora: nec sine causa diuinus Poeta Bartalsius, de Sodomæ exitio verba faciens, flagitij, quo periit, etiam nomen reticuit:

*De peur qu'en offensant des saints l'oreille tendre,  
Ie ne les semble plus enseigner que reprendre.*

Nomine flagitij teneras qui læserit aures,  
Non carpsisse scelus, sed docuisse putes.

famâ etiam proditum est, haud scio quam verâ, libros controuersiarum Bellarmini in Italiâ non permitti vulgo; propterea quod obiectiones eius nimis validæ sint, responsiones autem nimis debiles. quâ tincturâ vt etiam aliâ mox dicendâ per quam Vorstius est Bellarmino concolor.

Quod autem fateantur minùs cautè alicubi loquutum esse Vorstium, ideòque meram videri de nominibus controuersiam: iam responsum est in mysterijs illis de diuinâ essentiâ, de trinitate, de Vnionè hypostaticâ naturarum in Christo, &c. non esse culpæ immunes, qui à perpetuâ Ecclesiæ consuetudine, & receptis loquendi formulis discedunt. Linguâ Canaanis vti debet, qui de Canaane loqui velit. in filios Aaronis seuerè animaduersum est, quòd peregrinum ignem ad altare Domini ferre ausi essent. minore quoque quàm vnius literæ discrimine (inter *Siboleth* & *Shiboleth*) poterant decem tribus Israëlitis tuos hostes internoscere. & vnius elementi differentiâ inter *homoouision* & *homoiovision* separabantur in Oriente Orthodoxi ab hæreticis.

Quòd attinet ad vltimum illud effugium, quòd in nouissimis libris obiectas calumnias satis purgauerit Vorstius, & nuncium miserit hæresibus: Nos à Dominis obnixè petimus, vt seriò & pensiculatè in proximis Comitijs examinent, quibus se coloribus excuset, quo scribendi genere vniuersim vtatur. apparebit enim quo spiritu scribentis manus agatur.

Nam vt à præfatione *Christiana & modestæ responsionis* initium faciamus; quæstiones illas, quarum suprâ meminimus, non pluris facit, quàm dissertationem de caudâ canis Tobia. In secundâ præfationis eiusce pagellâ hæc verba habentur:

*Omnis homo est mendax, immo vanitate ipsa vanior, solus verò Deus est verax. Quod cum in omnibus magni momenti negotijs, tum maximè in sanctissimâ fidei causâ humiliter nobis semper agnoscendum est. ne videlicet quidquam, quod primâ fronte*

fronte nobis nouum, immò falſum & abſurdum videatur, facile damnemus, nec contrà, quicquid vulgò receptum eſt (in rebus præſertim abſtruſis, ac perplexis, nec tamen ad ſalutem ſcitu neceſſarijs) & quidem cum opinione præciſæ neceſſitatis, ſtatim approbemus. In his talibus, ſi quis Regem aut Principem, alioqui pientiſſimum, immo Reges & Principes eiſmodi complures (addo & Episcopos, ſeu Doctores Eccleſiæ non diſſimiles) aliquantulum errare dixerit, nihil opinor aduerſus Regiam Maieſtatem, nihil aduerſus Principum aut Episcoporum dignitatem, reuerà peccauerit; modò ſemper rationes ſuorum dictorum modeſtè reddere paratus ſit.

Quibus verbis duo altruit; primum, omnem hominem eſſe mendacem, idque non minus in rebus fidei quàm cæteris. ſecundum, neque probandum ſtatim quod communiter receptum eſt, nec continuò reiſciendum, quod iam primùm eſt excogitatum: ita euenire, vt vetuſtæ opiniones & omnium ſeculorum conſenſu firmatæ ſubinde antiquari debeant, & in earum locum ſuccedere nouæ, peregrinæ, & quæ primo aſpectu abſurdæ videantur. Iam obſeruandum eſt non fuiſſe huic homini leuià errata, aut *σφάλματα μικροῦ* obiecta, quæ nec cogitanti poterant excidere; ſed horrenda illa, nobis ante commemorata, & alia nihilo illis meliora, quæ ipſam Chriſtianæ fidei acropolim ſubruunt. Vnde neceſſariò efficitur, in hac eius excuſatione illa ipſa intelligi, quæ in accuſatione illi obiecta ſunt. At Chriſtianorum nemo (quod diuinâ gratiâ fauente cum de nobis tum de Pontificijs licebit ſperare) in prima hæc Chriſtianæ religionis principia vnquam impinger: ſaltem pro vno è Regibus illis, quos ibi generatim nominat, ego meam (cum Deo) fidem interponam. Cæterùm propter hanc nouarum opinionum mercem, quam Chriſtiano orbitam cupidè extrudit, nihil eſt cur antiqua Eccleſiæ fides, tanquam exolera veſtis, aut formæ aut materiæ reſpectu mutari debeat.

Præterea, tertia præſationis pagina his verbis vtitur: *Sed neque plures vno aliquo ſemper hîc ditiores ſunt. nemo igitur vnus ſibi arroget omnia. nec numero plures vni alicui ſingulare quicquam inuideant.* Ipſiſſimum Anabaptiſtici erroris fundamentum; quo omnis ex Eccleſiâ politia proſcribitur. euersâ enim Papæ Monarchiâ continuò Ariſtocraticam quoque & Democraticam poteſtatem exterminant: contrà quàm præcipit Apoſtolus, vt Spiritus Prophetarum ſubiecti ſint Prophetis. nam ſi vni homini hoc ſibi arrogare fas ſit, quo iure obſecro à ſynodicis, Nationalibus, vel etiam Oecumenicis concilijs redargui poterit? Dicit

enim:



enim: nihil est vobis, Domini, in me iuris; quia ego singulare quiddam supra vos omnes habeo. Quinta autem pagina sic loquitur: *Planissime enim persuasus sum, Serenissimo Regi nunquam in animo fuisse, nunquam in animo fore, alienae conscientiae (quod ne Apostoli quidem sibi vnquam arrogarunt) siue directè siue indirectè siue per seipsum, siue per alios vllatenus dominari, vel fidem nostram vlli humanae auctoritati allegare velle.* quibus verbis ipsius indicio conuincitur Ecclesiam non agnoscere eorum, qui ipsi obiecti sunt, errorum arbitram. Nempe homini nimis notum erat certas credendi loquendique formulas de prædictis mysterijs per consequentias è sacris literis iam olim fuisse ab Ecclesiâ stabilitas. & hæc vnica ratio est, cur in his omnium mortalium iudicium defugiat. inde est quod præfationis pag. 7. suam illam Christianam libertatem his verbis tueatur: *Qui quidem humanas decisiones à diuinis mysterijs satis scrupulosè segregem; & præsertim in audaces Scholarum hypotheses, pro Christianâ libertate, interdum diligentius inquiram;* quasi nimia fuisset Scholasticorum Theologorum audacia, articulos Christianæ fidei ab Ecclesiâ acceptos explicuisse. nos hac in re verè illi possumus reponere, quod Bellarminus alicubi de Caluino: Vtinam semper sic errassent Scholastici. Quis enim illos in Christianæ religionis principijs tractandis non omni laude dignetur? vel vnus Aquinas contra gentes testis sit. At in illis controuersijs, vbi palpo feriendus erat Pontifex, & apostatantis Ecclesiæ traditiones & constitutiones nouitiæ erant fulciendæ; cesserunt (proh dolor) tempori; & mysterio iniquitatis, quod tum ad incudem calebat, omnia labefactata fuere ingenia. Porro Christianam libertatem non alio consilio vrget Vorstius, quàm vt illius obtentu facilius Christiano orbi det verba. nam in sacris literis Christiana libertas aut de rebus adiaphoris tantum intelligitur, aut legis humanarumque traditionum seruituti opponitur. quo sensu Paulus loquitur epistolâ ad Colossenses: *quare oneramini ritibus?* at Christianæ libertatis prærogatiuâ abuti, vt de altissimis, & sacratissimis diuinarum rerum mysterijs nouæ hæreseôs venenum orbi propines, arrogantia est & nequitia nimium effrænis. de quo genere Paulus denunciât; *licet nos, aut Angelus de cælo euangelizet vobis præterquam quod euangelizauimus vobis anathema sit.* & D. Iohannes nobis interdicit, ne *Aue* dicamus ei, qui aliam doctrinam apportauerit vt iam dictum est.

Vt constet autem nouarum opinionum artificem esse Vorstium, quo in genere singularis videri nimium quantum desiderat, legatur locus paulò ante hunc quem citauimus; vbi de nouo illo nomine *puri* patetque *Euangelici* mirificè gloriatur. quanquam puri hominis vocabulum nunquam non in Ecclesia suspectum fuerit, nam inter veteres hæreticos sunt *naðapoi*, vt inter Anabaptistas Puritani, à quibus, qui in nostris

nostris regnis terfi nimium mundique haberi volunt, & suâ abrepti vertigine politiæ Ecclesiasticæ refragantur, nomen suum mutuati sunt. Euangelicorum verò appellationem licet nostræ religionis homines non vna in regione sibi assumpserint; nescio tamen quo fato in quibusdam Hungariæ & Bohemiæ tractibus maximè vigeat, vbi innumeri viuunt sectarij solo contra Papam odio concordēs. Sacra scriptura in actis Apostolorum nos Christianos nominat, & primitiua Ecclesia Catholicos & Orthodoxos. Suspecta est hæc in Vorstianâ religione noui nominis affectatio. nec dubium est eo id consilio fieri, vt suos ab Orthodoxis nostræ religionis Professoribus primò discriminet; deinde diuellat. proposuisse enim sibi in istis nouitatibus constantiam, neque eorum quæ scripsit quicquam retractare, id ex vltimâ præfationis pagellâ peripicuum est, vbi sic ait. *Opinor enim ipse (vt magni illius Erasmi verba hic æmuler) in libris meis nihil reperiri, quo deterior quisquam reddi possit.*

Sequitur ipse liber, eiusdem cum Præfatione furfuris, & (vt verbo dicam) dignum patella operculum. Ita enim distinctionibus & Sophisticis effugijs, *quodammodo, quadam tenus, in meo sensu*, alijsque id genus refertus est, vt hæc quoque tincturâ Bellarmino concolor sit Vorstius. Atqui Deus est Vnitas ipsa; & veritas est vna, cuius quoque oratio simplex dici consuevit. Vorstio ratio excogitata est, qua Veritas duplex dici queat. Duo eius libri loca visum est adducere, e quibus cætera cognoscas. primum è pagina 12. his verbis: *Argumenta quæ adferuntur à Patribus, vel à recentioribus Theologis pro aternâ Christi generatione aut fallacia sunt aut friuola.* his verbis vltimum se non negat; sed quomodo accusationem declinat? nimirum ad suto syncategoremate, *quædam argumenta &c.* Nunc aduertat candidus Lector, quo pacto ille reiectis quibusdam illis Patrum argumentis, quibus æternam filij generationem è sacris literis confirmant, tam sollicitè sibi caueat ne vel de suo, vel aliunde quicquam ad eam rem probandam valentius adferre videatur. neque aliter in totius libri decursu se gerit. nam hoc exempli vice tantum adferimus. In 2. loco mordicus negat dixisse se, *metum, & desperationem in Deum cadere. nam metum* (inquit) *& desperationem ne quidem vsquam nominavi.* verba eius sunt pag. 8. Si quis tamen alterius libri pag. 114. & 450. inspexerit, de duobus hisce duas satis prolixas dissertationes inueniet. hic ille, quum quo se tueretur non haberet, impudenter negat, quod sine turpitudine fateri non potuit. verum vt de Sophistico hominis ingenio & tergiuerfationum fallacijs rectius iudicent candidi lectores, è *Christianâ eius & modestâ responsione* phrales quasdam selectas quasi in tabellâ spectandas proposuimus.

¶ 1 Estne Deus essentialiter immensus, &  
ubique præsens?

Nusquam <sup>a</sup> disertè scriptum est, substantiam Dei sim- <sup>a</sup> pag. 16. l. 16.  
pliciter, seu quouis modo immensam & infinitam esse.

<sup>b</sup> Et non pauca in S. Literis occurrunt, quæ contrarium, non di- <sup>b</sup> pag. 16. l. 23.  
coclarè asserunt, sed tamen asserere videntur. Interim ali-  
ud est videri, aliud reuerà esse. Respondeo tamen ex sensu  
meo.

<sup>c</sup> Quoad Thesin, seu rem ipsam est.

<sup>c</sup> pag. 22. l. 23.

Tametsi non quoad <sup>d</sup> specialem modum seu <sup>e</sup> hypothesein <sup>d</sup> pag. 4. l. 19. <sup>e</sup> pag. 22. l. 16.  
Scholasticam.

<sup>f</sup> Quæ tamen falsa non est, verùm aliquatenus hætenus in- <sup>f</sup> pag. 23. l. 1.  
firmius asserta, & sic aliquatenus dubia.

¶ 2 Estne in Deo quantitas?

Est, sed non <sup>g</sup> physica.

<sup>g</sup> pag. 2. l. 28.

Verum <sup>h</sup> hyperphysica.

<sup>h</sup> pag. 23. l. 12.

Attamen <sup>i</sup> nobis planè imperceptibilis, & merè spiritualis. <sup>i</sup> pag. 21. l. 9.

¶ 3 Estne Deus infinitus?

<sup>k</sup> Omnia Entia certam & definitam essentiam habent, id <sup>k</sup> pag. 3. l. 16.  
quod Deo ipsi aliquatenus aptare licet. <sup>l</sup> Deum quolibet sen- <sup>l</sup> pag. 3. l. 18.  
su rectè infinitum dici non posse, quum infinitudo illa quæ de-  
finitioni certæ opponitur in Deum reuerà non cadat.

¶ 4 Estne Deus in aliquo loco?

Est, <sup>m</sup> sed non physico;

<sup>m</sup> pag. 3. l. 22.  
23.

Verum in spatio abstractissimè sumpto, quod Deus suo di-  
uino modo adimplet.

¶ 5 Estne Deus corporeus?

Propriè loquendo <sup>n</sup> minime corporeus est.

<sup>n</sup> pag. 3. l. 34.

<sup>o</sup> Sed tamen nihil absurdi erit, si Deo (impropriè loquen- <sup>o</sup> pag. 15. l. 6.  
do) corpus ascribamus, <sup>p</sup> nempe quatenus vocabulum Corporis <sup>p</sup> pag. 4. l. 3.  
impropriè & latissimè pro verà substantiâ non prorsus <sup>q</sup> absur- <sup>q</sup> pag. 15. l. 14.  
dè sumitur, iuxta <sup>r</sup> latam significationem, quæ figurata, & <sup>r</sup> pag. 15. l. 10.  
impropria seu manis catachrestica est. & 3.



¶ 6 Estne Deus compositus e materiâ & formâ ?

a pag. 5. l. 3.

Nullo modo <sup>a</sup> propriè loquendo. Est tamen in sensu quodam improprio, vel, si mauis, per <sup>exaltationem</sup> quandam per quam vocabulum Corporis, item quasi materiæ & formæ, seu quasi compositionis ex genere & differentiâ, aliquando eidem attribui posse non immeritò alicui videatur.

¶ 7 Estne Deus immutabilis, vt essentiâ sic voluntate?

b pag. 15. l. 15.

Non est vt essentiâ sic voluntate; <sup>b</sup> id est, non est æqualiter.

¶ 8 Estne Deus subiectus accidentibus ?

c pag. 7. l. 8.

c Non ullis veris.

d pag. 7. l. 9.

d Tametsi per liberam voluntatem quædam accidentia latissimè sic dicta, tum ad se, tum in se recipit Deus.

¶ 9 An Deus per discursum conijcit de futuris ?

e pag. 7. l. 24.

f pag. 8. l. 9.

g pag. 7. l. 22.

fnterdum, <sup>e</sup> aliquatenus, <sup>f</sup> discursum quendam instituit & quasi de incertis conijcit, sed <sup>g</sup> improprie & metaphoricè, citraque omnem imperfectionem.

h pag. 8. l. 2.

h Conijcit autem non coniecturâ qualis hominum esse solet, sed planè diuinâ.

¶ 10 Affectus amoris, odij, &c Deone propriè attribuuntur?

i pag. 8. l. 16.

Proprie; sed <sup>i</sup> vt pro veritate potius, quàm pro vsuatâ nobisque notâ proprietate accipiendum sit.

k pag. 9. l. 1.

k Nulli affectus cum humanâ infirmitate coniuncti propriè Deo attribuuntur; verè tamen, & suo modo propriè, hoc est, pro suæ, non pro naturæ nostræ proprietate.

¶ 11 Pater habetne peculiarem quandam, seu quasi restrictam essentiam ?

l pag. 21. l. 13.

Vox <sup>l</sup> essentiæ, perinde vt Entis, amplissimam significationem habet, & sic nihil omninò vetat vtramque non minus ad personas diuinas, quàm ad ipsam Deitatis naturam in sano sensu referri.

¶ 12 Suntne Patrum argumenta friuola, pro æternâ Christi generatione ?

m pag. 14. l. 3.

Siquidem vnica vox <sup>m</sup> (quædam) ab initio inseratur, argumenta

gumenta à Patribus hætenus aptata, aut fallacia, aut friuola sunt.

¶ 13 Estne in Deo visio præsentium & præteritorum, magis certa quàm futurorum præuisio?

<sup>a</sup> Nota modestiam meam in verbo ( videntur ) opinionem duntaxat probabilem hîc asserri, non autem dogmaticam assertionem.

Futura <sup>b</sup> contingentia ( comparatiuè loquendo ) etiam coram Deo dici possunt minùs certa quam præterita, & præsentia.

Nihil tam absurdum reperiatur, quod his fallaciarum præstigijs defendi nequeat : nihil etiam quod non possit effici è quolibet. Arrius & Paulus Samosatenus, quum Orthodoxæ Ecclesiæ rationibus restricti quò se verterent nescirent, huiusmodi se inuoluerunt fallaciarum nebulis ; vt totum hoc genus à veteribus hæreticis scias mutuatum. Id quod ex alio eius libro, cui titulus est *Theses Theologicæ* manifestius apparet, quem librum eo consilio fecisse videtur, vt glaucomam hominibus ob oculos obduceret. easdem enim theses continet, quas in primo libro, de Deo & eius attributis, commentario illustrat. ipse theses parum præ se ferunt incommodi, in commentario latent pestiferæ istæ hæreses. ideòque in vltimo libro theses, quæ defendi possunt vulgavit ; Commentarium, cui inest venenum, omisit. id quoque in Vorstio iam reo suspectum est, quod in appendice thesibus subiectâ hæreticos recenset Thesibus suis aduersantes, eos præsertim, qui de diuinitate, humanitate, personâ & officio Christi perperam senserunt, Ebionitas, Cerinthios, Arrianas, Praxianos, Sabellianos, Marcionitas, Manichæos, Docetas, Appollinaristas, Mennonitas, Suenkfeldianos, Nestorianos, Monotheletas, Eutychianos, Monophysitas, Iudæos, Chiliastras, Papiastas : Paulum vero Samosatenum, & qui illi tam in hæresi quam Episcopatu successit, Photinum penitus supprimit à quorû opinionibus Vorstius (vt fama est) parû recedit.

Cæterum in illius libelli præfatione ad quinq; accusationis capita sibi (vt fatetur) obiecta breue responsum molitur ; quo ille vt forex suo indicio se prodit.

Primum caput est, quòd ex literarum cum hominibus Samosatenis permutatione illius hæreseôs reus olim factus fuerit : quod se fecisse non negat ; sed in iuuentute ; & vt eorum libros consequeretur : postea tamen huius literarij commercij penitus desijisse. Primò igitur libenter ex eo sciscitarer, cur in appendice, quâ tot hæreticorum meminit, Samosatenum omiserit, cum ipse fateatur se illius olim hæreseôs in-

simulatum? Deinde verò, quo consilio horum præsertim familiaritatem tantopere affectarit? an ut ad eos refellendos meditatiores accederet? Neque hoc ille profitetur, neque procul dubio vnquam illi in mentem venit. nemo, hercle, hoc homine melior foret pestilentia expurgator: ita sibi à nullo metuit contagio. nec *picem veretur contrèctare*, vtcunque illud verum sit, *qui ambulat in sole, colorabitur*. Quùm itaque illius animus non fuerit, aduersus Samosatrenianos armari; quid aliud quæso sibi proposuerit, quàm dignus eâ scholâ discipulus fieri & symmystes? quod ipsemet vltimis verbis, quibus hanc accusationis partem diluit, tantum non fatetur. *non enim* (inquit) *quod multi solent, alienis sensibus hic fidendum putavi, aut temerè quicquam in causa fidei damnandum*.

Ad secundum caput accusationis respondet, Samosatreniorum libros suis discipulis à se esse datos; salutare sanè munus. at lepidum nimis est aduertere, quâ lege tradiderit; nempe, ut cum iudicio legerent, nec receptam doctrinam temere respuerent. vide ut ignobili receptæ doctrinæ epitheto Orthodoxæ fidei auctoritatem eleuat. Bellissima vero cautio adiecta est, ne temere a veteri fide discederent: nam & Turca pari pietate Christianum moneret, ne inconsultò & temere musulmaniser. quis vnquam Paganos aut hæreticos, nisi hanc præmissâ cautione, ad Christianam fidem inuitauit? quis vlli suadeat ut Eucharistiæ sacramentum sumat temere? D. Paulus vnicuique præcipit, sedulò prius se examinet, quàm ad sacram illam mensam accedat. longe aliâ monitione magister Orthodoxus discipulos præmunisset; in hanc fortè, aut similem sententiam: si perstat animus execrabiles hosce libros euoluere, cum horrore eos legite & detestatione; eoque tantum fine, ut aduersus Satanæ præstigias & dolos vos armetis; diuinâ misericordiâ quam vestrâ virtute magis subnixi. Deum autem continuò orate, ne à Sanctâ & Catholicâ fide vos in hæreses abduci patiatur.

Quod ad tertium accusationis caput non diffitetur Socinianos libros à discipulis suis vulgatos: sed se consilio id factum negat. vtcunque eorum non reprehendit aut detestatur audaciam; sed tantum ait illos heresi in ipsam iureiurando a sese remouisse.

Ad quartum caput respondens fatetur iam decennium esse, cum librum scripsit de *Filiatione Christi*. (quâ solâ inscriptione author tam suspectus facem merebatur) neque alia illi excusatio supererit, quàm quod epitomen scripserit in Bellarminum. non dubitamus, quin animi causâ fecerit. Pulcrum hercle commentum. neque vero ex verbis eius iam apparet, quicquam esse in eo libro, quod ipsi displiceat. tantum dicit non posse ex eo libro colligi, quæ ipsius sit de re ipsâ opinio; sicuti nec ex Bellarminiani operis à se factâ epitome. nam si libellum damnasset, tum sibi ipsi alio in libro contrarius fuisset, vbi statuit nihil eorum, quæ semel scripserit, vnquam retractare.



In quinto atque ultimo accusationis capite neque ait neque negat. tantum dicit librum, cui titulus erat Dominicus Lopes (vt quidem nos famâ accepimus) execrabilem & blasphemum, à se pacis ergò suppressum fuisse: & huic libro suos non deesse patronos, quod suo tempore manifestum fiet. tantum, scilicet, abest, vt suo calculo librum illum condemnet. Duo hic obseruanda sunt: non propter impietatem materiæ, sed pacis ergò suppressum librum illum. deinde verò, suo tempore rei veritatem emerfuram. Nos hîc cum illo Deum Opt. Max. precamur, vt omnia huius hominis inuenta tandem orbi patefacere dignetur ad gloriam sui nominis, & ad amouendum Christianæ Ecclesiæ scandalum & periculum, quod hîc homo hæretici lolij semine inuexit.

Memoriâ igitur tenendum est, tam inualida esse illius, & misera ad quinque accusationis partes responsa, vt in tribus confitentem habeamus reum, & tantum pauperculo hoc excusationum velo se palliantem: in duobus verò ambigua admodum sint illius responsa, nec discipulorum factum, nec execrabilis libri Dominici Lopes impietatem damnantis.

Si è nostris subditis fuisset Vorstius (liceat enim eius argutias & distinctionum & excusationum friuola, quæ in lucem protraximus, hâc testatione concludere) si è nostris fuisset, primam hanc vocem à nobis audiuiisset, *exscrea*; vt latentes & altè præcordijs infixas hæreses propriæ confessionis indicio proderet. Quas si inficiaretur tum primitiue Ecclesiæ aduersus hæreticos exemplum secuti hæc illi verba mandassemus; *abrenuncio & toto corde detestor, anathema maranatha sit super has & tales hæreses.* non autem illud, *pacis causâ librum illum suppressum curauit*: aut istud, *magno cum iudicio & delectu hi libri legendi sunt.* displicebat S. Hieronymo, quisquis non indignè ferret tangi se hæreses suspicionem.

Cæterum vt huic disceptationi finem aliquando ponamus; Christianos omnes rogatos volumus, præsertim Illustrissimos Prouinciarum Dominos, quorum maximè hoc negotium interest; vt apud se genus hominum, quorum calumnijs traducimur, & in hâc causâ consilium nostrum diffamatur expendant primum: deinde verò, quid nobis ex hac aduocatione aut lucri sperari posset, aut etiam honoris si res humano more æstimanda esset.

Calumniatores, quorum hic inuidiâ premimur in triplici sunt differentiâ. Primi sunt, qui iisdem aut similibus cum Vorstio infecti hæresibus consimilem cum illo causam fouent. Secundi sunt Romanæ superstitionis propugnatores, qui in hâc prophetandi libertate, rerumque humanarum & diuinarum confusione, velut in aquâ turbidâ ius piscandi sibi arrogat; quod nimirum eorum religio tolerabilior inter

nos foret quam Vorfiana. Tertiij ij sunt, qui nostram cum Illustrissimis Ordinibus amicitiam propter rationes quasdam politicas dissuam vellent.

Ad nostra commoda quod attinet vitæ nostræ anteaactæ ratio satis testatur nos nostris contentos, quæ diuina largita est benignitas nunquam malâ ambitione de inuadendis alienis consilium cepisse. quæ animi moderatio è duobus scriptis nostris non obscure colligi potest. Nam in Basilico Doro, vbi de bello sermonem instituimus, negamus armis prius inuadenda esse aliena, quàm omne iuris remedium deploratum sit. In Præfatione autem nostrâ monitoriâ, detectâ Romani Pontificis in omnes Christianos Principes tyrannide, profiteamur tandem non eò hæc à nobis dici, quòd illius ditiones bello censeamus petendas; sed tantum, vt singuli priuilegia & iura sua sibi vindicent & conseruent intacta. Sic vitæ nostra stilo responder, & facta cum dictis conspirant; vt, si ab vllâ, certè ab hac calumniâ liberrimi simus. Et quanto minùs illud cuiquam fiet credibile nos aduersus illustrissimos Ordines; quibuscum fædus inde vsque ab incunte ætate sanctissimè coluimus, quorùmque salute tuendâ subditorum nostrorum sanguinem tam copiosè profudimus; nunc misellâ hac Vorfianæ hæreseôs occasione arreptâ aliquid moliri, aut (quod longè est detestabilius) Dei gloriam & religionem nostris machinationibus & clandestinis consilijs obtendere.

Constat iam, quibus de causis nostrâ aduocatione negotium hoc dignati sumus. illi viderint, quorum interest, qualem foueant alumnus; hominem peregrinum, in Socinianâ hæresi eductum atque edoctum; ab Ecclesijs Germanicis non semel hæreseôs accusatum; tot infamium librorum authorem: qui in Apologiæ ad Ordines ipsos præfatione illam prophetandi libertatem tam studiosè asserit, eandemque in Modestæ illius Responsionis præmio bis terue inculcat, peltiferam certè libertatem aut licentiam potius, quæ ad omnia schismata & dissidia & factiones fenestram aperiat. qui discipulos habeat partim hæreseôs conuictos, partim præceptoris sui accusatores. &, vti aliud nihil esset, certè miseris illis, quibus in vltimis libris se tuetur, effugijs satis conuincitur vel improbam suscepisse causam; quo nomine grauiùs meretur plecti, quàm cathedræ iacturâ: vel bonam causam pessimè defendisse, quo nomine in Academiâ tam celebri cathedræ honore indignus censendus est. Nouit Deus nihil esse, cur iste homo nobis priuatim displiceat: Alienigena est, & à nostris finibus valde remotus: Germanus est, cum quâ gente semper nobis amicitia fuit, & cum Principibus eius omnibus aut cognatio aut fædus; eandem nobiscum religionem præ se fert, & contra Bellarminum scripsit; nec nostri vel verbo vel scripto (quantum nouimus) sine honoris & obseruantia

uantiaæ præfatione vnquam meminit. Testamur Deum, nihil illi dam-  
nosius à nobis optari, quàm vt in regiam illam Catholicæ & Ortho-  
doxæ fidei viam reuertatur.

Sic conscientiaæ nostræ officio defuncti, quod superest negotij, id  
totum Illustrissimorum Dominorum iudicio permittimus. tantum e-  
nim abest, vt illis formulam aliquam præscriptum eamus; vt contra,  
re ipsâ bene confectâ, æquissimo animo laturo simus, si nullam no-  
stræ intercessionis in actis aut archiuis faciant mentionem. Viam illi,  
quam volent, insistant. Modò Christus prædicetur, suâ cum Deo  
vtantur consuetudine. Testis est ille supremæ dei arbiter nihil nobis  
hic quæri, nec laudem nec gloriam, sed vni Deo: quem animitus  
precamur, vt Dominorum oculos aperiat, mentes illuminet, consilia  
dirigat, & præter cætera zelum accendat, affectus sanctificet,  
corumque in hoc negotio conatus sic prosperet, vt exitus  
cedat in ipsius gloriam, fidelium solatium, religionis  
decus, hæreseon exitium vel certè exilium, deni-  
que fæderatarum prouinciarum concor-  
diæ perpetuum stabilimentum.

( \* \* )

---

---

RESPON-

---

---







RESPONSIO  
AD EPISTOLAM  
ILLVSTRISSIMI CARD.  
PERRONII,  
A B  
ISAACO CASAVBONO,  
SERE<sup>mo</sup>. REGE DICTANTE,  
SCRIPTA:

*Illustrissime & Reuerendissime Domine,*



Ideor mihi vsu rerum atque experientia magistra didicisse, nullum esse tantum malum, ex quo, aut cuius saltem occasione, bonum aliquod nasci non possit: atque vt dici solet, mel generare fel, sic non absurdè aliquis dicat, è felle mero merum mel interdum existere. Ne aliunde argumenta petam; fel purum putum erat, idque virulentissimum, perditissimi nebulonis scelestissimus liber, qui pri-

imum materiam mihi præbuit ad illustrem tuam dignitatem Serenissimi Regis iussu scribendi. Tuæ vero binæ literæ, quas ad me postea ex occasione illa dedisti, singulari comitate, humanitate, atque prudentia conditæ, niueum candorem auctoris præ se ferentes, quoduis melle dulciores mihi fuerunt. Quare neque ego Regi optimo & sapientissimo tuas ostendere, ac legendas exhibere sum veritus. & Maiestas ipsius, quum non omnia in illis (neque enim fieri aliter poterat) probaret; vtramque tamen epistolam tuam non grauare neque illubenter legit. Gratum ipsi vehementer fuit, vnum saltem aliquem vestrarum partium

tium Theologum sibi innotuisse, virum primarium, summæ dignationis, summæ eruditionis, qui ad hodiernarum controuersiarum tractationem placidum & mansuetum ingenium posset adferre: Nam quo spiritu plerique hodie agantur qui eius argumenti libros edunt, vel illi tot numero scriptores abundè probârunt, qui Apologiam Serenissimi Regis hæctenus oppugnârunt. Omnes enim, si vnum aut alterum excipias, mendacijs, maledictis & conuitijs miseras chartas implerunt. Præcipuè vero illa verba posterioris tuarum Regem sincero pietatis zelo flagrantem dilectarunt, quibus spem facere videbaris, amicam hanc de rebus ad religionem spectantibus communicationem, fructu non carituram. Quod vt mirandum in modum Regi placitum est, quemuis laborem hac mercede parato subire, quamlibet ærumnam perpeti: ita deficiente hac spe, cur aut eius Maiestas, aut tua dignitas sibi negotium facessant, iusta causa nulla fuerit. Spero equidem, si in hanc curam seriò tua præstantia incubuerit, effecturum te, cum auxilio Dei Opt. Max. qua auctoritate es inter tuos, & ingenij atque doctrinæ fama apud omnes, vt non pœnitenda aliqua vtilitas ad Ecclesiam Iesu Christi ex hac mutua scriptione perueniat. De Serenissimo verò maioris Britannix Rege. in cuius aula annum iam integrum & eo amplius egi, ausim tibi spondere, & omni asseueratione confirmare, ita animatum illum esse, ita rationes totius vitæ esse illi comparatas, vt studio pietatis nihil ipsi esse antiquius facile omnes intelligant. Non priuata negotia, non publicæ regni curæ ita solent Maiestatem ipsius afficere, vt immensum quoddam desiderium res religionis omni ope atque opera promouendi, & quæ maximè cogitatio Regem tantum decet, ingens cupiditas concordix inter dissidentia Ecclesiæ membra, omni recta atque honesta ratione procurandæ. Atque hanc Christiano Principi conuenientissimam sollicitudinem Rex pijsimus non finibus imperij sui, quamuis amplissimi, circumscribit: sed memor Defensorem fidei audire se, etiam vltra orbis sui limites, non animi curiositate, verum zeli vehementia, putat sibi hæctenus esse extendendam, vt & regionum aliarum Ecclesijs sua prudentia & Maiestatis auctoritate, si occasio detur, commodet: sibi que religionis Christianæ conseruationem præcipuæ esse curæ Deo & hominibus in dies reddat testatius. Nuper adeo & illo ipso tempore, quo tuæ literæ posteriores sunt ipsi à me ostensæ, huiusce animi sui <sup>quodvis</sup> grande documentum Maiestas ipsius dedit; quod bonis pijsque hic omnibus meritissimè & probatum & laudatum, ne tibi quidem, Illustrissime Cardinalis, cognitu futurum est, vti spero, iniucundum. Nam quum certio rem per literas Regem fecisset Illustrissimus reuerendissimusque Præsul, Dominus Archiepiscopus Cantuariensis, peruenisse ad manus suas, allatum nescio vnde e Germania, aut Belgio librum, quo doctrina contineretur de natura Dei,

Dei, noua, peruersa, & cum antiqua fide Ecclesiæ Catholicæ in nonnullis pugnans; rogassetque eius Maiestatem, vt ad reprimendum malum recens exortum, veri Defensoris fidei zelum exerens, apud Magistratus dirionis illius, vbi auctor libri degebat, intercederet; peteretque ab illis, ne doctrinam adeo <sup>disseminat</sup> in Ecclesias, & scholas suas paterentur introduci, neue hæc profana nouitas eius inuentori maneret impunita: Rex literas illas descendenti sibi è rheda post longam ventionem redditas, & librum simul notis obelisque vigilantissimi Antistitis confossum, vt semel accepit, negotium sine mora sibi cognoscendum duxit. Ac licet corpus ipsi è labore & inedia langueret; quod coeperat tamen agere vno tenore & calore perfecit: neque ab astantibus Proceribus exorari potuit, vt rationem sui vllam prius haberet, quàm re tota diu multùmque considerata cum reuerendissimo Episcopo Lichfeldensi aliisque è clero, & penitus perspecta, quod suarum erat partium, & pietas iubebat, accuratè præstitisset. Liber damnatus est, exemplaria iussa comburi, cum in vrbe metropoli, tum in vtraque Academia (quod & postea factum:) literæ grauissimæ, ipso Rege dictante, ad Regium Legatum eo loci comemorantem, scriptæ, ac statim missæ, iudicij quod de noua doctrina Rex & Ecclesia Anglicana fecissent testes: simul addita mandata de appellandis ea super re Magistratibus. Viderint illi, ad quos eius mali tollendi cura propriè pertinet, quam Deo immortalis rationem suæ cessationis sint reddituri; si, quod fieri posse non existimamus, neque sponte sua, neque post exemplum tam insigne, veritatis patrocinium, quanto par est studio & ardore susceperint. Rex Iacobus, ad primum rei nuntium sic est commotus, vt nefas ingens se admissurum crederet, si necessitati corporis aliquid prius indulgeret, quàm pietatis hoc officio plane esset perfunctus. Non dubito, Illustrissime Cardinalis, quin factum istud sis ipse probaturus impensè & prædicaturus. Ego non vt Regem apud te nunc laudarem, quod erat gestum narraui; verùm vt scires quàm sit priscae fidei tenax, & dogmatum veræ Catholicæ acris atque animosus defensor is, quem vestrorum Catholicorum plerique censeri aut dici Catholicum non ferunt; multi ne Christianum quidem. Regi primò vita inutilis de appellationibus contentio, dummodo rem teneas; quod facere se, & optat Maiestas ipsius, & in Dei misericordia plane confidit. quoniam tamen vulgo homines priuationem eiusmodi appellationum, rei ipsius priuationem esse & carentiam interpretantur: non solet Rex neque consultum putat, iniuriam dissimulare. De appellatione Christiani nulla ei tecum lis, nulla controuersia: neutra enim epistola tua hunc ei titulum negauit competere. de Catholici titulo quæstio iam est. Priore enim tuarum postquam ea qua excellis dicendi facultate significasses, in magnæ Britanniae Rege maximi te Principis ide-



am agnoscere numeris omnibus absolutam; ad extremum illam exceptionem adiecisti, si ad ceteras animi dotes, Catholici nominis gloria accederet: & quum Regis iussu esset responsum, non posse ei titulum illum denegari, qui tria Ecclesiæ Catholicæ symbola, Concilia quatuor Oecumenica prima agnosceret: quique omnia crederet, per quatuor primorum seculorum seriem credita, tanquam ad salutem necessaria: parum tibi hac responsione satisfactum esse, posterioribus tuis accurate & subtiliter scriptis ostendisti. Hæc literas à Ser. Rege raptim, aut velut in transcurso lectas fuisse, nolim existimes: nam & totas legit, & momenta rationum mira animi æquitate & placiditate expendit. Quod autem ne post lectam quidem responsionem tuam, à priore sententia discedit, neque propterea minus Catholicum se esse gratia Dei fretus confidit: voluit eius Maiestas, ita statuendi quas rationes haberat, tibi non esse incognitum. Accipe igitur Cardinalis Illustrissime, ad posteriorem epistolam tuam breue responsum: quod ex ore ipso Ser. Regis exceptum, scripto complecti, & ad te mittere sum iussus. Non petam nunc à te, ut ad hæc legenda eam adhibeas æquitatem, quam Rex ad tua cognoscenda: mihi enim satis nota est tua eximia prudentia, & omni laude dignissima moderatio.

Vniuersa posterioris epistolæ disputatio duabus constat partibus. Priore, quinque obseruationes in medium afferuntur, quæ thesim istam; *Catholici appellatio nemini denegari potest, qui tria symbola admittat, Apostolorum, Nicenum, Athanasianum; qui item quatuor Oecumenica Concilia prima, Nicenum, Constantinopolitanum, Ephesinum, & Chalcedonense; postremo qui omnia credat, primis quatuor seculis existimata ad salutem creditu necessaria*; illustrent & quomodo accipi debeant, ostendunt. Hæc thesis in responsione Regia locum propositionis maioris obtinebat. Altera pars aduersus hypothefin siue assumptionem quatuor affert *cardou.*

## I. OBSERVATIO.

**N**omen Catholici non simpliciter fidem denotat, sed etiam communionem cum Ecclesia Catholica. Idcirco veteres noluerunt Catholicos appellari eos, qui à communione Ecclesiæ recessissent, licet fidem retinerent. Vnam enim esse Ecclesiam Catholicam, extra quam fidem & sacramenta habere aliquis potest; salutem non potest. In eam sententiam afferuntur multa è B. Augustino.

## RESPONSIO REGIS.

**C**redere Ecclesiam Catholicam, & credere communionem Sanctorum, ut res diuersæ in Symbolo Apostolorum distinctè ponuntur. Ac videtur prius illud eo potissimum fine insertum, ut discrimen statueretur inter Iudaicam Synagogam, & Christianam Ecclesiam;

clesiam; quæ non vt illa, populi vnus finibus erat circumscribenda: sed longè latèque per omnes mundi regiones spargenda. Quare satis manifesta ratio non est, cur huius obseruationis initio dicatur Catholici appellatio communionem denotare. Sunt quidem duo ista coniunctissima, diuersa tamen, sicut ostendimus. Credit verò Rex simpliciter, sine fucò & fallacijs, vnicam esse Ecclesiam Dei & re & nomine Catholicam, siue vniuersalem, toto diffusam mundo; extra quam ipse quoque nullam salutem debere sperari affirmat. damnat & detestatur eos, qui vel iam olim, vel postea, aut à fide recesserunt Ecclesiæ Catholicæ, & facti sunt hæretici, vt Manichæi; aut à communione, & facti sunt Schismatici, vt Donatistæ: aduersus quæ duo præcipuè hominum genera, omnia illa sunt à S. Augustino scripta, quæ in hac obseruatione afferuntur. Laudat etiam Rex piorum Episcoporum prudentiam, qui in I V. Concilio Carthaginensi, vt hic verè obseruatur, formulæ examinis Episcoporum interrogationem super hac re adiecerunt. neque ignorat Rex multa sæpe veteris Ecclesiæ Patres fecisse, pro bono pacis, vt loquebantur, id est, studio conseruandæ unitatis; ac mutue communionis abrumpendæ metu. Quorum exemplum se quoque paratum esse profitetur emulari, & sectantium pacem vestigia persequi ad aras vsque; hoc est quantum in hodierno statu Ecclesiæ per conscientie integritatem licet. nemini enim se mortalium cedere, aut in dolore quem capit grauissimum è membrorum Ecclesiæ distractione, quam pij Patres tantopere sunt abominati: aut in cupiditate qua tenetur, communicationem habendi cum omnibus, si posset fieri, qui membra sunt mystici corporis Domini nostri Iesu Christi. Hæc quum ita sint, existimat nihilo tamen secius Rex, iustissimam habere se causam, cur ab ijs dissentiat, qui simpliciter sine vlla penitus distinctione, aut exceptione, hanc communionem sine fine vrgent. Inter proprias Ecclesiæ notas hanc fatetur esse cum primis necessariam: non esse tamen autumat veram ipsam Ecclesiæ formam & quod Philosophus appellat *τὸ τί ἦν*. Didicit Rex electione Sacræ Scripturæ (neque aliter Patres olim sentiebant ad vnum omnes) veram & *ἐκείνην* Ecclesiæ formam esse, vt audiant oues Christi vocem sui Pastoris, & vt Sacramenta administrentur rite & legitime, quomodo videlicet Apostoli præiuerunt, & qui illos proximè sunt secuti. Quæ hac ratione sunt institutæ Ecclesiæ, necesse est ipsas multiplici communione inter se esse deuinctas. vniuntur in Capite suo Christo, qui est fons vitæ, in quo viuunt omnes quos Pater elegit pretioso sanguine ipsius redimendos, & vitæ æterna gratis donandos. Vniuntur unitate fidei & doctrinæ, in ijs vtique capitibus, quæ sunt ad salutem necessaria: vnica enim salutaris doctrina, vnica in cælos via. Vniuntur coniunctione animorum & vera charitate, charitatisque officijs, maxime autem precum

mutua-

mutuarum. Vniuntur denique spei eiusdem communione, & promissæ hereditatis expectatione: gnari se ante iacta mundi fundamenta prædestinatos esse, (de electis loquor,) vt sint <sup>συγκαταριθμοὶ καὶ σύνθετοι καὶ</sup> Ephes. 3, 6. <sup>συμμετέχοντες τῷ Θεοῦ ἐν τῇ Χρείᾳ, διὰ τῆς ἀποδείξεως</sup> quod diuinus ait Apostolus. Sed addit Rex, eandem tamen Ecclesiam, si aliquod eius membrum discedat à regula fidei, pluris facturam amorem veritatis, quàm amorem vnitatis. Scit supremam legem esse in domo Dei, doctrinæ cælestis sinceritatem; quam si quis relinquat, Christum relinquit, qui est <sup>ἀποδόμιμα</sup> Ecclesiam relinquit, <sup>ἐν ᾧ καὶ ἡ πόλις καὶ ἡ οἰκία</sup> atque eo ipso ad corpus <sup>ἡ πόλις καὶ ἡ οἰκία</sup> i: Tm. 3, 15. Christi desinit pertinere. Cum huiusmodi desertoribus nec vult, nec potest verè Catholicus communicare. <sup>τίς γὰρ συμμέσθῃ Χρείᾳ ὁ βαλὺς</sup> Fugiet <sup>2. Cor. 6, 15.</sup> igitur horum communionem Ecclesia, & dicet cum Gregorio Nazianzeno, <sup>προείπων ὁ πνευματικὸς ἐκγόνητος ἡμεῖς δὲ τῆς ἀποδείξεως διόσταται</sup> nec dubitabit cum eodem beato Patre, si opus fuerit, pronuntiare, esse quendam <sup>ἰερὴν πόλιν</sup> Quod autem in Ecclesia futura esset aliquando necessaria huiusmodi separatio, cum alijs sacrae paginæ locis clare docemur; tum illa apertè declarat Spiritus sancti admonitio, non temerè profectò Ecclesiæ facta: <sup>ἔξωθεν</sup> inquit <sup>ἐν Βαβυλῶνι ὁ λαὸς μου, ἵνα μὴ συνκαταμίσηται ἡ ἀμαρτία αὐτῆς</sup> Quænam <sup>Apoc. 18, 4.</sup> sit illa Babylon, vnde exire populus Dei iubetur, non quærit hoc loco Rex, neque super eo quicquam pronuntiat. hoc quidem res ipsa manifestissimè ostendit, siue priuata quædam Ecclesia eo loci intelligitur appellatione Babylonis; siue vniuersæ pars maior: eam prius fuisse legitimam Ecclesiam, cum qua pij piè communicarent: postea verò quàm longiùs processit eius deprauatio, iubentur pij exire, & communionem abrumpere. Vt facile sit ex his intelligere, non omnem communionem cum ijs qui de nomine Christi appellantur, fidelibus esse expetendam: sed illam demum, quæ sit salua doctrinæ cælestis reuelatæ integritate. Iam vt ad propositum accedatur propiùs, negat Rex accuratam illam locorum B. Augustini collectionem ad se quicquam pertinere. Omnia enim illa testimonia hoc solum euincere: Nullam spem salutis superesse ijs, qui à fide Ecclesiæ Catholicæ, aut ab eiusdem communione discesserint. quod quidem & Rex, vt antè diximus, vtrò concedit. Hic verò Maiestas ipsius petit à te, Illustrissime Cardinalis, vt reuocare in mentem velis, atque apud te perpendere, quantum sit discrimen inter B. Augustini tempora & hæc nostra: quàm diuerso sensu Ecclesia Catholica hodie nominetur, atque illis temporibus: quàm sit mutata Ecclesiæ facies & tota exterior forma, vt de interiore iam nihil dicamus. Nam olim quidem Ecclesia Catholica, ciuitati similis supra montem constitutæ, quæ, vt ait Christus, <sup>Matt. 5, 14.</sup> non potest abscondi, nullo pacto dubia erat, sed nota omnibus, perspicua, certa, vt de ea ambigere nemo sanæ mentis posset. erat enim, non vt stulti Donatistæ dictitabant, nescio vbi in meridie cubans, co-



acta in aliquem mundi angulum : sed longè latèque per Orbem terrarum diffusa, sub Imperatoribus florens, quorum dominatio ab Ortu ad Occasum, à Septentrione ad Meridiem porrigebatur. Erat videre Episcopos Orientis & Occidentis quotidie per epistolas & proprios nuntios communicantes, & cùm res postulabat sibi inuicem suppeticas ferentes. Quod enim scribitur in Constitutionibus Clementis, omnes Episcopos <sup>τὴν καθολικὴν ἐκκλησίαν ἀναγκάζει</sup>, atque ita esse quodammodo œcumenicos; nunc attoniti legimus, nec credimus : tum autem quotidiana praxis esse verissimum ostendebat : potestque hoc exemplis ex historia sexcentis facillè demonstrari. Erant tum etiam in frequenti usu literæ formata, quarum commercio & confederatione mirificè inter omnia Ecclesiæ membra, quantumvis spatio locorum remota, communio exercebatur. Accedebant quoties erat opus, Concilia verè Oecumenica, non ut postea factum aliquando videmus, nomine Oecumenica, reuera ex aliquot Europæ prouincijs coacta. Et erat hoc temporibus priscis vinculum firmissimum, quo Ecclesiæ Catholice membra omnia in vnus corporis compagem deuinciebantur. Quod quidem corpus admodum propterea eminebat, in conspectu & certa notitia omnium sic positum, ut ignorari ne à volentibus quidem posset. vna fides, vna <sup>πᾶντα</sup> <sup>ἐκκλησία</sup>, vnum Catholice corpus, partium frequens inter se visitatio, mirus omnium membrorum consensus, mira <sup>ἐνότης</sup>. Exciderat aliquis aut propter hæresin, aut propter schisma à communione Ecclesiæ vnus : non dico vnus ē primarijs, quæ sedes erant quatuor Patriarcharum : sed cuiusvis ē longe minoribus ? is statim ut hoc innotuerat, à communione totius Ecclesiæ Catholice censebatur exclusus. Nam quod exempla contrariæ obseruationis occurrunt nonnulla, id vero ius commune non erat, sed vsurpatio. Ausus erat aliquis, fidem toto Orbe approbatam quamuis leuiter incrustare ? facile erat vel puero <sup>ἀνεγκύβητος</sup> in sua nouitate deprehendere. fure autem veritatis deprehenso, omnes pastores totius Orbis, si erat opus, commouebantur : nec semel commoti prius quiescebant, quam de medio malum sustulissent, & securitati ouium Christi consulissent. Hæc erat quondam Ecclesiæ Catholice designatio & felicitas : sed quæ multa secula non durauit. Postea enim Imperio euerso, mutataque Reip. forma, nouæ dominationes sunt exortæ, multæ, varix, moribus, linguis, legibus atque institutis inuicem distinctæ. Distractionem Imperij distractio Ecclesiæ Catholice est secuta : & illa omnia paulatim cessarunt, quæ modò dicebamus conseruandæ vnioni, & communioni exteriori corporis Catholici apprime seruijsse. Ex illo tempore Ecclesia Catholica, non desijt illa quidem esse : erit enim semper, neque portæ inferorum præualituræ vnquam sunt aduersus ipsam : in Christo vera petra, & fide Petri cæterorumque Apostolorum fundatam

sed

sed minus illustris esse cœpit; utpote in plures diuisa, inter se, quod ad communionem externam attinet, penitus separatas. Tum autem, quod præcipue dolendum, hac dissipatione effectum, ut partibus minus esset virium, quàm fuerat toti corpori compacto ad resistendum Inimico hominis, quem Christus docet, ad omnes occasiones esse intentum, ut bonam sementem lolio & zizanijs conspergat. Atque hoc euenisse quum hodie videamus oculis nostris, atque adeo manibus ipsis palando deprehendamus: ridiculum & longe absurdissimum, disputare an fieri olim potuerit aut iam possit. Romana igitur Ecclesia, Græca, Antiochena, Ægyptia, Abyssina, Moschouitica, & plures aliæ, membra sunt, doctrina quidem & fidei sinceritate multum præstantia alia alijs, sed tamen membra Ecclesiæ Catholicæ: cuius compages quod ad formam exteriorem, dudum est soluta. Quamobrem demiratur Ser. Rex etiam atque etiam vehementer, cum videt Ecclesias, quæ fuere quondam integri corporis membra, ius omne vniuersitatis ad se iam trahere, appellationem Catholicæ sibi propriam facere, & reliquas omnes, quæ in vlla re à se dissentiant, aut iugum seruitutis detrectent, excludere communionem suam, ac statim illas ad Catholicam nihil pertinere, audacter pronuntiare. Neque verò soli vos estis, qui hoc ius vobis vindicatis: faciunt hoc ipsum & alij. Nam quod gemens Rex dicit, multæ hodie priuatæ Ecclesiæ sunt, quæ solas se credant esse illum populum *πρωτόν* quem appellant Ecclesiam. Dares his vires quantas Romana habet; facerent quod illa iam facit, nec de cæteris clementius pronuntiarent. Quid quod multæ hodie celebrantur sectæ, quarum sectatoribus persuasissimum est, solos se aliquid in literis sacris videre, atque ut poëta ait, *ὅς τις πικρῶς τοῦ ἵσους ἀγασσῇ;* Verum quidem est, nullo vnquam seculo defuisse conuenticula sectariorum & *παρεκκλήσεις*, quæ de nomine Ecclesiæ Catholicæ se iactarent, & imperitos hoc illicio ad se attraherent: sed postremorum, ad quæ peruenimus, temporum, peculiaris hæc est calamitas insignita, quod Catholica Ecclesia, cui necessario, vel re ipsa & actu, vel voluntate saltem & voto est adhærendum, minus est hodie, quàm erat olim, illustris, minus exposita oculis hominum, magisque *ἀποσιωπητικῶς*. Quo studiosius faciendum sibi Ser. Rex putat, ut in tanto variarum opinionum diluuiio, ad montes sacrae Scripturae se recipiat, & quod olim beatus Augustinus Donatistis consilium dabat, in verbis Christi Ecclesiam Christi quærat. Sic & B. Chrysostomus, cum alibi, tum ex professo in homilia in Acta xxxiii. tractans illam quæstionem, *Quo pacto vera Ecclesia inter plures Societates quæ hoc sibi nomen vindicant, possit discerni*: duo docet esse instrumenta iudicandi, & quæstionis huius decidendæ: primo quidem VERBUM DEI, tum autem antiquitatem doctrinæ, non ab aliquo recentiore excogitatæ: sed ab ipso

Ecclesiæ nascentis principio semper cognita. Hæc duo <sup>namque</sup> Rex cum Ecclesia Anglicana, tota voluntate amplectens, pronuntiat : eam demum se doctrinam pro vera simul & necessaria ad salutem agnosce-  
re, quæ è fonte Scripturæ sacræ manans, per consensum Ecclesiæ ve-  
teris, ceu per canalem ad hæc tempora fuerit deriuata. Vt igitur huic  
sermoni finis imponatur, ad primam obseruationem respondet Rex :  
non posse eam sine vitio multiplici ad propositam hypothesin aptari.  
Ecclesiam enim Anglicanam adeo non desciuisse à fide veteris Ecclesiæ  
Catholicæ, quam veneratur & suspicit ; vt ne à fide quidem Romanæ  
Ecclesiæ desciuerit, quatenus illa cum vetere Catholica consentit. Si  
quæritur successio personarum : in promptu sunt nomina Episcopo-  
rum, & series à primo nusquam interrupta. Si successio doctrinæ :  
agite, periculum facite : Concilium liberum date, quodque ab vnius  
voluntate non pendeat. parata est Ecclesia Anglicana fidei suæ redde-  
re rationem, & rebus ipsis euincere, auctoribus reformationis hic in-  
stituta, non fuisse propositum, nouam aliquam Ecclesiam condere, vt  
imperiti & maleuoli calumniantur : sed quæ erant collapsa ad formam  
reuocare quàm fieri posset optimam : optimam autem iudicarunt, na-  
scenti Ecclesiæ ab Apostolis traditam, & proximis seculis vsurpatam.  
Fatetur Rex, Ecclesiam suam à capitibus non paucis eius fidei & dis-  
ciplinæ, quam hodie Romanus Pontifex probat, & omnibus tuetur vi-  
ribus, discessionem fecisse ; verum eam Rex & Ecclesia Anglicana non  
defectionem à fide veteris Catholicæ interpretantur. sed potius ad  
fidem Catholicam pristinam, quæ in Romana nouis inuentis fuerat  
multipliciter mirè deformata, reuersionem, & ad Christum, vnicum  
Ecclesiæ suæ magistrum, conuersionem. Quare, si quis doctrina hu-  
ius obseruationis fretus, inferre ex illa velit, Anglicanam Ecclesiam,  
quia Romanæ placita nonnulla reijcit, à veteri Catholica discessisse ;  
non hoc illi prius Rex largietur, quàm solidis rationibus probauerit,  
omnia quæ à Romanis docentur, ( illa præcipuè quæ volunt ipsi vt ne-  
cessaria ad salutem credi ab omnibus, ) antiquæ Catholicæ à principio  
probata fuisse & sancita. hoc verò neminem posse facere, aut vnquam  
facturum ; neminem certè hætenus fecisse, tam liquidò Regi constat  
& Ecclesiæ Anglicanæ Antistitibus, quàm Solem meridie lucere. Po-  
stremò addit Rex, magnum se quidem crimen iudicare, defectionem  
ab Ecclesia : sed huic crimini affinem se esse, aut Ecclesiam suam, pe-  
nitus pernegat : *Non enim fugimus*, aiebat eius Maiestas, *sed fugamur*.  
Scit verò tua illustis dignitas, vt qui optime, quàm multi, quàm præ-  
stantes pietate & doctrina viri, ab annis minimum quingentis, refo-  
rmationem Ecclesiæ in capite & membris optarint : quàm graues bo-  
norum Regum ac Principum querelæ sint sæpe audita, statum Ec-  
clesiæ suis temporibus lamentantium ? Quid profuit ? nihil enim  
quicquam



quicquam eorum ad hanc diem videmus esse emendatum, quæ correctionis egere cum primis censebantur. Quare non veretur Ecclesia Anglicana, ne candidis æstimatoribus, in hac separatione, Donatistis simile quid fecisse videatur. Illi gratis & sine vlla causa Ecclesiam Catholicam, gentium cunctarum assensu comprobata, cuius neque fidem neque disciplinam culpæ poterant, deseruerunt: Angli ab ea Ecclesia, necessitate dira cogente, secessionem fecerunt, quam innumeri populi Christiani, veram Catholicam & vniuersalem esse non concedunt, vt modestissimè dicam: quàmque in dogmatis fidei, & disciplinæ forma multum variasse ab antiqua, multa assuisse noua vetustis, mala bonis, etiam è vestris scriptores quàm plurimi ingenue dudum sunt confessi: & verò notius iam est vniuerso mundo, quàm vt possit quisquam vel negare, vel etiam ignorare. Adde quod iugum Romanæ seruitutis ita durum per aliquot retro secula erat experta Ecclesia Anglicana, nouis subinde vexationibus, & inauditis angarijs atque exactionibus supra hominum fidem cruciata; vt vel illa sola causa apud iudices non iniquos, à schismatis suspicione, & vt loquitur Augustinus de Donatistis, *inique discissionis*, posse videatur ipsam liberare. Non enim profectò Angli à charitate fraterna animi causa diffilierunt, vt Donatistæ: neque vt decem tribus populi Iudaici, metu impendentis mali, quod nondum premebat: sed post plurimum seculorum patientiam, post exantlatas inenarrabiles ærumnas: onus intolerabile, cui ferendo pares amplius non erant, neque permittebat conscientia, subductis ceruicibus tandem excusserunt. Et verus quidem Ecclesia, vt refractarios Donatistas ad suam communionem reuocaret, etiam commodis temporalibus Episcoporum resipiscientium, & aliorum quoque, admirabili charitate prospicere solita: Romana verò Ecclesia, vt gratiam cum Anglicana redintegraret, fulmina primò bullarum, deinde vim, modò apertam, modò occultam adhibuit: proditores nefarios suscepti hic parricidij manifestos, gremio suo excepit, & nunc cum maxime fouet: sententiam ex eadem causa passos Martyribus adscribit, & eorum innocentiam contra diuina omnia humanaque iura quotidie propugnat. Ipse Cardinalis Bellarminus (dico *iudicem suum*; sed dico quod res est: ) inter parricidarum patronos princeps familiam ducit. qui etiam nuper, vt Regem Serenissimum alliceret, istud miræ efficacæ ad persuadendum argumentum adhibuit: Angliæ regnum ad Papam pertinere: & Regem Angliæ Romani Pontificis etiam in temporalibus esse subditum, atque feudatarium. Omitto alias & Regis & Ecclesiæ Anglicanæ quæ veteres quæ nouas querelas, minime hoc loco commemorandas.

## II. OBSERVATIO.

**P**raeter absolute necessaria ad salutem, duo sunt genera rerum, quas *vetus Ecclesia* credidit. harum altera vtilis ad salutem, altera licita & non repugnantes saluti. Si quis igitur, fidem antiquorum velit amplecti, etiam istas res ipsum oportet amplecti, & eo loco habere quo habuit vetus Ecclesia.

## RESPONSIO REGIS.

**Q**uæ non sunt existimata à pijs Patribus, absolute ad salutem necessaria, sed tantum vtilia aut licita, parum abest, quin censeretur <sup>ad istaque</sup> debeant. erat enim initio libera eorum usurpatio, utpote non simpliciter necessariorum. In eiusmodi rebus necessitatem aliquam hodie comminisci aliquanto durius videtur. Statim enim sequetur necessitas usurpandi: sicut videmus vsuuenisse in Ecclesia Romana: quæ multa hodie obseruat ceu <sup>amici</sup> ad fidei integritatem necessaria; quæ vetus Ecclesia vix norat, certe non ita vsupabat, tanquam plane essent necessaria. pauca è multis exempla afferemus. Constat in primitiua Ecclesia usurpatam fuisse peccatorum confessionem; sed longe aliter quam fit hodie. nam auricularem confessionem uti apud vos exercetur, primis seculis fuisse in vsu, nemo, opinor, dixerit. Fatetur Rex, primos è Patribus, qui illam instituerunt, suas habuisse rationes, cur existimarent confessionem illiusmodi, ad salutem facilius inueniendam, fore non inutilem: rem quidem absolute necessariam non crediderunt, multo minus sacramentum: aut non omnes certe. nam de B. Chrysostomo satis liquet, auricularem confessionem ipsum à suis non exegisse. Nunc ventum è videmus, ut vix aliquid minus huic confessioni tribuatur, quàm pretioso Christi sanguini, quo sumus redempti. adeo præcisè eius absoluta quædam necessitas vrgetur. Vnde paulatim nata illa doctrina in Ecclesia Romana, de arcano confessionis nullam omnino ob causam euulgando. Quia enim credebant ad salutis portum sine hac confessione perueniri non posse, omnia eius impedimenta putarunt tollenda esse necessariò. Tandem igitur è processit hæc doctrina, ut iam Reges occidere, aut finire occidi, ne peccatum quidem esse videatur, præut si quis confessionis sigillum rumperet: quod multi vestrorum Theologorum, imprimis autem interpretes Iuris Canonici libris editis docuerunt. quinetiam hoc ipsum mihi totidem verbis Lutetiæ affirmavit Binetus Iesuita, sicut mox dixisse tibi meminimus. Scimus etiam, neq; fortasse tua illustis dignitas illud ignorat, esse aliū in Gallijs Iesuitā, qui nuper ausus dicere: si Dominus noster Iesus Christus in terris versaretur morti obnoxius, & aliquis sibi in confessione dixisset, velle se illū occidere; prius quàm confessionem reuelaret, passurū se (horresco referens,) ut Christus occideretur. quæ horrenda blasphem-

blasphemia à quo principio sit orta, vides. Sic abstinentiam à vino delicatioribusq; cibis, & stata ieiunia, atq; xerophagias, inter res utiles ad salutem facilius consequendâ vetus Ecclesia posuit; neque Rex negat, si cōmoda adijciatur interpretatio, ex mente ipsius primitivæ Ecclesiæ. sed harū observationem seuerius iam exigere Rex non probat, quàm eorū quæ disertè literis sacris cōtinentur. Sic cælibatus ministrorū Ecclesiæ, olim laudabatur, nunc imperatur, & ceu res penitus necessaria exigitur: de quo mox plura. Sic quū dicat Paulus, se corpus suū *ὡς τὰ κτήνη καὶ ὡς τὰ ἄστρα*, eos qui diuini Apostoli exemplum imitantur, laudat Rex, & beatos pronuntiat: illos vero detestatur, qui cilicia, Laconicas *δουλοκρατίαι* & id genus corporis vexationes, vel vt ipsi appellant, satisfactiones, aut inter causas ponunt salutis, aut tanti certe faciunt, vt illuuiem, pædorem, scabiem, & agmen pediculorum ex ea causa ortum, instar perfectæ sanctimonix habeant. Sed ex omnibus istiusmodi eos potissimum Rex detestatur, qui more Sacerdotum Baal corpus sibi verberibus lacerantes, Deum nobis fingunt humani sanguinis avidè sitientem, qualem Pagani suam Bellonam crediderunt. Illos verò laudat Rex, qui flagellandos suam vicem pretio conducunt: vt meritum poenarum quas alij luerunt, sibi applicetur. Ita fit vt quicquid delirent diuites, plectantur pauperes: nec sequitur nocentem poena, sed miserum & egenum. Rex igitur vt non inuitus dabit, nemini hodie fas esse damnare ea, quæ constiterit primorum seculorum Patres vnanimi consensu probasse, tanquam utilia aut licita: sic adstringi se vlla necessitate absoluta eadem usurpandi non patitur. Existimat enim res esse natura sua contrarias *τὸ ἀντιπερὶ καὶ τὸ ἀντιπρὸς*. Sed de his vberius in sequenti obseruatione.

## III. OBSERVATIO.

**Q**Uum in religionis negotium non vna species necessitatis cadat, videndum est ne vocis ambiguitate fallamur, quoties de rebus loquimur ad salutem necessarijs. Esse enim necessitatem quandam absolutam, quandam sub conditione: aliam medij, aliam præcepti. esse etiam necessitatem credendi, quæ omnes sine exceptione Christianos adstringat, & quæ non omnes generatim. postremò esse necessitatem aliam actionis, aliam approbationis.

## RESPONSIO REGIS.

**O**bservationis huius doctrinam, quæ varias necessitatis species doctè, accuratè, subtiliter & admodum copiosè explicat, adeo non improbat Ser. Rex, vt contra existimet, his distinctionibus sublati multiplicem confusionem in rebus religionis exorituram. Nam quid periculosius fingi potest, quàm si aut absolutè necessaria credantur necessaria sub cōditione, aut cōtra? nec minus utilis, vt in domo Dei omnia rectè atque ordine gerantur, distinctio est, inter alias necessita-



tis species, quæ hic explicatur. Ne in exemplis quidem appositis, quicquam Regi obseruatum, quod admodum improbaretur. Verissime autem scriptum esse in explicatione *qđ dicitur de iurisdictione* Rex arbitratur, rerum absolute necessariarum ad salutem, non magnum esse numerum. Quare existimat eius Maiestas, nullam ad ineundam concordiam breuiorem viam fore, quàm si diligenter separentur necessaria à non necessarijs. & vt de necessarijs conueniat omnis opera infumatur: in non necessarijs, libertati Christianæ locus detur. Simpliciter necessaria Rex appellat, quæ vel expressè verbum Dei præcipit credenda faciendæ: vel ex verbo Dei necessariâ consequentiâ vetus Ecclesia elicit. At quæ ex institutione hominum præter verbum Dei, quamuis pie & prudenter, pro tempore in vsum Ecclesiæ sunt recepta, mutari, molli-ri, antiquari posse existimat; & quod Pius 11. de cælibatu clericorum dicebat, *bono olim iure sancitum, meliore nunc iri antiquatum*, id in genere de plerisque obseruationibus Ecclesiasticis, extra verbum Dei introductis, posse vsurpari Rex credit. Si ad decidendas hodiernas controuersias hæc distinctio adhiberetur: & ius diuinum à positiuo candide separaretur, non videtur de ijs quæ sunt absolute necessaria, inter pios & moderatos viros longâ aut acris contentio futura. nam & pauca illa sunt, vt modò dicebamus; & fere ex æquo omnibus probantur, qui se Christianos dici postulant. Atque istam distinctionem Sereniss. Rex tanti putat esse momenti ad minuendas controuersias, quæ hodie Ecclesiam Dei tantopere exercent; vt omnium pacis studiosorum iudicet officium esse, diligentissime hanc explicare, docere, vrgere. Nunc de exemplis nonnullis, quæ in hac obseruatione proponuntur, quædam dicemus. Inter absolutè necessaria, non quidem simpliciter, verum ex institutione diuina, ponitur baptismus infantum, *quem nos, inquit, ad hanc speciem necessitatis referimus*: deinde subiicitur locus B. Augustini, quo negatur præcisè, posse infantes non baptizatos seruari. Hic primum Rex profitetur, necessitatem baptismi ex institutione diuina non minus aut sibi, aut Ecclesiæ Anglicanæ probari, quàm vobis. Non astringit quidem Ecclesia Anglicana gratiam Dei medijs, quod ne per doctrinam quidem Scholasticorum aliquot è melioribus licet: quia tamen hanc Deus rationem ordinariam ad peccatorum remissionem impetrandam, in Ecclesia sua instituit, & eos qui renati non fuerint ex aqua & Spiritu, intrare posse regnum cælorum Christus ipse negat: sedulo hic prouisum est legibus Ecclesiasticis, vt quouis tempore & loco baptizandi infantes suos parentibus esset facultas. Quod igitur de nascente olim Ecclesia dixit Tertullianus, baptizare Episcopum, presbyterum, diaconum: postremò etiam laicis ius esse, in extremæ videlicet necessitatis casu; hoc ipsum in Ecclesia Anglicana, quod ad Episcopos presbyteros & diaconos hodieque seruatur, sine vlla vel

loci,

loci, vel temporis rigida & penitus inuiolabili obseruatione: laicorum vero baptismum, aut feminarum, vt fieri legibus suis vetat; sic factum ex legitima formula quodammodo non improbat, baptismum esse pronuntians, etsi non legitime administratum. Serenissimus vero Rex, tanti hoc sacramentum facit, vt quosdam in Scotia ministros, quum nescio quas nouæ disciplinæ ordinationes prætexerent, quominus moribundos infantes rogati à parentibus baptizarent, metu supplicij iniecto ad officium compulerit, minatus extrema nisi parent. Itaque verba Augustini, quæ non baptizatos vita æterna priuant præcise, si de via ordinaria intelligantur, quam solam Christus nos docuit; nihil Rex habet, quod illi sententiæ opponat: sin autem negatur simpliciter, posse Deum Opt. Max. *ad apostolicum* seruare, diritatem huius sententiæ & Rex & Ecclesia Anglicana abominantes, Augustinum durum & *desperum* infantum patrem fuisse pronuntiant. Omnino vtrumque extremum pari diligentia Rex fugiendum autumat: ne aut Dei manum abbreviemus, & infinitæ bonitati ipsius iniuriam faciamus, si rigidam hanc sententiam amplectamur; aut baptismum ponentes, cum nonnullis, inter ea quæ adsint vel absint non multum interest, sacramentum à Deo institutum pro re leui ducere videamur. Magnus sane vir fuit Augustinus, pietate & doctrina admirabilis: cuius tamen proprias opiniones, neque Rex pro dogmatis fidei admittit, neque vos admittitis. Nam verbi gratia, S. Eucharistiam infantibus ad salutem esse necessariam, non minus quàm baptismum credidit post Innocentium primum Augustinus, & multis suorum scriptorum locis pronuntiauit. vos non creditis, neque acceptam à vobis doctrinam Ecclesia Anglicana mutauit. Inter illa quæ necessitatem actionis certis personis imponunt, coniugium numeratur, *siquis sobolem tollere voluerit*, inquis. Rursus autem paulo post, vbi exponitur necessitas approbationis, recensetur electio vitæ in virginitate aut cælibatu degendæ. Quæ Rex quum legeret, non reprehendit ille quidem: sed potuisse tamen aliquid ad vtrumque exemplum commode adijci, iudicauit. Nam è priore exemplo videtur sequi, nullam esse aliam matrimonij causam necessariam, præter spem sobolis. atqui expressis verbis docemur à Paulo Apostolo, etià illos teneri nuptias cogitare, quibus non contigerit continentiae donū. *Εἰ οὖν ὁ γυνεὺς ἰστένη, αἰτ, γὰρ ἡ ἀνάγκη αὐτῆς.* Non est exigui momenti hæc adiectio. Remedij enim necessarij & regulæ Apostolicæ contemptus, quibus quantisque flagitijs quotidie in Ecclesia Romana occasionem præbeat, ignorat nemo. Studium igitur viuendi in virginitate aut cælibatu, in continentibus mirum in modum sibi probari Rex profiteatur: & quum singulari Dei beneficio, sacrae literæ familiaris sint eius Maiestati notæ, quàm vulgo soleant esse Principibus, non fugit ipsum, quid Paulus de re tota pronuntiet, quæ eiusmodi vitæ in vtroque Fœdere

1. Cor. 7. 9.

dere legantur exempla, quæ præmia <sup>τῶν ἀρετῶν</sup> sint proposita. Sed quod Theologia apud vos passim docent, præsertim autem Iuris Canonici doctores; concubinatum, scortationem, & fœda alia <sup>ἀρὰ ἀπὸ τοῦ αἵματος</sup> tolerabiliora esse in ministris Ecclesiæ, quàm legitimas nuptias, & <sup>τὸ ἐκ τῶν ἀνθρώπων κείμεν</sup> id verò Rex facinus esse iudicat planè detestabile, Dei atque hominum odio dignissimum: Opponit Rex omnibus omnium sophistarum cauillis, atque adeo omni humanæ auctoritati, Spiritus Sancti oraculum, per Apostoli os pronuntiatum, <sup>ἀποστολὴν γὰρ μὴ εἶναι ἐν πύλαις</sup> Quemadmodum autem magno belli duci antiquior cura esse debet, ne damnum aut cladem ipse accipiat, quàm ut hosti inferat: sic in electione vitæ aut coniugatæ, aut cælibis, pijs hominibus ante omnia cauendum esse Rex affirmat, ne ius diuinum migrent: tum autem, si cui est facultas, utatur sane bono naturæ. Scimus vsu tritam esse calumniam, non esse Ecclesiam Anglicanam legitimam Ecclesiam, quia eiusmodi votorum vsus hic nullus. Quid tum verò si non fiat votum, quum res ipsa non ignoretur? Sunt enim multi inter Episcopos, & alios Ecclesiæ Pastores, qui sine ostentatione voti nuptijs abstineant, & sine vlla fabula, sine vlllo sinistro rumore, caste sanctæque vitam exigant. Ipsa quoque monachorum cœnobia Rex optimus & pietatis studiosissimus soluturus omnino non fuit, (certe non omnia) ut sæpe affirmantem audiui, si inuenisset integra, & primæ institutionis legem seruantia. Oportet verò Ser. Rex etiam atque etiam, ut Patribus Tridentinis, qui ne precibus quidem summorum Regum & Principum adduci potuerunt, quò publicæ honestati hac in parte consulere, venisset in mentem, à quo principio hodierna doctrina sit profecta. Nam quum initio cælibatus inter vtilia instituta poneretur & consilia, postea sunt adiecta vota, postremò ad hanc absolutam necessitatem est peruentum, quæ hodie apud vos obtinet, lege Dei valere iussa, & pedibus mortalium indignissimè conculcata. Quod in fine obseruationis huius additur, male illos affirmare, fidem se & disciplinam eandem cum veteri Catholica retinere, qui alia eorum probent, alia improbent, quæ prisca Ecclesia ad salutem credidit necessaria, etsi sub diuersa specie necessitatis: id quò spectet, satis Rex intelligit. Respondet igitur: nolle se quidem Ecclesiam suam, ut speculum sine maculâ, & quasi perfectè pulchram sine ruga, sine næuo prædicare: hunc enim Pharisaismum se suosque alijs lubenter relinquere: illud tamen certò, clarè & liquidò sibi constare, si notæ <sup>ἀρετῶν</sup> quærantur, & vere necessaria ad salutem spectentur, aut etiam ad decorum Ecclesiæ, nullam in Orbe terrarum (Deo vni sit laus & gloria) inuentum iri, quæ propius ad fidem, aut speciem antiquæ Catholicæ accedat. Nullam excipere se, ne Romanam quidem: quæ nouis inuentis, cum ad augendam superstitionem, tum ad stabilendam dominationem suam, & Imperiū in Reges & Principes, & populos



pulos terræ vniuerſos excogitatis, fidem & diſciplinam veteris Catho-  
lica, variè interpolauit, variè mutauit, & à primitiua Eccleſiæ puritate  
atque ſimplicitate in multis quàm longiſſimè receſſit.

## III. OBSERVATIO.

**Q**uando quæritur de fide antiquæ Eccleſiæ, ſunt qui vno aut altero ſeculo,  
poſt iacta Eccleſiæ fundamenta, antiquitatem circumſcribant: æquum  
verò eſſe, vt ad diſceptandas hodiernas controuerſias, id potiſſimum tem-  
pus ſumatur, de quo inter contententes conſtabit, non ſolum veram fuiſſe  
Eccleſiam, temporis illius Eccleſiam; ſed etiam tunc maxime floruiſſe, &  
ſplendorem illum obtinuiſſe, quæ ipſi tot Prophetarum oracula erant pollicita. Id  
autem eſſe tempus, quo prima quatuor Concilia Oecumenica includuntur, à Con-  
ſtantine Imperatore ad Marcianum. Atque hoc vel propterea æquiſſimum eſſe,  
quia primorum ſeculorum pauciſſima extant monumenta; illius verò temporis,  
quo præcipuè Eccleſia florebat, longe plurima. Vt facile ex eius ætatis Patribus  
& eorum ſcriptis, fides ac diſciplina veteris Catholice poſſit agnoſci.

## RESPONSIO REGIS.

**H**oc poſtulatam parum illis æquum videbitur, qui vniuerſam  
Eccleſiæ primitiua hiftoriam, Actuum Apoſtolicorum, diuino  
illo quidem, ſed tamen vnico libello, volunt contineri. Ab ho-  
rum ſententia longe abeſt æquiſſimus prudentiſſimūſque Rex: qui in  
Epiftola monitoria ſua, quanti faceret Patres, etiam quarti aut quinti  
ſeculi, ingenuè declarauit. Nec dubitat Rex cum Auguſtino pronun-  
tiare, quod probatum fuerit Eccleſiam à prima ſua origine ad illa vſ-  
que tempora ſeruafſe, id tanquam impium velle reiicere, inſolentiſſimæ  
eſſe infaniæ. Tres enim recti notas Vincentij Lirinenſis, a principio,  
vbique & ſemper, dudum amplecti ſe, vere nec ſimulate eius Maietas  
eſt profeſſa. Rex igitur & Eccleſia Anglicana, quatuor prima Conci-  
lia Oecumenica quum admittant, eo ipſo ſatis declarant, veræ ac legi-  
timæ Eccleſiæ tempus non includere ſe vno aut altero demum ſeculo;  
verum multo longius producere, & Marciani Imperatoris, ſub quo  
Chalcedonenſe concilium eſt celebratum, tempus complecti. Sed  
quod in hac obſeruatiōe pluriſ videntur æſtimari tempora poſt Con-  
ſtantinum, quàm anteriora: id verò Sereniſſ. Rex valde miratur, & om-  
nino haut probat. Fatetur Rex quarti ſeculi Eccleſiam gloria, ſplen-  
dore, opibus ac doctorum virorum copia, magis quàm priora floruiſſe:  
at rectitudine fidei, quam <sup>o. d. o. g. i. a. r.</sup> dicunt, & incorruptæ diſciplinæ ſin-  
ceritate, aut parem, aut etiam ſuperiorem priorum ſeculorum Eccleſi-  
am fuiſſe, dubitare poſſe putat Rex mortalium neminem. Leguntur  
paſſim apud pios Patres quarti ſeculi, Baſilium, Nazianzenum, Hiero-  
nymum,

nimum, Chrysostomum, Augustinum, alios, grauissimæ querelæ de virijs Ecclesiarum suarum, & varijs deprauationibus: neque potest ambigi, quò longius ab origine prima recedebatur, eò etiam longius à primæua puritate & simplicitate esse recessum. Quare si de verrendâ & mundandâ domo Dei serio cogitatur, cur ad Apostolica tempora, aut Apostolicis proxima non potissimum respiciatur? verum quidem est, partem multo maximam illius temporis in tenebris, situ & squallore, propter continuas persecutiones, pijs esse transactam: sed videamus etiam atque etiam, ne in hac quoque re, melius sit ire ad domum luctus, quàm ad domum conuiuij. Paupertas & calamitas bonæ mentis sorores audiunt; diuitiæ & gloria non eandem famam obtinent. Quod si non adeo multi eorum temporum scriptores ad nostram ætatem peruenerunt: at peruenerunt tamen nonnulli, quorum ratio habeatur dignissimi. Vel vnicus certe Christi martyr sanctissimus Cyprianus, primitiuæ Ecclesiæ & disciplinam totam melius nos docuerit, quàm multi alij, qui in quarto seculo vixerunt. Summa igitur regię responsionis ad hanc obseruationem est: facile passuram ipsius Maiestatem, vt è Patrum scriptis quarti aut etiam quintiseculi argumenta afferantur; ea tamen lege atque conditione, vt pro vere antiquis, & ad salutem necessarijs illa sint admittenda, quæ non tunc primum fuerint nata, sed quæ ab origine prima nascentis Ecclesiæ obseruatione continuâ ad illos peruenisse constiterit.

## V. OBSERVATIO.

**C**um vnanimis Patrum consensus quæritur, sunt qui tunc de eo satis li-  
quere contendunt, quando res eadem totidem verbis apud omnes Patres  
reperitur. quorum sententia, quum sit palàm iniqua, æquius fuerit ad  
consensum Patrum cognoscendum, duas hasce regulas adhiberi; Prior est, vt  
tunc existimetur satis probatus esse consensus Patrum, quando eminentissimi  
quique singularum nationum, in rei alicuius affirmatione consenserint, neque  
illis sese quisquam opposuerit, qui quidem orthodoxus censeretur. Sic B. Augusti-  
nus contra Donatistas, postquam è prioribus scriptoribus insigniores vndecim  
laudasset; Patres Concilij Ephesini, postquam contra Nestorium decem protulif-  
sent, de vnanimi consensu Ecclesiæ prioris fidem se abundè fecisse crediderunt.  
Posterior regula hæc est: Quando Patres non vt Doctores loquuntur, neque di-  
cunt hoc aut illud sic esse credendum, aut sic faciendum: sed tanquam testes eo-  
rum quæ suis temporibus Ecclesiæ vniuersalis credebat, aut faciebat, dicunt hanc  
esse fidem aut praxin Ecclesiæ Catholicæ per totum orbem terrarum: tunc cum  
honorem illis habendum esse, vt ad vnanimem consensum Ecclesiæ eiusmodi af-  
firmatio satis credatur valere.

REGIS

## REGIS RESPONSIO.

**E**ST quidem æquissima postulatio, vt de communi consensu partium hodie contendendum, ratio ineatur vtiliter vtendi veterum Patrum auctoritate. Nam primitiuæ Ecclesiæ testimonio & pondere sublato, controuersias hodiernas finē nunquam, τὸ κατ' ἀρχαίους accepturas, neque vlla disputatione fore terminandas, vltro Sereniss. Rex agnoscit. Vt igitur conueniat inter vtrosque, quid & quantum Patribus sit tribuendum, & quatenus eorum auctoritati sit deferendum, non fuerit inutile certas regulas de mutuo partium consensu componi, quæ modum rei præscribant. Inter alios plures ei proposito vtilis ac necessarios canones, etiam duobus hisce locum posse concedi, Rex autumat. Sed quoniam hodie non de ceremonijs controuertitur, aut alijs mediocris momenti rebus; verum de fidei articulis aliquot, & de dogmatis ad salutem pertinentibus, multo sollicitius dandam esse operam Rex iudicat, vt ante omnia de hac regula inter omnes conueniat: Dogmata fidei, & quicquid ad salutem necessarium meretur credi, è sola Scriptura sacra peti debere: neque à quorumuis mortalium auctoritate pendere: sed è verbo Dei duntaxat, quo suam ipse nobis voluntatem per Spiritum Sanctum declarauit. Patribus enim & Ecclesiæ veteri, fidei articulos eliciendi è Sacra Scriptura, & explicandi ius fuisse: nouos articulos comminiscendi nullum ius fuisse. Isto posito fundamento, & τῇ Θεοπνευστῇ paginæ suæ Maiestas manebit facta recta, & pijs Patribus quæ debetur reuerentia præstabitur. Hoc voluisse omnes veteris Ecclesiæ Doctores, facile potest ex eorum scriptis demonstrari. Nam quid in eorum libris occurrit frequentius, quàm hæc verba? τοῦ ἐκ θεοῦ λαλῆσαι ἐν τῇ ἐκκλησίᾳ quæ docentur in Ecclesia Dei, è verbo Dei peti debent. aut hæc, ἡ Θεοπνευστὶς ἡμῶν διακρινούσα ἡ ἀλήθειαν iudicium de controuersijs in causa religionis penes Scripturam esto. Aut cui iam nota non sunt verba aurea Basilij Magni, in libello De fide? φανερὸν ἡμετέροις πνεύματι καὶ ἀποκαλύπτει καὶ καταρτίζει, ὅτι ἐν τῇ ἐκκλησίᾳ λαλῶν, ἡ ἐκκλησία ἐστὶν ἡ ἀληθὴς καὶ ἡ σωτηρία τοῦ κόσμου, καὶ ἡ ἐκκλησία ἐστὶν ἡ ἀληθὴς καὶ ἡ σωτηρία τοῦ κόσμου, καὶ ἡ ἐκκλησία ἐστὶν ἡ ἀληθὴς καὶ ἡ σωτηρία τοῦ κόσμου.

Et ad propositas quidem obseruationes hæc dicta sunt.

Sequuntur iam quatuor circumstantiæ. Accedens enim tua illustris dignitas ad hypothesin, vt euincat non credere Sereniss. Regem, quæ olim Catholica Ecclesia credidit, quatuor id argumentis instituit demonstrare, ex ijs rebus petitis, quæ ad exteriorum Dei cultum pertinent, siue liturgiam, & praxin quotidianam. Cur autem has potissimum circumstantiæ afferat, hanc rationem postea reddit, quia si de his esset conuentum, de cæteris futura sit facilis conuentio. Optaret equidem Regia Maiestas, Illustrissime Cardinalis, posset hoc sperari: sed recordanti ipsi & animo reputanti, quid illud sit quod hodie à vestris scriptoribus



bus præcipua cura & acriore contentione vrgeatur, non magna illi concordia spes apparet, ne tum quidem, si de istis quatuor capitibus à te propositis fuerit conuentum. Non enim iam de istis, aut omnino de villo religionis Christianæ capite, acrius disputatur, quàm de Romani Pontificis imperio. Is vnus est hodie fidei articulus, à quo cæteri omnes pendent. Quid igitur bonæ spei restat, nisi in illius bonitate & misericordia, cuius vnus est malis Ecclesiæ medicinam facere? In illo speremus, etiam contra spem. Αὐτὸς παύσει. Vt redeamus in lineam, quatuor ἀντὶ τούτων contra Liturgiam Ecclesiæ Anglicanæ allatæ, sunt istæ.

- 1 In sacro sancta Eucharistia realem Christi præsentiam non credit.
- 2 Doctrinam de sacrificio Ecclesiæ Christianæ respuit.
- 3 Non precatur pro mortuis.
- 4 Inuocationem Sanctorum qui in cœlis sunt, damnat.

Ad hæc quatuor paucis respondet Rex.

*Ad primam ἡρώτησιν de præsentia reali.*

**S**I in sacrosanctis religionis Christianæ mysterijs, nihil credere fideles existimandi sunt, nisi cuius rationes omnes habent perspectas, & modum tenent: næ multa Christiani reperientur non credere, quæ ipsi tamen firmissima se fide credere non dubitant. Christum Dominum nostrum Dei Patris filium esse, ante omnia secula à Patre generatum: eundem quum sit verus Deus, carnem humanam assumpsisse in vtero B. Virginis; ex illa natum esse, virginitate matris illæsa: diuinam naturam humanæ in eandem hypostasin vnijisse: hæc, inquam, & similia his plura, credere se omnes profitentur Christiani: à quibus tamen si modum quæras, quo ista sunt facta, aliud fidem esse Theologicam dicent, aliud humanam scientiam: pièque vsurpabunt Galeni, parum alioquin idonei pietatis magistri, verba eximia è libro xv. De vsu partium.

τὸ ΟΠΩΣ ἐγέρσθη τὸ τοῦ, καὶ ὑποχρησθῆναι ἑαυτοῦ, ἀκατάληκτος παραδοξολογία, καὶ τὸ διημερῶς διαλέμεται. Patres verò quoties nos dehortentur à quæstione τῆς φύσεως, & curiositate modi explicandi in diuinis mysterijs, si aggrediar hic adnotare, longum fecero. Gregorij Nazianzeni verba sunt tibi nota in oratione priorè, De Theologia: Ἀλλὰ τίς ἰσχύει τὸ ΟΠΩΣ μὴ ἀπομνημονεύειν, ἀλλὰ τίς τὸ πνεῦμα τὸ ἁγίον ἐκ τοῦ Πατρὸς, τὸ ΟΠΩΣ μὴ πολλοὺς ἀπορρογῶν. & alio loco idem: Θεὸς ἰσχύει σιωπῇ τιμωρῆσαι, μάλα σωτὴρ μωροῦ, ὅτι γὰρ οὐκ ἔστι τὸ ὅΠΩΣ, ἀλλὰ ἡ ἀγάπη, καὶ ὅτι γὰρ οὐκ ἔστι, συγχωρεῖται. Erat Gregorio res cum Arrianis peruicacissimis hæreticis: quorum impiæ curiositati, non subtilitate disputandi conatur satisfacere: sed tanti arcani modum & rationem quæri vetans, silentium illis indicit. Hac pia moderatione si Rex & Ecclesia Anglicana in sacrosancto Eucharistiæ mysterio vtuntur, quæ, obsecro, inuidia est? Legimus in Euangelijs, Dominum nostrum

cum

cum hoc sacramentum instituebat, panem sumpsisse, & dixisse, *Hoc est corpus meum* : quomodo panis corpus suum esset, ne verbulo quidem vno explicuisse Christum legimus. Quod legit Ecclesia Anglicana, hoc pie credit : quod non legit, pari pietate non inquit. Mysterium istud magnum esse, humano ingenio incomprehensibile, ac multo magis inenarrabile, fatetur & docet : de efficacia illius sentit quam augustinissime : ad sacram mensam accessuros conscientiae omnes scrutari recessus, & peccata confiteri, utique apud Deum, sed & si opus fuerit, apud presbyterum, iubet ; accedentes, ut ad omnem humilitatem & deuotionem se componant, sedulo monet : genibus flexis communionem corporis Christi accipit : nec solum in communi conuentu panem mysticum fidelibus diuidit ; sed etiam morientibus hoc viaticum, ut appellant Patres Concilij Niceni, & tota antiquitas, administrat : postremo, quum ab omni curiositate velit Rex, suorum ingenia abstinere, quaecunque tamen pij Patres primorum seculorum, ad commendationem ineffabilis mysterij dixerunt, ea ipse admittit : Patrum etiam verba, *μεταβολή, μεταποίησις, μεταστροφή*, & similia, ex mente ipsorum si accipiantur & exponantur, non reijcit. Hæc Regis & Ecclesiae Anglicanae doctrina, si vobis non satisfacit : nempe illud restat, ut Transsubstantiationis dogma, quod vobis placatis possit uti approber. Istud vero non est rei veritatem pie credere : sed importuna curiositate modum decernere : quod Rex cum Ecclesia sua nunquam est facturus, nunquam probaturus. Miratur verò Serenissimus Rex, quum fateatur tua illustri dignitas, non *μεταβολή* querere vos, ut credatur Transsubstantiatio, sed ut de praesentiae veritate ne dubitetur : Ecclesiam Anglicanam, quæ toties, id se credere publicis scriptis est testata, necdum vobis fecisse satis. Ut igitur certo cognoscas, quid in hac Ecclesia super illa re credatur, quid doceatur, describam hic reuerendissimi viri Domini Episcopi Eliensis locum integrum, è libro quem paucos ante menses aduersus Cardinalem Bellarminum edidit. Sic ille capite primo. *Quod Cardinalem non latet, nisi volentem & ultro, dixit Christus, hoc est corpus meum : non, Hoc modo hoc est corpus meum. Nobis autem vobiscum de obiecto conuenit, de modo lis omnis est. De Hoc est, fide firma tenemus, quod sit : de Hoc modo est (nempe transsubstantiato in corpus pane) de modo quo fiat, ut sit Per siue In, siue Cum, siue Sub, siue Trans nullum inibi verbum est. Et quia verbum nullum, merito à fide ablegamus procul : inter scita scholæ fortasse, inter fidei articulos non ponimus. Quod dixisse olim fertur Durandus, neuiquam nobis displicet, Verbum audimus, motum sentimus, modum nescimus, praesentiam credimus. Praesentiam, inquam, credimus, nec minus quam vos veram. De modo praesentiae nihil temere definimus : addo nec anxie inquirimus, non magis quàm in baptismo nostro, quomodo abluat nos sanguis Christi : non magis quàm in Christi incarnatione, quomodo naturæ diuinæ humana in eandem hypostasin con-*

niatur. *Inter mysteria ducimus ( & quidem mysterium est Eucharistia ipsa ) cuius quod reliquum est debet igne absumi , id est , ut eleganter in primis Patres, fide adorari, non ratione discuti.* Hæc fides Regis, hæc fides Ecclesiæ Anglicanæ. Quæ ut breui compendio rem omnem complectar, in cœna Domini, realiter participem se fieri credit corporis & sanguinis Christi, ut Patres Græci dicunt, & quod Bellarminus ipse fatetur, spiritualiter. Per fidem enim Christum apprehendunt & manducant: creduntque nullum aliud manducationis genus ad salutem utile esse posse. quod & omnes vestri semper fassi sunt.

*Ad II. incipit de sacrificio in Ecclesia Christiana.*

**V**eteris Ecclesiæ Patres sacrificium in religione Christiana vnum agnouisse, quod in locum successisset omnium legis Mosaicæ sacrificiorum, neque ignorat Rex, neque negat. Sed hoc sacrificium nihil esse aliud contendit, nisi commemorationem eius, quod semel in cruce Christus Patri suo obtulit. Quare B. Chrysostomus, quo frequentius nemo huius sacrificij meminit, in nonum caput Epistolæ ad Hebræos, postquam <sup>duas</sup> nominasset, continuo subiungit, siue explicationis, siue etiam correctionis loco, <sup>quæ non est nisi æquum, duas.</sup> illa locutio <sup>perducat</sup>, quam vim habeat, scis ipse omnium optime. Sæpe autem Ecclesia Anglicana professa est, de verbo nullam se litem moturam, si modò impetrari à vobis posset, ut pristina fide in integrum restituta, quæ contra vsum veteris Ecclesiæ à vobis vsurpantur, tollerentur. Nam Eucharistiæ celebrationem sine communicantibus, & vniuersam illam priuatarum missarum nundinationem, multis etiam vestrorum Theologis damnatam, certum est à peruersa doctrina de hoc sacrificio originem habuisse. Quod autem ad extrahendas defunctorum animas è flammis Purgatorij sacrificia missarum exiguntur, & quidem sæpe repetita; otiosorum hominum & simplicitate populorum ad quæstum suum impie abutentium, delirium esse, Rex non dubitat. Tollantur hi & similes his alij crassi fœdique abusus, qui apud vos obtinent: ab Ecclesia Anglicana, quæ in sua Liturgia expressam sacrificij mentionem habet, facile impetraueris, ut in veteris Ecclesiæ vsum acquiescat. Quamobrem Serenissimus Rex quum nuper ei essent narrata, quæ paullo ante in celeberrimo conuentu Dominicanorum docte fuerant à te disputata, de duplici sacrificio, expiationis nempe, & commemorationis, siue religionis; sibi quoque idem probari, multis audientibus pronuntiavit; & nunc etiam ut hoc ipsum tibi confirmarem eius Maiestas me iussit.



*Ad III. <sup>1520</sup> de precibus pro mortuis.*

**C**onsuetudinem esse vetustissimam, vt in publicis Ecclesiæ precibus commemoratio fiat defunctorum, & quies illis petatur à Deo, qui in pace Ecclesiæ sunt mortui; pauci hodie ignorant, nedum Serenissimum Rëgem hoc fugiat. Eum morem à charitatis vehementia esse profectum, non videtur ambigendum. Sed & fidem suam de futura resurrectione, vetus Ecclesia eo pacto approbavit. Hunc ritum Ecclesia Anglicana etsi non damnat in primis seculis, hodie tamen sibi non putat retinendum, idque propter causas & plurimas & grauissimas. nonnullas de multis hic attingemus. Prima omnium est, quia sine vilo præcepto supremi in Ecclesia sua Legislatoris Christi, primo fuisse eum morem introductum, habet persuasissimnm: neque hætenus contrarium huius à vestris Doctoribus potuit demonstrari. Quare etsi non tantum sibi sumit Rex, sicut in Monitoria sua dudum est protestatus, vt veteris Ecclesiæ vsu probatum institutum ausit condemnare: nihil tamen dubitat eius Maiestas, Ecclesiam suam nulla eius necessitate hodie teneri. Nam quicquid est, quod hac in parte veteres fideles fecerunt: id omne Rex ad illud caput vtilium vel licitorum refert, de quo in secunda obseruatione est dictum: ad ea certe quæ absolute necessaria sunt, nulla ratione persuadebitur, hunc ritum pertinere. Vnde enim illa necessitas? non ex lege Dei, qui hoc nunquam imperauit. Si ab eo fonte non est, nulla profectò est. Posuimus enim, sola illa ad salutem necessaria existimari debere; quæ aut expressè continentur in verbo diuino, aut necessaria consecutione inde fuerint deducta. Quorum neutrum hic locum habet. Ea verò quæ vetus Ecclesia, sine vlla necessitate aut credidit aut fecit, libera hodieque nobis esse debere, antea dictum est. Secunda ratio est, quòd licet fateatur Rex hanc consuetudinem antiquissimos auctores habuisse; à principio tamen & temporibus Apostolicis, vnde omnis Ecclesiæ antiquitas repeti debet, sic factum esse, nemo ad hanc diem potuit probare. Accedit quod preces, quæ olim fiebant, & modo & sine multum ab ijs differabant, quæ fiunt hodie & docentur. Tertiam rationem adjicit Rex, quod vbi semel preces pro defunctis admissæ fuerunt in Ecclesiæ ritus, mox pudendorum errorum & plus quam anilium superstitionum cæterua ingens agmine facto in Ecclesiam irrupit. Iudicent vero æstimatores æqui, vtrius potius Catholicorum appellatio sit deneganda; Reginæ & subditis ipsius, qui rem nulla necessitate introductam, propter insecutos errores desinunt vsurpare, aut iam sibi licitam putare: an vestris hominibus, qui omnes superiorum seculorum, quamuis fœdos & perniciosos errores, sophisticis cauillis mira pertinacia defendere malunt, quàm corrigere.

Ad IV. <sup>1.5.20.21</sup> de inuocatione Sanctorum.

**D**E Sanctorum inuocatione Ser. Rex dicit idem, quod de precibus pro defunctis. A tenui principio, quod nemo iam nescit, res postea magnum incrementum cepit : donec tandem eò ventum, ut superioribus seculis ( atque vtinam nunc quoque multis in locis non idem fieret) populus Christianus plus fiduciæ & præsentis auxilij spem certiorer poneret in Sanctis, quàm in ipso (nefas dictu) Seruatore : qui <sup>ἐν μερὶ Θεοῦ ἡσυχάζοντι</sup>, ut salutem hominibus, hostibus suis pararet, <sup>ἰατρὴν ὁκνῶν</sup> <sup>μερῶν δόλῳ λαβόντι, ὃ ἵτατοῖς αὐτῶν ἡρώδης ὑπὸ καὶ μέγιστον, ἀπαίτη ἤσαντο.</sup> Et quum Dominus ipse, quæ est illius omnem superans admirationem bonitas & clementia, in Euangelio, suauissimæ dulcedinis verbis ad te miseros peccatores vocet, *Venite ad me*, inquit, *omnes qui laboratis & onerati estis*, & ego *reficiam vos* : extitere tamen peruerse ingeniosi doctores, qui inuitationem adeo blandam inutilem conarentur reddere : & vnicum apud Deum Patrem humani generis Aduocatum, terribilem & semper imitem depingentes, miseris hominibus persuaderent, nullum ad Christum sine intercessione plurium aduocatorum aditum patere. Fuerunt etiam qui palàm docerent, iustitiæ seueritatem Christum sibi reseruasse, gratiam & misericordiam beatissimæ Virgini reliquisse. Tum autem officia inter Sanctos & curationes solertia admirabili, ne dicam superstitione detestabili, sunt distributæ. Et olim quidem suffragia illorum duntaxat expetebantur, ut sua gratia apud Deum intercederent : postea verò etiam libris repletus est mundus, qui proprie pertinerent ad huius illiusve Sancti cultum, & formulas docerent petendi ab eo necessaria. Igitur in locum Psalmorum, quem libellum diuinum omnes olim Christiani, viri fœminæ, senes iuvenes, diuites pauperes, docti indocti, perpetuò in ore & manibus habebant, successerunt Horæ B. Virginis, & Legendæ, siue potius fabulæ ut plurimum, impiæ ac deliræ, (de veris Martyrum historijs non loquor) & similes quisquiliæ. Parum est quod excussus est de manibus fidelium tam diuinus, tam necessarius libellus : nisi esset repertus, qui ad honorem B. Virginis Psalmos omnes transferret, omnia illi tribuens, quasi inter Deum & hominem <sup>ἐν Θεῷ</sup> & <sup>ἐν ἡμῖν</sup> nihil interesset, quæ spiritu prophetico de vnico filio Dei fuerant prædicta. Serenissimus Rex gloriosissimam Virginem Matrem Dei, prædicat beatissimam ; neque dubitat in supremum honoris gradum esse euectam, qui humanæ creaturæ à Deo creatore potuit tribui. Perplacet etiam illi quod Ecclesia Anglicana memoriam B. Virginis certis anni diebus concelebrat. Sed nullis technis ab eius Maiestate hodierni Sophistæ expresserint, ut quod diximus B. Virginis Psalterium approbet, aut omnino ferat. Nam Cardinalem Bel-

Phil. 2. 7.

Matth. 11. 28.

larminum  
sum p  
mar.  
Roma  
Cardi  
à vest  
Breuit  
præter  
nino h  
lum pe  
orabat  
homin  
di ad m  
Sancto  
primò,  
lent, ne  
repreh  
moribu  
vtriusqu  
ratur ip  
non du  
quo auct  
diri, ac p  
id vero  
prima se  
ea perue  
cum sum  
in Patri  
( & quid  
entis ant  
tamen m  
Ecclesia  
Postrem  
Patres: a  
fuerunt.  
de quatu  
proposit  
Putat  
suis religi  
es pertine  
tis exerci  
um coagu

larminum, qui nuper defendit, ne vestris quidem hominibus, qui sensum pietatis non plane exuerint, probari, Serenissimus Rex autumat. Hisce morbis intercutibus quum letaliter prope iam Ecclesia Romana laboret; demiratus est Rex, quod in tua, Illustrissime Cardinalis, epistola legit, inuocationem Sanctorum quæ hodie à vestris vsurpatur, primitiæ Ecclesiæ temporibus fuisse in vtu. Breuiter igitur respondet: primis nascentis Ecclesiæ temporibus, alium præter vnum Deum Opt. Max. fuisse orari solitum, demonstrari omnino haut posse. Nullum eius rei præceptum extare in verbo Dei; nullum penitus exempli alicuius vestigium. Solus Deus adorabatur solus orabatur per filium suum vnigenitum, Mediatorem inter Deum atque homines vnicum, solum, *quodam tunc* postea morem esse introductum orandi ad memorias Martyrum: ac paullatim cepisse apostrophas fieri ad Sanctos, extra Dei cultum: optari etiam & vota fieri non ad illos quidem primò, sed vt illi Deum orarent. Quod si hac fine exempla noua steterissent, ne Rex quidem illorum temporum consuetudinem vehementer reprehenderet: certe non ita damnaver, vt quod postea receptum est moribus. Beatos enim Martyres & alios Sanctos, cum Christo, capite vtriusque Ecclesiæ, triumphantis & militantis, nunc regnantes, veneratur ipsius Maiestas, eosque pro necessitatibus Ecclesiæ assidue orare non dubitat: precesque ipsorum non esse inutiles firmiter credit. At quo auctore & quasi sponsore credatur, orantium preces ab ipsis audiri, ac propterea pro Dijs penatibus & tutelaribus eos esse habendos, id vero nescire se ingenue fatetur. Quamobrem quæ deinceps post prima secula sunt secuta, mirifice Rex improbat. Per gradus enim ad ea peruentum est quæ modò dicebamus: & quæ Ecclesia Anglicana cum summa impietate esse coniuncta, non veretur affirmare. Quod si in Patribus quarti seculi exempla reperiuntur alicuius inuocationis, (& quidem reperiuntur, neque hoc Rex nescit) fuit hoc nempe deficientis antiquæ simplicitatis & mali iam gliscentis indicium; eiusmodi tamen mali, quod nullo pacto cum ijs sit conferendum, quæ hodie in Ecclesia Romana & fieri, & ferri, & doceri, atque defendi cernuntur. Postremò seculi illius morem inter vtilia aut licita si admiserunt pij Patres: at inter absolutè necessaria ad salutem, nunquam profectò posuerunt. Atqui de his, non de illis, propriè sermo fuerat institutus. Et de quatuor quidem obiectionibus aduersus Liturgiam Anglicanam propositis hætenus.

Putat verò Rex, consultò factum esse à te, vt ex omnibus, quæ in ipsius religione minus probabas, ea potissimè seligeres, quæ ad synaxes pertinent. Nam communio inter fideles, in publicis maximè pietatis exercitijs est posita: atque hoc est optatæ bonis vnionis vel præcipuum coagulum. Quare si de hac saltem re inter Christianos hodie conueniret,



ueniret, nihil vetaret, quominus inuicem populi Europæ communicarent: facta interim Doctoribus S. Theologiæ facultate, vt dogmatum aliorum veritatem in scholis placide inquirerent. Quod quidem valde esset optandum: & hoc semel posito fundamento, bene de cætero, cum auxilio Dei, videri posset sperandum. Propterea Serenissimus Rex, tum hac in parte iudicium apprime laudans, faciendum putauit, vt ipse etiam ex ijs quæ in Liturgia vestra reprehendit, quædam hic adnotaret. Quod si propter illa quatuor, quæ ipse in Liturgia Anglicana desiderati iusta satis caussa est, vt tibi quidem videbatur, cur qui illa vtuntur nec credantur nec dicantur Catholici: viderit tua illustris dignitas, quid de Romana Ecclesia Regem pronuntiare oporteat: in cuius Liturgia (nam alias partes religionis vestræ Rex nunc omittit) tam multa pij viri dudum obseruarunt, verbo Dei & veteri fidei Catholicæ palam repugnantia: quæ tamen defendere hodie, in hac luce veritatis Romanus Pontifex mauult, quàm emendare. Et poterat quidem Rex nullo negotio, plurimos hic commemorare Liturgiæ Romanæ grauissimos errores: sed placuit ipsius Maiestati quatuor duntaxat afferre, quæ tuis illis quatuor, de quibus diximus opponit. Primum esto, Linguae ignotæ vsus, contra Pauli admonitionem & primitiuæ Ecclesiæ praxin: quæ nihil habuit antiquius in suis synaxibus, publica vtilitate, & audientium ædificatione. Itaque verti S. Scripturam in omnes linguas Patres curarunt, & vt notat Epiphanius *ἡμετέρας* habuerunt, qui si opus esset, linguam in linguam verterent *ἢ τὰς διαγλώσσας*, inquit ille: hoc est, cum scripturæ populo legebantur. Sane vulgo fuisse intellecta quæ recitabantur, vel illud vnicum euicerit, quod in singulis fere Patrum Græcorum & Romanorum homilijs occurrit, *vt audistis legi*, vel, *vt hodie lectum est*: quod hodie si vestri concionatores dicerent, ridicule facerent. Nam si quæ leguntur è libris diuinis, nihil eorum miser populus intelligit: qui tamen multo magis hodie, quam olim opus haberet, saltem in Ecclesia verbum Dei cum recitatur intelligere. Veteres enim cogebant vnum quemque, vt libros sacros domi assidue legeret: qui nunc sub anathematis pœna vetantur attingi sine venia adeo vt inter libros prohibitos primum locum libri sacri, & à Deo profecti, horrendum dictu, teneant. Non ignorat Rex, etiam inter vos reperiri Bibliorum versiones in linguas vulgares. sed docuerunt eius Maiestatem Sacerdotes Angli, qui Duaci sacram paginam in sermonem Anglicum verterunt, ab inuitis vobis esse expressas illas versiones *importunitate hæreticorum*, vt loquuntur Duacenses. Nam illis velle Dei verbum sobrie & reuerenter legere, hæresis est. Neque ignorat Rex, quum in Gallicum idioma Renatus Benedictus presbyter Biblia vertisset, quantum illi molestiarum eam ob caussam, Romani Pontifices exhibuerint: qui etiam semel, literis ad Episcopum Parisiensem datis, id agere cum iusserunt,

Lib. 3. extremo.

runt, vt omnes Gallicæ librorum Sacrorum versiones, de manibus populi tollerentur. quod & factum procul dubio fuisset, si nulli in Gallijs protestantes extitissent. Nuper etiam legebat Serenissimus Rex in libro Angli cuiusdam presbyteri Pontificij, preces incognita lingua conceptas, nescio quid maioris efficacix habere, quàm si intelligerentur. quod insulsissimum delirium ab ethnicis primò excogitatum, hodie non est illius presbyteri proprium. Sic olim Valentiniani hæretici Hebraicis verbis vulgo ignotis in suis mystagogijs utebantur, vt plebi imperitæ admirationem & stuporem excitarent, atque vt ait Eusebius in quarta Historia, *αρχὴ τοῦ πολλοῦ μεταπηδήσεως τῆς τῶν ἁγίων*. Secundus error esto, sacræ Eucharistiæ mutilatio contra institutionem Christi, exemplum Pauli, & praxin continuam Ecclesiæ in publica synaxi, per annos minimum mille, fatente etiam Cassandro, viro eruditissimo. Tercio loco sunt Missæ sine communicantibus, item priuatæ atque angulares. Iam ante dictum, originem hæc habuisse è peruersa doctrina de sacrificio in Ecclesia Christiana. Restituantur vetus fides, vetus praxis. Quarto loco profert Rex, imaginum hodiernum vsum, cultum atque adorationem. Fatentur abulum etiam Patres Tridentini: & Catechismus Romanus quædam vtiliter monet. Quid refert? manet error, probatur, defenditur, & gliscit in dies. Omittit Rex adorationem Sanctorum atque inuocationem. Vt sit hodie, excusari res non potest, non debet. corrigantur, non autem excusentur, quæ palàm cum lege Dei & vfu primitiuæ Ecclesiæ pugnant. Omittit reliquiarum adorationem religiosam, quæ & docetur hodie & exhibetur, vt res necessaria, aut plurimum certè ad salutem conducens. Accedit rei absurditas intolerabilis: vt cum falsæ reliquiæ pro veris obruduntur, aut palàm ridiculæ: vt cum lachrimæ Christi ostenduntur, aut lac B. Virginis, & id genus alia. Omittit licentiam concionantium, extra Dei verbum aberrantium, quibus lex poni debuerat, ne vllam populo doctrinam proponerent, velut ad salutem necessariam, quæ ex oraculis diuinis non sit hauستا, & primæuæ antiquitatis fidei consentiens. Ea namque est illa *ἐνταύτῃ τῇ διακονίᾳ*, quam tot locis Apostolus commendat. Hac lege semel sancita, ruent sponte sua, quæ hodie in Ecclesia Romana fiunt permulta: ruet doctrina de indulgentijs: ruet putidum illud commentum de pœna intensiua in Purgatorio: vbi multa annorum millia in vna minuta comprehendi docentur, vi pœnæ istius intensiuæ: ruent illæ in precibus ad Deum inanes battologiæ, quas sibi non placere, Christus ipse nos docet: neque amplius credetur magnum esse meritum, si quis Rosarium suum, aut alias preces vel psalmos, ignota sibi lingua decies, vicies, quinquagies, centies repetat. Istis incommodis, & similibus alijs si esset à vobis prospectum, cur ab Ecclesiæ vestræ synaxibus Dei timentes viri, putarent sibi abstinendum, nulla fortasse amplius satis iusta

iusta caussa restaret. Ne illud quidem prætermittendum sibi Rex putavit, quod sub finem tuæ epistolæ habetur. Scribis enim, de Romano Pontifice nolle te verba facere: quum vel mediocriter in historia Ecclesiastica versatis compertum sit, primorum seculorum Patres, Concilia & Imperatores Christianos, primas illi semper detulisse, & præcellentis dignitatis prærogatiuam, in omnibus negotijs, ad religionem aut Ecclesiam spectantibus: atque hoc solum exigere Ecclesiam vestram pro articulo fidei credendum ab ijs, qui cõmunioni suæ se adiungunt. Ad hæc respondens Rex, fidem tuam appellat, Illustrissime Cardinalis, petitque à te, vt animo reputes facta Romanorum Pontificum ab annis fere septingentis. Non vult eius Maiestas Camarinam illam nunc mouere; scire tamen te cupit, planè sibi fide certa notum atque exploratum esse, hodiernos Pontifices eius Sedis vsque adeò primorum Paparum esse dissimiles, fidei integritate, proposito vitæ, & totius administrationis forma ac scopo; vt longè iniquissimum putet, rebus sic stantibus à prioribus seculis ad præsens tempus trahere argumenta. Reddatur Ecclesiæ sua pristina forma, & tot noua iura olim inaudita penitus tollantur. Denique rebus ipsis probet Romanus Pontifex, non suam se, verum Dei immortalis gloriam quærere, & populorum pacem, concordiam ac salutem sibi esse curæ: tum Serenissimus Rex, quod in Monitoria sua dudum est protestatus, sine cunctatione primas illi deferret, ipsumque *πρῶτος τῆς ἐκκλησίας ἀρχιεπίσκοπος*, cum Gregorio Nazianzeno, dicet non inuitus. Nunc de illa Sede quid Ecclesia Dei statuere debeat, imprimis autem Reges ac Principes vel teipsum Serenissimus Rex fert iudicem. Non enim ignoras, quàm multi quotidie & Româ & ex omnibus iam Europæ angulis subinde libri prodeant, ad temporalem Papæ potestatem, siue potius omnipotentiam, & in Reges, Principes, ac populos Orbis terrarum vniuersos *ἀπὸ τοῦ τοῦ παπῆ* stabilendam. Non ignoras, Cardinalem Bellarminum super illo argumento ea nuper scribere, & statim à morte Henrici Magni publicare esse ausum, quæ omnes boni etiam è vestris sunt detestati. Boni, inquam, & pij sunt vbique locorum detestati: at complices eiusdem conspirationis, ceu profectum oraculum ex ore Pontificis, qui errare non potest, tota voluntate suscipiunt, & pro virili sua multi defendere conantur. Itaque Iesuitæ Ingolstadienses, in recente libro, quem aduersus Iohannem Gordonium Decanum Salisburiensem, virum nobilissimum & doctissimum ediderunt, ex illo Bellarmini scripto non secus argumenta ducunt, quàm si ea esset omnium Catholicorum constans & consentiens opinio. At cogitet quæso tua illustis dignitas, quid simile primæuæ Ecclesiæ viderit, quò tendat hic vesanus furor: diligentérque apud se expendat, in quantum ruinæ vltimæ periculum Ecclesiam Christi conijciant, quicunque ea, quæ hodie fieri docerique

vide-



videmus, probant aut ferunt. Nam vt hoc solum dicam, de reconcilia-  
tione dissidentium Ecclesiæ membrorum, quandiu apud vestros ea  
manebit rerum facies, & factæ diuisioni esse præbita occasio negabi-  
tur, vel cogitare merus fuerit stupor, mera stultitia. Vltimum illud erat  
in tuis: paratum esse te, perspicue demonstrare, quàm bene in articulis  
hodie controuersis, Sedibus Patriarchalibus quæ adhuc supersunt,  
cum Romana Ecclesia conueniat. Verum eo labore posse te superfe-  
dere Serenissimus Rex autumat. Scit Rex, sciunt alij omnes, harum re-  
rum paullo saltem curiosiores, non solius Occidentis, sed etiam Orien-  
tis, Septentrionis ac Meridiei Ecclesias, ab aurea simplicitate primor-  
um seculorum longè discessisse, ac longius etiam fortasse multo quàm  
par erat: nisi quod prædictam in diuinis oraculis defectionem à priore  
fide, euenire fuit omnino necesse. Scit etiam apud illos populos, riti-  
bus ritus subinde esse accumulatos, & hominibus superstitiosis nimi-  
um vbique ab annis mille & amplius licuisse. At enim cum de refor-  
manda Ecclesia Dei agitur, non hoc, opinor, quæritur, quid hodie O-  
rientalis Ecclesia, aut Moschouitica, vel aliæ credant faciántue: sed id  
potius quæritur, quid ab initio docuerint Apostoli, quid eorum tem-  
poribus, & proximè secutis Ecclesia vniuersalis vsurparit. Illud est illud  
exemplar, quod omni amota exceptione, sequi velle se Rex ingenuè at-  
que ex animo profitetur. Quanquam ne istud quidem rerum Ecclesi-  
sticarum periti cuiquam concesserint: doctrinam Ecclesiæ Romanæ  
per omnia hodie congruere cum doctrina, quæ in Ecclesijs aliorum  
Patriarcharum iam obtinet. Ne de cultu statuarum hodierno, igne pur-  
gatorio vestro, præcisâ cælibatus obseruatione, aut Romani Pontificis  
infinita potestate, etiam supra Concilia, similibusue alijs articulis quic-  
quam hic dicam: certum est, in ipsa S. Eucharistiæ mystagogia multum  
diuersos esse Græcos à vobis Romanis: adeo vt non dubitarit Marcus  
Ephesi Archiepiscopus de Missa Romana loquens affirmare, ipsam in  
maximi momenti rebus, cum verbo Dei, & antiquis Liturgijs pugnare.

supereffe amplius ineundæ concordiaë neque spem, neque rationem. Tueri namque omnia est illis propositum, non proficere in melius, & seria rerum deprauatarum emendatione, piorum animos sibi conciliare. Quo in proposito quandiu vestri pergent, neque vllum antiquitati aut veritati locum dabunt, semel profitetur Serenissimus Rex, nihil se illos morari, neque vllam sibi communionem cum Ecclesia Romana, vnquam futuram. Quod superest Dominum Iesum veneratur ipsius Maiestas, vt quas in te largiter contulit animi dotes excellentes, ad sui nominis gloriam, & vtilitatem Ecclesiæ velit semper dirigere.

Vale, Illustrissime Domine. Londini V. Eidus Nouembr.

M. D. C. XII.

*M. D. C. XII. 5. 11. 11.*

PRO



PRO  
IVRE REGIO,  
QVOD POTESTAS  
REGVM SVMMA SIT,  
DEOQVE VNI OBNOXIA:

*Contra*

ILLVSTRISSIMI CARDI-  
NALIS PERRONII

ORATIONEM HABITAM

*Lutetiae in confesſu Tertii Ordinis*

VIII. Kalend. Febr.

M.D.C.XV.





VERE REGIO

QVOD POTESTAS

ET

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE



100

101



dolo

orur

lis a

mè e

neq

atas

que

dani

habe

dun

quen

S

&

mem

dum

Arin

vulg



## P R A E F A T I O.



*O N* sum ingenio meo curiosus in aliena Rep. nec ardelio in vicinorum negotijs. Regiæ dignitati, qua me ornauit Deus, magis conuenit leges dare meis subditis, quam consilia alienis. fecit tamen amor Henrici IV. piæ memoriæ, fratris mei honoratissimi; tum dolor ex immani Principis optimi parricidio; addo etiam, meorum ex eodem fonte periculorum memoria, ut amicorum malis afficiar, eò sanè maioribus, quò Reges ipsi, quorum maxime ea res interest, minore eorum sensu afficiuntur. Quos si nequeam monendo expergescere, testabitur saltem postera ætas, rebus adeo urgentibus me officio non defuisse; regnorumque euersiones, regumque cædes, quæ in posterum fortè accidant, monitoris inopia non contigisse. Nam persuasum habeo, ideo me quoque in solij regij fastigium à Deo esse euectum, ut pro eius maiestate in vicariis læsa è loco editiore loquentem homines audiant faciliùs.

Sperabam sanè Ordines regni, in nuperis Lutetiæ Comitibus, & Regum suorum immaniter peremptorum, & ciuiliis belli memores, cui initium dedit fulmen Pontificis quemadmodum tonitrua sequitur grandinis ruina; memores infamis doctrinæ de Regibus occidendis & abdicandis iam orbi tot libris vulgatæ; sperabam omni ope in id eos incubituros ut inuales-

centibus hisce malis occurrerent. Quinetiam seriò gaudebam à Tertio ordine publicè relatum fuisse de ratione & via qua perniciosæ illæ opiniones hominum animis eximerentur; quod, scilicet, de Regum sceptris pro arbitrato statuere possit Pontifex, quod per Regum cædes ad Martyrij gloriam sit peruenire. Verùm multò aliter euenisse nunc intelligo: hæc enim Tertij Ordinis rogatio, quasi postremus expirantis libertatis halitus, regium decus magis ac magis Pontificis imperio subiecit; & seruitutis publicæ nodum arctiùs constrinxit. Ut enim medicamenta, quæ ægrum non iuuant, morbum efferant, sic oblatum à Tertio Ordine salutare remedium vim morbi duntaxat irritauit, victum, scilicet, prauis humoris æstu per contradicendi calorem concitato. Et sanè melius erat litem non mouisse, quàm veritatem peregrinæ factionis iniuriæ expositam deseruisse. Postquam enim magnæ doctrinæ & nominis Præsul, in cætu celeberrimo, nec suo sed Ecclesiæ nomine, & suffragante Nobilitate, illam in Reges Pontificum auctoritatem asseruit, nulla sequuta abrogatione; laudatusque is à Pontifice & gratijs ornatus suam orationem, qua Regem mancipat Pontifici, cum Priuilegio Regis excusam ad me misit; ratus ex eius lectione nullum relictum iri apud me locum scrupulo: fatendum est, finitis Comitibus, ancipitem mihi visum iuris regij statum; atque adeò ex receptâ Cleri doctrinâ, quis iam regnet in Galliâ incertum esse. Nemo enim dubitat eum præter nomen Regis nihil habere, qui regnat precariò, & ad Papæ nutum regno potest excidere. Non est supremus rerum temporalium dominus, quem superior cum volet, iis exuat. Quod si propiùs sensum illius Articuli à Tertio Ordine exhibiti intuemur, comperiemus eius auctoribus nihil aliud propositum fuisse, nisi ut suo Regi regium, id est, supremum in suos vindicarent imperium; nec inter opera Deo grata numeraretur posthac regum laniena. Id quum contrarijs Nobilitatis & Cleri studijs vehementer esset oppugnatum, tanquam



tanquam schismatum & hæreseon omnium seminitum; & eo  
iam prouecti essent, vt disertè affirmarent hac rogatione latâ  
necessariò sequi, nihil aliud fuisse multis retrò sæculis Eccle-  
siam, quàm Antichristi regnum & Satanae synagogam: non  
mirum est, si Papa Nobilitati & Clero, pro fide in se &  
amore, literis pæne triumphalibus gratias egerit; exultan-  
dus ob partam in Reges victoriam, non suo labore, sed gene-  
rosa Nobilium fortitudine, aduersus plebeios homines, quos  
per opprobrium ex fece plebis nebulones appellat; homi-  
nes, qui videri volebant supra vulgus sapere, & plus cæteris  
Reges amare, & Magistros suos reuocare ad ferulam.

Ex pluribus  
comperi fuisse  
hæc verba in  
literis Pontifi-  
cis ad Nobiles,  
licet ex im-  
pressis erasa  
sint.

Verùm pietate & studio in Principem quis Tertium Or-  
dinem miretur Clericis priorem? Hi sunt, qui se negant Re-  
gi subditos, externo Domino, à cuius incolumitate pendent, to-  
ti addicti; nihil præter officium rati se fecisse, si eius imperij  
dignitatem quibuscunque rationibus extollant, cuius (vt aliàs  
docui) partem ipsi constituunt. At regiam dignitatem à  
Nobilitate prostitui, qui ordo instar dextri brachij Regum  
præsidio destinatur, & ab ijs publicè affirmari, Regem re-  
gio iure posse exui: id vero non minus mirum aut absur-  
dum censeri oportet, quàm si caput à brachio impeteretur.  
Nam si iure abdicatus Rex, ius suum nihilominus tueri au-  
sus fuerit, necessario efficitur iure posse occidi. His adductus,  
auctor sum istis Gallia Nobilibus, vt honorum titulos, quibus  
hactenus gauisi fuerunt, iam cedant Ordini Popolari qui so-  
lus interrito & nobili aduersus blanditias & minas animo  
Regis sui dignitatem & salutem tutatus est.

Uniuerso autem Clero nemo se magis traduxit, nemò de  
patria peius meruit, quàm Perronius Cardinalis; vir ali-  
d: exuberantis doctrinae, & facundia singularis. Is apud  
Nobiles primò, deinde apud plebem orator sententiam de su-  
premo Regum iure contra Pontificis auctoritatem, quantum  
potuit, publico odio exponere atque infamare conatus est; vt

quæ schismatibus & hæresibus fenestram aperiat, & talis omnino, ut sibi & Coepiscopis suis omnes martyrij cruciatus potius æstimet subeundos, quàm illam probandam. Atque hoc in eo magis quàm in alio videatur mirum, qui Regem Henricum olim sequutus est contrarijs tunc sacris imbutum, & Pontificis sententia abdicatum: ac non ita pridem Luetiæ in conuentu apud Dominicanos Pontificio Legato temporalem hanc in Reges potestatem pro articulo religionis obtrudenti acerrimè restitit. At hic gemina oratione palinodiam canit, vitæ & sententiæ prioris iudex ipse & condemnator, in eo scilicet tempore atque occasione prudenter obsequutus. Non enim tutum erat Henrico imperante vel cogitare, quod postea filio succedente aggressus est; quem ætas tenella & regni nouitas, fraudibus & iniuriæ oportunum fecerunt.

Cardinalis ne Pontificem offenderet, è duabus orationibus, alteram ad Nobiles suppressit, in qua potestatem hanc Pontificis dicere non semel ausus est problema, mihi verò à Catholicis subditis professus est obsequium deberi: quum sciret dogma hoc vel maximè necessarium videri Pontifici, omnemque in me Papistarum meorum fidelitatem eidem improbari. Quòd si alterius orationis compendium bona fide editum est, ubi Pontificem Venetorum Duci assimilât, qui non suo sed Ecclesiæ nomine honores gerat: non miror si eam sententiam & similes, ne Sanctitatem illius offenderet, expunxerit.

Satis ergo ei fuit in Tertij Ordinis confessu habitam orationem edere, cuius exemplar ad me pro sua beneuolentia transmisit; quam simul ac perlegi statim intellexi, quantum idem homo, dum ex animi sententia loquitur & contra conscientiam cauillatur, sibi ipse dissimilis sit. ubique enim sibi repugnat, & ne intelligatur, id verò unice videtur formidare.

Fatetur primò neque ex sacris literis neque veteris Ecclesiæ decretis, neque Ecclesiasticarum actionum consuetudine quicquam certi in proposita quæstione posse definiri. nihilominus fieri

Duodecim rationibus euincitur Cardinalis loqui contra mentem suam.

fieri posse negat, ut hæc Papæ in Principes potestas damnetur, quin eadem operâ efficiatur multis retro sæculis nullam fuisse, aut esse Ecclesiam; sed meram Antichristi Synagoga. Suadet præterea auditoribus, ut eam doctrinam habeant non pronecessariâ, sed in utramque partem disputabili; interim eos vult Papæ & Cleri iudicio se submittere, quorum sententia de tota re iam pronunciatum est.

Deinde admissò hoc Tertij Ordinis Articulo Papam affirmat probari Antichristum: ait tamen contrariam in Gallia Pag. 99. sententiam à Papa tolerari, sed ea lege, ne illam urgeant ut dogma fidei: quasi verò Papa contraria suis dogmata permetteret, ea præsertim, unde ipse Antichristus efficitur.

Quartò, Martyrij pœnam subiturum se profitetur potius, quàm ut approbet doctrinam, quæ sceptrâ imperio Pontificio eximit: & tamen disertè dicit licere Gallis, per indulgentiam Papæ, eam habere problematicam: unde sequitur Martyrium tali causa susceptum fore etiam problematicum; nec absurdè posse disputari, utrum id scelus an furor, an iure inflictâ pœna debeat censi.

Quintò, Regicidas omnibus diris deuouet: mox ut se explicet, de Regibus dum manent Reges intelligendum id ait. atqui Rex abdicatus (ut notum est) Rex esse desinit. ergo Henrici III. à Papa abdicati peremptor Regem è medio nullum sustulit.

Sextò, Regem non patitur occidi: vult tamen omni ope exarmari, qua vitam suam aduersus percussores tueatur.

Septimò, cædem Regis conductam & subitam non probat, Pag. 69. & 97. ne unâ cum corpore anima intereat. at in acie aut conflictu iugulari non improbat: tanquam miselli Regis animæ optimè tum foret prospectum.

Octauò, concedit in Rege abdicato characterem politicum relinqui, vel aptitudinem aliquam, cuius virtute, modò respiscat, regno possit restitui; quasi ea à nouo regni in seffore cha-  
ritas



ritas certò speranda esset, ut deiecto aut vitam relicurus, aut pœnitenti regnum suum bona fide reddidurus esset.

Nonò, in hac quæstione profitetur se ubique Scepticum, nihilque in alterutram partem definire: interim quanta potest animi contentione sententiã quæ Reges Pontifici mancipat, confirmat: aduersariorum obiecta dissoluit; Pontificum, Conciliorum, & nominatim Lateranensis sub Innocentio iij celebrati decreta, adeoque Ecclesiæ assensum producit, cui si quis velit resistere schismatis se facit auctorem eademque operã negat ullam fuisse multis retro sæculis in terris Ecclesiam: quæ assertio (nisi me fallit animus) non problematica, sed definitiua habenda est.

Decimò, unicam statuit Regis deiiciendi causam vel hæresin vel apostasiam vel infidelitatem. At ubi ad rem ventum est, sententiam eam satagit probare exemplis eorum Regum, quos Papa non hæreseòs aut apostasias nomine, sed matrimonij aut causæ alicuius ciuilis prætextu, aut etiam propter ingenij tarditatem maiestate exiit.

Undecimò, sacræ Scripturæ, & Patrum, & recentiorum Historicorum tam aliena à negotio adducit testimonia, & fide tam lubrica (quod infra patebit) ut vir omni doctrina instructissimus, qualem omnes eum norunt, satis prodat, relutante conscientia hæc dixisse.

Et quum per hæc omnia gratificetur Pontifici, verba tamen nonnulla excidunt incanto, quæ bilem huic moueant: quando Papam (Concilio, Papa sententiam Gallorum iudicio subijcit, ut suo loco docebitur: & quãdo adductis Pontificum & Conciliorum tot decretis, in Confessu amplissimo, profitetur nihilominus se problematice differere, nihil certi statuere quasi post definitam Pontificum & Conciliorum arbitrio litem Cardinalem dedeceret constanter & sine hæsitatione loqui: aut deceret ea de re ut probabili & dubia differere, cuius fidem non dubitet vitæ suæ periculo tueri. Ad hæc, si quod olim contra

sensit

*sensit & publicauit cum hac oratione conferatur, nemini dubium esse poterit, quin refragante conscientia hic loquutus sit.*

*Horum omnium plenius elucebit veritas, ubi ad rem ipsam ventum fuerit; & orationem, quam ille in Regum dedecus regnorumque exitium adornauit, Deo auspice singulatim excussit: non quod cum Cardinale congregi mihi putem gloriosum; aut ignorem, quantum infra Reges, quos diuinum idioma Deorum titulo dignatur, sit hæc velitatio; cum Cardinalium decus omne merè humanum, herique natum alibi probauerim. Sed quia hæc causa Regum omnium interest; & Cardinalis non priuatam hinc, sed Nobilitatis & Cleri personam gerit; qua fretus in Tertium populi ordinem liberius inuehitur: & de me quoque loquitur ut seditionum artifice, & Ecclesiæ persecutore, cuius sub imperio ægrè liceat Catholicis inter exquisita supplicia respirare: & Articulum hunc Tertii Ordinis marinum monstrum appellat è Britannia adnatans: adde, quòd cum eò miseriæ deuenerit res Gallica, ut homini Gallo pro Rege suo loqui sine piaculo non liceat, loquendi necessitas incumbit iam vicinis, quò veritati sub violentiæ onere gementi, ac tantum non sepultæ vox de longinquo inspiretur, longè latèque sonatura.*

*Affectatas aliquot elegantiarum minutias toto libello resperfas omittam; Periclem, Agesilaum, Aristotelem, Minoem, Druidas, Matronas Gallicas, Annibalem, Pindarum, & Poetarum fabellas præteribo; quæ instar flosculorum rubro & cæruleo segetes variantium inutili pictura magis corrumpunt, quàm exornant; quæque nec argumenti maiestati, nec auditorum vel dicentis grauitati conueniebant. nec enim à Pericle sumendum erat exordium, sed à sacro Dei nomine. nec decorum videbatur Ethnici oratoris exemplo Regii Prophetæ verba postponere.*

*Omittam illius de Romanorum fortuna & victorijs iudicium; quos pro idolorum seruitute tot opibus & honoribus*

In Præfatione mea Apologia.

Pagg. 4

audios

auctos putat: quasi Deus esset scelerum remunerator, aut divini favoris pignus foret alienarum rerum per vim parta possessio.

Pag. 7 & 8.

Omittam & illa æternorum cruciatuum, quos leges Ecclesiastica post hanc vitam denunciant, exempla ab eo producta, Milchas Virgines, quas exanimis, & nudas scilicet traxere.

\* Arist. 1. Top.  
ait idem esse  
πρόβλημα &  
πρόβλημα,  
nam ex omni  
propositione,  
inquit, proble-  
ma feceris, si  
vtrum præ-  
fixeris, ut si di-  
cas vtrum ho-  
mo est animal  
necne? &c.


Transio quã affert problematis definitionem quòd propositio sit in fidei negotio non necessaria, cuius contradictoriam si quis teneat, non inde poenam Anathematis vel excommunicationis incurrat: *quonquam* \* Aristoteles, cui omnes Scholæ sua debent vocabula, problema esse doceat quicquid dubitandi forma proponitur, quantumvis suppte natura sit veritatis necessaria, ut Vtrum sit Deus? Vtrum sit homo animal rationale? Unde liquet enuntiationem problematicè propositam sæpe natura sua necessariam esse; ita ut si quis contradictoriam affirmaret, Anathematis & excommunicationis panam subiret. Eiusmodi plurima occurrunt, quæ, dum ad ipsum causæ caput propero, volens prætermitto.

[ \* \* ]

PRO







PRO IVRE REGIO  
CONTRA ILLVSTRISSIMVM  
CARDINALEM PERRONIVM.



N ipso orationis limine meritò agnoscit Cardinalis Perronius plus Regi Clericos debere, quàm Nobiles vel populum; quum illi opibus & honoribus suis ex solâ Regis beneficentiâ, sine sumptu & periculo fruantur; hi munia sua sanguinis & rei familiaris impensâ non sine onere & molestia tueantur. Non inde tamen efficitur, quod vult Cardinalis, *Clero esse relinquenda salutis regie contra percussores auxilia, quæ in externis suppliciis non sunt posita, vt ait, sed in ipsis Conscientiæ legibus, quæ imperant animæ.* Nec enim semper contingit, vt cæteros promptitudine officij exuperent qui plus debent. & vt demus Principis sui vitæ famæque non defuisse hætenus Clerum, non ideo tamen legum vindictam auferre debet Ecclesiastica comminatio; nec corporeas pænas excludere, quarum metu sæpius quàm Dei reuerentiâ homines improbi in officio continentur.

Quocirca populari Ordini, quum vniuersos regni ministros repræsentet qui iuri dicundo præsunt, & iura maiestatemque Principis tuentur; vitio verti non debet, quòd Regis saluti & dignitati vnice studeat; tum præsertim, cùm Clero deficiente omnis ea cura ipsis incumberet. Nonne enim à Clero sunt quæcunque timentur mala? nouissimum ciuile bellum tot innocentium sanguine, & Henrici tertij cæde funestum, nonne à Pontifice Cleri capite Regem suo solio deturbante exortum est? Prælati, Concionatores, Confessarij nonne concionibus turbulentis & confessionibus secretis oleum affuderunt incendio? Nonne è Clero fuit ille Henrici tertij percussor? Nonne Iesuita fuit *Guiniardus*, exque eadem schola *Iohannes Castellus*? *Rauillacus*, de horrendi facinoris suafore pro tribunali rogatus, nonne Quæsitores ad Quadragesimales conciones, vt ad verum motus principium, remisit?

remisit? Bellarminus, Eudæmono-Iohannes, Suares, Becanus, Mariana, cæteraque parricidalium Magistrorum portenta, æqui-uocationum in iudicijs & arcanarum confessionum patroni, nonne homines sunt de Clero; & eorum libri ab integris Doctorum collegijs probati signatique? Denique apud nos sulfureæ coniurationis adiutores & focij nonne erant de Clero? Vnus è deplorata illa cohorte, *Fauxius*, fidenter aiebat nullum se dubitare, quin quod aggressus fuerat iustissimum esset, omnibus ea de re scrupulis, priusquam è Belgio digrederetur, doctorum virorum operâ omnino exemptis. Apud illos certa res est *nullum esse ullius Regis in Clericos imperium*. Nec diffitetur Cardinalis ex fal. & pietatis zelo manasse has Regum cædes, ab ijs suggestas, qui religionem docebant. Quanquam igitur inter Ecclesiasticos reperiri queant in Gallia permulti syncero in Regem amore, quibus *Clericalis character* natiuam ex animis fidelitatem non deleuerit; quia tamen sæpius & grauius ab illis hîc peccatum est, rectissimè à Tertio Ordine fiebat, quod regie incolumitatis curam in illos non transcriberet. adde, quòd cum Ecclesiastici in rebus dubijs à Pontificis arbitrio pendeant, qui in hac causa pars est & Regum sceptrâ sibi ait obnoxia, spes nulla plebi reliqua erat eum contra se dicturum sententiam, qui antehac eam litem toties sibi adiudicauerat. Quòd si hiscè à populo oblatis remedijs nihil hætenus profectum est, non ideo id euenit, quia ea parum firma aut iusta fuerunt; sed quia ad eam rem Clerus quod & debuit & potuit, non contulit. nam libris, vnde ista nefaria seditionum & cædium consilia hauriuntur, exultis, auctores ipsi in pretio etiamnum habentur: & misero parricida morte multato ipsi immanitatis architecti publica luce & securitate fruuntur.

Temere igitur Cardinalis accurata illa oratione populum hortatur, vt toram eius negotij curam Clero permittat. & leue consilium leuore suadet argumento, *non sunt*, inquit, *certa cum inc. r. i. conf. nd. nda.*: certa hæc illi bina sunt. *I. nefas esse vlla omnino de causa Regem cædere*: quod Saulis exemplo imprimis probat, quem Dauid licet abdicatum noluit interficere: Concilij deinde Constantiensis decreto aduersus Regicidas. *II. Supremum esse Regibus Gallie in rebus terrenis imp. rum, non esse illos Papæ Feudatarios. vt alij qui sua illi sceptrâ debent, aut mancipant, nec ulli sub Sole potestati obnoxios esse.* Posterius hoc tamen humana tantum & historica fide ait constare. Tertium ponit controuersum & dubium, cuius incertitudinem cum prioribus negat rectè misceri, ne confusione omnia fiant incerta: exempli causa, si quis Princeps violato iuramento quo ad extimum vitæ spiritum se fore Catholicum Deo vouerat, ad Arianam aut Mahumetanam impietatem deficiat, armisque in Christum insurgat; an sententia iudicis regi o debeat priuari? & cuius tum sit populum fidelitatis nexu exsoluere? Ait ille

Pag. 9.

Concil. Constant. Sess. 15.

Pag. 10.



ille Ecclesiam, quanta quanta illa est, & nominatim Gallicanam, inde-  
 usque à Theologici studij initijs ad ætatem Caluini, in eo consensisse,  
 vt Apostata ille Princeps iure possit & à Pontifice & à Concilio deiici  
 de gradu : & vt vel maximè contrarium foret verissimum non tamèn  
 esse proponendum vt necessarium, aut dogma fidei, sed vt problema ;  
 de quo in vtramuis partem sine fraude sentias. Hæc est dissertationis  
 summa : quam ego ibi commodiùs refutauero, vbi hæc ipsa de integro  
 & fusius ab eo pertractantur. ibi etiam constabit ex ipsius mente *Re-*  
*ges abdicatos iure interfici : Saulem nunquam fuisse abdicatum : Nihil ad*  
*rem facere Concilium Constantiense, in quo de summorum Principum cæde ser-*  
*mo nullus. Regem Gallie non haberi à Cardinale supremi regni Dominum,*  
*cùm ab alio superiore exui possit Dominio. ab omni temporum memoria censuis-*  
*se Ecclesiam Gallicam, Reges suos à Pontifice non posse deponi. Nullam sub-*  
*esse iustam causam, cur sibi vllum Regem Papa affirmet Feudatarium, aut*  
*vllum ab ijs obsequium sceptri nomine deberi.*

In tertio igitur illo dubio & controuerso totus est Cardinalis : & si  
 quis Pontificiæ illius potestatis assertores damnare aut diris deuouere  
 ausit, illum pronunciat in quatuor manifesta incidere incommoda.

*Primum est, quòd vis inferatur hominum conscientijs, vt sub anathematis* Pag. 14.  
*periculo in eam doctrinam iurent, cuius contrariam tota olim Ecclesia Catholica,*  
*& nunc quoque approbat.*

*Secundum est, quòd funditus euertatur Ecclesiæ auctoritas ; omni hæresum*  
*generi aperiatur fenestra ; & Laicis concedatur in rebus fidei suffragium ; in-*  
*uadatur Sacerdotium, manus injiciatur arcæ, arripiatur thuribulum.*

*Tertium est, Schismatis in Christiano orbe necessitas : nam receptam catero-*  
*rum sententiam vt impiam, horrendam, diuinòque instituto contrariam nos, in-*  
*quit, damnare non possumus, nisi eadem opera ab Ecclesiæ capite & membris se-*  
*cessionem faciamus, imò ipsam Ecclesiam omnibus retro sæculis Satanae Syna-*  
*gogam & Sponsam fuisse fateamur.*

*Quartum est, quòd admissa hac populi rogatione, de suprema & prorsus ab-*  
*soluta Regum potestate, non modò eneruentur incolumitatis regie auxilia, ni-*  
*mum propositione incerta cum certis & necessarijs per imprudentiam commix-*  
*tâ : sed etiam vitam Regum & maiestatem manifestis implicari periculis per*  
*ciuilia bella, & calamitates, indiuiduas Schismatum comites.*

In his versatur eius oratio : quæ figillatim suo ordine excutere no-  
 bis animus est, & docere, nihil illis quatuor incommodis solidi subef-  
 fe ; sed mera esse illa è falsis principijs commenta. At priusquam rem  
 aggrediar, nouerit Lector statum quæstionis ab eo perueriti, re totâ non  
 modò falsò, sed etiam contra Pontificum mentem exposita, dum eo-  
 rum in Regibus abdicandis potestatem ad hæresim, Apostasiam, &  
 persecutionem restringit. longius enim multò, & latius sui imperij  
 limites producunt Pontifices ; qui ob imminuta Monachorum iura Reges



Quæst. 6.

Paul. Æmilius  
in Philippo. 3.

regnandi iure exuunt, vt docet Gregorius primus in suppositiio illo Sancti Medardi Abbatia in Sueffionibus concessio priuilegio, quod post Epistolas eius iam legitur: tum in epistola ad Senatorem, quæ decima est libri vndecimi. Item *ob ingenij tarditatem, aut regnandi impotentiam, siue illam veram siue creditam.* Sic iactat Gregorius Childericum regno priuatum à Zacharia Pontifice, *Non tam pro suis iniquitatibus, quam pro eo quod tantæ potestati erat inutilis.* Item *ob Beneficiorum & Præbendarum collationes;* vnde inter Innocentium tertium & Iohannem Angliæ Regem, inter Bonifacium octauum, & Philippum Pulcrum celebratæ lites. Item *ob adulteria & causas matrimoniales:* exemplo sit Philippus, qui repudiata Berta duxit Bertradam Comitissæ Andegauensis vxorem. Denique scire velim, quam ob hæresin aut apostasiam meruit Pontificij fulminis ictum Henricus I V. Imperator, vel Fredericus Ænobarbus vel Fredericus II. ? Eratne ob hæresin aut apostasiam, quod Martinus I V. Arragonenses à iuramento fidelitatis in Petrum Regem absoluit? Hæreticusne fuit Apostata, Arrianus, an Mahumetanus quem Iulius II. exiit maiestate pater patriæ Ludouicus ille duodecimus? Cuius hæreseôs aut apostasias reus erat Henricus III. cui potestatem abrogauit Sixtus V. vnde Rex bonus sica confossus fuit, florentissimum regnum miserè laceratum? At Cardinalis, vt Rhetorem decuit, speciosissimum colorem arripuit; ratus sibi rem esse cum hominibus rerum gestarum rudibus, & præsentis negotij imperitis: Debuerat igitur à Pontifice literas attulisse, quæ testaretur Pontifex se cæterarum causarum gratiam facere; & sola hæresi iam contentum esse, ob quam Reges posthac abdicaturus sit: nec se illa in causa iudicem fore an Rex sit hæreticus; quia si id faceret iudicem simul ageret & actorem, & fortè hæresin appellaret quæ nulla esset: nimirum, vt se regni Dominum constituat, aut alteri Dominium transcribat; qui eo nomine semper futurus esset ipsi obnoxius. Ita feròx ille Bonifacius VIII. insignitâ impudentiâ hæreticos pronunciat, quicumque Ecclesiastica beneficia à Regibus conferri posse affirmant: vbi errorem Pontificis obserua non facti sed iuris. Simile planè scelus erat, cuius prætextu Henrico I V. irati Pontifices filium aduersus patrem armarunt; cuius quoque exanimum corpus communi sepulcri honore prohibuerunt; quanquam miser de rebus Theologicis nullam vnquam mouerat quæstionem. Refert Auentinus lib. 3. hist. Boior. Virgilium Iuuanensem Episcopum declaratum hæreticum, quod antipodas esse doceret. Bulla *Exurge* quæ habetur in fine posterioris Concilij Lateranensis inter Lutheri hæreses ponit, *optimam penitentiam esse nouam vitam.* Concilium Constantiense Sess. II. inter Iohannis XXI. crimina & hoc ponit, *quod animæ immortalitatem negauerit;* addito, quod publicè aperte & notoriè id constaret. Si quis igitur Romanorum Pontificum

tificum  
rogare

culis E  
de inte  
se nec  
quàm  
culis,  
suam in  
queis c  
quinqu  
verum  
nia & V  
vereret  
deamus  
se serui  
numulti  
vel cen  
fui iuris

Ab A  
cha Co  
election  
quantu  
raperen  
Ecclesia  
catum f  
leiturgi  
lo Con  
exilium  
Hoc  
Non er

tificum eiusmodi imbutus errore Regi contra sentienti potestatem abrogaret, ægrè possem induci ut crederem iustè abrogatam.



## PRIMI INCOMMUDI

### EXAMEN.

**E**X admissa igitur Tertij Ordinis rogatione, qua Regibus Galliaë supremum ius asseritur, nulli potestati vel spiritali vel civili obnoxium, hoc primum nascitur, auctore Cardinale incommodum; quòd vis hominum conscientijs hinc inferatur, ut doctrinam vndecim sæculis Ecclesiæ creditam & vsurpatam condemnent, & detestentur. Vnde intelligendum relinquit quinque primis sæculis nec creditam fuisse nec approbatam: quod nihil aliud est, ut mihi quidem videtur, quàm suam causam vltro iugulare. Nam Ecclesia primis quinque sæculis, sub Apostolis eorùmque discipulis & successoribus, non minùs suam in Principes potestatem intelligebat, quàm vndecim sequutis; queis creuit superbia, puritas verò decreuit. Præsertim quum primis quinque sæculis Ecclesia non solum Paganis Imperatoribus seruiet, verum etiam Regibus hæreticis, quales erant Visigothorum in Hispania & Vandalorum in Africa, quorum offensam non erat cur Pontifex vereretur, tam longè extra teli iactum eorùmque ditionem positus. Videamus tamen si quid in noua Historia inueniat Cardinalis, quod cause seruiat; memores utique non esse hîc quæstionem de popularibus tumultibus, aut rebellionibus subditorum, aut excommunicationibus vel censuris: verum de iure lata abdicationis sententia in Principem sui iuris à Romano Pontifice, ut Iudice ordinario & legitimo.

Ab Anastasio igitur imperatore orditur, quem Euphemius Patriarcha Constantinopolitanus pro Imperatore noluit agnoscere, id est, eius electioni assentire, priusquam symbolo Chalcedoniensi subscriberet; quantumuis Augusta & Senatus Patriarcham per vim in contrariam raperent sententiam. Illum in hæresin relapsum & iam Persequutorem Ecclesiæ à Symmacho Romano Episcopo monitum & excommunicatum fuisse ait. eundem præterea Anastasium, quum Ecclesiasticæ leiturgiæ hærescòs suæ venenum conaretur affundere, insurgente populo Constantinopolitano à Tribuno coactum fuisse reuocare quos in exilium eiecerat Episcopos.

Hoc exemplum (pace Cardinalis dixerim) planè extra oleas versatur. Non erat Romanus Episcopus Euphemius: nec Imperatorem exuit

\* Nomo ca-  
nonis Africani  
Canon 77.

ὁρεῖται τὸ πρὸς  
τῆς κοινῆς  
τῆς ἰδίας ἐκτὸς  
ἀρκεῖται ὡς  
σας.

\* Canon 81.  
eiusdē Nomo.

ὁπὸ τῆς κοινῆς  
νομίας ἡμετέρας  
μᾶλλον τῆς αὐτῆς  
καὶ κοινῆς ἀπὸ  
καὶ μόνον.

Faber in frag.  
Hilarij, Ana-  
thema tibi à  
me, Liberi.

potestate, sed electioni tantum noluit assentire. Tumultus popularis, aut Græci Tribuni rebellio nihil Papæ iuris confert, ut Reges nulli obnoxios regnis exuat. Excommunicationis sententia lata à Pontifice, si res vera est (nam nec alium adducit testem Cardinalis, quàm Pontificem; nec fugit nos quot veterum Paparum Epistolæ, quot scripta supposititia sint) ea haudquaquam arguit depositum fuisse Imperatorem. Dicam amplius: si quis ab eo Episcopo, cui non suberat, excommunicabatur, non ideo tamen à totius Ecclesiæ communione intelligebatur excludi, sed ab eius, qui dixerat sententiam: testantur Canones Concilij Carthaginensis, quorum \* vno decretum est, ut Episcopus qui recuset Synodis interesse, hic suæ Ecclesiæ communione contentus excludatur à cæteris. In altero \* canone statutum est, ut si quis Episcopus sui Monasterij curam alieno Monacho permiserit, *ille à reliquarum Ecclesiarum communione seiunctus, sui tantum gregis communione viuat contentus*. hac mente S. Hilarius Pictaviensis Episcopus Papam Romanum Liberium excommunicavit, quod Arrianorum confessioni subscripserat. Hac mente Iohannes Episcopus Antiochenus Celestinum Romanum & Cyrillum Alexandrinum excommunicavit, quod se non expectato Nestorium damnauerant. Hac mente omnes Episcopos Orientis non suorum gregum, sed Romanæ Ecclesiæ communione interdixit Victor. His nihil simile habent diu iam Pontificibus usurpata fulmina.

Atque hinc facillè occurritur exemplo Clotarij, qui Agapeti Pontificis censuram metuens, ut cædem Walteri ab Iuetot expiaret, terram Iuetot regni titulo donavit. cuius rei testimonium nullum producit Cardinalis præter historias nongentis post annis scriptas. & mihi haud difficile esset ostendere non solitos eo sæculo Pontifices Regum Franciæ negotijs sese immiscere. Eius temporis scriptor Gregorius Turo-nensis de Regum in Episcopos vi & iniurijs multa commemorat; nominatim in Rotomagensem Episcopum Prætextatum: nihilominus Romanus Papa à monendo prorsus abstinuit. Imò Regem Chilpericum sic ipse Gregorius affatur, *Si quis de nobis, O Rex, iustitiæ tramitem transcendere voluerit, à te corrigi potest. Si verò tu excefferis, quis te corripit? Loquimur enim tibi: sed si volueris, audis; si autem nolueris, quis te condemnabit, nisi is qui se pronuntiat esse iustitiam?* Ea res nihil impèdiit, quò minùs fustigatus Episcopus in Garnesiam Insulam relegaretur. Sed nolo ego litem mouere de titulis Dominorum ab Iuetot, quos non in compensationem iniuriæ, sed in virtutis auitæ aut memorabilis alicuius pro salute Reipub. facinoris præmium credibile est collatos. Hoc tantum dico, quantumvis vera foret historia ad propositum nostrum nihil attinere, ubi de abdicandi non excommunicandi potestate agitur. Quod si Rex excommunicationis metu talia indulserit priuilegia, quid

hoc



hoc prodest vt euincas penes Papam fuisse Regem sceptro exuere? & certè hac ipsa re augetur regni dignitas, & Rex Franciæ fit Rex Regum, dum Satrapas suos regio impertit honore: quemadmodum Hispanæ magnitudinis pars censetur *Magnos illos, quos vocant, creare.*

Succedit his Gregorius primus, qui Augustodunensis Xenodochij priuilegia confirmaturus Regibus, & Prælati, ne quid derogatum cant, his verbis interminatur, *Si quis Regum, Sacerdotum, Iudicum, ac personarum secularium hanc constitutionis nostræ paginam agnoscens, contra eam venire tentauerit, potestatis honoris, que sui dignitate careat &c.* Atqui hic hallucinatur Cardinalis, dum inter imprecantem & imperantem parum distinguit. eo sensu minimus è plebe aliquis non absurdè diceret, Si quis Regum nostrorum vitam aut sceptrum contigerit, seu Imperator seu Papa, væ illi homini: pereat ei male dignitas, decus, auctoritas, mendicet, ægrotet, miser viuat, miser exeat è vitâ. Taceo quàm sit Monachis procliuè ad rerum suarum præsidium speciosa iura comminisci, quale illud est apud eundem Gregorium, sub finem Epistolarum concessum Abbatiae S. Medardi in Sueffionibus priuilegium, simili prorsus clausula: cuius priuilegij vanitas ex subscripto temporeprehenditur, anno incarnationis Dominicæ 593. Indict. x i. Nam annus Domini 593. habet Indictionem x. nec verò anni Domini calculo utebatur Gregorius in Epistolis. Priuilegium subsignant Alexandriae & Carthaginis Episcopi, quibus haud opinor notum an fuerit in natura rerum vrbs Sueffionum aut Abbatia S. Medardi. Et subsignant illi non seorsim, sed in media Italicoꝝ Episcoporum turba. Præterea, quisquis animaduernerit quanta animi submissione Imperatores compellet Gregorius, haud facile credet sibi potestatem auferendi dandique regna vnquam arrogasse. Se appellat *Indignum Imperatoris famulum, se Domino suo loquentem agnoscit nihil esse aliud, quàm puluerem, & vermem.* Profitetur se Imperatoris iussioni subiectum, *Caesaris legem quandam publicasse Omnipotenti Deo minimè concordantem.* Quod nobis alibi fusiùs tractatum est.

Subiungit Cardinalis, vt Iustinianus secundus Sergio Romano Pontifici iratus, quod Pseudosynodum Constantinopolitanam non probaret, eum per Zachariam militiæ præfectum iusserit comprehendi; at Romanus exercitus, id est, cohortes Imperatoris per Italiam Zachariam non sine conuiitijs repulerint. Verum ignoscet mihi, si mentem eius in hoc exemplo non assequor, vbi de abrogato imperio aut Pontificis decreto verbum nullum.

Habemus post Christum natum septingentos & duodecim annos, quibus nihil inuenire potuit Cardinalis, quod vel in speciem faceret pro causa. Nam ab eo productum Imperatoris Philippici exemplum ad annum septingentesimum duodecimum pertinet. res autem ita se

Epist. 6. l. 3. ego autem indignus pietatis tuæ seruus &c. ibid. ego verò hæc Dominis meis loquens quid sum nisi puluis & vermis? & epist. 61. l. 2. ego quidem iussioni subiectus.

habet. Philippicus Bardanes cultum imaginum vetabat, easque iube-  
bat confringi. Ea tempestate in Occidente attritum erat imperium, &  
in Oriente Saracenorum armis valde concussum. ad hæc mala, impli-  
cabatur Imperator ciuili bello. Italia ferè penes Longobardos erat, præ-  
ter Exarchatum Rauennæ & Ducatum Romæ, & hæc per ignauiam  
Imperatoris pænè etiam deserta. Constantinus Papa hanc occasio-  
nem arripuit, vt & potentiam suam augeter, & Imperatoris, Domini  
sui iugum excuteret; itaque suscepto Imaginum patrocinio, conuoca-  
toque Còncilio obtinuit, vt hæreticus declararetur Cæsar; cuius nec  
literæ nec signata pecunia Romæ reciperentur, nec statua de more col-  
locaretur in templo. gliscente tumultu, cuius flabellum erat Pontifex,  
Iohannes Exarcha Rauennæ cæsus fuit. Apparet hîc subditi rebellio  
in Dominum; vt urbem imperij inuaderet: at decretum abrogatæ po-  
testatis nullum apparet. Nec tamen res illi cessit ex voto: nam Roma  
mansit in fide, & obsequio Cæsaris.

Duodecim post annis Leo Isaurus, quem Cardinalis Iconoclastem  
vocat, cultores imaginum grauissimè affligebat. Hic Gregorius I. de-  
cessoris sui vestigijs insilens, cùm Romam aduerteret negligentius  
custodiri & Imperatorem alibi impediri, urbem primò rebellem fecit,  
deinde suam. At non parum hæc inter se differunt: Cæsari potestatem  
abrogare, & urbem dominandi libidine aduersus Dominum concit-  
rare. Si Romam Cæsari ademisset Papa vt alteri traderet, speciem sanè  
aliquam res haberet. nunc cùm rem alienam inuaserit quam retinuit  
sibi; rebellionis ambitionisque crimen est. Nec enim censura Eccle-  
siastica habenda est, si peccatori pallium aut crumenam eripiat Pastor,  
vel rem alienam faciat suam. Hoc etiam obserua, cæpisse hanc Ponti-  
ficum audaciam cùm marcesceret Cæsaris virtus, & iniurias auferrent  
impunè. Veruntamen non cessit hic Imperator; sed misso Legato Ro-  
mam recuperauit. Gregorius autem tertius, qui secundo successit, Cæ-  
sarem agnoscit Dominum, vt testantur binæ illius ad Bonifacium epi-  
stolæ, hac subscriptione: *Data X. Kalend. Decemb. imperante Domino p̃ys-  
simo Augusto Leone à Deo coronato, magno Imperatore anno X. imperij eius.*

Nec maiore fide Zachariam Pontificem adducit Cardinalis, cuius  
authoritate Gallos affirmat sacramento absolutos, quod dixerant Regi  
Childerico, idque authoribus tantum nouitijs, Paulo Æmilio & Tille-  
to. Nam qui ætati Childerici propiores sunt testantur id à Gallis spon-  
te sua factum, petito duntaxat à Zacharia consilio, non permissione  
aut venia. Ado Episcopus Viennensis in Chronico, *Franci (inquit) per  
consilium Legatorum & Zachariæ Pontificis, electum Pipinum Regem sibi  
constituunt.* Trithemius in Annalium compendio: *Childericus Franco-  
rum Rex regno suo tanquam indignus qui imperet, non sine regni consensu acce-  
dente etiam Papæ Zachariæ consilio deiectus est.* consentiunt Goteфридus  
Viter-

Viterbiensis Chronici parte XVII. & Guaginus in Pipini vita. Facile erat dare Pipino regni illius occupandi consilium, quod ne occuparet impedire non poterant; & cuius diu antè nihil illi deerat, præter nomen. Gentis simplicitas, & imperitia rerum, tum Theologiæ & scientiarum ignoratio iuebant foris consilium petere: quod in hoc negotio potius in speciem fecerunt, quàm quia facere necesse erat. Et Pontifex non inuitus demerebatur Pipinum, cuius auxilio contra Longobardos opus habebat, Imperatoris Constantinopolitani, Domini sui, imbecillitati diffusus. Quòd si Deum potius respexisset Zacharias, quàm commodum suum, nunquam ille seruo consulisset in Dominum insurgere, per causam tardioris ingenij. furiosis prospiciunt Leges dato curatore, non ablato patrimonio: crimina puniunt non morbos. Et mos regni Gallici obtinuit debilitata Regis mente Reipub. onus Vicario imponere. ita Carolo VI. iam phrenetico prospectum fuit, non abrogata potestas, decreto Pontificis. Nec sanè æquum est, vt Parentum debilitatem luant filij: quod Childerici familiæ contigit, à successionis iure propter hanc causam perpetuò seclusæ. \* Factum excusat Pag. 34. Cardinalis Perronius, quòd Childerici abdicatio obliquè tantum & ex accidente ad religionem spectaret, quum Gallia ex debilitate Regis periclitaretur de Christiana religione, ingrauescentibus nempe Saracenis. Quæ si commoda ratio est videndum tamen erat, an inter proximos Regis hæredes reperiri posset aliquis regno habilior: non per certam abdicationis iniuriam incerti periculi metus vitandus. Quanto melius erat Carolum Martellum Pipini patrem imitari, qui longe præsentiore in periculo Saracenos prope Dominos Galliæ repulit atque oppressit; &, cum Remp. administraret, Maior Palatii dici contentus sceptrum haud vnquam inuasit? Quid quòd iam pridem fractæ erant Saracenorum opes, nec vllum in Gallia regnante Childerico bellum formidabile? Scotiæ regnum administrabat Vallas, dum capitalis eius hostis, sed verus regni hæres, Brussius in Anglia attineretur captiuus. Ea tum erat illius authoritas, vt etiamnum legum vim habeant quæcunque decreuit. & videri poterat Brussij odio regnum non iniuria affectaturus. at ille nullum assumpsit titulum nisi Præsidis, vel administratoris regni, eâ (vt apparet) doctrinâ non imbutus, quæ sceptrum Regum mancipat Ecclesiæ. vide igitur quòd regia dignitas ex calculo Cardinalis reciderit: nimirum medicos suos mittet Pontifex, inspecturos, an Regi sanum sit sinciput: vt si quid debile deprehensum fuerit potestatem in alium transferat. nec erit arduum causam inuenire, quæ oblique saltem & ex accidente ad religionem pertineat. Dicent hæreticos in regno esse, & prouidendum ne crescant. aut si de coniugio agitur; dicent matrimonium esse Sacramentum: & per consequens de religione agi. Ita religionis nomine non solum venient Regum vitia, sed & morbi:



morbi: & errasse se comperiet Cardinalis, quòd potestatem Pontificis, qua Reges solio deturbat, ad heresin, apostasiam, & persecutionem Ecclesiæ restrinxerit.

Pag. 26.

Sequitur Leo III. Pontifex qui reapse (si Perronio credimus) omnes subditos Occidentis sacramento fidei, quod Græcis Imperatoribus dixerant, absoluit, postquam Cæsarem inaugurasset Carolum Magnum. Hoc exemplum falsò allegatum est & contra veritatem historiarum. nec enim comperietur, non dicam, Prouincia, sed nec homo, qui Papa authore Dominum ea tempestate mutauerat, à Græcis Imperatoribus transiens ad Carolum. Cedo urbem, quam vna cum titulo imperij occidentis acquisierit Carolus? diu ante amiserant Græci Occidentis imperium. quòd igitur Leo Papa id ijs abstulerit perinde est ac si hodie Ducatum Mediolanensem Gallorum Regibus, aut Germanorum Imperatoribus urbem Romam auferret Pontifex, propterea quod hi olim illa habuerint. Aufert Pontifex eodem, modo quo donat. nam vt donare solet quod ipse non habet aut quod is qui accepit ante habebat, ita Imperatoribus & Regibus quæ non habent aufert, vt Græcis imperium Occidentis: hoc est nudo vestem adimere & mortuo vitam. Fuit sanè Carolus Magnus à Pontifice coronatus, donatus imperio ab eo non fuit; quemadmodum nec Episcopus regnum tribuit qui Regem coronat. alias Papa Ostiensi Episcopo, à qua iam olim solet coronari, Papatum ipsum deberet. Mos erat vt Imperator inauguraretur Rex Italiæ ab Archiepiscopo Mediolanensi, cui tamen regnum Italiæ non ferebat acceptum. Quod si Carolo Magno imperium contulisset Pontifex, illum ipsa coronationis hora non adorasset: quod ex Adone eorum temporum æquali intelligitur, *Perfectis* (inquit) *laudibus à Pontifice more Principum antiquorum adoratus est.* & ex Auentino lib. 4. Annal. Boior. *Posthac* (inquit) *ab eodem Pontifice, vt cateri veterum Principum, more maiorum adoratus est Magnus.* idque Faucheto Præsidi in suis antiquitatibus animaduersum est, & Petauio Parisiensi Consiliario in sua ad Eusebij, Hieronymi, & Sigeberti Chronicon præfatione.

Populus igitur Romanus fuit qui titulo Imperatoris ornauit Carolum, vt docet Sigebertus ad annum 801. *Romani* (inquit) *uno omnium consensu Carolo Regi imperatorias laudes acclamant, eumque per manus Leonis Papæ coronant Cæsarem & Augustum appellant.* Item Marianus Scotus. *Sed iisdem temporibus Carolus Imperator à Romanis vocatus est.* Et Platina in vita Leonis III. *Pontifex post solennia sacra populi Romani scito ac precibus Carolum magna voce Imperatorem decernit.* Auentinus: *Imperium transferre iure suo in Germanos, Carolumque tacito Senatus consulto plebis citòque decernunt.* Suffragatur Sigonius regni Italiæ lib. 4.

Verum esto, quia ita libet Cardinali Gracos Cæsares à Pontifice Occidentis imperio fuisse exules. at quamobrem tandem & quo crimine

mince  
nante  
erant  
num  
abrog  
rius ia  
videba  
buit p  
imper  
Maxim  
Tr  
sem, q  
termin  
quælo  
in prin  
fuit? D  
Princip  
Subi  
lum &  
Tanc  
sum Im  
qui prin  
commu  
isset, rei  
mortis  
ad annu  
peccasse  
bolo, cont  
dictum c  
gentiam  
huic coc  
thædra ad  
forti Simi  
tur intelli  
lia schism  
minem  
os decess  
latronib  
uento sce  
cap. eius l  
excommu  
Quod

mine id meruerunt? Nam Irene & Nicephorus, penes quos fuit regnante Carolo imperium Orientis, hæreseos damnati à Pontifice non erant. Quid igitur? Monet Cardinalis eorum decessores Constantinum & Leonem hæreticos & persecutores fuisse. Ecce igitur causam abrogandæ orthodoxo Principi dignitatis, hæresin non illius, sed alterius iam pridem mortui. Rem miramur. Contra enim dupla illi gratia videbatur deberi, quòd veritatem à maioribus afflictam restituerit, debuit procul dubio Pontifex Sylvester Constantino Magno abrogare imperium propter infidelitatem, sæuitiam, paganismum Diocletiani, Maximiani, & Maxentij, quibus successit.

Transit hinc Cardinalis ad Fulconem Archiepiscopum Rhemensem, qui Carolo Simplici præter excommunicationis pœnam etiam interminatus est se non mansurum in obsequio & fide. Quorsum hoc quæso? Nam quis nescit omni ævo fuisse homines procaces paruaque in principes reuerentiâ, ignavos præsertim illos & simplices, qualis hic fuit? Deinde ubi in hoc exemplo vlla Papæ mentio aut abdicationis Principum?

Subiungit Cardinalis Philippi Regis Galliæ exemplum, sed mutilum &, vt postdocebitur, peruersum.

Tandem nos ducit ad Gregorium VII. Hildebrandi nomine famosum Imperatorum flagellum, bellorum facem, sui sæculi opprobrium; qui primus rem sine exemplo ausus est Henrico III. Imperatore excommunicato deiectione. Hic postquam Europam sanguine miscuisset, rei magnitudine & moerore oppressus obiit Salerni. ubi in agone mortis positus Cardinale quem amabat vocato (vt refert Sigebertus ad annum 1085.) *confessus est Deo & S. Petro & toti Ecclesiæ, se valde peccasse in Pastoralis curâ, quæ ei ad regendum commissa erat, & suadente diabolo, contra humanum genus odium & iram concitasse. Tunc demum misit prædictum confessorum ad Imperatorem & totam Ecclesiam, vt optaret illi indulgentiam quia finem vitæ suæ aspiciebat.* Etiam Benno Cardinalis Gregorio huic coeuius, qui eiusdem vitam descripsit, testatur, *Quamprimum è Cathedra ad excommunicandum Casarem. de sede surrexerat, sedem nouiter lignis fortissimis compositam subito scissam fuisse in plures partes, vt manifestè daretur intelligi seffor tam periculosâ excommunicatione quanta, quàmque terribilia schismata seminare contra Ecclesiam Christi.* Enimuero huiusmodi hominem pro exemplo adducere, qui nouâ & inauditâ audaciâ omnes decessores inertiae, inscitiaeque condemnauit, quod aliud est quam latronibus in disciplinam nos tradere, & priscam virtutem recens inuento scelere corrigere? id quod Otto Frisingensis in vita Henrici III. cap. eius lib. 3. 1. aduertit, *ante hunc Imperatorem sibi neminem inuentum qui excommunicatus aut regno pulsus fuerit à Pontifice.*

Quod si exemplis agendum est iudicet Lector vtrius plus tribuendum

dum, recentibus ne illis & plerumque irritis Regum à Pontificibus deiectorum, an antiquis illis & efficacibus Pontificum à Cæsaribus & Regibus.

Imperator Constantius Liberium Papam Rôma expulsum relegauit in Beroen, suffecto in eius locum Felice. Arianus erat (fateor) Constantius, & fecit inique: at à veteribus non damnatur, quòd hominem in quem nihil habebat iuris punierit, sed quia Orthodoxæ fidei infensus aduersus innoxios sæuebat.

Imperante Valentiniano primo anno Domini 367. dum Episcopatum ambiunt Damasus & Vrsicinus, tumultus Romæ exortus est, in quo cæsi sunt centum & triginta septem homines. Honorius Cæsar ut eiusmodi casibus occurreret legem tulit quæ habetur in Decreto Dist. 79. his verbis, *Si duo fortè contra fas temeritate concertantium fuerint ordinati, nullum ex ijs futurum sacerdotem permittimus.* Hanc legem sequutus idem Honorius Bonifacium & Eulalium competitores vrbe exegit, & breui post tempore Bonifacium reuocauit.

Theodoricus Gotthus Italiæ Rex Iohannem Episcopum Romanum Legatum misit, ad Iustinianum Cæsarem, & reuocatum coegit mori in carcere. Idem Rex Petrum Altini Episcopum misit Romam, ut in causâ Symmachi Papæ qui multorum criminum postulabatur Iudex federet.

Theodatus Rex circa annum 337. Agapetum Pontificem ut ageret de pace misit ad Iustinianum Cæsarem. illi in legatione ea mortuo suffectus est Regis iussu Syluerius, qui per Belizarium Cæsar's Legatum eiectus est in exilium. successit Syluerio Vigilius, qui papatum à Belizario pretio coemit. Eum Iustinianus Constantinopolin accitum primò quidem honorificè accepit, mox liberiùs loquentem pæne ad mortem cædi iussit, & resti collo iniecta tanquam latronem per urbem trahi, ut refert Platina. Similia his inuenies apud Nicephorum lib. 26. cap. 17.

Anno 654. Constans Imperator Martinum Papam catenis vinctum relegauit in Chersonesum, vbi & mortuus est. Ea tempestate Pontifices, cum ad Cæsarem scriberent non nisi supplicantium verbis utebantur, se sacræ Maiestatis genibus aduolutos prompte facturos mandata. Imperatori viginti auri pondo Inuestituræ nomine soluebant (ut videre est in authentica Iustiniani 123. cap. 3.) cuius tributigratiam fecit Agathon Pontifici Constantinus Pogonatus, anno 679. ut alibi nobis animaduersum est.

Et si vero ex profusa Caroli Magni & Ludouici filij munificentia in immensum creuissent Paparum opes & dignitas, Imperatores tamen Occidentis pro suo arbitratu eos creabant deijciebantque. Hadrianus I. Pontifex se volens submisit iugo; & eodem auctore in Concilio

Conci  
ficem,  
est de  
Anno  
Leone  
thonib  
Pontif  
est pot  
per mu  
dentem  
nec eò  
rent à P  
Cum  
gis exco  
Papa in  
impiè c  
his verb  
agebat. V  
Benedi  
trio non  
nicatus.  
sum est, e  
municare  
geros pra  
nimè obte  
quorum co  
Post h  
culo de d  
Waldrad  
censura a  
tiam, sapi  
municari  
regnum d  
pam oppr  
nalib. Boi  
Et quu  
Carolo C  
beret, idem  
mis literis  
Ecclesiasti  
dicunt: N  
strorum mis



Concilio lata lex fuit, penes Carolum Magnum ius esse eligendi Pontificem, & quæ sedis Romanæ essent ordinandi. Ea constitutio inserta est decreto Romano dist. 63. Can. *Hadrianus*. & diu quoque obtinuit. Anno 963. Iohannem XIII. Papatu deiecit Otho Imperator, surrogato Leone VIII. Ita Iohannes XIII. Gregorius V. & Silvester II. ab Othonibus ad Papatum euecti sunt. Anno 1007. ab Henrico II. tribus Pontificibus, vel vt Platina appellat *tribus teterrimis monstribus*, abrogata est potestas, Benedicto IX. Silvestro III. & Gregorio VI. Idem mos per multa sæcula inualuit vsque ad Gregorium VII. qui totum Occidentem diris implicuit bellis. Inde res imperij cepit rueri in peius, donec eò seruitutis redacti sunt Imperatores, vt imperij coronam sumerent à Pontificibus.

Cum Gallia mitius actum est. Primus omnium Gregorius IV. Regis excommunicandi consilium cepit circa annum Domini 832. Hic Papa inter medias regni turbas cum filijs Ludouici Pij, qui in patrem impiè coniurarant, fœdus fecit, vt testatur Sigebertus ad annum 832. his verbis : *Gregorius Papa in Galliam veniens contra Imperatorem cum filijs agebat*. Verum annales eo tempore conscripti & Continuator Aimonij Benedictini testantur Franciæ Episcopis constitutum fuisse illius arbitrio non cedere, & si excommunicaturus venisset vt rediret excommunicatus. Verba Chronici Dionysiani sunt : *A Domino Apostolico responsum est, eum non aliã ob causam aduenisse, quàm vt Regē & Episcopos excommunicaret, si qua in re se Ludouici filijs aduersos, aut aduersus Papam immorigeros præstitissent : Quibus auditis Prælati responderunt se hoc in casu illi minime obtemperaturos ad Episcopos eos excommunicandos ; cùm Canonum antiquorum contra moneret autoritas*.

Post hæc Nicolaus Papa Lotharium excommunicauit (nam eo sæculo de depositione verbum nullum) vt ea ratione cogeretur dimissa Waldrada Thetbergam coniugem resumere. Qua de re extat Gallorum censura apud Hincmarum Episcopum Rhemensem in hanc sententiam, sapientibus videri nullius facinoris obtentu posse Regem excommunicari à suis Episcopis aut iudicari ab alienis, eò quòd soli Deo qui regnum dedit obnoxius sit. Scripsit quoque Clerus Gallicus ad Papam opprobrij & contumeliæ plenas literas relatas Auentino in Annalib. Boior. vt *latronem & lupum & tyrannum* appellarint.

Auentinus  
Annal. Boior.  
lib. 4.

Et quum Hadrianus Papa pro imperio & sub anathematis poena Carolo Caluo iniungeret, vt Lotharij regnum filio Ludouico transcriberet, idem Hincmarus, vir magnæ tunc authoritatis, Papam grauissimis literis commonuit ; in quibus præter cætera hæc habentur, *Quod Ecclesiastici & Sæculares, qui Rhemis conuenerant, impropere dixerunt, & dicunt : Nunquam huiusmodi præceptionem ab illâ Sede ulli prædecessorum nostrorum missam fuisse*. Et paulò post. *Nec etiam ab hæreticorum vel schismatico-*

maticorum, siue tyrannorum Imperatorum, ac Regum, quales fuerunt Constantinus Arianus, ac Apostata Iulianus, & Maximus tyrannus, præsentia & salutatione siue colloctione sedis Apostolica Pontifices, vel alij magnæ authoritatis atque sanctitatis Episcopi, cum locus, ac ratio, ac causa exegit, se subtraxisse leguntur. Et paulò inferius. Propterea si Dominus Apostolicus vult pacem querere, sic pacem querat, ut rixam non moueat: quia nos non credemus ut aliter ad Regnum Dei peruenire non possimus. si illum quem ipse commendat terrenum Regem non habuerimus. addit Hincmarus Episcopos & Nobiles eiusmodi minis vsos in Pontificem, quas non ausit referre. Quod ad Regem attinet, ecce quanti fecerit mandatum Pontificis. Nam inter Hincmari epistolas extant Caroli Calui literæ ad Hadrianum, cui postquam superbiam & ambitum exprobrasset, sic exclamat: *quis hanc inuersam legem infernus euomuit? quis Tartarus de suis abditis & tenebrosis cuniculis eructauit, contra quàm sacris literis ostensa nobis est via?* Vetat denique Rex ne ad se vel Episcopos suos eiusmodi mittere ausit mandata, nisi certum dedecus & infamiam ex audacia referre velit.

Regnantibus Hugone Capeto & filio celebratum est iubente Rege Concilium Rhemense, quod in omnium manibus habetur, vbi Arnulphus Aurelianensis Episcopus totius Concilij nomine Papam Antichristum pronunciat, & tanquam monstrum describit, cum propter flagitia quibus ea tempestate cooperta erat Romana sedes, tum quòd Papa muneribus corruptus, nominatim generosis equis acceptis, Arnulphum Exarchiepiscopum Rhemensem contra Regem tueretur.

Quum Philippus I. dimissa Bertha Comitissæ Holandiæ filia Bertradam Comitissæ Andegauensis adhuc viuientis vxorem sumpisset, Urbanus Papa neglecto Antipapa Regem excommunicauit, & subditos sacris interdixit, ut refert Cardinalis. sed duo in hac historia præcipua mittit, vnum est quod Regi non fuerit abrogata à Pontifice potestas; vnde efficitur abrogandi potestatem nullatenus hinc euinci: alterum est, quod nihil per Papales censuras detractum fuerit Regis auctoritati & imperio & quod Iuo Carnutensis, qui stabat à partibus Urbani, rerum suarum damno & carcere mulctatus sit, ut ipse Epist. 19. & 20. conqueritur. & Cardinalis, si ei heri sui dignitas curæ fuisset, nullum vnquam meo iudicio de regni alicuius interdicto verbum fecisset. Nam dum Pontifex Regem ulturus regnum illigat interdicto, regis culpæ supplicium transfert in Populum. obserantur enim durante interdicto templa omnia, cessat publicus Dei cultus, silent campanæ, Sacramentorum vsus suspenditur, destituuntur corpora mortuorum, nemine audente humare. & quod amplius est, opinio inualuit morientes sub interdicto nisi peculiari muniantur gratia excidere vita æterna, cum moriantur extra communionem Ecclesiæ. Quòd si pluribus annis pendeat interdictum, quot miserorum animæ luunt crimen alie-

De interdicto  
vide Tolertum  
de instructi-  
one Sacerdo-  
tum c. 53. &  
in Synod.  
Ling. apud  
Blochell. l. 2.  
tit. 15.

num?

alie  
teri  
I  
able  
raui  
dict  
fian  
Legat  
accid  
follic  
rigit,  
gno  
omne  
ensis  
tanti  
pum  
re, fu  
rum  
mariu  
Sed  
Pontif  
pamier  
am in  
fermen  
sibi vin  
Deum  
& temp  
la specta  
foribus  
quantum  
mus. D  
quas illi  
cit. Res  
corum R  
nullam.  
Ecclesiari  
Eius earum  
factas, &  
contra om  
putamus.  
His irr  
nicatione



alienum? quid enim popellus commeruit si Princeps repudiata sua alterius sibi iunxerit uxorem?

Post Philippum I. producit Cardinalis Philippum Augustum, qui ablegata vxore Engelberga, Regis Daniae filia, Agnetam Ducis Moraviae filiam duxit. quamobrem Innocentius III. & Regem & regnum Interdicto innexuit. at prudenter dissimulauit, quod in Chronico Dionysiano adiectum est, duos scilicet à Cælestino Papa super hac re missos Legatos, qui in pleno Cleri & Præsulorum Gallicorum conuentu ut canes accisis vocalibus neruis obmutuerunt, & re infecta, de cute scilicet sua solliciti, abierunt. quod paulo post tempore Cardinali Capuensi contigit, qui regnum Interdicto illigare prius non ausus est, quam ipse regno exisset. Rex irritatus iniuria Episcopos, qui consenserant audaciae, omnes dignitatibus & opibus priuauit. Nec abludit Matthæus Parisiensis, qui Pontifici per Cardinalem Anaginensem interdictum minitanti nisi cum Angliæ Rege in gratiam rediret, respondisse ait Philippum ab illius decretis, quæ æquitate non niterentur, se sibi non metueri, subdens non esse penes Ecclesiam Romanam ius ferendæ in Gallorum Regem sententiæ. id quod Ioannes Tilletus Curia Parisiensis prius scriba Baronum consilio factum testatur.

Bochell.  
p. 320.

Sed Philippi Pulcri exemplum valde est appositum anno 1302. Pontifex misso in Galliam Narbonensi Episcopo mandauit Regi ut Ampniensem Episcopum liberum dimitteret, qui ob linguæ petulantiam in Regem carcere tunc attinebatur. Et Pontifex Regi diu ante in fermento erat quod beneficiorum Ecclesiasticorum dispensationem sibi vindicasset. Itaque Roma missæ sunt literæ in hanc sententiam; *Deum time & mandata eius obserua. Scire te volumus, quod in Spiritualibus & temporalibus nobis subes. Beneficiorum & Præbendarum ad te collatio nulla spectat. Et si aliquorum vacantium custodiam habeas, fructus earum successoribus referues. Et si quæ contulisti, collationes tales irritas decernimus, & quantum de facto processerunt, reuocamus. Aliud credentes hereticos reputamus. Data Lateran. &c.* Venit Lutetiam Legatus cum lepidis literis, quas illi per ministros regiones ereptas Comes Artesia in ignem coniecit. Responsum Regis ad Papam sic habuit: *Philippus Dei gratia Francorum Rex Bonifacio se gerenti pro summo Pontifice salutem. modicam, seu nullam. Sciat maxima tua fatuitas, in temporalibus nos alicui non subesse. Ecclesiarum & Præbendarum collationem ad nos iure Regio pertinere, & fructus earum, vacatione durante, nostros facere. Collationes à nobis hætenus factas, & in posterum faciendas fore validas, & illarum vigore possessores contra omnes viriliter nos tueri. Secus autem credentes fatuos & dementes reputamus.*

His irritatus Pontifex Regem excommunicauit: sed qui excommunicationem publicare aut ferre in Galliam auderet nemo inuentus est.

O o

Rex



Rex nihilominus Equites, Barones, Præsules Lutetiam excitos interrogauit, cui Domino accepta ferrent sua feuda & temporalia Ecclesiæ bona? Responsum est; Regi non Pontifici: quem hæreseôs, homicidij, aliorumque criminum reum agebant. Pontifex interea Alemanos & Belgas quantum poterat aduersus Galliam concitabat. At Rex in Italiam misit Gulielmum Nogaretium, qui ope Sciarre Columnæ Papam comprehendit Anagninæ, impositumque strigoso iumento Romam iussit deportari, ubi impatientia & animi ægritudine spiritum exhalauit. Deproperatæ sunt nihilominus ad Regem à successoribus Bonifacij bellæ bullæ, quæis sanciebatur præteritorum <sup>diuina</sup> vt legere est in extrauagante (*meruit*) ubi Rex *pj* & *religiosi Principis* titulo laudatur, & regno pristina restituitur conditio. Nimirum illis Galliæ proceribus alius erat animus, quàm his, quos Dominus Perronius suæ orationis fautores & patronos inuenit: alia Cleri studia in Regem, quàm nostri Cardinalis: qui vt hoc exemplum eluderet nullum excogitare potuit colorem meliorem, quàm quòd non fuerit hæc de hæresi aut apostasia controuersia. Qua in re non tantum iniustitiæ insinulat Pontificem, vtpote sine causâ Regi infestum, verumetiam mendacij; vt ex literis modo citatis apparet, in quibus Philippus arguitur hæreseôs. Addit Cardinalis inde natam quæstionem, quòd Pontifex temporalem regni Gallici potestatem ad se diceret pertinere, id est, ius regium sibi arrogaret: quòd à rei gestæ veritate abludit. Id tantum poscebat Pontifex, vt beneficia Ecclesiastica ipse dispensaret, & in temporalibus Rege esset superior quod sibi etiamnum arrogat Pontifex, Reges abdicandi potestatem sibi vindicans. Si obtendat Cardinalis habitum à Gallis Bonifacium non pro iusto Pontifice, sed iniusto sacræ sedis infessore, vt qui per fraudes & simoniam Papatum acquisierit, incumbet vtique illi dicere quis tum fuerit Papa si Bonifacius non fuerit? quod si legitimus Papa non sit, qui per dolos, largitiones, munera, Papafactus sit, vereor vt tribus vltimis sæculis vix duos inuenias legitimos.

Anno 1408. Benedictus Pontifex indignatus auaritiam & rapinas Papalis aulæ in Gallia à Carolo vi. coerceri, aduersus Regem & Proceres Bullam excommunicationis misit in Galliam. hanc Academia Parisiensis censuit lacerandam, & Benedictum (antea *Petrus de Luna*,) hæreticum, & schismaticum, & pacis turbatorem declarandum. Ita Senatusconsulto bullæ discerptæ sunt x. Iunij 1408. & decem post diebus circiter horam vndecimam ante meridiem dimisso Senatu duo Pontificis Bulligeruli furciferorum habitu ciuibus prostituti fuere ad gradus Palatij, inde in Loueram eodem habitu reducti sunt quo per ora ciuium traducti fuere, in duobus plaustris stercorarijs, pictis amicti tunicis, chartaceis intecti mitris, prosequente tubarum clangore

Vide Caroli Molinæ tractatum contra priuas datas, ubi festiui cuiusdam Arresti meminit sub Carolo vi. Theodoricus a Niem in nemore vnionis tract. 6. Et somnium viridarij.

clangore & risu publico. Tam parui fiebant illo sæculo fulmina Pontificis: quid futurum putemus, si Regis abdicandi mentio in bullis illis facta fuisset?

Anno 1510. ab Ecclesia Gallicana in Turonensi Synodo decretum est Ludouico XII. licere ineptas bullas, iniustasque censuras Iulij 11. spernere, eiusque ambitioni armis occurrere, seu excommunicaturus accederet, seu Regem abdicaturus. Et quod maius est, Rex in Pisano Concilio pronuntiavit Iulium Papatu excidisse, excusis cum hac inscriptione coronatis, *Perdam nomen Babylonis*. Respondet Perronius id factum à Gallis, quod de imperio non de religione primam quaestionem esse intelligerent: atque ita Iulium Pontificem condemnat, qui non ad religionem sed ad ambitionem censuris Ecclesiasticis vteretur: & nos monet tacite, si quando Pontifex Regem volet deicere Gallorum esse causas examinare, quas si iniquas comperiant ut decreta Pontificis abrogent & fulmina eius irrideant.

Vid. Nicolaum, Gillium.

Eiusdem abdicationis sententia fideratus est Iohannes Albretus, Nauarræ Rex, unde regnum eius ad Ferdinandum Arragonium Pontifice auctore translatum fuit. Quod si in Regem suum non melior fuisset Gallorum, quam Nauarræorum fides, sanè ex decreto Pontificis, ex mente etiam Cardinalis iniquo, Gallia Dominum mutasset. cuius decreti iniustitiam ut eleuet, negat Cardinalis præcipuam eam causam fuisse, quicquid tum obtenderit Ferdinandus: sed quia Iohannes Albretus fœdus ruperat ea sancitum conditione, ut si à Regibus Nauarræ violaretur, Nauarra ad Hispanos rediret. Ego equidem non video quo spectet inaudite hætenus inter Reges & incredibilis conditionis mentio ex ore Cardinalis, nisi ut Regi suo persuadeat excidisse ipsum omnis iuris prætextu in regnum Nauarræ. Et quod eius nunc possidet contra ius & fas possidere. Causam igitur Hispani agit aduersus suum Regem, qui si Cardinali auscultet expungere debet è titulis suis Nauarræ regnum & omnes Maiorum suorum ad illud recuperandum conatus agnoscere iniustos. Siccine verò tantam in Gallia tolerari licentiam? Siccine in amplissimo conuentu talia impune dici? causam Regis à nemine defendi? At tolerabile foret si ad illius institutum quicquam hoc attineret. Nam quid obsecro ad præsentem quaestionem faciat hoc, ubi agitur de Pontificum in abdicandis Regibus ambitione, & Gallorum in retundenda ea tyrannide constantia? quarum neutra ideo minor est, quòd hanc pro se causam obtenderit Ferdinandus. sufficit enim quòd Iulius ab hoc in illum transtulerit regnum, Franci verò Papæ obuiam ierint & Papatu excidisse pronunciarint.

Ex hac Gallorum constantia in sceptri iure asserendo nata est consuetudo pluribus post sæculis obseruata, ut nullus à Pontifice recipiatur in Gallia Legatus, nullum rescriptum mandatūque, nisi Rex consen-

Bochell.

ferit; & legatus regio aduocato summam legationis exposuerit, & Senatus singula approbarit, penes quem est videre ne quid regiae dignitati aut libertati Ecclesiae aut patrio iuri derogetur. Contra antiquum morem quum Cardinalis Balua Anno 1484. Galliam ingressus sine Regis venia Legati munia obiret, Senatus intercedente regio aduocato iussit rem à duobus è suo numero explorari: Cardinali verò sub perduellionis poena interdixit, ne quid amplius pro Legato ageret.

Anno 1561. die Veneris, qui duodecimus erat Decembris, Magister Iohannes Tanquerellus Theologiae Bacchalaureus iussus est decreto Senatus publice agnoscere ineptè & temerè fuisse à se hanc propositionem defensam, *quod Papa est Vicarius Christi, Monarcha habens potestatem spirituales & secularem, & quod Principes suis praeceptis rebelles punire potest dignitatibus*. Ita coactus est Tanquerellus eam doctrinam reuocare multum licet protestatus *doctrinaliter tantum & non iuridicè* à se fuisse propositam. Respondet Cardinalis alienam esse à quaestione hanc historiam, quum in Tanquerelli thesi de haeresi vel apostasia non agatur. ego affirmo agi cum de contumacia in Pontificem agatur. nec enim negabit, opinor, rebellare Pontifici quisquis contra monitum Pontificis perseuerat in haeresi. adde quod superioribus exemplis satis edocti sumus, nunquam passurum Pontificem vt Regum abdicandorum potestas ad haeresin & infidelitatem restringatur.

Flagrante in Gallia bello Ciuili Fæderatorum, anno 1591. Gregorius XIV. missis Roma monitorijs bullis Henricum IV. denunciavit regno inhabilem, quòd hæreticus esset & in hæresin relapsus, regnum verò in prædam exposuit. quæ bullæ iussu Supremi Senatus in Turonibus conuocati dilcerptæ sunt, & carnificis manu in ignem coniectæ. Decreti tenor hic erat. *Senatus expensis regij aduocati rationibus decreuit & decernit bullas monitoriales, datas Romæ 1. Martij 1591. nullas esse, abusuas, seditiosas, damnabiles plenas impietatis & imposturae, sanctis decretis, iuribus, immunitatibus, & libertatibus Ecclesiae Gallicanae contrarias. Earum exemplaria sigillo Marsilij Landriani signata, à Septilio Lamprio subscripta, iubet à carnifice discerpi, & igne consumi, accenso ad eam rem pro foribus palatij*. Ea tempestate Dominus Cardinalis meliores sequebatur partes & pro Rege suo tum hæreseòs damnato stabat contra Pontificem.

Sunt hæc exempla post Scholas Theologicas in Gallia apertas, vt nos positis à Cardinali terminis coerceamus; qui parum ingenua & bona fide agit, dum ait contra Pontificis in Reges imperium tria adferri exempla Philippi Pulcri, Ludouici XII. & Tanquerelli. nec enim minus valida sunt alia multa à nobis adducta, quæ ille ne causam læderet suppressit.

Nec verò vel in vltimo seruitutis pudore vnquam defuere Gallis cordati Theologi, qui effrænè hanc Papæ in Reges tyrannidè damnarent.

Paschalis



Paschalis II. Papā Roberto Flandriæ Comiti vindictam iuiunxit in Clerum Leodiensem, quod Henrico IV. à Pontifice abdicato stude-  
rent; ut pessimis eos exemplis penderet, sicut recens Cameracenses af-  
fixerat & expilarat, promissa etiam militibus qui mandatum exequen-  
rentur peccatorum suorum venia. At Clerus Leodiensis prolixè re-  
spondit, *Romanam Ecclesiam esse Babylonem, Deum ipsum iniunxisse ut*  
*demus Cæsari quod est Cæsaris, & omnem animam subditam esse potestatibus*  
*superioribus, nemine planè exempto; iuramentum fidelitatis seruandum; id*  
*quod nec eos lateat, qui nouo schismate & nouis traditionibus regnum & sa-*  
*cerdotium pro arbitrio suo diuellunt, promittentes hominibus in Reges suos per-*  
*fidis absolutionem perfidia. Quod verò eos per opprobrium excommunicarit*  
*Pontifex, Cor Davidis (aiunt) verbum bonum eructauit, at cor Paschalis fla-*  
*giosam euomuit iniuriam, ut faciunt vetula & textrices: itaque excom-*  
*municationis sententiam ut ab insipiente profectam explerunt. Ta-*  
*lia erant Clericorum verba dum viueret Cæsar, at eo ad miserabilem*  
*mortem compulso à filio, qui auctore Papa patrem exuit imperio, nil*  
*mirum videri debet si metu mortis veniam facti petiuerint.*

Hildebertus Cenomanus, qui vixit sub Philippo I. Epist. 75. & 40. apud Regem ait opus esse exhortatione potius quàm increpatione: consilio quàm præcepto, doctrina quam virga: hunc enim gladium ad Ecclesiam pertinere, quæ nullum alium habet quàm disciplinam Ecclesiasticam.

Bernardus ad Papam Eugenium scribens, *Non monstrabunt (inquit)*  
*puto qui hoc dicent, ubi aliquando quispiam Apostolorum iudex sederit homi-*  
*num, aut diuisor terminorum, aut distributor terrarum. Stetisse lego Apostolos*  
*iudicandos, sedisse iudicantes non lego. Item, in criminibus non in possessioni-*  
*bis potestas vestra: quoniam propter illa & non propter has accepistis clauis*  
*regni celorum; præuicariatores utique exclusuri, non possessores. Et paulo*  
*post: habent hæc infima ac terrena iudices suos, & Reges, & Principes ter-*  
*ra. quid fines alienos inuaditis. & alibi: Planum est, Apostolis interdicitur*  
*dominatus: Ergo tu, & tibi usurpare aude aut Dominans Apostolatam, aut*  
*Apostolicus Dominatum. Planè ab alterutro prohiberis. Si utrumque simili-*  
*ter habere voles perdes utrumque.*

Iohannes Maior Doctor Parisiensis: *Maximus Pontifex non habet*  
*dominium temporale super Reges. Probat, nam dato opposito sequitur quod*  
*Reges sint eius vasalli. Iudicet iam Lector an non temporale habeat in*  
*Reges imperium, penes quem est temporali imperio Reges priuare.*  
*Idem: Nullum titulum habet Papa super regnum Francorum vel Hispania-*  
*rum in temporalibus. Subiungit Innocentium tertium Monspelienfi cui-*  
*dam Domino, qui pro filio notho dispensationem à se petebat quæ à*  
*Rege impetranda fuerat, respondisse, Regem Galliæ nemini esse ob-*  
*noxium. Sed dices cum glossa (inquit) non recognoscit superiorem de fa-*

Biblioth. Pa-  
trum tom. 3.De consider.  
l. 1. c. 6.

Lib. 2. c. 6.

Dist. 24. qu. 3.

4. sentent. dist.  
24. fol. 2 14.

Bochell.

ferit; & legatus regio aduocato summam legationis exposuerit, & Senatus singula approbarit, penes quem est videre ne quid regiae dignitati aut libertati Ecclesiae aut patrio iuri derogetur. Contra antiquum morem quum Cardinalis Balua Anno 1484. Galliam ingressus sine Regis venia Legati munia obiret, Senatus intercedente regio aduocato iussit rem à duobus è suo numero explorari: Cardinali verò sub perduellionis poena interdixit, ne quid amplius pro Legato ageret.

Anno 1561. die Veneris, qui duodecimus erat Decembris, Magister Iohannes Tanquerellus Theologiae Bacchalaureus iussus est decreto Senatus publice agnoscere ineptè & temerè fuisse à se hanc propositionem defensam, *quod Papa est Vicarius Christi, Monarcha habens potestatem spirituales & seculares, & quod Principes suis praeceptis rebelles priuare potest dignitatibus*. Ita coactus est Tanquerellus eam doctrinam reuocare multum licet protestatus *doctrinaliter tantum & non iuridicè* à se fuisse propositam. Respondet Cardinalis alienam esse à quaestione hanc historiam, quum in Tanquerelli thesi de haeresi vel apostasia non agatur. ego affirmo agi cum de contumacia in Pontificem agatur. nec enim negabit, opinor, rebellare Pontifici quisquis contra monitum Pontificis perseuerat in haeresi. adde quod superioribus exemplis satis edocti sumus, nunquam passurum Pontificem vt Regum abdicandorum potestas ad haeresin & infidelitatem restringatur.

Flagrante in Gallia bello Ciuili Fæderatorum, anno 1591. Gregorius XIV. missis Roma monitorijs bullis Henricum IV. denunciavit regno inhabilem, quod hæreticus esset & in hæresin relapsus, regnum verò in prædam exposuit. quæ bullæ iussu Supremi Senatus in Turonibus conuocati discerptæ sunt, & carnificis manu in ignem coniectæ. Decreti tenor hic erat. *Senatus expensis regij aduocati rationibus decreuit & decernit bullas monitoriales, datas Romæ 1. Martij 1591. nullas esse, abusuas, seditiosas, damnabiles plenas impietatis & imposturæ, sanctis decretis, iuribus, immunitatibus, & libertatibus Ecclesiae Gallicanæ contrarias. Earum exemplaria sigillo Marsilij Landriani signata, à Septilio Lamprio subscripta, iubet à carnifice discerpi, & igne consumi, accenso ad eam rem pro foribus palatii*. Ea tempestate Dominus Cardinalis meliores sequebatur partes & pro Rege suo tum hæreseôs damnato stabat contra Pontificem.

Sunt hæc exempla post Scholas Theologicas in Gallia apertas, vt nos positis à Cardinali terminis coerceamus; qui parum ingenua & bona fide agit, dum ait contra Pontificis in Reges imperium tria adferri exempla Philippi Pulcri, Ludouici XII. & Tanquerelli. nec enim minus valida sunt alia multa à nobis adducta, quæ ille ne causam læderet suppressit.

Nec verò vel in vltimo seruitutis pudore vnquam defuere Gallis cordati Theologi, qui effrænè hanc Papæ in Reges tyrannidè damnarent.

Paschalis



Paschalis II. Papā Roberto Flandriæ Comiti vindictam iuiunxit in Clerum Leodiensem, quod Hēnrico IV. à Pontifice abdicato stude-  
rent; vt pessimis eos exemplis penderet, sicut recens Cameracenses af-  
fixerat & expilarat, promissā etiam militibus qui mandatum exequen-  
rentur peccatorum suorum venia. At Clerus Leodiensis prolixè re-  
spondit, Romanam Ecclesiam esse Babylonem, Deum ipsum iniunxisse ut  
demus Casari quod est Casaris, & omnem animam subditam esse potestatibus  
superioribus, nemine planè exempto; iuramentum fidelitatis seruandum; id  
quod nec eos lateat, qui nouo schismate & nouis traditionibus regnum & sa-  
cerdotium pro arbitrio suo diuellunt, promittentes hominibus in Reges suos per-  
fidis absolutionem perfidia. Quod verò eos per opprobrium excommunicarit  
Pontifex, Cor Davidis (aiunt) verbum bonum eruebat, at cor Paschalis fla-  
giosam euomuit iniuriam, vt faciunt vetule & textrices: itaque excom-  
municationis sententiam vt ab insipiente profectam exploserunt. Ta-  
lia erant Clericorum verba dum viueret Cæsar, at eo ad miserabilem  
mortem compulso à filio, qui auctore Papa patrem exuit imperio, nil  
mirum videri debet si metu mortis veniam facti petiuerint.

Hildebertus Cenomanus, qui vixit sub Philippo I. Epist. 75. & 40.  
apud Regem ait opus esse exhortatione potius quàm increpatione:  
consilio quàm præcepto, doctrina quam virga: hunc enim gladium  
ad Ecclesiam pertinere, quæ nullum alium habet quàm disciplinam  
Ecclesiasticam.

Bernardus ad Papam Eugenium scribens, Non monstrabunt (inquit)  
puto qui hoc dicent, vbi aliquando quispiam Apostolorum iudex sederit homi-  
num, aut diuisor terminorum, aut distributor terrarum. Stetisse lego Apostolos  
iudicandos, sedisse iudicantes non lego. Item, in criminibus non in possessioni-  
bus potestas vestra: quoniam propter illa & non propter has accepistis claues  
regni celorum; præuaricatores vtiq; exclusari, non possessores. Et paulo  
post: habent hæc infima ac terrena iudices suos, & Reges, & Principes ter-  
ra. quid fines alienos inuaditis. & alibi: Planum est, Apostolis interdictum  
dominatus: Ergo tu, & tibi usurpare aude aut Dominans Apostolatam, aut  
Apostolicus Dominatum. Planè ab alterutro prohiberis. Si vtrumque simili-  
ter habere voles perdes vtrumque.

Iohannes Maior Doctor Parisiensis: Maximus Pontifex non habet  
dominium temporale super Reges. Probatur, nam dato opposito sequitur quod  
Reges sint eius Vasalli. Iudicet iam Lector an non temporale habeat in  
Reges imperium, penes quem est temporali imperio Reges priuare.  
Idem: Nullum titulum habet Papa super regnum Francorum vel Hispania-  
rum in temporalibus. Subiungit Innocentium tertium Monspeliensi cui-  
dam Domino, qui pro filio notho dispensationem à se petebat quæ à  
Rege impetranda fuerat, respondisse, Regem Gallix nemini esse ob-  
noxium. Sed dices cum glossa (inquit) non recognoscit superiorem de fa-

Biblioth. Pa-  
trum tom. 3.

De consider.  
l. 1. c. 6.

Lib. 2. c. 6.

Dist. 24. qu. 3.

4. sentent. dist.  
24. fol. 2. 14.



Est, debet tamen de iure. Hanc glossam probo esse Aurelianensem & textus corruptiorem. & inter alias rationes hanc adducit quod ex hac sententia, Papis ministratur materia rapiendi alieni imperij, quod nunquam ad finem deducere poterunt. ut legimus de Bonifacio VIII. contra Philippum Pulchrum. Hinc etiam bella oriri ait quibus durantibus multa mala committuntur. Propterea Iohannes Gerson asserentes talia blandientes appellat. Ibidem Childericum à Zacharia negat depositum: non oportet (inquit) uti illo vocabulo (deposuit) in significatione qua capitur prima fronte, sed sicut exponit glossa deponentibus consensit.

De potestate regia & Papali, 10.

Iohannis Parisiensis: dato etiam quod Christus temporalem auctoritatem & potestatem habuerit eam tamen Petro non commisit. & paulo post: potestas regalis maior est in temporalibus, non habens super se superiorem, sicut nec Papa in spiritualibus. fatetur quidem posse Regem à Pontifice priuari communionem, sed non regno; nisi forte (inquit) per accidens, quatenus sententia excommunicationis incitatur populus ut dignitate seculari Regem exuat. at idem Iohannes Parisiensis dicere non dubitat, penes Imperatorem esse Papam potestate priuare si ea abutatur.

Almain. de potestate Eccles. & Laic. q. 2. cap. 8.

De dominio naturali, civili, & Ecclesiastico § vltima pars.

Almainus Doctor Sorbonicus: De ratione potestatis Laica est penam civilem posse infligere, ut sunt mors, exilium, bonorum priuatio, &c. sed nullam talem penam ex institutione diuina infligere potest Ecclesiastica potestas; imò nec incarcerare ut plerisque doctoribus placet: sed ad solam penam spirituales extenditur, ut puta excommunicationem: reliquæ autem penæ quibus utitur è iure positivo sunt. Si Ecclesia ex iure diuino nihil habeat iuris in priuari alicuius bona qua fronte in Regum dominia è verbo Dei Papa cum suis adulatoribus eiusmodi astringit potestatem?

Quest. 1. de potestate Eccles. & Laica cap. 12.

Cap. 13.

quest. 2. c. 8.

Idem Almainus alibi: supposito quod Constantinus habuerit potestatem dandi Papæ vel resignandi imperium, adhuc propter hoc non potest argui, quod Papa habeat auctoritatem super regnum Franciæ: quia illud non erat subiectum Constantino. nunquam enim Rex Franciæ habuit superiorem in temporalibus. & paulo post: nullibi reperitur quod Deus Papæ dederit potestatem instituendi & destituendi Reges temporales.

Alibi negat Zachariæ auctoritate regno excidisse Childericum Regem sed consensu, & sic (inquit) non deposuit auctoritative. & in eodem libro Occamum sequutus quem Doctorem vocat: Imperator est Dominus Papæ in temporalibus. Nam habetur textus 2. q. can. Sacerdotibus; ubi Papa vocat Imperatorem Dominum suum. Hæc & similia Doctoris Almaini supprimit & dissimulat Cardinalis, contentus eum citare ut ex Occami mente loquitur; qui citandus fuerat ut loquitur ex sua; insignitâ profectò & memorabili versutiâ. nec enim vlla hæresis fuerit, quam non S. Augustino vel Hieronymo adscribas, si facias illorum esse quicquid citant ex alijs.

Hinc est quod loca non adferat integra sed mutila & manca: quin primum

primum statim testimonium decurtat, suppressis quæ ab Almaino cōtra sentiente adiuncta erant, his verbis: *Et si alij Doctores hoc negent & doceant Papam habere potestatem solummodò declarandi ipsum Regem esse deponendum. patet: quia esset occasio quod ratione talis potestatis Papa efferretur in maximam superbiam: & illa plenitudo potestatis esset multum damnoſa ſubiectis.*

Refertur ab eodem Almaino Occami opinio decidentis litem disertis verbis quibus & ipse fidenter accedit: *Opinio Doctoris simpliciter (inquit) probabilior est, quòd nec per excommunicationem nec alio modo potest Papa Principem deponere à sua dignitate Imperiali & Regali: & paulò antequam contendisset non esse translatum à Græcis ad Germanos imperium, nec à Papa qui Imperatorem coronat imperium conferri, sicut nec Rhemensis Episcopus Galliarum Regi, quem coronat, regnum tribuit, tandem ex Occami sententia dissertationem sic concludit: Nego quod Imperator teneatur præstare iuramentum Papæ. Imò potius è diuerso Papa habens prædia tenetur præstare iuramentum fidelitatis Imperatori ratione prædiorum, & ad tributum soluendum. Idem Occamus ab Almaino citatus ait Papam in temporalibus fuisse Iustiniano Cæsari obnoxium, siquidem à Iustiniano leges acceperit, quas obseruare necesse habuit nominatim illam de centum annorum præscriptione, etiamnum aduersus Pontificem validam. Et ut liquidius appareat quantum ab Occamo Cardinalis dissentiat dum in fine orationis hortatur auditores ne à Pontifice vllatenus discedant, ecce ipsa Occami verba ab Almaino citata: Soluit Doctor in libro argumenti a Innocentij, quibus nitebatur probare plenitudinem potestatis in temporalibus competere summo Pontifici, ex verbis quodcunque ligaueris: dicit Innocentius quod [quodcunque] nihil excipit. Soluit auctoritatem Innocentij quod non solum est falsa sed hæreticalis: & quod multa verba Innocentij sapiunt hæresim.*

Quæst. 2. de  
potest. Eccles.  
& Laica, c. 12

In cap. 9. 10.  
& 11.

Lib. de potest.  
Eccles. & Lai-  
ca, quæst. 1. c.  
14.

Minore adhuc fide bina loca è summa Thomæ adducit Cardinalis, alterum ex secunda secundæ q. 10. a. 10. in corpore, quod quisquis attentius inspexerit, inueniet Aquinati sermonem non esse de fidelibus subditis qui viuunt sub Regibus infidelibus, ut vult Cardinalis, sed de seruis fidelibus sub Dominis infidelibus aut Iudæis, ut si Christiani seruiant Iudæo, aut viuant in familia Cæsaris; quos Aquinas considerat non ut ciues Imperij sed ut famulos & domesticos Imperatoris. Posterior locus est è quæst. 11. art. 2. in corpore articuli, ubi sanè nihil eiusmodi reperire est.

Pag. 40.

Pari fide Gersonem adducit, qui ut quod res est fateor in libro de potestate Ecclesiastica consideratione 12: dum redundat (inquit) abusus potestatis secularis in impugnationem fidei & blasphemiam creatoris, tunc attendere conuenit ultimam huius duodecimæ considerationis particulam: quod in his Ecclesiastica potestas habet dominium quoddam regituum, directiuum, regula-

Pag. 44.



*regulatiuum, & ordinatiuum.* Hæc sunt illius verba, quibus de Regum abdicatione aut coercitione non agitur. nam tota illa regiminis Gersoniani ratio in censuris Ecclesiasticis & excommunicatione posita est, non in bonorum aut regnorum imperiorum uel priuatione. In alio igitur sensum torta sunt à Cardinale eius verba: nec id omissum oportuit, quod quoties de potestate Regū differit Gerson, & quatenus in temporalibus auctoritati Pontificis subiaceant, Francorum Regem semper excipiat. testantur quæ locum à Cardinale adductum antecedunt. *non oportet nunc post Petrum ut omnis potestas Imperialis, regalis, vel altera secularis sit immediate robur habens à summo Pontifice: sicut Rex Francorum Christianissimus superiorem hoc modo non habet, nec recognoscit in terris.* Magno acumine non opus est ut intelligas à Pontifice pendere vim omnem sceptri, si ad eius nutum conferri & auferri vlla ex causa queat.

Pag. 108. 109.  
110. vbi Cardinalis pro  
Carolo sexto  
Carolus septimum nomi-  
nat.

Et quoniam in Gersone sumus, libet etiam expendere quæ ex eius oratione pro Academia Parisiensi ad Carolum VI. sub orationis suæ finem adducit Cardinalis. Ibi Gerson (si illi credimus) ait *eadem Tyranni sacrificium esse Deo acceptissimum.* vbi aduertendum est non esse isthæc Gersonis verba, sed *Seditionis* quam loquentem introducit: qua de re, de seditione inquam, & similibus, audi ipsius auctoris sententiam: *ad furiosam hanc Seditionis vocem ego quasi ex animis faciem defledebam, rabiem eius in dicendo amplius ferre non valens:* postquam autem hinc Dissimulatio illinc Seditio res contrarias suggessissent, Discretionem inducit ut arbitram inter extremā, eaque loquentem quæ Cardinalis sibimet ipsi obijcit: *Concludamus (inquit) quod si caput aut aliquod ciuitatis membrum tale incurreret inconueniens, quod tyrannidis mortale venenum sorbere vellet, membrum quodlibet suo in loco, toto posse, obuiare deberet, per media conuenientia & talia per quæ non peius sequatur. Non congruit si caput paruo afficiatur dolore manu ipsum percutere. hoc enim fatuum esset. nec conuenit ipsum statim abscindi aut à corpore separari, sed in omni dulcedine meditari, tam per verba bona quàm aliter ad bonorum medicorum exemplum. Nec quicquam esset irrationabilius & crudelius quàm per seditionem tyrannidem impedire velle.* Hæc verba meo iudicio contra tyrannicidium clarissima sunt. Et quum paulo post de pellenda tyrannide agit, tyrannidem vult pelli non tyrannū. ideoq; non à Pontifice, qui Regem abdicet, medicinā mali accersit; sed à Philosophis, Iurisconsultis, Theologis, & bonæ vitæ hominibus. Ex ijs omnibus quæ diximus apparet in consideratione septima aduersus adulatores vbi hæc habentur: *si subditos manifestè, & cum obstinatione iniuriat, & de facto prosequatur Princeps, tunc regula hæc naturalis, Vim vi repellere licet, locum habet: & id Seneca in tragedijs. Nulla Deo gratior victima quàm Tyrannus;* apparet, inquam, hæc verba (L O C V M H A B E T) intelligenda esse, ut alio in loco monuit, inter seditiosos, vel

sanè



sanè per verba ( L O C V M H A B E T ) innuitur ita fieri, licet, ipse ita faciendum esse nullus suadeat.

Nec Sigebertum oportuit omissum quem inter Gallos potius referre debuerat Cardinalis, quàm Occamum & Thomam, quos nobis pro Gallis obtrudit. Hic in Chronico ad annum 1088. de Imperatore à Pontifice deiecto verba faciens, *hæc sola* ( inquit ) *novitas, ne dicam hæresis, nec dum in mundo emerferat, ut Sacerdotes illius qui dixit Regi, Apostata, & qui regnare facit hypocritam propter peccata populi, doceant populum, quòd malis Regibus nullam debeant subiectionem, & licet ei sacramentum fidelitatis fecerint, nullam tamen debeant fidelitatem.*

Cardinalis vltimorum sæculorum excussis historijs, quæ quamquam omnes pro ipso facerent, parui tamen sunt ponderis, quum Dei voluntas ex suo verbo petenda fuerat, & veteris Ecclesiæ producenda exempla : tandem testimonijs finem facit, & aduersariorum obiecta diluit.

Pag. 51. & seqq.

Vt id commodius exequatur libertatis regiæ assertores sic facit loquentes : *Atqui (dicit aliquis) fieri potest, ut Pontifices vel affectu vel errore Reges orthodoxos hæreseos aut apostasias condemnent.* Pro Regum abdicatoribus respondet de hæresi manifesta & ab Ecclesia ante damnata sermonem esse. Item si Põtifex errauerit in facto tum cleri esse iunctis cum Rege animis Pontificem monere & petere, ut præsentè Gallicana Ecclesia res in pleno Concilio iudicetur. Qua in re Perronius à Bellarmino dissentit, qui putet Regi quamuis iniustè à Pontifice damnetur cedendum esse regno : nec iniquam sententiam illi fraudi fore modò audiens dicto fuerit, & tandiu cesserit donec Pontifex suum correxerit errorem. Hic hypotheseòs loco credendum est primò nouum, regni infessorem monente Pontifice continuò se abdicaturum potestate, Principem verò iniustè deiectum in nullo interea vitæ periculo constitutum iri. At Perronius tantum Pontifici non tribuit. nec enim si errore Pontificis Rex iniustè abdicatus fuerit censet populi esse è vestigio obedire, sed ut querelis & monitis strenuè apud Pontificem rem agant, & ad Concilij arbitrium omnia reuocent. Ita Papam subijcit Concilio, cui opinioni nunquam tamen subscripserit Papa. Istud verò generale Concilium esse oportet : in quo Episcopi Galli Iudices esse non possunt, quin Regis sui causam agant. ideoque satis habet Cardinalis si Gallica Ecclesia intersit modò. Sic penes Episcopos Italos, Hispanos, Belgas aliosque ijs Principibus subditos, qui Galliæ parum sepe comperiuntur beneuoli, iudicium erit de Gallia, an suum Regem pellere & turbas in regnum debeat admittere. Quid si Regi suo parum faueant ciues, illiusque vltro vexandi occasiones quærant ? quid si eisdem calumnijs, quibus decepta est credulitas Pontificis, dimidia quoque populi pars decipiat ? & hæc adhæreat Pontifici, illa Regi ut civilis belli

Aduersus Barclaium,

belli excitetur incendium? quid si Papa Gallorum monitis non acquiescat? Et quum in Ecclesia Romana non possit conuocari concilium nisi à Papa, quis credat conuocandum ab eo consilium, in quo ipse iudicandus sit? aut quo iure præsidebit Concilio, in quo futurus est reus? in quo sententiæ ab ipso latæ æquitas examinanda est? Interea temporis inter querelas, monita, apparatusque Concilij pendeat in ambiguo Regis dignitas, arbitrio Concilij permessa; quod si vt Tridentinum duobus tribusue annis vix conuocetur, duret autem nouemdecim, facile potes æstimare quæ interea futura sit misellæ Galliæ conditio. In summa quæ dicit hic Cardinalis non impossibilia modo sunt, sed ludibrij plena: quod ex ijs quæ subiungit clarissimè apparet. *Quod si Pontifex* (inquit) *errans in facto Regem temere & iniuste declararit hæreticum, sequi tamen haudquaquã poterit actualis depositio nisi consenserit populus.* Quorsum opus erat ea de re nos commonefacere? quis nesciat Regem à populo non posse abdicari, quamdiu illi adhæret populus? hoc perinde est ac si dicat, non posse Regem dignitate priuari quamdiu eam retinet, nec vestibus spoliari dum ijs indutus est, nec vnquam abdicari quum fortior est abdicante; & breuiter fore eum semper Regem, dum regnum habuerit. Interim nota bene verba Cardinalis, *quod populi consensu opus sit vt Rex abdicetur vbi Regi præfertur populus, & abdicandi arbiter constituitur.*

Can. Si Papa.  
dist. 40. Nisi  
sit à fide de-  
uius.

Audi amplius. nam ipsi Pontifices agnoscunt posse se errare in fide. & è Pontificibus fuere, qui Honorium Papam pro Monothelita damnarunt. S. Hieronymus, S. Hilarius, S. Athanasius testantur Liberium mente & manu accessisse Arianis. A Concilio Constantienfi damnatus & Iohannes XXIII. quod nec Paradysum nec infernum agnosceret, & sic plures alij Pontifices. Si quis igitur Papa Hæreticus Regem Orthodoxum propter hæresin regno priuaret, putasne eum, qui omnia iura in sui pectoris scrinio habere se iactitat, Gallorum monitis auscultaturum? aut quo modo hæreseôs in Rege iudex esse poterit qui ipse in hæresin poterit incidere? Respondent hîc errare eum vt hominem non vt Papam. at cur Papa hominem non docet meliora? cur homo non discit à Papa? adde Regem siue ab homine siue à Papa deiectus fuerit, manere vtique deiectum. Dicunt alij posse Pontificem errare vbi quæritur de facto, non vbi de iure. Dolosè: nam si Iesum Christum nesciat pro nobis mortuum, nescire etiam poterit an in ipsius mortem credendum sit. Antiqui Prophetæ diuinitus inspirati vt Reges Iudæ & Israël monerent, non minùs cauebant errare in facto quam iure: temere auscultare calumnijs, quam seduci in doctrina. & vt in fide non errabant, sic neque innoxios increpabant. Et fuisset ea tempestate lepidum nimis dixisse Prophetam in hæresin labi posse vt Esaias est, aut Daniel, non autem vt est Propheta. tum enim Esaias confi-

consilium  
risper R  
relin ex  
omnino  
aut quæ  
Quæc  
& leuia,  
stimoni  
EXCOM  
aliena. h  
ret nihil  
quod per



in hanc op  
bus & scr  
tandem e  
apertam.  
ambition  
gotium &  
homines  
runt, id ta  
tus exhibe  
& Nobile  
ficij igna  
ponerent  
sentiente  
dogmate  
spectabat  
mandasse  
ijs quæ ad  
bent Regi  
cissent sed

consilium à Propheta petijſſet, id eſt, à ſeiſo. In ſumma ſi Reges tantisper Reges ſint quamdiu à Papa non iudicantur regno propter hæreſin excidiſſe, iniquiſſimi iudicij aleam ſubeunt. & tutius erit nihil omnino ſcire & credere per Procuratorem, ne forte loquentes de Deo aut quærentes de religione incidant in Hæreſin.

Quæcunque deinceps proferuntur à Cardinale exempla noua ſunt, & leuia, & ſumpra de ſeruili ſæculo; vbi ipſi Pontifices in ſua cauſa teſtimonium dicunt. nec tamen ad DEPOSITIONEM ea ſpectant, ſed ad EXCOMMUNICATIONEM & INTERDICTVM: ideoque à quæſtione aliena. hinc eſt quod ſæpe monet, ſe de factò loqui, tanquam agnoſceret nihil iuris ſubefſe. refert quid factum ſit, non quid debuerit fieri: quod perinde eſt ac ſi nihil doceret.



## SECVNDI INCOMMODI EXAMEN.

**S**Ecundum quod ex admiſſa populi rogatione deducit Pag. 86.  
Cardinalis incommodum, eſt, quòd *Laicis ſic concedatur  
authoritas, vt iudicent de rebus fidei, & definiant doctrinam  
illam, quæ ea rogatione proponitur, verbo diuino conformem  
eſſe; imò vt hominibus Eccleſiaſticis neceſſitatem imponant  
in hanc opinionem iurandi, eam prædicandi & docendi, alteram verò concioni-  
bus & ſcriptis oppugnandi*, quod tantis verborum ampullis exaggerat, vt  
tandem exclamet: *O opprobrium, ô ſcandalum, O portam omni hæreſeon generi  
apertam*. Rationibus igitur & ſcripturæ teſtimonijs hanc Laicorum  
ambitionem conatur facere exo'am: qua in re fruſtra ſibi faceſſit ne-  
gotium & quod omnino non erat id fingit fuiſſe. Nam Tertij ordinis  
homines in hoc articulo non iudicantium ſed rogantium partes ege-  
runt, id tantum cupientes, vt hic articulus Regi eiufque conſilio ſcrip-  
tus exhiberetur, quorum iudicio illum permiſerunt, ſperantes Clerum  
& Nobiles tam honeſtæ petitioni non defuturos. non ita fui erant of-  
ficij ignari, vt crederent vim legis poſſe obtinere quod ipſi pro-  
ponerent duobus alijs Ordinibus refragantibus, nec dum etiam con-  
ſentiente Rege. adde quod illum articulum non propoſuerint pro  
dogmate religionis, ſed pro immota lege in Repub. cuius cura ad eos  
ſpectabat. Quod ſi Rex articulum probaſſet, eiufque exequutionem  
mandaſſet Clericis, eorum fuiſſet Regi obedire vt decet ſubditos, qui in  
ijs quæ ad regie vitæ ſecuritatem & pacem publicam faciant ſuum de-  
bent Regiauxilium. neque ſi id feciſſent Tertij illius ordinis iuſſa fe-  
ciſſent ſed Regis, qui hoc ipſis iniunxerat, ſuggerentibus fidis ipſius  
mini.



ministris, qui per Cleri negligentiam vigilantiores facti erant; quum arctiore vinculo Papæ obstrictum viderent Clerum quàm Regi. Cardinalis igitur hîc quæstionem mouet quæ nulla est, sed hoc pro solita calliditate, vt maiore cum licentia Regem per alienum latus vulneret, simulans se agere cum plebe, cum Regem ipsum & Proceres & Senatores alloqueretur quos Laicorum nomine etiam complectitur, & quorum iudicium magis metuebat Clerus quam populi. Hi sunt apud eum, qui alienum munus inuadunt & portas hæresibus aperiunt. Nam si penes Clerum solum eiusque caput sit huius negotij arbitrium, certum est non minus Regem cum Principibus & Nobilibus excludi, quàm plebem.

Igitur è sacris literis testimoniorum aciem instruit, quibus populo iniungitur Pastorum suorum reuerentia: tanquàm per ea interdicere-  
tur cura populi pro incolumitate & dignitate suorum Regum, aduersus sicarios instructos ab hominibus Ecclesiasticis, qui à peregrino dependent capite, & se Regi subditos inficiantur quod Sacerdotes & Præfules ab illo citati haud vnquam professi sunt. Constantinum quoque adducit, qui in Episcoporum causis iudex sedere recusauit; & Valentinianum, qui cum Theologicarum subtilitatum iudicium à se rejiceret aiebat nolle se in ista curiosè inquirere. quasi securitati Regum prospicere quæstiuncula Episcopalis esset, aut curiosa aliqua subtilitas. Quo responso testimonijs Patrum ab eo citatis occurritur: inter quæ illud Gregorij Nazianzeni, oratione ad ciues suos, fide parum bona ab illo adducitur; vbi Gregorius non Imperatorem sed Præfectum & Vicarium Imperatoris compellans *ἀππελοῦ* (inquit) *ἡ αἰνὴ, ἡ ἡμεῖς* *et nos cum imperio hic sumus non minus quam tu.* Cardinalis vertit *et nos quoque sumus Imperatores:* quæ interpretatio locum habere non potest; tum quia Imperator non erat is, quem alloquebatur; tum quia nimis incredibile accidisset hominum auribus si Imperatoris titulum sibi arrogasset Gregorius, tantillæ tunc vrbis Episcopus. At ille seipsum cum grege suo *ἡμεῖς* *subiectum* agnoscit Imperatori vsque ad solutionem tributi. Vitæ historia operibus viri Sancti præmissa testatur cum ab Arianis ad Iudicium Consulis protractum fuisse & absolutum, nulla plaga vel contumelia notatum. Post hæc omnia en tibi Cardinalem, qui ait Gregorium se pro Imperatore gessisse. fateor nunquam sibi arrogasse Imperatores supremum religionis & fidei iudicium: at de Conciliorum decretis, & constitutionibus, & de Ecclesiæ disciplina, cognitionem fecisse suam, negari vtiq; non potest. titulus primi Concilij Constantinopolitani eiusmodi est: *Dedicatio Sanctæ Synodi ad Sapientissimum Imperatorem Theodosium Magnū*, cui canones ab ipsis editos subiecerunt. Petunt ibidem, ab Imperatore confirmationem, & approbationem Concilij. Eadem dicuntur à Patribus Trullensis Concilij, à quibus quinti & sexti

& sexti Concilij canones editi fuere. non quod Imperatores se facerent religionis Iudices, nescios errare : sed ut cauerent, ne fortè Episcopi (qui nihilo aduersus ambitionem firmiores sunt, quàm ceteri mortales) contra præsentem Reipub. administrationem, aut tranquillitatem aliquid statuerent ; vel etiam contra priorum Conciliorum decreta. quas res si quis eximit cognitioni Principis, Principem transformat in statuam : imò vetat, ne sui curam gerat : eoque redigit, ut merus Ecclesiæ licitor eius decreta solum exequatur, ignarus quoque earum rerum, quæ ipsius maximè intersunt.

Fateor sanè Theologicæ esse contemplationis iudicare, quousque se extendat potestas clauium ; vel quòd Clerici in eos Principes, qui contra iuramentum indicunt Christo bellum, censuras suas stringere & possint, & debeant, amoto omni Laicorum arbitrio : verum hoc nihil vetat, quin nefas sit ijs potestatem clauium plus æquo extendere ; aut, si clauibus abuti velint, ut populum fortunis aut Regem sceptro exuant, quin Rex cum populo in commune debeat consulere, quo pacto conseruent sua, & à Clericis petere, quo iure ista faciant ; utque è sacris literis demonstrent hanc ipsis à Deo concessam esse potestatem. Pati enim, ut Pontifex se gerat pro iudice irrefragabili, ubi pars est, in maximi momenti negotio, & dominationis suæ apice, nimirum, regnorum omnium arbitrio ; nihil aliud est, quàm Reges eò reducere, ut causâ suâ necesse habeant cadere.

Fateor etiam, si quid iusserit Princeps verbo diuino contrarium, aut in Ecclesiæ perniciem, tum Clericis ex officio incumbere, non modò populum obediendi lege absolueret ; verum etiam ne obediant disertis verbis interdiceret, quia semper melius est Deo obedire quàm hominibus : suadere debent nihilominus, ut in cæteris, quæ aduersus Deum non sunt, Principi obtemperent, eos à rebellionem & seditione pro virili studentes auertere. Ita se erga Ethnicos Imperatores gerebant veteres Christiani ; quorum zelo & patientiâ plus aucta fuit Ecclesia, quàm Papatus vnquam acquireret per Regum abdicaciones, regnorum interdicta, cædes conductas, & sulphureas coniurationes.

Pari cum prioribus fide citantur postea à Cardinale nonnulla è sacris literis, in eorum gratiam, qui hanc Papæ in Reges potestatem astruunt : aiunt enim (inquit) *Saulum Regem fuisse à Samuele depositum, aut sanè declaratum depositum, propterea quod religionis Iudaicæ leges transgressus erat.* alibi eum ideo ait depositum, quòd sacerdotium usurpare voluerit. falsa sunt hæc omnia, & Scripturæ contraria. Nunquam enim depositus fuit Saulus, eo sensu, quo vox (DEPONERE) in hac quæstione accipitur ; ut sit dignitate regia Regem priuare, & in priuatorum ordinem redigere : verum mansit ille Rex vsque ad mortem, & in sacris literis vsque ad vitæ finem Rex dicitur, nominatim à Dauide, cui Deus

Pag. 66.  
1 Sam. 23. v.  
20. 24. & 15.  
2 Sam. 2. 5.

regnum eius promiserat. Quòd si eum diuino iussu regno priuasset Samuel, populus Israeliticus eum agnoscens Regem peccasset; & prohibuisset Samuel, ne amplius eum haberent pro Rege. Nec hanc ob causam ab eo manum abstinuisset Dauid, quia erat vnctus Domini. Quòd si statim vt ex Samuele cognouit reiectum se fuisse à Domino, desijisset Saulus Rex esse; necesse fuisset Dauidem eadem horâ regnare cæpisse, ne forte Rege vacaret regnum. vnde sequeretur errasse scripturam, quæ annos regni Dauidis numerat à Saulis exitu. Monuit quidem eum Samuel quòd reiectus esset à Deo ne amplius super Israellem regnaret, at dilata est eius sententiæ executio in illum diem, quo Deus illum morte percussus proposuit in exemplum iræ suæ. Vnde apparet vnctionem illam Dauidis per Samuelem vim promissi habuisse, electionisque à Deo factæ indicium fuisse, non initium possessionis regni. Ita prorsus vt 1. Reg. 19. Deus Eliæ iniungit vt Hasaellem in Regem Syriæ inungat. nemo enim sic hospes est in historia vt credat à Prophetis Israelis Reges Syriæ creati. Inde est quòd Dauid non dubitauerit de integro inungi cum iam reipsa sceptro donatus esset.

Eisdem Pontificis Patronos inducit Cardinalis dicentes Roboamum suo iure in decem tribus Israelis ab Ahia Propheta ideo priuatum fuisse, quòd eius pater Salomon à diuina lege defecerat. quod etiam falsum est. Nunquam enim legitur Ahias verbum vnum cum Roboamo commutasse: aut Dei nomine quicquam illi denunciaffe. & locus è 3. Reg. cap. 11. à Cardinale citatus non spectat ad tempus regni Roboami, sed Salomonis. & vaticinium est, non DEPOSITIONIS sententia. Nam qui potuit Roboamus priuari regno quod necdum habebat? Et hunc locum tanquam iustæ depositionis sententiam adducere perinde est, ac si serui in Dominum approbes perfidiam, & rebellionem Ieroboami, quem Scriptura tanquam exemplar sceleris proponit.

Eiusdem farinae est exemplum à Cardinale subiunctum: quòd videlicet Elias Achabum regno priuarit, quia falsorum Deorum cultum sequutus fuerat. & hoc falsum. Achabus Rex fuit vsque ad mortem. Scriptura quæ non loquitur iuxta hominum opinionem, sed iuxta veritatem, Achabi annos vsque ad mortem continuat. aliud est Regis alicuius ruinam prædicere, aliud solio deijcere. Nunquam Achabi subditos pronunciat Elias sacramenti religione solutos: nunquam Achabo eiecto alium Regem substituit.

Falsum est & illud, quòd Ozias Rex per Azariam Sacerdotem populi consortio prohibitus regni quoque administratione prohibitus sit. Nam lepra percussus à Deo è medio subduxit se, ne inficeret suos. Nullam depositionis sententiam aduersus eum pronunciauit Sacerdos, nec Regij muneris functionem illi abrogauit. sed scriptura annos

eius



eius producit vsque ad mortem. Quod si Sacerdos iuxta legem 13. Leuit. eum iudicarit immundum, morbosum iudicauit non regno indignum. lex enim non punit morbos sed crimina : Et Iosephus hinc cum ait Oziam vixisse vitam priuatam, non vult eum regno exutum fuisse, sed imperij laboribus se exemisse.

Antiquit. l. 9. c. 11.

Nec pluri est Mattathiae exemplum concitantis Iudæos ad rebellionem aduersus Antiochum. Nulla enim ibi apparet DEPOSITIONIS sententia sed afflicti populi erectio hortatioque. aliud est conspirantium in Regem principem se facere, aliud Regis abdicandi sibi sumere arbitrium. Nec Sacerdotis officio tum fungebatur Mattathias, sed belli Ducis, virique inter suos eximij. Quæ populari impetu fiunt pro legibus haberi non debent : nec ordinariam & legitimam, qualem sibi arrogat Pontifex, potestatem arguunt.

Pag. 69.

Huiusmodi sunt nostra responsa, non qualia nobis affingit Cardinalis ; vt se tantisper oblectet dum verba quæ nobis ipse dedit refutat. Quamobrem nobis necesse non erit refellere quæ de ordinaria noui testamenti missione, de lepra, de lapidibus, de lanæ floccis differit : exquisito quodam artificio etiam è lepra & scabie eruens argumenta, quibus Regum coronas subiiciat Pontifici, quia videlicet quædam lepra est hæresis : quod de omni vitio inueterato & contagioso dici posset. non temere igitur profitetur se nihil definire ; nam furor esset ex rationibus tam morbosis & inualidis quicquam concludere.

Pag. 66.

Refutatis illius obiectionibus videamus iam annon nostris plus insit roboris. Ecce igitur quod nos facit dicentes : qui (inquit) *negatiuam partem asserunt, aiunt præcepisse S. Paulum vt omnis anima subdita sit potestatibus superioribus. nam qui potestatibus resistit, resistit ordinationi diuinae. & S. Petrus scribit : estote subditi siue Regi vt præcellenti, siue magistratibus. unde inferunt Regibus obedientiam deberi ex iure diuino, ideoque nulla auctoritate siue spiritali siue temporali dispensabilem.* hoc est quod nobis tribuit : suppressit tamen quod longe est validius : Imperatores nempe de quibus Sancti Apostoli loquuntur Paganos fuisse, & infideles, & tyrannos sæuissimos, nihilominus omni animæ iniunctum esse (ne excepto quidem Romano Pontifice) vt ijs subdita sit, quemadmodum loquitur Chrysostomus hom. 23. in Epist. ad Rom. *Data est hæc lex omnibus, & Sacerdotibus & Monachis, non solum secularibus ; siue tu Apostolus, siue Euangelista, siue Propheta, siue quisquis sis.* Obseruandum quoque est communem hanc legem, quæ omnes fideles obstringit, proprie tamen Ecclesiæ Romanæ dari à Paulo tanquam prospiciente ex illa Ecclesia nascituram aduersus Principes rebellionem. Cuius Ecclesiæ summus Pontifex si quo priuilegio è verbo diuino solutus fuisset ea lege, Cardinalem oportebat in confesso audiendi auidissimo id non dissimulasse.

Sed, ne nihil dixisse videretur, negat hoc testimonio nodū controuersię attingi. *Non enim (inquit) quæstio est an Regibus dum sunt Reges, aut pro Regibus habentur debeatur è iure diuino obsequium: sed quæstio est an hoc sit de iure diuino, ut qui semel ab Ordinibus regni Rex agnitus sit non possit definire Rex esse: id est, non possit id committere, propter quod regio iure excidat, & desinat haberi pro Rege.* Hoc responsum est Iesuitarum diuerticulum: quibus sanè non placet Reges occidi, at priuari dignitate & tunc occidi non displicet. ex regem enim occidere non est Regem occidere. Et hac ipsa hora in carcere quendam habemus, qui ijsdem verbis vtitur, eandemque doctrinam tenet. Sic Cardinalis vult obediri Regibus, dum Reges sunt: id autem fieri vult à Pontifice, ne sint amplius Reges. Respondeo igitur, illa S. Pauli & S. Petri verba esse à quæstione aliena, si ea foret quæstio quam ille facit. at in hoc non vertitur quæstionis cardo, an scilicet id committere possit Rex, quam obrem regio iure excidat vel non habeatur pro Rege: sed in eo, an potestatem habeat Pontifex Reges regio iure priuandi. quæ autem nobis pro quæstione ab illo obtruditur nullam facit Pontificis mentionem. Nam etsi inter nos conueniret electum Regem posse regno excidere, maneret tamen quæstio, an penes Pontificem sit illi potestatem abrogare, & quod non dedit auferre: tum ex quo sacræ scripturæ loco hæc Pontificis autoritas asseratur.

Veruntamen non cedit Cardinalis: *Nam quemadmodum, inquit, præceptum est ut omnis anima subdita sit potestatibus superioribus, ita quoque præceptum est ut obedatis Prælati vestris, ijsque sitis subditi: quia pro animabus vestris vigilant, earum rationem olim reddituri.* Hæc ratio destituta est ratione, & contra ipsum militat. Nam nihil opus est Regibus abrogari potestatem ut Prælati obediamus. Non docebunt vnquam Prælati rebellandum esse Regibus, si ex Euangelij præscripto docere velint. Et cum hodie non sint vnanimi Prælati, vniuersali Ecclesiæ in factiones distracta, non facile est sic Deo obedire ut illis simul obedias. Atqui mea quidem sententia vel ex his ipsis validissimè probatur Reges à Pontificibus regnis priuari non posse: Nam sicut Deus omnes iussit Regibus parere, nec tamen Cardinalis inde concluderet penes Reges esse Pontificibus autoritatem abrogare; ita iubet idem Deus obedire Prælati, nec tamen sequitur penes eos esse Regibus sceptrā adimere. Ambo hæc obsequia bellè inter se conueniunt, suis nempe legibus & limitibus circumscripta.

At quoniam tota primitiua Ecclesia hic à nostris est partibus, quæ quum diu vixerit sub Imperatoribus Ethnicis, hæreticis, persecutoribus, nunquam tamen de rebellionē cogitauit, nec sacramento fidelitatis in Cæsarem vnquam à quoquam soluta fuit. Cardinalis ait Christianum populum debuisse Imperatoribus obedientiam & fidem, cō quòd

quòd Ecclesia ( pudit dicere, Papa ) sacramento fidelitatis eos non abfoluit. Bellum profecto & festiuum commentum : penes Episcopos Romanos ea tempeftate fuiſſe Neroni, Claudio, vel Domitiano imperium orbis adimere, qui an Romæ ullus eſſet Epifcopus planè ignorabant : & tam rudes fuiſſe miſellos hoſce Cæſares, vt nſcirent in Auguſta Imperij ſede hominem viuere, penes quem eſſet ordinaria & legitima poteſtas illis imperium abrogandi. Certè Cæſares merentur excuſari, quòd Papam, cui acceptum ferre oportuit imperium, non eo quo par erat honore coluerint ; quia an Papa eſſet in natura rerum ignorabant. Præpotentes enim fuere & magnifici ijs temporibus Romani Pontifices, qualis hodie eſt quilibet è meis Epifcopis. Verùm vt ſua poteſtate tunc vterentur non iudicabant expedire, ſed clementia & lenitate apud perditos illos Cæſares opus erat, idque tribus de cauſis à Domino Cardinale allatis.

Prima eſt quòd Imperatores irritare non auderent, ne fortè perſecutionum malis inuoluerent Eccleſiam. Profectò, niſi me communis ſenſus deſtituit, videntur huiusmodi verbis non ſoli Romani Pontifices, ſed omnes Chriſtiani veteres diſſimulationis & vaſſritiæ accuſari. hoc enim perinde eſt, ac ſi dixiſſet omne, quod ab ijs præſtitum fuit Cæſaribus obſequium, ſimulatum fuiſſe & coactum : & monumenta fidelitatis, humilitatis, patientiæ à ſanctis patribus relicta, non eſſe à candore pectoris, ſed à metu equulei : vnde etiam efficitur honeſto martyrij nomine indignam eſſe eorum patientiam, quæ per vim expreſſa fuit : nec deſuiſſe illis voluntatem aduerſus Perſecutores ſuos rebel-landi, ſed facultatem. Quod ipſi tamen à ſe remouent, vt Tertullianus Apologet. c. 37. & Cyprianus contra Demetrianum vbi dicunt *omnia plena eſſe Chriſtianis, vrbes, inſulas, caſtella, municipia, caſtra ipſa &c. & ſi Chriſtiani ſe ſubtraherent, in vrbus fore ſolitudinem & ſilentium, Imperatoribus deſore queis imperent. neminem tamen ſe aduerſus iniuſtam violentiam, quantumvis nimius & copioſus ſit Chriſtianorum populus, ulciſci*. Et certum eſt regnante Iuliano Romanum orbem prope Chriſtianum fuiſſe, & Principes apud eum viros fuiſſe Chriſtianos, inter quos erant Iouinianus, & Valentinianus paulò poſt rerum potiti. Hi Romanum Pontificem vt Imperatorem Apoſtatam ſolio deturbaret, ſollicitare poterant. quanquam enim totus eius exercitus à Chriſtiana fide defeciſſet ( quod nobis perſuadere ſatagit Cardinalis, contra omnia veritatis indicia, & contra ipſius exercitus teſtimonium, qui poſt eius mortem vno ore exclamauit, Nos ſumus Chriſtiani ) quum tamen Italia maneret in Chriſtiana fide, atque in Perſide diuerſa atque oppoſita imperio Romano plagâ militaret Iulianus, oportunè Pontifex illum deieciſſet imperio. Addo ex ſubita & vnanimi hac totius exercitus confeſſione dicentis, *Nos ſumus Chriſtiani*, ſatis conſtare milites, ſi Pagani fuerint,

Socrat. l. 3.

c. 19.

Theod. l. 4. c. 1.

Sozom. l. 6. c. 1.



pag. 82.

per vim eò compulso fuisse; & quod hinc efficitur libentius passuros, vt abdicaretur Imperator, quam si illis conscientia libertatem indulisset. Sed D. Augustinus super Psal. 124. testatur Iuliani milites à Christi fide non delciuiffe. *Milites (inquit) Christiani seruierunt Imperatori infideli: vbi veniebat ad causam Christi, non agnoscebant nisi illum qui in celo erat: quando volebat vt idola colerent, vt thurificarent, praeponabant illi Deum.* quibus verbis subiunguntur ea, quæ contra se adfert Cardinalis: *Distinguebant Dominum æternum à Domino temporali, & tamen subditi erant propter Dominum æternum etiam Domino temporali.* Ita igitur illi; vt Deo parerent, non vt Imperatoris iram, vel persecutionis violentiam declinarent: quemadmodum suadet Cardinalis, qui populum vt primum se viderint instructos viribus ad rebellionem ciet. Vnde sequitur si non cesserit ijs coniuratio ex animi sententia, id per eorum perfidiam aut scelus non stetisse, sed quia alieno tempore rem aggressi sunt, & suam debilitatem non intellexerint. Quid mirum est ex eiusmodi præceptis nasci Coniurationes Sulphureas, & parricidia?

Pag. 82. &amp; 83.

Post Iulianum loquitur de Valentiniano secundo, quem licet meritò abdicare poterant Christiani, nempe violentum Arianismi Patronum, nunquam tamen id ijs in mentem venit. Respondet id datum fuisse patris memoriae & ipsius iuuentuti: quæ arbitrariæ sunt coniecturæ. Nam si Arianis parentibus ortus fuisset ætate autem sexagenarius, haud aliter illi se erga eum gessissent. Addit populum non abiisse à Partibus, sed ita firmasse animos vt Imperator metu seditionis cedere coactus sit, milites autem denunciarint ea tantum lege se illi adfuturos, si pro Catholicis staret. quæ responsio ad nostrum negotium de Pontificis in Reges potestate nihil prorsus attinet. Vide bellam ratiocinationem: Valentinianus Mediolani popularem tumultum metuebat; ergo Pontifex Reges hæreticos priuare potest regnis. Quantum differt à Mediolanensi populo Romanus Episcopus, vel à populari tumultu sententia Iudicis: quantum id quod populus Mediolanensis aut milites fecere, ab eo quod penes Romanum Episcopum est facere: tantum à ratione remota est eiusmodi conclusio. Considerare igitur oportuit non motus populi, sed quid eos bonus pastor Ambrosius docuerit, qui se offerebat martyrio, Theodoreto teste: at suos ad rebellionem non concitabat. *Si (inquit) imperio suo abutatur ad tyrannidem, en me paratum mori.* nec aliter restitit Imperatori quàm precando: *Rogamus, inquit, Auguste, non pugnamus. Non timemus sed rogamus. vultis in vincula rapere? vultis in mortem? voluptati est mihi.* Idem in oratione ad Auxentium, *dolere potero, potero flere, potero gemere: aduersus arma, milites, Gothos quoque, lachrymæ meæ arma sunt. talia enim munimenta sunt Sacerdotis: aliter nec deo nec possum resistere.*

Epist. 33.

Iustinianus Imperator hæresin Aphthardocitarum in senectute amplexus

plexus  
ret, nu  
nis, vel  
Reg  
dalu  
Ecclesi  
tifici m  
quenqu  
tempo  
prælijs,  
tunc, au  
Reges f  
cramen  
necdum  
Iactat  
tempo  
Dei imp  
ma Epil  
huisse, h  
aque in  
bet bomin  
statem a  
dum est.  
Cæter  
tatis inf  
ribus, qu  
S. Petro  
Iesu Chr  
nonnisi  
bus, quib  
assentato  
sui offici  
cur salte  
diri conc  
è veterib  
mina su  
Christian  
las quibu  
diconfue  
tentia leg  
pa Philip  
meæ dec

plexus est : at in eum, quanquam per paucos suæ hærescōs socios haberet, nullum strinxit telum Romanus Episcopus, vel excommunicationis, vel interdicti, vel depositionis.

Reges Ostrogothorum in Italia, Visigothorum in Hispania, Vandalorum in Africa Ariani fuere, & ex ijs nonnulli etiam persecutores Ecclesiæ. Visigothorum verò & Vandalorum Reges sic diffiti, vt Pontifici metuendi non fuerint. Nunquam tamen in animum induxit quenquam eorum excommunicare. Supra omnia inspicere oportet ea tempora, quibus Belizarius & Narfes Orthodoxi longo bello, maximis prælijs, Vandalos in Africa, Gotthos in Italia sub iugum miserunt : aut tunc, aut nunquam occasio Pontifici oblata est contra istos Arianos Reges fulminandi, ipsis potestatem abrogandi, subditos fidelitatis sacramento absoluendi, vt hoc auxilio Catholicorum vires augetet. sed necdum visum erat id expedire.

Iactat Gregorius I. penes se fuisse Longobardos euertere, qui longo tempore Romanorum Pontificum iurati hostes fuerant ; sed timorem Dei impedisse ne faceret, vt alibi nobis obseruatum est. Nam in prima Epist. l. 7. sic loquitur : *Si ego in morte Longobardorum me miscere voluissem, hodie Longobardorum gens nec Regem, nec Duces, nec Comites haberet, aque in summa confusione esset diuisa. Sed quia Deum timeo in mortem cuiuslibet hominis me miscere formido.* Potuisset minimùm eorum Regi potestatem abrogare sine vllo conscientix vulnere si Cardinali credendum est.

In Apologia  
nostra.

Cæterùm quid hoc aliud est nisi veteres Romæ Episcopos crudelitatis insimulare, quum Ecclesiam Christianam tyrannis & Persecutoribus, quos regnis priuare poterant, non expedierint ? Credibile est S. Petro & successoribus eius tot sæculorum decursu datum fuisse ab Iesu Christo munus sine functionis potestate ? datum esse gladium non nisi post mille annos euaginandum ? Credibile est ijs temporibus, quibus omni probro cooperti erant Pontifices, vt testantur eorum assentatores & asseclorum fidiissimi, cæpisse Pontifices vim & indolem sui officij cognoscere ? Quod si timore vel impotentia impediti fuere, cur saltem alicuius Pontificis exemplum non profertur qui se impediri conuerteretur, ne potestatem à Christo datam exerceat ? aut alicuius è veteribus, qui hortatus fuerit Pontificem vt animos sumeret, & fulmina sua in Principes Ecclesiæ infestos torqueret ? quare quum sub Christianis & mansuetissimis Regibus viuerent, non indicarunt causas quibus gladij illius vsus impeditus fuit, ne forte longa illa non vtendi consuetudo aduersus eos præscriptionem induceret ? quod si impotentia legitimum videri debeat impedimentum, vnde fiebat quòd Papa Philippo Pulcro, & Ludouico XII. & Elizabethæ beatæ memoriæ, mæ decessori, imperium abrogare tentauerit, vbi eius impotentiam

res

res ipsa satis euicit? & vnde oriuntur ( vt plerumque fieri amat ) tot turbæ & bella , quæ in Pontificem cudi solent , quemadmodum Gregorio VII. & Bonifacio VIII. euenit? inde est quod Papa horum malorum metu nunquam aduersus Reges hoc telum stringat , nisi iam inualidos , aut intestinis & grauibus dissidijs distractos , aut dum vicinos habent cupidos & quærentes litem ; quemadmodum paries , qui iam olim nutat , manu facile impellitur . Verum si Rex factus fuerit hostibus suis superior , tum verò Pontifex Indulgentias larga manu & vltro offeret , & paterna miseratione habendum illi permittet regnum , quod per vim eripere non potuit . Quot Principes à Pontificibus incitati , vt in Dominos suos insurgerent , aut vita exciderunt aut dignitate ? Hoc Rodolpho Sueuiæ Duci accidit , qui Papa auctore contra Henricum IV. Imperatorem arma sumpsit . quot Ianienæ , quot vrbium vastationes , quot cruenta prælia sequuta sunt ? Nota res est ( vt vrbium obsidiones taceamus ) Henricum IV. & Fredericum I. amplius sexagies manum in acie conseruisse , vt contra hostes quos in eos concitarant Romani Pontifices ius suum tuerentur . At dici non potest , quanta per id tempus vis sanguinis effusa sit . Nonne Papa , licet satis gnarus , quàm parum possint in meo regno Papistæ , eos tamen ad rebellandum incitat , & ne sacramentum fidelitatis mihi dicant , vetat ? attrahens in eos , quantum in ipso est , omnia mala , tanquam in rebelles , eorumque vitam facili admodum pretio exponens ? hæc omnia exempla demonstrant non metu malorum aut persecutionis cohibitos fuisse Pontifices , ne in Reges & Principes sua fulmina iacularentur , quoties per ea virium augendarum spes erat .

Denique vel eos non recuso Iudices quos affectus præter ceteros agit , annon doctrina hac , quæ Regibus infidelibus aut hæreticis hætenus iubet parere donec ad eos pellendos & abdicandos vires suffecerint , incitentur Imperatores Turcici & infideles , vt Christianos omnes è suis finibus eijciant , vt qui nil nisi rebellandi occasionem captent , & nunc pareant inuiti ? Obfignabimus hoc Hosij sententiâ ad Imperatorem , Constantinum , Arianum : *quemadmodum , qui tuum imperium inuaderet diuinæ ordinationi resisteret , ita & tu caue , ne quæ Ecclesiæ sunt ad te trabens magni criminis fias reus .* vbi vir sanctus . exceptione Cardinalis non vititur , videlicet , nisi quando potens fuerit Ecclesia iugum excutere . Neque hos aut illos alloquitur , sed omnibus hominibus legem proponit .

Si ratio hæc quæ ab Ecclesiæ debilitate petitur valde est debilis , certè ista à Cardinale subiuncta nihilo erit firmior : *Multum differre ait Imperatores Paganos qui Christo nullum præstare obsequium , nec ea lege à subditis suis recepti sunt vt viuant sub Christi imperio , nec iureiurando obstricti sunt , aut mutuo pacto ; à Principibus Christianis qui in Apostasiam inciderent ,*

Apud Athanasium in Epistola ad solitariam vitam agentes.

Pag 77.

Secundario.

aut  
obli  
rare  
Patri  
cent  
ling  
tum  
mo P  
tione  
neve  
Ha  
deici  
semp  
olim  
illum  
quium  
lius q  
rem g  
ceptu  
omne  
uerso  
tionis  
perium  
non de  
ronatio  
Regem  
gem re  
git tam  
do se f  
permitt  
circum  
candi ,  
immem  
translat  
quam al  
tatem ill  
norum b  
posse eos  
posse fore  
tores Ch  
tificibus  
mentum  
iecerat.



aut Arianis aut Mahumetanis accederent. hos quia iuramento & voto se obligarunt, quod cum primo eorum iuramento & voto dum inaugurarentur planè pugnat, adeoque cum ea conditione qua sceptrum à Patribus acceperunt; hos, quia religionem Catholicam oppugnant censet exui posse maiestate: per quem non addit sed intelligendum relinquit, per Papam. De Regibus quibus propter stupiditatem abrogatum est imperium, ut Childerico; aut propter nuptias ut Philippo primo Franciæ Regi; aut propter Ecclesiasticorum beneficiorum collationes, ut Philippo Pulchro, nihil dicit. alto hos silentio tegit, metuens ne vel Pontificem vel auditores offenderet.

Hac ratione uti perinde est, ac si fatereris Pontificem dum Reges deiecit Ecclesiæ bono & incolumitati non studere. Princeps enim qui semper fuit Ethnicus & Persecutor non minus nocet Ecclesiæ, quàm si olim fuisset Christianus. & quod ad gravitatem delicti attinet ego paucillum video discriminis. Princeps enim non iuratus in Christi obsequium, & que tenetur Christo obsequi ac si iurasset: haud aliter ac filius qui Patri morem non gerit, æqualiter peccat siue iurauerit se morem gesturum siue non iurauerit: quia ea obligatio est naturalis. Præceptum de osculando filio, quem pater Regem Regum constituit, omnes Reges æqualiter obligat, siue Christianos siue Ethnicos. E diverso quis dubitet quin Imperator Constantius in principio dominationis iurauerit se fidem Orthodoxam conseruaturum, eaque lege imperium acceperit à patre? Eum nihilominus Romanus Pontifex solio non detraxit: at ille Pontificem deiecit sede. Quod si Iurisiurandi coronationis tempore præstiti violatio causa sit, propter quam Pontifex Regem Apostatam regno priuet, consequens est ut eum quoque Regem regno exuat, qui cum neque Hæreticus neque Apostata sit, negligit tamen suo populo ius reddere. Promiserat enim eodem iure iurando se suis subditis ius redditurum: id quod Cardinalis Pontifici non permittit: novas enim leges Papæ audet præscribere, & potestatem eius circumscribere, indultâ solum auctoritate Christianos Reges abdicandi, sed qui iam Apostatæ facti sint, non qui semper Ethnici fuere: immemor Regi Peruiæ Attabalipæ abiudicatum à Papa imperium, translatumque in Hispaniarum Regem: quamuis miser ille Rex nunquam alius fuerit quàm Ethnicus, nec ullam conuersionis oportunitatem illic habuerit. Ipse nos paulò post monebit, *ut ut terras Christianorum bello ereptas diutissime possederent Turcæ, nullo tamen temporis tractu posse eos Christianis vel hilum præscribere, id est, semper esse eos malæ fidei possessores, & inste posse exui imperio.* nihilominus Turcarum Imperatores Christiani nunquam fuere. Quod si numerentur Reges à Pontificibus deiectioni, vix vnus inuenietur in Apostasiam incidisse, aut iuramentum iurasse illi iuramento contrarium, quo se Christo Iesu subiecerat.

Pag. 77.

Et

Et sanè omnibus rectè expensis falsum est Regem Franciæ ea lege receptum fuisse à subditis, vt Iesu Christo seruiret, quum antequam consecratus esset aut quicquã subditis promississet, Rex fuerit. nam in regno hæreditario è vestigio per ipsam decessoris mortem successori acquiritur regni possessio. Nec ad rem facit si regeras Principem in decessorum suorum persona iurasse: quia iuramenta sunt personalia, & nemo potest Deo iurare filium suum aut hæredem fore virum bonum. promittere quidem potest suasurum se successori, quantum potest, & hortaturum vt Deum timeat. Iuramento parentum, si bona quidem fuerint, obligantur filij seu iurati seu iniurati: si mala, tenentur facere contrariũ: si fuerint de rebus adiaphoris, quæ postea tamen noceant aut fieri nequeant, possunt successores rebus præsentibus & vtilitati publicæ leges suas accommodare.

Omnia hæc expendens cogor dicere Cardinalem neque sensum neque vim illius iuramenti intelligere, quo Rex Galliæ dum consecratur ad tutelam Ecclesiæ & constantiam in fide obstringitur. Nec enim cogitandum est Clodonæum, postquam quindecim annis regnasset Ethnicus, Christianum hac conditione fieri voluisse, vt si à fide aliquando deficeret per Ecclesiam priuaretur regno. Et vt vel maximè ita pactus fuisset non intellexisset Papæ esse eum priuare, sed illorum qui ipsum ad regnum euexerant. At profectò Reges Galliæ eiusmodi iuramentum nunquam iurarunt, nec ab ijs subditi id stipulati sunt. Quod si Princeps aliquis sic iurauerit, *regnum aut vitam meam amittam si quando à Christiana religione defecero*, his verbis Deum appellat vindicem, & sibi ipse imprecatur; non autem Pontifici aut Ecclesiæ aut populo se mancipat.

Monetæ inscriptio, & Christi nomen in ea (de quibus obiter Cardinalis) non mutant naturam monetæ, quæ vna est è iuris regij notis. Hac inscriptione discunt subditi, se Christo parere dum parent Regi, non fatetur Rex ab Ecclesia potestatem suam pendere, aut à Pontifice posse abrogari, vt nobis persuasum cupit Dominus Cardinalis: Iesu Christi verba inuertens, qui ex imagine monetæ impressa non subiectionem, sed maiestatem Cæsaris disertè probauit. Quòd si Princeps Deo bellum indixerit, meretur sane cœlesti regno priuari à Deo, at penes populum vel Papam non est eum temporali fastigio deijcere.

Addit Dominus Cardinalis eos, qui putant Reges à Papa regnis priuari posse, *mandatum S. Pauli, quo omnis anima potestatibus superioribus submittitur, ita interpretari, vt nihil aliud sit, nisi cautio quedam & prouiso ad tempus, donec scilicet Ecclesia crescente penes Christianos sit impedire, ne alij Principes RECIPERENTVR, quàm Christiani; iuxta legem Denteconomij. Tu tibi Regem constitues de fratribus tuis.* & vide rationem cui innituntur: hoc est, quòd D. Paulus 1. Corinth. 6. ait pudori esse Christianis in causis, quas inter

se ha-

*se haberent, iudicari ab infidelibus : id quod Iustinianus postea in legem conuertit, quum sanciret nullum neque Paganum neque hæreticum ad Reipub. administrationem admittendum.*

In hac ratione Cardinalis obseruanda est vox RECIPERENTVR, quæ statum controuersia dextrè mutauit. nec enim quaestio est de Principe recipiendo, aut constituendo, aut eligendo (quod in regnis electiuis hodie obtinet) sed de obedientia Principi præstanda, quem Deus ipse constituit & successionis iure populo commendauit. non enim est hodiernus Gallia populus cui dictum est, *Tu tibi Regem constitues*: quandoquidem ab eorum electione hoc non pendet. Sic non magis ad rem facit hoc testimonium, quàm lex illa Iustiniani, qua nos libenter fate-mur Christiano Principi sedulò cauendum ne penes infidelem Magistratum sit iuris dispensatio. verum hic non agitur de magistratu inferiore sed summo, nec de eo qui à Principe electus sit, sed de Principe sui iuris, qui naturæ & successionis beneficio præest populo: quæritur an Pontifex possit hunc deicere quem non erexit? & regnum quod non dedit auferre? idque aut quia arguitur hæreseôs, aut notatur stuporis, aut monasterij alicuius priuilegia infregit, aut Deum nuptijs offendit?

Quod autem mandatum Apostoli, quo omnis anima potestatibus superioribus subijcitur, non sit prouisio aut cautio ad tempus aliquod, inde patet, quia rationes quibus mandatum illud innititur nullo non tempore necessariae sunt, videlicet, quia potestates ordinatae sunt à Deo; & qui illis resistit resistit ordinationi diuinæ; quia magistratus iustitiæ causâ gladium gerit; quia necesse est illi obedire non solum propter iram (id est pænæ formidine) sed etiam propter conscientiam. Est igitur lex conscientia, non cautio humanæ prudentia, quæ ad tempus aliquod obtineat. Præcepta Apostolorum de moribus non mutantur cum tempore. Qui ita loquitur, in duo grauissima mala incidere eum necesse est. Imprimis ad impietatem & totius scripturæ inuersionem prona sternitur via, si hominibus fas sit persuadere mandatum Dei cautelam esse. deinde passiones Martyrum martyrij nomine indignæ fiunt, si Ethnicorum violentiæ ideo cesserint, non ut diuino mandato necessario & certo, sed ut cautioni cuidam & prouisioni ad breue tempus factæ obedirent. Hinc est quòd nullo colore opinionem hanc fucare valuerit Cardinalis, nisi sacras literas adulteraret, Paulum aiens dixisse Corinthijs pudori esse Christianis ab infidelibus iudicari, quum S. Paulus ijs dicat *αἰσχυνῶμεθα ὑμῖν*, ad vestrum hoc dico pudorem; non ait pudori esse Christianis iudicari ab infidelibus, sed pudere eos vult, quòd cæptam inter se litium cognitionem ad infideles iudices deferrent. Pudor erat disceputationem interrompere, & Christianorum vitia apud Infideles cum Ecclesiæ scandalo prostituere: pudor non erat iugum ferre cui illos Deus subiecerat. hoc igitur manifestum est crimen



crimen falsi. Quod si Rex propter hæresin iure exuitur diademate, quidni mereatur Cardinalis propter hunc sacrarum literarum abusum exui galero?

Interea iudicet æquus Lector quàm sit damnosa hæc doctrina Christianis, qui sub Principibus infidelibus aut hæreticis viuunt. Nam si Imperator Turcicus intelligeret inter Christianos suos mandatum illud diuinum obediendi Principibus quos illi Infideles vocant, nihil esse nisi cautionem & prouisionem ad tempus, dum scilicet detur occasio iugum excutiendi; è vestigio omnes eijceret. Si vero addideris quod suprà à Cardinale dictum est, nimirum, quantumuis diuturna fuerit penes Turcam earum terrarum, quas Christianis bello eripuit, possessio, nullo tamen temporis tractu posse illum vel hilum præscribere; dices eum docere Turcam, vt in Christianos suos se vindicet, & omni in eos sæuitia grassetur. Certè parum ei debent miseri illi in Græcia & Syria Christiani. Et vt de meipso loquar & de subditis mihi Papistis qui me appellant hæreticum, nunquid Cardinalis hac doctrina vim infert ingenio meo, vt clementiam vertam in seueritatem, siquidem Papistæ è subditorum meorum numero non sint (si illic edimus) nisi per quandam prouisionem, & donec ijs oblata fuerit occasio, qua me malè perdant? Præsertim cum eiusdem notæ homines apud eum sint Turcæ, infideles, hæretici, & horum omnium pessimi hæretici; quique iustius regnis exuantur à Pontifice, quia iusiurandum violarunt? En vt mecum agatur. In ordinem infidelium relatus sum, infraque illos positus, meorumque regnorum infessor, & prædo iudicatus sum, cui subditi nullum debeant nisi coactum obsequium, ex cautione quadam, donec causam nacti fuerint iugum excutiendi, & potestatem mihi abrogandi, quæ salua vita mihi auferri non potest.

Quod ad bella, quibus gerendis Angli, Franci, Alemanni Hierosolyma profecti sunt, exitus docuit Deo grata non fuisse. Erat hic vnus è gradibus, quibus Pontifex ad alienorum regnorum dominationem conscendit. Nam omnes Franci & Alemanni qui se cruce notabant, fiebant subditi Pontificis: latrones, adulteri, homicidæ, obæcati, vt primum se cruce signauerant protectionemque vouerant in Orientem, sæculari potestate exempti nullum forum nisi Ecclesiasticum agnoscebant. Eo tempore regiones integræ optimatibus & viris bellicosis iussu Papæ nudabantur, ideo tantum, vt consumerentur à Saracenis. Cogebantur nobiles latifundia sua pretio pene nullo diuendere Ecclesiæ, vnde patrimonij Ecclesiastici pars hodie non exigua. Omnibus qui illud iter susceperant, donabat Pontifex peccatorum indulgentiam, & quod amplius erat, gradum gloriæ in Paradyso supra vulgus. Laudem meretur militaris virtus, modò seruiat iustitiæ, & natiua animorum fortitudo Italico dolo non circumscribatur.

In vniuersa hac dissertatione aduerte Cardinalis prudentiam, qui è sacris literis speciosiora testimonia seligere contentus cætera reiecit, quibus tota hæc potestas Reges deiiciendi, regna transferendi à Pontificibus ipsis eorumque fidissimis patronis olim fulciri solebat, cuiusmodi sunt hæc quod S. Petro Christus dixerit, *ecce duo gladij, Petrus autem responderit, satis est.* quod S. Petro dixerit Christus, *Mitte gladium tuum in Vaginam tuam.* quod Deus dixerit Ieremiæ, *Ego te constitui super gentes & regna.* quod S. Paulus 1. Cor. 2. dixerit *hominem spiritualem dydicare omnia.* quod Christus dixerit Apostolis, *Quicquid vos solueritis.* Ergo Papa potest soluere iuramentum fidelitatis. *quod in principio Deus creauit celum & terram.* quibus testimonijs Bonifacius VIII. cum Philippo Pulchro litigans temporalem suâ potestatem suffulcit extravagante [ *vnam sanctam.* ] Nec minus lepida sunt quæ ab alijs adferuntur, quod scriptum sit, *Omnia mihi tradita sunt à Patre meo, & Data est mihi omnis potestas in cælo & in terra.* Item *Si eijcis nos hinc, mitte nos in gregem porcorum.* quod Iesus Christus dixerit discipulis suis, *inuenietis pullum asinæ ligatum, soluete eum ac ad me adducite.* quum ex his constet Iesum Christum in rebus temporalibus sua vsum fuisse potestate: quid vetat quo minus idem faciat eius vicarius? quæ verò sequuntur validissima sunt. dicitur in Psalm. 45. *loco parentum erunt filij tui, præficies eos Principes in tota terra.* Item Iesus Christus præcepit Petro non tantum vt agnos eius pasceret, sed mactaret quoq; & comederet quod nobile Baronij inuentum est. Iohannis 12. scriptum est: *Cum ego fuero exaltatus, omnia post me traham.* quid impedit quo minus hoc in Papam quadret? & Paulus dicit Corinthijs, *an nescitis quod iudicabimus Angelos?* quanto magis res sæculares? & paulò post, *an non habemus potestatem edendi?* hæc sunt testimonia quibus temporalem Sanctitatis suæ potestatem trecentis aut quadringentis abhinc annis fulcire conabantur, quæ Dominus Cardinalis, ne fortè concioni risum excuteret, in partium subsidium non est ausus aduocare, etsi argumentum eius à lepra petutum nihilo sit illis gratiosius.

Quòd si inter se comparemus Iesum Christum soluentem tributum, & Papam à Cæsare tributum exigentem: Iesum Christum, vt Imperatori Ethnico tributum soluerent, Iudæis suadentem, & Papam obedientiæ sacramento, quod Christianis Principibus dixerunt, subditos absoluentem: Iesum Christum hæreditates inter duos priuatos herciscundæ arbitrium à se amouentem, Papam regnorum omnium irrefragabile arbitrium sibi arrogantem: Iesum Christum confitentem regnum suum non esse de hoc mundo, & Papam mundanum sibi stabilientem imperium: Apostolos sua dimittentes bona vt sequerentur Christum, Papam rapientem bona aliena: Apostolos ab Imperatoribus vexatos & afflictos, Pontificem Imperatorum ceruicibus pede insultantem, & imperiale diadema conculcantem: apperebit facile Scriptura-

ram. S. à Cardinale in Pontificis gratiam citari, magis vt Iesum Christum irrideat, quàm auditores erudiat, id quod ipse clarè satis testatur, quando post adducta Scripturæ testimonia & Neotericorum suffragia pro hac Pontificis in Reges potestate, fatetur tandem neque Scripturæ neque Ecclesiæ veteris auctoritate definitam esse hanc quæstionem, destruens vno verbo quod multis altruxerat, & suæ conscientiæ pro- dens anxietudinem.

Vna restat obiectio, quam conatur soluere Cardinalis: *Partis inquit negativæ Patroni ad iudiciorum Ecclesiasticorum analogiam confugiunt, affirmantes neminem bonis suis propter hæresim excidere, Reges igitur regnis suis multò minus.* ad hoc eos facit respondere, qui potestatem Papæ in Reges asserunt, quod publicæ pacis causâ sileant ad tempus aduersus hæreticos latæ leges. alibi ait conuiueri propter eorum multitudinem, siquidem pars sint Reipub. bene magna. Ex charitate profectum credo, quòd eos quos hæreticos vocat præmonitos velit, quæ illos maneat tractatio, quum leges aduersus eos latas ad tempus tantum innuat sile- re. Qua in rem mihi spondeo Regem Galliæ, fratrem meum, alio vsurum consilio, & potius vicinorum amicitiam & sui regni tranquillitatem quæsiturum, memorem ab ijs hominibus, qui diuersam ab ipso se- quuntur fidem, patri suo celebris memoriæ regnum fuisse conserva- tum. & intellecturum eum confido multum esse illos dissimiles Catho- licis Romanis in Anglia, transmarino scilicet Domino obnoxij; qui- bus per literas vetitum est sacramentum fidelitatis mihi dicere. Nunc iuxta placita, quæ Lutetiæ in Comitijis ipsis pro Pontifice defenduntur, necesse habent credere non esse me legitimum Regem; nec aliud esse mandatum Apostoli vt subditi sint potestatibus superioribus, nisi cau- telam quandam ad tempus, donec nimirum iugum excutiendi occasio se obtulerit. Ego nihilominus omni in eos clementia vsus sum, quod reapte læsæ maiestatis crimen erat ægritudinem interpretatus. Spero etiam non immemorem fore fratrem meum, quantum Cardinali ob- strictus sit. Reformatæ religionis professores incolumitatem suam se- cundum Deum regiæ prudentiæ & benignitati adscribunt. En nunc Antistitem, qui hanc illis fiduciam conatur excutere, disertè monens ne putent aliam ob causam saluos se esse, nisi quia multi sunt, & sine pa- cis publicæ periculo nequeunt euerti.

*Quòd si (addit Cardinalis) tertia in Gallia secta emergeret, illius sanè pro- fessores & bonis & vita privari oporteret; vt Geneuæ factum est aduersus Seruetum, & in Anglia contra Arianos, &c.* Respondeo, hæreticorum qui legitimè conuicti sunt supplicia, iussu Magistratus, non Pontificis infligi. addo iniquissimè ab eo fieri, quòd Ecclesias reformatas Serue- to aut Arianis assimilet, propterea quòd eius generis hæretici ex Dei verbo & in Oecumenicis Concilijs, vbi ipsi pro se causam dixerunt, olim



olim conuicti & damnati fuere. At religio, quam ego vnà cum meis profiteor, in nullo Concilio, vbi nos auditi sumus, fuit iudicata. Quodcunque autem nobis Concilium oblatum fuit, in eo extra controuersiam ponebatur Pontificem, qui pars erat, esse litis arbitrum: locus designabatur, quò securè & tutò conuenire non licuit, præsertim cum ijs hominibus, quorum placitum est, Iohanni Husso & Hieronymo Pragenfi infælici experientia compertum, non teneri se ad fidem hæreticis seruandam.

Vt igitur ad rem reuertamur, quum Pontifex neminem in Gallia priuatum ad hoc vsque tempus pronunciarit bonis suis excidisse propter hæresin, cur tentaret, obsecro, suorum regnorum possessione Reges deijcere? cur plus sibi arrogat in Reges quàm in Priuatos? cur rudiùs tractantur sacræ Regum personæ, quàm fex plebis? quum ad hoc sine circuitione respondere debuisset, citat Cardinalis aliena à nostro instituto exempla hæreticorum, quibus Magistratus ciuilis non Pontifex supplicium inflixit. Liberiores ingressus est viam Bellarminus, qui cap. 27. contra Barclaium defendit temporalia mundi bona ad vnum omnia subesse arbitrio Pontificis. *Securus* (inquit) *affirmo potuisse Dominum nostrum Iesum Christum tempore mortalitatis suæ disponere de temporalibus omnibus: & Reges ac Principes regnis dominiisque priuare: & hanc potestatem Vicario suo sine dubio concessisse, ut ea vtatur, quando necessarium iudicauerit ad animarum salutem.* Ex hac ratione satis apparet ab eo nihil excipi. Certum enim est potuisse Christum, si sua potestate vti voluisset, non minus de Priuatorum possessionibus, quàm de regnis statuere. Ergo Pontifex eandem iam habet potestatem. Concilium Lateranense postorius Sess. 9. Laicum nobilem blasphemantem prima quidem vice viginti quinque ducatis multat, secunda autem quinquaginta; pro confesso sumens nihil præter ius facere Ecclesiam, si Priuatorum loculos rimetur, & de eorum bonis pro libito statuat. & Concil. Trident. sess. 25. c. 19. (sanciens *ut Imperator Reges, Duces &c. qui locum ad Monarchiam in terris suis inter Christianos concesserint, eo ipso iurisdictione & dominio ciuitatis, castri aut loci, in quo vel apud quem duellum fieri permiserint, quod ab Ecclesia obtinent, priuati intelligantur; & si feudalia sint directis Dominis statim acquirantur. Qui verò pugnam commiserint, & qui eorum Patrini vocantur, omnium bonorum proscriptionis penam incurrant.*) extra controuersiam ponit ius esse Ecclesiæ in omnia Christiani orbis latifundia & feuda, siue ea subsint Ecclesiæ, siue Dominis sæcularibus: siquidem potest vni ea adimere, alteri donare, & de Priuatorum bonis proscriptionis sententiam dicere. Secundum hunc canonem posset regnum Neapolitanum propter vnā monomachiam confiscari. Romanæ Ecclesiæ enim acceptum fertur hoc regnum, est quæ Romanæ Ecclesiæ feudis. Neque est in Gallia prædium vllum, quod hac ratio-

ne non posset Pontifex nouo Domino transcribere. Quanto igitur melius fecisset si missis effugijs quæ tam sollicitè quærit, apertè defendisset Cardinalis posse suo iure Pontificem, non minus de Priuatorum bonis quàm de regnis statuere? Nam incredibile est Pontifici ius esse in totum non in partes, in syluam non in arbores, in continens non in contenta.

Ratio quam subiungit nihilo melior est; *non exiguum (inquit) discrimen est inter potestatem Dominorum in rem suam, & Principum in Rempub. Nam propter Dominos sunt res sue, at Principes sunt propter Rempublicam.* Ego verò aio, si hac ratione euincere possis Regem propter hæresin regno excidere, Priuatum domo sua non excidere; sequi quoque patremfamilias propter hæresin excidere potestate in liberos, Dominum verò bonis suis non excidere: siquidem bona sunt propter Dominos, at Paterfamilias est propter liberos. Nec dubitari potest quin Reges, qui Dei vices gerunt, firmitus longè sua sceptrâ possideant, quàm priuati sua patrimonia. hæc enim a i. nouos Dominos leuissimas ob causas quotidie videmus transire. illa autem Regibus eripi non possunt sine grauissima Reipub. concussionem, qua priuatos innumeros necesse est inuolui; quemadmodum annosæ quercus ruina obtentur frutices. Et vt vel maximè ponderis alicuius foret ea ratio, habent tamen Reges præter ius regnandi etiam regia patrimonia, propter quæ nemo illos factos dixerit: at vnà cum iure regnandi illa quoque amittunt. Finge denique Reges propter illam causam iustius regiâ forte exui, quàm priuatos priuatâ; non tamen inde efficitur Pontificis esse eos exuere, qui quod non dedit auferre non potest.

Ecce tibi aliud inter regna & Priuatorum bona lepidum discrimen. *Bona (inquit) non habent animam nec per vim Dominorum, aut exemplum, aut consilium eò redigi possunt, vt æternam vitam amittant, quemadmodum possunt subditi per Principes.* Respondeo seruos ab hero & liberos à patre hæretico facilius longè seduci, quàm subditos à Principe; nec tamen Patribus liberi aut heris serui religionis prætextu auferri solent. Testatur historia sub Principibus diuersæ religionis florentissimas sæpe fuisse Ecclesias. Quod si hæreticorum arbitrio res inanimas magis permittere oporteat, permittenda quoque est Regi hæretico corona sua, cum munere, vectigalibus, tributis, quoniam eiusmodi res non habent animam. Nec quicquam vetabit quin furioso gladium permittas, quia gladius non habet animam. Ego autem dicerem plus esse periculi à rerum irrationalium, possessione penes improbum Dominum, quàm rationalium, quia quæ intellectu & ratione vacant cauere nequeunt, ne fiant instrumenta malitiæ. fateor equidem damnosum esse subditorum animabus hæreticum Principem: sed vnum malum non est declinandum peiore, nec errori obuiam eundem perfidia, nec hæresis, vindicanda

canda est rebellione aduersus Deum & Regem. Deus qui probat & exercet Ecclesiam eam non destituet : nec malorum Christianorum perfidia ad eam defendendam opus habebit. Itaque eam similem facit rubo ardenti, vt in medio persecutionis igne non consumatur, quia Deus est in medio eius. Et licet iusta foret Francorum in suum Regem rebellio, non tamen inde euincitur iussu Papæ faciendam illam esse, qui politicis negotijs se immiscere non debet. Hæc sunt quæ à Domino Cardinale de secundo incommodo dicta sunt : quæ hac confessione obsignat, *quæstionem hanc neque in scripturis neque à vetere Ecclesia deessam esse. Vnde colligit opprobrium esse & scandalum, & portam omnibus hæresibus apertam, quod homines Laici eam doctrinam in articulum fidei tentent conuerrere.* At ego aio opprobrium esse & scandalum & crimen rebellionis, quod homo subditus tantis ornatus beneficijs, in tenera hac sui Regis ætate, pænè adhuc calente patris sanguine, Hispanicis nuptijs geminis imminentibus, in confesso tam celebri, coronam Regis sui voluerit alteri mancipare; & de abdicationis causis verba facere; in senectute sua se turpiter dans, vt Problematici Martyris Prouerbiali nomine traducatur, dum se paratum ostendit suo sanguine & vita id cõfirmare, quod tantum tractat problematicè, cuiusque contrarium ait Gallis à Pontifice permitti, sed ea lege vt habeant non pro necessario sed problematico.



## TERTII INCOMMODI

### EXAMEN.

**S** Equitur tertiū incommodum, quod ex recepta populi Pag. 87. rogatione oriri ait Cardinalis : *manifestum nempe hinc nasci schisma & ineuitabile, aduersus Papam & reliquum corpus Ecclesiæ; quia sic pro impia & detestabili haberetur ea doctrina, quam Papacum reliqua approbat Ecclesia: & Papacum reliqua Ecclesia crederetur etiam in ijs errare quæ pertinent ad salutem.* hinc plenis velis in schismata eorūque auctores inuehitur.

Hoc certè est ex musca facere elephantem. fallitur si credit cæteras gentes secessionem ideo facturæ à Gallis, si Reges suos à Pontifice abdicari non posse defenderent. Nam in omni schismate est secessio & communionis diuortium. Illustrissima Venetorum Respubl. hanc quæstionem aduersus Papam excussit & obtinuit; illis nihilominus non periit eorundem sacramentorum cum vicinis suis communio. nec à reliqua Ecclesia Romana iam diuisi sunt. Et Cardinalis ipse, quum



aduersus ſæcularem Papæ ambitionem ſtabat pro ſuo Rege, in eam-  
men mente non erat reliquas Eccleſias ſchiſmaticas eſſe, aut membra  
Antichriſti. & paulò poſt nobis dicet licere per Pontificem hanc quæ-  
ſtionem tanquam Problematicam defendere. atqui nunquam Ponti-  
fex eos ſchiſmatis damnabit, qui ea in re tantum ab eo diſſentiant, quam  
ipſe illis permisit eſſe problematicam. Nec Rex Hiſpaniarum qui vul-  
go audit *dextrum brachium Pontificis*, aut verbo aut factò vnquam profeſ-  
ſus eſt ſe propter hæreſin, aut tyrannidem, aut ſtupiditatem à Ponti-  
fice poſſe regno exui. Sed cùm illum magis metuat Pontifex quàm il-  
le Pontificem, hac quæſtione non commouetur. Proſcripſit tamen  
intrepidè e regno ſuo, & damnari fecit librum Cardinalis Baronij, in  
quo ſcriptum erat regnum Neapolitanum regnum non eſſe, ſed Roma-  
næ Eccleſiæ feudum. Qua de re non eſt conqueſtus Pontifex, nec Re-  
gem declarauit Schiſmaticum, reſeruans nimirum ſe & doctrinam il-  
lam in ea tempora, quibus regnum Hiſpaniarum agitabitur tumultu-  
bus, & Regis offeſſa vacabit periculo. Et notior eſt Domino Perronio  
Chriſtiani orbis indoles & conſuetudo, quàm vt neſciat in Hiſpania, &  
in ipſa vrbe Roma, reperiri quàm plurimos, qui aut ringuntur aut ri-  
dent quoties de hac Papæ in Reges poteſtate verba audiunt fieri; iam  
præſertim, poſtquam lite cum Venetis conteſtatâ Pontifex cecidit  
cauſa.

Nihil igitur habuit quod ageret niſi vt de ſchiſmatum horrore para-  
tragædiaret. Nemo non intelligit quantum ſit piaculum non tunicam  
Chriſti, ſed corpus ipſum, nimirum Eccleſiam diuidere. at ibi non o-  
portuit metum ſchiſmatis oſtentare, vbi nulla eius cauſa ſuberat vel ve-  
riſſimilis, vel poſſibilis.

Pag. 89.

Schiſmati Cardinalis hæreſin adneſcit: *nam (inquit) in manifeſtam  
hæreſin præcipitat nos hic articulus, nos cogens fateri ante multa ſæcula deſiſſe  
in terris Eccleſiam Catholicam. Nam ſi partis aduerſæ deſenſores impiam de-  
fendunt doctrinam & deteſtabilem, & diuino verbo contrariam; ſequitur Pon-  
tificem iam olim non eſſe caput Eccleſiæ, ſed hæreticum & Antichriſtum. adde  
excidiſſe Eccleſiam titulo Catholicæ, nec eandem manſiſſe in Gallia, quandoqui-  
dem omnes Gallie Doctores multis abhinc ſæculis contrarium defenderint. Nec  
de nobis vllum concedi hæreticis trophæum glorioſius quàm ſi affirmemus iam  
à multis ſæculis periſſe de terra viſibile Chriſti regnum, nec Dei templum nec  
Chriſti ſponſam fuiſſe, ſed prorſus regnum Antichriſti, Synagogam Satanae,  
ſponſam Diaboli. Et quas machinas optent fortiores ad Tranſubſtantiationem  
euertendam & confeſſionem auricularem, &c. quam ſi Eccleſiam, quæ illa ſan-  
xit, ſine authoritate ſanxiſſe dicamus?*

Pag. 89.

Videtur mihi Dominus Cardinalis his ſermonibus ſuæ Eccleſiæ &  
religioni labem & infamiam inurere. nimis enim facilè concutitur, ſi  
huius articuli ſanctione corruat, & ſynagoga Satanae euadat. longè au-  
tem

tem  
noſc  
peſſu  
Card  
antiq  
dam  
traria  
ſaria.  
Eccleſ  
nequ  
na Po  
ſtenſu  
antiqu  
Eccleſ  
rat, ſer  
terris p  
prema  
in neg  
imper  
in eiuf  
ſublim  
gant. n  
norum  
Deniq  
non eſ  
gant R  
Vid  
conduc  
tranſub  
quòd a  
tatione  
author  
Concil  
tem inf  
confeſſ  
Scriptu  
tificiæ  
maiore  
tur ſuſp  
quæ pi  
lum do  
Inte

tem miserrima fit Regum conditio si non possit eorum potestas agnosci summa, & Pontificis exempta arbitrio, nisi eadem operâ Ecclesia pessum eat, & Pontifex cui subliunt habeatur pro Antichristo. Ipse Cardinalis hoc non credit. siquidem concedit articulum illum nec ab antiqua Ecclesia nec in sacris literis esse definitum. præterea quibusdam Gallis à Pontifice indulgeri ait, ut hac in re opinionem suâ contrariam tueantur, si eam modò habeant pro Problematica non necessaria. An tantarum rerum certitudo (*quòd Papa non sit Antichristus, quòd Ecclesia Romana non sit Satana synagoga*) pendet ex articulo quodam neque in sacris literis neque à Vetere Ecclesia definito? & de quo bona Pontificis venia in utramque partem sentire liceat? Nobis supra ostensum est non modo Dei verbum, quod in paruo prætio, & est totâ antiquitatē huic de Regibus abdicandis opinioni aduersari; verumetiâ Ecclesiâ Gallicam, quo tempore Pontificis autoritas ad culmen venerat, semper animose restitisse; nec tamen ideo credebat Ecclesiâ de terris periisse. Qui Pontificis auctoritatem in rebus fidei credunt supremam, nullam sibi necessitatem putant incumbere ut Pontifici hoc in negotio fidem habeant: quia non credunt hoc esse de fide, sed de imperio, & monarchia, Papæ temporali, cui non errandi priuilegium in eiusmodi rebus concessum non est. Negant illi in cathedram tam sublimem posse irrepere errorem, ambitionem eò scandere non negant. nec in re tam fructuosâ, quæ Papam Regem Regum facit & regnorum distributorem, factu æquum existimant, ut ipsemet sit Iudex. Denique hebeti eum esse ingenio necesse est quisquis sibi persuaferit non esse illis in regno cælorum locum, qui in manu Pontificis esse negant Reges deijcere, sceptrâ dare & auferre.

Vide quod his peius est. Videtur enim ab ijs, quos hæreticos vocat, conductus præuaricator, ut diceret hoc articulo posito tolli penitus transubstantiationem & confessionem auricularem. Ratio eius est, quòd articuli de potestate Pontificia Reges abdicandi, de transubstantiatione, de confessione auriculari Scripturæ sacræ aut veteris Ecclesiæ autoritate non sint definiti, sed auctoritate Pontificis & recentium Conciliorum. Vnde non iniuria colligit non posse eam Papæ potestatem infirmari, quin eadem opera concutiantur transubstantiatio, & confessio auricularis. Fatetur igitur non esse illos articulos aut sacræ Scripturæ aut veteris Ecclesiæ autoritate decisos. Nam si essent, Pontificiæ illius potestatis ruina non traheret vna secum eos articulos, qui maiore & antiquiore niterentur fundamento. Scio ego dum ita loquitur suspicionem vitare non posse, quin nonnulla ex ijs adhuc retineat, quæ piæ memoriæ pater eius sacrosancti Euangelij Minister olim illum docuit.

Interea parum candide cum ijs agit quos dicit hæreticos, dum fin-

git

git eos pro inuisibili Ecclesia digladiari. hoc abest à vero, quum illi visibilem agnoscant Ecclesiam. quamvis enim electorum cætus oculorum iudicio non subfit, illud tamen docemus, semper fuisse in terris visibilem Ecclesiam, sed ijs tantum visibilem qui in ea sunt. qui foris sunt homines quidem vident sed non vident eos esse Ecclesiam. Credimus etiam Ecclesiam Catholicam visibilem ex pluribus Ecclesijs, quarum aliæ alijs puriores sunt, componi; nec semper contingere ut numerosior ea sit & magis conspicua quæ purior est.



## QVARTI INCOMMUDI EXAMEN.



Ntequam agat de ultimo incommodo, quod ex tertij ordinis articulo recepto nascitur, præfatur nonnulla Cardinalis de vita sua & seruitio Regibus præstito, Henrico III. & Henrico IV. De Henrico IV. sic loquitur: *Ego illum reduxi per Dei gratiam, vel Dei gratia per me ad Catholicam religionem. Ego illius absolutionem Romæ à Clemente VIII. impetraui & Sanctæ sedi illum reconciliaui.* Quod ad prius attinet, occasio & tempus & rerum necessitas satis indicant Regem illum religionis propositum mutasse longe alias ob causas, quàm Theologicas, & Domini Cardinalis facundia multò fortiores. Postquam illi sententia stetit religionem mutare, institutio ad speciem quæ sita est, quemadmodum in eiusmodi rebus fieri cõsuetum est. Quòd verò ad absolutionem, quam sua opera impetrauit à Clemente VIII. eam & Regis & regni & sua causa æterno debuit inuoluere silentio. Nam in ea reconciliatione neminem later, quàm fadè Regis sui dignitatem prostituerit, perpeffus verbera & fustigationem; & humi abiectus, nimirum pænitentiam agens pro Rege, illiusque personam repræsentans. ut in Apologia mea Præfatione antehac notavi. quam ignominiam visum est suæ Sanctitati quibusdam munusculis spiritualibus rependere, donatis Episcopo Ebroicensi benedictis granis & crucibus & tabellis, quas qui oscularetur veram centum annorum consequeretur indulgentiam: id quod prædicto Regi incredibile, scilicet attulit solatium. Insuper nec decenter satis iactitat se à Pontifice Regis absolutionem impetrasse. Nam Dux Niuernensis, qui iam diem suum obiit, eandem ob causam paulò antè profectus Romam re infecta reuersus fuerat; propterea quòd res regiæ tum videbantur deploratæ. ut primùm verò intellectum est Regi succedere pleraquæ ex animi sententia, sacri fæderis virtutem marcescere, validissimas Gallia vrbes cum Rege transigere; ilico spiritus sanctus



Etus Papæ suggessit, vt errantem ouem intra septum Ecclesiæ reciperet: metu, ne Gallia Sanctitatis suæ pertinaciâ irritata tandem id faceret, quod sæpe fuit minata, id est, Patriarcham sibi præficeret. Quod si Cardinalis suam conscientiam tangeret, fateretur se priusquam è Gallia pedem efferret, de sui itineris exitu certum fuisse.

Conciliatis hoc exordio auditoribus demonstrat *per illum tertij ordinis articulum, quia certa cum incertis miscet, irrita fieri, quæ pro regia incolumitate ostendat remedia*: ratio eius hæc est: *quia ad parricidia auertenda opus est anathematum diris & supplicijs post mortem, quæ vt certa fide credantur ab auctoritate infallibili proficisci ea necesse est. hæc certa fides à nemine expectari potest, si in anathematis sententia res non contestata, & de quibus in Ecclesia non conuenit cum contestatis misceantur*: PER RES CONTESTATAS illud intelligit quòd Reges occidere nefas sit. Per NON CONTESTATAS hoc quod Papa non possit Reges regno exuere.

Oratio hæc nec argumentationis nec probationis vim habet, sed consilij quædam imago est: cui ego respondeo incertitudinem, si qua est in tertij ordinis articulo, à Papa eiusque adulatoribus profectam esse, quorum opera illi detracta est veritas quæ publica auctoritate restituenda est. Nec alia ratione reddi potest ijs rebus, de quibus contra rationem dubitatur, sua certitudo, quam si cum alijs eiusdem naturæ, id est rebus certis vniantur.

Non possum hic pati quin Lectorum conscientijs manum iniiciam vt sistant se, & quanta sit vis veritatis mecum considerent. Fatetur Cardinalis has duas propositiones (*iure occidi Reges, eosque à Pontifice regnis posse exui*) ita esse inter se affines, vt qui de vna dubitat dubitet quoque de altera. Qua in re fontem mali quasi digito indicauit, verissimam nempe Regicidiorum causam. quilibet enim crediderit Reges non posse regnis suis exui à Pontifice, eadem quoque certitudine crederet non licere Reges occidere: quia Regicidæ dum id faciunt se suæ Sanctitati credunt gratificari. Illud igitur certissimum esse oportet si Regum incolumitati consultum volumus eos à Pontifice regnis exui non posse.

Confirmatur hoc ex eo quod subnectit Cardinalis; si infernalialia illa hominum monstra, quorum scelere duo proximi Reges è medio sublati sunt, leges Ecclesiasticas legissent, suam in Concilio Constantiensi damnationem expressam inuenissent. Quibus verbis Papam condemnat, qui nascente sacræ illius confederationis bello, vbi publicandæ erant leges Ecclesiasticæ, fulmina vsurpauit, vnde mors Regis sequuta est. Condemnat Clericos qui vbi leges hæc Ecclesiasticæ prædicandæ erant quibus Regum cædes interdicitur, rebellionem prædicauere. & cum populus accederet confessionum arcana Sacerdotum auribus deponiturus, Sacerdotes vicissim auribus populi cædem & sanguinem instillarunt.

stillarunt. Vnde bella sequuta sunt & Regis interitus.

Videamus tamen has Ecclesiasticas leges, quibus Regum cædes & parricidia prohibentur. Cardinalis cæterarum omnium vice adfert Concilium Constantiense, in quo tamen nihil cuiusmodi habetur. Ita autem res gesta est. Iohannes Dux Burgundiæ immisso percussore Ludouicum Ducem Aurelianensem occidit Lutetiæ, & cum factum probari vellet, subornauit quendam Magistrum Iohannem Paruum, qui *propositis in Academia Parisiensi nouem propositionibus defendit licitum esse & iustum & honorabile, cuius subdito aut priuato, per insidias, per vim aut quauis alia ratione, tyrannum occidere, qui contra suum Regem & superiores aliquid esset machinatus: Regis præterea esse cædis authorem premio ornare, ut qui hominem perfidum & hostem Regis occiderit.* Verba primæ propositionis hæc sunt: *Licitum est unicuique subdito absque quocunque præcepto, vel mandato, secundum leges naturalem, moralem, & diuinam occidere vel occidi facere quemlibet tyrannum, qui per cupiditatem, fraudem, sortilegium, aut malum ingenium machinatur contra salutem corporalem Regis sui & superiorum, pro auferendo sibi suam nobilissimam & altissimam dominationem.* In tertia verò propositione: *Licitum est unicuique subdito honorabile & meritorium occidere, vel occidi facere supra nominatum tyrannum, proditorem, & infidelem suo Regi.* & in sexta: *Rex debet præmiare vel remunerare illum, qui occidit modo qui dictus est, vel occidi fecit tyrannum supra nominatum.* hæc propositiones Iohannis Parui à Concilio Constantiensi vt impiæ & scandalosæ damnatæ sunt. Iam certum est tyranni nomen eodem modo accipi à Concilio, quo à Iohanne Paruo. non igitur hæc fuit Concilij mens cum damnare qui Regem occideret aut summum Principem, sed eum qui subditum rebellantem & contra Regem suum aliquid machinantem per insidias & iniussu Principis occideret. Nam id voluit Iohannes Paruus Ducem Aurelianensem iure cæsum fuisse, quem ille, quum summus Princeps non esset, Tyrannum tamen appellat. Et prius citata verba non alium innuunt tyrannum, quàm hominem subditum, Domino suo rebellem. Ita si Concilij Constantiensis scopum & mentem propius inspexeris, Regum securitati non consuluisse sed nocuisse arbitraberis, siquidem vetat subditum occidi qui vitæ regię infidiatur.

Fingamus tamen Concilium Constantiense contra Regum percussores sententiam dixisse (nec enim dubito, si de summorum Principum cædibus quæstio mota fuisset, verè & sanctè Concilium fuisse responsum) quid illud, obsecro, ad regię vitæ securitatē facit? quandoquidem Cardinalis Iesuitarum vitur præstigijs, qui Regum nomine eos ante monuit intelligendos, qui Reges manent, suoque iure necdum exciderunt. Si ergo Papa eis potestatem abrogarit, non sunt amplius Reges, sed iure suo excidunt; & quod hinc efficitur, Regem non occidit

Gerfon.

cidit qui horum aliquem occiderit. adeò volubiles sunt isti verborum artifices, & posticam apertam semper relinquunt, qua effugiant.

Obseruet interea Lector verè prodigiosam & malignam astutiam. Cardinalis vult legibus Ecclesiasticis coerceri Regum parricidas. credes hîc pro legibus Ecclesiasticis, quibus Regum vitam securam facit, adducturum illum sacræ paginæ verba, & ponderis & authoritatis causâ. at ille legem citat è Concilio Papis improbato, & quod illius rei de qua ipse agit omnino non meminit: aut si meminisset, Cardinali tamen non deest nobilis distinctio, qua omnia eludat. Nulla falsæ opinionis stabiliendæ melior ratio, quàm si eam falsis & ridiculis argumentis oppugnes: nec veritatis labefactandæ certior via, quàm si eam rationibus & authoritatibus stramineis confirmes; quemadmodum Plato ait, inde apparere animarum immortalitatem, quia olor canit moriturus. Ita fides habenda est sacris literis, quia à Pontifice authoritatem habent. hæ sunt rationes quibus vitæ regię securitati prospectum cupit Cardinalis.

Plato in  
Phædon.

Eodem artificio videri vult Regum cædes grauissimè odisse, quum eos per sententiam Pontificis rectâ ducat ad interitum. Nec enim dubium est, quin Rex à Pontifice deiectus omnem moturus sit lapidem, vt dignitatem suam sacratam tectam defendat, & aduersus rebelles subditos, quibus iuramenti sui gratiam fecit Pontifex, seipsum tueatur. Dum miscentur hoc tumultu humana omnia diuinæque, fieri non potest quin Rex multa adeat discrimina, vitâ eius non solum expositâ bellorum periculis, verumetiam mille proditorum insidijs: quia Rex legitimè deiectus, si Reipub. gubernacula nolit dimittere, pro tyranno & usurpatore habetur, & impunè à quocunque occiditur, quum ipsæ leges omnibus permittant tyrannos & usurpatores è medio tollere. *In reos maiestatis & publicos hostes omnis homo miles est*, ait Tertullianus. Aufer Regi legitimi Regis nomen, & vnâ auferes omne vitæ ipsius præsidium, auferes tutelam omnibus satellitibus firmiorem. hos enim desperatus quispiam sicarius facilè medios peruaserit, iam regię vitæ dominus quia contempsit suam. Qui simulant igitur displicere sibi Regum cædes, & nihilominus regnis eos censent exuendos, ita prorsus videntur dicere: Ne occidamus Reges, sed exarmemus eos vt occidantur. Vitam ne eripiamus, at vitæ defendendæ instrumenta eripiamus: ne tollamus è medio dum sunt Reges; horrendum enim id scelus foret & abominabile: at eos omni potestate regiâ exuamus; sic quisquis occiderit, Regem non occidet. hæc de eo Rege dicta sunt cui per Papæ sententiam potestas abrogata est, vires autem idoneæ suppetunt quibus se tueatur.

Apolog. c. 2.

Quod si Papæ sententia obtinuerit, & Rex verè regno exciderit, valde erit ei difficile amisso sceptro vitam conseruare. nec enim Reges  
sunt



sunt felibus similes, quæ ex alto præcipitata semper cadunt in pedes. Pauci Imperatores & Reges imperio fuere superstites. nam quibusdam gradibus ascenditur ad regnum, nullis descenditur. Nimium eius interest, qui alienum inuasit regnum, ne viuat ille quem possessione eiecit. & si qui euaserunt, illi apud externos fugitiuorum vitam vixerunt qualibet morte tristiore. Dionysius Siciliae Tyrannus ludimagister factus est Corinthi, electo vitæ genere cui aliqua inesset regni species. Huic soli datum fuit post regnum amissum ridere. In meo hoc Angliæ regno multi Reges regno deiecti sunt, Edouardus II, Richardus II, Henricus VI : qui omnes in carcere crudeliter enecti sunt. Regnante Edouardo III. proditores decreto Ordinum declarati sunt, quicumque imaginarentur (hac voce vititur Lex) aut machinarentur Regi interitum. quo decreto freti Prætores Angliæ ex eo tempore illos Prodiores Reip. pronunciauere, qui de Regis depositione loqui auderent. credebant enim Regi non eripi coronam, nisi & vnà vita eriperetur.

Pag. 95.

Ludibrium igitur merum est quod addit Cardinalis, *Ecclesiam nisi in foro Ecclesiastico non absoluerit subditos à Regis obsequio. nec aliam Regibus infligere penam quàm excommunicationis & illius absolutionis; tantumque abesse ut velit eorum vitæ quos suis coercuit censuris insidias strui, ut omnes cades detestetur, præsertim verò inopinatas illas & subitas, quæ corpus & animam ut plurimum interimant.* Nam nobis monstratum est non abdicari posse Regem, quin mors, aut quod morte grauius est, sequatur. Quid prodest non iuberi ab Ecclesia Regum cades, si id iubeatur vnde cades necessariò sequantur? His adde quod Cardinalis iniquè & reclamante ratione inter fori Ecclesiastici pœnas numeret *absolutionem illam à iuramento fidelitatis.* Est enim ciuilis pœna non Ecclesiastica; & quod hinc efficitur Ecclesiastico foro adiudicari non potest sine iniuria ciuilis. Magis abest à ratione quòd negat Ecclesiæ non esse cordi insidias aduersus eos, in quos censuræ emissæ sunt. Nam Papa Urbanus in Can. *excommunicatorum* ita loquitur: *Non enim eos homicidas arbitramur, quos aduersus excommunicatos zelo Catholice matris Ecclesiæ ardentes aliquos eorum trucidasse contigerit.* Quod si Regum parricidia non approbet, Papa, cur à Marianæ libro in quo Regicide laudibus efferuntur censuram suam abstinuit, quum in alijs eiusdem libris censendis labori suo non pepercerit? cur Parisiensis curiæ sententiam aduersus Castellum censura notauit? Cur passus est Romæ Garnetum & Oldcornium, coniurationis nostræ puluerariæ artifices, tum per libros scriptos, tum per effigiatas imagines in numerum Martyrum referri? Cur postquam duos Reges maximos continenter vidisset occisos, nullo planè indicio quid sentiret aperuit, nec vllam tulit legem, qua Regum securitati in posterum consuleretur? Becani librum, fateor, perstrinxit sed languida & captiosa censura, ut accuratiorem illam Sorbonæ

Caus. 23.  
Quest. 5.

bona  
num  
admo  
cis in  
popul  
lation  
ferent  
am, q  
Imper  
corpu  
quem  
quam  
mea p  
rius ap  
mo Pon  
consiliu  
tur cor  
exuit.

Can  
impro  
ita imp  
ficat  
tur in  
Rege a  
loconf  
dissipe  
Entibi  
corpore  
rum co  
multu  
cibos r  
compe  
thedra  
rannon  
nica in  
Regib  
Deus f  
spuant  
diuina  
Nec  
re prop  
insidias

bonæ & rigidiorẽ præueniret. Nam censura Papæ aduersus Becanum est generalis, & de Regum vita nihil habet proprium. & duobus admodum mensibus elapsis idem liber recusatus fuit, & Nuncio Pontificis in Germania inscriptus, mutatis tantum duobus articulis, quibus populo suprema in Reges potestas dabatur. Ad illius iacturæ compensationem tres aut quatuor articuli inserti fuere, eandem potestatem deferentes Pontifici, contumeliosiores & nequiores in dignitatem regiam, quàm de quibus antea instituta erat querela. Quod si antiquiorum Imperatorum exempla libeat recolere, vt Henrici IV. cuius exanime corpus sæuitiæ Pontificis exemptum non fuit, Frederici II. aduersus quem concitauit Sultanum. Elizabethæ Reginae gloriosæ memoriæ, quam Roma missi percussores tentarunt occidere, & aliorum, quorum mea pro iuramento fidelitatis apologia meminit, luce meridiana clarius apparebit, quantum à veritate absint ea Cardinalis verba, *quod nemo Pontificum eo vsque progressus sit, vt Regum cadibus aut consensum aut consilium dederit.* Vel hoc ipso quod tractamus argumento satis euincitur contrarium. nam Reges ad mortem rectà ducit, dum eos regno exiit. Pag. 97.

Cardinalis ipse quadamtenus hoc videtur agnoscere, *dum ait cades* Pag. 95.  
*improvisas & subitas valde esse Ecclesiæ exosas:* quasi sponte fateretur non ita improbari illas, quæ per manifestam vim fiant. & paulò post significat *Reges à Pontifice deiectos manifesto bello petendos esse.* Ex quo efficitur in bello iure occidi eos. insignis sanè clementia, mitius enim cum Rege agitur si in castris plumbea traijciatur glande, quàm si in cubiculo confodiatur fica; si in vrbsi obsidione sulphureo puluere è cuniculo dissipetur, quàm si in pace cuniculus hic subter domum eius agatur. Entibi rationem eius. *quia per improvisam cadem sæpe anima interit cum corpore.* hæc est eorum, qui Parricidas extrudunt, clementia, vt quorum corpora curant interim, eorum animas sollicitè custodiant. Nec multum abludit à Marianæ Iesuitæ consilio, qui non vult tyrannorum cibos misceri venenis, ne fortè dum ipsi venenum sumunt suæ mortis comperiantur rei; sed monet exemplo Regum Mauritaniæ eorum cathedras tantum, aut vestes inficiendas veneno, quo scilicet miseræ tyrannorum animæ abeant è corporibus innoxia. O pestifera & Satânica ingenia! nec vnquam auderent talia dare consilia, nisi viderent Regibus parum superesse animi, populo nihil libertatis. Et illi quos Deus suos *Vinctos* appellat patientur etiamnum, vt in ipsorum facies despuant vermiculi, quos solo spiritu possent diffilare, atque ita Maiestas diuina in ipsis sprete iaceat?

Nec minus habet irrisionis sequens illius cauillus, *ubi negat sibi place-* Pag. 95. & 96.  
*re prophanas illas Ethnicorum leges, per quas licet eorum tyrannorum vitam per insidias aut coniurationes appetere, qui sui imperij administratione non alieni v-*

*surpatione tyranni essent.* hæc enim duo tyrannorum genera distinguit. Nam post abrogatum illis imperium, manet tamen (inquit) aptitudo quædam ad dignitatem regiam; & quasi characteris politici species aliqua, quæ eos à priuatis secernit, remotoque obstaculo ad legitimum regie potestatis vsum reducit. Fieri non potest vt ex animo hîc loquatur. fingamus enim Regem solio deiectum euitare posse mortis periculum, & priuatam vitam viuere in pace, tantum abest vt illi dignitas aliqua aut character politicus supersit, vt contemptior & infælicior futurus sit quàm si Rex nunquam fuisset: est Pauo auium pulcherrimus, at plumis nudatus mone-dula ineptior est. Proletarius artifex qui sua libertate fruebatur Romæ, beatior erat Valeriano Imperatore apud Saporam Persarum Regem captiuo. Quòd si Dominus Cardinalis honore omni & munere Ecclesiastico excideret, paruo, vt opinor, deputaret solatio, quòd aptitudo quædam ipsi superesset ad amissam dignitatem, & character aliquis Cardinalitius: nec talis cogitatio (vt opinor) efficeret vt minore cum molestia pedibus deinceps incederet.

Ecce autem quo se haud dubiè solentur Reges à Pontifice propter hæresin deiecti. Nam amoto obstaculo (id est, quum se correxerint & emendarint) aptitudo ista, & character illis superstes ad legitimum regie potestatis vsum reducet. Nam extra controuersiam ponit Reges deiectos, si pænitentiam egerint & boni Catholici euaserint, reuocandos esse ab eo qui illos deiecit, ob eorum conuersionem plurimum scilicet latante; & pristinæ dignitati bona fide restituendos. At hercle metuerem ego, ne nouus ille Rex annos saltem aliquot postularer, quibus deiecti Regis pænitentia examinari posset, ingenuane esset an simulata. nec enim eorum verbis semper habenda est fides qui se aiunt pænitentiam agere. Fortè etiam persuaderi posset Papæ in aliquam aliam hæresin postea lapsum esse Regem illum; aut à priori hæresi characterem animo eius infixum magis indelebilem illo, qui est à regia dignitate. Qua in re longè durissima est Regum conditio & miserabilis, quibus post abdicationis pænam nullus pænientiæ locus relictus est, tanquam eorum peccata essent in Sp. sanctum, aut ita lethalia vt omnem deprecationem excluderent. Restitui potest homo priuatus: Regi deiecto sua pænitentia inutilis est. Præterea priuato seruos subtrahere non licet, nisi ipse & consenserit & permiserit; at penes Papam est ex nostris subditis facere non subditos, dum illos citra nostrum consensum recipit in Clerum suum. Quid si Rex ipse hæreticus fiat & filius eius maneat Catholicus, quis tunc occupabit locum deiecti Regis? an peregrinus? at sic filij innocentia opprimeretur iniuriâ. an filius? at ille si Deum timet non pellet patrem: nec Henrici V. Imperatoris exemplum imitabitur, qui Papa auctore patrem senem expulit imperio. Nec à Doctore Suarezio Iesuita consilium petet, qui libro aduersus me scri-



pro multorum Doctorum testimonio confirmat, si Papa Regem deponat ab illis tantum expelli posse vel interfici, quibus ipse Papa id commiserit. id est si Papa Regi imperium abroget, non posse illum legitime expelli aut interfici nisi ab ijs, quibus id in mandatis dedit Papa. subiungit autem, si Papa Regem declarauerit hæreticum, & à regno depositum, & de executione nihil amplius declaret (id est nemini disertis verbis iniungat ut eum occidat) tunc solus legitimus successor eius habet illam facultatem, si Catholicus sit, vel si ipse negligat vel nullus sit, communitas regni in illo iure succedat si sit Catholica. Notatu sanè digna sententia. Nam legitimus Regis successor est filius, qui si huic auscultet, patrem suum, ut primum à Pontifice deiectus fuerit, debet interimere. Quod eò obseruatione dignius est, quia pestifer hic liber contra me ex professo scriptus est; & quod hinc sequitur filio meo consilium dat, ut si Catholicus euaserit & Pontifex mihi propterea potestatem abrogauerit, suum parentem interimat. Eiusmodi profitentur doctrinam hi sancti Patres, Pontificij defensores imperij, quibuscum si veterem Paganorum impietatem aut hodiernam Cannibalum feritatem compares, meram dices humanitatem & clementiam. In his potius versari debuit Cardinalis oratio, quàm in *habitudinibus & characteribus politicis*, quos populus perinde intelligit, ac si nihil diceret.

Sed parua sunt ista ad sermonis epilogum, vbi persuadere conatur, recepto tertijs Ordinis articulo, quo ista Pontificibus in Reges potestas negatur, periculum Regibus & dampnum adferri: propterea quod inde nasceretur schisma, & ex schismate ciuilia bella, & Regum contemptus, inque eorum vitas infidie, & quod his maius est, diuina ira. Valde hoc admirabile est & paradoxum, & hominibus occæcandis oportunum, quod nos credere oporteat Regum vitas non esse in tuto, nisi penes Pontificem sit eos maiestate exuere: quod honoratiores futuri sint, si alteri sua sceptrà submiserint: quod summam potestatem abdicare debeant ut viuendi securitate fruantur: quod penes alterum esse oporteat coronis suis eos exuere, ut diu illas habeant: quasi diceret ponendam esse summam potestatem, ut eam retineant. Ego putarem firmiorem esse mearum rerum possessionem, si meo solius non alieno subsint arbitrio. Verum hunc nobis errorem peperit ingenij nostri tarditas, ut verendum sit ne Pontifex eadem cum bono Childerico fraternitate nos beet. Quum igitur supra captum meum sit admirabilis hæc ratio, fugio ad experientiam; nec enim vnquam comperi tumultum aut ciuile bellum ideo contigisse, quia negarunt homines penes Papam esse Regibus imperium abrogare. Ex eo verò, quod hanc Pontifici potestatem assertum iuerint, constat in Anglia sub Henrico II. & Ioanne & Henrico III. mille rebelliones & ingentes vastitates exortas. Eandem ob rem Europa sub Henrico IV. & Frederico I. madebat Christiano sanguine,

dum Saraceni in Oriente Christi nomen abolerent. Nec alia causa nouissimum fœderatorum bellum in Galliam inuexit, unde ea regio in peregrinæ gentis seruitutem tantum non redacta est, & duo Reges è medio sublari. Ita Cardinalis, dum hæc Satanica axiomata pro regni salutis præsidij nobis commendat, haud aliter loquitur ac si nobis confuleret ficcari in aqua, aut calefieri ad Lunam.



## EXAMEN EPILOGI ORATIONIS.

**R**ationibus exhaustis ad preces hortationesque descendit, adiurans auditores suos, ne dum temporali Regum saluti consulunt, auferant illis eternam. ne rumpant vnionem Ecclesie, in seculo præsertim hæresi infecto, cuius tot sunt in Gallia propugnatores, quæque ex Catholicorum schismate vires sumat, & latius serpens religionem nequeat opprimere sine Regum pernicie. Non alium sibi proposuisse finem, qui hunc offensionis lapidem primi mouerunt, nisi vt Ecclesiam diuiderent. nec hunc articulum esse à tertio Ordine excogitatum; sed ab ijs, qui iampridem à Romana Ecclesia diuisi quorundam hominum vtuntur opera, qui se Catholicos imo Ecclesiasticos dici volunt, vt specioso prætextu Regi seruiendi simplices illaqueent: Iulianum apostatam imitati, qui ad idolorum cultum ducturus Christianos, Veneris & Iouis statuas miscendas curant cum suis. Et post flosculos aliquot Rhetoricos articulum hunc monstrum vocat in piscem desinens, quod ex Anglia transnatarit. nihil enim ab Anglicano iuramento differre nisi quod Anglicanum paulo mitius sit & modestius. Hic ob scientiam & varias virtutes ciuiles me commendat, quodque in hanc arenam Theologicam cum eo descendere non fuerim grauatus, neque me aliud facere dum Romanam Ecclesiam schismate conor diuellere, quam quod rectum & honestum putem: sed æquum non esse, vt quod in Anglia fit vigorem legis in Gallia obtineat: aut Catholici, & nominatim Ecclesiastici, quod suâ in Gallia libertate & securitate fruuntur, in ea cogantur iurare & credere, quæ Angli, vt respirandi vel potius suspirandi veniam consequantur, credere & iurare necesse habent. Quod si in Anglia reperti sint, qui maluerint omnia ferre supplicia, quam suo illud suffragio comprobare, an in Gallia deerunt qui idem faciant? Non deerunt profecto (ait) si res tulerit: & nos Episcopi quotquot sumus ad Martyrium potius accincti sumus. Denique ad probitatis suæ cumulum me cum suo Rege committit, de quo gratias agit Deo quod nullam in Martyribus faciendis voluptatem ponat.

Ampullosa hæc omnia & subdola inuenies si propius intueare. Nec enim

enim credidit tertius Ordo, dum Regis sui vitæ & securitati prospicit, æternum illi exitium creari. neque ita sunt illi obtuso pectore vt credant animam Regis sui saluari non posse nisi ipse mancipetur Pontifici.

Quod ait hæreticos in Gallia suam ex hoc dissidio rem gerere, pro confesso sumit hæreticos esse qui Christianam religionem illam Reformatam, & à Papismo repurgatam profitentur. quod tum demum probabit, quum aliud nobis Euangelium cudet, & aliam scripturam. Me aliquando hac in re erudiendum suscepit, sed nihil adhuc præstitit. Tres iam annos est, quum ad scriptum quoddam meum paucorum sanè dierum opera confectum responsum parat, quam vereor ne nimium fingendo refingendoque tandem ad nihilum contraxerit. At persona Regis qui ad eum amice scripserat, & ipsius negotij grauitas mereri videbantur vt responsum aliquod in lucem emitteret. neque ego illius ingenio, quod scio quàm sit eximium, sed causæ iniquitati, cuius probe conscius erat, id adscribendum puto.

Vt igitur ad eos hæreticos reuertamur, qui ex Catholicorum dissidijs sua quæerunt commoda, eorum officium non erat lites & dissidia spargere, sed suam Regi fidem præstare; quod dum faciunt si his quidem placuerint, illis vero displicuerint, dolere debent quod Regis causam agentes & veritatem defendentes non omnibus placuerint. Nec erat cur latere cuperent, si primi erant illius articuli authores; quin potius gloriosum illis fuerat, quod soli essent de Regis vita & potestate solliciti. Sed delegati tertij Ordinis non habebant necesse id aliunde discere, quod in historia Gallica tam tritum est: nec opus erat vt vltimarium hoc (vt illi placet) doctrinæ monstrum ex alio orbe excirent, cum oculis obuersarentur duorum Regum cædes, tot ciuilia bella, tot Curiae decreta, quibus eadem aduersus hoc malum tentata est medicina. Non est opus externo monitore cum sentitur molestia. Et mihi videtur in tertij Ordinis delegatos, quibus ad blandiri vult, contumeliosus, quasi parum illis aut prouidentiae foret aut charitatis in Regem, nisi monentibus reformatæ religionis hominibus. Quod me autem inter dissidiorum artifices connumerat, testor fidem nihil mihi vnquam eiusmodi in mentem venisse. liberalioribus & apertioribus assueui consilijs, nec cuiusquam metu necesse habeo latere. Nec vllam re Iulianum mihi proposui imitandum: ille à Christiana fide defecit, ego eam constanter profiteor. ille strophis vsus est, à quibus ego abhorreo. ille ciues suos ad infidelitatem impulit contra Iesum Christum: ego meos induco, vt fidem mihi præstent quam iniunxit Iesus Christus. dissimilitudinis rationes fusius pertracto in refutatione Bellarminianæ ad Blakuellum epistolæ; ex qua quum hoc exemplum transcripserit Cardinalis, inde quoque nostra illi discenda erat responsio.



Quod si vana ea est qua me tangit suspicio, nec laudibus illis quas tribuit me patiar consopiri. Nam scientiæ laudem alicui tribuere, & Dei timorem auferre perinde est, ac si in milite pulchram cæsariem extolleret, ipsum vero hominem ignauum diceret, & nihili. Scientia in hæretico nulli rei est, nisi vt culpam aggrauet. Virtutes omnes degenerant in vitia, quum famulantur impietati. Ancillæ quas ad se vocat Sapientia 9. Prouerb. sunt virtutes & scientiæ humanæ, quæ tum perniciosæ euadunt quum relicta Domina se Diabolo mancipant. homo intelligens & ciuili virtute præditus hac re solum præstat imperito & improbo, quod elegantius intereat; & maiore dexteritate properet ad inferos. At his euadir intestabilis, si ad vexandam Ecclesiam sua abutatur virtute: si illi vt Cæsari exprobari possit illud, quod sobrius accesserit ad euertendam Rempubl. interfuisset enim Reipub. si ebrius fuisset. Vt verbo expediam, nihili facio laudes illas, quibus nihil inest quod non verè de Maroccenorum Regum aliquo dici possit: quibus mihi accessionum quarundam minutia non negantur; at quod præcipuum est detrahitur, timor & cognitio Dei, cui ego sceptrum & gladium & pennam & vigilias meas omnes consecraui; memorianimo illius gratiam recolens, qua me errore sæculi, & regna mea graui Pontificis iugo liberauit: vbi iam castè seruitur Deo, & lingua populo intellecta, vbi leguntur scripturæ sine priuilegio, & eadem libertate qua ab Ephesijs, Romanis, Corinthijs epistolæ ad ipsos à D. Paulo conscriptæ. vbi remissio peccatorum non amplius redimitur tributo, quod ante centum annos viritim exigì solebat: neque iam vltra maria & montes petendæ sunt indulgentiæ, quæ subditis meis ex Euangelica doctrina repræsentantur domi. Si ob hæc miseras vocat Cardinalis nostras Ecclesias, nolumus cum illius fælicitate mutare hanc miseriam. Quod superest ego vitam meam per Dei gratiam sic conabor transigere, ne quis eam sine calumnia possit reprehendere. non ego de me tam acerbè statui, vt de seipsis Papæ, quorum opinio erat *Paparum neminem posse saluari*. Duo Papæ ijque melioris notæ, Adrianus IV. & Marcellinus II. professi sunt *non videre se, quomodo qui locum illum tenerent saluari possint*. ego diuinis in Euangelio promissionibus fretus per fidem in Iesum Christum, & peccatorum meorum pænitentiam, spero me eorum remissionem & veniam impetraturum in eius nomine; nihil verens ne sim extra Ecclesiam, dum capiti Ecclesiæ Iesu Christo adhæresco: hodie sanctissimum Ecclesiæ nomen humanis inuentis prætenditur; nec significat amplius eorum cætum qui in Iesum Christum credunt iuxta verbum eius, sed temporalem monarchiam, cuius Cæsar est Papa. Quod si Cardinali innotuissent horrendæ illæ in meam vitam, meamque familiam coniurationes, Ecclesiasticorum hominum periuria multiplicia, & proditones; haud ille criminaretur non licere Catholicis

Onuphrius in  
vita Pauli IV.  
Aliquot annis  
post, Aposto-  
lice sedis nun-  
cius in Angli-  
am ad colli-  
gendum S.  
Petri vestigal  
missus, vide  
& Mat. Paris.

Onuphrius in  
vitis Marcel-  
lini II. & Ha-  
driani IV.

tholicis me regnante suspirare, vel respirare, nec diceret omnia illis infligi suppliciorum genera. miraretur potius me adhuc viuere, aut post tot pericula, vlla nunc vti clementia. Si Rex Galliae in suo haberet regno, qui summam eius potestatem negarent, quod multi in meo regno faciunt Catholici; anne obsecro ei suaderet Cardinalis vt mansuetè & benignè cum illis ageret? an eorum laudaret constantiam qui tormentarij pulueris scelus machinati sunt? an ferendum crederet oratorem, qui quod ille nunc facit cæteros hortaretur ad subeundum infandi exempli martyrium, adque eorum imitandam constantiam, qui patriæ proditores & parricidæ comperti sunt. En quo deuenerint recentes, quibus me ornat, laudes, vt nempe à subditis meis ad mortem compellar; siquidem Martyres dicuntur qui meam vitam petunt, & in exemplum proponitur eorum constantia, qui scelus prodicionis ultimo luerunt supplicio. Illud verè possum dicere neminem in meis regnis vel mortem vel tormentum religionis causa vnquam pertulisse; sed quia in me & in Remp. aut coniurarunt, aut aliquod nobile scelus admiserunt: & nuper in Scotia Iesuita quidam meo iussu suspensus est, qui mordicus defendebat mihi in meum regnum nihil esse iuris, nisi quod Papæ per vim eripuisssem. Cardinalis igitur dum Catholicorum Anglicorum exemplo, qui omnia suppliciorum genera perpeffi sint, se offert Martyrio, proditorum & parricidarum imitatore se facit, eoque homines Gallicanis Episcopis in exemplum virtutis proponit. O quam prophanatum est sacrum illud Martyrum nomen! O Sancti Apostoli, qui testimonio diuinæ virtutis vestrum impendistis sanguinem, quales iam consortes nacti estis? Parricidas nempe & sicarios, aut vt mitius dicamus eos Martyres, qui temporali Pontificis Romani imperio vitam suam impenderunt; eos Episcopos qui se offerunt problematico Martyrio, & quod maius est propter rem incertam, neq; Scripturarum neque veteris Ecclesiæ autoritate decisam: de qua ipsimet non nisi problematicè & hæsitanter loquuntur. Ego Domini Cardinalis sapientiæ & acumini iniuriam facerem, si eum ex animo hæc loqui existimarem: sed inuitus (vt ipse fatetur) ad hanc causam agendam propulsus, succubuit necessitati, vt contra conscientiam loqueretur, & multa affirmaret à vanis accepta authoribus: vt quum ait multos in Anglia Catholicos omnia maluisse pati supplicia, quam huic articulo subscribere. Nam in Anglia crimen læsæ maiestatis quodcunque sit non nisi vno supplicij genere vendicatur, vt in Præfatione nostra monitoria prolixius ostendimus.

Nunc si illis, quibus me ornat, elogijs, (*quod scilicet Ecclesiam persequar & omni cruciatu Catholicos affligam*) si eius ad martyrium cohortationi iuxta Parricidarum & proditorum apud nos exemplum; & hoc adiunxeris quòd Reges Angliæ Papæ feudatarios faciat eorumque regnum

Pag. 10.

Pag. 30.

num ciuili obsequio Papæ mancipet, facile videbis nihil esse aliud laudes illas quas mihi tribuit, nisi plurimo felli tegendo paxillum mellis aspersum; latente acerbitate longe maiore quam apparet humanitas. Postquam enim in principio Orationis de quibuldam Regibus loquutus esset, qui sunt feudatarij Pontificis, nec summam habent in regnis suis potestatem ciuilem, postea se explicat & Reges Angliæ illis accenseret his verbis: *Quum Iohannes Angliæ Rex tum temporis nullo obsequio ciuili Papæ obstrictus eiecisset Episcopos*, &c. Intellectum hinc voluit postea illum fuisse obstrictum: quod perinde est ac si me tyrannum vocaret, & alieni regni infessorem. Nam vasallus amittit feudum si Domino homagium, aut pensitationem soluere intermiserit. Cui opprobrio hoc addit Bellarminus, quod Pontifex Reges Angliæ Hibernia donarit; quis tamen Pontifici dederit Hiberniam non meminit.

Quod ad Iohannem Regem Angliæ, is suscepta in se lite, quam pater eius Henricus II. diu multumque agitauerat de beneficiorum Ecclesiasticorum collatione, aduersarios habuit nonnullos Episcopos, quos eam ob rem loco mouit. Martyres interim & confessores appellabantur, qui temporalem Papæ authoritatem defendentes quicquam pertulerant. His motus Pontifex Regem excommunicauit, Barones alios infestos in illum concitauit; regnum verò eius Philippo Augusto Regi Galliarum donauit, sed ea lege, vt gladio sibi acquireret; remissionem deinde peccatorum mercedem laboris pollicitus est: in summa tot molestijs Iohannes Rex afflictus fuit, vt earum authorem Pontificem nulla alia ratione valuerit placare, quam seipso Vasallo eius facto, & regno ei mancipato in feudum; vt corona in posterum vectigalis fieret Pontifici, vna cum omnibus ciuium capitibus. Ea demum ratione peccatorum impetrata est remissio: an deuotionis zelo facta ista fuerint hinc facile iudices, quod Rex Iohannes, vt seruitutem hanc excuteret, regnum suum in clientelam dare voluerit Amirali Marmelino, Mahumetano, Granadæ & Barbariarum Regi. Post id tempus missus est à Pontifice legatus in Angliam, cui Rex homagium præstitit, & auri summam abiecit ad pedes eius, quam venerabilis ille legatus in dominationis signum calcauit; in festis autem solennibus regio in throno locari se passus est. Hic ego à Cardinale peto iustane hæc fuerint an iniusta, si iniusta æstimet, cur attulit pro exemplo? si iusta, quæro vnde liceat Pontifici summam sibi regnorum potestatem petere vel accipere, in quæ nihil iuris vnquam habuerat? Hoccinè eius sanctitatem decuit regnum miscere seditionibus, & regem redigere ad incitas, quo facilius summam regni potestatem sibi arriperet? Vnde huius origo iuris? Quando cepit obtinere in Christiano orbe? Num antiqui Canones (nulla est enim in hac re Scripturarum fides) eam iniungunt peccatori satisfactionem, vt se Pastori suo è Principe faciat Vasallum?

seque



seque & ciues suos vectigales reddat Episcopo, qui regnum argento exhauriat; & à rege vt valallo clientelare polcat obsequium? an peccator à pastore peccatorum veniam non prius impetret, quàm suum illi dederit patrimonium, & permiserit prædia sua & possessiones pænitentiae specie expilari? Si Pontifex quod vni Principi aufert daret alteri, tyrannicum tamen esset in res alienas sibi ius arrogare, & quod suum non esset in alterum transferre: at sibi ipsi omnia rapere & peccatorem spoliando absoluere, vt aliena bona faciat sua, id verò multis modis est intolerabilius. Ita enim spiritualis Episcopi potestas in terrenam monarchiam transformatur; & pænitentia abit in laqueos & fraudum decipula; Petri denique lagena fit vermiculum, quo exhauriantur regnorum opes. Principes verò (quod pessimum est) ea coguntur facere quæ factu prorsus sunt nefas. Nec enim licet Principi potestatis suæ rationem mutare, aut successoribus dignitatem relinquere minorem, multò minus infamis pacti turpitudine posteros suos debilitare, & ciues suos peregrino homini stipendiarios facere, præsertim Sacerdoti, quem nefas est ciuilia tractare negotia, aut regum sceptrum attingere.

Vnde factum est vt Papæ nuncio (qui ad Philippum Augustum Galliae regem ideo venerat, vt eius filium Ludouicum ab Angliæ regno auerteret) responderit Philippus, referente Matthæo Parisiensi, *Nullum regem vel Principem posse dare regnum suum sine assensu Baronum suorum, qui regnum illud tenentur defendere. Et Papam si hunc errorem tueri decreuerit, perniciosissimum regnis omnibus dare exemplum.* Idem historicus testatur Regem Iohannem inuisum fuisse subditis, quòd indignissima seruitute regnum implicuisset. Igitur ius illud Pontificis quum nihil aliud fuerit quàm ridicula usurpatio, sponte sua & absque gladij ictu euauit, in fumumque abiit. Nam potestas Papalis humano errore vt fundamento subnixâ, architectante superbia, fulcimente superstitione, ad primum veritatis adspèctum facile corrui; quum nemini ignotum esse queat eam potestatem in regnum Angliæ si in verbo Dei fundata esset pariter quoque ad cætera regna necessariò pertinere, quum omnia regna Dei verbo pariter subsint, nisi hanc Gallia prerogatiuam habeat, vt minùs quam Anglia subdatur Deo: vel fortè eò conducat ista Anglorum seruitus, vt facilius quam cæteri æternam vitam consequantur, dum illi sua in Pontificem transferunt patrimonium, Pontifex verò eorum promptitudinem spiritualibus donis compensat. hisce ineptijs etiam cogitatu pudendis suos auditores pascit Cardinalis.

Hinc ad Hæreticos relabitur. *Nulla est, inquit, ministrorum Synodus que hunc articulum subsignet in quem nos volunt iurare.* qua in re nimium quantum hallucinatur. In Britannia, in Gallia hoc approbant vno ore Ministri, etiam pro concione: nec quisquam eorum sat scio suo chirographo renueret confirmare. Ait

Ait præterea nullum esse eorum Consistorium, quod non iudicet exemptum se fidelitatis iuramento in Catholicos Principes, quoties ipsorum conscientijs inferatur vis. hinc illa sunt in eorum ore frequentes restrictiones [ Si modo Rex vim nullam inferat conscientijs nostris: Si modo Dei Opt. Max. summa potestas maneat intacta. ] Ego certè non video quo pacto ex his effici possit Reges à Pontifice posse regnis exui. Vt ut enim eiusmodi tenerentur errore reformatæ religionis professores, non tamen inde excusari possent Romano-Catholici, qui Regibus suis aduersarentur. Verùm in his, quæ à Cardinale allata sunt, nihil est quod cum articulo tertij Ordinis & obsequio Principi debito non optimè quadret. Nec enim aiunt se Regi, si quicquam illis contra conscientiam iniungeret, structuros infidias, subtraçturos tributa aut seruitia in bello, vel abrogaturos illi imperium, vel iuramento fidelitatis exempturos populum; id quod in quæstione iam versatur, & est malum illud cui in Articulo suo obuiam ire voluit tertius Ordo. multum inter se differunt non obedire Regi in re vetita à Deo, sic tamen ut in omnibus alijs obedias; & illum non amplius pro Rege agnoscere, aut penitus abdicare. Si quid diuinæ legi contrarium Cardinali mandaret Pontifex, charitas iubet credere non obsecuturum illum; haudquaquam tamen, ut opinor, intermitteret Papam pro Papa habere.

Vlterius rem vrget his verbis: *hinc arma ab ijs sumpta sunt aduersus eos Reges, qui libertatem religionis illis ibant ademptum. hinc ab ijs excitata seditiones in Flandria aduersus Regem Hispaniarum, in Suecia aduersus Regem Poloniae Catholicum.* Deinde Iunium Brutum, Buchananum, Barclaium & Gersonem nobis obijcit. Nescio ego quid ista faciant ad Pontificiam illam potestatem reges abdicandi. affirmat interim quæ procul absunt à vero. Nec enim hætenus intelligere potui, reformatos in Gallia Christianos arma sumpsisse contra Regem. In primis turbis contenti erant se defendere. Priusquam armis experirentur gladios ignisque vbique fuerant experti. nec à religione origo litis erat, sed quia in Francisci II. pupillari ætate seruierant Principibus regij sanguinis, pulsas aula; nominatim huius regis & Principis Condæi auis, qui quo se verterent nesciebant: quo nomine apud Regem Gallia debent nunc esse fauorabiliores. Alia præterea seditio inuenitur nulla. Contrà verò, nonne illi Henrico III. periclitanti auxilium tulere, quanquam ille missis exercitibus eos antè iussisset exterminari? Nonne in Turonibus eius vitam è præsentissimo exemerunt discriminè? nonne cum omnia miscebantur tumultibus, & maior Gallia pars Papa & Clero authoribus rebellaret, & ipsi & eius successoribus semper adhæserunt? nonne Regi in omnibus prælijs adfuerunt, fulcientes dignitatem sceptri quæ tum ad ruinam proximè spectabat? Nonne qui nuperum Regem omni odio persecuti fuerant, hodiè co-

rum



rum præmijs fruuntur qui reformatam religionem profitentur? qui non ideo nunc inuisi sunt quòd de religione dissentiant, sed quia, si illis haberetur fides, Reges Galliæ à Pontificibus amplius non penderent; nec viueret in Gallia qui se Regis subditum negaret; nec Romam euocarentur lites de matrimonijs & beneficijs Ecclesiasticis; nec maneret Gallia Pontifici stipendiaria, prætextu annatorum & tributorum eius generis. Ipse Cardinalis hac criminatione eos eximit, dum fateretur dogma illud de sæculari Pontificis in Reges potestate obtinuisse vsque ad tempora Caluini; tectè innuens priores malè de regibus meruisse, hæreticos verò, quos vocat, sacras literas aperiendo effecisse vt potestas Regū antea oppressa caput emergeret. Quòd ad Belgas & Suecos aliena ea res est à nostro negotio. Illi suas habent rationes à religione diuersas & politicas, quæ non sunt nostri arbitrij.

Quem nobis obijcit Iunius Brutus author est ignotus, & fortè Romanensis Ecclesiæ emissarius, vt per illum Reformatæ religionis Christianis apud Principes conflarent inuidiam.

Buchananus Poeta fuit non Theologus. eius verba aliquando intemperantiora violento ipsius ingenio & temporum iniuriæ, non religioni illius imputanda sunt:

Barclaius quem citat non vult Reges priuari potestate, sed tantum non agnosci pro Regibus postquam ipsi potestatem regiam deposuerunt. qui censet posse fieri vt Rex desinat esse Rex, non censet continuò posse Regem à Pontifice priuari regno.

E Gertone quod adfert supra discussum fuit; vbi ostendimus adulterari ab eo & corrumpi mentem authoris. Sed nostrum non est quæcunq; ab his vel illis dicta sunt defendere. id sufficiat, nullum reperiri in nostra religione consilium rebellandi, nihil quod fidelitatis iuramento subditos eximat; nullam denique esse nostrarum partium Ecclesiam, quæ pestifera hæc dogmata vnquam admiserit.

Si quis hodie in Gallia stat contra Pontificem pro Regis dignitate qui olim aliter senserat, laudem is meretur quòd iniustam sententiam mutauerit: & melius quàm Cardinalis fecisse censendus est, qui priorem opinionem suam, licitam illam & sanctam, eiurauit. Ille enim malum bono, at Cardinalis bonum malo commutauit.

Finem facit in laudibus Galliæ Regis, qui nunc regnat. Illum vocat *primogenitum Ecclesiæ filium, & propaginem lilij, cui Salomon in gloria sua par non erat*. Et ad historias nos remittit, è quibus discere liceat regnum, Gallia, quoties cum Apostolica sede bene illi conueniret, nempe cum Ecclesiæ sponso inter lilia gregem pascente, toties bonis omnibus affluxisse, terrenis, celestibus. at factò discidio, lilia continuò inter spinas omnibus fuisse malis & incommodis obsessæ.

Respondeo ego malè eum mereri de Rege, quòd verborum lenocinijs



nijis eum demulceat, dignitatem verò regiam fœdissimæ mancipet seruituti: Testatur historia, testatur experientia illud cum Pontifice diffidium rebus Galliæ prosperis nihil nocuisse. Paparum iniuriæ haudquaquam impedierunt, quò minùs alta pace & bonorum affluentia frueretur Philippus Pulcher. Ludouicus XII. Iulij secundi, Pontificis exercitum prælio fudit, ipsum vero Papatu excidisse pronunciauit, & in coronatis aureis pro Romæ nomine scribi iussit Babylonem: ille tamen subditis suis vixit charissimus, & communibus populi suffragijs PATER PATRIÆ meruit appellari. Nec magis vnquam vel cælestibus donis, vel pace & opibus floruit magna Britannia, quàm ex quo Pontifex hîc desijt aurigare, & ad S. Petri tributum colligendum legatos mittere, regesque acceptum illi ferre ius sceptri, & eo obtentu expilari.\* Et quid, obsecro, fuere Zelandia, Holandia, Frisia, ante accensam Euangelij facem, ad eas quas nunc à Deo nacti sunt deuitias & fœlicitatem? Num inferior vel ærumnosior facta est Venetorum Respublica, ex quo vnum è duobus gladijs Pontifici extorsit è manu, sæcularem eius tyrannidem? At Reges Galliæ pro amplissimis in Italia territorijs, quæ donarunt Pontifici, proque Auenionensi Comitatu, quàm inhumanam receperunt mercedem? ficta fuit ab ijs donatio Constantini, vt Caroli Magni & Pipini munificentiam supprimerent. atque vt Reipub. Gallicæ statum affligerent cum filijs Ludouici Pij coniurarunt in patrem, cuius vita merum fuit innocentiae exemplar. regnum emunxerunt argento per innumeras fraudes, quibus obuiam ire Reges Galliæ pragmatica tentarunt sanctione. sæpe populum territarunt interdictis, deiecerunt Reges, regnum exposuerunt vicinis in prædam, conspirarunt cum subditis aduersus Principes: vnde ærumnæ infinitæ & parricidia sequuta sunt. Hanc reddidit Rauallacus causam sceleris, quia Rex, inquit, arma voluit sumere aduersus Deum: nam contra Papam bellare voluit: Papa autem est Deus. Nec satis mirari possum, quomodo nouissimas Galliæ calamitates, in quibus malè conueniebat Pontifici cum Gallis, exempli loco adferre ausus fuerit Cardinalis, quum earum omnium author fuerit ipse Pontifex. Si rege vel populo Papam vexante Deus famem in eos misisset vel pestilentiam, potuisset ea res accipi pro vindicta iniuriæ Vicario suo illatæ. iam verò quum ab ipso Pontifice fuerint hæc omnia, non est Deus qui eius vindicat iniurias; sed ipse suus est ultor, &, quod pessimum est, nulla ante laceffit iniuria. Dum igitur per præteritarum calamitatum memoriam hortatur, ne se à Pontifice seiungant; non hortatur vt ament Pontificem, sed vt mala multa quæ dedit Pontifex in memoriam reuocent, fulminaque eius & minas timeant: quæ profecto nihil nocent nisi timentibus, imo vero meas ditiones maxima mactarunt prosperitate.

Quòd si Gallia, quo tempore amica erat Pontifici, egit prosperè, inde

id fa-

id factum est quia Pontifex eorum ambit amicitiam, ex quorum rebus secundis quæstum faciat. nec Principum res ideo prosperæ sunt quia illis fauet Pontifex, sed Principibus fauet Pontifex quia eorum res prosperæ sunt. Nam ut hirundines ver comitantur, non faciunt; ita Pontifices felicitatis Regiæ consortes sunt, non authores. Ingruente infortunio, aut civili bello unde periclitetur rerum status, è vestigio Papa animarum scilicet studio se rebellibus applicat, accurritque ad oues ut eas seruet. Quod si Dominum tum mutauerit Respublica, cauebit ille ut nouus infessor regni Apostolicæ sedi, unde adiutus fuit, omnem suam potestatem referat acceptam. Sin vetus possessor debellatis hostibus, irriso Pontificis fulmine, triumphabit, tum verò sua Sanctitas omne genus indulgentiarum largâ in eum manu effundet, misertus sanè illius quem miserum facere non potuit.

Euenere hæc omnia iusto Dei iudicio, qui reges ignaros officij spiritu vertiginis corripuit, ut religionis obtentu regna sua facerent vectigalia, & ius sceptri alienæ potestati fædè manciparent. Deus Opt. Max. in cuius manu sunt corda Regum ut fluentia aquarum, solus potest illos ex alto sopore excitare, & debilia hæc scrupulorum vincula, quibus eorum potestas constringitur, quemadmodum taurus exiguo fune duci solet, tandem aliquando disrumpere. Ego meum sceptrum cum corona ad eius pedes abijcio, qui est Rex Regum, paratissimus illi in causâ tam iusta meam operam nauare, omni que ope id defendere, nos Reges, quos in solum euexit, illius Majestati vni solique regiam dignitatem ferre acceptam, quam ego ipsius seruitio do, dico, consecro.







---

# ORATIO

## HABITA

*IN CONVENTU ORDINVM*

XIV. KALEND. APRIL. 1603.

*QVI DIES PRIMI CONVENTVS*

*PRIMVS FVIT.*





tis,  
& t  
pla  
qu  
sta  
au  
cep  
gra  
vt  
me  
exp  
sta  
tor  
tia  
ad  
nil  
ter  
Re  
qu  
ba  
vo



## ORATIO PRIMA.



T primum Deo Opt. Max. visum est  
 inflictae pœnæ acerbitem lenire, &  
 Angeli hanc urbem assumentis violen-  
 tiam retundere; statui continuo tribus  
 præcipuè de causis hunc conuentum  
 ordinum indicere: quarum prima non  
 solum ad eam rem videtur sufficere, sed  
 etiam necessitatem comitorum impo-  
 nere; vt vos scilicet, qui Rempubl. om-  
 nesque in ea hominum ordines refer-  
 tis, auribus hauriatis, ego voce exprimam quantum vestrae alacritati  
 & beneuolentiæ debeam, quorum communi lætitia & plenissimo ap-  
 plausu in eum locum receptus sum, quem sanguinis mei & propin-  
 quitatis iure Deus suo tempore mihi destinârat; idque nullâ interie-  
 cta morâ, sed vt primum Regina vestra celebri memorîæ, satura  
 xui sed saturior honoris, ex hac fragili & caduca in æternam vitam re-  
 cepta est: Non quod mihi ea sit eloquentiæ vis, quæ hoc tantum  
 grati animi debitum pari verborum dignitate exæquet; sed tantum,  
 vt me meis ipsius verbis ad eam gratitudinem obligem, quæ vestris  
 meritis meisque viribus & moribus respondeat. Vnquamne ego in-  
 expectatam illam animorum promptitudinem, & singularem con-  
 stantiam obliuiscar, quâ me Regem vestrum legitimum & guberna-  
 torem vno ore pronunciaistis, vno pectore consensuque recepistis? Pa-  
 tiarne è memoria excidere, vt omnes hominum ordines mihi primò  
 aduentanti in occursum non exierint, sed quasi euolarint? ex oculis  
 nihil micabat nisi mixta amore lætitia, & ex ore nihil audiebatur præ-  
 ter gratulationes: pedum manuumque & reliqui corporis gestus  
 Regis sui videndi amplectendique vehemens desiderium ardorem-  
 que testabantur. Quid ergo retribuam? Numquid in meipso id pro-  
 babo quod in alio ferre nunquam potui? Minimè gentium, quin  
 vobis audientibus fatebor, semper mihi suspectos fuisse homines lin-



gua nimis officiosa & volubili; qui creditoribus suis tanta profusione refundunt verba, quasi alio monetæ genere non statuerent sua nomina dissoluere. Vt igitur rebus ipsis gratum animum vobis exhibeam, duæ huius conuentus indicendi causæ mihi aperiendæ sunt; ambæ quidem eodem fundamento nixæ, nimirum factis, quibus volente Deo dum vixero, vobis mea constabit gratitudo; at hoc discrimine, quòd in priore causa facta, quæ gratum animum testantur, indiuiduo quasi nexu mecum cohærent, & à me separari nequeunt: quæ ad posteriorem verò spectant fieri possunt vel omitti; quanquam fauente Deo sperem eorum tædio nunquam me captum iri.

Priora igitur ea sunt, quæ Deus in vos per me contulit beneficia: quibus ego (mihi credite) vestri boni quam mei honoris aut commodi gratiâ magis soleo gloriari.

Inter illa autem munera, quæ vnâ mecum ad vos misit diuina benignitas, primum sibi locum vendicet Pax hæc æterna cum omnibus vicinis gentibus. Mihi in Deo gloriari liceat, quòd nemini vnquam fecerim, à nemine acceperim iniuriam. cum omnibus Christianis Principibus & Rebus pub. fœdus amicitie hætenus colui. & quam indiuidua mihi comes Pax data sit, vos ipsi, quos longo & difficili bello implicatos inueni, satis estis conscij. Meo aduentu disparuerunt arma, infestique animi constantem in gratiam redierunt: quæ certè non minima est Christianæ Reipub. fœlicitas. Pace enim vrbes florent, mercatores ditescunt, negotiatio crescit, & publica ciuium securitas: quum sine periculo, aut remora quisque suum viuendi sequitur institutum. non quod ita alligatam mihi pacem existimem, vt mihi vobisque propriam perennemque spondere auisim: sed in hoc meam vobis fidem possum obstringere, nunquam à me fore primam amicitie publicæ rupturam. Nulla mentis meæ perturbatio aut ira efficiet, nulla priuata iniuria, vt aurei huius sæculi cursum vobis interrompam: tum demum paci nuncium mittam, cum honos Reipublicæ læsus, aut imminens periculum bellandi necessitatem imponet. quibus temporibus turpi paci præstant honesta arma, & sâgum toga securius habetur. eam tamen mihi creat fiduciam præteritæ pacis experientia, qua me Deus vsque ab incunabilis beaui, vt de eius benignitate in posterum nullus dubitem: dulce pacis donum in me porro conferret, nec bonitatis suæ pænitentia capietur: quamque olim sententiam de suis ex bello victorijs vsurpauit Dauid, eam ego ad pacem meam transferam nempe, *eundem Deum; qui me ab hiantè Vrsæ & Leonis riçtu expedit, eosque mihi tradidit; nunc quoque ex incircumciso illo Philistæo mihi daturum spero victoriam.*

Et si autem ingens sit externæ huius pacis beneficium; tantum nihilominus cedit internæ, quantum bellis ciuilibus atrocitate & sæuitia

læuitia cedunt externa. Secundum itaque diuinæ liberalitatis pignus, quo meum aduentum vobis commendauit, est hæc ipsa interna pax; & quidem, si rectè expenditis, gemina. In primis enim per rectam illam ab Henrico septimo stirpis meæ lineam Rosarum vnio, quam illj Regj felicissimæ memoriæ acceptum ferre oportet, in me redintegratur. eo etiam authore alterius pacis, de qua mox dicturus sum, fundamenta iacta sunt. Ciuilis belli inter familias Eboracensem & Lancastrensem tam lamentabilis & recens fuit calamitas, vt vestras hîc refricare memorias nihil opus sit. Sedata fuere in illo omnia, in me firmata; in illo vnio animorum facta est, in me resecta. Ego ex illa beatissima coniunctione genus legitimum, rectaque linea, traho; necnon sæpe ante ex vtriusq; familię stemmate. Sed hæc ipsa familiarū vnio cum duorum veterum illustriumq; regnorū vnione nihil habet cōparandū, quæ altera est interna pax in me coalita, mihi adhærescens.

Et hîc vestra mihi patientia paucillum exoranda est, vt beneficia illa, quæ in meo vnita sanguine in vos redundant, paulò articulatiùs commemorem: siquidem meum est de ijs dicere, in quo, vt in capite, vastj huius corporis membra concrescunt. In primis, si supra naturam & rationem humanam non attollas oculos, facile tamen ex hac vnione totius Insulæ commoda perspicias. nam si validus est è vigintj millibus exercitus, nonne erit duplo validior è quadraginta? Nunquid Baro qui prædiorum possessiones geminauit duplo ditatus est? Scimus docente natura ex atomis constare vastos montes, & quæ nunc ingentia regna sunt prius fuisse in exiguas dominationes diuisa, tyrannis vt poterant occupantibus vrbeculas aut pagos, quibus parjure inter se coeuntibus successu temporis factæ sunt Respub. & aspirante Deo Monarchiæ, satis validæ vel vt hostibus, duce Rege, obuiam irent; vel domj ciues suos in officio continerent. An nobis excidit Angliam olim, exempta Cambria, subditam fuisse heptarchis? an nescimus heptarchiarum vnione vires eius septies geminatas? quis nescit Cambriæ coniunctione ingens accessisse rebus vestris præsidium? quæ licet satis potens antea fuerit & valida Respublica, cum veterj tamen & illustrij Scotiæ regno conferrj non potest? Sed quorsum opus est naturalibus niti coniecturis, quum diuina prouidentia ita iam olim constitutum sit? Nonne linguæ & religionis & morum vnio cælesti benignitate jam conciliata est? Nonne sedes ambabus gentibus facta est eadem Insula, eodem marj circumdata, & ita difficulter diuisa in duo regna, vt qui ad limites vtrinque coluerunt vix terminos vtriusque internoscant? non mare interluit, non ingens fluuius dispescit, non montium prærupta aut alia naturæ diuortia discriminant, sed exigui riuulorum cursus, sed vallorum incerta rudera, & vt semel dicam, facilius est cogitatione quam re ipsa terminos istos describere, nunc omnino

omnino indiuiduos & confusos; vtriusque regni iure post legitimum tempus in me deuoluto, in quo Regius vtriusque gentis sanguis coaluit. Nunc huius Insulæ paruus orbis, naturali Oceani fossa à magna diuisus, aduersus quamcunque exteriorum vim validissimè munitur, & prior ille huius gentis pauor hac vnione requieuit. Nam Septentrionalis Insulæ pars non modo huius Reipublice hostibus statio fuit & portus, sed eorum consilijs & illecebris in ditiones vestras excurrebat prædabunda, & importunis aggressionibus vos à vestris, quas in manibus habebatis, retrahebat victorijs, vt vestras fortunas vxoresque & liberos domi defenderetis, & Scotie, vt tum temporis dicebatur, posticam relinqueretis securam: qua nulla maior Angliæ Regibus maioribus meis illustrium victoriarum remora iniecta est. Igitur, *que Deus coniunxit, homo non separet*; Ego maritus sum, coniux mea est hæc Insula: ego caput, illa corpus: ego pastor, illa grex. Spero neminem esse ita à ratione auersum, qui me Christianum Regem & sub Euangelio natum velit esse polygamum, duarumque vxorum virum; aut caput vnum corpori diuiduo aut monstroso annecti; aut formosi pecoris custodem, cuius ouile quadruplicis Oceani macerie cingitur, bipartito præesse gregi. Sed vt mihi persuasissimum est neminem inueniri meorum ciuium, cuiuscunque demum ordinis, cui de beatissima hac vnione idem mecum non oboriatur gaudium; ita certum est friuolas eorum hominum rationes facillimè dissolui, qui id nunc eunt impeditum, quod Deus in me iam consummauit. Hi sunt homines aut infcitia cæci, aut malitia peruersi, aut, cum in pacata beneque instituta Republica viuere desperent, nouarum rerum studiosi. Nam si dignitatem suam & priuilegia obtendant, nonne, obsecro, vtriusque gentis regimen semper fuit monarchicum, vbi corpus sine capite cui semper adhæret æstimari absurdum est? quemadmodum igitur vtriusque gentis honor, & priuilegio à Regibus separata nunquam erant; ita nunc in me, vtriusque capite, ista omnia iure suo censentur vnita. Nonne enim, dum in heptarchias diuisa erat Anglia, necesse erat vnam partem ab alia exedi, donec omnes coaluere? An tamen Wiltonij, aut Deuonij, & cæteri Saxones Occidui dicti, quorum regnum maxime diuturnum, cætera ferè contriuit, Essexijs, aut Suffexijs, alijsue Angliæ populis in ditionem suam redactis de prærogatiua loci hoc tempore intentent litem? Nonne idem in Gallia vsa venit, olim in Ducatus diuisa, nunc vnus regni iure contenta? Nam vt minores fluuij in maioribus amittunt nomen, & eorum vis omnis cum appellatione perit in Oceano, ita, minutis Dominationibus in maioris regni potentiam coeuntibus, omnia quæcunque priuata discrimina & quæstiones absorbentur. Quod si Saxonum regnis Bellonæ hasta in vnum compulsis ita fauerit fortuna, quem nisi fælicissimum his duobus successum pollicebi-



pollicebimur sponsali Astreæ annulo conciliatis? Et cùm Deus Opt. Maxim. Scotiæ, Britannia dimidio, cunas meas & priorem deterio-remque vitæ meæ partem, vobis autem posteriorem melioremque consecrarit; neminem mihi adeo iniurium fore spero, qui mihi mei dimidium cupiat auulsum. Sed de hac re satis, cùm sciam omnes votis animisque huic sermoni applaudere.

Quanquam autem hæc externæ internæque pacis beneficia ingen-  
tia sunt; quia tamen in rebus bonis, si diuturnæ non sint, ipsa bo-  
nitatis æstimatio minuitur, diuinæ benignitati insuper visum est non  
orbem me ad vos mittere, sed bonæ spei prole auctum; vt perennet  
ius illud, quod in me contulit, & sub posteris meis vnionem il-  
lam & pacem, quæ mecum in hanc terram inuexit, propaget in  
sæcula.

At neque vtraque hæc pax, nec commoda ex vtraque nata, nec spes  
perpetuitatis in sobole idoneum est imbecillitatis humanæ fulcrum,  
sed fragilis putrisque arundo, nisi Deus benedicendo robur addat do-  
nis suis & æuum. *Frustra enim vigilum excubia, ni Deus sit Urbis tute-  
la: Frustra domus adificatur, ni Deus successum indulserit; Frustra plan-  
tat Paulus, aut irrigat Apollos, ni Deus dederit incrementum.* Humana  
omnia transeunt vt vmbra, marcent vt flores, præteruolant vt paleæ,  
ni Deus vero sui cultu, & ex eo nata vitæ sanctimoniam Regum sceptrâ  
fuerit turatus. Et quanquam à meo introitu non semel Ecclesiasticos  
viros ipse conuenerim, & meam de religione sententiam edictis sæ-  
pe publicarim, volo tamen in hoc amplissimo confesso vobis animi  
mei nonnulla recludere arcana. Nullo enim vnquam tempore eru-  
bescam religionem profiteri, ne Deus erubescat coram hominibus &  
Angelis me agnoscere: quod eò nunc facio libentius, ne qui fortè,  
eius rei ignorantiam prætexentes, importunitate sua huic nostro con-  
uentui molesti sint. Adueniens, vnâ in Angliâ religionem publi-  
cam & probatam lege, quam & ipse profiteor, offendi: at altera in  
eius visceribus latere mihi visa est, præter sectam quandam occul-  
tam. Prima vera est & orthodoxa religio, quæ mihi semper cordi  
fuit, & iure regni meruit sola obtinere. Secunda est quæ iniuste no-  
men vsurpat Catholicæ, cùm sit Papistica. Tertia, quæ magis secta  
est, quam religio, Puritanorum est & Nouatorum, qui non tam fide  
distinguntur à nobis, quam politiæ specie; nempe ochlocraticæ pa-  
ritatis studio, & potestatis superioris impatientiâ, præsentisque Ec-  
clesiæ regiminis odio. vnde fit, vt in bene constituta Republ. intole-  
rabiles sint. qua ratione erga hos me gefferim ex meis edictis satis con-  
stat. Ad Papistas quod attinet, multum sane differt fides mea, &  
via salutis propriæ, à publica illa regiminis & politiæ formâ, quam  
boni publici causâ statui obseruare. Fides mea vobiscum est commu-  
nis,

nis, & hîc caput habetis corpori consentiens. nec sanguine vobis hospes sum, nec religione. licet autem hæc mea professio educationi quoque respondeat, cuius beneficio (sit Deo gratia) vna cum nutriticis lacte lac cælestis veritatis suxi, nunquam tamen (mihi credite) vel constantiæ studio, vel præiudicio animi in ea hæcenus perstitissem; nisi & rationi & conscientiæ inuenissem <sup>hic dicitur</sup> consonam. At in religione violentiam & peruiaciam semper fugi. Romanam Ecclesiam Ecclesiarum agnosco matrem, erroribus tamen & corruptelis inquinatam, quales erant Iudæi cum Christum crucifigerent. & quemadmodum ægrotantis vitæ infestus non est, qui cacochymiam iubet expurgari; ita nec Romanæ Ecclesiæ hostis sum, cum volo eiurari errores. nolo templum destrui, sed sordes euerri. nam qua fronte iubeant nos ingredi, si domum suam nolint prius mundari? Ego nullius boni causâ meam ipsius conscientiam, in re quantumvis exigua, vnquam læderem (nec enim hoc scrupuli genere Puritanorum districtissimo olim cessero) nollem tamen ad meas opiniones omnia subditorum trahi corpora simul animasque; displiceret mihi coacta illa Reipublicæ facies. ab acerba ciuium vexatione, & conscientijs hominum nexu & mancipio mihi vendicandis tantum semper abhorruî, vt eorum onera, quantum per leges & tempora licebat, leuauerim, nedum vt cum Roboamo auxerim. quod spero illius religionis sectatoribus post meum aduentum reipsa compertum. Et hoc ipso tempore in legibus contra eos latis relegendis examinandisque curiosior fui, vt in hoc conuentu deliberetis, quo demum pacto rationis luce (quæ legis anima est) dubitatio omnis tolli possit, si forte seuerius quam legislatoris mens erat, hæc leges a Iudicibus fuerint exercitæ, aut ita conscriptæ vt in fontibus pariter ac fontibus noceant. Ego sectatores illius religionis, mihi subditos, in duo prima genera distribuo Clericos & Laicos: & hos quidem propter cæcam, & implicitam fidem, solius Ecclesiæ autoritate nixam, magis censeo excusandos, qui doctorum suorum erroribus affines censerî nequeunt, nisi omnia crediderint quæ illis libet affirmare. horum alij moderati sunt & pacis publicæ amantes, qui iam vel senio confecti leuitatis aut incuriositatis notam metuunt, si à teneris haustam eiurent superstitionem. vel iuuenta floridi, qui prauæ educationis vitio eo veneni genere pro lacte nutriti sunt. Ego auctor non essem vt mentis errores, quos diuinæ emendationi par est commendare, luant corporibus. Quod ad factiosos illos, qui aut rerum nouarum studio, aut priuata indignatione ideo facti sunt Apostatæ, vt seditiones concitent, aut Rempublicâ turbent; eorum in religione peruersitas magistratum publicum vel nolentem excitat, vt quid agant diligentius obseruet, & peruiaciam coerceat. De clericis vero hoc sine circuitione eloquar ni duas res, quarum

quarum alterā docent, alterā faciunt, prorsus eiurarint, meritò ex hoc  
 regno exulare. Docendo, fastuosum illud Romani Pontificis primatū  
 citra modum extollunt: illū non modo esse Christiani orbis spirituale  
 caput, verum etiam (*si Dijs placet*) in Reges & Imperatores potestātē  
 habere ciuile planē, & imperatoriā, vt coronas Princip. pedibus con-  
 culcet, deq; omnib. regnis & imperijs pro libito statuat. faciendo autē,  
 publicū merentur odiū, dum sua aut aliena manu Reges occidūt, sibiq;  
 laudi ducunt, quòd in suos quoq; Principes, Pontificio damnatos ana-  
 themate, nihil hostile omittūt, subditos ab omni fidelitatis sacramento  
 liberant, & regna <sup>regna</sup> Monarchæ vel monstro potius ipsorum capiti,  
 in iustam prædam exponunt. Pluribus hic opus non est: vti nam ni-  
 uicus ille dies mihi luceat, quo omnes Christiani posita pertinacia ab  
 extremis recedant, & in medio, perfectionis centro, dexteras coniun-  
 gant; nihil mihi prius foret vel antiquius, quàm beatissimæ illius vniō-  
 nis membrum censerī. Certè si recentia illa & crassa commenta quæ  
 nec ipsi possunt tueri, & corrigi oportere non negant, tandem aliquan-  
 do pudore abijcerent, & nouitatis studium hinc indeque ponerent;  
 non dubitarem ego in media via illis occurrere. Nam vt fides mea  
 verè antiqua est, Catholica & Apostolica, Sacris literis & expresso Dei  
 verbo fundata; sic in rebus ad politiam Ecclesiasticam spectantibus  
 antiquitatem in primis reuereor: qua ratione satis mihi cum Deo ca-  
 uebo, ne vel in fide hæreticus, vel in politia schismaticus iure videar.  
 Vnum tamen cuperem Papistas nostros monitos, ne ex mea lenitatē;  
 quia Persecutoris nomen fugio, ius sibi aliquod datum putent, vt  
 numerum suum apud nos augeant, aut partes confirment, quasi, quod  
 me regnante desperent, suam sub posteris meis religionem restituē-  
 dam sperarent. sciant me sibi, si bonos se ciues gerant, hostem non  
 esse, at eorum erroribus capitales iam olim denunciaſſe inimicitias.  
 Dolerem si malis moribus se meo præsidio facerent indignos: cæte-  
 rum peruersas eorum opiniones, quantum potero, conabor extermi-  
 nare. Ego si eorum religionem paterer repullulascere, me ipsum in  
 primis proderem, & conscientiam meam: deinde totius Britannix li-  
 bertatem, reducto acerbæ seruitutis iugo, quod ante me excussum erat;  
 sceptri denique, quod ego à maioribus meis seruitute vacuum accepi,  
 proderem apud posteros meos, libertatem. Bonis igitur ciuib. hac  
 superstitione circumuentis consilium meum impertiar: si quem in se-  
 ipsis ad veritatem sentiant instinctum, cum omni opera foueant, neu  
 gratiam in cordibus suis occultè operantem patiantur extinguī: sin  
 nullius interni motus sibi conscij sint, legendo inquirant verum, stu-  
 diosèque cum doctis conferant, omnia denique experiantur, quibus  
 ad veram animi tranquillitatem perueniant. qui religione à nobis di-  
 stinguntur, dimidia tantum ex parte subditi sunt: & qui meliorem sui  
 partem



partem, animam nobis subtrahunt, dimidiatum tantum nobis obsequium præstant. Hic res ipsa me monet, ad vos, Domini Episcopi, sermones conuertam: doctè à Dunelmensi hodie pro concione dictum est, panam sine institutione tyrannidem esse; & sanè vestrum est, totiusque cleri vobis subditi, maiore paulò cura incumbere, vt partim vitæ vestræ exemplo, partim doctrina animas Deo lucrificatis. Videtis hostium vestrorum sollicitudinem, qui labores omnes molestiasque & pericula insuper habent, dum hominum animas auertant à vero: tam sedulum agit Diabolus Episcopum. Vigilantiores igitur estote in vestro munere; & ex Diui Pauli præscripto oportune, importune, instruite, monete, quodque antehac negligentia peccatum est, nunc noua resarcite diligentia: succellum commendantes Deo, cui vt æque accepti sunt qui diuersis vocantur horis, secundâ, tertiâ, decimâ, duodecimâ, ita & mihi erunt, eius in hoc regno Vicario.

Tertia ratio ordines regni conuocandi, quæ ea in vos gratitudinis meæ opera continet, quæ fieri possunt aut non fieri, sine tædio tamen (volente Deo) dum vixerò à me fient, in duobus posita est, nimirum sanctione legum, quod tantum in conuentu ordinum fieri potest, & sedulo legum exercitio, quod nullò non tempore faciendum est. In legibus ferendis hoc vobis sanctè promitto nunquam mihi meum bonum prælatum in publico. cum felicitatem Reipubl. qua in re iusto Regi Tyrannus è diametro opponitur, summam mihi in terris semper duxerim felicitatem. Vnum verò est, quod vos hic moneam, ne multas hoc tempore sanciat leges: primò, quia in corruptissima Republ. plurimæ sunt; & præstat paucas bonas bene exercere, quam hominum memorias numero onerare: deinde si multæ vno in conuentu rogandæ sunt, singulis ritè examinandis tempus non sufficiet, & nascetur ex multitudine confusio. Bene monuit hodie Episcopus, deliberandum esse diu quid statuas, at faciendum celeriter, quod statuisti. Ad leges verò exercendas prudenter & magnificè, à maioribus meis, idoneis in locis magistratus & iudices instituti sunt: ad quos vt aures & oculos meos me conuerto. Nihil vobis dico, nisi quod Ezechias Rex Iudæ suis: *Mementote thronos, quibus infidelis, nec vestros esse, nec meos, sed Dei*: vt mihi à vobis reddenda ratio est muneris vestri, ita ab utroque nostrum reddenda est Deo. Non vestris affectibus ille locus datus est, sed iustitiæ: illuc ab amore & odio vacuos esse oportet, nec metuere offensam potentiorum, nec tenuiorum res afflicta miserari: atque adeo, ne personarum videatis discrimina oculis esse captos; manibus verò, ne munera accipiat; in omnibus causis medium illud prementes, ipsum Iustitiæ centrum, vt lances pendeant in æquilibrio, neutrà sursum deorsumue nutante. Tria præcipuè ego à vobis requiro, cognitionem,

for-

fortitudinem, sinceritatem; primum ut æquum decernatis, secundum ut decreta præsentis animo peragatis, tertium ut sincere & candidè utrumque faciatis. Quod ad me ipsum attinet, coram hoc amplissimo confesso sanctè polliceor nihil omissum me, quod ad leges exercendas faciat. & ut vobis vestra munia sine tædio suadeo obeunda, ita (quod mei proprium est officij) nunquam me tædebit rationem à vobis exigere.

Hactenus tres illas conuentus indicendi causas explicui, omnes in hoc quidem conspirantes, ut gratitudinem meam vobis exhibeant, sed alia atque alia ratione; primam quidem verbo, posteriores duas opere. iam peractis quæ in hac oratione promisi; fateor (quod in Sacris dicitur) seruum me esse inutilem. ut enim, cum Deo seruiimus quantum in nobis est, nihil fecimus nisi quod ex officio nobis faciendum erat, qua ratione inutiles eo loco dicimur: ad eundem modum, cum me vobis totum impendi, nihil nisi debitum præstiti; Deo etiam vindice, si quid contra fecero. Non me latet præcipuam hanc esse Regis & Tyranni differentiam; quod hic populi corpora, & fortunas, & omnia suæ putat facta libidini: ille vero ciuium suorum bono se natum æstimat, eorumque prospera summæ sibi ducit felicitàti. Ego vobis opulentis pauper esse nequeo, nec beatis miser, nec fortunatis calamitosus, nec securis anxius. quod autem seruus haberi debeam, longe est verissimum. Sicuti enim singulorum, & hominum, & ordinum præses sum, rectorque, & caput, cum auctoritate omnibus imperans, ut subditis: ita si in vnum corpus populum collegeris, tum profiteor, ut caput gratia corporis factum est, non corpus gratia capitis; ita Regem populo natum esse, non populum Regi. Quamquam enim Rex & subditi sint relata; Rex tamen absque populo esse nequit, at sine Rege est populos inuenire. ego nunquam erubescam magnus ille Reipub. haberi seruus, cui nihil vnquam in hac vita, bono publico, carius aut beatius contingat.

Quum autem promptitudinem illam & vnam consensus, quo in eum me recepistis locum, quem mihi diuina præparauerat benignitas, non horum aut illorum beneuolentiæ adscribere oporteat, sed omnium: nemini certè peculiari iure à me debetur gratia, sed omnibus. Nam ut in delictis, quod à multis peccatur, impunè peccatur; ita eius, quod omnibus conspirantibus bene factum est, nemo sibi gratiam priuatim vendicet. Vnde, quod eorum, qui à me præmia expectabant non omnium satisfecim votis, perfacilis mihi apologia est. Ex quo regnum hoc inij peti à me solebat aut dignitas in Republica, aut officium in mea familia, aut prædiorum aliarumue rerum commoda. si cunctis mandassem honores publicos, mandassem nemini, nec enimaliter constant honorum gradus, nisi

quorundam præter cæteros ratio habeatur. omnes verò in conclaue  
 aut cubiculum admittere frustra tentassem, cum neutrum sit omni-  
 um capax. si prædiorum aliarumque rerum præmia, omnibus vul-  
 gassem, exaruisset liberalitatis meæ fons, nec iam suppeteret quo  
 quenquam munerarer. Non tamen (ut spero) ita parcus fui horum  
 trium dispensator, quin tam exiguo tempore pluribus notam fecerim  
 liberalitatem meam (quod sine iactantia dictum velim) quam vllus  
 ante me Regum Angliæ. Quin potius veniam tantæ munificentiae à  
 vobis peto. nam, regni patrimonio dissipato, ciuibus meis grauis esse  
 cogeret; quod ego omnium Regum inuitissimus facerem. quanquam  
 enim (ut modo dixi) non singuli fuerint, sed vniuersi, qui de me bene  
 mereri ab initio studuerunt; erant tamen qui ratione officij, aut gratia  
 ad populum, aut aliqua alia de causa & ante & in ipso aduentu meo co-  
 nati sunt fui in me armoris aliquod edere documentum. non quod  
 ego vllus dubitem, quin alij, si eorum tenuissent locum, mihi eun-  
 dem præstituri fuissent affectum (tam concors erat aduentanti om-  
 nium applausus) veruntamen, quando hæc mihi beneuolentia à cer-  
 tis hominibus delata est, eos sine ingritudinis nota negligere non  
 potui. quosdam igitur ad publicos honores euexi, quosdam in famili-  
 am recepi: partim ut bene meritos, sed tenues, viribus instruerem ad  
 provincias obeundas, quarum à me censebantur capaces: partim ut  
 nihil meritos, sed honore dignos auxilio meo, sine quo honorem  
 mandatum gerere nequibant, non destituerem. Duæ me præcipuæ  
 causæ munificum fecerunt, altera honesta & cum ratione coniuncta;  
 altera (nec pudebit fateri) ex mea orta infirmitate. Pati enim non po-  
 tui, quin, toti sic deuinctus Reipublicæ, ex beneficentiæ fonte quos-  
 dam riuulos emitterem, ad eius partes irrigandas, ad eius membra  
 recreanda, fouendaque: & hæc honesta fuit ratio. Altera meæ imbe-  
 cillitati imputanda, numerus erat petentium & petendi importunitas.  
 Ratio nobis infunditur, sed experientia tempore & labore acquiritur;  
 quæ me hanc donandi facilitatem dedocebit, & patrimonio meo &  
 (quod inde efficitur) regno damnosam; quæ res etiam ciuibus meis  
 persuadebit aliquando, ut hanc petendi importunitatem dediscant. In-  
 dicatis igitur causis, propter quas hunc conuentum indixi, nihil aliud  
 videtur superesse, nisi ut vobis me purgem, si in mea oratione non in-  
 ueneritis, quam fortasse expectastis, facundiam. Possem hic nego-  
 tiorum quibus distrahor grauitatem & assiduitatem obtendere, per  
 quæ non licet de dicendis cogitare antequam ad locum dicendi veni-  
 am. Possem etiam ea impedimenta caulari, quæ mihi ex primo hu-  
 ius amplissimi conuentus aspectu nasci potuerunt: sed his missis,  
 causam eius rei non minus ingenuè quàm liberè vobis expediam. Ego  
 in ea semper mente fui optimam Regis eloquentiam esse simplicita-  
 tem,



tem, & candorem. nam sermonem regium ambiguum aut perplexum esse non decet, ut instar veterum oraculorum, quæ à Dijs edebantur, in contrarios sensus rapi queat & distrahi, & hæc est simplicitas. Candoris nomine generosum illud honestum intelligo, quo eius orationem vitamque omnem incoctam esse oportet; ut quantum dignitate reliquos supereminet, tantum etiam candore præcellat, & linguam faciat veracem mentis nunciam. Hoc autem facundiæ genus iugiter à me expectabitis.





al  
ria  
tic  
pu  
bo



ala  
ria  
tic  
pu  
bo  
ra  
to  
de  
&  
cu  
n



# ORATIO

## HABITA

IN CONVENTU ORDINVM  
EX ORE DICENTIS  
QUANTVM POTVIT FIERI

VERBATIM EXCEPTA.



Atres, Proceres Equites, Cives, huius amplissimi Concilij; Res, de qua nunc apud vos dicturus sum, mihi nihil eiusmodi cogitanti, paulò antequam ad vos accederem, oblata est. Ita accidit, vt, qui in præcedente confesso præcipuam dicendi materiam mihi proposuerim vobis & Reipub. quam repræsentatis gratias agere, quòd me in solium diuina benignitate sanguinisque & naturæ iure debitum mira & incredibili

alacritate receperitis; nunc necesse habeam longè ampliorem gratiarum agendarum materiem suscipere, quanto nimirum vobis altior est Deus ille Opt. Max. qui hoc tempore me, & vos, & Rempub. à præsentissimo internecionis periculo admiranda bonitate liberauit.

Quare sermonis initium mihi erit vetus illud diuinæ veritatis oraculum *Misericordia Dei supra omnia opera eius*. Neque enim ex creato mundo tantum splendoris accessit diuinæ gloriæ, quantum ex redempto: neque microcosmi generatio, in primo Adamo, iustitiam & misericordiam diuinam sic extulit, vt eiusdem regeneratio, in secundo. Nunc verò liceat mihi vestra bona cum venia (quando Dei nomen Regibus vt Vicarijs suis Deus ipse tribuit, eisque diuinitatis



scintillas aliquas inferuit) aliquantum immorari in collatione Dei operum erga vniuersum orbem, cum ijs, quæ tum in me, tum in paruum hunc dominationis meæ orbem, à reliqua terra Oceano diuisum, exeruit. Vt enim in prima ætate mundum scelere & flagitio luxuriantem, Dei filijs hominum filias depereuntibus, quum impietatis omnigenæ cumulus summum apicem attigisset, aquarum diluuium mundum immerfit Deus, non vt ablueret, sed vt dissolueret, vno Noacho cum familia excepto, qui Dei minis persuasus fide & pœnitentia commune periculum declinavit. Eodem modo in hoc mundi veterascentis senio, vbi nequitia & deplorata in Deum hominesque perfidia nihil deerit, Deus pœnas iterum sumet de mundo, non aquis vt olim, sed igne; nec vt expurget, sed consumat, illis tantum exceptis, quos fides subtrahet exitio, & labe purgatos saluti vindicabit. Gemino huic rerum omnium exitio assimilare mihi liceat duos illos nefastos dies, in quibus & mihi & vobis huius parui orbis incolis, quorum mea salus maximè interest, Deus minitatus est interitum. Tametsi enim omnes homines & in primis Reges, velut celsæ arbores, aut scopulorum montiumque ardua, innumeris viuunt expositi periculis, quibus & ipse ego si quis Regum alius inde vsque à tenerrima ætate, & priusquam ex matris vtero prodijsssem, fui obnoxius; inter omnia tamen discrimina quæ pertuli, duo præcipua & maxima fuere.

Prius in patrio meo regno contigit, vbi vitæ meæ prior pars transacta est, posterius, quod & atrocius, hîc inter vos. in priore baptizandus eram meo sanguine; nec tantum in præsens ad populares meos, sed in futurum ad vos quoque peruenisset mei interitus sensus. Ereptus sum tamen singulari Dei munere è faucibus mortis, à mucrone pugionis; vt tantum beneficium agnoscerem, & velut è fornace explorator exirem. Posterius autem, quod nuper ad hoc contigit, quo non mihi tantum, sed vobis quoque omnium ætatum & sexuum & ordinum promiscuo exitio pereundum erat, non infamia sanguinis, sed fragore, flammâ, & sulphure, à quo tamen diuina clementia nec sine miraculo omnes incolumes facti sumus. Quid hic loquar nescio, immo potius quid non loquar? cum horrore animi illud Poetæ vsurpandum est — *vox faucibus hæret.*

In hac autem dira & tartarea machinatione, qualem nulla nouit historiarum memoria, tria admiranda, vel prodigiosa potius obseruo; atrocitatem sceleris inauditam, causam eius audendi leuissimam, rationem detegendi inexpectatam.

Ad primum quod attinet, nemo vnquam satis miretur infandam huius machinationis sæuitiam, non solum in vitam meam, vxorisque, & liberorum, verum etiam ad Reip. interitum, ad patriæ vastitatem, qua

qua vniuersis pariter erat intereundum senibus, infantibus, iuuenibus, nobilibus, ignobilibus, viris, fæminis. designabantur ad perniciem maior nobilitas cum clero, Episcopis nempe & potiore concionatorum parte, tum equites cum minore nobilitate, quin &, qui in hoc cætu futuri erant Pontificiæ superstitionis fautores, communi fato inuoluendi erant, omnes præterea Iudices cum Iurisconsultorum maxima parte & scribis. Ideo verò in hac curia tam atrox scelus patrandū erat (quemadmodū ipse iam in carcere incendiarius fatetur) vt quo in loco aduersus se & suam religionem duris (vt aiunt) legibus sæuitum erat, ibi homines & parietes ipsi vindicibus flammis simul & semel tanquam fulmine displosi è medio abolerentur. Porro videre mihi trucem exequendi facinoris modum. Mortis per vim illatæ tres omnino sunt differentiæ: prima cū homo hominem interimit; quod genus violentiæ minus in se habet terroris; vim enim viliet repellere, & si iniuriæ arcendæ facultas desit, quis scit an in animo aggressoris aliquem misericordiæ affectum etiam in ipso sceleris articulo excitauerit Deus? vt plurimas omittam in eiusmodi periculo expediendæ salutis vias.

Altera violentiæ mortis ratio priore crudelior est, quæ à feris animantibus infertur. vt enim minus mouentur misericordiâ, sic horribilius est in eorum furorem incidere. Fieri tamen interdum solet, vt vi opposita prohibeantur, vel aliquo clementiæ affectu feritatem remittant, vt Leones erga Daniele m antro suo inclulum, vel grati ille animi Leo aduersus Romanum ciuem, pro beneficio accepto, vitâ redonatum.

Tertia & omnium sæuissima est à rebus inanimis, & inter has ab aqua & igni, & è duobus hisce elementum ignis furiosius est & implacabilius.

Alterum est quam leui vel nulla potius causa ad hanc tragœdiam agendam hi artifices prodierint. Nam si patrimonia decoxissent, vel contumelia aliqua irritati fuissent, desperationi imputari posset hoc inceptum, vel vindiçtæ. At enim (vt de me loquar) vix vllum eorum, ne de facie quidem, noui, neque ipsi vel speciem vllam iniuriæ obtendere possint; & ipse furcifer iam comprehensus ingenuè fatetur neque se, neque socios ad hanc mentem vllâ aliâ causâ compulso fuisse, præterquam vno & solo religionis suæ studio. Mirum & illud est, homines (nomine saltem) Christianos, & indigenas & Anglos, è quibus vnus peculiari sacramento in honorato officio mihi obstrictus erat, sui Regis, regiæ sobolis, patriæ, & Reipubl. internecionem esse machinatos. In hoc verò stupenda elucet cum malitiâ peruersitas, quod sacerrimus hic in vinctulis nebulo, ad nullam aliam pœnitentiæ significationē adigi potuerit, nisi quòd ob ré infectâ desijt pœnitere.

Ter-

Tertiò, non leuem meretur admirationem proditio coniurationis; quæ magis vos redderet attonitos, si æque vobis ac familiaribus meis meum notum esset ingenium. qui enim semper existimaui è tyrannorum morbis esse suspicionem, tantumque semper in contrariam illam, securitatis partem propendi, vt vel seriò admonitus omnem conspirationum metum procul reiecerim, in præsentì negotio tantum à me ipso mutatus fui, vt lectâ per Secretarium meum epistolâ, qua subiti ictûs periculum hoc tempore futurum indicabatur, statim animo conceperim sulfurei pulueris dirum & tremendum ictum designari: idque contra communem loquendi rationem vel Theologis, vel Iurisperitis, vel denique Grammaticis vsitatam. Inde rem totam diligenti scrutinio volui explorari: statim in lucem venerunt insidiæ: minister etiam sceleris apprehensus est. quod si verba deflexissem ad aliud quoduis periculi genus, frustra in prudentia humana salutem quæsissemus.

Porro, in eo mirabilis diuinæ prouidentiae effectus apparuit, quòd vix dum è cella egressus est incendiarius ab incepto opere, quum deprehensus est vnâ cum ignitabulo in pera, quo infernalem illum ignem suscitaret: nec erubuit fateri sibi omnino constitutum fuisse, si paulò citius (in cella nempe) comprehensus fuisset, & se & suos captores eadem flamma, iisdem ruinis obruere.

Ego autem in propria causa ingentes Deo gratias debeo; quòd si ob peccata nostra nefarios eorum conatus ad exitum perducì passus fuisset, intellexissent tamen posterì me vitæ meæ exitum inuenisse non in popina, non in lustrò, non in alio infami hominum cætu: verum in amplissima illustrissimorum virorum corona, eoque dignitatis loco, vbi Regem esse ad obeunda regia munia imprimis decet; idque ad beneficij cumulum multum addit. quo magis nobis omnibus incumbit Deo sospitatori gratias agere, mihi autem præter cæteros, cui semel adhuc concessum est (quicquid postea de me fiet) vos in amplissimum hunc locum conuocare: vt vbi omnibus struebatur exitium, ibi ex omnium ore audiatur diuinæ laudis præconium, & mihi id de meis vestrisque hostibus vsurpare liceat, quod Dauid in Psalmo ait, *Inciderunt in foueam quam fecerunt.* Quum autem Romanus ille Scipio naturæ solo ductus lumine à Tribunoplebis post secundum bellum Punicum repetundarum accusaretur, iniecta subito mentione de parta eo ipso anni die contra Hannibalem diuinis auspicijs insigni victoria actionem interrupit, & sic ciues omnes vltro gratulantes, relicto tribunali, ad agendas Deo gratias in Templum deduxit: quanto iustius nos Christiani inæstimabile Dei beneficium gratis animis, & linguis hoc tempore & hoc loco celebrare debemus, etsi huius conuentus nulla alia foret occasio. qua in re si oratione magis

Theolo-



Theologica, quam fert loci huius consuetudo, usus videar, res ipsa pro me loquetur. Cum enim pro inusitato clementiæ suæ & amoris pignore Deo gratiam redditurus accefferim, quo sermonis genere aptiore uti possim, quam ipsamet diuini verbi formula; ut clarius ex opposito eluceat tam Diabolicæ coniurationis turpitudine. quapropter vnde cæpit ibi desinat oratio, *misericordia Domini supra omnia opera eius.*

Superest ut paucis aperiam quid deinceps in casu tam inopinato ac detestando vobis agendum censeam. Scio equidem vobis omnibus, subditis meis, fidei & amoris integritate mihi probatis, usque adeo animos pio huius negotij zelo ardere, linguas ita promptas esse animorum interpretes, manusque & pedes tam pronos esse amborum ministros (quo nomine neque incitandi à me, nec merita vestra laude fraudandi estis) ut forsàn pietatis affectu in voces temerarias sitis erupturi, & ad eorum contumeliam, quos non attingit huius facinoris conscientia. Verum cogitate non sine meo dolore posse accidere, si quis innocens, siue alienus, siue domesticus, nominis aut rei detrimentum incurrat. Et si enim negari non possit, quin auctores eo impulerit cæca superstitio & religionis erroneæ amor, non inde efficitur omnes Pontificiæ religioni addictos huic sceleri fuisse affines. quamquam enim satis constet nullam vnquam extitisse sectam, Mahumetana illa fuerit, Iudaica, Pagana, aut Calecutensis, vbi Diabolo deferatur cultus, quæ licitum esse statuerit, nedum (ut Papistæ loquuntur) meritorium Reges religionis zelo occidere, Respublicas euertere: quanquam etiam in omni sectâ inueniantur fures, & homicidæ, & proditores, nullique vnquam ad supplicium perducti culpam à se in suam religionem reiecerint, præter hos Romanæ religionis cultores: non dubium tamen est inter Papistas quoque viros probos & honestos reperiri; qui etsi de præsentia corporis Christi, de numero Sacramentorum, alijsque eiusmodi Scholasticis controuersijs prauè sentiant, horrenda tamen illa & facerrima Papatus dogmata, verum iniquitatis mysterium vel nesciunt vel non credunt. Quamobrem & Papistas maiores nostros, si qui sub vitæ finem in vnus Christi crucifixi merito spem fidemque collocarunt, fatemur æternæ vitæ factos compotes; & Puritanorum crudelitatem, qui omnes Papistas citra exceptionem ignibus adiudicant, flammis censemus expiandam. firmum apud nos maneat & indubitatum multos notæ probitatis homines papisticis deceptos erroribus integra esse in Regem fide, & amore. at nemo certa cognitione eius superstitionis principia intelligit, ijsque constanti fiducia adhæret, qui veri Christiani vel boni ciuis nomen tueri queat. Quantum verò ad externos Principes attinet & Respubl. eo securius & ipsos, & eorum legatos, & ministros ab omni tam prodigiosi

digiosi sceleris conscientia absoluo, quo certius ex meo ipsius sensu de Christianis Principibus iudico; neminem eorum tam esse abiecti animi, ut de eiusmodi perfidiâ bene sentire aut possit aut velit. Ut igitur mihi cum omnibus Christiani orbis Regibus fœlix & sincera intercedit amicitia (ut grauitèr modo Cancellarius) sic & vos decet hac in re bene de illis iudicare, bene loqui. Ego quidem cum illo Philosopho pellucas in meo pectore optarim ex crystallo fenestras, quibus meo populo nudæ animi mei cogitationes vel penitissimæ apparerent, tum etenim perspectum vobis foret nullam ex hoc casu in animo meo factam esse mutationem, nisi in hisce duobus: primò, quòd curam intendere & cautionem diligentiorè adhibere statuerim, ut vniuersæ coniurationis arcanum funditus explorem: secundo, quòd rebus maturo consilio expensis seuerius in reos & conscios decreuerim animaduertere. quod si subitæ dictionis tumultuario apparatu fortè fuerim vestris auribus importunior, cogitate, in subito atque inexpectato casu sermonis genus conuenire improuisum, & perturbatum.

Porro, quòd conuentum hunc in post natalem Domini diem distulerim, duæ fecerunt causæ; nam nec mihi nec meis consiliarijs vacabat vtrumque negotium, & coniurationis & comitiorum, pro dignitate simul curare: & vestra omnium domi necessaria erat, ad muneris vestri functionem, præsentia. rebelles enim isti qui vniuersam penè huius insulæ gentem hoc tempore sperauerant delere, quo singuli ad negotia tum publica in comitijs; tum priuata in foro procuranda conueniunt, nunc procul hinc in agris cursitant, & tempus nacti quo non aliud erat ad fugam aut nequitiam oportunius, velut in solitaria & deserta prouincia grassantur. Fieri etiam potest, ut proximo confesso huius criminis arbitrium vobis deferam. Nam inaudito scelere non vulgare debetur iudiciû; quod illi in nos intentauerant; ipsi lege talionis sufferant: ut eodem in loco ipsdemque iudicibus, quibus exitium meditabantur, iustas prodigiosi parricidij penas luant. Sed quoniam nondum certò statui proximo Ordinum conuentui interesse (nam neque id nunc necesse erat, nisi quòd vniouis articuli, de quibus conuenit, hîc coram Principe & populo exhibendi erant) visum mihi est paucis apud vos de Comitiorum natura differere, quæ, memori in mente reposita, vobis dehinc vsui esse queant.

Quamquam enim, in primis statim post meam inaugurationem comitijs, me de vestris legibus & Republ. disceptare non decuit (omnis enim scientia aut diuinitus infusa est, aut studio acquisita, illa cum Prophetiæ dono iam pridem è terris abiit; hanc nouus hospes, vestrarumque rerum adhuc inexpertus, habere non potui) post triennalem  
 nihilo-

nihilominus regni huius administrationē, tempus quidem alijs breue, Regi verò ad multarum rerum obseruationem idoneum, ea potui percipere, quæ ad regium pertinent officium: præsertim cum alio in regno, in quo leges obtinent vestris simillimæ, diu Regem egerim. Cæterum quid de vnione & vltima Delegatorum sententia censendum sit, vestræ permitto prudentiæ: qua in re verè testari possum nihil à Delegatis statutum, quod non ex æquo cedat vtriusque gentis bono, & illi de mea sinceritate testimonium vicissim perhibebunt: tantum enim abest, vt me auctore quicquam statuerint, quod in huius populi detrimentum vergat; vt potius omnem eiusmodi Vnionem dissuaferim, quæ alterutri populo vel damnum vel offensionem crearet.

Quod verò ad hæc Comititia attinet, certum est nihil aliud esse quam supremum Regis concilium, eius iussu ad leges rogandas, abrogandas, explicandas conuocatum; vt sceleribus pœna, virtuti præmium decernatur. Quatuor hic summa capita consideranda veniunt; primum, ex quibus hoc Concilium constat; secundum, de quibus rebus hîc agi debeat; tertium, quis sit huius Concilij finis; quartum, quibus modis ad illum finem perueniri possit.

Ad primum quidem constat hic cætus capite, nempe Rege, & corpore, seu membris; Superiore scilicet & Inferiore domo. Superior Domus constat partem Nobilibus, quibus ordinis sui & dignitatis iure hæreditarius in hoc Concilio locus est; partim Episcopis, qui eo honore fruuntur ad vitam. Inferiorem domum constituunt equestris ordinis homines, missi è singulis Regni partibus, & ciues ex vrbibus & oppidis. Quorum numerus domi cum sit innumerus, quidam ex omnibus electi ad Comititia mittuntur, totum ciuium, vnde electi sunt, ordinem repræsentaturi.

Negotia autem in his comitijs tractanda publica esse debent; & talia quidem, quæ non nisi in comitijs possent expediri: nec plura, quam ipsa iubet necessitas. Vt enim in corruptissima Republica plurimæ sunt leges, ita vis legum non est in numero, sed in recta earum interpretatione, & diligente obseruatione. Velim itaque vos cogitare non esse turbulentis & hîc temerarijs hominibus locū, vt quicquid primo animi impetu concipiant, id statim sanciant lege: meminerint potius illam Spartanorum consuetudinem, vbi si quis nouam legem rogaret, prodiret coram populo collum laqueo circumdatus; vt, si non probaretur quod rogaret, statim suspendio temeritatis pœnas lueret. Tanta est in nouis legibus proponendis cautio, præsertim amaris, & acerbis, vnde inter Regem & populum offensiones oriuntur. Neque verò hic priuatis hominibus locus est, vt publicarum legum obtentu suis satisfaciant cupiditatibus, interdum cum vicino-

rum



rum suorum, interdum cum Reipubl. damno; qualia multa speciosis nominibus concedi solent, & furtim obtinere, ideo tantum impetrata, ut aduersario creetur noxa, aut publici boni specie expiletur plebs, & paucorum loculis farciendis tributum omnibus iubeatur.

Quum verò geminus comitiorum finis sit, Dei gloria, Regisquæ & populi bonum; minimè hic decebit priuatos homines, proprijs sensibus addictos, vel curiositatis nimium studiosos, vel denique eloquentiæ laudem affectantes inuiti elaboratæ orationis strepitu tempus terere. Si illis Dei gloria cordi est, Regisquæ & patriæ bonum, hoc vanitatis genere erubescunt; memores se Regi suo, cuius bono & patriæ omnem suam prudentiam debent impendere, esse velut sacramento obstrictos Consiliarios.

Postremò, ut labores vestros ad optatum finem fæliciter perducat, meminisse oportet, vos à Rege huc esse conuocatos, ut in rebus ab ipso propositis salutare consilium exhibeatis; ubi vos maturo iudicio expendere, atque ex imo conscientiæ sensu decernere oportet, quatenus illa & Principis & patriæ commodis, quæ separari nequeunt, inseruiant. Quod ad meipsum attinet, nihil (testor fidem) vnquam proponam, quod non æque in publicum vergat commodum ac meum, neque vnquam intercedam, si quid in Reipubl. cui natus sum emolumentum à quopiam videro proponi. Ut verò sententiam vestram liberè dicere, sic & proponere ex officio vobis incumbit, si quid re bene explorata ad fines iam dictos faciat, vel etiam ad latentes regni morbos Regi adhuc ignotos detegendos. Quòd si in hoc amplissimo loco tanta opus est grauitate, pudeat tandem homines leues ostentandi ingenij causâ hic argutari, Principi & Reipubl. detrahare, se inuicem sublannare: quæ omnia rectius in popinis & gancis, quàm in Senatu tam venerando peragerentur.

Quando autem hic cætus iam nobis soluendus est, quotquot alicubi magistratuum munere funguntur hortatos velim, properè domum redeant, & perduellium conatus reprimant, eorumque corpora comprehendant. Eo in negotio ut prosperum à Deo exitum precor, sic etiam rei fæliciter gestæ nuncium non tardum, quin & vos ipsos cum publica omnium læritia breui reuersuros, expecto.

*Hic postquam Cancellarius de Comitij differendis pauca  
interfatus esset, Rex, sermone resumpto,  
sequentia subtexuit.*

**C**VM Deo ita visum fuerit gemino Martis die, qui sui mensis erat quintus, gemino me expedire periculo, ut inde discerem aduersus

ius eundem hostem Diabolum eundem mihi semper fuisse defensor-  
rem Deum, non alienum esse ratus sum, si in primum & vigesimum  
diem Ianuarij, qui Martis erit, proximum huius concilij conven-  
tum remittamus certâ spe & fiducia, cuius beneficio tanto periculo  
crepti sumus, eiusdem auspicijs prosperum fore nobis horum comi-  
tiorum exitum; quæ non absque Dei Opt. Max. consilio hucusque  
arbitror protracta. Et si enim nunquam mihi proposuimus fuerit, meis  
rebus aut commodis studere, nisi quatenus cum publica utilitate ea  
essent coniuncta, vitio tamen vobis vertere non possum, si in horum


Comitiorum principio, recentique meo aduentu, multa fue-  
ritis suspicati & in deteriorem partem interpretati, de  
quibus nunc post idoneam nostri moris & in-  
genij, & regiminis experientiam, nul-  
lus, ut spero, scrupulus vo-  
bis relictus est.



...non enim deus caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit  
...non caritatem in nobis creavit



F



num  
Infe  
uitat  
rem  
natu  
cent  
respi  
ta o  
fcho  
geni





## O R A T I O

## H A B I T A

IN CONVENTU ORDINVM

IN PALATIO ALBAVLÆ

PRÆD. KALEND. APRIL.

M. DC. VII.



Iri Nobiles, Equites, Ciuēs, *In principio con-  
uiuij generosius exhibetur vinum, sub finem  
deterius; ait Architriclinius ille in Cana Ga-  
lileæ, vbi Christus primo illo aquæ in vi-  
num conuersæ miraculo innotuit. Mihi  
quoque in præsentī negotio non Christi,  
sed Architriclinij illius sequendum est ex-  
emplum, vt vltimo loco vappam vobis ex-  
hibeam. Nam toto huius diuturni con-  
fessus tempore exquisitissimas illas sermo-*

num delicias pæne habuistis ad fastidium; Vos imprimis de Domo  
Inferiore, quibus aures ita suspicor præmeditatarum orationum sua-  
uitate permulsas, vt ægrè nunc sub finem, tumultuarij sermonis aco-  
rem admittant; quo rem ipsam sine pompa, veritatem sine lenocinio,  
naturam sine fūco vobis constitui exponere: quanquam sanè, si di-  
centis auctoritatem, & audientium grauitatem, & negotij vtilitatem  
respiciatis, multò satius opinor rem ipsam verbis anteferre. Elabora-  
tæ orationes quibus multum inest facundiæ, rei parum, Rhetorum  
scholis magis coueniunt; vbi non rerum pondera sed dicentium in-  
genia expenduntur. at in Comitij, vbi quæritur negotiorum expedi-

tio, non dicentium commendatio, nihil magis decet quàm rerum vbertas, verborum frugalitas. Vt castæ matronæ maximum ornamentum est natiuæ pulchritudinis simplicitas, offuciæ meretricum, quæ faciè non sua videri volunt, insignia sunt. Et in actiuo hoc meo munere, quod securæ meditationis luxuriam præcidit, omnesque meas cogitationes publico bono deuincit, non solum expedit ita facere; verum etiam necesse est; quum vestrum vnusquisque, sola sui districtus cura, præmeditatis orationibus liberrime vacare possit. Itaque, quas res, velut dissolutas scopas, coram vobis adfero, vos, quibus maius otium est domi, pro arbitrio colligite, disponite, connectite. Verum ad negotium ipsum me accingo; de quo ego tot linguis loqui possem ac vos omnes (vt Diuus Paulus ait) sed malo tria verba fructuosè loqui, quam diem otioso verborum sonitu extrahere. *frustra* (ait Psalmista) *edificatur domus, aut custoditur ciuitas, nisi Deus omnia secundet.* idemque Paulus, ait se plantare, Apollon rigare, sed soli Deo deberi incrementum. Hæc mihi expressit diuturnum nimis huiusce Vnionis negotium; quod quum primum ad vos retulissem, tam facile & procliuè arbitrabar gemella regna vnire, quàm mihi expeditum erat huius regni hæreditatem adire. Verum nunc ex iniectis obstaculis, & proluxa disceptationis ambagibus, & nouarum quæstionum scrupulis, omnibusque nullo successu tentatis, quid aliud mihi cogitandum relinquitur, quàm aut non rectè vobis negotium intellectum, aut me vobis arbitrum suspectum, ideoque morâ moræ nexâ, auctâque controuersie difficultate nihil definitum. neque possum vobis huiusmodi suspensiones vitio vertere, necdum ingenij mei & morum ita gnaris, vt suo tempore fore confido; neque ita mihi familiaribus, vt quotidiano colloquio meam de toto negotio audiretis sententiam.

Quod autem moras vestras & scrupulos iniquo animo ferre videar, nolite, obsecro, ita accipere, quasi horæ spatio cupiam decerni, quod menstruam exigit deliberationem. nemini enim vestrum ignotum est, Regem esse legem loquentem; ideoque eius voluntatem luce clariorem esse oportere; quæ vobis de Domo Inferiore ex literis meis nuperrime ad vos missis satis innotuit, quibus perspicuum feci nihil mihi esse antiquius, quàm vt omnes omnium possessiones collocarem in tuto. Itaque vt de sensu meo vobis constet, ingenuè iam fateor lentæ huius deliberationis causas vobis idoneas non defuisse. Nihil temerè in rebus magnis definiendum; sed deliberandum est diu quod statuendum est semel: lentoque pede consulendum est, sed vbi consulueris, maturè factum opus est. Si quid promouetis, nihil refert quam testudineus sit motus. sed scrupulus in via quærendus non est, nec nodus in scirpo. Ego medium vrgeo in rebus omnibus: & est inter præcipientem stultitiam & summam tarditatem, via media, *aristoteli secundus.* Quod rectum

rectum est exquirite, vana, superflua, curiosa negligite; alioqui in optimis consultationibus frustra quæritur finis.

Verùm ne nimis hæere videar in communibus, propriè iam de præfenti negotio dicturus, omnia, memoriæ vestræ causâ, ad hæc quatuor reuocabo. Primò edisseram quid petam; deinde quomodo petam: tertio, quæ commoda ex ea re in vtrumque populum redundent: vltimò, quæ incommoda videri possint moram facere.

Quod ad primum attinet, Deum appello qui cordium recessus scrutatur, & vos ipsos, apud quos mentiri mihi foret religio, quicquid à me petitur id saluo contractus nostri iure peti, quo vos mihi obsequium & fidelitatem debetis, ego vobis amorem, præsidium, & tutelam. neque vllam mihi vnquam fælicitatem optarem, quæ cum populo non foret communis. Summa voti est, vt, absolutissimâ legum personarumque vnione, quæ nunc duo regna sunt sub vno Rege in vnum coalescant: cuius Regis posterius (si ita Deo est visum) vsque ad consummationem rerum vobis præfint: qualiter olim in Scotia Picti Scotique, in Anglia verò Heptarchiæ concreuerunt. Ego Scotiæ nomine eiusmodi spondeo vnionem, qualem vos ipsi victores & iure belli faceretis; sed per amoris coagulum, quo solo amicitia & fides continentur: vt sicut vtriusque regni vnus Rex est, ita etiam grex vnus sit, & lex vna. Nec enim vni Regi facilius est duobus regnis contiguus præesse, quorum minus ab opulentia maioris, velut ferrum à magnete, attrahitur, quam vni capiti duobus corporibus prospicere, aut vni marito duas vxores regere, qua de re Christus ipse dixit, *ab initio non fuit sic*.

Verùm in vnione ipsa, duo notanda sunt: volo enim mentem meam vobis constare, euidentia magis quam eloquentia studiosus sum: ideoque cum antiquis illis Philolophis vitreas optarem meo pectori fenestras prætendi, nequid mearum cogitationum vos lateret; tùm verò nihil diffiderem vobis placere. Nam cum mihi absolutissima vnio in ore est, procul à mente est omnium rerum confusio. Non est suis priuilegijs exuenda Scotia, quæ non magis vnioni aduersantur, quàm propriæ quorundam locorum, vt Cantij, & Palatinatus Cestrensis consuetudines iuri Anglico. Singulis enim territorijs & locis suæ sunt consuetudines, quas populorum moribus natura ipsa aptauit. Sed ego eiusmodi legum Vnionem intelligo, qua possit dici vterque populus sub vno Rege & vna lege viuere. Nam transacti inter vos temporis experientia, quam ratio quoque ipsa confirmat, iam edoctus sum Ius Anglicum Anglis maximè conuenire; nec ciuile Romanorum, nec municipale alijs gentis posse cum eo contendere. Sed quum duæ sint iuris virtutes, perspicuitas & integritas, alijs in partibus obscurum est ius nostrum, in alijs tam imperfectum, vt varietate



casuum cum ingeniorum solertia in dies crescente, Iudices non ex legibus sed præiudicijs & exemplis ius dicere necesse habeant. cuius generis incertitudinem ipsi Iurisperiti non negant, viri autem ingenui & generosi, quibus aliud placet vitæ institutum, hoc studium fastidiunt. Vbi enim cum varietate incertitudo coniuncta est, vir iustus quidem ab officio non declinabit; at iniusto ad peccandum fenestra aperta est; & qui iniusto successerit, vir probus iniustas decessoris sui sententias defendere necesse habebit. Nolite igitur iudicis arbitrio leges permittere, sed ipsi eas probate & excutite. neque ego illas volo antiquari, sed obscuritatis rubiginem, quæ adhæret, abstergeri; & Ordinum auctoritate in linguam populo notam transferri: quin & minùs noceret omnes hosce casus ex decreto ordinum pro legibus haberi. Quanquam enim in quibusdam errores sint à Iudicum iniquitate profecti, præstat tamen certas leges, licet alicubi iniquas, quàm arbitrarias omnes & incertas, quales quales sint, habere. nam *satiùs est*, quod apud nos vulgo dicitur, *ferre incommodum quam perniciem*. emendandarum autem legum nunc luculentissima est occasio, cum earum imperio Scori quoque nunc tenendi sint; quibus, quòd suas leges non cupiant nisi melioribus & clarioribus mutare, vitio nemo potest vertere.

Verùm ad hanc rem præparato opus est. Naupegus ad naucem ligna, architectus ad domum ædificandam materiam, Rex prudens ad bellum nummos præparat, & vt verbo expediam, nullum opus memorabile sine præuio apparatu suscipitur: quo respectu deliberationem hanc Vnioni volui præmitti. quæ cùm instar habeat coniugij, rem sane absonam faceret quisquis inter duos sibi charos nuptias conciliaturus, cum ambobus ageret, vt lectum simul inirent, & genialis thori officium facerent. nunquid thorum præcedere debuerat adspectus, familiaritas, consensus parentum, sponsalia, dotalia pacta, & id genus alia, quæ extremo coniugij complemento præmitti solent? Vnio est reditus in gratiam post diuturnas inimicitias, & cruenta vetustissimarum gentium bella. Optima odiorum inter priuatos componendorum ratio est, si ad dextras iungendas, & ad osculum primò inuitentur; deinde verò ad lecti, aut, si fieri possit, ad lecti communionem; vt stomacho mitigato, conciliatisque paulum affectibus, patiantur faciliùs mentionem fieri præcipuæ iniuriæ, viamque tentari concordiæ? Nemo non Vnionem desiderat honestus: sed qui sibi placere aiunt vnionem, quum nulla placeat ratio ad eam ineundam; ijs profectò mel in ore est, fel in corde. Post tam prolixum examen, si in confesso hoc vestro tam diuturno nihil inter vos conuenerit, quid aliud dicent vicini Principes, qui negotij huius exitum audivissimè expectant, quàm manifestâ repulsâ genti iniustam

notam

notam, & regiam maiestatem diminutam? Quantum verò ab Vnione Scotorum animos absterrebitis, quum rem ipsam ludi, se traduci intellexerint? Vnâ re lætor non plures vno homine sic deliquisse. vnitas autem non est numerus. at è Scotis nemo adhuc repertus est, neque, me regnante, reperietur vobis in Comitijis aut vllò publico iudicio maledicus: quo humanitatis genere ab ijs victi estis. Expendite, an non potius prudentiæ vestræ foret quibuscunq̃ue rationibus Scotos ad vnionem inuitare, vnde tot vobis redundant commoda. Nonne inter vos Rex ipse cum aula & familia mansurus est? Nonne iuris & sceptri primus hic futurus est, & propè vnus locus? Nōne illi alij legum Anglicarum agnoscent iugum, ac Cumbris demum, & Northumbris, alijsq̃ue ad Septentrionem remotis, similes euadent? vos maritum repræsentabitis, illi vxorem. vos quasi victores, illi victi; non iure belli sed amoris. Rariùs quoque visentur illi à Rège, vt & cæteri Boreales; nec id nisi raptim & quasi in transitu.

An igitur causam habeant, cur regnum suum antiquissimum in formam prouinciæ redactum cupiant, vos ipsos statuo iudices. quam quæstionem vt faciliùs decidatis, fingite vos esse, in quos eiusmodi ferenda sit sententia. Præparationem igitur eiusmodi desidero, quæ felici initio spem saltem aliquam faciat successus. Scio præiudicata opinione multorum animos esse occupatos, & geminâ omnino aduersus me suspitione medius fidiùs iniquâ nimis & falsâ.

Ominanimi enim in vnione hac ad Angliæ miseriam & Scotiæ felicitatem fore crisin: & Scotorum examinibus, qui, peracta vnione, omnium rerum hic arbitri actoresq̃ue futuri sunt, Angliam aperiendam. deinde verò, suspecta est vobis nimia illa mea in Scotos liberalitas, quibus omnia post vnionem æstimatis largienda, vobis quoque, ea, quæ habetis, eripienda. Vobis vnicam spondetis laborum omnium amaritudinem, illis verò fructuum dulcedinem: meq̃; meis affectibus tantisper creditis imperare dum vnio peracta sit. At quam sint hæc à veritate aliena, vobis ipsis, non ex verbis, sed factis meis iudicandum relinquo. Nunquid enim vnionem talem exigo, quæ nullam admittat exceptionem? Nonne syngraphâ meâ omnem iudiciorum forique potestatem Anglorum in Anglia propriam spondeo? Num quicquam meditor, quod non æque cum vtriusque gentis bono coniunctum sit? Si quid eiusmodi in animo habuissem antehac poteram fecisse. Nemo enim est paulò Reipubl. peritior, qui nesciat Regi licere omnes Magistratus forenses, aliosq̃ue cum Ecclesiasticos tum ciuiles, cuilibet, mandare. Verum ego, literis meis Roistonæ datis, Delegatis significauì, paratum me fore, absolutam illam meam potestatem restringere.

Existimant nonnulli Scotorum colonias meo iussu huc deducendas;

das; suauiter delirantes de plantis è sterili in vberius solum transfere-  
rendis, & macrâ pecude in pinguiora pascua. Cui enim liceat vos  
vestris sedibus pellere? an ita potentem æstimatis Scotiam, vt vos ve-  
stris ædibus eijciat? aut menescium, plus esse in Scotia terræ incultæ,  
& in Anglia hominum. magis conuenit ex vestris vrbibus, nomina-  
tim Londino, otiosæ plebis sentinam in Scotiam emittere, quam no-  
uis inde colonijs vos grauare. Quod si in iure dicendo his magis quam  
illis faueam, tum, me ipso teste, regio inter vos honore indignus  
habeat.

Ego vos iudices non recusô, an non hætenus ambobus æquus  
fuerim. quin operam dedi vt maximam apud vos tum promererer  
laudem, quum maximè poteram vobis nocere. si huc vsque nihil in  
vos tentauerim, multò minùs posthac tentabo. Si tum non feci, cum  
nulla obstaret promissi religio, quanto minùs iam conabor, cum per  
legem non licet? Non sum Scotis, quàm Anglis deuinctior. ibi natus  
sum Rex, hic iuratus; ambobus nunc impero. Qui ex ea gente præ-  
ter cæteros de me meriti sunt, spero iam mediocriter compensatam  
esse eorum operam. nec quisquam superest vltra vulgarem beneficen-  
tiæ mensuram mihi munerandus, quo in genere regia benignitas  
prorsus claudi non potest. Iustitiam & tutelam vtrique genti debeo,  
quam vtrique æqua lance distribuam.

Quod ad liberalitatem meam attinet, dixi iam vobis tres primos  
annos Saturnaliorum meorum fuisse: tunc Euclionem agere non li-  
cuit. dixissent enim Iosephum fratrum suorum immemorem, aut me  
noui regni delicijs inebriatum. Nunc verò non est tam vilis Petiti-  
onum annona, vt ante, nec tam multiplices sunt ex maiore sigillo mer-  
cedes. Quod si primo meo aduentu Anglis benefecerim, à quibus  
tanta cum lætitia exceptus sum, toto illo itinere amænitate quasi ve-  
natoria confecto, nonne etiam Scotos quorum erga me industria,  
fides, constantia, perspectissima erant, quadantenus remuneratos  
oportuit? Periculum meifecistis iam quatuor annis, & satis notum  
est, quantopere, si voluissem, Scotos euehere potuissem: sed quo diu-  
tius viuo, eo minor mihi futura est cum ijs familiaritas, ideoque par-  
cior apud eos liberalitatis meæ spes. Ex quo ad vos veni vix altera eo-  
rum pars mihi de facie nota est. euasere in viros qui tum pueri erant,  
& à meo digressu plures in lucem editi sunt. Patrimonium verò re-  
gium, quod liberalitate mea diminutum suspicemini, non ita attritum  
est, quin magnitudine & splendore cum quouis alio Christiani orbis  
facile possit comparari. quod quàm inuiolatum & integrum posteris  
meis seruare cupiam, vos ipsos non latuit, quum possessiones meas, &  
latifundia, omneque eorum ius in sceptrum volui transcribere: quòd  
cur non factum sit, mihi, vt nostis, vitio verti non potest. Quæstor sol-  
licitudi-



licitudinem meam, cuius ipse optimè conscius est, aliqua ex parte vobis iam interpretatus est; & nisi ipse sperarem triplum illius, quod subtraxisse videor, prouentibus meis meâ operâ addi posse, ne solum quidem in lecto capere possem. Sed cum tanto tamque admirabili omnium applausu, nec vobis ignoto, ad regnum venerim, & materiam meâ liberalitatis habuerim amplissimam, duarum gentium alacritatem & fidem, quod vestrorum Principum nemini ante me contigit; iniquum planè sit meam ex mea hæreditate beneficentiam cum eorum Principum donis comparare, quibus vnus tantum populi cura incubuit; quorumque vniuersum tempus imperij vix eo longius est, quod ego iam transegi. Quid quod eorum liberalitas longè fuerit meâ maior, causis tamen longè minoribus?

Modus autem vniionis sancientiæ in tribus est. Primò quidem, vt ius hosticum vtrunque antiquetur: nam cum bellandi ius inter vos sublatum sit, certè ius hosticum quoque nullum est. deficiente enim causâ deficit effectus. Et cum non possit amplius nunc Anglus Scotto bellum indicere, ius illud ipso iure corrui. Secundò verò, vt communia sint vtrunque comercia. Ego vobis extraneus non sum, quem nostis omnes è vestrorum Regum sanguine progenitum: Scoti verò subditorum iure vobiscum fruuntur communi. Qui potestis me communem habere Dominum, inter vos inuicem peregrini? an qui eodem fidelitatis sacramento vobiscum astricti sunt, nihilo inter vos meliore conditione futuri sunt, quàm Hispani & Galli? cum mea sit in vtrumque populum æqualis potestas, ius commercij necesse est vtrunque esse æquale. Differuntur rumores nonnulla esse à mercatoribus Scotis inique facta. Præstolabuntur isti in Anglia proximum horum comitiorum conuentum; examen subituri, an boni viri haberi debeant, an nebulones. Tertium est, vt priuilegio ciuitatis inter vos donentur Scoti; præsertim cum ipsi fateamini non esse illos alienigenas. Quod genus prærogatiuæ hic facturi estis? Cum primum ad vos accederem, à Iudicibus & Iurisconsultis vestris monitus sum, inter Ante & Postnatos vtriûsque regni subditos, latum esse discrimen; vnde etiam edicto sanxi, Postnatos eo ipso ciues esse quod ego regnum hoc inierim. Non diffiteor Iudices, vt cæteros erroribus esse obnoxios, nec in omnia eorum verba iurare vos æquum censeo; hoc solum vrgeo vtrique genti id nunc conducere. Succurrat quoque non minus credibile esse, Iurisperitos vestros errare posse, quam Iudices. Verùm quemadmodum hoc in negotio vtriûsque populi bono consultum cupio, ita vobis cauendum censeo, ne edictorum meorum authoritatem eleuatum eatis, vel iudicum vestrorum fidem; qui exactis comitijs de fortunis vestris & vita ipsa ius dicturi sunt: ea enim ratione & Regi & legi notam inuritis. Nam quacun-

cunque in re auctoritatem iudicum minuitis, imperij quoque vim dissoluitis, & Remp. traducitis. Vna mihi præter cæteras ratio persuasit distinguendos esse, imo & anteferendos Postnatos: quia sub communi Domino & Rege nati sunt, ideoque vobis affiniores. At verò si quid magis conveniat expendimus, tum omni dubio procul Postnatorum potior habenda ratio est. Nam Antenatorum perennis vnio esse non potest; sunt enim homines vnus æui, & pauci omnino, si cum succedentium sæculorum postnatis conferantur: at Postnatorum vnio æterna futura est; inter quos quum discrimen nullum iure statui possit; labefactata huius vnionis quam cupimus authoribus, perpetuæ turpitudinis & ignominie notam infligi necesse est: hebescent præterea in Postnatis, in quorum præcipue gratiam vnio expetitur, hi inuidie stimuli, quibus Antenati exagitantur; cum eiusmodi orientur Pharaones, qui Iosephum nunquam nouerunt; successores mei, videlicet, quibus inter vos natis educatisque non maior cum gente Scotica intercedet familiaritas, quam cæteris Angliæ Regibus ante mea tempora. Nolite igitur adulantium blanditijs abduci à vero, quasi Antenati ideo præferendi essent quia mihi operam nauarunt, & cætera huius fursuris sophismata. Quid enim mea in priuatos homines beneficentia cum vnione habet commune? Vnio enim quorundam merita non respicit, sed omnium bonum. Ius ciuitatis præterea, quod solum in vestra est manu, plerisque omnibus, quibus possit conducere, iam à vobis concessum est: nec vllus dubito, quin benemeritis hominibus, quicumque à vobis id ius peturi sunt, prompto & liberali animo sitis concessuri. Certum igitur est eiusmodi disceptatoribus mel esse in ore, fel in corde (vti antea dicebam) qui specie tenus vnioni fauere volunt, animus autem quantum pote est aduersantur. Quod ad exceptiones & restrictiones, quas præuia deliberatione æquas & necessarias ipsi vos iudicabitis; persuasum habete mihi absque vllò gentis Scoticæ affectu gratissimum fore, quod optimum erit. Sum ego natus iuratusque vtriusque populi Rex. Liceat hoc saltem à vobis petere, vt in proxima disceptatione alacriores sitis ad soluendas, quam nectendas quaestiones; vtq; dubiarum rerum clarissima expositione acquiescere velitis.

Magna futura sunt & conspicua huius vnionis emolumenta, Pax, opulencia, mutua charitas, societas, comneatus. Qui mihi ab aduentu meo Reges congratulati sunt, totius Insulæ Monarcham me salutarunt; longe maiore potentie meæ reuerentiâ, quam si vni tantum regno dominarer. & vos ipsi quanta obsecro voluptate Hibernos intuemini, Scotos, Cambros, Anglos, cælo soloque diuersos, omnes tamen vnus imperio deuinctos, in aularum mearum atrijs, ministerij causâ spatiantes? vt nobile illud atque eximium Comitatus nostri

nostri decus præteream, ex virorum splendidissimorum à varijs cœli plagis affluxu; quo homines peregrini ad nos visentes in admirationem rapiuntur. Vtriusque regni confinia furum antehac, & latronum receptacula, spoliaria ciuium, funesta maiorum vestrorum busta, loca cædibus & rapinis infamia, visu inculta & horrida iam sunt veluti duorum regnorum centrum & vmbilicus, viris, opibus, humanitate politissima: exurgunt sacra templa, panduntur ædium fores, nec abactorem nec sicarium extimescunt. Mira sanè mutatio; vbi antea nihil oculis auribusue obuersabatur, nisi occisorum gemitus, miserorum querelæ, spoliatorum clamores; iam videas pacatos, securosque sub tectis, nec plangunt amplius infortunia sua, sed Deum orant pro Regis incolumitate, qui illis hæc dulcissima fecit otia. Limites ab vtraque Tuedæ ripa vt pacis suauitate, ita soli vbertate non multis cedunt Angliæ tractibus. si quando posthac dissidium euenerit, (quod Deus omen aueriat) quæ mala inde expectanda sunt vos ipsi potestis diuinare.

Incommoda autem, quæ Angliæ ex hac vnione metuuntur, valde, scilicet, sunt mira: Gens Scotica (si credimus) numerosa est; ea in nostris arbutis nidificabit, amoenissima agrorum colet, plebem nostram exedet, nos atteret. otiosæ profectò, & viris indignæ suspiciones. quæ vos possideris, ijs vti frui Scoti non possunt. iure non licet, mea venia non licebit. fingite nec dignitatem mihi neque conscientiam constare, (absque quibus ne tantillum quidem liberet viuere) quamdiu tamen communis sensus mihi superest, an eos, quos fortè nunquam aut tantum in procinctu visurus sum, vobis anteferrem, quibuscum tota transigenda est vita? Numquid illi examinibus suis vestram terram vniuersam occupare poterunt, vt olim Gotthi & Vandali Italiam? Non ignota res est, longè esse vos numero superiores; & illos, si ad hoc vsque tempus inuicti fuerint, non intulisse scilicet vim, sed tantum repulisse illatam: & hunc honorem vel fortunam qualemcunque maxima ex parte montibus suis debent & locorum inaccessis, quibus extremam hostium vim iramque victoriæ declinarunt. aut eo vsque esse illos domi inopes miserofque; arbitramini, vt nisi ad vos excurrant viuere nequeant.

Vt de me dicam, estne qui credat duorum populorum, quibus præsum, minorem mihi curæ esse maiorem neglectui? Nonne mihi à pestilentia Beruici aut Northamptoni grassante minus metuendum foret, quàm Londini, in ipsa Augusta imperij sede, Palatio meo, vxorique, & liberis proxima? annon maiore sollicitudine concurritur ad restringendum incendium domus contiguae, quàm vrbs remota? Notum vobis est, quantâ curâ syluas vindicem à damno, voluptatemque venandi: an non viuarij Waltamienfis, quod oculis meis subiacet



cunque in re auctoritatem iudicum minuitis, imperij quoque vim dissoluitis, & Remp. traducitis. Vna mihi præter cæteras ratio persuasit distinguendos esse, imo & anteferendos Postnatos: quia sub communi Domino & Rege nati sunt, ideoque vobis affiniores. At verò si quid magis conueniat expendimus, tum omni dubio procul Postnatorum potior habenda ratio est. Nam Antenatorum perennis vnio esse non potest; sunt enim homines vnus æui, & pauci omnino, si cum succedentium sæculorum postnatis conferantur: at Postnatorum vnio æterna futura est, inter quos quum discrimen nullum iure statui possit; labefactatæ huius vnionis quam cupimus auctoribus, perpetuæ turpitudinis & ignominie notam infligi necesse est: hebescent præterea in Postnatis, in quorum præcipue gratiam vnio expetitur, hi inuidie stimuli, quibus Antenati exagitantur; cum eiusmodi orientur Pharaones, qui Iosephum nunquam nouerunt; successores mei, videlicet, quibus inter vos natis educatisque non maior cum gente Scotica intercedet familiaritas, quam cæteris Angliæ Regibus ante mea tempora. Nolite igitur adulantium blanditijs abduci à vero, quasi Antenati ideo præferendi essent quia mihi operam nauarunt, & cætera huius fursuris sophismata. Quid enim mea in priuatos homines beneficentia cum vnione habet commune? Vnio enim quorundam merita non respicit, sed omnium bonum. Ius ciuitatis præterea, quod solum in vestra est manu, plerisque omnibus, quibus possit conducere, iam à vobis concessum est: nec vllus dubito, quin benemeritis hominibus, quicunque à vobis id ius peturi sunt, prompto & liberali animo sitis concessuri. Certum igitur est eiusmodi disceptatoribus mel esse in ore, fel in corde (vti antea dicebam) qui specie tenus vnioni fauere volunt, animus autem quantum pote est aduersantur. Quod ad exceptiones & restrictiones, quas præuia deliberatione æquas & necessarias ipsi vos iudicabitis; persuasum habete mihi absque vlllo gentis Scoticæ affectu gratissimum fore, quod optimum erit. Sum ego natus iuratusque vtriusque populi Rex. Liceat hoc saltem à vobis petere, vt in proxima disceptatione alacriores sitis ad soluendas, quam nectendas quaestiones; vtq; dubiarum rerum clarissima expositione acquiescere velitis.

Magna futura sunt & conspicua huius vnionis emolumenta, Pax, opulentia, mutua charitas, societas, comœtus. Qui mihi ab aduentu meo Reges congratulati sunt, totius Insulæ Monarcham me salutarunt; longe maiore potentie meæ reuerentiâ, quam si vni tantum regno dominarer. & vos ipsi quanta obsecro voluptate Hibernos intuemini, Scotos, Cambros, Anglos, cælo soloque diuersos, omnes tamen vnus imperio deuinctos, in aularum mearum atrijs, ministerij causâ spatiantes? vt nobile illud atque eximium Comitatus nostri

nostri decus præteream, ex virorum splendidissimorum à varijs cœli plagis affluxu; quo homines peregrini ad nos viscentes in admirationem rapiuntur. Vtriusque regni confinia furum antehac, & latronum receptacula, spoliaria ciuium, funesta maiorum vestrorum busta, loca cædibus & rapinis infamia, visu inculta & horrida; iam sunt veluti duorum regnorum centrum & umbilicus, viris, opibus, humanitate politissima: exurgunt sacra templa, panduntur ædium fores, nec abactorem nec sicarium extimescunt. Mira sanè mutatio; vbi antea nihil oculis auribusue obuersabatur, nisi occisorum gemitus, miserorum querelæ, spoliatorum clamores; iam videas pacatos, securosque sub tectis, nec plangunt amplius infortunia sua, sed Deum orant pro Regis incolumitate, qui illis hæc dulcissima fecit otia. Limites ab vtraque Tuedæ ripa vt pacis suauitate, ita soli vbertate non multis cedunt Angliæ tractibus. si quando posthac dissidium euenerit, (quod Deus omen aueriat) quæ mala inde expectanda sunt vos ipsi potestis diuinare.

Incommoda autem, quæ Angliæ ex hac vnione metuuntur, valde, scilicet, sunt mira: Gens Scotica (si credimus) numerosa est; ea in nostris arbutis nidificabit, amoenissima agrorum colet, plebem nostram exedet, nos atteret. otiosæ profectò, & viris indignæ suspiciones. quæ vos possideris, ijs vt frui Scoti non possunt. iure non licet, mea venia non licebit. fingite nec dignitatem mihi neque conscientiam constare, (absque quibus ne tantillum quidem liberet viuere) quamdiu tamen communis sensus mihi superest, an eos, quos fortè nunquam aut tantum in procinctu visurus sum, vobis anteferrem, quibuscum tota transigenda est vita? Numquid illi examinibus suis vestram terram vniuersam occupare poterunt, vt olim Gotthi & Vandalii Italiam? Non ignota res est, longè esse vos numero superiores; & illos, si ad hoc vsque tempus inuicti fuerint, non intulisse scilicet vim, sed tantum repulisse illatam: & hunc honorem vel fortunam qualemcunque maxima ex parte montibus suis debent & locorum inaccessis, quibus extremam hostium vim iramque victoriæ declinarunt. aut eò vsque esse illos domi inopes miserosque; arbitramini, vt nisi ad vos excurrant viuere nequeant.

Vt de me dicam, estne qui credat duorum populorum, quibus præsum, minorem mihi curæ esse maiorem neglectui? Nonne mihi à pestilentia Beruici aut Northamptoni grassante minus metuendum foret, quàm Londini, in ipsa Augusta imperij sede, Palatio meo, vxorique, & liberis proxima? annon maiore sollicitudine concurritur ad restinguendum incendium domus contiguæ, quàm vrbis remotæ? Notum vobis est, quantâ curâ syluas vindicem à damno, voluptatemque venandi: an non viuarij Waltamiensis, quod oculis meis subiacet

iacet, hortoque adiacet, leuissimum incommodum ferrem iniquiore animo, quàm illata saltibus meis Eboracensibus aut Dunelmensibus maiora damna, vt arborum strages, aut furtiuas ferarum cædes. Creditisne mihi chariores esse absentes præsentibus, tenuiores opulentioribus, tam longe distitos homines, vt nec iuuare nec nocere queant, vobis, quibus & mea & posterorum meorum vita salusque credenda est? Si quis ex eo fauore mihi aditus aperiretur ad maiora, tum quidem non abhorreret res à vero. Nunc verò vniuersam gentem huc vocare non licet; & furor esset quorundam ibi priuatorum causa Rempublicam hic euertere. Si nudam consulas prudentiam, non est verisimile: & meam innocentiam in suspicionem vocare meræ foret improbitatis.

Ego plus do, quam accipio: æquumque & bonum hac in re ipsi iuri præfero. Nam è quatuor rebus; quarum iniqua distributione Scotis benefieri potest, vobis noceri; tres (vt nostis) in mea solius sunt manu: Beneficia omnis generis conferre: officia, & honores mandare, Ecclesiasticos, ciuiles: denique ad Comitata vocare. neque aliunde, quàm ex his ipsis Scoti aut emolumentum aut honorem post vnionem expectent. & tamen, vt vobis placeam, in his quoque liberalitati meæ modum statuam, mea syngrapha vobis cauturus.

Quarta pars penes vos manet, ius nempe ciuitatis, vnde parum aut nihil sperare possunt, nisi quod pecunia sua redimant, alijsque modis vobiscum communibus acquirant. hoc ius, ciuitatis donandæ, etsi Comitiorum proprium vulgo censeatur; vt meam tamen vobis sententiam expediam, non ex iure Anglico, cuius exigua mihi est notitia, sed ex ciuili, in quo paulo melius sum versatus, cuiusque in gentium vnionibus summa est habenda ratio, quum sit ipsum ius gentium: ex eo inquam, duo astruo, quæ nullus illius iuris antecessor negauerit, vt quæ disertis legum verbis receptisque Doctorum sententijs nitantur. Vnum est ad Principis prærogatiuam peculiariter pertinere, alienigenas ciuitate donare. alterum est, Vbi ius obscuritate laborat (vt hanc ipsam de Postnatis quæstionem quidam verstrum aiunt non satis in Anglico iure explicari) Principem esse interpretem & iudicem, & vbi leges silent Principem esse legem loquentem, vt quod scripto deest sua voce suppleat. Et sanè (si sua constet historiæ fides) exemplis Angliæ & Galliæ Regum, quorum aiunt hanc esse præcipuam prærogatiuam, lex illa astruitur. Verum licet hæc sciam ad potestatem regiam attinere, vltèrius tamen non vrgebo, quàm vestra beneuolentia concesserit, & vtriusque gentis bonum & commodum exegerit.

Quod si obiectum fuerit, quibusdam vrbibus Angliæ & Collegijs damnosam videri vnionem, fatebor posse fieri, vt mercator vnus &



& item alter, Iarmutenſis, aut Briſtouiſis, hinc trecentorum aureorum iacturam patiatur: ſed parum id refert, ſi lucretur Reſpubl. Videtis in Ciuitatibus collegia eſſe collegijs damnoſa, nequẽ vnum abſque alterius incommodo inſtitui.

Impedimenta vnionis ex parte Scotiæ hæc tria obijciuntur. eorum animos eſſe ab vnione auerſos: nec poſſe illam inter duas eiufmodi gentes ſubſiſtere: exiguum denique eſſe aut nullum inde emolumentum: quæ ſi vera ſint, non eſt cur fruſtra in ea amplius laboremus. Primum illud ex literis eorum publicis euincere conanimi, in quarum præfatione diſtriſtim aſſeuerant Scoti nolle ſe abſolutæ liberæq; Monarchiæ honore excidere: in corpore autem earum literarum, in vetuſta & primæua regni ſui iura nihil vnioni licere volunt. at fanè toto hoc veſtro coſeſſu vnanimis fuit Domus Inferioris opinio, nihil auidius à Scotis expeti quam vnionem, tantumque ex ea commodi ſperari, vt illam, æquis, iniquis conditionibus, admiſſuri ſint. Nunc autem dicitis eſſe illos ab vnione valde auerſos. Certè hæc duo ſimul vera eſſe non poſſunt. Nec enim eodem tempore idem poſſunt & auerſari & expetere.

Quod ad ea attinet, quæ ex literis publicis obieſta ſunt, vetus eſt Iuris regula, eius eſſe explicare cuius eſt condere. Veſtrum non eſt eorum leges interpretari, neceorum veſtras: id meum eſt, qui populo non inuito eas ſanxi.

Et primò quidem confiteor, tam proluxa Anglorum eſſe comitia, Scotorum verò tam breuia, vt medium inter ambo extrema optimum futurum ſit. Feſtinationi enim eorum imputandus eſt error iſte, quo iura regni ſui vetuſta & primæua excepta voluerunt, in hoc literas veſtras publicas imitati, quarum præfatione illa ipſa verba habeantur. ego eorum mentem illiuſque vocis vim non meo ex ſenſu vobis explicabo, ſed ex Iuriſperitorum & Conſiliariorum ore maxime in Scotia inſignium, quibus conſcijs illæ literæ ſcriptæ ſunt, quique pro hoc ipſo negotio Delegati in Angliam venêre.

Quid illi antiqui & primæui iuris nomine intellexerint, rectiùs illic percipietis, vbi obieſtionem de legum differentijs diſſoluo. Nam id ſolum ius reſpexerunt, quo vitatur confuſio, quo Regum ſuorum firmatur ſucceſſio, & Monarchiæ illius hæreditas, cuius caput in trecentefimum ante Meſſiam annum reducitur, è qua ſtirpe fateor me eſſe. nedum vt veſtro ſenſu ius ſuum municipale ijs verbis ſignificent, quod apud eos nullum eſt, præter id quod ius Regis appellatur. Quod autem liberæ ſuæ abſolutæque monarchiæ adhuc ſtudeant, eam vim habet, ne priuilegia gentis, de quibus modo dicebam, nomine vnionis ſic confunderentur, vt magiſtratuum legumque honore deſtituti, & liberrate ſua exuti huic regno in meræ prouinciæ formam

accederent. Nec id vos velle opinor vt aut militum præfidijs Scotiam retineam, vt Hispanus Siciliam & Neapolim; aut populum illum vicaria Proregum industriâ regam, quorum rara est copia si boni sunt.

De Scotia id verè possum dicere & gloriari: inter vos sedeo, & illam calamo meo dirigo: paretur scribenti, & quod alij gladio non poterant, ego vicaria scribæ dextra de Concilio meo, Scotiam tempero. Quod autem ab vnione dicantur alieni, nunquam illi fateor eam à me petiuerunt; nec quisquam ex ea gente, vt illud negotium maturarem, priuatim mecum egit. Veruntamen cum ad eos deuentum esset, mihi se non defuturos vltro promiserunt. quo animo sunt omnes boni meæque dignitatis amantes pro studio, quo me maiestatemque meam prosequuntur, meisque desiderijs honestis & æquis obtemperant.

Scio neque ibi, neque in vlla Repub. deesse homines factiosos, & nouarum rerum auidos, qui in angulis, quicquid in buccam venerit seditiosum, deblaterent. at in comitijs nemo vnquam ibi reperi- tus est, qui huic genti dixerit conuicium. nam in Scotiæ comitijs (vt quo pacto à vestris differant breuiter indicem) absque Cancellarij venia, cuius est quoque seditiosos aut ineptos statim interfari, nemi- ni loqui licet: cum hîc, promiscua omnium libertas omnia loquen- di & quamdiu liber sola sit causa, cur ille modo non fuerit inter- ruptus.

Obiectum quoque est, inter leges etiam vtriusque gentis non par- uam esse antipatheiam; qui error est multorum non exiguus. Nul- lum enim est proprium Scotiæ ius, quod iuri huius populi municipali, quod vulgo Commune dicitur, respondeat, sed totum quan- tum quantum est è triplici constat genere.

Nam vniuersum illud ius tenendi, possidendi, Domini, & cæ- tera huius generis, Cancellariatu Angliæ debemus. Vbi æquitatis non iuris disceptatio est, maiora sunt inter nos verborum, quàm rerum diuortia. Iacobus Primus, apud vos educatus, leges Anglicas in Scotiam scriptas secum inuexit. Secundum genus faciunt Statuta reg- ni, quæ Comitiorum acta nominantur. ibi enim illis, vt hic vobis, ro- gandarum legum ius est: quas leges iam vobis licebit excutere; ne- que enim spero amplius in ea Republ. vos hospites fore. nec diffiteor præcipuum esse huius vnionis opus vtriusque regni inter se statuta conciliare. Tertium genus est è iure ciuili, cuius introducendi auctor erat Iacobus quintus, institutâ apud nos perpetuâ Curiâ, ad illius imaginem, quam in Gallia ipse viderat. Horum est in omni contro- uersia ciuili ius dicere. nec tamen omnia, vt in Gallia, ad iuris ciuilis amissim exigunt: nam si constet gentis statuta aduersari, non datur

iuri

iuri ciuili locus : & Præses Curiæ , si officium facit , vbi quæstio in nostro iure deciditur , ius ciuile non audit. Tum demùm apud eos iuri ciuili locus est , vbi municipale deficit. Videtis igitur non ita esse , vt fertur , difficile , etiam legum vnitatem illos vobis conciliare ; qui neque iuri ciuili obnoxij sunt , neque etiam , quod vos Commune dicitis , aliud habent , quàm quod à vobis acceptum ferunt. Statuta autem regni quoties res poscit mutari possunt , vt apud vos iplos fieri amat.

Illud quoque obiectum est , Regi Scotiæ in comitijs non competere suffragium negatiuum : sed omnes leges ab Ordinibus rogatas etiam inuito probari. Ego hanc quæstionem optimè possum dissolvere , qui pluribus interfui Comitijs , quàm vllus meorum maiorum , eo etiam honoris genere omnibus subditis meis antiquior. Mos Comitiorum in Scotia , mihi credite , nihil habet popolare. viginti fere diebus ante Comitium edicitur passim omnibus vt regio Chartophylaci ( quem vos Magistrum Rotulorum dicitis ) quæstiones proximo Conuentu ventilandas ante certum diem exhibeant scriptas. Eas Rex priuatim examinat , & quas visum est Cancellario suo tradit in Comitijs proponendas cæteris suppressis. Quod si quis de alia quauis re ad Ordines retulerit , statim monetur à Cancellario nullam eiusmodi quæstionem Regi fuisse approbatam.

Tum leges de his rebus ab Ordinibus latis exhibentur Regi. ille sceptro conspicuus , quod à Cancellario porrigitur , necesse habet dicere , EGO RATA HABEO QUÆCUNQUE IN COMITIIS HISCE FACTA SUNT : Nam si quid Regi displicet , id ante solet induci & deleri. Si hoc sit negatiuum suffragium certum est mihi in Comitijs Scotiæ illud competere.

Vltimum impedimentum est in priuilegijs , quibus Scoti in Gallia fruuntur : quæ eius vulgo creduntur momenti vt nisi illis Scoti renuntiauerint Anglia Scotiæ nequeat vniri. si Scoti tam illibenter vt fertur renunciaturi sunt , ea tamen res non est illis arbitraria. Non enim ( vt vulgo creditur ) inter populos , sed inter Reges fædus iectum est. Primus ( ni me fallit memoria ) Carolomannus Francorum Rex per legatum à Scotorum Rege petijt , vt commune secum fædus aduersus Anglos feriret , seu inferenda vis esset , seu repellenda. Gallia enim tunc Anglico bello implicabatur.

Idem fædus aduersus Gallos Angli eodem tempore à nobis petiuere , missis in Scotiam legatis. Primò pro Anglis disceptatum est , vicinos illos esse , communis Insulæ habitatores ; gentem strenuam atque opulentam , cum qua fædus atque amicitiam colere magis è re nostra esset , quàm cum alia Oceano diuisa , quantumvis fortiore ; interiectâ præsertim Angliâ , vnde certa esset & cita perniciēs : quum ven-



torum & cæli inclementiâ, alijsque innumeris fortunæ aduersis, Gallorum auxilia possent retardari.

Postquam verò pro Gallis dictum est, semper in eo Anglos fuisse vt Scotiam debellarent; & quoniam ius in regnum nostrum obtenderent, non diutius paci daturus locum, quàm rei gerendæ oportunitatem nacti essent: Gallos magis dissitos, qui nihil in Scotiam iuris prætenderent, constantiores fore in amicitia: Temerè & infelicitè Gallis accessimus, vnde nobis plurimarum calamitatum origo. Ipso quoque fædere cautum est, vt à singulis deinceps Regibus vtrinque renouaretur, quod legatorum interuentu postea semper factum est: vt intelligatis, non inter populos æternum, sed inter Reges ipsos temporarium fuisse. Itaque à Regina matre mea sine comitijs, sine consensu ordinum renouatum est, quod tamen fieri non debuisset si inter gentes ipsas factum fuisset. Meo autem tempore, cum iam vltimo firmandum erat; tum quoniam in odium tertij factum videbatur, tum quoniam nihil magis me dedecebat, regni nempe Angliæ hæredem, neglexi. Renouata sunt tamen à me nonnulla mercatoribus concessa negotiationis priuilegia; qua in re meam sustinebant vicem tres admodum Consiliarij, cum Secretario meo, cuius erat propriè id negotij procurare.

Verum quidem est, in Curia Parisiensi ea de re relatum fuisse; sed illud publicationis, non auctoritatis causa factum est. Nam nihil est aliud Senatus ille, nisi Iudicum & Iurisconsultorum consensus: nec cum nostris Comitijs, nisi vernaculum nomen, quicquam habet commune. ex eo igitur fædere priuilegia in posterum aut emolumenta nulla Scotis expectare fas erit. Vnione enim hac stabilita Gallorum Rex è vestigio omnia præcidet: vel sane, magno hoc negotio facilliter confecto, necesse habebò ab illo petere, vt omnes meos subditos ijsdem priuilegijs donare velit; quum inter me & illum constet amicitia; quæ inter maiores nostros intercessit. quo nomine omnes meos ciues æque illi caros esse oporteat. quod si renuat facere, actum est de re tota. sin annuerit, res vertet in totius Insulæ bonum: adeoque Scotorum priuilegia fæderi meo cum Gallis superesse non possunt.

Vt autem alio adhuc argumento euincam, Reges, non populos fædere fuisse coniunctos; quotquot absque mea venia Gallorum Regis stipendijs aluntur, aut speculatores nostrarum rerum agunt, in nihilo meliore versantur causâ per leges nostras, quàm si in eo genere operam suam Hispano locarent. Satellitij autem Scotici, quo regium copus stipatur, à Comite Buchaniæ origo est: qui in Galliam missus cum decem millibus auxiliariorum Protostratoris ibi dignitatem meruit; sed egregia parta victoria cum omnibus ferè

ferè popularibus suis dolo occisus est. Igitur, ut tanta compensaretur iniuria, & Scotorum in posterum securitati caueretur, regij corporis tutela Scotis commissa est.

Nunc de vltima diuisionis meæ parte, Anglorum scilicet commodis ex vnione ista, aliquid dicam. neminem credo esse paulo humaniorem qui ea de re ambigat. quis eo vsque imperitus est rerum qui emolumentum permagnum non videat? an nihil vobis ex Cambria vnita compendij, an verò Cambriâ Scotiam creditis minorem? an non terræ, maris, virorumque insignis fiet ad ditiones vestras accessio? Quis enim vtriusque gentis limites nisi Mathematica & imaginaria linea descriperit? Tum vero obfirmabitur postica illa, & Iani portæ æternum claudentur: qui antehac vobis infensi erant, iam amicos sentietis à tergo, & quasi in subsidijs, omnium periculorum socios, pro vobis, ut pro seipsis, paratos mori. Niuea pila ingens fit è multis iunctis, & plures domus vnita faciunt Insulam, & geminus arcis murus communi aggere coalescens longe fit seipso fortior. Nonne in Batavia videre est, quantum possit ista Anglorum Scotorumque coniunctio? res ita manifestæ veritatis est, ut qui non sentiat illum aut pudore aut prudentia vacuum esse oporteat.

Quòd autem Scoti vltra quadraginta dierum militiam Regi suo non debeant, obiectio illa à rerum nostrarum imperitia profecta est. Nam Reges Scotiæ (ut quod res est dicamus) cum ex suo ærario, quemadmodum Reges Angliæ, exercitui alendo non essent, edicebant suis, ut certo die ad signa adessent, denunciata aduersus contumaces perduellionis pæna. Ita viri Nobiles & generosi, ut cochleæ, quæ suam domum circumferunt, in castra veniebant instructi nummis, pellibus, annonæ, & ut verbo dicam, nihil expectantes à Rege: quem proinde æquum erat futuræ expeditionis spatium edicto definire, absque quo illi certum sui apparatus modum definire non poterant; præsertim dum intra patriæ fines morarentur, ubi nulla spes prædæ prout in hostico relicta erat. Sed neque lege vlla certus dierum numerus sancitur; & penes Regem est, eos quam diu libet vltra detinere, & nouum edictum ante proponere, quam tempus exeat prioris; quum eorum sit illi seruire & adesse, vel, si opus sit, ad decennium.

Ut finem nunc faciam, gaudeo me ante vestrum digressum meæ conscientiæ iusso defunctum esse. Cum reuerfi fueritis consilij mei candorem quæso expendite. nam eò tantum vnionem istam vrgeo, ut Monarchiæ Anglicæ potentia crescat, ita tamen, ut vtriusque gentis bono prospectum sit. Quod nunc petitur, sæpe ante optabatur, quum pote non erat: nunc igitur non velle, cum pote est, gemina foret culpa. firmanda vobis est vestra felicitas. Londinum oportet esse

sedem imperij, & Scotiam illi aureâ prorsus victoriâ adunari, amoris (vt antedixi) coagulo: vt domi aduersus intestina & ciuilia mala sitis securi, foris vero hostibus murum opponatis aheneum. Candidè interpretamini mentem meam, æque vtrique genti propensam: vt sibi ambæ sufficiant, hostibus verò sint terrori, & amicis præsidio. Date igitur operam negotio bene terminando, moras pellite, argutias præcidite, vt Rex iustissimi voti tandem compos fiat, non verò, quia rem honestissimam suscepit, dedecoretur.



Orat.

vestri  
rarissim  
quo vu  
losoph  
per qu  
ante ali  
meipso  
mini es  
se, quo





# ORATIO

## HABITA

*IN COMITIBUS REGNI  
AD OMNES ORDINES IN  
PALATIO ALBAVLÆ*

XII. KALEND. APRIL. 1609.



Tſi pœnitentiæ & precibus deſtinatum ſit hoc tempus, in quo ferè medio iam verſamur; longe aliter tamen inſumptum eſt hoc biduum proximum, nempe, ſacrificio euchariftico mihi à vobis oblato. Ego igitur vt ternarium numerum, illum ſacroſanctum & perfectione primum, expleam; hunc quoque diem eidem exercitio ſtatui impendere.

Egregium illud gratiarum & amoris veſtri munus, quo me cumulatiffimè ornaltis, volo iam inſigni & rariffimo dono cõpenſare, ſpeculi cryſtallini & pellucidi, non in quo vultus veſtros aut vmbras, ſed cor Regis veſtri intueamini. Philoſophorum nonnulli optarunt ſingulis hominibus vitrea pectora, per quæ cogitationes ipſæ transparerent. res vulgò nota eſt & à me ante alicubi tractata. quod etſi in omnibus fieri omnino non poſſit, in meipſo tamen vobis effectum dabo, vt cor Regis, quod in manu Domini eſt, in oculis populi conſtituam. Scio nihil iam à me dici poſſe, quod non ſit apud vos, aut ſimile aliquid dictum prius: nihilomi-

nus

nus ut suum est corpori alimentum, sic reminiscencia est humanæ memoriæ pabulum.

Quæ in hisce comitijs præcipue agitata sunt, de quibus & ego iam dicturus sum, ad tria capita reuocabo.

Primum est res ipsa, ob quam à me conuocati estis, nempe, ut meis subueniretis necessitatibus. Secundum est, populi ad Regem supplicatio, qua suas Regi exponunt molestias, & quæ in Repub. vitiosa sunt emendari postulant. hæc sunt quæ *Graua*mina appellatis. Tertium, & inter vos disceptatum, & plebeijs agitur sermonibus, quanquam fortuitum, est tamen multo altioris & tractationis & indolis, Scrupulus nempe qui multos torsit de meo in duabus rebus consilio & mente. In primis scire optant, an apud me statuerim eandem perpetuò tenere regendi viam, quam iuxta veterem Reipubl. morem & receptas regni leges inierim: An verò in animo habeam meipsum his finibus non circumscribere, sed pro absoluta & regia potestate quando visum est eos transilire. Dubitant deinde de iure regni municipali, quod *commune* dicitur, cui me, nempe ibi natum ubi aliud ius obtinebat, infensum credunt; & ad ius ciuile introducendum, animum adieciisse. cui dubitationi ansam præbuit querela ad vos delata de Doctoris Couelli libro. quanquam meam de illo libro censuram iam ante per Quæstorem, nunc præsentem, vobis notam fecerim; qui quicquid meo nomine loquutus est, me mandante dictanteque loquutus est: quæ absque meo consilio ex se dixit, ea præstabo vera. Nec enim committam, ut vir tam probus comperiatur mendacij, aut vestram expectationem eludat. cæterum meam ea de re sententiam intra paucos dies edicto publicabo.

Nulla certe ratio suberat cur crederent homines mihi eiusmodi consilia placuisse. Duplex omnino est infirmitas, quæ Reges facit adulatoribus obnoxios, credulitas & ignorantia, quarum neutra mihi, ut spero, iure imputabitur. Si Alexander ille Magnus, quantumvis aliàs sciens, sui corporis constitutionem non ignorasset, nunquam se ipse putasset Deum. Sed ad rem. quemadmodum Christianus homo, quotiescunque occasio poscit coram hominibus vel Angelis fidei suæ & religionis rationem reddere nunquam erubescit. ita semper arbitratus sum iusto sapientique Regi ex dignitate & honore regio incumbere, populo suo, si non singulorum vitæ actuum rationem reddere, certe consilium suum mentemque, quoties opus est, candidè & ingenuè aperire. Verùm necesse habeo rerum dicendarum ordinem inuertere, & ab ultimo illo, quod licet fortuitum, præcipuum tamen erat, ordiri.

Nihil est in terris quod non sit infra Monarchiæ fastigium. nec enim solum Dei vicarij sunt Reges, Deique throno insident: sed ab ipso

ipſo Deo Deorum nomine honorantur. Tres ſunt præcipuè ſimilitudines, quibus Monarchiæ dignitas illustratur: vna è ſacris literis; cæteræ è Politicæ & Philoſophiæ principijs. In ſacris literis appellantur Dij: atque ita poteſtas regia comparatur diuinæ. Aſſimilantur quoque Reges patribus familias: populique & patriæ patres verè & Politicè nominantur. Aſſimilantur denique capiti microcoſmi.

Vocantur Dij, quia diuinæ in terris poteſtatis quandam ſpeciem exercent. Vide, quam aptè Regi conueniant diuina attributa. Dei eſt creare, & in nihilum redigere; facere, deſtruere; donare vita, multare morte; omnes iudicare, iudicari à nemine; humilia exaltare, & cum viſum eſt, alta deprimere: & vt verbo expediam, anima cum corpore Deo debetur. Similis quoque eſt Regum poteſtas, vt ſubditos erigant, & deprimant; vitæ neciſque Domini ſunt; competit ijs in omnes ſubditos, omnibuſque in cauſis, iudicium, vt Deo ſoli in Reges. Exaltant denique humilia & deprimunt ſuperba; & populum tractant velut latrunculos in aluco luſorio, vbi agricola Episcopum aut equitem arripit: ſubditorum quoque vt nummorum æſtimationem pro libito mutant. denique Regibus ſuis animorum affectum, corporum miniſterium debent ſubditi. ideoq; venerandus ille Episcopopus, qui iam adeſt, & verè & eruditè ( vtut nonnulli malè interpretati fuerint, aut non bene intellexerint ) de Regis officio pro concione diſſeruit. Nam de Regis officio in abſtracto & theologicè omnia erant veriſſima. Imperatorum enim & Regum, qui quidem Monarchæ ſunt, tutelæ & præſidio ſubditorum vitæ fortunæque debentur. At ſi illius tum ſuppleſſem vices, duobus verbis adiectis omnia feciſſem perſpicua. Poſtquam enim, vt Theologus, de officio ſubditorum in Principes generatim diſputaſſem, ſermonem omnem concluſiſſem, vt ciuis, hortaturus Ordines regni, vt quod omnes ſua in Republ. facere tenerentur, hoc eſt, ſuorum Regum neceſſitatibus ſubuenire; id illi iuxta veteres leges & inſtituta huius regni, in quo ipſi tanquam ciues viuerent, præſtarent: & cum eam ob rem hæc Comitia indicta eſſent, inter ſe deliberarent, quibus modis ſeruato priſco Reipubl. more tali Regi quem iam haberent ſuccurrerent; differentiâ ſcilicet obſeruata inter poteſtatem regiam, Theologicam, & formam quæ in hac Republ. iam obtinuit, Politicam. Et mihi conſtat id animi fuiſſe Episcopopo, ni partim temporis anguſtiâ, partim meâ & ampliſſimorum regni Ordinum præſentiâ prohibitus fuiſſet.

Pater familias vetere naturæ iure patriam poteſtatem habebat, id eſt, vitæ & necis in liberos. patres intelligo ſecundum rectam lineam ex ijs familijs ortos, vnde Regum erat origo: naſcebantur enim primi Reges ex ijs, qui ſeſe in colonias ſparſerant per orbem terrarum. Nunc  
autem



autem patri ius est suam hæreditatem arbitratu suo liberis diuidere: propter certas causas natu maximum exhæredare; minimum scribere ex asse: hunc diuitem facere: illum ad incitas redigere: alium conspectu suo quamdiu libet propter offensas interdiceret, eundemque in gratiam cum pænitente peccatore recipere. Idem ius Regi est in subditos.

Capitis denique iudicio omnia corporis membra eò diriguntur, quò maxime videtur opportunum. Acria adhibentur eius consilio remedia: & partes corporis immedicabiles refecantur: & pro corporis tolerantia sanguis mittitur è venis. \*At potestas hæc omnis est à Deo ad ædificationem, non ad destructionem. quanquam enim Dei sit tam creandi quàm destruendi potestas, est tamen ab illius sapientiâ alienum naturam euertere, & conspicuam hanc rerum machinam luxare: cum creaturas ideo fecerit, vt in ijs gloriam suam faceret manifestam. Ita ille pater familias haud sciret, qui liberos absque causa exhæredaret, necaretur, aut educandos non curaret. & caput illud foret ridiculum, quod suum corpus aut veneno interimeret, aut phlebotomia exhauriret.

At sanè distinguenda est primæua Regum conditio ab ea, quâ nunc in variè institutis Monarchijs fruuntur. Sicut enim Deus in vetere testamento per oracula loquutus, per miracula operatus, vt primum Ecclesiam sanguine vnigeniti filij sui redemptam stabiliiuit, priscum illum morem vtrumque neglexit; & populum suum intra Verbi scripti fines & leges coercuit: ita Regum, qui ab initio aut belli aut electionis iure præerant, arbitria pro legibus erant; vt primum autem humanitate & prudentia ciuili firmari cæperunt regna, Reges etiam legibus mentem suam exponere cæperunt: quæ rogantur à populo sed à Regibus solis proprie feruntur, ijsque auctoribus vim habent. atque ita Rex euasit lex loquens, duplici quodammodò iureiurando ad præcipuarum regni legum obseruationem obstrictus: altero tacito, vt, quia Rex sit, eo ipso nomine & regnum & leges tueri debeat: altero expresso, idque inaugurationis tempore. sic enim iustitia Regis in regno iam composito planè exigit, vt suarum legum contractum seruet populo, ex earumque præscripto regnet; prout Deus cum Nœ post diluuium pactus est, *posthac ver & autumnus, calor & frigus, æstas & hyems, dies & nox non cessabunt, quamdiu terra manet.* Quisquis igitur in regno composito susque deque habet leges suas, Regis nomen amittit, & in tyrannum degenerat. Quo euentu vt muliercula Philippum Macedonem, ita conscientia sua affatur Regem, aut iuxta leges rege, aut ne Rex sis. & licet Christianis non sit probanda aduersus Principes suos rebellio, nunquam tamen Principes suarum legum contemptum apud Deum impune ferunt. nam in quo Psalmo dicitur

Regibus,

Regibus, *Vos Dii estis*, statim in eodem clausula sequitur, *sed moriemini vt homines*. quo altius tollimur, eo grauius labimur: & vt lapsus, sic dolor. arbores proceriores magis quatuntur ventis, & montium ardua procellis. Reges igitur, qui tyrannidis aut periurij notam fugiunt, potestatem suam legum finibus libenter circumscribunt; quique illis diuersam persuadent viam, viperæ sunt, Regumque simul & Rerum bl. pestes. multum enim differt, regnum, legibus institutum & compositum, à primâ illa & cruda regiae potestatis origine; quidue ea tempestate Rex potuerit, in *indiuiduo Vago*, vt loquuntur. quod ad meipsum attinet, satis hucusque testatum feci, nunquam me in diuersa mente fuisse: & hanc famam spero mihi superstitem fore, neminem vixisse Regum omnium, qui maluerit leges suas obseruari, aut se iuxta illas regnare.

Quemadmodum igitur (vt axioma Theologico, quæ dixi de potestate regia, concludam) apud Theologos blasphemia est, quid Deus possit inquirere, licet autem vestigare quid velit. nam à posse ad esse, neque in Theologia neque in Logica valet sequela: ita quid Rex suprema potestatis suæ vi possit facere, nemo subditus nisi feditiosus inquirat: at iusti Regis est, si diuinam iram vitare cupiat, notam facere populo voluntatem suam. non patior disputandi materiam fieri potestatem meam, at factorum meorum causas indicare, eaque omnia ad leges exigere semper vtique paratus sum.

Superest altera illius pars, quod fortuitum diximus; de iure Anglico, quod videor nonnullis spreuisse, & iuri ciuili post habuisse. Regum facta dictaque omnia etiam in loco arcano (vt ante monui) publica sunt, & veluti in scena aut ædium culmine populo exposita: & spero nihil priuatim mihi vnquam dictum, quod pudeat proferre in publicum, & si opus sit, typis committere, quemadmodum in Basilico doro professus sum. Pauci sunt dies, fateor, cum in conclau meo, inter prandendum, meam de iure Anglico liberè dixi sententiam; quam, licet ad vestras aures, meo Quæstore interprete, iam venerit, ipsè tamen repetam, & mea voce confirmabo. Primum hoc dico, neminem esse omnium, cuius Anglicum minùs displicere debear, quam Regi: eius commodis & dignitati impensè fauet: supremæ verò potestatis priuilegia magis amplificat, quàm vllum aliud ius sub sole; vt sceptrum Angliæ vilipendere videatur, qui ius Angliæ Rex contemnit. Magni facio (vt verum fatear) ius ciuile, cuius professio literatior est, & legationibus negotijsque quibuscunque exoticis commodior: quo penitus inter nos sublato inualefcet barbaries, & regni honos decrescet. est enim quadamtenus ius gentium, cum inter gentes commercium & societatem alat: veruntamen in Anglia non ampliores illi fines decerno, quam ipso iure Anglico concessi sunt.

Quan-

Quanquam igitur non sit huic populo regendo idoneum ius ciuile, non continuo ob eam causam prorsus fuerit abolendum : quemadmodum ; nec, quia nullius gentis hodie vernacula est lingua Latina, ideo eius usus hic penitus abrogandus est ; vt sola Anglica discatur, vnde sane indubitata sequeretur barbaries. Non igitur Anglico ciuile ius tum temporis præterebam ; non ea mens erat : sed ne exstingueretur ; tantumque in ijs causis iudicijsque obtineret, in quibus antehac habebat locum : nempe in foro Ecclesiastico, Thalassiarcho, & Libellorum Supplicum, & alijs id genus. Cætera autem quæ ad ius regni spectant, ad regie potestatis priuilegium, ad ciuium possessiones, siue illis cum Rege lis incidat, siue inter se ; & omnino vbi de meo & tuo controuersia est : illa, inquam, ex iuris Anglici præscripto disceptarentur. hodie constat neque Scotiam, neque Galliam, Hispaniamue, aut aliam vllam in orbe Rempubl. solo iure ciuili regi : quum omnibus sua sint statuta, suæ consuetudines ; vt Anglis ius illud, dictum Commune : quod tantum abest vt flocci faciam, vt si iuris optio mihi deferretur, non modo municipalibus cæterarum gentium legibus ius Anglicum anteferrem, verum etiam iuri Mosæico. nec tamen ea blasphemia est, cum dico, huic populo nunc esse hoc ius conuenientius ipsâ lege diuina. nam Deus populum suum triplici legum genere in officio continebat, Ceremoniali, Morali, Iudiciali ; quorum vltimum, cum vni populo & tempori accommodatum fuerit, omnibus omni tempore inferuire non potest. dicis causâ, si apud nos suspendium, pæna furis, mutaretur in restitutionem triplam, aut quadruplam, quod lege Mosæica obtinebat ; quid fieret de mediterraneis huius regni tractibus, de Hibernis Montanisque ? in hoc vertitur cardo quæstionis, si ius alicuius gentis mutaretur, quis meum à tuo discerneret, quo pacto Rex populum regeret ? non absimilis ea res foret Gregoriano Kalendario, quod veteres illos Cæsaris fastos aboleret ; & negotiationes, commercia, rationes, & debita totius orbis mirè conturbat. quin, iuxta Pontificis calculum, ego meæ ætatis incertus factus sum ; siquidem natalis meus iam suam decem diebus anticipauit periodum. Quanquam autem ius Anglicum quoad nostram Rempubl. etiam diuino prætulerim, simpliciter tamen cæteris omnibus palmam præripiet diuinum. Optarem igitur tria in nostro iure emendari, sed Ordinum consensu. nam intelligo Regis auctoritatem, si adsit consensus Ordinum, in ferendis legibus irrefragabilem esse.

Primum itaque vernaculâ linguâ scribi cuperem nostras leges, quæ nunc sermone exoleto, mixto, rancido circumferuntur solis iurisperitis intellectæ. at nemini ius illud ignotum esse oportet, iuxta quod omnibus viuendum est. nam si aduersus Papistas rectè astruimus diuinum cultum peregrino sermone non esse celebrandum ; iuxta

con-



constitutionem Mosaicam, vt in fimbrijs vestimenti sacerdotalis scriberetur lex diuina, & palàm audiente populo legeretur: quidni etiam populo ita leges suæ innotescant, vt nulla relinquatur peccâtibus ignorantiae excusatio? deinde in iure Anglico non est perpetuus legum tenor, quæ omnes controuersia decidantur, sed indigesta materies è consuetudinibus antiquis & rebus iudicatis, quas vos *responsa prudentum* dicitis, commixta. quo vitio cæterorum quoque populorum laborant iura, vbi multum valent priora exempla, quæ iudicaturi sequantur. Daniam & Noruegiam excipio, vbi disertis legum verbis, absque iudicis labore, lites dirimuntur. Quanquam autem leges tam districtis verbis nequeant concipi, quin circumstantiarum varietas causam nonnunquam mutet; sic aucta iam sæculi solertia, vt raro etiam iuris ciuilibus doctores, qui in eandem legem commentantur, inter se consentiant; absque quo esset iudice opus non foret, sed nuda legum verba sufficerent: optarem tamen, Ordinum consensu, pleraque in nostro iure fieri certiora. cum enim tam incerta sæpe sint vestra illa *Prudentum responsa*, vt eorum auctoritatem iudices sæpe defugiant, & ab exemplo recedant; bene consultum foret populo, si consensu Ordinum certa describeretur iuris interpretatio, & rata fierent ea responsa, quæ posthac in iure dicundo obtinerent; ne amplius ab opinione iudicis aut responforum incertitudine populus ambiguus & cæcus penderet.

Denique in iure Anglico non desunt responsa, & exempla inter se aduersa & pugnàtia. quo vitio multa Ordinum Statuta laborant, quædam contraria, quædam ita scripta, vt contrarias aut diuersas interpretationes admittant. Itaque ex Ordinum maturo grauique consilio leges Anglicas, Statutaque aduersa vellem conciliari: non tantum sublata è libris omni antinomia, verum etiam antiquatis deletisque Statutis pænalibus, quæ huic sæculo non conueniunt; & iam velut dolosa retia insidiantur itinerantibus in regia via: quod ab auaro Rege aut Tyranno nunquam impetraretis. memorabile foret hoc emendandarum legum opus, & comitijs, licet nulla alia de causâ indictis, longè tamen dignissimum.

Scio vos hoc loco, quum de iure Anglico loquor, quæ mea sit de *prohibitionibus* opinio expectare, sic appellantur crebræ illæ apud vos iudiciorum interruptiones, cum maior iudex interdicat minori, lite iam contestatâ, aut prope finitâ, ne vltius pergat ius dicere: quibus omnibus sine exceptione aduersari me hætenus creditum est. at ego vos paucis docebo, quis mihi modus ea in re seruatus sit. cum viderem tot esse in hoc regno Iudicum constituta collegia, tot amplissima tribunalia & fora: sæpe optavi fateor circumscribi vnumquodque horum notis causarum limitibus, & iurisdictionis (vt ita dicam) certis

finibus, quos si olim aut errore aut ambitu transilirent; tum quidem æquissimo ferrem animo minoris potestatis iurisdictionem interrumpi à maiore, vt à Prætore capitali, aut, quod malim, à Cancellario. cæterorum collegiorum ius non ita mihi notum est. neq; ego id genus interruptionibus vnquam aduersatus sum, earumue legitimum hunc vsum damnavi; vt queis omnia iudicia velut flumina suis alueis coercerentur: sed cum animaduertèrem sine modo aut modestia & crebrius eas exerceri quàm prius; certantibus singulis collegijs aquam ad suam molam deriuare, omnesque ad se causas trahere (qui morbus cunctis terrarum orbis curijs endemius est) tunc me bis huic negotio immiscui, in bruma vnius anni, & in solstitio sequentis. vtroque tempore triduum totum disceprationi impendi. post prolixam rei cognitionem dixi ijs, quod Christus de coniugio, *ab initio non fuit sic*. nam vt diuinæ est providentiæ intra sua littora Oceanum coercere (vt in Psalmo habetur) sic meæ est curæ intra suos fines has Curias. Itaque vtrasque monui, illas quidem, quæ iuxta leges ciuiles ius dicunt, ne extra præscriptas iurisdictionis suæ metas vagarentur. has verò, quæ iuxta leges Anglicas, ne sic temere & prodigè alienam iurisdictionem prohiberent; sed quotiescunque id facerent, id primùm viderent, vt legitimum & rectum in prohibendo morem obseruarent. deinde verò, ne absque iusta & legitima causa prohiberent. mos hic fuit, ne quis è Collegij iudicibus priuatim, aut iustitij tempore, sed totum Collegij corpus palam prohiberet: cui rei ipsi iudices astipulabantur. Causa verò non quælibet sufficeret; vt leuis rumusculus, aut partis qualiscunque querela; sed quæ maturo consilio & deliberatione probabilis reperta esset. aliàs, si temere & præcipitanter iurisdictionem alienam eludere fas sit, nihilo melior erit vllius conditio post litem adiudicatam, quàm ante. quid enim interest, nullam habere pro se latam sententiam, & latæ vsum effectumque impediri? pauper concionator importunitate litis & libros & Ecclesiam coactus deferere, tandem aliquando, tenui re absumptra, sit decreto iudicis superior: at miser. cum vti eo se posse sperat, alterius iudicis prohibitione eluditur; iuxta Christi parabolam: qua enim nocte se beatissimum credit, eadem eripietur illi anima sua; Tantalò non absimilis è cuius faucibus potum quod inhiat, rapitur. Itaque (vt hic finem faciam) discrimen statuo non exiguum inter licitum & moderatum harum *Prohibitionum* vsum, & enormem immodicumque abusum. sicuti enim rebus bonis, quia bonæ sunt, abuti nefas est; ita rerum bonarum vsum propter abusum vitare non debemus.

Veniamus nunc ad secundum orationis nostræ caput, populi scilicet quæ vocatis *grauamina*, & Reipub. mala morbosque. Duas præcipue causas inuenio, cur in comitijs regni publicæ hæ querelæ apud Regem

Regem deferantur : & quia ab hoc confessu , tanquam ab ipso Reipub. corpore , optimè potest Rex edoceri de his , quæ populum malè habent : & quia hic Ordinum conuentus est suprema regni curia , à quâ bonis legibus latis aptissima decernuntur singulis morbis remedia. verum sermo hîc meus , qui ante ad omnes pertinebat , nunc ad vos de Domo inferiore propriè conuertendus est.

Cupio horum malorum , de quibus hic refertis , & materiam paulò exactius à vobis inspicere , & ipsum referendi modum. Ad modum quod attinet , etsi vos , qui populum repræsentatis , possitis mihi , quæ iniquiore animo consulitis , opportunè inopportunè , hîc publicè , aut priuatim alibi indicare : vnicam tamen vobis hic cautionem prouisionemque commendo , ne scilicet quærere malitis , quàm inuenire querelarum materiam ; & Rempubl. potiùs facere nocentem , quam indicare. sed ex prisca huius loci institutione de ijs duntaxat virijs referatis , quæ egent emendatione , & quorum tractatio vestræ fidei à populo commissæ est. nam aucto sic in immensum eorum numero , differuntur continuo in populo rumores , nihil non esse in Reipubl. regimine morbosum. Statim in primo confessu vestro , vt *grauaminum* mentio iniecta est , ita persuasum habebant plerique nihil malle vos , quàm numerum augeri , vt symbolam suam , quam sua cuique indignatio & ira suggerebat , certatim ad vos contulerint. Insecuta est fateor , res mihi longè gratissima , quaque & meæ dignitati & vestro officio consuluitis , nobilis scilicet illa pyra , publicæ licentiæ expiatrix. Cùm enim à meridie , contra loci institutum , multæ vobis obreperent in manus querelæ , furtiuis inuolutæ schedis , & in fasciculum collectæ ( si non potius libelli famosi illi fuerunt , ab ira & seditione profecti ) vos perlectis duntaxat initijs ( nec enim sustinuitis ad finem audire ) & vnanimi consilio damnatis , & face subdita omnes concremastis. Itaque cùm ex Cancellario fisci , quem ad me ideo misistis , eadem nocte intellexissem ; quantæ vobis curæ foret mea dignitas , per eundem vobis gratias egi , & porro illius vestri officij , cùm occasio pateretur , memorè me fore promisi. Nunc igitur , ne nescij sitis quàm mihi grata fuerit hæc vestræ beneuolentiæ significatio , ipse vobis fio animi mei index. at cum effectus hic bonus fuerit ex mala causa ; etiam atque etiam vobis suadeo , eam in posterum viam teneatis , qua hæc incommoda commodè declinetis : nè Domus inferior fiat diffamantium receptaculum , & eiusmodi inter vos audiantur *grauamina* , quæ mera sunt aduersus me aut posteros meos perduellionis crimina. Reuoluite igitur & tenete vetera illa officij vestri locique instituta , ne posthac in tenebris & furtim vobis obrepant infames schedæ , sed palam , & certis auctoribus , moderatori domus vestræ in manus exhibeantur omnes querelæ. de quarum materia priusquam



dixero, cum videam singula verba mea excipi notarique in tabulis, oratos vos volo, æquo animo feratis distinctioris paulò sermonis nostri moram, ne quid forte aliorum, ac ego volui, à scribentibus accipiat.

Primum igitur, quod iustas populi querelas exquiritis, non vituperò indultiam: quin si id omitteretis, nec mihi nec patriæ, quæ vestram opem & operam implorauit, fidos vos æstimarem. nam à vobis hæ querelæ non sunt, si veræ sunt, sed à populo vnde missi estis. & cum mandatariorum perfidia meæ literæ mandata in populo frustra sunt, sæpenumero ad aures meas ea res non veniat, nisi vobis in hoc confesso monentibus, ut modò in Stephani Procteri negotio contigit. Tria tamen in harum querelarum materia vobis censeo vitanda.

Inprimis, ne res peculiari iure ad sceptrum spectantes attingatis. mea illa ars est, & *fabri fabrilis tractent*. eiusmodi curiositate fieri non potest, quin nostra eleuetur auctoritas. veteranus ego Rex sum, triginta sex annis in Scotia præsens regnaui, septem annorum apud vos tyrocinium exegi, quod tempus ad dominationis experientiam satis est Regi. Non est opus Hannibali multis Phormionibus pædagogis: & nunc officium meum discere foret indecorum.

Deinde ne delibetis iura mihi tradita à decessoribus meis, quæ ego more maiorum possideo. grauiter ferrem recenserî illa inter vestra *grauamina*. nouitas omnis, ut in corpore naturali, sic in politico periculosa est. nollem à vobis antiqua mea iura & possessiones carpi, quasi indignus censeret ijs, quæ mihi à maioribus meis relicta sunt.

Denique ne de ijs queramini, quæ certa aliqua lege sancita sunt. iam experientia edocti estis quantopere vobis hic aduersari soleam: inhumanitatis est à Rege id petere, quod ante sciebatis eum negaturum. quòd si in lege vitium est, emenderetur ab Ordinibus, interim ne sit ea querelæ materia. nam qui legem iniquo fert animo, Regem æquo ferre non potest, iuratum legis patronum. sed possunt homines (quæ naturæ est infirmitas) in legum exercitio errare: & tum sanè vobis libebit de abusu querelam deferre; sic, ut vitia hominum distinguatis à rerum bonitate; verbi gratia, potest fieri ut supremi Commissarij vocentur in crimen, exquirite sedulò & examine abusum: sed nolite dicere, Commissarios amplius non feremus. ita enim mea minuitur potestas. & iam vobis edico mihi ea ipsa de re aliquid constitutum, quod nisi ob grauissimas causas nunquam mutabo: nimirum, cum irrefragabilis sit eorum Commissariorum cognitio, à qua scilicet nulla detur prouocatio, restrinxi illam ad duos Archiepiscopos, quæ ante cum pluribus alijs Angliæ Episcopis communis illis erat. hanc mihi legem dixi; nec erit quod metuat sibi à Puritani agnomento, si quis

de

de illius iudicij corruptelis apud me hic publicè priuatimue alibi queratur, modò probet quæ dixerit: aliàs calumnia foret non querela. nollem ipsum iudicium culpari. quos labores exhauserim in rebus Thalassarchicis, & in illo *prohibitionum* negotio, non incomperum vobis est. si quis de similibus tantique momenti rebus apud me conquestus fuerit, experietur me mihi in cognoscendo non parciturum. Regem laboriosiore, paratioremue audire, quæ ipsius cognitione digna sunt, neminem vnquam habuistis. Si quis aueat periculum mei hisce in rebus facere, non difficilis patebit accessus: nec me, siue hic siue alibi compellauerit, morosum inueniet.

Et vt eorum, quæ vos grauant, tandem finem faciam; liceat mihi quoque, Reipub. nomine, id apud vos proferre, quod me grauat. oro vos atque obsecro. ne magis priuatorum hominum, quam populi vnde missi estis, affectus redoleant querelæ vestræ. Obseruate igitur diligentissimè eius ingenium, qui refert querelam: non difficile erit internoscere, an suos affectus an populi molestiam verbis exprimat. apud vos enim multi suo ex cerebro & de rebus quas ipsi forte magni faciunt materiam promunt querelæ: populus verò, qui misit, aut parui id facit, vel etiam contrarium ab illo sentit. ego vel palpare mihi videor petitionum discrimina, quas populi dictat necessitas, & quas suggerit proponentis iracundia; seu aduersus Ecclesiæ regimen, seu viri Nobilis aut Commissarij personam.

Superest tertia sermonis mei pars, cur hæc comitia indixerim; qua in re antiquum illud obtineo, vt meum ipsius negotium in vltimum locum rejciam. Mirabamini fortè, cur initio huius confessus, vt in cæteris, non statim causam indicarim ob quam vos coegerim. Verùm cum in mei gratiam hoc tempore conuocati sitis, malui Quæstorem meum meæ mentis facere interpretem, ad cuius officium pertinet huius farinæ negotia curare. nam vt, quod res est, fatear, in hoc genere à natura infantiior sum, & magis, quam in cæteris, elocutioni meæ hîc diffido. Quæstor vobis mearum impensarum iam reddidit rationem: quæ rara est fateor in Regibus popularitas, vt subditos ad rei familiaris calculos admittant. Si non nimium vrgerer, vobis (mihi credite) molestus non essem. Quod vir ille Nobilis suam dignitatem testatus, vobis confirmauit (nec hucusque causa fuit cur eius fidem suspectam haberetis) id ego, testor regiam dignitatem, longe esse verissimum: qua in re mihi fidem derogare sine iniuria non potestis. Fas est mihi à vobis petere, quæ vestri sunt officij. Subditorum vero pars vna est officij, eaque non minima, Principum suorum necessitates leuare. at modum liberalitatis vestræ, tempusque statuere, vestræ erit nunc beneuolentiæ, vestri amoris. Non est mihi animus de regia potestate hoc tempore disputare, tantum vobis innuo, quid

meo iure petere, quid à vestra humanitate expectare liceat. ipse odi extrema omnia: & vobis hoc in negotio ea cenleo vitanda. nam si parum mihi consulueritis; negotij, propter quod conuocati estis, incuriam non immeritò vobis imputem. Sin vltra populi vires mihi consulueritis, aut inæqualia æqualibus onera imposueritis; mihi cum Republ. communis erit aduersus vos querela.

Ego dum amplissimi huius conuentus structuram quasi, & compositionem penitus examino; video Superiorem domum constare partim ex Optimatibus, quibus hæreditario iure illic locus est; partim ex Episcopis, quibus durante sua vita ibi ius est suffragij. quicquid igitur ab his datur, propriæ ipsorum liberalitati adscribendum est: dant enim suo nomine non alieno. at Domus inferior corpus plebis repræsentat, ideoque, quicquid isthic confertis, non minus absentibus quàm præsentibus acceptum ferre oportet. quò magis vtraque extrema vobis vitanda sunt. hinc enim expeditior vobis est liberalitas, cum erogetis etiam de alieno: illinc autem, si profusiores eritis quam fert bonorum ciuium caritas, & Regis humanitate & populi facilitate abutemini. neque ego is sum, qui eiusmodi dona admittam. quin & Regi posset hic cudi fallacia, concitatà de industria per adulatoriam liberalitatem populi indignatione, vnde Rex calculo suo & subditorum amore simul excideret: quod ego præsidium iusto sapienti quæ Regi, secundum diuinam opem, longè firmissimum & tutissimum semper æstimaui. quod enim non nemo è vestro numero, vanus augur, cauere iusserit, ne nimia hinc liberalitate iugulos vestros domi apud plebem periclitaremini; persuadete vobis nunquam petiturum me, quod aut in populi iniuriam, aut vestram reprehensionem olim verat. qua in re vt meum vobis ingenium notius euadat, testes appello plerosque à concilijs, qui hic adsunt, si non ante comitia hæc, cum intelligerem tanta mihi opus esse pecunia, non fuerim magis de populo sollicitus, vt absque suo magno incommodo mihi subuenirent, quàm de pecunia, cuius petitionem ipsa vrgebat necessitas. quin & conuentum hunc amplissimum quantus quantus est appello, si cuius hic operam ad certum tributi modum aut summam implorarim; nisi quatenus præsentem ærarij mei inopiam nudare necesse erat. Dicant etiam consiliarij mei & aduocati, si vnquam de vobis prensandis cum illis egerim. Odi ego ambitum, si quisquam alius, & emendicata suffragia. Bonus Rex omnia maioris momenti negotia ad religionis, & dignitatis, & iustitiæ leges examinat (vt recte vestræ domus moderator) quibus finibus omnia mea cum Deo circumscribam. Verum neque ego extremum illud & summum postulo, vt plus mihi decernatis, quam bonos & officiosos ciues tali tempore deceat conferre; id enim esset vna cum marsupio sicam offerre; neque vos (vt spero) ex vanitate



nitare opinionum nata causabimini incommoda, aut fuitiles comminiscemini excusationes, aut popularis inopiæ obtentu vestrum palliabitis affectum & voluntatem. Si qui tales sint nullam quidem à me patientur iniuriam (nam fauente Deo ius omnibus reddam æquabile) at facile potestis cogitare, exiguam subesse causam, cur illis, cum mea ope opus crit, gratificer aut benefaciam. Interim nemo est, qui me ob huiusmodi repulsam, si id fecerit cum ratione & modestiâ vnquam sentiet iratum. qui bonæ legi aduersabitur me aduersarium inueniet: at pecuniam dare vel negare nihil est nisi amoris indicium. Itaq; dum peto meam necessitatem leuari, id tantum peto quod mihi iure debetur. nam si quæstio vobis proponeretur, an regiæ inopiæ subueniri oporteat à subditis, nemo opinor è vobis refragaretur. vbi etsi Regis propria vtilitas agi videatur, ab vtilitate tamen Reipub. separari ea non potest. Parens patriæ vobis suam aperit inopiam: imo ille interprete patria ipsa vos alloquitur. nam Rege egente eget Respubl. & in Regis subsidio & robore quæritur incolumitas & salus Reipub. Male illi fit qui bonum publicum à Regis bono putat seiunctum. nam quemadmodum Rex ille miser est quantumuis opibus beatus qui pauperibus imperat cum opes regiæ sint diuitiæ & amor populi. ita Rege inope, quantumuis ciues sint opulenti, regnum infirmum censendum est. Etenim in pace & bello Regis opulentia est regni neruus, in pace ius oportet vobis reddere, in bello ius vestrum armis defendere; neutrum horum fit sine idoneo sumptu quem à vobis haberi oportet. Nihil à meo ingenio alienius est quam populum grauare: nec grauius quicquam quam poscere ab alijs qui ad dandum natus sum. Plus posco fateor quam vllus huc vsque Rex Angliæ, sed longè mihi maior & grauior poscendi causa quam eorum cuiquam. Etsi autem Quæstor meus & necessitatis meæ & petitiæ à vobis summæ causas prolixè satis ostenderit, nullo argumentorum genere quod ad rem faceret omisso: ad probandam tamen petitionis huiusce æquitatem rationum præcipuas quæ mihi nunc succurrunt libet repetere.

Constat in primis regnorum quæ me comitantur accessione necessariò sumptus meos augeri. quo maior est Rex vester & ditionum & subditorum numero eò plus impendet, impensæque magnificentiam maiorem vobis dignitatem conciliabit.

Deinde liberorum numerus, quibus me Deus in vestrum commodum & vsum beauit maiora secum fert impendia. Vobis notum est Reginæ celebris memoriæ quamuis orba plurima fuisse à populo data, imò plura quam Regum priorum vlli.

Tertiò appropinquat tempus inaugurationis filij mei, quam durantibus Comitij honoris ergo celebrari volo. de illo nihil addam cum sua præsentia vultusque vobis commendet.

Quartò

Quartò non diffiteor multa mihi erogata, at si isthic vbi profusior videri possem parcimoniae & frugalitati ituduissim; & Reipub. & mihi & nuperæ Reginae dedecori fuissim. An in illius funere mihi querenda erat parcimoniae laus? an in meo vxorisque in hanc terram solemni ingressu? an in primo in urbem Londinum introitu & coronatione? nonne cum plerique Europæ Monarchæ & Principes mihi fælicem gratularentur aduentû, nonnulli legatis missis, nonnulli presentes, ex mea & regni dignitate erat illos pro dignitate excipere? Quod si quis dixerit non nisi belli tempore ingentia hæc tributa ciuibus imperari, ego tamen iure ausim respondere quanquam vos domi alta pace fruimini, me tamen continuo bello implicari, quod si foris geritur minus inde vobis est periculi: nam (vt Quæstor meus prolixè apud vos differuit) cogor ego & propter Rempub. & meum ipsius promissum, & commune religionis nostræ periculû, auxilia militum mittere in Cliuiam, quod quamdiu facere oporteat, aut quæ ampliora subsidia negotij necessitas requirat, incertum est. Et quanquam Beruicense præsidium dimiserim; centuriones & duces prioris Reginae auspicijs illic militabant, meis hæcenus aluntur stipendijs: non contemnenda (ni fallor) militum pubes in huius regni propugnaculis meo ære maret, vt de oppigneratarum urbium Fluslinæ & Brillæ præfidijs nihil dicam. Quod ad Hiberniam attinet satis vobis constat, quam incerta illic sint mea impendia, hominibus partim barbariei partim corruptæ religionis vitio, in rebellionem pronis: quam improuisus fuerit & superioris anni tumultus, & meus in eo sumptus neminem vestrum latere potest. Præterquam quod ibi veteranorum exercitum perpetuo habeam sub signis. Eorum numerum certum est non diminuere, donec firmatæ fuerint quas deducere statui colonias, qua re nihil huc vsque accidit rebellibus molestius: & nunc si quid conando, rebellando possunt, omnem illi mouebunt lapidem, vt has colonias auertant. Cæterum ad honestissimas hæc & plane necessarias sumptuum causas, fateor accessisse multa meæ liberalitatis munera. cogitabitis tamen vt spero nihil à me datum nisi vobis. nec quicquam mihi esse à vobis quod non à me redeat ad vos. at nimium credor in Scotos profusus. ni quorundam fidem & operam compensassem, quæ vobis tandem spes de mea gratitudine reliqua fuisset? num bene de me sperassent recentiores subditi, si malignè cum vetustioribus egissem? veruntamen subductis vt oportet rationibus duplo plus Anglis erogatum inuenietis. Multû igitur errauit à vero, qui apud vos dicere non erubuit tantam esse Edimburgi auri argentique copiam. ego nullum illi grauius optarem supplicium quam vt ex talis opulentiae fanore vitam ibi toleraret. sed spero me munificentiae vitio parum vobis inuisum; quoquouersum oculos conijcio neminem fere video, qui

qui non aliqua petitione aut honoris aut commodi mihi innotuerit. Benignitatis regiæ venam nunquam, fateor, decet arescere. alioqui enim difficile esset ciues aut seruos bene meritos sibi demerere. sed immodici sumptus causæ cum primo regni mei inter vos triennio abierunt. & quod sæpe soleo dicere Natalitiæ illæ feriæ iam peractæ sunt. Cùm recens ad vos venissem partim Reipub. imperitia (quæ ars nisi tractu temporis & experientia non discitur) partim ipso aduentus modo, honorifico plane & mirabili, munificentior meipso factus sum. tunc in ordinem equestrem non singulos referebam sed centenos; Barones simul plurimos adlegebam. nunc ni fallor longe aliter animatum me habetis & in posterum spero habebitis. Verùm vt hanc de sumptibus partem finiam; magnifica volo Regum impendia non luxuriosa; quod si prioribus Angliæ Regibus honestissimis in rebus vsitatam neglexero magnificentiã, aut vitam meam ad loci huius dignitatem non conformaro, tam fuerit illud à vestra quam mea dignitate alienum. quæ tot tantaque cum ex aère & elementis haberi nequeant à populo sanè expectanda sunt. Vt autem illis qui de mea frugalitate in posterum desperant scrupulum eximam, intuemini me quæso & liberos meos. si nil essem nisi homo non imprudens certè iam ratio sumptuum meorum habenda est. Quod ad me ipsum eos appello arbitros quibus notus sum ni tam paucis contētus videar, quam quisquā alius infra meā sortem cui ratio dux vitæ contigit. Cùm igitur nulla spes restet nisi in populo; ego mihi à vobis illum tributi modum spondeo, quæ populus ferre potest. cùm ratio ipsa postulet illum Regē supra cæteros omnes ope vestra atque auxilio ornetis, qui vestram dignitatem nouis accessionibus (absit verbo iactantia) plus cæteris cumulauit. Confido enim neminem vel in hoc amplissimo conuentu, vel foris reperiri; qui ad regij status splendorem, semel muniendum firmandumque non libenter conferret, vel quantum vna nocte impendit alexæ, vel equi pretium animi causa coëmpti, qui postridie crurifragio intereat. Imò mihi persuadeo malle bonum ciuem solito frugalius victitare, quàm regiam dignitatem inopia periclitari.

Optarem igitur celeriter expediri hoc quicquid est negotij. donantis alacritas commendat donum: & bis dare dicitur qui cito dat. quo magis cunctamini eo crescet magis æs alienum, ampliorisque tributi orietur necessitas. Conuertite mecum oculos ad exterarum Respubl. quarum ad vos oculi conuersi sunt, huiusque rei expectatione suspensi. quid ijs cogitandum relinquitis si domum abieritis meæ necessitatis securi, vel eum tributi modum non decreueritis qui sit meæ dignitatilendæ; nisi aut indignum me à vobis iudicatum cui subueniatis, aut tam desperatam esse inopiam nostram cui subueniri nequeat, atque adeo Regem & Ordines regni sibi mutuo esse in fermento,



mento, quod absque nostræ æstimationis iactura domi forisque fieri non potest. id enim vobis persuasissimum esse debet, ita esse inter externos Principes comparatum, ut illum maioris faciant unde parem expectent beneficij & damni retributionem. neque illud vos latet contemptui vicinorum expositum Regem, eorundem iniurijs bellisque opportunum fieri: quibus ingrauescentibus nimis sera erit medicina, cum nulla sanitatis spes relicta est. præuisa mala facilius arcantur. Define igitur quid sit vobis hoc tempore agendum, ne multa conando nihil ipsi agatis, & meum simul negotium impediatis. meministis adagium Gallicum; *Qui trop embrasse rien estreint*. Non condimus in hisce comitijs testamenta nostra, quasi nunquam posthac conuenturi: nec quæcunque ab Ordinibus regni tractanda sunt, continuo ipso in hoc conuentu peragi oportebit; ut tamen subcessiuis vestris horis suæ respondeant curæ, ea vestræ deliberationi ingeram negotia, quæ vestro consilio hoc tempore imprimis egent. Erit hic mihi à Deo principium, nempe à religione, unde si ordiamur cætera omnia prosperè euenient: dicam post nonnulla de Republica; quædam denique attingam quæ ad regni huius ornamentum spectant & voluptatem.

Multa sunt quæ nostros animos ad religionis curam aduertant: Papistarum supercilia in solitam enormitatem rursus excreuere, unde multis nata est suspicio nouum esse illis præ manibus stratagemam. quorum plebs etsi (Deo sit gratia) non parum decreuerit, lautiorum tamen numerus in dies augetur sequioris præsertim sexus. quorum ea est iam superbia ut nemo eos ausit iudicio sistere, nemo iudicare. ita illi ut fama est magnorum aulicorum patrocinijs tuti sunt. securius est pabulum igni subtrahere, quam accensum extinguere.

*Nam leuius ledit quicquid præuidimus ante.*

non quod existimem seueriores ferendas leges, sed iam latas exercendas, ne defuetudine rubiginem trahant & contemptum. Mihi compertum est sanguine & sæuitia in religione promouenda parum profici, præterquam enim quod nolit Deus violentia sanguinisque effusione suam plantari Ecclesiam, ut recte aiunt Theologi, ratio quoque ipsa persuadet & experientia confirmat, homines quum religionis causa vexantur, potius animi sui magnitudine ingenijque peruiacia, quam causæ bonitate omnia tormenta alacriter sustinere, & mortem quoque ipsam; ut vanam illam & umbratilem Martyrij famam consequantur.

De vsu Iuramenti fidelitatis dubitatum est, & tam obscura putatur ea legis pars qua iubetur exigi; ut à quibus exigi debeat incertum sit. ego hanc quæstionem Iudicibus antequam ad solennem abirent regni circuitum proposui, sed parum expedite mihi ab ijs responsum est.

est. nunc igitur eximatur si quis adhuc de Iuramenti exactiōe scrupulus superest, & cū ipse litem illam à Pontifice intentatam scribendo fecerim meam, & publicas Babyloni inimicitias calamo indixerim; turpe nobis iam foret ab actione discedere, aut susceptam iam causam furtim deferere.

Quod ad illos peruiaces Pontificis assecclas, qui mitiore *Recusantium* nomine appellantur, omnes ad vnum sistantur iudicio. Nimum haecenus hīc conuiuistis, nimium nobilium vxoribus & consanguineis & clientelis pepercistis; omnes sentiant vim legis: meum erit pro re nata ignoscere. Connuere enim in delictis, eaque ne appareant silentio tegere, non est à Regis dignitate; nedum vt ex hac stupiditate clementiæ laudem alicubi mereri possit. confessa crimina aut iudicio cognita ignoscere, hoc verò est clementiæ. Et res nunc postulat, Domini Episcopi, ad vos me conuertam, qui mihi maiorem in modum hortandi estis; vt peruiaces istos omnes ad vnum coram vobis silti iubeatis. maior hic paulo à vobis cura exigitur; quanquam enim eorum animos luce veritatis imbuere diuinæ sit bonitatis, veruntamen ne crescant, ne nobis insultent, hoc vestræ est industriæ.

Et vt hac in re vobis ima promam pectoris mei sensa, subditos meos Pontificiæ superstitioni addictos bifariam diuido. Sunt quibus nulla vnquam alia institutio accessit, quemadmodum decrepiti illi quos Mariæ Reginae Sacerdotes vocatis; iunioresque nonnulli quibus ætas tamen omnis in illius incitiæ tenebris transacta est. Sunt quos à veritatis professione olim nobiscum communi, vel indignatio, vel audacia, vel nouitatis studium abduxit: quibus hominibus non est maior religio nouam religionis faciem amplecti, quam nouellam recens aduectam Parisijs vestimenti formam.

Priorum me miseret, modò tamen paci studeant non odi: quin si ipse priuatus essem ab eorum amicitia & societate non abhorrerem. Apostatas autem suæ sectæ perditissimos osiores non possum fateor non odisse. neque à me plus vnquam expectent fauoris quam ipsa mihi iustitiæ lex iniunxerit. aduersus hos leges seuerissimè cuperem exerceri, leges & vos sedulo in id incumbere ne lateant. hisce aliquot annis quicquid patrimonij mei celabatur certatim à me multi petebant; liceat mihi vicissim vnam rem quæ celari solet ab Episcopis & Iudicibus petere, ne celentur amplius Papistæ.

Quod ad Rempubl. vnum vobis commendo, labenti sylvarum honori noua aliqua lege consulatis. sub finem proximi confessus vestri libellus ea ipsa de re vobis ingestus est, quem quia vitij nonnullis laborabat rotum repudiastis. satius fuisset emendari vel nouum fieri quam propter errores aliquot penitus reijci. Quis enim oblato vestimento paulò informiore, mallet nudus incedere quàm sublato formæ  
vicio

vitio rudem sibi aptare materiem? nequeo conijcere cur rem tanti momenti feceritis tam parui, nisi quia vobis eo tempore libuit esse paulò procacioribus; &, quæ ego maximè volebam fieri, ea minimè curare. Tanti est sylvas alere, vt absque ijs regnum hoc durare, aut regni nomen tueri nequeat; sic vestræ necessitati & oblectationi inserviunt. Necessitati quidem, vt sine quibus elementi longe omnium præcipui vsu destituimur: neque enim in regionibus hisce Borealibus sine igne est viuere aut cibos coquere. non potest hic populus Canibalum more crudis vesci carnibus: longè aliter in Anglia homines educantur. Oblectationi autem, quia nisi suum constet syluis decus, periit nobis nauium tutela, huius terræ, quæ diuino munere Oceano vallata est, maximum certe præsidium, nunc præcipuè, cum meæ successionis beneficio tota sibi vnita est: quid quod pereunte navigationis honore cessabit exoticarum inuectio, & nostrarum euectio, adeoque omnis negotiatio, præcipuum huius regni fulcrum. huc accedant nostra vestraque in venatione & aucupio oblectamenta, quæ cum syluis vna interire necesse est. his igitur tantis incommodis lege aliqua prospiciendum est.

Nunc vt vltimo loco de voluptate dicamus vbique ferè in hoc regno nisi maturè prouideris, de illa ipsa venandi & aucupandi recreatione prorsus actum est. ego vobis ne gratias quidem debebo, ni seucriore lege labenti huic voluptati nunc consulatis, quam in proximo vestro fecistis confessu; vbi in perdices & phasianos vilissimo etiam villico, ius suo in agro dedistis. quî obsecro non pereat omnis hæc recreatio, si viri generosi & nobiles quibus amplissima sunt latifundia, omni cura has volucres aluerint, fouerint, seruarint; scabiosus autem villicus cum primum intra aræ suæ angustias conspexerit sidentes, insidiari, capere, necare, ius habeat? Certè nulla mihi ratio relicta est qua animalib. in meo genitis prospiciam, nisi omnia prædia mea muris cingam; tectis quoque superimpositis ne qua transuolent, aut perdicum vt falconū meorum pedib. annellos appendam insignib. meis cælatos, quî enim aliàs dignoscantur esse regiæ quum in villicorū areis fidunt?

Contra eos quoque lex à vobis sancita est qui damas, ceruos & cuniculos furtim occidunt, & auferunt; in qua lege post multa verba, tandem pænam ad eos solos restringitis, qui noctu id facere ausint. vnde perditis hominibus persuasio nata est, nihil esse in ceruorum cæde, si interdiu fiat, flagitij: quemadmodum illa Lacedæmoniorum lex de furto, non tam furtum prohibebat, quam cautè exercendum statuebat, ne detegeretur. vnde factum est vt fatuus puer sibi à vulpe passus fuerit cor exedi. neque absimile illud est Canonici iuris, *Si non castè tamen cautè*. Videor haud dubie quibusdam ex affectu loqui, & vt venator. sed nemo vestrum est quantumuis ferarum aut venandi incuriosus, cui

non



non æque gratum sit ex ferina artocreis vesci, ac præstantissimo venatori: at si ferarum nulla habeatur ratio, ferina vobis nulla erit. Quod ad phasianos & perdices, viris bono loco natis in suis præsertim prædijs hoc genus oblectamenti non inuideo, vili tamen plebeculæ nollem indulgeri. quin & generosioribus persuasum cuperem, vt liberali modo, & vt ipsis dignum est, aucupium hoc exerceant; absque retibus & tormentis & id genus alijs instrumentis prorsus illiberalibus, & ad auium interitum excogitatis: vt præterea intempestiua anni hora ab illis abstineant. quanta enim ista est luxuries phasianorum aut perdicum pullos vix muribus maiores occidere? vt taceam decuplo plures ab equis & canibus conculcari quam à falcone interimantur, & insignita illa & irreparabilia data segeti circa id tempus damna.

Sed molestæ orationis iam finem faciam, iuxta Frâciscanorum consuetudinem oraturus aliquid mihi. In huius confessus initio, cùm Quæstor meam indicaret inopiam, sola mihi crumena laborabat; verum nunc dissipato domi forisq; meæ petitionis rumore, fama quoque & dignitas laborat. quòd si domum hinc abeatis non eo quo par est modo, subleuata mea inopia, quid cogitabunt homines; nisi me subditorum meorum odio neglectum: neque hinc ita discedere poteritis quin vestros mores mihi displicuisse suspicemini, & porro meam metuatis iram. sed ego lætiora omnia spero, & spondeo.

Atque ita promisso meo satisfeci, exhibito vobis cristallino regij animi speculo, cui ego triplicem quæ speculis fieri solet deprecor iniuriam; primam quidem ne adulterina luce hoc nostrum intueamini, quod tum fiet si aliorum atque ego dixi verba mea acceperitis: secundam ne impuri anhelitus madore, aut illotis manibus obscuretis; ne scilicet pro vestri affectus prauitate sensum meum deprauetis, illis similes qui id à campana dici imaginantur quod ipsis maxime cordi est. tertiam & pessimam, ne vobis excidat è manibus speculum hoc & frangatur, quod tum demum eueniet, si spretis omnibus quæ dixi non cesseritis rationi. Sicut igitur (vt tandem finiamus) hoc triduum proximum quod in medium pænitentiae tempus incidit, mutua inter vos gratiarum actione consumptum est; ita voueo speroque eum fore huius conuentus successum, qui nos iunctim obliget, me caput vos corpus Reipub. huius; vt Deo Opt. Max. omnis boni auctori sacrificium eucharisticum vnanimis offeramus.



Reg  
teit  
Qu  
amp  
Dec  
bus  
thro  
C  
Chr  
& S  
iudic



# ORATIO

## HABITA

*IN CAMERA STELLATA.*

XII. KALEND. IVL.

M. D C. XVI.



*Vdicia tua da Regi, ô Deus, & Iustitiam tuam Regis filio.*

Hæc prima sunt verba vnius è Psal-  
mis regij Vatis, quorum sensus literalis  
ad ipsum & filium Solomonem perti-  
net, mysticus ad Deum & filium eius  
æternum, Christum: vterque sibi sic  
implicatus, vt nonnulla sint Deo soli  
& Christo, nonnulla Dauidi & filio  
propria. Nam hic versus, *Da iudicia tua*  
*Regi, ô Deus, & iustitiam tuam Regis filio*, de alio intelligi non po-  
teit, quàm de Dauid & filio. Deus enim sibi nihil potest dare.  
Quod autem alio huius Psalms loco dicitur, *Iustitia florebit & pacis*  
*amplitudo, quamdiu erit Luna*, æternitatem notat, nec congruit nisi  
Deo & Christo. at vterque sensus, cum literalis tum mysticus, Regi-  
bus ad imitationem proponitur, præsertim Christianis, hi enim Dei  
throno insident, nec non vocantur Dij.

Omnes igitur Reges decet integritati & iustitiæ studere, vt Deum  
Christumque eius imitentur; pietati verò & prudentiæ, vt Dauidem  
& Solomonem. *Prudentiæ* nomine intelligitur facultas discernendi,  
iudicandi que alios. at *pietas* est fontis ipsius puritas, vnde hi scatent



riuuli. nam nulli bono sunt pia opera, nisi sint ex pietate. integritas nostra nobis seruit, iustitia nostra alijs. iustitia Regis non prodest, nisi à puro corde profecta. nec bonus Rex habendus, qui non cum iustitia integritatem coniunxit. quæcunque facit iusta iuste faciat, & ipsius iustitiæ amore, & è puri cordis promptuario. alias si gloriæ, si comodo seruiat, dum iusta exequitur, non iustitia, sed iniustitia nominetur. hac Dei Christi que imitatione, in cuius throno sedemus omnes, à principio stabilitæ sunt Respubl. præsertim verò Monarchiæ. Monarchæ propriè sunt Iudices, quibus iuris dicendi potestatem propriè commisit Deus. nam in throno Dei sedent, vnde omnis ea facultas deriuata est.

In omnibus bene institutis Monarchijs, vbi leges sanctè ordinateque stabilitæ sunt, videre est potestatem iudicandi inferioribus Magistratibus à Rege communicari: non quòd Rex ea se exuat, sed quòd illis eam communicet. nec enim se priuat regali iure, vt illos ornet, sed sic impertit, vt ipse nihil minus habeat. Vetus hoc est adeoque à Mose & Iethrone repetitum. postquam enim Moses solus aliquandiu rexisset populum, & sine auxilio amplius non esset oneri ferendo, Iethro socer, qui eum inuisebat, animaduertit generum curæ magnitudine grauari, nec populo tamen satisfieri. suasisit igitur pro minoribus controuersijs iudices delegaret, maioribus reseruatis sibi. quo consilio omnes Reges, quibus est ordinata & legitima potestas, Christiani præsertim, ex eo tempore vsi sunt, quanquam alia atque alia ratione.

Alius est in Gallia delegationis huiusce modus, alius in Anglia. Scotia hac in re differt ab vtraque. omnia tamen regna in eo conueniunt (de ijs loquor in quibus ordinati iuris forma obinet) quòd Rex diuini infessor solij, inferiores iudices & quidem plures deleget: nec enim cuiusquam eorum est ius dare, sed dicere, & interpretari. At eorum numerus, & iurisdictionis ratio, & tribunalium collegiorumque distinctio, diuersis in locis diuersa sunt, pro varia Reipubl. ratione & Regum institutione. hoc igitur mihi firmum & immotum maneat, Dei Opt. Max. propriam esse iuris reddendi potestatem, & tribunal: Reges Dei vicarios esse: Iudices à Regibus delegari, vt partem oneris sustineant. Eo spectat Mosis exemplum, Iethronis consilium, prudentissimorum Regum inde ducta consuetudo; Davidis, inquam, & Solomonis: quod in Psalmo tanta intertextitur solertia, vt prima verba Davidi & Solomoni conueniant, *Da Regi iudicia tua, & iustitiam tuam Regis filio*: alia vero (*florebit iustitia, & abundantia pacis, dum luna durat*) propriæ æternitatem Christi significant. Quæ ideo in medium attuli, vt arctissima illa intelligatur coniunctio, qua Rex vnitur Deo, & Iudices Regi. par enim omnino est vinculum,

&

& cum à Rege adscendis ad Deum, & cum à Rege descendis ad Iudices. Reges à Deo mutuuntur potestatem, Iudices à Regibus. Reges administrationis suæ rationem reddunt Deo; Iudices Deo, & Regibus. at Reges & Iudices duo habent in Deo & Christo quæ imitentur, puritatem & iustitiam; in Dauide & Solomone totidem, pietatem & prudentiam. quemadmodum autem Deo rationes suas expedire non potest Rex, qui diuinam voluntatem non exponit, sed mutat: ita nec Regi rationes suas expediat Iudex, qui leges ferre tentaue-rit; quas communi Collegarum consilio tantum fas erat interpretari. nec minùs enim humanis legibus subditi sunt Iudices, quàm Reges diuinis. horum est verum diuini iuris sensum suis in ditionibus tueri, illorum verò iuris Regij sensum, cui ipsi subditi sunt, populo exponere.

Defunctus vetere illo *Ab Ioue principium* (quod sanctum verumque est quamuis ab Ethnico profectum) dicam nunc, quamobrem hodie huc venerim, si prius tamen indicauero, cur totis quatuordecim annis à mea inauguratione iam elapsis non satisfecerim ciuium meorum desiderio, qui ex hoc loco me cupierunt audire, vnde maiores mei sæpe verba faciebant. præsertim verò Henricus ille septimus, à quo, vt etiam ab alijs Angliæ Regibus genus duco, lineam rectam, & ius geminum diadematis Anglici. Illi ego vt sanguinis iure sum proximus, ita virtutis æmulatione volo esse simillimus.

Cur igitur ab hoc loco tandiu abstinuerim breuiter accipite. Angliam ingrediens etsi Rex eram maturus, mediam nempe ætatis lineam iam præteruectus, & à duodecimo ætatis anno regnando exercitus; in hoc regno tamen hospes eram, non sanguinis ratione, sed huius Reipubl. ignorance. Decreui igitur, disciplinæ Pythagoræ æmulus, totum septennium filere; vt leges regni ante discerem, quàm alios docerem. hoc tyrocinio exacto, ecce alia iniecta est mora, nempe in causæ, quæ me in hunc locum propelleret, delectu. grandem optabam controuersiam, in quam primam operam impenderem. Post tam diuturnum silentium dignam rem esse oportuit, quæ mihi hîc verba exprimeret. Et cum vtriusque generis causæ hic locum habeant, magnæ paræque, in re parua tam pertinax rumpere silentium haudquaquam decebat. at grauiorum causarum aliæ inter Regem & subditos versantur, aliæ inter ipsos subditos.

Non visum est accedere, vbi mea res intererat, ne me aut meo commodo aut potestati augendæ studere suspicarentur. Testor homines Angelosque, quorum ego hoc in genere examen non detrecto, in iustitiæ administratione, quæ omnium rerum summa est, nunquam me meis rebus studuisse.

Vbi inter subditos causa versabatur, quæ aut controuersia diffi-

cultate aut litis æstimatione videbatur grauis, nolui interesse; ne alteri partium viderer obliquè fauere, neu putarent me vel Aulici vel consiliarij cuiuspiam impulsu venisse. Cùm itaque exiguam causam non dignarer primitijs laboris mei, & in magnis negotijs difficilis foret delectus, hætenus abstinui. Tandem exacto gemino hoc bis septem annorum tyrocinio, cur iam prodierim nunc edisseram.

Quatuordecim his annis volentibus, quibus inter vos vixi, non pauca mihi videbantur fieri in Westmonasteriensi foro, quæ emendationem poscebant. nec eius inchoandæ vlla aptior occasio dari potuit, quàm si meam vobis hoc in loco mentem aperirem: Vos illius memores, *Oves meæ audiunt vocem meam*, certo scio vestro pastori Regique auscultaturos. nec iam hoc tribunal adscendi, vt de iure respondeam, sed vt publicè de ijs, quæ sæpe ante priuatim monui, sententiam exponam. ea nunc vestris omnium auribus excepta, & mentibus recondita, minùs obnoxia erunt interpretantium erroribus, quam si loco minus frequente à me essent prolata. Vt ergo certa methodo ac ratione progrediar, quæ dicturus sum omnia, numero perfectionis, id est ternario, comprehendam.

Primò mihi met ipse non nihil dabo in mandatis. nec enim cum laude imperet cæteris, qui non rectè imperat sibi. Riuulorum salubritas non est nisi à fonte; qui si impurus fuerit, non est quòd eos expectes limpidos. Secundò, Iudicibus nonnulla dabo in mandatis. Tertiò auditorio & inferioribus Iustitiæ ministris.

Primò mihi credite (aliter autem coram vobis loqui ac sentio mihi religio est, in hoc Iustitiæ, id est Dei throno, qui nunc hæreditario iure ad me deuolutus est) constitutum iam mihi esse iusiurandum illud, quo me ipse ad Iustitiam & huius regni leges tuendas obstrinxi, hoc tempore renouare. vt enim in sacris confirmatio diu sequitur baptismum, ita quod ego iureiurando iam pridem in me recepi, nunc postliminio reduco. Testor Deum nihil mihi antiquius aut prius fuisse, quam omnibus illius Iuramenti partibus sanctissimè, quantum in me erat, defungi. De iure & iustitia loquor. nam in religione spero me mediocriter iam innotuisse. Ius autem intelligo, Angliæ municipale, quo Rex regit, populus regitur. Vos ipsos appello testes, anne vnquam in Ordinum huius regni conuentu id ius voluerim mutari? an cum regna illa, quæ in me vnita erant, in se vniri postularem, non studuerim Scoticas leges Anglicis conformes facere, non Anglicas Scoticis? vt verum illud fieret, quod abauus meus Henricus septimus vaticinatus est, cum filiam suam natu maximam Margaretam Iacobo quarto proauo meo elocaret, *per matrimonium non accedere maius regnum minori, sed minus maiori.*

Stulta illa fuit quorundam Iudicum argutia, non potuisse Scotiam



tiam & Angliam sub nomine magnæ Britaniæ sine iuris mutatione v-  
niri. nam post illud tempus rescui alia maiora, & magis mira Comi-  
tiorum decretis posse fieri. Catus ille Senex, Burlæus Quæstor, dicere  
solebat, *nescire se quid in Anglia per regni Ordines fieri nequiret.* & animus  
mihi tum erat non Angliam Scotiæ, sed Scotiam Angliæ vnire. nec  
ius Angliæ antiquare, sed antiquo honore semper dignari. tum quia  
quicquid olim bene constitutum est innouatione deterius fit, nisi  
forte sit hoc innouare, repurgare à vitijs, pristino decori restituere:  
tum quia interueniente iurisiurandi religione ad ius Angliæ tuendum  
obseruandumque obstrictus sum, adeoque sine perfidiæ nota mura-  
re si vellem, non possem: quod eo signantiùs cogor repetere vt ini-  
quam de me opinionem abijciant, qui in eo me esse credebant, vt le-  
ges Angliæ abrogarem. testor Deum nihil tale mihi vnquam in men-  
tem venisse, & huius sanctissimæ affirmationis vos omnes testes esse  
volo.

Legibus addo iustitiam, quæ cuique suum tribuendo occupata  
est. quàm hic nullis vnquam partibus addictus fuerim, conscios ha-  
bui è Iudicibus & aduocatis meis, qui diem suum obierunt: nec eo-  
rum, qui viuunt conscientiam reformido. Vbi meum agebatur pa-  
trimonium, rem foro permisi, vt vnus è multis: nec iniuria, cum  
Regem deceat ad legum obedientiam suo exemplo cæteros inuitare.  
nemo hic meam expectet indulgentiam, qui mihi ipse nihil indulse-  
rim. In criminum supplicijs poterit iustitiæ seueritas clementiâ mi-  
tigari, aut (vt rectius dicam) sine clementia iustitia nulla est: at vbi  
suum cuique tribuitur, cæca est iustitia, ibi amore & odio vacare  
volo.

In Scotia, si quis causam comperendinari differrique postularer,  
respondere solebam, alienum id esse à Regis officio. sin peteret quis-  
quam sine mora rem expediri, dicebam, me quadraginta huius ge-  
neris petitionibus facilius annuere, quam vni prioris. faxit Deus  
Opt. Max. hæc mihi in finem vitæ conitans maneat sententia.

Quod de iure & iustitia iam dixi: de iure intra suos fines coercito  
intellectum volo. Scio Regis & subditorum patrimonia iure Anglico  
examinari, id est, iure à maioribus meis stabilito, & eruditissimorum  
virorum cōmentarijs postea explicato, quos *responsa prudenti* vocatis.  
addantur decreta Ordinum in regni comitijs pro temporum rerumq;  
occasionibus, & cætera quæ in Anglia legum habent vigorem. At  
fateor omnes omnium quæstiones de possessionibus & patrimonijs  
ex iure illo municipali decidi.

Est & aliud ius, quod dignitate cætera transcendit, nempe Diui-  
num; cæterorum regula, index, lima, cui nisi ea conformia sint iniu-  
sta habenda sunt. De hoc iure nihil mihi aliud dicendum est, quàm  
nimis

nimis inter nos viluisse, quemadmodum etiam illius professores nimis hactenus sorduerunt. Cogor dicere quod res est, Proceribus, Iudicibus, summis, imis, nimium illi sorduerunt. Non firmabit Deus nostra iura, nisi debito honore prosequamur ius diuinum; quod fieri non potest, si illius interpretes spernamus. Contemptus hic Ecclesiæ nostræ, quæ earum omnium, quæ sunt aut fuerunt, quantum ipse legendo aut fando intelligere potui, omnium purissima est, & primitiua illi & Apostolicæ proxima, seu doctrinam seu disciplinam spectes, & verbo Dei maxime omnium innixa: Contemptus, inquam, Ecclesiæ huius, Doctorumque illius & Antistitum prope esse finem vniuersi non obscure arguit.

Ius gentium sanctitate proximum diuino haberi debet, quod ne regno hoc pellatur aliquando, Deus Opt. Max. auertat. Neque enim peregrinis hominibus ita iure nostro satisfacias, vt Romano; nec etiam ciuibus, vbi de Pyratice, matrimonio, testamentis, & id genus alijs oriuntur quæstiones. Ius illud in Ciuile & Canonicum distinguo, vtrumque à mea coronatione ita spretum, motumque loco, vt iuuentute ab ipsius studio deterrita Professores quoque ceperint fastidire, & quauis potius ratione vitam tolerare.

Quæ igitur de iure municipali à me dicta sunt, de eo intra cancellos suos cohibito accipi oportet. nec enim æquum est nimia illius licentia cæteris derogari, quæ longiore multò vsu in Anglia obtinuerunt; imprimis iuri diuino & Ecclesiastico, deinde ciuili & canonico, quorum vsus in plerisque negotijs omnino est necessarius.

Itaque vt mandata, quæ mihi metipso daturus eram, tandem finem, iuramentum meum sanctè præstabo, cum in cæteris rebus omnibus, tum nominatim in iure tuendo, & imprimis huius gentis municipali. Id ius vt conseruare ita expurgare constitui, quod alias conseruari non posset. duobus autem vitijs purgari oportet incertitudine & nouitate. Incertitudo in ipso iure est, nec nisi iure illustrato tolli potest, quod in Conuentu Ordinum, adhibitis in consilium iudicibus, faciendum est. Nouitas à Iudicibus est ex scrupulorum nimia anxietate, de quibus illud dici potest, *ab initio non fuit sic*. Chalibe nil nobis durabilius videtur at ferrugine exeditur absque cura seruatus, vt sciamus nihil esse sub sole perenne nisi ab excrementis & scoria purgetur. nec existimo ego posse fieri vt rectius sanctiusque leges tuear quam si eas vindicem à corruptelis. Sic igitur Pastoris æmulus qui prius Eucharistiam ipse percipit, quam populo distribuat; mihi ipse nonnulla iniunxi, antequam quæ vestrarum partium sunt vobis præscriberem, ne forte illud fieret

*Turpe est Doctori cum culpa redarguit ipsum.*

Nunc

Nunc ad ea veniam, Iudices, quæ vestrarum sunt partium : & tria vobis in mandatis dabo.

Imprimis, vt ius sanctè dicatis memores Deo mihiq̃ue rationem reddendam. nam vt mihi solus Deus arbiter datus est ; vnde pœna expectanda est si quando offendero: ita vos quoties delinquitis Deo mihiq̃ue obnoxij estis, & ab vtroque multandi.

Secundò vt Regi & subditis, aut subditis inter se ius dicatis æqualiter sine mora, sine metu, sine largitione, forti animo, recto corde, manu incorrupta. Cùm fortitudinem vobis commendo timorem quoque & cautionem præcipio. nec enim vestri animi sed legis sensa tradenda sunt, cùm vos legum latores non sitis sed interpretes, quorum non est ius dare sed dicere. Tantum enim abest vt legum ferendarum auctoritas vobis competat in superiore Comitiorum domo, vt ne quidem in ijs ferendis ius suffragij habeatis, sed consilij duntaxat cùm petitur.

Etsi autem varijs in locis obscuræ sint leges vobisq̃ue quam cæteris notiores. multa præterea iam in defuetudinem abierint quæ vos partim lectione partim fori consuetudine non fugiunt. scitote nihilominus interpretationes vestras rationi & communi sensui prorsus esse aptandas. Ego adulterinum omnem legis sensum iudico qui à regulis veræ Logicæ communiue sensu aut ratione abhorreat. humanarum legum omnium ad vnā anima est ratio. non sophistica volubilitate non argutijs agendum est, sed perspicua lege aut solida ratione.

Quibus in regionibus forensis hæc disceptatio locum non habet, vt in Dania quod ego verè referre possum qui oculatus eius rei testis fui, ibi Aduocatis & causidicis penitus exclusis litigantes ipsi pro se quisque causam dicunt; quo peracto surgit aliquis apertoq̃ue libro legem pronunciat, qua tanquam sententia partes acquiescunt : Sic iure scripto administratur Respub. & pro Iudice est Codex iuris. Beata forent cætera regna si sic agerent. Verùm apud nos ingeniorum solertia, opinionum varietas, actionum exemplorumq̃ue discrimina, scrupulos in ius inuexere. Quoties igitur quæstio quæ apud vos disceptatur manifesta est, plana illa regiaque iuris via decidenda est. at si obscura perplexaque videbitur (nullus est enim argutiarum finis) vestrum erit eam ratione communiq̃ue sensu dissoluere; & ex propositione maiore quæ manifesti iuris sit, minorem subsumere quæ sit manifestæ rationis, vnde recta veraque inferatur quæstionis conclusio.

Etsi enim Anglica iurisprudentia mysterium quoddam sit vobis solis peruium, & ars plebi ignota; si tamen vestra interpretatio homini-



minibus communi sensu præditi minus æqua videbitur, apud me sã-  
nè nullam inueniet fidem.

Mementote quoque iudicandi potestatem nullius esse è vestro nu-  
mero sed omnium: quo nomine in Collegia diuisi estis, vt commu-  
ni consilio collatisque sententijs omnia faciatis; nihil temerè, nihil  
præproperè definientes, sed expensã ante disceptatãque palàm causã,  
non dictis singillatim sententijs per emendicata suffragia: & sic om-  
nino iudicetis vt apud Deum & Regem vobis constet vestræ admini-  
strationis ratio.

Hæc de officio vestro generatim dicta sufficiant, nunc ad limites  
venio, quibus vestra potestas circumscripta est, ternario quoque  
comprehensos numero. Cauendum primò est à Regiæ prærogatiuæ  
finibus. Siqua lis de mea prærogatiua mota fuerit cæterisue Imperij  
arcanis, tantisper abstinete dum meipsum aut concilium meum aut  
ambos percontati fueritis. Sunt hæc supra vos, nec præcipite pertina-  
cia sed lentè & tenerè tractanda: alioqui per priuatim hominis latus Re-  
gem ipsum facile vulnerabitis. Hoc igitur vestræ fidei etiã atque  
etiã commendo, quod à vestrum nonnullis libenter audio nuper  
factitatum; vt popularia & vana quorundam causidicorum ingenia  
reprimere, acumen retundere velitis. Hi sunt qui se nunquam facun-  
dos aut animosos putant, ni Regis prærogatiuam procaciter sollici-  
tent. Vestrum est talibus capistrum iniicere: nam si laxas habenas per-  
miseritis huic insolentiæ, non minore damno afficietur suprema po-  
testas, quam si vos definiretis, quod illi pro tribunali disceptant. ne-  
fas est arcana summæ potestatis examini subijcere; hoc enim est regiẽ  
imbecillitatis fundum scrutari, & mysticam illam reuerentiam, quæ  
Dei throno Regibus incesso debetur, è medio tollere.

Videndum secundo vt singuli suis finibus contenti, non inuada-  
tis alienos; quod non minus ineptum quam iniustum foret. Res  
ipsa me monet vt hîc proluxior sim. Nam præter curias Iuris Anglici,  
est Curia libellorum supplicum, Curia Thalassarchica, Curia Cam-  
brica, Curia Aquilonaris, Curia supremæ Commissionis, Curia de-  
nique vniuscuiusque Episcopi.

His sui obseruandi sunt limites, pro antiquo cuiusque iure & pris-  
ca consuetudine. Quod quemadmodum omnibus edico vt suo se al-  
ueo contineant, ita Curijs iuris Anglici tam interdictum volo ne cæ-  
terarum fines inuadant, quam cæteris, ne Iuris Anglici Curijs quic-  
quam derogatum eant. hoc proprium est Regis officium Curias sin-  
gulas suis limitibus concludere.

Prætorium Westmonasteriense quatuor Curijs frequentatur: duę  
negotia ciuilia tractant, Communium Placitorum quæ dicitur, &  
Curia

Curia Fiscalis: duæ verò criminalia, Tribunal Regium, & Camera stellata in qua iam sedeo. Communium Placitorum Curia Tribunalis Regij pars est, & veluti auulsus ramus, cum ab initio vna foret Curia; priuatorum hominum actiones subtractæ nomen Communium Placitorum dederunt; quod relinquebatur Tribunalis Regij appellationem retinuit. Altera Curia ciuilibus deferuiens litibus est aFiscalis, regionum prouentuum gratiâ instituta; hæc eius origo & præcipua cura: quanquam nihil vetet & de cæteris rebus ibi ius dici, quæ prouentuum regionum occasione eò deuoluuntur.

Vestris igitur vos coercete finibus: quod ad meipsum attinet non ego mihi à vobis quicquam postulo concedi quum mea ipsius priuata agitur prærogatiua, nisi quod subditorum meorum infimis conceditis: at suprema illa & absoluta Sceptri prærogatiua Iurisperitorum non subiacet examini, extraque omnem disputationis aleam posita est. Quærere quid Deus possit impietatis est & blasphemix: sola eius voluntate in verbo reuelata Christianos decet acquiescere. Similiter quid Rex possit inquirere, aut hoc posse illud non posse affirmare; audaciæ est in subdito & procacitatis extremæ. Regis enim in legibus suis reuelata voluntate acquiescendum est.

In criminalibus causis disceptandis primas sibi vendicat Tribunal Regium, nonnunquam etiam, vbi res poscit ciuiles examinat.

Sequitur Curia æquitatis, in qua præsidet Cancellarius: hæc quoque ciuilibus causis suo iure se immiscet; hæc Regiæ conscientix dispensatrix meritò appellatur. neque enim legem mutat, nec quod in cæteris Curijs atrum pronunciatum est vertit ea in candidum; sed legillatoris mentem sequitur in lege, feueritatem temperans misericordia, quare cæteris præstare videtur, quæ secundum apices & districta legum verba causas omnes definiunt. Igitur cum summi iuris iniuria ciues opprimuntur ad hoc asylum confugiunt. vbi leges æquo bonoque, & iustitiæ rigor misericordiæ humanitate temperari solet. Et hac ratione videtis (quod antea dicebam) solium Regium Iustitia & misericordia firmari.

Hæc igitur Curia nulli alteri obnoxia, solo Rege est minor. inde prouocare nefas est vbi scribitur *T E S T E M E I P S O*. Atque vt cæterarum curiarum iura mihi incumbit tueri, sic ab ista præ cæteris omnis prohibenda iniuria est, ita tamen vt suis contineatur terminis, & vindicetur à corruptelis. Qui nunc Cancellarius est me veniente Custos sigillifuit: nec munus iam aliud est sed tantum nominis honos meo beneficio mutatus. Ego Deum precor vt diu locum illum teneat, quem ex eo tempore fæliciter tenuit, & spero fore. Ipsum testem appello, ni semper ei auctor fuerim vt Curiam illam optimis regeret exemplis, quæ legum, Regum, decessorumque suorum, niteren-

terentur auctoritate. his ego illum finibus circumscripsi; vltra hos nunquam progressurum sese sanctè promisit.

Itaq; ad eius fidem spectat hac iurisdictione acquiescere; ad meam verò, ius illius Curiae tueri. quod eò dico quia ab iniuria & contemptu mihi ea Curia nunc vindicanda est.

Iudicum est eos homines non studio prouehere sed pœna coercere, qui Curiarum regiarum iurisdictionem nituntur infamare. Vt dicam quod res est, ineptum mihi verbum illud visum est nimisque odiosum, quo increbuit actionem in Prætorio Westmonasteriensi ex formula, *Præmoneri*, aduersus Cancellariæ Assessores pendere. qui enim fieri potest vt eiusmodi actionem Rex aduersus seipsum decernat?

Inepta erat illa medius fidius & stolidi & audax molitio; nec cui locus esse posset nisi sub indigno Rege: non quod existimem Cancellariæ fas esse suos transgredi fines, ea mihi mens non est; sed quod soli Regi obnoxiam eam arbitrer cum peccat. Mihi igitur in hac molitione iniuria facta est, apud quem querela deferenda erat, si quis in ea Curia iniquius secum putasset actum. Scitis Regi vestro nec deesse notitiam rerum; nec reformandi vbi opus est voluntatem, quo magis miror sprete auctoritate per ambages & diuerticula conari vos, quod regia duntaxat persequendum erat viâ, delata nempe apud Regem querela.

Nunc igitur pro tribunali edico, ne quis posthac audeat ex ea formula Cancellariam conuenire: quod eo aio fidentius, quia præter me nemo est qui ex formula, *Præmoneri*, dare possit actionem. Atqui egomet mihi meo arbitratu imperare possum, ne faciam.

Diluuiâ, quæ nulla forent si se suis ripis aquæ continerent; nunquam non noxia sunt in præsens, Astrologorum quoque iudicio prodigiola in futurum habentur. Et hæc vestræ potestatis exundatio deformis censenda est, & forte Reipub. ominosa.

Mementote igitur in posterum vobis intra vestra territoria ius dicendum. meum est præcipere & efficere vt omnium iudiciorum vna mens sit, vox vna: vestrum est parere, & hunc concentum amare atq; vt antiquæ leges & consuetudines Angliæ vobis seruandæ sunt; ita ab ijs quæ nunc obtinent nusquam est recedendum. exempla verosequenda sunt quæ communi vsu sub Regibus optimis, & Iudicibus eruditissimis, constanter probata sunt. non illa saltuatim carptimque & veluti in deserto collecta.

Nuper etiam Camera Stellatæ auctoritas concussa est, & proximo anno ni paucorum vocibus suffulta fuisset, corruisset sanè illius Curie dignitas. Reuerentiam loco nomen ipsum videtur conferre, nempe è cælo petitum: è splendidissimis creaturis sunt stellæ, & Angelis situ proximæ. sed nolo in verbo quærere argutias. Camera Stellata reipsa splen-



splendidissima habēda est, ex quatuor hominū ordinibus ijsque splendidissimis composita. Primi duo sunt Consiliarij & Iudices; hi iuris illi Reipub. notitia insigniores, ne quid in alterutrum iudicando peccetur. Alij duo sunt regni Proceres & Episcopi; illi iudicio ex sua magnitudine pariunt auctoritatem, hi propter diuinarum rerum peritiam interfunt, & quia eorum interest Ecclesiæ *sa* *ntitas*. Ita hæc Curia humanarum diuinarumque legum coniunctio *tie*, scientiaque Reipub. & experientia celebratur.

Est quidem in omni regno forum æquitatis, alibi quidem *mā* cæteris diuifum vt hic in Anglia, alibi verò cæteris immixtum & confusum vt in Scotia: at mihi Angliæ disciplina quæ iuris & æquitatis disceptationem seiungit longe videtur esse perfectior. quemadmodum autem Cancellariæ propria est quæstio de æquitate, vbi clara legum voce lis derimi non potest; ita ad Cameram Stellatam sua spectat cognitio, quæ ab omni alio foro aliena est. alibi enim sola facta vindicantur, hîc etiam conatus ipse faciendi: & quædam facta mitius alibi castigantur, quæ hîc seuerius; vt certamina, rixæ, insolentia, molitiones, coniurationesque. tum verò quæcunque illata est Regiæ prærogatiuæ iniuria ad huius loci Iudices & Proceres defertur. magnum itaque honorem meretur hæc Curia, quæ magnis negotijs destinata est.

Mementore nunc vt fraternum vobis amorem commendem. scitis charitate fratres esse vos qui officio estis Iudices, quemadmodum & Curia vestrae sorores sunt. agetum igitur suauissimam illam concordia harmoniam amate, quæ Musas connectit. nulla est maior legum calamitas quam earundem contemptus, nec est alia prouior ad contemptum via quam hæc crebra de iurisdictione vestra disputatio, quæ huius quæ illius Curia propria sit cognitio. duo hinc non parua oriuntur mala. Primò enim ad tribunalia vestra conuolant homines, non vt causarum actiones audiant, & ex ijs sequuta decreta, sed curiositatis studio, vt litibus de iurisdictione auscultent, & penes quam curiam mansura sit victoria. Secundo lites ipsæ ceu in rota lxiomis in orbem voluuntur, de Curia in Curiam translatae. quæ me ratio impulit vt crebras illas *Prohibitiones* vestras damnarem. cum enim tenuis Concionator decimas suas apud Iudicem magno labore sumptuque euicisset, ecce prohibitionis iniuria inter Curias vestras iactatur miser: lis autem quæ iam finita videbatur, facta est immortalis. Cum enim iurisdictionis vestrae fines incerti sint, quid mirum est causas de foro in forum pelli repelli que & litigatori ceu Tantalum nunquam percipi, suæ actionis quantumuis propinquam dulcedinem. Iustitia moris eluditur & lites mori nequeunt. Si vitare vultis hæc tanta incommoda intra vestros vosmet coercete terminos; neu

ignominiam & contemptum apud populum quærite, cum publicè loquimini, sed decus & ornamentum siue pro tribunali in vrbe, seu regnum circumeuntes ius redditis. Ita populo erga Deum & Regem reuerentiam persuadebitis. Iterum igitur iterumque monebo ut vestri Iuris finibus contenti nec meos nec alienos inuadatis, nec nouum ius condere quam vetere vti malitis, memores legum expositionem non lationem vestri esse officij. at qui pro tribunali nouam inauditamque pronunciat sententiam is legislator continuo non interpret habendus est.

Ego nouitatum quæ in ius nostrum irrepserunt veluti *Indicem* quandam *expurgatorium* collegi, iam paratum examini. inspicite *Casus Plo-denianos*, & vetera illa vestra *Prudentum responsa*, à quibus si aberratis cum Christo dicendum est, ab initio sic non fuisse: apagite nouam polygamiam, ut antiquæ legi sua constet puritas & castitas.

Quæ auditoribus dicam pauca sunt veruntamen hoc tempore ni fallor profutura. Ego renouato meo iureiurando, quoad huius regni iura constanter tuenda obstrictus sum. id quoque à vobis expeto qui subditi mihi estis, ut bonis legibus (nec enim quicquam vos magis deceat) subditi sitis. obedientiam à vobis exigo tripartitam, quo numero mandata illa mea, & mihi ipsi & Iudicibus data, complexus sum: ad memoriam enim confert diuisionis & methodi bonitas.

Ante omnia reuerentiam legum vobis commendo, quam & ipsam in tribus constituo. Primò ne absque graui causalitem intentetis. Secundò ut iudicio victi, posita omni pertinaciâ acquiescatis decreto; discite patientiam vel meo exemplo, qui pari cum infimis humilitate paratus sum cedere, quoties causa cecidero: ante oculos exemplar est quod imitemini. Lis omnis constat Actore, & Reo; alterum hic vinci necesse est, quum in amborum gratiam controuersia decidi nequeat. Tertiò nolite me querelis vestris aduersus iudicia: am peracta incendere: nam ego illud paradoxon in Reipub. administratione semper verum estimavi, minus incommodi esse si ratam facias sententiam iniustam, quam si noui examinis licentiæ res iudicatas subijcias; nullus enim reperietur litium finis. In ius venientes, ius petitis, ius inhiatis: iure igitur etiam contra vos reddito, parcite meo & vestro otio, quiescite. at largitione vel malo ambitu oppressi fidenter ad me venite: sed ita tamen ut non tam accusare parati sitis quam probare. alias scitote non dormire talionis legem; nisi fortè gemina castigandus sit poena qui integerrimi Iudicis sanctitate maculam illeuerit. neque causidicorum sutelis circumscribi vos patiamini, qui lucri studio causam vestram laudant: sed Iudicibus auscultate, qui nullam habent mercedem nisi à me.

Deinde verò apud vos contendo, ut quæ Regiæ dignitatis aut po-

testa-

testatis sunt dum lege agitis intacta maneant & illibata : nimis progressa est quorundam hic audacia. si quis tam alte in posterum sapiet plectetur à Iudice, si iudex conuiabit vterque plectetur à me. facessat è foro Puritanicæ illius & Democraticæ facundiæ acumen : intra veteris modestiæ fines litigandum est.

Denique & hoc peto ne desultoria hac leuitate actiones vestras de Curia in Curiam transferatis : crebra hæc fori mutatio & vestram arguit diffidentiam & causæ iniquitatem. Prima cura sit idoneum forum eligere, vbi disceptetis. Secunda verò vos eius iudicio constanter submittere.

Finitis quæ mihi, & Iudicibus, & Auditoribus visum est iniungere; finite vestram exorem veniam, si quid è dicendis omiserim, aut propositum mihi ordinem neglexerim : nec enim huc veni scriptam orationem pronunciaturus è commentario. Si quid tamen exciderit (quod mihi non liquet) culpam memoriæ apud vos deprecabitur ipsa orationis prolixitas, aut orij angustia, aut negotiorum varietas. Primò quod ante in hunc locum non venerim me excusauit, deinde cur nunc venerim ostendi, mihi denique & Iudicibus & auditoribus nonnulla in mandatis dedi. Sunt etiam quæ in Concilio Iudicibus soleo præcipere, iuris reddendi causâ iam regnum circuituris; ea hoc in loco monere vel ideo abs re non fuerit, vt & præsentibus intelligant, & digressi absentibus communicent. Si tædium moramque adferre videar, scitote prolixitati orationis mihi vlscendas aures, quæ tam raro me audiant.

Cùm hic sedetis, Iudices, mecum ius redditis : cùm regni tractus circumitis ius populo reddituri, sub me & Delegatis meis ius redditis. laudabilis sanè est huius regni consuetudo, vt dispensatores iustitiæ omnia regni loca quotannis perlustrent, suo labore labores ciuium impensasque leuaturi, quibus alioqui ex remotissimis oris ad Prætorium Westmonasteriense veniendum erat. hac industriæ vestræ pietate præterita puniuntur delicta, & futurorum præueniuntur occasiones. Nihil fere quod vobis iniungam succurrit hîc noui; recolite modò, quæ superiore anno præceperim. In primis non ideo tantum hoc iter institui, vt puniantur & præcaueantur delicta; vel ius æquabile ciuibus reddatur, seu illi ciuilibiter siue criminaliter agant: sed vt locorum omnium administrationem inspiciatis, & regimen; passim correcturi quos inueneritis errores. Denunciate Irenarchis vt sui officij, tam absentibus vobis quam præsentibus, sint memores; cuius rationem vobis conuenit exigere, & mihi, cum reuersi fueritis, exhibere. Parum interest multa præcipere, ni præcepti fructus obediendo appareat. nec vos vestro functi estis officio, si abeuntes mihi auscultetis mandanti, ni post reditum moneatis, quid effectum sit;



vt ex semine messem aliquam percipiam : quod non consulâ omnium, sed distinctâ singulorum relatione efficietur. Duæ enim sunt regiae functionis partes; facienda iniungere; & factorum rationem reposcere. nam parum prodest vel Angelica prudentia iubere, nisi etiam iussa exegero. nescio an errori imputare debeam; an negligentiae vestrae, quod singulorum, quæ iniunxeram, rationes anno proximo ex vobis non audiuerim: in posterum præcipio, vt reuersi scriptas statim exhibeatis Cancellario. fortasse, ijs perlectis, coram mihi eritis interrogandi de locorum, quæ peragrastis, statu. Scio ego vestrum *NISI PRIVS*, cæterasque iuris reddendi formulas, magis esse re vestra; at è mea & publica re magis est posterior officij vestri pars, quæ non tam iuris est, quàm iustitiæ. Itaque vobis edico, vt Christus Phariseis *hoc agite*, quod præcipuum est; addam tamen, & *illud non omittite*. quæ, vt maiore industria faceretis, tempus circuitionis vestrae, à maioribus meis indultum, vno die auctius feci.

Sed quemadmodum nulla Regis æquitate, vel prudentia, vel labore salua esse potest Respubl. nisi etiam Magistratus inferiores suum faciant officium: sic frustra est omnis Iudicum industria, si suum Irenarchæ subtrahant auxilium. hos in singulis regni tractibus oculos Regum, auresque nominâris. Solebant Iudices, in solennis huius itineris procinctu, se Cancellario sistere, vt si quid Rex iniungeret ex eo audirent. reuersi eundem Cancellarium omnium certiore faciebant, vt ex eo, quæ opus esset, Rex resciret. vetus hæc & laudabilis consuetudo nuper tantum, & immeritò neglecta est. Ante omnia Cancellarium à vobis moneri volo, quo pacto se gerant Irenarchæ; quorum institutio ita mihi in Anglia probatur, vt eorum operâ nunc Scotiam regam. neminem pudeat huius officij; quantumvis bono ortum loco: nouum decus est Regi & Reipubl. in hoc iustitiæ sacerdotio seruire.

Hi, vt omnis alia Societas è multis conflata, partim boni sunt partim mali. Bonorum certior fieri volo, vt in meam veniant notitiam, & debitas grates, &, pro re nata, præmia quoque ferant. nec enim ingratius est id genus seruitij, quàm quod in conclauis mihi ab alijs præstatur: & ego, vbi res feret, tantâ promptitudine agnoscam. Nullus est in Respubl. in Concilio, in familia mea honos, cuius non æque capax sit Irenarcha, ac vllus Aulicus siue domi siue foris bene de me meritis. si fidelem operam nauarit ille Reipubl. quanquam trecentis vel sexcentis passuum millibus à me absit, tam charus erit ac si meo in conspectu viueret. Potestatem meam Deus Opt. Max. amplissimis finibus descripsit; æquum est ad vltimos pertingere meam providentiam. nulla est iuris reuerentia, ni honoretur Iudex; & cum Irenarchæ nulla habetur ratio, opera eius sperni videtur. Nemo hoc officio

ficio erubescat: nemo, si rectè eo functus fuerit, desperet mercedem. Cancellarius hos eligit & abdicat: at quales sint, rectene an secus se gerant; qui laude digni, qui loco mouendi, nisi vos moneatis, ille iuxta mecum ignarus est. Boni patriæ amore benefaciunt, nec à Rege præter gratias quicquam expectant. Mali otio dediti, ciniffones, voluptarij, fæminisq; quam viris similiore, satis habent iustitiam contemplari. at virtus in agendo posita est: contemplatores isti cum sua, quæ nulla est, iustitia exterminandi. Alios ex hoc ordine ardelliones iure dixeris, superciliosos, difficiles, quorum nisi te attemperes libidini, placere sanè non potes. est hoc genus hominum, qui se primos omnium rerum esse volunt, nec sunt tamen. Moneantur superbi non illis, sed Deo & Regi parendum esse. Sunt etiam, qui Regi non seruiant, nisi eadem operâ cognatos aut affines iuuent: vbi nemo est cui prodesse aut nocere volunt, frustra eos expectes. Talibus iustitia nihil aliud est, quàm seditionis larua. Sunt denique, qui sibi ipsis generosi admodum videntur, & quantiuis pretij. his quia præfens Respub. displicet, nihil apud populum placet nisi *paupertas*. Denique publicæ libertatis vindices haberi volunt, & quoties de Regis prærogatiua mentio inijcitur, in Monarchiam dentes exerunt. tantus infestat scabiosos popularis auræ pruritus. quanta eorum audacia sit in nuperis apparuit regni Comitij. sed, mihi credite, si nullus Rex foret, hi homines in minore pretio essent, quam cæteri.

Haëtenus de moribus; nunc de eorum numero dicemus. Virtutis via semper media est, nec hîc peccari potest, si vitentur extrema. ex eorum multitudine non modò nascitur confusio, sed etiam incuria & securitas. nihil bene fit quod fit à turba: & negligi publicam rem necesse est, vbi vnusquisque alterius nititur sedulitate. taceo, quæ hinc oriuntur, corruptelas: nam inter multos facilius est inuenire, quos corrumpas. contra verò paucitas oneri non sufficeret. Tot igitur esse volo, quot cuiusque loci negotijs pares erunt.

Quid illis mandare oporteat, si mea monita recolatis, vos latere non potest. at quæ tanti sunt momenti iterum atque iterum repetere non pigebit. & hic quoque mihi erit — *ab Ioue principium*, à rebus sacris orfuro. si Deo & Ecclesiæ primum cedamus locum, cætera nobis fælicius succedent. ad Papistas & Refractarios, quos consuetudo *Recusantes* appellauit, mea spectat oratio. nunquam vos domû reuerfi estis, quin me, rationibus redditis, gaudio simul & mœrore affeceritis. gaudio, cum Refractariorum numerû alicubi decrescere: mœrore, cum crescere alibi intelligere. nihil meis auribus accidere potest amarius, quàm, me Rege, deficere homines à fide; nec lætius, quàm meo imperio religionem florere. Deum testor, nihil inanis gloriæ causa dici: toto inquam corde mihi dolet, quoties audio multiplicari Refractarios.

Vos igitur obtestor Iudices, ut pari mecum affectu hoc negotium prosequentes, quantum pote est, præcaueatis malum: & meum animum, ut est, populo meo faciatis notum.

In triplici sunt differentia hi Refractarij. Sunt qui, ut legem eludant, semel aut bis in anno concioni sacræ intersunt. nec ipsi (si credimus) Refractarij sunt, sed vxor domi & familia. hi ut ut legi satisfecisse videantur, Deo minus quam cæteri satisfaciunt. Sunt quibus animus ita prauo imbutus est errore, ut nostra sacra penitus fugiant; veruntamen pacem publicam non sollicitant, & bonos se aliàs ciues præstant. Sunt denique, qui nec ministrum vllum in ædibus, nec colonum in agro suo, nisi Papistam & Refractarium sustineant; quin & vicinis, nisi eorum accesserint sententiæ, negotium audent facessere. hos antequam accesseris, facileprehendas, ut solent vulpium cauernas ex tetro circumfuso odore. Intolerabilis est hæc audacia, ut, qui sub me precariâ fruuntur libertate, vitæque, alienam libertatem infestent; & pro quorum salute mihi apud Deum reddenda est ratio, hi aliorum animos eodem veneno inficiant, & secum ad infernum trahant. Papistam honestè educatum, suæque innutritum religione, eâ prosequor charitate, qua par est fidelem subditum: quod in regni Comitibus testatus sum. Apostatam verò non possum non odisse. Constituamus obsecro, quâ pænâ <sup>ποινῶν</sup> isti Papistæ coercendi sunt, quibus non sufficit sui erroris licentia, ni alios recte sentientes eiusdem superstitionis socios faciant. Quod de Refractarijs dico, idem de Sacerdotibus intellegendum volo. Nolo Sacerdos Missam aut religionem luat suspendio: at si Iuramentum fidelitatis defugiat, quod ex meo multisque alijs libris (quicquid demum aut Pontifex aut Diabolus oganniat) constat iam esse politicum & ciuile; si defugiat inquam, exerceri legem iubeo: iustitia ea est non persecutio. De Sacerdotibus, qui aliquando meam exorarunt clementiam, eaque lege è carcere in exilium missi sunt, ne olim redirent; nolite me amplius consulere: quin facite, ne quid posthac de illis audiam. In eadem causa sunt, qui effracto carcere euaserunt. signum est sola eos recte coerceri, quos carcer non coercuit. ineptè dicuntur martyres, qui conscientiae causa detrectant mori. Paulus egredi noluit apertis foribus; nec nisi Angelo Dei ducente exiuit Petrus: isti vel à Luciferi Angelo se pedibus extrahi paterentur. non deerit quod de Sacerdotibus his moneam de nouo, cum primum ex Episcopis Cantuariensi & Londinensi, quibus id negotium dedi, eorum ordines & gradus resciero.

Alterum huius regni opprobrium est popinarum frequentia, quas ego, ut extirpata radice multiplicis mali occasio caueatur, prorsus censeo æquandas solo; re Irenarchis demandatâ. Iure ego popinis aduerser,



fer, in quas comportatur quicquid ferarū in viuarijs meis dolo malo occiditur. alij iumentorum suorū & pecudum obijciunt furta, homicidia præterea, marſupicidia, & cætera flagitia, quorum auctores in popinis latent. Leones vřſoſque non reperias, niſi vbi cauernas habent. & purgaretur furibus Reſpubl. ſi hæc earum latibula eradimus. Sunt, & aliæ popinæ, niſi verius cauponas dixeris, quæ perditis hominibus, & erronibus alendis vacant; eumque ſolum quæſtum norunt, quem ex eiufmodi hoſpitem commercio faciunt. mirum ego nuper Collegium detexi; duodecim admodum homines, tormentis armatos, huc illuc intra duodecimum ab vrbe lapidem ſpectante & inuito me errantes, qui poſt ferarum mearum cædes ideo tantum mutant diuerſoria, ne capiantur. Aduerſus erroneſ legem habemus ab Edouardo ſexto latam; cuius Regis prudentia magis hîc enituit in ineunte ætate, quàm aliorum in adulta. de mendicis igitur & erronibus coercendis; quorum tot paſſim conſpiciuntur examina, vt nec in via neque in platea moleſtia careas; ratio vobis aliqua ineunda eſt. Recognoſcite quorū facta ſint ergaſtula, & ſuccurrat, viuent Poppamo Prætore, neminem in comitatu Somerſetenſi, vbi ipſe natus fuit, mendicum inuentum.

Popinis nihilo meliora ſunt tuguria in publico extructa; quorum habitatores omni furto, damarum, cuniculorum, equorum pecudum; omni quoque ſcelere infames ſunt. vilia hæc vt fama eſt malis Irenarchis quæſtui eſſe ſolent. Vos à ſingulis rationem exigite, vt intelligant Regi ingratiffima eſſe quæ faciunt.

Iam vias regias & pontes, ſine quibus nuſpiam conficiuntur itinera, veſtræ commendo induſtriæ. Neſcio an ex Scholis & Prochodochijs, quæ plura me regnante quàm aliquo maiorum meorum erecta ſunt, maius mihi oboriat gaudium; an dolor ex viarum & pontium neglectu. publica in hoc genere refrixit charitas; nec vllius hîc amplius cernitur aut pietas, aut liberalitas. vos in eam curam incumbite. vitium, quod iam emendes denario ægrè poſthac reficies talento; nec forte annus ſuffecerit, ſi inualeſcat malum, quod vno die haud difficulter nunc corrigas. quodque noſtro deſperes æuo, id potuit vno anno reſtitui, vt Paulina turris.

Ædificandi quoque licentia hæc quam ego edicto aliquoties vetui, veſtram quoque curam aduocat. rema Reipub. noxiam damnarunt Prætoreſ Angliæ; Poppamus, & qui nunc eo munere fungitur: hic lien eſt noſtri corporis; eo creſcente cætera membra contabelcere neceſſe eſt. omnibus enim Londinum habitandi gratiâ confluentibus, quid aliud ruri relinquitur, quàm ſolitudo? at vbi apparet hoc vrbi incrementum? non intra mœnia ſed in ſuburbijs: nec leuamentum vrbi vel opes ferunt hæc noua ædificia, ſed vrbi ſimul & regno oneri ſunt.

sunt. caram oportet annonam esse, vbi tot homines cibo & igne alendi sunt. Annus iam in ferijs Natalitijs elapsus est, cum generosos homines edicto monui, vt relicta vrbe se domum reciperent, & cum vicinis ius hospitalitatis colerent. cuius edicti vim, quum mea mente perpetua esset, nonnulli nimium festiui ad solas ferias Natalitias restrinxerunt.

Viri generosi, quibus in vrbe nihil rei est, fæminarum ambitione eò trahuntur; mariti sanè vt vxoribus, parentes vt filiabus gratificentur. nec enim nisi Londini nouam & transmarinam vestium formam inuenire est. at Londini, si innuptæ sunt, nuptiarum spem euertunt: si nuptæ, famam, & maritalem censum. Mos Italorum obtinuit, Neapoli præsertim, quæ è ditissimis vrbibus vna est, vt viri generosi, alijque permulti relictis agris in vrbes migrent. nos in veste & asseclis Gallorum; ruris autem contemptu, & domestica parcimonia, aut verius miseria, Italorum morem affectamus. sed, obsecro, peregrina hæc & vana rerum eo relegemus, vnde orta sunt: & antiquum Angliæ morem postliminio reuocemus. nobilitatis Anglicæ decus olim fuit ruri viuere, hospitalitatem colere. ex his supra cæteras gentes famam meruimus; quod nobis in vbre degentibus solo non erat difficile.

Edico igitur nunc vobis (donec enim edictum affixerò, quod breui cum Deo fiet, tantisper verba hæc mea vim habeant edicti) Aulicos, Ciues, Causidicos, eorumque clientes, eos esse, quibus in vrbe fas est viuere; cæteris in agros eundum est. nec enim solum deferuntur agri melioris notæ hominibus in vrbe desidentibus, sed & alia hinc oriuntur & maiora incommoda. sînge rebellionem excitari (vt nuper ab ijs factum est, qui prata omnia sepimentis nudabant) quid obsecro esse potest remedij, dum absunt, quorum auctoritate sedanda est? Ad pauperes deinde, qui præsentium charitate aut eleemosyna iuuantur, pertingit sensus huius absentiae. tum vero illa pars Reipubl. quæ desertoribus hisce credebatur, negligitur. vt taceam rei familiaris incommoda, quæ per patrum absentiam accidere necesse est. Itaque vt pisces sua se oblectant aqua, falsa, dulci, vel limosa: sic nos nostra non aliena amemus, aulam, vrbes, agros. quod die Natali Seruatoris nostri, & Paschate, & alijs ferijs præcipuè obseruandum est.

Reprimi autem poterit hæc ædificandi licentia, si Domini ædium; aut, illis latentibus, fabri in carcerem compingantur: ædes vero ipsæ, vbi sine incommodo id fieri potest, auctoritate publica æquantur solo.

Alia etiam Reipubl. vitia, mihi fortè ignota, vestram experiantur medicinam. nihil enim vestræ curæ subtractum volo. audio latrocinij infestiora esse itinera quam ante, & vos hîc iusto clementiores.

Suc-

Succurrat obsecro Regis propriam esse clementiam. nec aliud vobis relictum esse quam pœnam infligere, quum leges iubent. & illud à me veriuerbium habete, *cum delictis iure crescere supplicia*.

Nunc liceat mihi à Deo, vnde cæpi, finem quoque dicendi petere: vbi vbi ius dicitis domi forisue illum habete reuerenter. quod eò dico ne Ecclesiam nostram, aut viros Ecclesiasticos patiamini traduci vel Papistas & Puritanos ornari. Viris Ecclesiasticis, quos sua commendat pietas, ita fauete, vt populus vestro exemplo discat illos reuereri. Si boni sunt sacri muneris auctoritas duplicem illis honorem conciliat, si mali vobis obnoxij non sunt: aliud habent forum. Deinde verò Regi & legi suam asserite dignitatem: edocete populum nihil mihi magis esse cordi, quàm vt floreat religio, & iustitia vigeat, vt singulæ Curiae suis se finibus contineant, & subditi omnes legibus obediant. Ita sub iusto Rege fœlicem habeatis populum, pacis & iustitiæ bonis (vt par est) florentem.

Tandem igituraliquando (vt in Scholis dici solet) in hunc locum veni. Si primus hic fuerit aduentus noster, non erit (vti spero) nouissimus. nunc scrupulus ille de causæ delectu mihi exemptus est: leuior me posthac occasio inuitabit. ita autem hactenus me gessi, & fauente Deo geram in posterum, vt nemo iure suspicetur priuatas nunc ob causas venisse. vbi Iustitia agitur, summa ope, dum vixero, nitar ne qua macula aut labes mihi adhærescat. Orbis quoque noster (vti spero) resciscet & fidem habebit dicenti, venisse me hodie in locum hunc, vt ex iurisiurandi mei formula leges tuerer, & ius redderem.







# ORATIO VI.

## HABITA IN

### COMITIIS REGNI

### SCOTIÆ.

XXVIII. Iunij M. DC. XVII.



Andem aliquando, Venerandi Antistites, Lectissimique huius conuentus Proceres, Urbiumque legati, **DEVS OPT. MAX.** me voti illius Paulini compotem fecit, vt expedito felicique itinere ad vos peruenirem; quo magis immensæ illius benignitati nos sentimus obstrictos, quum tot occurrerent obstacula, quæ ardorem nostrum retardare poterant, & profectio-  
Rom. 1.16

nis filium in longum extrahere. Digredientibus enim nobis, distrahebantur intestinis diffidijs vicinorum animi; & pax Christiani orbis ciuilibus bellis interrupta erat; quæ quo videbatur propiora, eo nos magis sollicitos, velut proximo pariete ardente, habebant; præsertim verò illud Galliæ incendium incauta scæminæ dominatione concitatum, Germaniæ deinde necdum sedata tempestas, ex æmula Principum cupiditate, ob Cliuiæ, Iuliæ, & Bergarum possessionem; Italiæ denique in partes discessio, certantibus Venetis & Archiduce Austriaco, Sabaudia præterea Duce, Galliæque & Hispaniæ Regibus. Quod ad confœderatas Belgarum Prouincias attinet, ibi sanè, post nuptias inducias nostramque cum Hispano pacem, humanis omnibus diuinisque permistis, ordo Reipubl. pæne abiit in anarchiam: nec id sine cælestis iustitiæ nutu. Qui enim nostros recipiebant Schismaticos, homines suis opinionibus addictos, & ab Ecclesiæ nostræ vnione auersos; quique omnibus religionum hydris quasi asylum aperiebant, hi ex tam multiplici contagione nunc eò redacti sunt, vt quam religionem ipsi tueantur vix habeant dicere. Itaque partium nularum iam facti sunt, sibi inuicem hostes, quibus antea facile erat eadem sacrorum pacisq; communionem nobiscum contineri. Harum

rum rerum progressus, & exitus celerius sanè fideiùsque in viciniore loco rescire poteram, quàm his terrarum marisque spatijs abiunctus; vbi & eorum, quæ nostra maximè intersunt, serior ad nostras aures notitia, & incertior perueniat. Quæ autem domestica fuerint itineris nostri impedimenta, & qualia negotia digrediens reliquerim inchoata, quæ si mansissem spes magna affulserat perfici potuisse, quibusdam ex hoc confesso non est incognitum: ut sileam in Regno tam populosò nunquam posse Regi deesse quod agat, vbi quævis hora nouum ipsi exhibeat negotium. Quæ incommoda cum omnia simul concurrerent, facile sanè poterant itineris nostri consilium protrahere, nisi hic voluntatis nostræ ardor omnes morarum obices, vno quasi impetu, perrupisset. Nec enim vel rerum tædio, vel loci fastidio, vel offensæ opinione (absit tam iniquæ suspicionis iniuria) regionem mutaui: dulcis patriæ desiderium, patriæ (inquam) iamdiu non visæ iniques amor ad se traxit, moras dispulit, negotia reiecit. Dissimulare enim nequeo, quanta redeundi cupiditate iam pridem flagrauerim; naturâ ipsâ mihi huius officij necessitatem imponente, quæ nec brutis animantibus natalis soli memoriam permittit excidere; pisces ex immenso Oceano reuocans in fluminum alueos, quibus originem debebant; & aues ab alio sole reducens ad prima cubilia; homines verò, quibus ratio gratitudinis sensum dedit, fortiore quodam, diuinioreq; æstro ad patriæ desiderium impellens. Cætera namq; animantia non beneuolentiæ aut amoris conscientia, sed annuâ temporum vicissitudine, & alimentorum commodis ad natales sedes retrahuntur: hominem verò non opes, non amicitia, non exquisitissimæ ridentis fortunæ illecebræ, quorum omnium maior sæpe apud exteros affluentia; sed vnica naturalis debiti memoria reducit. Nec quenquam tanta incescit peregrinandi voluptas, quin tandem patrios lares respexerit, & quò diutius abfuerit, eò ardentius cupierit reuerti. Hæ causæ ut me vobis præsentem reddiderunt, ita absentis animum desiderio vestri velut suauissimo tormento, exercuerunt; vsq; & vsq; nobis recurrente proposito nostri imagine. Et quum interdiu negotiorum multitudo hanc mihi cogitationem inuideret, noctu mihi aderant officiosa insomnia, quæ, me in optatissima mea patria sistendo, diurnæ illius inuitæq; obliuionis damna reparabant; ut sciat is vnica fuisse, quæ me reuexit, huius terræ dulcedinem, non illius, vnde digressus sum, offensam. Enimvero gens ea vniuersa, à summis ad imos (ut quod est res ingenuè, & sine fuculoquar) ita suum erga me amorem testata est, ut nullum dubitationi locum reliquerit, nedum querelæ. nec credo vllum in Christiano Orbe Regem populo suo aliquando fuisse gratiorem: quem ego subditorum affectum terrenæ felicitatis apicem, & sum-

mam



mam semper æstimaui. Quamuis igitur iure naturæ hanc terram a-  
 mare necesse sit, in qua natus sum; tamen & illam alteram omni affe-  
 ctu exosculor, in qua eodem iure renatus fui: hic à Deo accepi status  
 regij initium, illic fastigium & culmen: hîc spiritum primum ducere  
 & esse mihi contigit, illic quin bene esse obuenerit non diffiteor. V-  
 tramque igitur, vt parentem, pari affectu prosequor; & hanc, quæ cu-  
 nas meas, & illam, quæ triplicis regni solium sustentat: vt subductis  
 rationibus, ægre pronunciauerim, vtram diligam minùs. Patri igitur  
 assimiler filios habenti gemellos, quos sic efflictim amet, vt, vtrum  
 magis amare debeat, ignoret. Vobiscum pueritiæ meæ & iuuentutis  
 anni transacti sunt, vnde ista naturalis desiderij flamma in nobis ac-  
 censa est: cum illis virilis ætatis maturitas & robur. Vnde cogitanti-  
 bus illis, quantum in nos iuris haberent, persuaderi omnino non po-  
 tuit, seriò nos vnquam de hoc itinere cogitasse, vel ex animi senten-  
 tia loquutos fuisse; adeo quidem, vt sapere illos vulgò negarent, qui  
 me huc reuersurum priùs crederent, quàm reuersum conspicerent.  
 Vnde igitur rectiùs incipiam, quàm à populi Israelitici precatione  
 pro Dauide Rege, *vt illius votis Deus annueret, & consilia impletet?*  
 Qua salutationis formula Archiepiscopus Andreapolitanus mihi  
 hanc urbem ingrediēti communi nomine bene ominatus est. Et prius  
 quidem illud Dei Opt. Max. benignitati iam acceptum fero, qui redi-  
 tum, quem vnice voueram, clementer indulxit: nec dubito, quin al-  
 terum illud, quod superest, pari munificentia in hoc ipso conuentu  
 sit donaturus, vt consilia mea ad opratum exitum perducatur. Non  
 potest vox mea (Viri Amplissimi) ad vltimas huius regni oras pertin-  
 gere; vos itaque, meos absentis Vicarios, necesse habeo meorum sen-  
 suum præcones facere, & interpretes; vt quotquot vestro subsunt im-  
 perio, & ea quæ iam dixi, & quæ in commune bonum porrò con-  
 sulturus sum, vestrâ operâ intelligant. Dissimulare enim non pos-  
 sum, quin præter hunc patriæ amorem, quem Natura caractere in-  
 deletibili pectori meo impressit, alias habuerim huius itineris rationes;  
 quemadmodum ex literis nostris, ad Consilij Assessores datis, satis  
 apparet: nempe vt, sublati sēt Republica vitij, quæ nisi me præse-  
 tangi non poterant, aliquod operæ pretium facerem. Meministis e-  
 nim me, dum inter vos viucrem, ex vetere meorum maiorum more  
 ciuium querelas inspicere consueuisse; eorum præsertim, quos fama  
 erat à potentioribus oppressos: horum causas cognoscere, & iniuri-  
 as, quæcunque essent, maturè vindicare. Et mihi adhuc eadem mens  
 est, omnibus illis, qui vi, fraude, gratia circumuenti ope nostra opus  
 habent, auxilium ferre, & iuri suo in integrum restituere; quum sciam  
 præcipuam hanc esse nostri aduentus causam, vt nemini quicquam  
 liceat, nisi quod per leges licet; quarum tutelam imis æquè ac sum-

mis volumus esse sacrosanctam. Diuinare ego non possum quis vestrum sit læsus: at læso, si querelam deferar, succurrere, id vero mearum erit partium. Quod si acceptas iniurias celare, aut negligere quis maluerit, quàm à meiuris remedium poscere; obsecro saltem ita apud se statuatur, mihi, quod passus est, non innotuisse, aut, si innotuisset, præteritum me non fuisse. Nec me latet, quàm sit inuidiæ & censuræ obnoxia magnorum virorum auctoritas; quum nulla lis decidi possit sine alterius partis offensa, & victus semper se læsum putet, quia, quod iniuste concupiuit, consequi non potuit. Quocirca omnes præmonitos volo, ne quis ira, aut cæco vindictæ studio percitus innocentem apud me Iudicem aut Magnatem deferat, nisi legem talionis pati paratus sit; ut quam pœnam in alium trahere voluit, ipse, ni verum dixerit, ferat. Volo enim apud se prius expendant, quàm apud me deferant querelas, certoquæ & sine errore sciant se magni alicuius viri potentia oppressos fuisse, propterea quòd maior non adesset, ad quem licuerit prouocare. Cæterum ex his facile intelligatis, quantum me iamdiu tenuerit vestri desiderium, qualesque sint præcipuæ nostris aduentus causæ: libet tamen, ut magis adhuc constet qualiter erga vos afficiar, paululum excurrere, & tria iam dictis addere; meum nempe in vos amorem, & de vobis gaudium, & curam. Amorem, quòd tantisper quiescere nequierim, donec ad vos accederem gaudium: quòd tranquillum & beatum vestrarum rerum statum hoc tempore intuear; unde opum, quas ego ab aduentu meo non parcè gustavi, affluentia nata est: curam denique, quòd hospitalitatem vestram debitâ illâ, & quæ Regem deceat, gratitudine statuerim compensare. Genus autem gratitudinis, quod & meo officio, huicque loco, & tempori maxime conuenit, Scotica illa phrasi vobis non ignota commodissimè exprimitur, quum aiunt se artis suæ opera alicui gratificaturos. Etenim ab arte mea petam, unde hoc debitum, quod apud vos contraxi, dissoluam: quæ res & me maximè decet, & vobis maxime conducit. Regem inter vos ago; & beneuolentiæ vestræ tum me censeo optimè respondere, quum regio munere sanctissimè defungor; hanc vnam approbans gratitudinis rationem, ut aliquid personâ, quam gero, & vestra de me expectatione dignum efficiam, & posteris, quod imitentur, relinquam: non ut inanibus illis blanditiarum formulis, & tritis sæculi phrasibus, vestram beneuolentiam eludam veriùs, quàm compensem. Sed quum de tota nostri consilij ratione, per literas à me præmissas, certiores antehac facti sitis, non fuit abs re palàm hic eas legi; ut ipsemet, verborum meorum optimus interpres, bonis omnibus cumulatè satisfaciam, & suspicionum aut calumniarum nebulas admota veritatis luce dispellam.

LITERÆ.

## L I T E R Æ.

**N**O *N* possem nisi iniquissimo animo ferre, si vehemens & diuturnum patriæ nostræ, & antiquissimi Regni Scotiæ visendi desiderium torpente & frigido nostrorum Subditorum affectu in aduentu compensaretur: idq; per multorum præiudicatas opiniones, ex falsis rumoribus vel malitia vel errore sparsis, de aduentus nostri consilio & causis. Visa est igitur nobis ad sinistras huius itineris interpretationes præcauendas commodissima via, si veras illius occasiones ingenua confessione vobis antè notas faciamus. Et primò quidem non pudet fateri, multis abhinc annis flagrasse nos desiderio patriæ, & altricis terræ visendæ; qualis amor salmonem iam adultum reuocat ad natales aquas. qui instinctus naturæ interdium noctuque, ne quidem in somno concessis indiciis, nos instigabat ad viam: nec quietis porrò vlla spes erit, donec Deus Opt. Max. nos ad voti nostri finem perduxerit. Et honorem nostrum testamur, principem hanc nobis fuisse suscipiendi itineris causam. Comitabatur autem hoc naturale desiderium muneris nostri Regij, quum illic fuermus, excercendi sollicitudo: ut sic impetu hoc naturæ ad officij functionem vteremur. Qua in re prima nostra cura erit subditorum nostrorum querelas, quæ quidem nostram præsentiam exigant, inspicere, & si usus postulet, vindicare: proxima verò corruptelas, quæ nobis absentibus loco moueri non poterant, auferre. Quòd verò ad rerum mutationem in statu politico & ciuili; fatemur quidem nobis illud fore gratissimum, si quæcunque commode & vtiliter nobis præsentibus fieri possunt, nostra ope fiant: vellem tamen omnes, tam quibus consilia nostra non sunt ignota, quàm cæteros fideles & bonos subditos, id sibi de pudore nostro & prudentia persuasum habere, quòd nec optemus isthic quicquam nouari, nisi quod ad Dei gloriam, & Reipublicæ bonum, & subditorum nostrorum commodum spectabit. Fortè etiam multa sunt in se quidem iustissima, & quæ saluâ conscientiæ lege a nobis optari possent,



*possent, quæ nihilominus propter varia, quæ occurrant, impedimenta prudentes scientesque omitemus, non exhibituri subditis nostris in huiusmodi rebus negotium; nisi tanto omnium consensu, quàm Reipublicæ bono transigi possent. Serio itaque vos rogatos volumus, non modò ut ipsimet præiudicatis, & sinistris de itinere nostro opinionibus non detis locum; verum etiam cæteris bonis subditis nostris mentem nostram faciatis notam, ut ex optatissimo hoc cum ijs congressu, eà fruamur lætitia, quam semper de illis studebimus mereri. Persuadete igitur vobis & confidite; nos, quamdiu isthic erimus, obnixè in eam rem daturos operam, ut omnibus appareat, non defuisse nobis voluntatem, quæcunque poteramus, bona faciendi; quam nihil nisi cum hac moderatione facturi sumus, ut populo nostro applaudente & consentiente fiat.*



Vabus maximè de causis has literas coram legi volui: Licet enim iampridem in vulgus sparsa fuerint earum exemplaria, vnde nostri aduentus consilium bona fide & sine furo intelligi potuit: amant tamen plerique homines calumniæ, & malignæ interpretationis labem etiam illis rebus adspargere, quæ apud æquos arbitros omni vacant controverfia. Alij porrò, dum rerum, quæ supra eos sunt, consilia examinant; videri volunt eas res accuratissimè nosse, de quibus necdum ab authoribus ipsis quicquam constitutum est: quod & nobis in Anglia ante iter euenit. Statim enim ut publicè innotuit profectionis nostræ desiderium, non veriti fuerunt ardeliones de mente nostra, & profectionis consilio iudicare, & se nostrarum cogitationum non coniectores, sed interpretes venditare, & quamplurimos homines, commentorum istiusmodi speciè illusos, abduxerunt à vero; ne non satis esset calumnias struere, nisi & alios mendacij consortes efficerent. Quum itaque auribus nostris molesta accideret malignitatis huiusce vanitas, visum est nobis, illi, priusquam ulterius serperet, occurrere; literisque ad Assessores Concilij datis, malum antevertere; aut, si opinione celerius fuisset mendacium, contrariâ veritate extinguere, ne sinistris & falsis nuncijs fracta populi alacritate, noster aduentus fieret ingrator; atque ita voluptate, quam ex congressu vestro iampridem præcepimus, per alienam fraudem immeritò excideremus: quod sine vestra iniuria & nostro dedecore non potuisset accidere: ut tace-

am quanta secum trahant mala præiudicatæ hominum sententiæ; rem mihi in Scotia & Anglia nimis iam compertam; cuius nec meminisse hoc tempore queam sine tristitiæ sensu. Est præterea aliud malignorum interpretum genus. hi, ut in proverbio est, ex muscis faciunt elephantos; ex minimis aut nullis signis prædicentes maximarum scilicet rerum euentus, & quæ eorum solertia est, ex verbis luce clarioribus incredibiles, & perniciosas elicientes sequelas, auctorum menti prorsus contrarias. Quamobrem, omiſſa priore literarum parte, ubi patriæ desiderium principem testati sumus itineris nostri causam; posteriorem illam relegi cupimus, ubi alias quoque profite-mur illius causas subesse: quod quia aliorum traxit calumniantium malitia, nefas mihi non erit, quod cæteris licet, meorum verborum interpretem agere; ut profligatis, quæ malè sedulos plus satis exereuerunt, commentis, optimorum civium animos ab errore, si quis superest, vendicem, & suspicionum iniqua deinceps excludam.

## L I T E R A R V M P O S T E R I O R P A R S.

*Comitabatur autem hoc naturale desiderium, &c.*



Bi videre est, id mihi inprimis propositum fuisse, ut ijs duntaxat rebus auxiliarem manum admouerem, quæ meam exigebant præsentiam, & sine me mutari omnino non poterant. Licebat mihi hîc, si libuisset, in memoriales tabellas, quales Germani peregrinantes circumferunt, leuicula illa, quæ in itinere occurrissent, conijcere, ijsq; contetum in Angliam, vnde digressus eram, reuerti; vel sanè epulando dies hos vobiscum comburere, nihilque altius meditantem vos relinquere. Quæ itinerandi ratio quum Rege minus digna videatur, me sanè præter cæteros dedecet, in hac præsertim terra, ubi publica Euangelij professio nisi septem ante me natūannis non obtinuit, quo tempore tot damnis afflictæ fuit Ecclesia, tot vulneribus confossa, ut non minus verè quam vulgò ex eo dici consueuerit reformationis prætextu deformationem subijsse, & in pupillari nostra ætate quantum aulæ sit, flagitiosorum temeritas, humanis omnibus diuinisque permittis, nemo est vestrum qui ignoret. Mene igitur tot terrarum spatia emensum ad vos accedere, & dulcissimæ patriæ vlceribus, quæ eam olim malè habent, neglectis, eò vnde veneram redire, nec de veterum malorum medicina facienda cogitare? sed ad publicas corruptelas conuiuere, patriæ commodis &



paci & dignitati in futurum nihil prospicere? Longe aliud promittit mea in patriam charitas, & vestri amor; ut de officij regij, & meae professionis ratione nihil dicam; quàmque mihi ipsi iam fierem dissimilis, si tantum iter susciperem non Reipub. gratia, cui natus sum; sed voluptatis, cuius in reliqua vita semper fui securus. Vestrum igitur fuerit, postquam intellexistis quàm graues causae me huc attraxerunt; mecum in publica commoda conspirare; & manum potius tanto operi adiuuere, quàm rerum leuiorum mentione praclaris cogitationibus obstrepere; vel paternam hanc nostram sollicitudinem etiam eiusmodi negotiis onerare, quae statuta iudiciorum ratione sine nobis transigi potuissent: qualia nimis multa ad me relata sunt, quae à Praefecto & Consulibus huius urbis, etiam me absente, iudicanda erant. Vos potius, Iechronis sequentes consilium, maioris duntaxat momenti causis, quantum latet temporis, impendite: leuiora omnia ad inferiora iudicia amandate, nostras aures non grauantes nisi ijs, quae non alio quàm nostro auxilio erant componenda. Ita fiet, ut distributis officijs opus publicum, quod vnus industria progredi non potuit, multorum manibus absoluat. Nec volo enim nec debeo (populares charissimi) ad vestros errores conuierte, sed quae minus rectè à vobis fiunt ea oportet vitio vertere, ut emendentur. Sæpe vos, quum domi manere licet & legum praesidio confidere, mihi & vobis negotium facestis, temerè excurrentes in Angliam, & quasi rebus deploratis, regiam in re tutā implorantes opem; non aliter ac si per vim leges obmutescerent, vel iustitia palam prostituta esset ad quæstum: à quo delicti genere nec Anglos immunes esse non semel professus sum. Nec tamen ideo hoc moneo, quod mihi vester congressus non semper fuerit gratissimus; quid enim eorum praesentia iucundius, qui me vnicum putant fortunarum suarum columen? sed ut sciatis vos tum fore mihi longè gratiores, quum non negotiorum causa, quod necessitatis est; sed salutandi, visendique gratiā, quod amoris proprium est, ad me accesseritis: quum vos à Septentrione in Austrum venisse intellexero, tantum, ut meo adpectu, quem vobis negabat loci intercapedo, frueremini. Hæc sunt igitur, ut aduentus nostri causas paucis repetam, quae nos in patriam iam pridem citant, eius visendae & viuandae desiderium; vtrumque ex amoris & charitatis fonte profectum. Fallitur enim si quis ideo me putet venisse, ut regiae prerogatiuae & potestatis terminos extendam; aut vestram alicui aliquid auferam, quo non libenter careret. Me in eum locum euexit diuina benignitas, ut altior esse non cupiam, & aduersus ambitionem animum mihi inuictum dedit: & multo malle meis sumptibus comitatum meum alere, quàm indictis tributorum oneribus subditos nostros charissimos

nunc



nunc gravare, aut post discessum detrimenti sensum bene mercen-  
tibus relinquere; præsertim quum spontanea illa vestra liberali-  
tate satis iam ostenderitis quo animo sitis in Regem. Nam  
quod à vestra alacritate oblatum est non potui non candido  
pectore & serena fronte accipere: At verò ut aliquid vobis amplius ex-  
torqueam tantum abest, ut nec quicquam omnino petiturus sim, nisi  
quod ad meliorem politiæ statum & populi commune bonum faciat,  
& perfectissimis Rerumpub. exemplis conueniat. Nec patiar me  
bene agendo ab eo vinci, cuius vicaria apud vos opera sæpe usus fui;  
Comitem dico Dumbari, qui, quum ita se gereret, ut à mandatorum  
nostrorum præscripto nusquam recederet, multa hic egregia inchoa-  
uit, quæ (si Deo visum fuisset illi vitam diutius commodare) ad opta-  
tum perduxisset finem, & curæ nostræ molem minuisset. Sed quum  
ille in medio rerum molimine, aut potius in ipsis operum rudimentis  
cesserit fato; vnicum hoc deceat nos cum eo genus certaminis, ut  
quanto ille, dum viueret, potentia & dignitate me minor fuit, tanto  
ego charitate & studio in patriam illo maior existimer: quod salua  
iuris partij autoritate facile me arbitror consecuturum. Nunquam  
enim mihi animus fuit Leges vestras ad Anglicarum, aut aliarum qua-  
rumcunque morem trahere; nisi quatenus aut Reipub commodum,  
aut populi ingenia flagitare videbantur. Fatendū tamen est multa mi-  
hi in Anglia obseruata (ut sanè sua sunt vnicuique genti bona & mala)  
quæ æquis rerum æstimatoribus imitatione dignissima videantur: a-  
deo illa Reipub. facies plerisque alijs, me iudice, antecellit. nec pudet  
agnoscere, quantos in civili prudentia post aditam illius regni hæredi-  
tatem progressus tecerim: ex qua re, ut ex felicissima beatæ regionis  
possessione, summam meritò capio voluptatem. Hortor itaque vos  
siue moneo (populares charissimi) ut quod in ea gente laudabile &  
præclarum didicistis, id meo exemplo vobis imitandum proponatis;  
vitiosa autem & corrupta, qualibus nulla vnquam Respublica vacauit,  
omni opera fugiatis: quò meliora sequentes addatis patriæ quod de-  
est boni; non (ut multi inter vos solent) peiorum æmulatione natua  
augeatis vitia: quasi domi non satis esset ineptiarum, nisi peregrinas  
corruptelas in subsidium vocaretis: cuiusmodi est fumi uora hæc, &  
maioribus vestris ignota Tobacci sitis, ex Anglia nuper accersita; in-  
deque petitiæ vestium formæ, & luxus, & aulicarum phrasium affecta-  
tio, adeo putida, ut nonnulli è venustioribus nostris nec iam Anglicè  
sciant loqui, nec Scoticè. Me videte nihil mutatum ab illo, qui olim  
fueram, nisi forte in ijs, quæ ratio ipsa euincit meliora. Ego per diu-  
turnam apud eos moram nec patriam linguam dedidici, nec corrupti;  
nec ad nouas vestium formas publicæ vanitatis æmulatione transiui;  
nec è cæteris, quæ corrupta consuetudo in mores inuexit, quicquam  
sequutus

sequeutus sum. mea hæc vobis imitanda erat consuetudo, recti tenax propositi, non publica vanitas illa, quæ sui pertasa in dies & horas mutatur. Tempus nunc est (anipissimi Proceres) vt consilij mei rationes vobis aperiarn: quod commodissimè fiet, si indicauero à quibus rebus abstinere hîc decreuerim, deinde verò, quibus agendis incumbere. Inter ea autem, quæ mihi hoc tempore interdixi, principem locum obtinet regni huius politia; res multò maximi momenti, & longissimæ deliberationis, nedum vt temere, & in subiti itineris festinatione attingi debeat. Me vtique Regem natum, & vt regnandi tempore, sic Reipublicæ notitia & experientia maiorem prioribus, non potest latere, quàm periculosa alæ res sit vetera fundamenta conuellere; & quanto sit facilius incendiū excitare, quàm extinguere. Illo igitur lapide non moto, ad ea me conuertam Reipublicæ vitia, quæ saluo iure patrio possunt emendari; non ignarus quantopere & Reipublicæ & Ecclesiæ interfit, quæ in ijs vel lege vel more distracta sunt sacro vnitatis fœdere coniungi. Hæc (ni fallor) iuris mutatio non est, sed perfectio. Nec vrgebo hoc tempore potestatis regię priuilegium, nec quantum per scepri prærogatiuam in hoc conuentu mihi liceat. Et si Quæstor ille Angliæ Burlæus, quem ego omnibus cōfunctis officio prudentiæ nomine soleo anteponere, quum in Comitij de potestate regia differeret, *nescire se dixerit, quid Rex in regni Comitij facere nequeat; si miraculum excipias*: malo tamen ratione persuadere, quod emendaturus sum rectè fieri, quàm potestatis regię priuilegio, quod visum est, emendare. Et hæc sunt a quibus abstinendum censui: quæ autem facere decreui, omnia cum ea cura & sollicitudine coniuncta sunt, vt conuentus hic noster & Ecclesiæ & plebi solatio sit; singulique illius, quod obeunt, muneris fructum ferant & præmium; qui ministerio verbi se dediderunt ex eo, vt par est, tolerantes vitam suam, ne defectu necessariorum cogantur ea tractare, quæ a sacro ipsorum officio aliena sunt: qui verò agris colendis operam locant è laboribus suis percipiant, vnde familias sustentent; ne iusto sudorum præmio fraudati remittant de industria, & quicquid id est detrimenti, quod certè maximum est, id omne in Rempub. redundet. Vnum est, quod præter cætera vos monitos cupio, ne quis dolo malo aut furtiuè hinc conetur auferre, quod aliàs, si candidè & honestè egisset, nunquam impetrasset. Turpe enim est ex hoc loco, vnde publicæ iustitiæ oracula expectantur, publicas per negligentiam vestram proficisci iniurias. Videat igitur Registri custos, videant eius actuarij & scribæ, ne quid in hoc conuentu vim habeat decreti, nisi quod ante ab Articulorum Examinatoribus excussum & probatum fuit. Nec frustra id denuncio, memor Alexandrum Haium, registri olim custodem, hominem, si quis alius singulari candore & fide, fraude


fraude aliena aliquando inductum fuisse, ut priuatas lites, tanquam publica ordinum decreta, sua subscriptione muniret. Facilius est eiusmodi errores cauere, quàm corrigere, si vestrum unusquisque quod sui est muneris, diligenter & tempestiuè exequatur; non autem serò & postquam emendari non poterit, de iniuria conqueratur. Hæc habui, Procere amplissimi, quæ deaduentus mei & conuentus vestri causis dicenda publicè existimaui: supersunt, quæ meo nomine priuatim vobis dicenda sunt, de reditus nostri expectatione, de vestra in occurrendo frequentia, in excipiendo alacritate, in tractando apparatu; nisi satius esset tot officia tacendo agnoscere, quàm pauca dicendo minuere. Iam haud dubijs deprehendo indicijs, patriæ & vestri, quo iampridem flagrabam, amorem optimè nunc esse collocatum, quum tam insigni & planè mutua, hoc est, qua maior esse non possit, charitate rependitur. Quòd si infra meum affectum vel vestra merita subsidere videatur hæc oratio, haud quaquam pro dignitate, quod in pectore nostro est, studium exprimens; sanè ibi frustra requiritur facundiæ fucus, vbi potius conspicienda est beneuolentiæ sinceritas. Eloquentiæ, quæ regem deceat, natiuus color non est petendus è Rhetorum myrothecijs, ut ea appareant quæ non sunt: sed simplice illo & translucente veritatis habitu probanda est. Quin si mihi libuisset ingenio & industria orationem elaborare, per otium tamen non licuit; negotio negotium, velut vnda vndam, trudente, quum sat temporis, non dicam adscribendum, ne ad cogitandum quidem vacauerit: nec verò si licuisset per tempus affectare elegantiam, libebat tamen; in argumento videlicet facili & copioso, quo patriæ visendæ iuuandæque ingens & diuturnum explicandum erat desiderium: cui etsi verba paria non fuerint, tamen apud beneuolos interpretes, quales vos esse mihi est persuasissimum, non arbitror fuisse illa à nostro instituto & animo aliena.

---

---

---





---

SERENISSIMI  
ET  
POTENTISSIMI  
PRINCIPIS  
IACOBI,

DEI gratia, magnæ Britanniae, Franciæ, & Hi-  
berniae Regis, Fidei defensoris, &c.

MEDITATIO IN ORA-  
TIONEM DOMINICAM;

*Ad Subditos suos, eos præsertim, qui  
aulam sequuntur.*

---

IOH. 16. 13.

*Quicquid meo nomine petieritis à Patre, dabitur vobis.*

---









# PRÆFATIO.



Vod Virgilius *Æneidi* suæ præfatus est, Ille ego qui quondam; id ego iure possem meæ huic in Orationem Dominicam meditationi præmittere, licet sine planè contrario. Nam Poeta eo proœmio ostendere voluit, quantum supra seipsum noui argumenti beneficio subuectus fuerit, ab aratro scilicet ad arma & Heroas translato stilo: at ego, contraria prorsus ratione, ex alto & profundo mysteriorum *Apocalypseos* abyssu, in quo elephas etiam natare possit, venio nunc meditationem scripturus ad planam, æquabilem, & facilem illam Orationem Dominicam; quam nulla non anus aut recitet, aut emurmuret, nullus non puer, bene educatus, è *Catechismo* suo interpretetur; mutato sic robustiore cibo, unde viri alendi sunt, cum lacte infantibus aptiore. Verùm\* ego iam annis inualeseo, & (quod vulgò dicitur) senes his pueri sunt. nec deest Cardinalis Bellarmini exemplum, qui digladiationibus polemicis & controuersijs, quibus priorem vitam in solidum mancipaauerat, non ita pridem valedixit, contentus meditationiunculam aliquam quotannis edere, eamque duobus aut tribus fabulosis ornatam miraculis: qua in re me æmulum non inueniet. Nunc verò, dum apud me cogito, cui demum opusculum hoc, quod horis somni maxima ex parte suffuratus sum, dicare oporteat;

Ccc

teat;

\* Auctor libri, cui titulus est, *examen ingeniorum*, iubet post quinquagesimum ætatis annum à scriptione librorum abstinere.

Reijce aniles fabulas.  
1. Tim.


teat; dumque in memoriam reuoco, quàm sollicitè in librorum meorum dedicationibus decorum hætenus obseruari; unde factum est, vt ΒΑΣΙΛΙΚΟΝ ΑΓΓΛΟΝ, HENRICO, filio quondam meo, inscripserim, quod nunc ad CAROLVM, unicum iam mihi superstitem, pertinet, nempe, & libri illius & omnium bonorū fratris sui ex asse hæredem; quemadmodum & Apologiam meam pro Iuramento fidelitatis omnibus Christianis Principibus & Rebus publicis dicaui, quia eorum intererat illius operis argumentum; cæteros autem libros, qui res tractabant omnibus personis communes, candido Lectori, cuicumq; demum, nuncupauī: Nemo mihi occurrebat Te aptior, Buckingham, cuius nomen præferret hæc meditatio uncula; quæ, quia ad perspicuam & breuem admodum precationem conscripta est, homini Aulico magis videtur conuenire: Illis enim plerumque (si vera est communis opinio) nec vacat, nec libet longis precibus operam dare, et breues amant Missas ac prandia proluxa. Verum vt, amoto ioco, quod res est loquar, Tibi ea precatio ob breuitatē & perspicuitatem conuenientior est. Ob breuitatem quidem, quia dum tui erga me officij assiduitatē, & quotidianas ministerij tui curas expendo, quantæque flagitatorum examina à te pendeant, importuna sine modo & temporum discrimine, pauxillum temporis tibi videtur supereffe ad sacras meditationes. Ob perspicuitatem verò, quia tibi non contigit in scholis educari. quid quòd & alijs multis de causis in hanc lucubrationem tibi ius vendicare possis? & prima quidem esto ipsa scriptionis occasio: sæpe enim, antequam eam aggrederer, Tibi, & quidem uni, nonnulla eorum communicaui, quæ in Orationem Dominicam meæ mihi cogitationes suggererant: & tu sæpe rogasti, vt pennam chartæ admouerem. Deinde verò, sicut pater est noster cælestis quem ea prece compellamus, ita, qui eam tibi nunc offero, pater tuus sum, non politicus modò, sed etiam economicus, & quidem propiore quàm cæteris gradu. Tertiò, vt oratione illa bene discas uti. Nam quum in tuo ingenio for-

\* Similes enim sunt S. Christophoro, qui vt Christus seruus fieret orare aut ieiunare nec potuit nec voluit, & eam ob causam ab Bremia ostiarius constitutus fuit.

formando nonnullam quotidie operam suscipiam, quò mihi in huius vitæ negotijs commodius inseruias; à ratione certè alienum foret, ea, quæ Dei sunt, negligere: nam timor Domini est initium sapientiæ. Denique agnosco, & quidem cum gaudio, eum te esse, qui hoc à me munusculum merearis, propter exemplum pietatis quod aulæ præfers, non solum Dei verbo frequenter auscultans, verumetiam sacramentum altaris crebrò percipiens: vnde & charitas tua manifestè elucet, & humanitas illa condonandi offensas; quod hac meditatione præter cætera mortalibus commendatum volo: & sanè, quàm honesta tibi & sancta omni tempore suggesserim consilia, non dubito quin fidus orbi testis ipse futurus sis. \* Accipe igitur à me, velut pignus quoddam amoris, hanc strenam, in Vigilia Dominici Natalis cœptam, & vix adulto primo anni mense finitam; Deum orans, ut quemadmodum in illo natus es & renatus, ita illi resurgas, & in illo æternum sanctificeris. Vale.

\* Chartaceus hic amicus nec in commodis horis tibi importunus fiet, nec veniet non catus, nec loquetur non interrogatus; ab adulatione autem mendacioque, & dissimulatione alienus erit.

Ccc 2









ILLVSTRISSIMO  
ATQVE AMPLISSIMO  
VIRO, DN. GEORGIO VILLERIO,  
MARCHIONI BVCKINGHAMIAE,  
ANGLIAE THALASSIARCHAE, REGIORVM  
EQVORVM MAGISTRO, EQVITI  
PERISCCLIDIS, &c.



*Q*uod tua pace fiat, Illustrissime Thalassiarcha, trayciat libellus hic è nostra Insula in continen-tem Europæ, & qui Britannus modè erat, nunc, & venturis in sæculis Cosmopolites sit, inscrip-tus tibi, scriptus omnibus, in gratiam In-sularium, at in Christiani orbis commodum. Aer, unde omnium spiritus alitur, nullius cen-sendus est: & bona animi, & virtutes & scientiæ, instar luminis, sine sui dispendio se impertiunt, ut locupletior fiat qui dedit, & minus habeat qui retinuit. In cælos tibi extendit Regia pietas sacram hanc Orationis scalam: solus sine inuidia ascendere non potes: sequantur gradatim omnes gentes in spatiosam illam aulam; gratior eò venies, quod plures tecum attraxeris. Nec aliud pollicetur cætera tua humanitas, qui apud optimum & sapientissimum Regem ideo videris esse graciosus, ut Reipubl. inserui-as, & honesta bonorum vota prouehas. Non meretur huius insule angustijs concludi, multò minùs vnius possessio fieri libellus iste: itaque iam trans-fretaturus sermonem patrium, me authore, dedit, donatus Romana ciui-tate, parique omnino cum ijs iure, quibus ipsa Roma hodie mater est. Caius Gracchus, si viueret, controuersiam fortè ei moueret ut peregrino; sed idem, qua erat proteruia, ciues suos negaret, qui mille annis proximis in Palatino monte nati sunt. Est unicuique linguæ proprium aliquid & insitum, quod

nulla arte addiscat alienigena : estque in Regis nostri stilo natiua quædam ve-  
 nustas, quam fidissimus interpres, vtut se torqueat, nunquam exprimet : vt  
 omittam neminem hodie reperiri tam profluente & copiosa Latini sermonis  
 vena quæ eloquentiæ Regiæ vbertati respondeat. Sic Homeri pœsin, aut Ari-  
 stotelis opera nemo Latinus nisi infelicitè attigit. Quòd igitur Meditationem  
 Regiam mea opera deteriorem habeas, Nobilissime Vir, pro mercede ve-  
 niam dabis, in delicto præsertim inuitabili, & quod obsequij necessitate excu-  
 setur. Leuius tamen peccauimus, quòd sua Maiestas auxiliarem nobis ma-  
 num commodarit, permultis mutatis, quæ in mea versione displicebant : pæne  
 eundem habuisses vt authorem sic operis interpretem, nisi luctuosus Regine  
 obitus diligentiam eius sub finem remisisset. Quæcunque autem huic editioni  
 addita reperies, ea Serenissimus Author Anglico libello de industria subtrax-  
 erat, in hunc vt commodiorem locum reseruanda. Illis enim perspicua breui-  
 tate ad communem captum descendere voluit: hic eruditiorum rationem habuit.  
 Vale Heros, & eum inter virtutum tuarum cultores ne dedigneris admittere,  
 qui se tuo patrocínio nunquam faciet indignum,

T. R.







# MEDITATIO IN ORATIONEM DOMINICAM.



Nter omnia Christianæ vitæ officia nihil est iustius, vel vtilius, quàm Deo seruire: & excellentissima huius seruitij species est oratio, idque varias ob causas: orationum autem omnium perfectissima est Dominica, maximeque ex vsu nostro, & solatio. Dei seruitium cæteris Christianæ vitæ officijs antecellere, Christianus nemo ambigat; siquidem homo ad Dei gloriam propriè creatus fuit; quod primò tenetur præstare tempore peregrinationis suæ in terris, quod finitum est; deinde habitationis suæ in cœlis, quod est sine fine. Orationem cæteris Christiani hominis actionibus præstare, testatur præceptum nobis datum; testatur ipsa actionis illius dignitas, testatur fructus, qui ex ea infinitus ad nos redurdat. Præceptum est, vt oremus sine intermissione; & hoc vnum est, scilicet, quod sine intermissione facere iubemur. Nam cæteris rebus suæ sunt & statæ vices: *singula tempus habent*, vt ait Salomon; at oratio, quando zelus cor hominis accendit, & cogitationes eò disponit, nunquam intempestiua est. Actionis dignitas inde apparet, quòd aliàs quidē cum hominibus nostri similib⁹ omnis noster versatur sermo; at precantes ipsum alloquimur Deum, & cum eo quodammodo sermocinamur, pro tempore quasi Semangeli facti, dum spes nostra & fides prece excitatæ acquirunt vires, vt Deum ad nos deuocent, & nostri veluti iuris eum faciant: immò, vt Deus nobiscum habitet, & nos cum eo sine fine. Infinitus ille, qui ex illius vsu fructus nobis

*Eccles. 3.*

Luc. 6.

nobis cedit, ex mandato Seruatoris elucet, *petite & dabitur vobis, querite & inuenietis, pulsate & aperietur vobis*: panē rogantes non accipiem⁹ lapidē, nec pro piscib⁹ serpentes, nec pro ouis scorpiones. Pollicetur nihil negatū iri nobis, quod precando Deū orabim⁹, modò adsit fiducia

\* Luc. 18.

exorandi: quin & iubemur \* viduæ illius importunitatem in precando imitari, cum pari successus certitudine. Qua doctrina, si vllō vnquā in seculo, sanē vel maximē in hoc nostro op⁹ est, quo zelus orandi refrixit in nobis & exaruit, inque verba \* degenerauit; imprimis in hac Insula, vbi Puritani conciones sine inducijs nos iubent venari, prece interea quamlibet minima contentos: atque ita præceptum Apostoli, *Orate sine intermissione*, mutant in hoc, *Concionamini sine intermissione*; alterum duntaxat eiusdem Apostoli sequentes mandatum, *concionantes & hortantes, opportune & importune*. Omnium autem orationum perfectissimam & excellentissimam esse Dominicam, inter omnes Christianos conuenit, ne quidem ipsa Brunistarum contumace secta refragante, etsi ipsi, dum precantur, hac formula vti omnino recusant. nempe, vna & sola est hæc Oratio, quam Saluator suo sanctissimo ore mortalibus dictauit, addito imitationis mandato.

\* Satis est hac tempestate, si in congressibus nostris de diuino cultu sermones cedamus, etsi nihil minus cogitemus in vita. Scripturarum enim ars est, quam nemo ignorat, non anus garrula, non artifex de triuio, vt conqueritur D. Hieronymus ad Paulinum.

\* Solēnes precum formulæ omnitempore in Ecclesia & præscriptæ & vſitatæ fuere, Concil. Mileuit. Can. 13. Nec aliæ omnino preces dicantur in Ecclesia, nisi quæ à prædecessoribus fuerint tractatæ vel comprobatæ in Synodo, &c.

\* Primo anno regni mei in Anglia, in cōuentu Hamptonienſi à me indicto, reprehendebatur inter cætera à Puritanis Dominicæ orationis in Liturgia nostrâ repetitio. \* Abutuntur eo loco, Matth. 10. Dabitur vobis in illa hora, &c.

Cur autem fanatici hi Christum præeuntem sequi nolint, nulla alia causâ est, nisi quia Puritanos Anglos, parentes suos, sequi malunt, quos zelo etiam student anteuertere, ex ijsdem progressi principijs. Puritani enim nostri solennes orandi formulas à matre Ecclesia \* iniunctas vsurpare dedignantur, sed fratrum vnicuiq; scilicet, è vestigio concipiendæ sunt, & calente vena fundendæ preces: vnde & Brunistę Orationem Dominicam, licet ab ipso Deo iniunctam, reiiciunt, quia vna est è solennibus & statis formulis; contumaciæ suæ æquiocationem hanc prætexentes, quòd non his verbis, sed hoc modo Christus iusserit orare, videlicet, vt ipsi planos & simplices Seruatoris numeros prætereant, suumq; orent aut potius cantillent subitaneum discantum, prout fanaticus eorum Spiritus modos variauerit: non precantes è contextu sacro, sed è suo commentario & paraphrasi. Atque ita, dum sibimet ipsi præscribunt Canones, nec agnoscunt Deum pro patre, nec Ecclesiam pro matre. Nam Christus S. Luc. 11. disertis verbis præcipit, *quando oratis dicite, Pater noster*. Et profectò Puritani nostri tantum non cum ijs videntur conspirasse, vt Orationem Dominicam omnino proscribant. Nam vitio vertunt Ecclesiæ \* nostræ, quòd in Liturgia bis ea vtatur formula; vt scias quam minimum eius istis hominibus sufficere. Sed monstrosum hoc \* extemporalium, & subitarū precum commentum Puritanos pariter & Brunistas transuersos rapit. iure monstrosum dico, siquidem vno eodemq; tempore rem vnā & concipi, & nasci volunt, contra naturæ morem, quæ fœtum post conceptionem matris vtero aliquamdiu concludit, vt ibi augeatur, & matureſcat



turefcatur donec edatur in lucem. Et hæc vniuerſim eſt Naturæ via, in animalibus, in vegetabilibus, in mineralibus etiam ipſis intra terræ viſcera; vtut Chymici cum Puritanis & Bruniftis hîc conſentiant. Et ſanè Puritanos noſtros non iniuria Chymicos Theologiæ doctores appelles, cum ſuis illis puræ & purgatæ doctri-næ quintis eſſentijs. Naturam quoque imitatur gratia, nihil perfectum primo ſtatim conatu produ-cens, ſed certis gradibus.

Verùm ne quis iniuria affectos à me exiſtimet Puritanos noſtros, quòd eos Bruniftarum patres dixerim, petenda mihi eſt à Lectore ve-nia, vt aliquantulum hîc, eius cauſa, ab inſtituto meo digrediar. Iam dixi, quo pacto Bruniftæ ex illo Puritanorum principio, *quod non ſint admittenda ſolennes precum formula*, Orationem Dominicam nolint reci-tare. nunc oſtenſurus ſum eorundem principijs niti Bruniftarum ab Eccleſia noſtra ſeparationem. Puritani noſtri Epiſcoporum regimini, quod Antichriſtianum dicunt, prorfus aduerſantur: vnde & Bruniftæ, ne in ipſos cadant ruinæ Babylonis, Epiſcopos agnoſcere re-cuſant, reiectis quoque eorum nominibus, & titulis, ſpiritualique & temporali iuriſdictione. Puritani Ceremonias Eccleſiæ, quæcun-que ad eorum guſtum non faciunt, reprehendunt, nempe, à Romana Eccleſia, quæ illis vitur (vt aiunt) nunc pollutas, quantumuis antea fuerint incorruptæ; abutentes verbis Salomonis in Cantico, \* *Nigra ſum ſed formoſa*: vnde Bruniftarum dogma ſequutum eſt, non poſſe ſe in illius Eccleſiæ ſinu diutius manere, aut eius vberibus ali, quæ Anti-chriſtianæ ſuperſtitionis labe fœdata eſt, & hoc verum eſt totius ſepa-rationis fundamentum. Quæ enim cauſæ Miniſtros noſtros Purita-nos faciunt deſertores officij, & gregis illis commiſſi, & Bruniftis ſuf-ficiunt, vt Eccleſiæ vnionem prorfus reſpuant. Et quoniam magnifi-centiſſima templa ſub Papatu exſtructa fuere, & ſic Pontificiorum hominum manibus, & conſecrationibus, & aquis benediſtis (vt aiunt) polluta; eam ab cauſam neceſſe habent iſti, latronum & exlegum mo-re, in ſyluas & ſpeluncas fugere ad conciones habendas, & ſacra faci-enda, freti omnino Cartwrighti dogmate, *Quod in Eccleſia, verè refor-mata nullum vnquam locum habere debeat, qui aliquando Pontificius Sacerdos fuit*. Atque ita ſatis, ni fallor, oſtendi fundatores eſſe & parentes Bru-niſtarum Puritanos, ſiquidem illi id tantum rebus audacter exequun-tur, quod hi, quum idem doceant, facere tamen verentur. Nec tan-tum Bruniſtarum natio ex Puritanis orta eſt, ſed etiam innumera illa, quæ Amſterodamum obnubilant, ſectarum examina ab iſdem prin-cipijs prodierunt.

Vera enim illa viſibilis Eccleſia, quum rebus proſperis floret, qualis nunc in hoc regno (Deo gratia) illius cernitur conditio, *Ciuitas eſt ſu-per montem poſita*, vbi ipſi cum liberis ſuis habitandum eſt, in vertice, inquam

\* Hæc verba Cantico in hunc ſenſum citabantur in libello ſup- plice Purita-norum Linco-nienſium ad me.

Cartwright contra White-gift.



inquam, editissimi montis, vnde minimus quisque lapsus eò nos agat præcipientes, vbi nec fruticula occurrat quam apprehendas, nec quicquam omnino quod sufflaminet, donec tota ponderis mole in immanem lacus illius hiatum decideris, qui igne & sulphure æternum æstuat. Quanquam enim illi homini, qui Christianam fidem, antea ignotam, amplecti desiderat, etiam atque etiam cogitandum sit, cui se Ecclesiæ debeat addicere: & conscientię testimonium sequendum, quę Ecclesia verbum salutis verè annunciet, iuxta reuelatam Dei voluntatem, non contradicens sacris literis, nec sacros fidei articulos inde petitos humanis traditionibus contaminans; omnes etenim fidei nostrę articuli ita perspicuè in Scriptura proponuntur, vt *agnus facile in hoc fluuio ambulet*, quemadmodum ait S. Gregor. statim tamen vt facta est electio Ecclesię, in qua viuere & mori decreuit, eam certè ex mandato Seruatoris audire debet, quum Conscientia non nisi ducis vice fungatur, vt veram inueniat Ecclesiā; haudquamquam inuentam iudicatura, sed ab ea vtrique iudicanda. quisquis enim Deum pro patre habere cupit, Ecclesiā pro matre agnoscere necesse habet, vt ait D. Augustinus. *Tenete igitur firmiter professionem vestram*, vt hortatur Apostolus; nec vos finie *cuiuslibet doctrine vento* abduci: nec priuato aut Sancto illi Spiritui, quo Puritani gloriuntur, confidite; ne fortè per ignei illius zeli scintillam aliquam ab Ecclesia primum separati \* procedatis deinceps à Brunistis ad vnam, inde ad alteram Anabaptistarum sectam, & mutati continuo apud Iudaizantes illos Traskitas nomen profiteamini, adscribendi post omnia in profanam *Amoris familiam*. Ita videre est, dimissā semel è manibus verā Ecclesiā, priuatoque illo *Reformationis* spiritu, iuxta Puritanorum disciplinam, adoptato, quā prouidum sit paulatim labi, & cadere in Chaos seu verius sentinam omnium herefion, & fœdam illam farraginem, cuius iusta merces est infernus.

Sed nunc popositum iter prosequemur, veniam huius diuerticuli petentes. zelus enim vindicandi Ecclesiā à vulpibus istis & vulpeculis, ab Hæreticis & Schismaticis, coëgit me, qui in hac mea ad orationem dominicam meditatione ramum oleę cum columba ore meo sumpseram, coruo ex arca misso nunc similem videri, præteruolantem scilicet suaues oleę ramos, & graueolenti infidētem cadaueri.

Quum igitur Dominica oratio nostrę meditationis materia sit, visum est ante omnia eam verbatim proponere, vt à D. Matthæo scripta est: proxima erit cura, fauente numine, sensum eius breuiter exponere: vltima verò, summam omnium paucis colligere, quę tum demum facilius intelligitur, quum verborum sensus explanatus fuerit. Verba sunt hæc: PATER NOSTER, QUI ES IN CÆLIS, SANCTIFICETVR NOMEN TVVM: ADVENIAT REGNUM TVVM: FIAT

VOLVN-

Greg. epist. ad  
Leandrum ante  
præfationem in  
Lobum.

Augustin.  
Symbolo ad  
Catechum.  
Ephes. 4. 14.

\* Hoc procedendi verbo vtuntur hi recentiores hæretici, quoties ab vna secta ad aliam transfugiunt, quarum nouissima semper pessima.

VOLUNTAS TVA, SICVT IN CÆLO SIC ETIAM IN TERRA. PANEM NOSTRVM QVOTIDIANVM DA NOBIS HODIE: ET DIMITTE NOBIS DEBITA NOSTRA, SICVT ET NOS DIMITTIMVS DEBITORIBVS NOSTRIS. ET NE NOS INDVCAS IN TENTATIONEM: SED LIBERA NOS A MALO. QVIA TVVM EST REGNVM, ET POTENTIA, ET GLORIA IN SÆCVLA SÆCVLORVM. AMEN.

PATER NOSTER. *Pater* est dignitatis & honoris titulus, at *Pater noster* infiniti amoris cum magnitudine mixti. Primis his duobus verbis monemur nos, qui nihil sumus nisi pulvis & cinis, quis sit iste quem alloquimur; ad conciliandam scilicet reuerentiam quam maximam: ne Puritanis fiamus similes, qui cum Deo familiariter, tanquam cum sodali suo, confabulantur; & mensæ sacræ accumbunt cum Christo, velut pares cum pari, fratresque eius (si dijs placet) & contubernales. Nos reuerentiam hîc debemus, sed eam, quæ cum suauissima diuini amoris fiducia coniuncta sit. Ille enim est Pater noster, & nos adoptionis iure eius filij, & cum Christo æterni regni hæredes. Iubemur singuli cum vocare *nostrum patrem*, numero multitudinis, vt ostendatur sancta illa, quæ est inter Sanctos, communio, nosque ipsos membra esse illius Ecclesiæ, quæ ex electis conflata est: contra quàm faciunt heri natæ Amsterodamensium sectæ, vbi duo vel tres faciunt Ecclesiam: contra quàm venerandæ antiquitatis contemptores, qui deblaterant orbem totum ante se natos Babylonium fuisse.

QVI ES IN CÆLIS. Hic locus est, vbi solium Maiestatis eius conspicitur: quanquam enim vbique præsens sit, tam essentia infinita, quàm potentia ratione, inuito Vorstio & Arminianorum nonnullis; in cælo tamen duntaxat residet, vt in regia & Maiestatis sede, secundum illud Esaia: *Cælum est thronus meus, & terra scabellum pedum meorum*. CÆLORVM nomine monemur etiam, cuiusmodi inuocemus Patrem, non terrenum videlicet hominem, sed parentem cælestem, vt fiat illud *sursum corda*.

Nunc ad petitiones veniamus, quarum numerum septenarium plerumque fecit vetus Ecclesia, ea verba diuidens in duas ( & ne nos inducas in tentationem, sed libera nos à malo) quæ à neotericis quibusdam confunduntur in vnam. Sed, saluo meliorum iudicio, Patres mihi videntur commodius diuisisse, vt suo ostendemus loco. SANCTIFICETVR NOMEN TVVM. Hæc est prima petitio; & est affirmatio illi opposita, quod tertio præcepto prohibetur, *non sumes nomen Domini Dei tui in vanum*. Ante omnia igitur petimus, vt obsequium illud, quod Deo debetur, ab omnibus præstetur, quemadmodum nos facimus, antequam pro communi Ecclesiæ bono aut nostro commodo Deum inuocemus. Impudentiæ enim foret in subdito, si quid a  
suo

suo peteret Rege, non exhibito ante clientelari obsequio. Eam præcipuè ab causam conditus fuit homo ad Dei imaginem, ut nomen Creatoris sui sanctificaret. Et hoc est æternum Ecclesiæ officium non modò militantis in terris, sed etiam triumphantis in cælis; quæ ex Angelis & hominibus conflata nomen Dei laudat, & sanctificat, sine intermissione & fine. Sanctificamus Dei nomen in terris laudantes eum, orantesque reuerenter, aut mirabilia eius opera enarrantes, aut poenitentiam agentes peccatorum cum confessione, ædificantesue ad salutem fratres nostros, aut testimonium, quum iure requiritur, perhibentes veritati. Obseruandum & hoc est, verba non esse hic proposita in præsentì tempore, *sanctificamus nomen tuum*; sed in sensu Operatiui modi, *sanctificetur nomen tuum*; quoniam Christianus omnis, tanquam viuum mystici corporis Ecclesiæ membrum, orare tenetur, ut ab hominibus & Angelis laudetur & sanctificetur Dei nomen, non solum in præsens, verum etiam in futurum, tempore interminato, & postquam tempus ipsum esse desinet. Et quanquam satis notum sit ita esse oportere, & ita semper fore, oramus tamen atque optamus ut fiat; quò nostrum in Deo laudando sanctum exprimamus zelum, & vnanimem cum cæteris Ecclesiæ, tam militantis quàm triumphantis, membris consensum. Oramus autem in hac petitione, ut Ecclesiæ militantis vita omnis eò præcipuè collineet, nempe, in nominis eius sanctificationem, tam verbis, quàm rebus ubiq; promouendâ. Quod verò optemus non Deum ipsum sanctificari, sed *nomen eius*, ratione non caret. Nam ille non tantum est perfectissimè sanctus, sed ipsamet sanctitas; & quicquid in Deo est Deus est. Ideoque oramus, ut nomen eius in terris sanctificetur à mortalibus, quemadmodum ipse tam nominis quàm essentiæ ratione perfectissimè sanctus existit: non quòd in nostra manu sit vel ipsi, vel nomini ipsius sanctitatem dare, sed ut Deus ex gratia nobis det ipsius nomine sanctè uti. Notandum quoque in hac oratione, uti in cæteris, Deum à nobis compelli numero vnitatis (*tu*) quum inter homines nota magnitudinis sit numerus multitudinis (*nos*). Si causam requiris, Deus vnus est, imò ipsa vnitas: non quòd vnicam credamus in deitate personam, cum Iudæis, Arianis, & hæreticis, Filium simul & Spiritum sanctum expungentibus; sed quia tres licet sint personæ, vna tamen est & indiuidua essentia, vna scilicet in tribus, & tres in vna, non diuisi sed distincti, iuxta Symbolum Athanasij. Quum itaque vnus tantum nobis orandus sit, cui omnis debetur gloria, numero vnitatis per excellentiam eum compellamus (*te*) eximentes è fastis nostris Ethnicos illos deos, cum Pontificis Romani Sanctis. Nam cultus sui æmulos non patitur Deus, ut ipse in secundo Decalogi præcepto de se testatur: & Esaia 42. negat se alteri daturum gloriam suam.



VENIAT REGNUM TVVM. Hæc est secunda petitio, tresq; admittit interpretationes, omnes cum Analogia fidei conuenientes. Prima est, quod orantes *regnum tuum veniat*, petere debeamus singuli, vt illius regni compotes fiamus, & tempore diuinitus præfinito perducamur eò, quæ multorum Patrum sententia est. Secunda, quòd hic oremus secundum Domini aduentum, quæ se pollicetur maturaturum propter electos: ratio petitionis est, vt miseriarum Ecclesiæ aliquis tandem sit finis, imprimis propter horrendam illam, quam minatur Deus in nouissimis diebus, apostasiam, miserabili experientia nimis heu notam huic sæculo fide in terris non inuentâ, & charitate multorum frigente. *Luc. 18. 8. Mat. 24. 12.* quisquis autem hunc verborum sensum elegerit, proximam petitione si intelligat necesse est, *interea temporis fiat voluntas tua, sicut in cælo & in terra.* Tertia, cui ego magis faueo, vult hæc verba (*Veniat regnum tuum*) per sequentem petitionem (*Fiat voluntas tua sicut in cælo sic & in terra*) planius exprimi & declarari. Huic autem interpretationi vt magis faueam, duæ faciunt causæ: Vna, quia in Euangelio familiare est Christo per regnum cælorum intelligere Ecclesiam militantem: & omnibus fidelibus ex officio incumbit pro Ecclesiæ prospero statu, & pro pace Israelis preces fundere. Altera causa est in ea ipsa, quæ sequitur, petitione, *Fiat voluntas tua, &c.* id est, vt per florentem Ecclesiæ statum, tanquam per medium, voluntas Dei fiat in terris, sicut in cælis. Quòd ad priorem sensum attinet, etsi iubemur, conspèctis nouissimi dici signis prognosticis, *capita nostra \* attollere*, scientes su- *\* Luc. 21. 28.* premum illum & liberationis nostræ diem prope esse; etsi S. Paulus nobis dicit *creaturas omnes \* gemere & parturire, vt renouentur: & D. \* Rom. 8. 22.* Iohannes, postquam, raptus spiritu, tum multa alia cœlestia mysteria, tum diuini throni gloriam conspexisset, à tam glorioso spectaculo in hæc verba erumpit, *\* Etiam veni Domine Iesu*; clarum tamen in sacris *\* Apoc. 22. 10.* literis locum non inuenio, vbi iubentur fideles maturationem domini aduentus continuò orare. & hæc verba ex oratione Dominica ad id citare, nihil aliud esset, quàm principium petere, & controuersum pro confesso sumere. Quanquam enim mors ex carcere hoc & corpore peccati in æternam beatitudinem vendicet fideles, extincto in ijs per Christi mortem & passionem ipso mortis aculeo: & S. Paulus, in profundam raptus contemplationem, *cupierit \* dissolui, \* Phil. 1. 23.* & esse cum Christo; nobis namen orare non licet, vt maturetur mors nostra. Et quod illa in die nouissimo vniuersalis transmutatio erit omnibus electis, idem est vnicuique fidelium sua mors; nisi quòd illam rerum dissolutionem maior sequetur gloriæ mensura. Ceterum, quòd Dei regnum venire optemus, perinde est, ac si optaremus Ecclesiam Dei in terris indies augeri, & electorum numerum vsque & vsq;

multiplicari; denique copiosam messem à Deo mitti, cum idoneo operarum numero.

FIAT VOLUNTAS TVA SICVT IN CŒLIS ET IN TERRA. Hac tertia petitione, meo quidem iudicio, optantur media, quibus Dei regnum consequamur; quasi dicas; *Veniat regnum tuum, & in hunc finem voluntas tua fiat.* S. Lucas habet (*sicut in cælo sic & in terra*) ostēdens quantā à nobis cura optandum sit, vt diuina voluntas eodem prorsus modo in terris fiat, quo in cœlis. Deo duæ sunt voluntates; vna nobis *reuelata*, quæ dicitur *voluntas signi*, & hîc intelligitur: altera *occulta*, quæ dicitur *voluntas beneplaciti*, in æterno ipsius consilio: per quam omnia regit, & in gloriam suam tandem dirigit, sæpè è malis causis bonis eliciens effectus, & è tenebris lucem: nempe, ad misericordiæ suæ aut gloriæ mensuram implendam. Vnde S. Augustinus dicere ausus est, *bonum est vt sit malum.*

Precandum est igitur, vt quemadmodum Ecclesia triumphans in cœlis, ita militans in terris reuelatæ eius voluntati pareat, & discamus singuli rationem nostram subiicere, & voluntatem captiuam dedere eius mandatis. Quod si fieret, maiore sanè cura vtramque legis tabulam hodie obseruarem; hæresibusque & schismatibus, & nouis opinionibus liberior esset Ecclesia. sed nihil tale in hoc mundo expectandum est. Vnicum restat votum, vt Deus augeat & multiplicet, quæ in Ecclesiam contulit, dona, iuxta eam mensuram, quam suæ gloriæ & nostro solatio maximè nouit conducere. Inhient vani Chiliastæ terrestræ illud Christi regnum mille annorum, & Brightmannus cœlestem illam Ierusalem è cœlis deiectam stabiliat in terris; nobis è Dei verbo nihil certius esse debet, quàm nouissimos dies fore pessimos, & maximè periculosos. Quòd verò ad decretorum diuinorum, & occultæ illius voluntatis executionē attinet; eam vtiq; petere non iubemur quia est ineuitabilis. itaque sine murmure illi nos oportet submittere, dicentes cum Seruatore. *Mat. 26. 39. Non mea voluntas fiat, sed tua.* Nam primus symboli Apostolici articulus nos docet Deum esse omnipotentem; vtut Vorstius, & Arminiani voluntatem occultam, & æternum decretum illi eant ereptum; quibus authoribus multa in mundo fiunt, nolit velit Deus.

PANEM NOSTRVM QVOTIDIANVM DA NOBIS HODIE. Hæc petitio est ordine quidem quarta, sed prima earum quibus singuli aliquid petunt sibi; præmissis nempe votis pro Dei gloria promouenda, & quod hinc sequitur, pro totius Ecclesiæ militantis fælicitate. Quamquā verò vnūquemq; oporteat hoc sibi petere, petimus tamē pro nobis in numero multitudinis, vt charitatē nostrā ostendam⁹, & sympathiā cum cæteris mēbris corporis, cuius caput est Christ⁹. & sic in reliquis, quæ

quæ sequuntur, petitionibus, iuxta illam noui Testamenti regulam,  
 \* *Orate alij pro alijs.* Et hoc verbo (NOSTRVM) monemur vtiq[ue] pro nobis ipsis nunquam esse orandum, nisi eadem opera oremus pro proximis. Sed hac mutæ orationis regula nostras ad Sanctos preces fundare, vt illi pro nobis orent; hoc verò nimis longè petittum est: & sequeretur inde, nobis quoque pro sanctis orandum esse, quemadmodum illi pro nobis orant, quia nempe iubemur alij pro alijs orare. Certè, qui in terris sumus iubemur mutuam præstare alijs in orando operam: sed nec in eo præcepto, nec alibi vlla est in sacris literis aut Sanctorum aut Angelorum mentio. & in Theologia, vbicunq[ue] de cultu Dei agitur, certissima regula est, *quod dubitas ne feceris*; secundum illud D. Pauli Rom. 14.5. *Vnusquisque in animo suo plenè certus esto.* Præterea neminem conceptis verbis inuocamus, vt pro nobis oret; quemadmodum Papistæ Sanctos suos. vnum habemus Deum, vnum etiam mediatorem Dei & hominum Christum Iesum, \* qui omnes ad se inuitat laborantes & sustinentes onera, qui iubet vt ipsos infantes finant ad \* se accedere. Ita 1. Ioh. 2.1. Si quis peccauerit, aduocatum habemus apud Patrem, Iesum Christum, & Rom. 8. Spiritus Sanctus interpellat pro nobis suspirijs inenarrabilibus. Plures mediatores in cælis non noui; nec quisquam alius promptius aut volet aut poterit nos audire & iuuare. Nec eam quæstionem nunc tango, vtrum Sancti & Angeli pro nobis orent, necne: hoc certò scio Deum in verbo suo nobis authorem non esse, vt eos ad id inuocemus.

\* Iacob. 5. 16.

\* 1. Tim. 2. 5.  
Mat. 11. 28.

\* Mat. 19. 14.

Quod autem hac petitione flagitamus, est *panis noster quotidianus*, quem *hodie* mendicamus à Deo. Panem autem quotidianum à Deo hodie mendicamus, vt constet ab infimis mendicis ad summos reges neminem esse mortalium omnium, qui non necesse habeat temporalia bona, quæcunq[ue] illi opus sunt, quotidie à Deo postulare. Eget enim in horas singulas, & momenta horarum, adiutorio diuino nostra necessitas, tam in temporalibus, quàm spiritualibus rebus. ideoque D. Lucas ait *de die in diem*, quotidianam exprimens necessitatem nostram sic orandi. Et obseruare debemus non modò in hac petitione, quæ prima est è quatuor illis quibus vnusquisque orat pro se, verum etiam in tribus sequentibus verbum illud (*hodie*) quam expresse positum non sit, intelligendum tamen esse. opus enim habemus quotidie, imò horis singulis remissionem peccatorum nostrorum orare, & ne inducamur in tentationem, & vt liberemur ab omni malo. Similiter per verbum (*hodie*) intelligitur rerum necessariorum \* per totam vitam suppeditatio, quo sensu in varijs Scripturæ sacræ locis vox ea vsurpatur.

\* Heb. 3. 7.



Idem quoque verbum monet non nisi peregrinos esse nos in hoc mundo, ideoque nec laborandum esse, ut hanc vitam pleno instruamus rerum apparatu, secundum Seruatoris regulam Apostolis traditam, *Nolite esse solliciti in crastinum*, non quod hinc legitima vllius hominis prouidentia iuxta sortem suam damnetur, id enim esset Deum tentare; sed tantum, quod anxia illa & diffidens sollicitudo remouenda sit, ne rerum caducarum prouisionem eximij illius & cælestis thesauri curæ anteponamus, sed præcipuam semper in Deo locemus fiduciam, qui nostram moderatam & legitimam in rebus parandis industriam successu beabit; memores utique frustra plantari aut feri, nisi Deus incrementum det & benedictionem. Prima enim in nobis cura esse debet habitationis nostræ cælestis, tum verò diuini fauoris aura nostram prosequetur diligentiam in moderata rerum necessariorum prouisione: *hoc primum facere oportet, & illud non omittere*, ut Christus dixit Pharisæis, Matt. 23. 23.

PANIS nomine, quem petimus à Deo, intelligendum venit omne genus alimenti, & quæcunq; alia sunt nobis opus in vita. *panis* enim, quia cõmunissimū est & maximè necessariū hominis alimentum, pro omnibus alimentorū generibus in sacra pagina usurpatur. Et in nostris hisce Boreali bus plagis, vbi plus quàm alibi carniū absumitur, fruges solæ *victualium* merentur nomen. *victualium* autem appellatio à victu est, quia inde viuitur. & quanquam ingens sit carnis vis quæ à nobis absumitur, annum tamen non aliunde felicem aut sterilem iudicamus, quàm ex vilitate & caritate annonæ. Propterea Christus Sacramenti materiam constituit *panem*, ut significaret hoc esse pabulum nostrum, *nam illius caro verè est cibus*. vnde & *Panis* nomine spiritualis quoque cibus noster intelligi potest, non abhorrentibus ab eo sensu græcis vocibus (*ἄρτος ἰσχυρός*) quanquam mea sententia corporis alimentum hinc præcipuè notetur. PANIS appellatione comprehenduntur quoque cætera ad hanc vitam necessaria, ut discamus è temporalibus bonis ea tantum nobis petenda, quæ ad *esse* necessaria sunt, quum pauperum & diuitum commune alimentum sit panis; vel ad summum, quæ ad *bene esse*, haud quaquam verò, quæ ad luxum & superfluitatem ducunt. talibus enim plerunque abutimur in perniciem nostram, & illecebræ duntaxat nobis sunt ad peccandum. Quod si & hæc quoque ex immensa sua benignitate nobis largiatur Deus, gratos nos esse conuenit sobrieque & modestè illis uti, iuxta sortem nostram & conditionem, semper memores vnde profluxerint. Quum autem *Panem* oramus, id est, omnia temporalis vitæ subsidia, *baculus* quoque *panis* nostro voto comprehendendus est, orandumque, ut benedictio diuina comitetur dona sua, quo in vsus, quibus sunt destinata, nobis inferuiant

seruiant: aliàs, etiam cum in ore est panis, peribimus fame, & moriemur vt Israelitæ, cum coturnicum carnibus inter dentes, supereritque nobis affluentia rerum omnium, quas mundanæ vitæ necessitas exigit, deerit tamen earum fructus & solatium; instar miseri Diuitis, qui in opum copia interiit inopia, aut muli illius dossuarij, qui pabuli onere degrauiatus nulla eius portiuncula latrantē mitigabat stomachū. Iam verò quòd Deum oramus, vt hoc, quicquid est, nobis concedat, intellectu non est difficile: nam ille solus est cœli & terræ, & omnium, quæ in ijs sunt, Dominus proprietarius; nos, dum illi visum erit, vsufructuarij duntaxat & coloni, & quidem particulæ alicuius in terræ globo, quam pro suo beneplacito in singulos contulit. Nam *Dominus est terra, & plenitudo eius.* Psal. 24. 1.

ET REMITTE NOBIS DEBITA NOSTRA, SICVT ET NOS REMITTIMVS DEBITORIBVS NOSTRIS. Hæc quinta est petitio, maxima & grauissima earū, quæ sunt vniuscuiusq; pro se: idcirco nefas est alia lege inæstimabile hoc beneficium, remissionis debitorum nostrorum, à Deo petere, quàm si nos debitoribus nostris remittamus. S. Lucas conditionem hanc clariùs exprimit his verbis: ET REMITTE NOBIS PECCATA NOSRA; ETENIM IPSI REMITTIMVS OMNIBVS, QVI NOBIS DEBENT. Tanquam hac sola conditione flecti possit Deus, vt nostra nobis condonet peccata, si viderit nos *omnibus* iam condonasse, qui in nos deliquerunt. vbi verò *omnes* exprimuntur, nemo excipitur. Durus est hic sermo apud eos, qui mundi huius iudicio viri fortes habentur. Peccata nostra D. Matthæo *debita* vocantur, quasi argumento ducto à minore ad maius: Si Deum oramus, vt nobis nostra debita remittat, quî fieri potest, vt debitoribus nostris recusemus remittere, nisi expectare velimus mercedem, quam malus seruus \* à Domino suo percepit? Et apud S. Lucam dicuntur *peccata*, \* Matth. 18. 34. vt sciamus multò magis debere nos fratrum nostrorum offensas remittere, quæ, nostris aduersus Deum peccatis longè grauissimis collata, minutula quædā debita æstimanda sunt, quum patri nostro cœlesti supplicemus, vt innumera & mortalia delicta nobis velit cōdonare.

In voto hoc autem nostro, vt Deus *remittat nobis peccata nostra*, latet tacita peccatorum nostrorum confessio: nam si nulla nobis forent admissa, nihil opus esset hac veniæ petitione. Vnde necessario efficitur, si verum est Ecclesiæ Romanæ dogma, quod decem præcepta ita possint à quibusdā seruari, vt omnia caueantur mortalia peccata; eximendos esse eiusmodi homines à Dominicæ Orationis recitatione, tanquā ea non indigentes. Nec consequentia hæc per mortaliū & venialium peccatorum distinctionem elidi potest. Quorsum enim attinet à Deo petere venialium peccatorum remissionem, quum tot in-

\* Quondam  
felix hic error  
fuit in *Romana*  
*Ecclesia*: nam  
intolerabili &  
prodigioso in-  
dulgentiarum  
abusu excita-  
tus fuit *Luthe-  
rus* ad vulnus  
hoc, quod  
nunquam sa-  
nabitur, Pon-  
tificis iurisdic-  
tioni infli-  
gendum.

*Prov. 24. 16.*

\* *Luc. 5. 16.*

*Matth. 18. 17.*  
*Matth. 8. 4.*  
*Ioh. 20. 23.*

\* Iuxta cuius-  
dam Iesuitæ  
placitum, vt  
habetur in re-  
sponſione ad  
Epist. Cardina-  
lis *Peronij*.  
pag. 28.

dulgentias, quotlibet nummis tuis \* coëmere, à Romano Pontifice impetrare possis, pro venialibus simul & mortalibus, pro iam commissis peccatis & in posterum committendis? quæ gratia longè maior est, quàm vlla à Deo nobis vnquam promissa. Et testor fidem vidisse me ex hoc genere duas authenticas Bullas, vnam in Scotia, in teneriore mea ætate, Sacerdoti cuidam Scoto creptam; alteram hîc in Anglia homini Hiberno ablatam, vtramque condonantem peccata & præterita & futura. Sed ad distinctionem inter mortalia & venialia peccata iam regredior. Nam venialia peccata (vt ipsi docent) animas duntaxat in Purgatorium abducunt, cuius clavis est penes Pontificem, claudentem fores & recludentem pro arbitrio. At nemo (vt spero) ambigit, quin omnes Apostoli oratione Dominica vsi fuerint, nempe ipsis à Domino speciatim tradita, vt ex S. Luca apparet: & verisimile est tam sanctos eos fuisse, & mortalia peccata tam pauca admisisse, quàm vllus è Pontificis Sanctis, quos nuperæ celebrât Legendæ. Sed in Matthæo iubemur omnes sic orare: at, vbi omnes iubentur, nemo excipitur, ne quidem illa, quam omnes ætates beatam dicent, Diua Virgo; vt ut Franciscani, & cum ijs Bellarmin<sup>9</sup>, eam ab omni peccato & originali & actuali tentarint absolvere. Nec vllus dies sine hac generali peccatorum confessione & veniæ petitione nobis elabi debet, *Septies in die cadit iustus*. Hic igitur ab ipso Deo docemur fateri peccata nostra, at verò in sacris literis nusquam occurrit necessitas hæc nobis imposita sub æternæ mortis pœna, vt abditissima, quæ admisimus, peccata Sacerdoti nota faciamus. nam si vel cogitatiunculam iniustam celaueris, ilicet oleum cum opera perdidisti. Quòd enim ad illum locum attinet, *Confitemini* \* *alij, alijs* si intelligatur de mutuis hominum offensis in hac vita, nihil opus est ad hanc confessionem audiendam Sacerdote; vel, si de peccatorum confessione accipias, certè soli Sacerdoti & nulli alteri ea detegere illo præcepto non iubemur: quam fatear neminem inueniri amicam aptiorem, cuius auribus peccata deponas, quam hominem Ecclesiasticum, pium & probum, vnde & solatium percipias, & ex potestate clauium peccatorum remissionem. Nec verò ex his locis causam euincunt, *Dic Ecclesiæ*; vel, *Siste te summo Sacerdoti*; vel, *quorum remiseritis peccata*; Nam in primo, *Dic Ecclesiæ*, solè intelliguntur offensæ vnius in alterum; & in eo casu confessionem publicam esse oportet, publicatâ nimirum offensâ ad publicum scandalum tollendû; non vt priuatim (quod illi faciunt) in Sacerdotis aurè omnia insufurres; qui ex officio tenetur nulli mortalium ea detegere, sed perpetuum secreto silentium præstare, licet cum Regis & Reipub. inter necione coniunctum, vel certissimo \* Saluatoris nostri interitu, si nobiscum hic denuò versaretur in terris. At secundus locus, vt *nos sistamus*

*(summo*



*summo Sacerdoti*, de publico quoque actu intelligendus est: ut præteream fieri id solitum magis ad publicam gratiarum actionem, vel ad partem sanitatis aut alterius cuiuspiam beneficii indicium; ut manifestum est ex historia \* *le-* Mat. 8. 4.  
*prosi purgati*, cui Christus id iniunxit. Terti<sup>o</sup> locus, *quorum remisistis peccata*, continet sanè potestatem clauium datam Ecclesie; neminem tamen obstringens, ut per auricularem confessionem priuato Sacerdoti delicta omnia enumeret; sed ministerialem Ecclesie potestatem ostendens in condonando, id est, declarando remissa esse in cœlis peccata, quorumcumque satis pœnituit auctores in terris. Veruntamen non pudet Bellarminum dicere, iuris diuini esse coactam hanc eorum Auricularem confessionem, & verbi Dei autoritate niti. Ego cum Caluino \* confessionem priuatam viro Ecclesiastico factam probo Inst. lib. 3. cap. 4. sect. 12.  
 (quemadmodum antea professus sum) optaremque ex animo frequentiore esse eam apud nos, rem citra controuersiam præstantissimius, præsertim parandis hominum animis ad sacram synaxim: sed necessitas hæc illius à Romana Ecclesia iniuncta, ut arcanas cogitationes, quæcunque speciem habent peccati, aperiamus Sacerdoti, mihi probari non potest; vtilissima quidem ea Ro. Ecclesie, sed nulla diuini verbi auctoritate subnixa.

Cæterum conditio addita pacto huic inter Deum & nos, quod nobis nostra peccata remissurus non sit Deus, nisi nos nobis inuicem remittamus, durus est (ut iam dixi) fermo, præsertim apud eos, qui magnos gerere spiritus vulgò æstimantur: sed mihi persuasum est, nisi hoc fecerimus, frustra nos ad æternæ illi<sup>9</sup> habitationis fastigium adspirare. Quandoquidem igitur hæc conditio est *causa sine qua non* salutis nostræ, meritò in æternæ felicitatis negotio ista nobis veniunt seriò examinanda: in primis, quod lucrum aut damnum facturi simus, conditionem hanc nobis propositam explentes vel negligentes: deinde verò, an facile possit expleri, si nobis non defuerit bona voluntas, Quod ad prius attinet, res manifesta est: nam conditionis illius obseruatione lucrificamus regnum cœlorum, impetrantes peccatorum veniam: eâ verò neglectâ cœlorum fores nostra nobis manu occludimus: nam sine peccatorum remissione nulla salus. Quod ad alteram quæstionem; magnanimi nostri, vel qui tales haberi volunt, duram esse hanc aiunt & impossibilem conditionem; nec aliud sibi hîc restare, nisi ut ad diuinæ misericordiæ asylum fugiant; quemadmodum in multis alijs præceptis, verbi gratia, *Si quis te cedit in dextram tuam maxillam, obuerte illi & alteram*; Et, *Si oculus tuus facit ut offendas, erue eum, & abijce abs te, melius est enim tibi, &c.* Verum hæc præcepta non intelligenda sunt absolutè; ut Anabaptistarum nonnulli prius illud interpretati sunt, & quidam \* Hæretici posterius; sed compara-

Mat. 5. 39.

Matth. 18. 9.

\* Origenes in simili causa meritis luit pœnas, qui, quum planissima quæque Scripturæ loca verteret in allegorias, in vna castrationis allegoria tantopere cæcutijt, ut se ipse castrarit.

tiue,

tiue, in hunc sensum; melius esse, vel minus nocere, vt feras alteram iniuriam, quàm vt ipse vindices acceptam, resistens malo ratione mala, & gladium ultionis Deo, & Magistratui, eius Vicario, eripiens. alioquin fortitudo, quæ rectè definita & intellecta summa est virtus, pro vitio profectò habenda esset. Nam vim vi repellere est iuris naturalis, & Seruator venit non euersurus aut perditurus, sed directurus & sanctificaturus naturam. Et ausim dicere, neminem citari posse è recentibus fabulis Heroem, qui fortitudinem & viros \* fortes maiore prosequatur encomio, quàm sacræ Literæ: sed vero vsu tota eius laus constat.

\* Est athei Machiaveli placitum, per religionem solui vigorem animi, quod Martyrum infirmorum constantia abunde iam refutatum est.

Quod dicitur *de oculo eruendo*, non absimilem sensum habet. nam, si per oculum non liceat tibi à peccato abstinere, præstat, vel minus nocet eum erueri, & cum alterius iactura saluum fieri, quàm vtroque saluo damnari. Neque literalis huius loci sensus admittendus, de alicuius membri amputatione, vel destructione; nam parricidij quædam species hæc foret: sed solummodo, si quis sensuum nos in peccandi periculū conijciat, verbi gratia, venustioris scæminæ adspectus nos ad libidinem alliciat, aut alius quispiam sensus peccandi materiam nobis obijciat; vt eiusmodi occasiones, quæ aliàs illicitæ non forent, declinemus potius, quàm tentationis periculum per eas adeamus. atque ita nobis ipsis negantes rei gratæ & placitæ adspectum, alterum quasi oculorum ipsi nobis eruiamus. Sic nosmet ipsos priuantes rerum iucundarum auditu, aurium alteram quodammodo nobis amputamus: eodemque modo in cæteris sensibus. Nam quando nos ipsos fraudamus vsu sensus, qui nos maximè oblectat, quodammodo sensum ipsum abijcimus.

Quòd autem conditionem hanc in oratione Dominica impossibile aiunt, respondeo, blasphemiam esse impossibile iudicare aliquod mandatorum Christi. tum enim semendacij obstringeret Seruator, proprio edicens ore *ingum* \* *suum leue esse*, & *onustos ad se inuitans, vt eos leuet*. Ideo enim in hunc mundum venit, vt meritis suis & passione nos à seruitute legis in libertatem filiorum Dei assereret. Quum igitur huius conditionis pretium sit ipsum regnum cælorum, nec modò possibilis sed facilis quoque eius obseruatio, si quis id serio in animum induxerit, cur non omnem mouemus lapidem, vt tantam consequamur beatitudinem, & parem declinemus miseriam? nam nihil est hîc tertium. Vnica verò ratio, quæ faciat nos hoc posse, est seria ad Deum oratio, vt ille nobis det posse; secundum illud Augustini, *Da Domine, quod iubes, & iube quod vis*. Nam reuera *gratia* est inter flores, qui in nostris hortis non germinant: sed in bono proposito (vt ante monui) animus obfirmandus est, non segniter agendum,

nec

\* Matt. 11.  
18.30.

nec ad diuinæ misericordiæ asyllum ideo fugiendum, quia quod iubetur cum nostro ingenio, & deprauatis affectibus non quadrat. Nam eius mandatis scienter reniti, est misericordiam, quæ non nisi obedientibus offerri solet, reijcere & contemnere: & non parere imperio, quia, quod imperatur, cum nostra pugnat indole, simile est excusationi, quam Tobacci helluones suæ prætexunt intemperantiæ; quòd ab olidissimo fumo abstinere nequeant, quia scilicet eius amore fascinati sunt. Et hæc est cuiuslibet demum peccati excusatio: abstinere nolunt, quia non possunt: sed, si verum amamus, nolunt quia non libet; instar pigri nebulonis, qui postquam in lecto iacuit, & plus, quàm sat est, dormijt, surgere tamen non potest, quia propter ignauiam non libet.

Sed quum fieri non possit, vt offensas condonemus, nisi habeamus charitatem; visum est breuiter vitium ei contrarium describere, odium scilicet & vindictam; vt ea ratione diuina illa virtus magis nitatur, suisque splendeat coloribus, contrario scilicet per diæmetrum opposito, iuxta vetus illud & verum, *Contraria iuxta se posita magis elucescunt.*

Odi & vindictæ vitium in hominibus à veræ fortitudinis inopia, & degenerare animo proficiscitur, in bestiis verò & reptilibus ab ignauia. hominum autem vilissimi & maximè degeneres sunt reprobi, & cælesti regi rebelles. Nam qui gratia Principis alicuius excidunt, & è terrena eijciuntur aula, longè inferiores sunt illis, quos gratia ad eximios honores prouexit. Primus mortalium hoc scelus ausus est Cainus, aduersus fratrem Abelem. nam quum de Deo ipso, scilicet agente, qui, eo repudiato, fratris sacrificium gratum habuit, vindictam sumere non posset, conuerso odio fratrem interemit, qui patientis personam duntaxat sustinebat. quid hinc sequutum est? exlex ille & fugitiuus factus est, à Dei præsentia, à patris conspectu. O fortissime Caine, quantum tu honoris & gloriæ consecutus es, nobili hoc & virili patrato facinore, quòd ante alios omnes cædis exemplum dederis, & innocentem sanguinem primus effuderis? Post hunc alter nobis occurrit, qui non contentus idem facere, de facto quoque gloriatus est, tanquam re memorabili & viro digna. & hic erat Lamech, qui vindictam suam coram vxoribus venditauit, vt illis (quemadmodum creditur) sui metum incuteret. Sed si verum est, quod nonnulli è Iudæorum Rabbini conijciunt, ille Cainum interfecit, & pro mercede maledictionem retulit, quam Deus, quum Cainum nota insigniret, eius occifori interminatus est. Vt ut est, satis constat vtrumque damnatum fuisse, eorumque posteros diluuiò absorptos. Sed ad hanc

rem



rem plura exempla citare non est necesse, quum multa millia huius generis singulis sæculis occurrant.

Vnum igitur gradum descendam ab impijs ad ignauos. quam enim scelerati & exleges bonis & probis viris multò sint inferiores, infra sceleratos tamen sunt ignaui, quum ne inter viros quidem mereantur censerì. Est autem veritas hæc notissima & irrefragabilis, sæuiore natura esse & proniores in vindictam, ignauos fortibus. Nam ignauus nunquam se satis tutum putat ab hoste; quem si vel mortuum conspiceret abiectumque ad pedes, metueret tamen (quod in Gallico est prouerbio) ne illi in oculos insiliret. Iam infra hos descendentes fœminas intueamur, viris sanè vasa debiliora. esse has maxima ex parte pusillanimes vulgo notum est, at viris esse multò sæuiore cupidioreque vindictæ non minus extra controuersiam est.

Quòd si & ad bestias vsque descendere libeat, quo quæque est meticulosior, eo sæuiorem deprehendes & appetentiorẽ vindictæ: quid de Leone iudicandum sit, ex meo monemur emblemate, —*est nobilis ira Leonis, &c.* Adhæc, animalia, quæ ex raptu viuunt, pleræque omnia & generosissima, non ultionis studio, sed fame, & necessitate alimenti aguntur in prædam: at cerui, quibus natura tantum indidit metus, vt sagacis canis latratu ingentia eorum armenta, ad nescio quot milliaria, fugari soleant, aduersus hostem pro se nihil audent, nisi aut libidine acti, aut desperatione, aut vindicta; victoriam tamen, quam semel consecuti sunt, tam impotenter & crudeliter exercent, vt hostem victum, quem iam vita reliquerit, longo tempore illi non relinquunt; sed exanime cadauer perpetuis fodiant vulneribus, insultantes mortuo, calcantésque.

Quò verò notior fiat pauidissimorum animalium sæuitia, ultionisque cupiditas, visum est mihi hoc loco narrare, quod à duobus ceruis in totidem viuarijs factum fuisse ex hominibus fide dignis accepi. Horum alter in paruo viuario Vicecomitis Bindonij, recentis memoriæ, quum Veneri intentus duas secum ceruas in viuarij angulo haberet, superueniente fortè custode, qui pro more viuarium obibat, fœminæ dilapsæ sunt: ceruus vnà fugiens, quum eas sistere non posset, subito videlicet pauore attonitas, custodem semel aut bis respexit, irato & minace vultu, nihil vltra eo tempore molitus. Sed, biduo admodum elapso, custodi viuarium obeunti insidiatus, postquam eum sensim in angustias compulisset, versùs septum viuarij, cornibus, quantum potuit, in eum inuectus est, &, fracto venabulo, multa homini inflixit vulnera, quibus secundo aut tertio post die interiit, licet ceruus eo tempore, nescio quo casu, ab eo absterritus fuerit. Alter ceruus ex  
eorum

eorum numero fuit, quos Suffolciæ Comes in viuariò primos con-  
clufit. Is quum anni hora veniffet, qua Veneris œſtrum ſentiunt,  
victus à maiore ſenioraque, atque ita à ceruarum coniugio abactus,  
ſequente vere tempus obſeruauit, quo æmulus cornua abiecerat, quæ  
iple minoris ætatis beneficio retinebat. Nec mora, matutina quadam  
hora eum inuaſit, primò quidem vno cuſtodum ſpectante, deinde om-  
nibus, qui licet pedibus equiſque, quantum poterant, eum ſequerentur  
alterum à periculo vindicaturi, non tamen ante deſtitit eius veſtigia  
premere, vt leporem vrget canis, quàm plurimis eum vulneribus  
conſeciffet. Illum ego poſtea canum miniſterio occidi: nec alio  
quàm *Latronis* nomine à me & venationis comitibus inſigniebatur.

Ex omnibus autem animantibus nullum eſt inutilius humanæ vi-  
tæ, aut minus neceſſarium ſimijs, & cercopithecis, in ludibrium na-  
turæ (vt viderur) creatis: quorum aliquos quocunque iret, circum-  
ferre ſolebat Galenus, vſibus anatomicis, propter eam, quam cum hu-  
mano corpore habebant, ſimilitudinem. Nam Galeni tempore vi-  
rorum aut ſcæminarum corpora ſecare, res erat horrenda & inhu-  
mana; quo in genere minor nunc eſt Chriſtianis religio, quàm Ethni-  
cis tunc fuit. His animalibus tanta à natura inſita eſt ignauia, vt ne-  
minè inuadere aut mordere auſint, niſi ſcæminas, aut pueros, aut quos  
meru percuſſos fugientesque conſpexerint: at iniuriæ memoriam ad  
biennium vel triennium conſeruant, occaſionem vindictæ, quacun-  
que poſſunt ratione, circumſpicientes. Iam ſi & ad ea quoque animalia  
te dimittere volueris, quæ terræ puluerem lambunt, ſerpentes dico, &  
reptilia venenofa, malitiæ eorum & vlticis ingenij plenæ ſunt hiſto-  
riæ. Sed nihil eſt hoc in ijs noui. nam in fatiſ eſt, quòd *ſemen mulie-  
ris conteret caput ſerpentis, & ſerpens illius calcaneum mordebit*. Quineti-  
am (vt huic rei finem faciamus) ſi in loca omnium infima deſpexe-  
ris, ipſum dico infernum, Dæmonas, eius incolas, deprehendes nihil  
niſi malitiam & vltionem ſpirantes. Satan ab initio mendax fuit, &  
homicida. primum eius poſt lapſum opus fuit, in hominem, Dei  
imaginem, ſe vendicare, idque fraude mala, quum Deum ipſum ſupra  
ſuam videret malitiam, electo ad hanc rem malignæ beſtiæ, Serpentis,  
miniſterio. Et iam ex præcipite peccati deſcenſu, ad infernum vſque,  
fatiſ (vt opinor) conſtat, non minùs vile eſſe, quàm graue peccatum  
hoc, & veræ fortitudini contrarium. Sed quum infernali carcere,  
vnde primitus emerſit, à nobis iam concluſum ſit, ibi ſanè deſtitua-  
tur. nos interea diuinæ illius virtutis, quæ Tartareo huic vitio oppoſi-  
ta eſt, charitatis nempe, contemplatione adſpectum oblectemus.

Nec duntaxat diuina quædam virtus eſt charitas, ſed & Deus ipſe  
eſt charitas, quemadmodum iam dixi. \* D. Paulus illas tres mag-

1. Cor. 13.

nas

nas virtutes Theologicas recensens, sine quibus nemo saluari potest, non modò vnam ex ijs charitatem facit, verum etiam omnium præstantissimam; absque qua cæteræ nullius sint pretij. & ex ijs omnibus sola charitas habenda est permanens virtus. nam Fides & Spes electos, tantum dum in terris sunt, comitantur; Charitas nunquam eos deserit neque in hac, neque in futura vita. Quin, si Deum ipsum intuearis, *miserericordia eius supra omnia opera eius.* at misericordia est charitatis opus. Cum Deo habitat charitas: eâ vestiuntur electi omnes, Angelique & Sancti in æternum. Nescio quo casu titulis meis additum fuerit nomen *Pacifici*, primo meo in Angliam ingressu, quum Leonis imagine, quo antehac emblemate utebar, vera exprimeretur fortitudo. sed me huius additamenti non pudet. nam in eo ipso typus Christi fuit Salomon, quòd *Rex pacis* fuerit. Hoc maximum erat donum. quo Christus, iam in cælos adscensus, ornauit Apostolos, quòd *cum ijs pacem suam reliquerit.* Ipsemet pro persecutoribus suis orauit, & (quod in prouerbio est) suam illis mortem condonauit: tamque altè charitatis suæ vestigia impressit discipulo, quem amauit, quique in eius sinu recubuit, vt nihil dixerit ille discipulus, nihil scripserit, nihil fecerit, & quodammodo nihil spirarit in vita, nisi amorem & charitatem, tum Beatæ Virgini, tum Seruatori. Christus in cruce cohabitationis charitatem illis commendauit, tanquam matri & filio. Et sanè stilus illius, in scriptis omnibus, amore exuberat & charitate, nec aliud quam charitatem sonant eius Euangelium & Epistolæ. Et S. Hieronymus, ætate iam decrepita, quum nec concionari posset nec propemodum incedere, ait se in concionatoris suggestum non semel curasse duci, & repetitis sæpe verbis illis (*Paruuli amate alij alios*) vnde venerat rediisse; & cum interrogaretur, cur eam sententiam toties repeteret, respondisse, nouum hoc esse & vltimum nobis relictum à Magistro nostro præceptum, & si solum fiat, sufficere. Sed tertium Euangelij illius caput, supra cætera, meretur Christianorum omnium cordibus literis inscribi marmoreis, præsertim versus eius decimus sextus, *Sic Deus dilexit mundum, &c.*

S. Hieronym.  
in Epist. Pauli  
ad Galat.

Hoc Soceri  
mei enchiridi-  
on D. Petrus  
Iunior, vetus  
meus Præcep-  
tor secum attu-  
lit è Dania, &  
mibi ostendit,  
subiuncta illa  
mortis. quam  
narro, histo-  
ria.

Et hîc res postulat, vt de Socero meo, nupero Daniæ Rege, ad æternam illius memoriam famamque hoc referam; quòd, quum literatus non fuerit, selectiores tamen & solatij pleniores Psalmos sua manu transcripserit, libello, quem perpetuò secum ferebat, vt Alexander Macedo Homerii Iliada. In morte, partem illam tertij capitis Euangelij Ioannis iterum atque iterum sibi legi voluit: qui vt hoc modo fœliciter abiit è vita, ita sobolem numerosam & beatam sibi superstitem reliquit: & in prole vnus è filiabus eius spero Deum Opt. Max. mecum vna in re acturum, quemadmodum cum Iobo, si non restituendo



endo mihi liberos quos abstulit, saltem in natis natorum meorum eos superstites conseruando: & Deum precor, vt opus hoc misericordiae suae, quod in me iam coepit, prospero beet progressu.

Sed, vt ad S. Iohannem reuertamur, quam fuerit Deo propter charitatem acceptus, ex eius morte videre est, praeter multa alia virtutis documenta, quae edidit in vita. Pacificè enim, & in lecto suo obiit, iam maturus aui; & quanquam sine Martyrij corona, quae reliquis Apostolis contigit, Confessorum tamen omnium maximè insignis. Vt igitur diuinæ huius virtutis descriptionem finiam, ad perfectissimum illud exemplar vos remittam, quod admirabilis ille, & eruditus, & facundus Sancti spiritus amanuens, in priore ad Corinthios epistola, nobis praeformauit.

Atque ita calami penicillo representata diuinissimæ huius virtutis pulchritudine, quam poteram ad viuum, in tantis spatij angustijs, restat nunc veris eam limitibus circumscribere, & quo pacto rectè ea vii nos oporteat, scientes, ad quos extendi debeat nostra charitas, & quibus occasionibus, & qua mensura; vt ita conditionem eam, quam Deus tanta cura à nobis exigit, nos nostra ex parte praestare valeamus. Quod ad primam quaestionem attinet, citra controuersiam est charitatis nostrae partem omnibus hominibus, & bestiis quoque suo modo deberi. in varijs scripturae locis misericordia nobis praecipitur \* erga iu-  
 \* *Prou. 12. 10.*  
 \* *1. Cor. 9. 9.*  
 \* *Gal. 6. 10.*  
 \* *boui trituranti os non obligabis:* sed praecipue in \* *fidei*  
*domesticos* beneficentia nostra constare debet: deinde verò magis propriè mensuranda est nostra charitas secundum gradus, qui nos viciniùs aut remotiùs tangunt, exempli gratia, in patriam, in Magistratus ecclesiasticos vel ciuiles, in peregrinos intra fores nostras, in viduas & orphanos, in consanguineos nostros & affines, in uxores, parentes, fratres, sorores, liberos, in amicos denique, praesertim, quibus beneficio obstricti sumus. Et quemadmodum omnibus hominibus, sic omnibus occasionibus charitatem praestare tenemur, vbique parati eos iuuare, siue spiritali siue temporalio opus est solatio; seu consilium nostrum expetitur, seu fortunarum nostrarum auxilium. Quibus modis dum succurrimus egentibus, praesertim autem re, charitas nostra iuxta praedictos gradus, & facultates nostras mensuranda est: alioquin eueniet, vt qui antea aliorum onera leuare potuimus, fiamus ipsi alijs onerosi. Ante omnia, omnibus, qui in nos deliquerunt, condonandum est, qua de re nunc propriè agimus. At in cunctis istis charitatis monstrandae occasionibus is modus tenendus est, qui nos ab utroque extremorum vindicet. quanquam enim pro omnibus orare conueniat, cum omnibus tamen conuersari non conuenit, multò minùs cum

1. Cor. 14. 33.  
1. Cor. 10. 12.

Iren. aduers.  
hæc. lib. 3.  
& Euseb. l. 7.  
Ecclesi hist.  
cap. 25.

Ioan. Epist.  
2. 10.

omnibus amicitiam colere. Nam nemo sui ita securus sit, ut non metuat mali sodalitiij contagium. nostis illud, *corrumpunt bonos mores colloquia praua*: ideoque *qui stat videat ne cadat*; præter nominis labem quæ ex perditorum hominum societate contrahitur. Ferunt sanctum illum amoris Apostolum, cuius modò à nobis mentio facta est, Ephesum quodam tempore ad balneum aquæ calidæ \* concessisse, ubi quum Cerinthum hæreticum conspiceret, inde sese proripuit illotus, metu ne balneum, in quo Cerinthus hostis veritatis lauaretur, corrueret. Et sane factum hoc nihil ab Epistolæ illius doctrina abludit, *Si quis venit ad vos, & hanc doctrinam non adfert, ne dicite ei, aue, ne forte participes statis peccati illius*. Quum igitur sanctus hic Apostolus, quem tantopere Dominus dilexit, ita sibi à malo sodalitiio metuerit, tanto æquius est nos cauere quanto nostrum optimus spiritualibus gratiæ donis infra eum est.

Similiter & hæc conditio, *ut condenemus ijs, qui in nos deliquerunt*, suos quoque habet limites, quibus obseruatio illius faciliior euadit. Nam Saluator mandat, ut offensas illis toties remittamus, quoties eos offensarum pœnitet; ita non minus illi obstringuntur ad pœnitentiam, quàm nos ad condonationem, quanquam nostra condonatio ab eorum pœnitentia non debeat prorsus & in totum pendere, Marc. 11. 25. *Quum statis & precamini, remitte, siquid habetis aduersus aliquem, ut & pater ille vester &c.* adeo, ubi ubi vixerit debitor tuus, orare cum fructu non potes, nisi illi debitum remiseris.

Intelligendum quoq; est, per nostram remissionem non ligari magistratuum manus à pœna delinquentium, iuxta delictorem gradus. sic tamen, ut zelo iustitiæ, non nostris commodis aut affectibus seruiamus. Nec in hoc præcepto priuatis hominibus interdicitur, ne iusto Magistratui suas deferant querelas, & compensationem modo iniuriæ convenientem poscant, iuxta seruatoris præceptum, *Dic Ecclesiæ*. Verum vnusquisque nobis amandus est, plurisue aut minoris faciendus, prout eius virtutes, aut bona fama, vel ipsius erga nos affectus merebitur. Nec verò nobis interdicitur moderamen inculpatæ tutelæ, si quis forrè iniuste nos petierit aut inuasit. nam defensio est iuris naturalis & gentium: odium duntaxat & malitiam eiicere conuenit ex animis, & puras à vindicta manus seruare. nam Deo soli, eiusq; in terra vicarijs debetur vindicta, *mibi vindictam, ego retribuam*. Et, obsecro, qualis foret in hoc mundo humanæ vitæ conditio, si vnicuiq; fas esset in sua causa iudicem agere, & suas vlcersi iniurias? Certum est Regibus aut Magistratibus nihil opus tunc fore, qui leges darent; nec populum opinor relinquendum, qui acciperet. passim enim tunc homo homini lupus euaderet, quum aliàs conditus sit *ἵνα κοινωνήσῃ*, ad mutuæ societatis solatium.

Rom. 12. 19.

solatium. Maledictio ea fuit Ismaëli denunciata vaticini, *ut \* manus \* Gen. 16. 12.*  
*eius ferretur contra omnes, & manus omnium contra eum.*

At nostri viri fortes non possunt tam facile iniurias concoquere, & magistratui conqueri erubescunt. Respondeo, erubescendum tunc illis esse, Deo aut legibus parere, vel, quod hinc sequitur, sub eorum tutela vivere; sed Gigantum & fortium venatorum more errandum esse illis in orbe, & viuendum ex rapto. At cui tunc vsui sunt gladij, & qui eos ferunt? permagno sanè, ut Deo, & Regi, & patriæ inferuiant, & se inculpatè defendant, & debiliores, si fortè id exigit necessitas, à potentiorum iniurijs asserant. quanto cum honore produntur in sacris literis Davidis acta? quid non conatae sunt gentes, ut Herculem referrent inter Deos? Legite veteres iuramentorum formulas ab equitum *1. Chron. 12.*  
ordinibus præstari solitas, eam præcipuè *Periscelidis* nostræ, & quæ hodie ab vnoquoq; equite Auarato in Scotia exigitur; vel inde cernere erit, quò miseriæ plerique in hac Insula redacti sint, qui ideo à Sacramento altaris abstinent, quia studium vindictæ in animis circumferunt, obliiti duorum præceptorum S. Pauli, vnus, *ut se examinent,* alteri- *1. Cor. 11. 18.*  
us, *ut accedant.* Satis isti habent se examinare, fortè nunquam accessuri: & accedendi tempus esse negant, donec ipsi fuerint perfecti; immemores, Christum in hunc mundum venisse, non sanorum, sed ægrorum causa; nosq; ad eam mensam accedere debiles admodum, & malè affectos, ut spiritali illo & cœlesti cibo reficiamur, nihil nobiscum eò ferentes, nisi bonâ voluntatè & emédationis propositū. Quòd si ex animis vindictā nolint eijcere, quid proderit à cœna Domini abstinere? quomodo enim orationē Dominicā orare poterunt, nisi debitoribus suis remittant? & quod hinc sequitur, quomodo remissionē peccatorum consequentur, sine qua nulla est salus? Sciant igitur, dum sic viuunt, vivere se exleges, & alienos à Dei fœdere, & si absque pœnitentia moriantur, certo certius damnari. Nemo est fateor tam integræ vitæ, qui non opus habeat subitam & improuisam mortem seriò deprecari, quemadmodum in nostræ Ecclesiæ liturgia habetur, ut tempus pœnitentiæ ante mortem nacti, é corde expurgemus labem peccati, & conscientiam exoneremus. Allicimur enim omnes, & ducimur in nostram perniciem, à tribus illis fortissimis & tremendis oratoribus, Mundo, Carne, Diabolo. Quòd si optimus quisq; nullam vitæ suæ partem periculosa huius militiæ immunè habeat, quid fiat de istis in professâ rebellionem infelicem efflantibus animam, dum præcepto diuino repugnant, nec possunt remissionem peccatorum suorum precari? & tamen nemo istorum vel vnus horæ inducias habet à morte. Certè ego crederem subitæ mortis cogitationem tormentum fore istorum hominum conscientijs perpetuum: attamen ita creuit inter nos



corum numerus, ut non facile sit Papistam ab Atheo hac in re discernere. nam Papistarum plerique, ut Sacramenti neglecti multam legibus irrogatam declinent, odij, & vindictæ prætextu uti solent.

Nunc autem, quod in hac petitione prolixior fuerim, quam in vlla cæterarum, à lectore beneuolo veniam non despero; tum quia remissio peccatorum (ut ante dixi) causa est, sine qua non æternæ salutis unicuique Christiano: tum quia hæc illi adnexa conditio tam parui fieri solet in hoc sæculo, inque aula etiam negligitur, & quidem à melioris loci hominibus; sequorque in hac re Seruatoris nostri, authoris huius orationis, exemplum, qui eodem in loco, ubi hanc orationem proponit, Matth. 6. statim excurrit in fusiores conditionis illius quæ petitioni adnectitur, interpretationem, nihil eiusmodi conatus in cæteris.

ET NE NOS INDUCAS IN TENTATIONEM, &c. Arminianis placere non potest huius petitionis figura; quam haud dubiè talem cuperent, & ne patere nos in tentationem induci: adderet Vorstius, *quantum, Domine, in te est, nam tua potestas non est infinita.* Cauendum tamen, ne hoc vitato incómodo in aliud incidamus, Puritanorum quorundam, qui per sequelam Deum faciunt authorem peccati: quem errorem Papistæ falsò imputant religioni nostræ, *medio itur tutius.* S. Augustinus optimus est huius litis arbiter, apud eum compromitto. In re tam sublimi decet vnumquemque; *sapere ad sobrietatem,* ex D. Pauli consilio Rom. 12. qui tamen ipse in tertium cælum raptus fuit, & alta hæc mysteria, quæ non indaganda sed adoranda sunt, perspectiora sine dubio habebat. Sufficiat nobis scire, Adamum per lapsum suum excidisse libertate arbitrij, tum sibi, tum posteris suis omnibus; ut in nostrum optimo nulla ampliùs dreprehendatur cogitatio bona, nisi missa à Deo; qui ex infecta & corrupta massa per efficacem gratiã, quos vult, secernit ad opus misericordiæ; cæteros relinquens vijs suis, quæ omnes ducunt ad interitum: sic tamen ut Deus, quanquam ad se electos trahit, qui aliàs cæli compotes esse non poterant, neminem cogat à se deficere, nam *perditio tua ex te, Israel.* Ideoque dicitur Deus nos ducere in tentationem, quando à tentatione nos potente sua dextra non vindicat: ita dictus est cor Pharaonis obdurasse, quia non emolliit; similis nutrici, quæ cum paruulum habeat alumnum, primos iam tentantem gressus, si eum solum destituat, cadendi author existimatur, quia nouit absque auxilio fieri non posse, quin cadat. Tentationes verò aut nascuntur in nobis, aut extrinsecus veniunt: si in nobis nascuntur, serijs precibus & sacris meditationibus crebrò vtendum; antidota etiam peccatorum venenis, quæ in nobis sentimus germinare, adhibenda: nam *contraria contrarijs curantur.* Permagnum

August. de prædest. Sanctorum: de dono perfectionis: & contra Pelagianos, & passim alibi in suis operibus.

Hos. 13. 9.

magnum quoque est in bonis libris subsidium; permagnum in fani Theologi consilio, talis tamen, qui integræ vitæ testimonio insignis sit. Quod si ab externis causis veniant tentationes nostræ, ut si aliquis è sensibus nostris illicita capiatur voluptate, subtrahenda est illi (ut iam dixi) periculi materia. si rebus prosperis, aut aduersis in tentationem ducamur, idonea applicemus remedia; contra aduersas, nos in desperationem trahentes, patientiâ, quantum fieri potest, armati solitudinem vitemus, & à prudentibus, pijs, honestis & integris amicis consilium petamus. si prosperi tentemur; quod genus periculosius esse solet, ut prius illud asperius; ex minimâ, quam patimur, ægritudine, & molestia nostræ naturæ fragilitatem cogitemus, sæpeque animis nostris obuerfetur mortis necessitas, & sermones funebres sæpe legere, sæpe audire labor sit, *Pulvis es & in puluerem reuerteris*: & ut verbo Gen. 3. 19. dicam, quum tot tentatores nos sollicitent, tot tentationum occasiones horis singulis nos obsideant, extrinsecus, intrinsecus, sic ut tota hominis verè Christiani vita nihil aliud sit, quàm vnum, in perpetua hac militia, constantiæ nostræ experimentum; ratio profecto exigit, ut nobis ipsi semper excubemus, omnia facta nostra, omnesque cogitationes seuerè obseruantes. frustra aliàs Deum orabimus, ne nos inducat in tentationem, si nosmetipsos interea, quæcunque se offerat occasio, inducamus; similes illi, qui volens in luto hæret, & prætereuntis auxilium inuocat.

SED LIBERA NOS A MALO: hæc nouissima est petitio, & (ut ante monui) ex veteris Ecclesiæ calculo septima, ex vulgari horum temporum, sexta. Patrum opinione septima est, qui eam à priori (*ne nos inducas in tentationem*) ideo diuiserunt, quia hîc petimus liberari à malo; at liberatio antecedentem habet seruitutem, vel certè imminens periculum. atque ita in priore petitione optamus expediri à tentationibus futuris, in hac verò ab omni malo, siue præsentis siue imminente, siue culpæ siue pœnæ, & à rerum aduersarum, quibuscunque premimur, molestijs. Sed nostra Ecclesia ramum hunc facit prægressæ petitionis, & sic partem sextæ, quia incipit à particula (*ἀλλά*) quasi diceret, *Domine, ne nos inducas in tentationem, sed ab omni eiusmodi malo nos semper libera.* Siue autem septimam hanc velis petitionem siue ramum sextæ, vtraque opinio orthodoxa est, & satis idonea, licet verustior (ut iam ostendi) plenior videatur. summa enim petitionis est, *ne ducat nos Deus in tentationem, sed à malo quolibet, vel præsentis vel futuro, nos liberet.* Contextus Græcus habet (*ὅτι οὐ ποτέ*) *ab improbo illo;* quibus verbis monemur, quàm necessaria nobis sit continua ad Deum oratio, ut à vêtère illo, & insidioso, & inquieto hoste liberemur, qui *circundat terram instar Leonis rugientis, querens quem deuoret.* & hac peti-

Psal. 91. 4.

tionem sic intellecta docemur proprijs nostris viribus diffidere, contra tam potentem & efferum hostem, & fide armari, ut tutò dormiamus, *sub umbra alarum tuarum, Domine.* Latina translatio (à malo) utrumque sensum ferre potest, vel, *ab improbo illo*, vel, *à re quavis mala*: & Britannica nostra omne genus mali complectitur, quod nobis aut Satanae insidijs, aut alia quacunque ratione poterit accidere. atque ita nobis orandus est Deus, ut misericorde sua dextra nos ab omni malo tutos præstet, in rebus corporeis, in rebus spiritualibus, per quas aut minuantur huius vitæ solatia, aut spirituali æternæ salutis gratiæ resistatur, ut eamus cubitum sine periculo, & resurgamus sine metu, vel mille hostibus quietem nostram obsidentibus, & spiritualibus & temporalibus. Et hic in S. Luca finitur oratio Dominica: at in S. Matthæo clauditur epilogus, *quia tuum est regnum & potentia & gloria in secula seculorum. Amen.*

Quisquis seriò occasionem inspexerit, qua Saluator noster hanc precandi formulam in utroque Evangelio proposuit, bis ab eo propositam inueniet, semel discipulis suis priuatim, quum vnus ex ijs doceri cuperet, quomodo orandum esset; & tum quidem solas petitiones tradidit, breui illo procemio præmisso, *Pater noster qui es in cælis*; quo tempore duas vel tres è petitionibus clariùs expressit, quam postea in publica illa ad populum concione. semper enim illi in more fuit sensa animi discipulis, quàm populo dilucidiùs proponere. & hæc est formula apud S. Lucam, cap. 11. Alio post tempore populum docuit sic orare, in proluxa illa ad populum concione, in monte, & tunc prædictum addidit epilogum: & hæc formula habetur, Matth. 6. quo tempore apparet ideo additum epilogum, ut populum doceret maiore cum fiducia & reuerentia orare, *si quidem ad eum, quem orarent, pertineret & regnum, & potentia, & gloria in æternum.* Fateor quidem desiderari in vulgata Latina translatione epilogum istum, etiam in S. Matthæo: & eruditissimus ille Typographus Robertus Stephanus in veteribus quibusdam codicibus græcis negat reperiri: sed parum interest; passim enim hodie agnoscitur canonicus.

Epilogi huius verba causam continent, cur cœlestem Patrem oremus; *eius enim est regnum.* non modo igitur Rex est, sed *regnum* per excellentiam (i. *soveraineté*) illius est. quemadmodum, licet multi futuri sint Antichristi, magnus tamen ille Antichristus, qui generalis Apostasiæ funem ducit, i. *diminueris* dicitur; ita Deus solus rerum omnium in solidū Rex est, Principes in terris, eius Vicarij, nil nisi exigui ex illo pelago canales & riui. Nec solūmodo rerum omnium Rex est, verūetiā solus potentiā habet, ut iam non infinitè magnus ille Rex duntaxat habendus sit; nam & magnis Regibus non licet, quicquid libet; sed

Rex



Rex infinitè potens & omnipotens. Nec solum *regnum* & *potentia*, verumetiam *gloria*, qua splendent priora ambo, illius est. adeo terrena regna & potestates, & honores (nam sine honoribus regna omnia terrena & potestates vilescunt) guttæ meræ sunt, ex vasto illo & immenso haustæ Oceano. Cæterum, si temporaria hæc forent, suspicari possemus aliquando interitura: itaq; vt tollatur dubitatio, supremis hisce, & incomparabiliter eximijs titulis sempiterna adiungitur duratio, vt doceat *regnum* eius, & *potentiam*, & *gloriam* nec finiri olim, nec mutari, nec minui. Memores igitur, in primis quidem huius orationis verbis vocari eum à nobis *Patrem nostrum*, vnde oritur diuini in nos amoris fiducia; in nouissimis verò infinitam eius potestatem agnoscere; certo certius possumus confidere, quòd & velit & possit nos audire, & votis nostris annuere.

Subiungitur hisce omnibus, pro conclusione. AMEN, qua voce iubemur breuiter in memoriam reuocare, quæcunq; ante petiuimus, fidum addentes votum, vt petita exoremus. quod testimonio esse potest quoties hac vtimur oratione, verba ipsa nos intelligere debere, contra quàm faciunt Papistæ, qui docent pueros, & ignaras mulierculas hanc orationem Latinè emurmurare, aut verius corrumpere, ad Ecclesiæ intentionem. Sed si D. Pauli regula vera sit, 1. Corint. 14. idiotæ hi precibus suis, quas non intelligunt, Amen subiungere non possunt. Sed non hîc tantum sensit Romana Ecclesia fortunam aduersam, quòd hac in re cum S. Paulo malè illi conueniat; verumetiam, quòd Christi interdicto in huius orationis proœmio aduersetur, Mat. 6. Ibi enim inanes battologias, quales ab Ethnicis vsurpantur, condemnat, dum hoc modo præcipit orare: at Romanenses Ethnicorum imitationem exemplo Christi prætulerunt; testatur Beatæ Virginis Rosarium, testantur preces ad globulos numeratæ; sexagies vel amplius *Pater & aue* ad rauim iterata, contra Christi interdictum, inanes battologias damnantis. Ego certò scio repetitionē nullam excogitari posse inaniorē, quàm cum non\* intellecta toties repetitur oratio; inuito (vt ante dixi) D. Paulo, &, ausim dicere, sine vllò antiquitatis aut præcepto aut exemplo, multis post Christum sæculis. In hisce tamē inanibus battologijs magna est, eorum iudicio, meriti materia. Obseruandum quoq; est, Seruatorem nostrum, quanquam suo nomine Deum voluerit à nobis compelli, sui tamen nominis in hac oratione nusquam meminisse, non quòd dubitem *Patris* nomine totā Trinitatem in hac oratione significari; sed quia fortè huic orationi nomen suum inferere noluit, præsciens superstitionis venturorum sæculorum, quibus multos intercessores precibus suis adoptarūt, Sanctos innumeros, tam mares quàm fœminas. Certè sub patribus nostris tam crassa fuit huius superstitionis

\* Decem aut duodecim ab hinc annis, Ichedalma cuiusdam Sacerdotis Angli ipsemet legi, vbi multis argumentis conuincere conatur Author Orationem Dominicam, & alios eiusmodi breues preces, verius à plebe Latinè quàm vernaculè recitari, quanquam nihil illi intelligent nisi vernaculum.

nis caligo, vt magnus Theologus, ante annos admodum sexaginta, in Academia Andreapolitana, publicè docuerit orationem Dominicam Diuæ Virgini etiam dici posse: vnde tanta in Academia nata est controuersia, vt conuocatâ ibidem synodo cognosci & definiri necesse fuerit. Et quantulo minor fuit in viro erudito, cuiusmodi Bonauenturâ nouimus, superstitio, Dauidis Psalmos de Diua virgine interpretari, & de ea intelligere, quęcunq; de Deo dicta fuerunt? & tamen, paucis abhinc annis, Lutetiæ prodijt noua famosi illius libri editio. Sed cum Deus Opt. Max. ex infinita sua misericordia nos, huius Insulæ habitatores, à tenebris illis plusquam Ægyptijs expedierit, mirari subit permultorum nostra ætate inconstantiam, & stultum nouitatis studium, qui Glauci & Diomedis permutationem facientes, & abiecta purauerritate, pictas amplectentes fabulas oculos intellectus occludunt, capita priori caligini rursus immergentes, & lumen veritatis, quo vti frui possent, sua sponte recusantes.

Finita iam nostra in orationem Dominicam meditatione, tantum hoc, quod promisi, superest, vt in breuem summam omnia colligam; quò melior sit intellectus, & firmior memoria earum rerum, quas oramus, & oratio nostra viuidiùs consignetur altiusque imprimatur cordibus nostris. & breuiter ita se habet: Imprimis inuocamus Deum suauissimo *Patris* nomine, vnde nobis oriatur ex eius amore fiducia, quòd preces nostras exaudiet, & votis annuet. Deinde, vt reuerentiam sibi à nobis conciliet, persuasumq; habeamus nihil omnituentem eius oculum latere, domiciliũ gloriæ ipsius nominamus, quod est in cœlis. Tum verò tria communi nomine, ad gloriam eius, ante petimus, quàm pro nobis ipsis sigillatim quicquam oremus: In primo, nostrum illi deferimus obsequium, optantes nomen eius sanctificari in cœlis, & in terris, sicut nos tunc facimus: In secundo poscimus, vt regnum eius veniat, tum generatim, in altero eius aduentu; tum verò, vt Ecclesia militans interea temporis floreat, & singuli spacio à Deo præfinito illius regni compotes fiamus; interim vt illius voluntas in terris fiat, quemadmodum in cœlis; quod per modum effectus à regno Dei in terris proficiscitur: estque tertia & nouissima vniuersalium petitionum, pro diuinæ gloriæ propagatione, & Ecclesiæ felicitate. At si libeat tres ista petitiones paulò altius expendere, deprehendentur quoque sanctissimæ Trinitatis nos commonefacere; Dei patris quidem, dum nomen eius sanctificari optamus, cuius nomen nulla potest lingua exprimi: Dei filij, dum regnum eius precamur venire, est enim Rex, Sacerdos, & Propheta, & regni illius null⁹ erit finis: Spiritus sancti denique, cum oramus voluntatem eius in terris fieri, quemadmodum in cœlis. ille enim est, qui voluntates Electorum sanctificat Deoque

que per Christum Iesum acceptas reddit. Primæ autem nostræ petitionis priuatæ materia est *Panis quotidianus*, nam ni Deus nos alat supeditans benignè, quæ temporalis huius vitæ necessitas exigit, exspirabit prius vita nostra, quàm cultum eum, quem à nobis exigit, inchoemus; nec per repentinam mortem nobis licebit nos accingere ad iter in patriam nostram. Proximè oramus præteritorum peccatorum remissionem, vt stemus recti in curia, loti in Agni sanguine. aliàs enim pabulo hoc corporeo saginamur, velut ad victimam. Essè autem nos tanti & tam inæstimabilis beneficii capaces professione charitatis nostræ ostendimus, condonantes fratribus peccata iuxta illius præceptum. Tum vero horrenda præteritorum nostrorum peccatorum turpitudine, & sincera illa nostra pro ijs contritio, vnà cum debilitatis nostræ agnitione, & virium nostrarum diffidentia, orare nos faciunt, non modò ne in tam periculosas tentationes in posterum nos ducat, sed ab omni malo nos etiam liberet, & corporis & animæ, tempore præterito, præsentis, & futuro; præsertim à sæuis, & subdolis improbi illius aggressionibus. Vtque in proœmio cælestem eum patrem diximus, ad conciliandam reuerentiam, & diuini in nos amoris fiduciam; ita in Epilogo æternam eius & gloriosam omnipotentiam agnoscimus, persuasi non minùs posse eum quàm velle nos audire, & votis nostris annuere; obsequantes omnia sigillo, AMEN, vt per illam fidei, quæ in nobis est, exiguam micam conualescant vota nostra; quòd verè præstiturus sit nobis Deus, quæcunque petimus, cui ego alterum subiungo AMEN: etiam fiat Domine IESV.

---

FINIS.

---

LONDINI,  
*Apud Bonhamum Nortonium, & Ioannem  
 Billium, Typographos Regios.*  
 M. DC. XIX.

---





---

# MEDITATIO

In Cap. XXVII. Euangelij S. *Matth.*

Verf. xxvii, xxviii, xxix.

SIVE

*Hypotyposis inaugurationis Regiæ.*

AVTHORE

SERENISSIMO ET POTENTISSIMO PRINCIPE,

IACOBO,

Dei gratia magnæ Britanniae, Franciæ & Hyberniae  
*Rege, Fidei Defensore, &c.*

Ad CAROLVM Filium.

---

P S A L. 2. 10.

*Sapite nunc igitur, ô Reges; erudimini Indices terra.*

---



MEDLEY

1844

V

H

SERENITY

1844

1844

1844

1844

1844

1844





# EPISTOLA DEDICATORIA.

**E**lli charissime & vnice, hoc ipso anno ineunte breuem scripsi Meditationem ad orationem Dominicam; non dissimulans propositi mei rationem, quod ætate nunc prouectior, tædio controuersiarum & questionum sublimiorum, proclive hoc & facile, quo me exercerem, argumenti genus elegissem. At nuper, quum Christi passionem in extremo S. Matthæi Euangelio fortè fortunà quodā die mihi ipse legerem, in eam partem incidens, ubi Præsidis milites Saluatorem nostrum exposuere ludibrio, regijs eum ornantes insignibus, tam graphicè descripta omnia mihi videbar cernere, vt sæpe animo meo postea occurrerent; sed præter cætera tenacius mihi obhæsit corona spinea, asperrimas illas meditantibus curas, quibus Regem necesse est (si qua illum tenet muneris sui cura) perpetuò conflictari, quibus meum etiam pedus (testor Deum) interdum noctuque coquitur. Unde cogitanti mihi posse eam rem exemplaris haberi loco, quo regnorum hæredes ex ipsa inaugurationis forma sui moneantur officij, visum est quasdam horas somno suffurari, ad breuem super ea re meditationem exarandam. Quod consilium me-

um quum Buckinghamio aliquando aperuissem, T E quoq  
nominato, cui varias ob causas (postea mihi dicendas) libellus  
iste aptissimè inscribatur; humiliter & obnixè cœpit petere,  
vt hoc in opere amanuensis honore eum dignarer, tum vt scri-  
bendi molestiæ sua opera me eximeret, oculorum & dextræ  
parcentem labori, tum vt tibi isthoc gratificaretur seruitiolo,  
testatus sanctè, multis, quibus eum cumulatisimè ornas, meri-  
tis geminari naturale, illud debitum, quo proximè & secun-  
dum me tibi se fatetur deuinctum. Et sanè ingenuè fateri oportet  
volupe mihi esse, quòd, paternos affectus imitando, palàm  
ostendas quantum mei amorem & reuerentiam pectore cir-  
cumferas; vt egregium præteream exemplum, quod pri-  
mogenitis regum filijs relinquis; incipiens hîc ad eam regu-  
lam vitam tuam componere, quam filio quondam meo, HEN-  
RICO, in Basilico doro præscripsi. Nec parum mihi labo-  
rem minuit Buckinghamio, quod petierat, annuisse, ex-  
pensa manus meæ in scribendo & tarditate & ruditate &  
negligentia.

Lib. 2.

Quemadmodum igitur Meditationem illam in Ora-  
tionem dominicam illi dicatam volui, & propter neces-  
sitatem precandi qua viri aulici præter cæteros tenentur, vt  
quibus non semper conceditur cum bonis conuersari, ne di-  
cam multas, quibus irretiuntur, peccandi illecebras; &  
quòd illis maximè conueniant breues preces, rariùs nempe  
suppetente otio quod longioribus impendant, quemadmodum  
illi in præfatione mea dicebam: ita hoc inaugurationis re-  
giæ exemplar nemini tam aptè inscripserim, fili charissi-  
me, quàm tibi, seu materiæ seu breuitatis ratione; breuitatis  
quidem, quia tantum temporis consumis foris, vt pauxillum  
restet quod Musis impendas domi. Hactenus tamen mihi  
hîc excusandus es, quòd omnem ætatem sui similem videri  
velim: turpe est iuuenem videre moribus senilibus, aut senem  
iuuenilibus. Fruentus ni vegeta sit & laborum patiens,  
vereor ne aggrauescente ætate hebes deprehendatur,

Imberbis


offeretur vacuus, bilari animo admittas; sed ut præmoneam ne blanda & vana spe laetes animum. Quemadmodum igitur in priore mea meditatione decere aiebam, ut se quisque primò examinet, deinde sacram synaxin etiam percipiat, non autem ut absq̃ examine percipiat vel absq; perceptione se examinet: ita tibi hîc edico, ut in omnem te euentum pares, nec animum despondeas, sed contrà eas audentior, memor difficilia esse quæ pulcra sunt, & arduam virtutis viam. Quod ad me attinet id votis meis contendam, ut tibi Regis filio & hæredi sic fortunet cælorum Dominus hanc Regiæ inaugurationis hypotyposin à Rege scriptam, ut, quum tempus veniet, dignus fias qui cœlestis illius & æterni regni hæreditatem cernas.

Amen.

Dat. 29. Decemb. Ann. 1619.







# LECTORI


## CANDIDO.



On me latet, Candide Lector, quantum à plena perfectaq; regij muneris tractatione perbrevis hæc mea absit dissertatio. Ideoq; celare te nolui consilium meum, quòd fundamenti tantum vice hæc iecerim, præcipuas quasq; officij regij partes (si Deus mihi vitam & otium concesserit) tanquam reliquam molem superstructurus. Sin, quod vereor, mihi ipsi otium non suppetet, alieno ad id (fauente Deo) & volubiliore vtar stilo, sed qui monstrata à me sequatur vestigia. Interea præmonitionis loco mihi hæc scripta sint ad filium, vt nunc, dum tempus est, suæ artis studium aggrediens ad hanc se accingat militiam; quò si Deo videbitur illum perducere, sic poscente naturæ lege, (& Deum precor sic fiat) vt stet in acie, non instar crudi & imperiti tironis, sed tanquam veteranus ex cohorte exercitata, alterius ductu & suggestione non indigens vt suis rectè vtatur armis; adeo præmonere mihi potius hîc animus fuit, quàm docere.

*Vale.*

# ILLVS-



Imberbis iuuenis tandem, custode remoto,  
 Gaudet equis, canibusq., & aprici gramine campi.  
*è contrà tamen est modus in rebus, & moderata du-*  
*rant. Si verò argumentum libri spectes, cui (obsecro) tam*  
*conueniat hoc inaugurationis regiae exemplar à patre Rege*  
*scriptum, & à Rege regum pro exemplo regibus relictum,*  
*quàm regis filio & hæredi? Fratri tuo desideratissimæ me-*  
*moriæ Basilicon meum inscripsi doron, ubi meum illi con-*  
*silium de regenda Scotia impertij: hæc brevis tantummodo*  
*introductio est ad regiam inaugurationem, & veluti præ-*  
*monitiuncula quanto & quam graui oneri humeros suos*  
*Rex subiecturus sit. Citò legitur, & sine molestia circum-*  
*fertur. fiat itaque tibi quod dicitur, VADE MECUM, ut te*  
*in procinctu constituat inq. eum diem paret, quem ut optes*  
*nulla vnquam ex me tibi nascetur causa, neque tu vnquam*  
*sat scio optaturus es; quod etiam in nūpera illa mea & gra-*  
*uissima valetudine, vnde diuino fauore tandem eluctatus*  
*sum, assidua tua cura & ministerio satis probasti. Caterum*  
*augebit oneris, quod subiturus es, molestiam, si deprehen-*  
*daris improuisus: prospicienda est igitur illius grauitas pri-*  
*usquam feras, ut, quam ferre inceperis, fortiùs feras:*

Nam leuiùs lædit, quicquid præuidimus ante.  
 Et Scotico circumfertur prouerbio non vetusto magis quàm  
 vero, monitus semimunitus: ne fortè in eo, quod indues,  
 diademate teneras somnies plumas; sed asperum quid animo  
 tuo præcipias & spinosum assiduisq. inquietum curis. Reco-  
 lam igitur tibi, quum exempla magis moueant, quæ fuerit  
 veterum quorundam regum de diadematis grauitate opinio.

Unus è successoribus Alexandri, Antigonus, vetulæ Stob. serm. 49.  
Val. Max. lib. 7.  
c. 2.  
 felicitatem eius extollenti dixisse fertur, si bene nosset  
 quantis malis refertus esset ille panniculus (ostenso diadema-  
 te) ne è sterquilinio quidem eum tolleret. Alius quoq. ex Pint. An seni  
gerenda sit  
Respublica.  
 ijs Seleucus non semel ita perhibetur loquutus. At Dio-  
 nysius senior, Syracusarum tyrannus, etsi per totam vitam

nil nisi tyrannidem spiraret, sibi nimirum viuens non populo, cum Damocles tamen unus è regijs assentatoribus magnificentiam, opes, maiestatemq; & potentiam eius regiam immodicis efferret laudibus, affirmans neminem unquam mortalium inuentum beatiorem; interrogauit eum tyrannus an vitam eam, quam tanta fœtam beatitudine iudicaret, contentus etiam foret parumper experiri? Annuentem in toro aureo locari fecit, opiparis appositis epulis, eximio planè sumptu & luxu, ut regiæ magnificentiae nihil omnino deesset. Adulatore in media (ut videbatur) felicitate posito, Rex gladium nudum de lacunari equina suspendit seta, imminente capiti epulantis mucrone: quo viso nec cibus illi suauis erat, nec gloriosa vestis tam laudata modò: totusq; in humiles ad tyrannum preces conuersus est, ut liceret abire: nec enim velle se amplius felicem videri. Et è nostris maioribus, Henricus quartus, cui Bullenbroco cognomentum fuit, quum ante mortem in altam incidisset syncopen, & filius festinanter nimis quasi mortuo raptam abstulisset coronam, Rex sibi è paroxysmo quodammodo redditus, coronam, quam ægrè tulit ablatam, iussit restitui: referentique eam filio, Si nosles, inquit, quid esset corona, non tanta eam festinatione rapuisses; testatus nullum sine molestia diem sibi exactum, ex quo eam capiti imposuerat. Constat quidem infessorem fuisse illum alieni regni: singulari tamen iustitia & fortitudine partum rexit imperium. Meminisse enim oportet bina esse tyrannorum genera; alij enim tyranni sunt inuadendo regnum alienum, alij prauè regendo suum. Tu ut aliena appetas nulla vrgeris necessitate, ad mediocrem & honestum regnorum modum natus: & (si verum liceat dicere) qui iure belli reges sunt solo tituli splendore distant à prædonibus. Ut verò tyrannicè administres tua, non id (spero) à maioribus habes, nec ex me unquam hauries documentum. Neque eò hæc dico, quasi absterritum te cuperem ne locum meum, quum primum à Deo tibi offeretur





# ILLVSTRISSIMO ET CELSISSIMO PRIN- CIPi, CAROLO, PRINCIPI

Walliæ, Duci Cornubiæ, Eboraci, Albanæ,  
*Rothesiæ*; Marchioni Ormonæ; Comiti  
Palatino Cestriæ, &c. Domino meo  
Clementissimo.



*V*lgi opinio est, Celsissime Princeps, in lite-  
ris nihil reperiri facilius interpretis officio: nam  
verba verbis aptare memoriæ laborem esse red-  
denti depositum, ingenio interim & iudicio fe-  
riantibus, puta, in opere alieno. Ego contra exi-  
stimo arduum valde esse per alienæ cogitationis  
omnes ire anfractus, ut iisdem semper insistas  
vestigijs, hinc suspenso gradu, ubi plus relin-  
quas intelligendum quàm dicitur; illic presso, ubi  
vim exhibeas & emphasim: in numerato ubiq;  
habens vtriusq; linguæ opes, concisus, copiosus, torrens, lenis alterius arbitrio;  
ad omnes rerum & affectuum colores polypus, illius quem exprimis mentem  
induens, tua exuta; metempsychosi adeo difficili, ut nullo ævo facta sit absq;  
aliqua prioris venustatis aut gratiæ iactura. Et mihi quidem sæpe antehac  
infelicitè cessit hic conatus, sapientissimo T<sup>z</sup> C<sup>i</sup>s parente iudice; at in huius li-  
belli interpretatione planè reus imbecilitatis (eodem censore) peractus sum, si  
censura dici debeat omnium, quæ transtuleram, vna litura. Cæperam loqui de  
sceptri & gladij prærogativa, de diadematis & paludamenti splendore, verba  
maiora priuato, maiora meis viribus, insequens quantum poteram testudo  
aquilam, quid ille? risit Hannibal garriente Phormione: nec mora, me vsus  
amanuense (quod iam olim mihi familiare est apud Sacram eius Maiestatem  
officium) Meditationem suam inauguralem ipse fecit Latinam; incertum an patientia maiore, an celeritate operis: professus hanc T<sup>z</sup> C<sup>i</sup> dare se  
operam

operam, ad aliquod Latini sermonis exercitium, ne hac in parte institutionis  
 tuæ, qui cæteris præest, deesset. Suam ergo meritò hanc agnoscit prolem, quam  
 lambendo sic refinxit Romanæ; toga induit. nam priorem illam vernaculam,  
 & præcipite conceptione (dum tibi strenam accelerat) & flagitiosa præli ob-  
 stetricatione informem, nisi iterato iam partu ederet, omnino abdicaret. In-  
 ter veterum deos uni Baccho (quod sciam) bis nasci datum est, semel Se-  
 meles abortu, iterum è Iouis genitoris femore, ut idem esset <sup>diuinitas</sup> qui <sup>diuinitas</sup>. In-  
 est hic Celsissime Princeps, paternæ character facundie, simplicitas nullius  
 indiga, profundumque & lenè orationis agmen ab inexhausto sacri pectoris  
 fonte. Ipse facile me tacente, deprehendes, nempe, ut apes thymum norunt  
 & patrios quibus innutrientur fauos, ut flumina viam in Oceanum vnde ori-  
 untur. Nec enim linguam eius ignores, quum mentis hereditatem iam adie-  
 ris, tanto medius fidius maiorem alterâ quam aditurus es, quanto est glorio-  
 sius in maximæ virtutis possessionem succedere quàm maximæ fortunæ. est  
 Deo gratia, qui ijs te ornavit dotibus, quæis, si non natus fores Princeps, me-  
 rereris eligi ad principatum. A summis iam ad ima conuerte oculos, measq; in  
 hoc negotio partes sereno, quo cætera soles, vultu intueri. Vterque enim quod  
 suum erat operi contulimus, officijs diuisis, Serenissimus author mentem &  
 linguam, ego manum & calamum; ille facultatem, ego voluntatem, vterq;  
 perfectissimam. Liceat enim mihi ad Clementiæ tuæ aram bona mente litare,  
 quæ Deo ipsi gratior est hecatombis; & quum in meo censu nihil reperiam  
 Tua dignum Celsitudine, me ipsum offerre pro sacrificio, iam olim nas-  
 cendi lege & animi promptitudine tuis deuotum imperijs, &  
 satis superq; nunc felicem, si serui titulo  
 supplicem dignaberis,

T. R.





# HYPOTYPOSIS INAVGVRATIONIS REGIAE.

S. MATTH. CAP. 27. VERS. 27, 28, 29.

*Tunc milites Præsidis, suscipientes Iesum in Prætorium, congregauerunt ad eum. vniuersam cohortem.*

*Et, exuentes eum, chlamydem coccineam circumdederunt ei.*

*Et, plectentes coronam de spinis, posuerunt super caput eius, & arundinem in dextra eius; & genu flexo ante eum, illudebant ei dicentes, AVE REX IUDÆORVM.*



Ribus hisce versibus proponitur nobis *Inaugurationis Regia* modus & exemplar, vnà cum exactissima curarum molestiarumque descriptione, ad quas subeundas constan-  
tique ferendas animo Regem in munere suo bene obeundo præparatum esse oportet. Ad cuius rei intelligentiam duo nos hîc intueri & obseruare necesse est, *Personam* nempe & *Exemplar*: *Personam* quidem, ad nostrum solatium & salutem; *exemplar*

verò, in exemplum & imitationem. *Persona* erat Saluator noster, **IESVS CHRISTVS**, humiliatus vt nos exaltemur, tortus vt leuemur, spretus vt glorificemur, passus vt saluemur.

Quæ igitur in passione propria sunt personæ illius, ea mihi in hac meditatione secernenda veniunt ab ijs, quæ exempli vice bonis Regibus quibuscunque ad imitandum relicta sunt; quum priora illa Christianorum omnium saluti inferuiant, hæc Regibus solis erudiendis monendisque destinata sint. Sed quum mihi præcipuè animus sit de ipsa *Inaugurationis idea* hîc disserere, vt quæ ad meum propriis



propriè spectet officium, leui tantum brachio cætera attingam quæ soli eius personæ conueniunt; rem nempe obuiam & à sexcentis iam Theologis abundè tractatam.

Dixeris fortasse iniuriam à Præsidis militibus Seruatori nostro factam non posse commodè in exemplum trahi, aut pro regiæ inaugurationis idea proponi, propterea quòd ista in Christi ludibrium facta sint, qui, quum iam iam accusatus fuisset *Iudeorum Regis* titulum inuasisse, ita coram ijs euiluit, ut non alio cum regno dignum iudicauerint, quam hac ipsa, qua eum onerabant, contumelia. Ad quod respondeo non mihi hîc spectari quid impiè & per ludibrium ab ijs factum sit, sed quem fructum ex eorum impietate Deus & *Optimus* & *Maximus* eduxerit, dum ad suum nominis gloriam omnia conuertit. Solenne illi est è tenebris lucem educere, quod fecit in creatione, & ex causis pessimis optimos effectus producere, quod ex *Sampsonis* cernere est ænigmate. In hoc igitur negotio, Dei partes longè alias video à peruersa improborum indole, quibus etiam inscijs gloriam suam extorsit. Licet enim in animis eorum (quæ hominis nobilior pars est) nihil fuerit hîc sani, corpora tamen (viliorem partem) animis inscijs adegit Deus ad præstandum vnigenito filio suo obsequium, quod animis corporibusque soluere debuerant; quemadmodum *Balaam* asinum domino suo doctorem dedit, & *Balaamo* ipsi, quum turpis lucri causâ venisset maledicturus *Israëli*, benedictionem extorsit eximiam; quomodo & summum sacerdotem *Caipham* prophetam fecit, licet planè contra mentem suam. Visum est itaque omnipotenti Deo milites hosce corporum tenus ad Christi adorationem adigere & ad reuerentiam Regibus exhiberi solitam, quæ tamen in miserorum mentes non venerat; ut nos hinc commonefaceret sibi & filio suo vnigenito omnem à nobis cultum deberi, & corporibus, quod isti fecerunt, & animis; quorum neutrum, qui Christianus modò haberi velit, recuset, quum vtriusque partis conditor ille sit & redemptor. Quo sanè deteriores habendi sunt prophanis istis militibus, quicumque vllò in loco vel tempore corporibus pariter atque animis Christum detrectant adorare. Quòd ego à *Puritanis* nostris stultè superstitiosis obseruatum velim, qui Eucharistiæ percipientes Sacramentum genua recusant flectere. Nam, si vnquam, certè dum precamur adorandus est Christus, nec precandi meditandive vlla est aptior occasio, quàm dum Sacramentum istud percipimus; & si quis præter ceteros locus Deo Christoque eius colendo congruentior haberi debeat, certè ea est ædes sacra, statis priorum cœtibus destinata. Sed ad ideam nobis propositam reuertamur.

Tunc

*Tunc milites Præsidis adduxerunt Iesum in Prætorium (S. Marco aula vocatur, & locus iuris dicendi fuit, à plurimis frequentatus, instar fori nostri Westmonasteriensis) & congregauerunt ad eum vniuersam cohortem.*

Mar. 15. 16.  
Paulo alijs  
verbis citaba-  
tur hic locus in  
libello Anglico,  
propter transla-  
tionem Angli-  
cam, qua ibi vi-  
necesserat.



Ernimus hîc Imperatorem orbis terrarum accipien-  
tem, quod ipsi iure debebatur, obsequium, ab eo ho-  
minum genere, eoque loco & modo, quo ipsi placuit  
vicarios suos & umbras, Romanorum Imperatorum  
plerosque breui post mortem ipsius inaugurari &  
imperio admoueri, postquam respublica Romana in Monarchiam  
versa ab Imperatoribus iam regi cœpta esset: res notatu non indigna  
( vt appareat iustam esse politiæ speciem Monarchiam, & quantum  
cæteris formis ea antecellat ) Christum ipsum, qui filius erat & hæ-  
res *Davidis* regis secundum lineam rectam, sub eo *Cæsare* nasci volu-  
isse, qui primus stabiliiuit Imperium. Nam *Iulius Cæsar*, licet Impe-  
ratorum quodammodo primus videri possit, ille tamen vt sanguine  
sibi regnum peperit, ita sanguine terminauit. Sicut igitur materia-  
lis templi ædificatio *Dauidi* à Deo permessa non fuit, propter sangui-  
nem quem effuderat, sed *Salomoni* filio pacis Principi reseruata; ita  
haud decuisset Seruatorem orbis, illum suæ Ecclesiæ architectum  
( cuius corpus quoque verum erat templum typo Salomonij signifi-  
catum ) sub alio Principe nasci quàm pacis conditore, qualis erat  
*Augustus*, alioque quàm pacis tempore, quum clauso *Iani* templo to-  
tus orbis ei tributum penderet, vt habetur secundo cap. Euangelij  
secundam *Lucam*. Quod tempus felicitate & pace fœctum ipsæ Eth-  
nicorum *Sibyllæ* diu antè & mirificè cecinerunt, diuinas venturi pue-  
ridotes viuus describentes coloribus.

2. Sam. 7. 5.  
2. Sam. 7. 13.

Suet. in Au-  
gusto.  
Luc. 2. 1.

Quemadmodum verò in cæteris solennitatibus publicis trium-  
præcipuè haberi solet ratio, formæ, scilicet, loci, & personæ; ita in  
hoc negotio accuratissimè omnia obseruantur. Et primùm rei gè-  
stæ locus *Prætorium* proponitur; publicus videlicet iuris dicendi  
locus. Quanquam enim Romani Cæsares suos inaugurantes nul-  
li certo se astrinxerint loco, quemcunque tamen huic deligebant  
officio, insignis valde fuit, & publicis hominum congressibus no-  
tabilis, quale erat hoc ipsum, de quo loquimur, *Prætorium*. Nec  
vacat ratione, vt qui omnium Princeps futurus est eo inauguretur in  
loco, quo omnium hominum ordines conueniant, ad vnanimem ob-  
sequij & reuerentiæ exhibitionem.

Si qualitates personarum spectes; quos rei gestæ authores hîc ha-  
bemus milites erant Romani, nec illi pauci numero, sed à tota *Præsidis*

Ggg

cohorte

*cohorte* omnia fiebant. Nec alia omnino ratione Romani Imperatores eligi solebant. penes Senatum aut populum ius huius electionis non erat. Quanquam enim ante Principatum potestas Senatus populique Romani tota fuerit, post ortas tamen Romæ factiones atrociæque inter *Iulium Cæsarem* & *Pompeium* dissidia, eò deuentum est, vt apud Senatum & populum nil nisi vmbra manserit prioris authoritatis. Vim eligendi Cæsarem exercitus sibi arrogabat, initio factò à *Claudio*, qui *Tiberio* (quo regnante Christus passus est) post *Caligulam* proximus fuit, vsque ad *T. Vespasianum*: & post *Commodum* plerique omnes multorum annorum spatio hac via ad imperium peruenerunt, vt à præstantissimis quibusque historiæ Romanæ scriptoribus proditum est. Et sanè à cohortibus Prætorianis (quod robur erat & flos Romanæ militiæ) maximè pendebat noui Cæsaris electio. Eius rei speciem aliquam in Turcico obseruare est imperio. nam cohors *Sultani* Prætoriana est *Ianizarorum* militum, quorum ea est in illo imperio, licet hæreditario, potentia, (sicut & nuper aparuit) vt, mortuo *Sultano Achmete*, patrum huius qui iam regnat solio imposuerint, eoque statim deiecto hunc *Osmanem* suffecerint patri. Nec absimile est, quod in Moscouia, post diuturnos bellorum morus, factum est. Eorum duce seu Imperatore mortuo, *Iohanne Basilide*, qui omnium vltimus illud imperium pacatè administravit, *Cosaci* (Prætoriana Moscouitici Principis cohors) cum qui iam potitur rerum, *Michaelem Theodoridem*, Ducis & Imperatoris titulo ornarunt. Notum est non vnum genus Prætorum Romæ fuisse: alius *civilis* erat, ad quem spectabat ciuiliū causarum cognitio, alius *militaris*, Prætorij præfectus, & copiarum Prætorianarum dux; quarum mentio peculiaris non eò à me facta est, quòd nullam fuisse censeam reliqui exercitus in hac electione vim; sed quia, vbi funem ducebant Prætoriani (robur & flos ipse Romani exercitus, vt iam dixi) cæteri fere sine renisu sequi consueuerant.

Cæterum, quum Iudææ regnum Christi tempore Romano imperio pareret, Præsidis prouinciæ à Cæsare missi cohors (Prætorianorum imago quædam, vt Prorex Domini sui personam repræsentat) Iesum in *aulam* ducit seu *Prætorium*; quo in loco Rex ab ijs renunciatus est eo, quem iam audietis, modo: nam inaugurationis forma à Spiritu sancto accuratissimè describitur.

Bellicosum genus hominum, *Cosaci*, ad vtramque Boryspheni ripam, partim seruientes Regi Poloniæ, partim Duci Moscouiæ, & de his posterioribus loquor.



Primò exuentes eum circumdederunt ei chlamydem coccineam.



Sanctus Marcus, & S. Iohan. <sup>πρῶτος</sup> vocant seu *purpura*: res eodem recidit, vtut colores isti e diuersa con-  
stituerint materia nam antiquorum purpura etiam rube-  
bat: purpurâque simul & coccus apud prisca sæcula sic  
erant in pretio, vt non nisi Reges & Principes ijs vte-  
rentur, idque fere in trabeis suis & paludamentis nunc inter amissa  
recententur. Interim per hanc coccinei vel purpurei coloris meta-  
phoram non incommodè alluditur ad Christi sanguinem pro nobis  
fusum. nam *trabea* carnis eius pretiosissimo sanguinis sui *murice*, &  
vero illo tingebatur *ostro*, quo nostra abstergentur peccata, vt coram  
ipso puri, sancti & immaculati appareamus, stolis amicti *candidis*, in  
*sanguine agni locis*.

Mat. 15. 17.  
Io. 19. 2.

Erat enim pur-  
pura succus mu-  
ricis, piscis te-  
stacei, coccineus  
color e cœci fie-  
bat seminibus.

Esa. 63. 1, 2, 3  
Reuel. 19. 13.  
Reuel. 7. 14.

Primò itaque *exuerunt eum*. Opinio est quorundam, nec ea im-  
probabilis Christi vestes antiqui fuisse & Prophetici moris. sola *tu-  
nica sine sutura* vaticinio Dauidis complendo seruiebat, vt *super ea sor-  
tes iacerentur*. Per eandem indiuisibilis significabatur Ecclesiæ vnitas,  
cuius vt vera Christi Ecclesia hoc tempore memor sit Deum Opt.  
Max. etiam atque etiam precor. Regem igitur nunc renunciatum  
Prophetico exuunt habitu, & *regia* induunt *chlamyde*. Reges in maie-  
statis sedentes folio longis vestibis semper vti consueuere, & illis sanè  
coccineis: talaris enim habitus imprimis conuenit sedenti. grauita-  
tem autè iudicantis maximè decet hic situs corporis qui sedendo ef-  
ficitur. stando enim præcep̃s significatur animus, quo nihil in iudi-  
cando fugiendum est magis: nec enim diu statur sine lassitudine. am-  
bulatio vagæ leuitatis diltractiq; animi indicium est, reclinatio debi-  
litis, cubatio ægritudinis. Quapropter Deus ipse (*ὁ γὰρ αὐτὸς καθήμενος ἐν θρόνῳ*)  
describitur *sedens in folio*, & Christus *sedens ad dextram eius*. Quin &  
viginti quatuor Senioribus *throni* apponuntur, nempe, in orbis iudi-  
cio Christi futuris assessoribus. Reges igitur, quos Deus Opt. Max.  
suos in iudicando vicarios terris commendauit, iure sedent in solijs,  
amicti trabeis longis: haud quaquam laicis similes aut *merè togatis*,  
cuiusmodi sunt Iudices sæculares à regibus constituti; sed (vt in meo  
*Basilico doro* professus sum) *personæ mixtæ*, quibus incumbit ratio red-  
denda Deo non minus de subditorum animabus quàm corporibus.  
Non quòd debeant Reges vllam sacerdotalis officij partem inuadere,  
quemadmodum nec hoc licet Sacerdotibus in Reges: nam in *Aaronis*  
*pontificatu* munia hæc nobis exhibentur duo & diuisa. sed Regum est  
dirigere Ecclesiam, & ad officium, si cesset, compellere, omnesq; eius  
maculas & corruptelas purgare, & gladio suo (vt qui *utriusque tabulæ*  
*vindices sunt*) reuerentiam illi debitam & obedientiam ab omnibus

Io. 19. 23.  
Psal. 22. 18.

Reuel. 4. 2.  
Mar. 16. 19.

Reuel. 4. 4.  
1. Cor. 6. 2. & 3

conciliare, quos eorum imperio diuina subiecit benignitas. Quòd autem Regum chlamydes *purpureæ* sint, honos primò notatur & còstans regij muneris dignitas, deinde intaminata eius iustitia & sine labe æquitas. nam antiquorum purpura, cuius nos nihil iam habemus nisi succedaneum, pertinacissimi erat & immarcedi vigoris.

Sequitur quòd, *plectentes coronam è spinis, eam capiti illius imposuerint.*



Vam rem capiti eius impòsuerint, quâq; ex materia, & quo operis genere confecta ea fuerit hic describitur. Res capiti eius imposita *corona* fuit, in græco *στέφανος*. Regum capitis tegumentum antiquitus fuit *διάδημα*: voce composita ex *διά* & *δένω*, quod est *circumuincire*. nam caput vinciebatur *diademate*. Quod si quis ad *διά* & *δένω* (quod *populum* significat) dictionem torqueat, licet græca compositio eam originationem non ferat, monitionem tamen non insalubrem Regibus insinuat, vt persuasum hinc habeant subditorum amore & beneuolentia se regnare. Non libet hic philologum agere, aut cum populari & tribunitio hominum genere de (*δία*) præpositionis græcæ vicondere, an ea in compositione vtriusque Latinæ significationem habeat, *ab* & *propter*. admitto, quem illi volunt, vocis sensum vt *διάδημα* sit *à populo*. Quanquam enim Reges Deo soli sua accepta ferant diademata in regnis hæreditarijs, populus tamen eorum potestati, dum inaugurantur, se subditum testatur, personæque regiæ vno ore spondet obsequium; voluntati diuinæ, vnde tota ea authoritas deriuata est, se subiiciens, quod ex diademate capiti imposito innuitur.

Cæterum *diadema* ferti species fuit, caput vinciens instar fasciæ sericæ, aut certè non multum absimile: cuius ille sensus erat, quemadmodum victores in certaminibus coronantur fertis in popularis applausus meritæq; industriæ testimoniū, sic Reges diadematis insigne consequi à populo, tanquam voluntariæ submissionis tesseram, quum nota ea sit primæ authoritatis in Regibus, & quòd cæteris omnibus emineant: non quòd diadematis morè à ferto deductū putè; diadema enim vt arbitror multò est ferto antiquius: sed vt eorum cognationem nonnullisq; in rebus similitudinem exprimam. Nec inficias ire possum quin multi è gentium Regibus *diademata* & *coronas* acceperint à populo, qui eo ipso potestatem suam omnem transtulit in Reges; non tamen inde efficitur non fuisse diuina manu hos Reges folio impositos. Deus enim, *qui disponit omnia* *suauius*, quanquam gentibus fide destitutis incognitus, ijs tamen hunc animum indidit, vt tales pro Regibus haberent, seque illorum arbitrijs volentes

lentes submitterent; Deus, inquam, qui non *scrutatur* modò & inspicit, sed etiam *dirigit* humana corda. At in sacro populo, qui visibili ipsius regebatur præsentia, Reges à Deo eligebantur solo; nec populo quicquam relictum nisi parere, quod in *vetere testamento* luce ipsa est clarius. Ita in his quicquid apparet discriminis in eo situm est, quòd quæcunque Deus, Reges eligens, per sui verbi oracula proprio operabatur in populo, ea omnia in cæterarum gentium cordibus arcana instinctus vi perduxerit ad exitum; etsi inscijs illis vnde motus ille, quem Deus eorum animis suo digito inscripserat, oriretur. Porro Latina vox *corona* idem significat quod *diadema*. Corona enim caput Regis, cui imponitur, vndiquaque amplectitur, vt quemadmodum caput eius vincitur corona, ita se sciat in medio positum populo; eorum vt bonis semper inuigilet, nec se villo putet satellitio tutiorem quàm eorum amore, felicitatemque suam & honorem in prosperis eorum statuatur fortunis. Apud Latinos etiam *Corona* sæpe circumstantem significat populum: hinc, *aliquid etiam coronæ datum*, apud Ciceronem: & D. Paul. 1. Thessal. 2. 19. populum, vocat *gaudij sui & gloriæ coronam*.

Psal. 7. 9.

Prou. 21. 1.

1. Sam. 9. 16.

1. Sam. 16. 12.

De finib. bon. & mal. lib. 4.

Si *Coronæ* huius materiem spectes, è *spinis* confecta erat: spinis autem (vt vulgo notum est) curarum notantur aculei. Rex igitur, quicunque ab hoc cælesti Rege mutuari volet exemplum, non vtetur ex auro & gemmis confecto diademate, nisi intus *spinis*, id est, asperis curarum stimulis suffulto, memor non sibi se eo vti sed alijs, seque factum populo, non populum sibi. Est enim non minus è magnorum *Vigilum* & *Pastorum* numero Rex, quàm Ecclesiastici ipsi, præ cura gregis nunquam declinaturus in somnum oculos, gnarus, officium quo fungitur (si modò rectè id faciat) tantum cum onere quam honore coniunctum esse.

Quòd ad formam attinet *Coronæ spinæ*, quemadmodum ea à militibus facta sit, dicuntur *spinas texuisse & ex illis coronam fecisse*. Nemini autem ignotum est res longas linearum more, quum mutuis inter se implicantur nexibus, magnas exhibere & inextricabiles errorum molestias, dum quærentur & explicantur vinculorum fines, imprimis, dum reducuntur singula in rectitudinem, quæ plicando prius curuari necesse erat. At super omnia implexas spinas secernere, rectasque facere, labor est difficilis & ærumnosus. quanquam enim earum nulla sit, quæ non aliqua saltem sui parte tutò queat contingi, implicata tamen illæ sine læsionis periculo nequeunt tractari. Quemadmodum igitur *spinea corona* aculeatas Regum designat curas, ita *corona è spinis contexta* anxios illos & intricatos Regum labores magis ad viuum repræsenterat, quum certo certius eos maneat non modò perpetua cura ob salutem & felicitatem populi



populi sui, verum etiam & aliarum molestiarum intricata serie numerus innumerus, ita pugnantibus inter se nexuum ordinibus, ut ægrè sine dolore tractari queant. Sicut autem bonus & peritus *Medicus* tum maximè sollicitus est, quum æger multis & implicatis inquietatur morbis, quorum curatio ita contraria est, ut quod uni prodest alteri obesse intelligatur, vniufque antidotus alterius pæne sit venenum; sic Reges decet in enodandis hisce difficultatibus ea prudentia & moderatione se gerere, ut nimia in vno genere seueritas nunquam in alio comperiatur periculosa, sed omnes discordias ad consonam harmoniæ suauitatem artificiosè reducant.

*Et in dextram eius manum posuerunt arundinem.*



Ac *arundine* repræsentatur *sceptrum* regium, pastorale illud Regis *pedum*. Rectitudo rectum notat Regis in iure dicundo animum, & vacuum affectibus, ut est in *Psa.* 45. 7. *Sceptrum rectum, est sceptrum regni tui.* Sceptro vero regia significatur autoritas. Nam ut *trabea*, qua Rex primò induitur, grauitatem & dignitatem exhibet personæ inaugurandæ, & *corona* amorem spontaneumque consentientis populifauorem; ita manus eius *sceptro* deinceps ornatur, ut significetur autoritas, qua inter coronandum dignus fuit iudicatus. Quin & Dei præpotentis autoritas *Psal.* 2. exprimitur in *virgula ferrea*, qua contriturus est rebellantes gentes: & hac virga ferrea *sceptrum* eius significatur.

Verf. 5.

Nunc *sceptrum* Christi manibus impositum *arundo* erat. Verum id est ijs in regionibus natas arundines, ut sunt & Indicæ, maiores longè esse nostratibus, durioresque & solidiores; at licet eo sint robore ut validos nonnunquam ictus incutiant, ligno tamen longè sunt fragiliores, & grandiore ictu facile diffiliunt in fragmina: ut discant Christiani Reges *sceptris*, quibus eorum repræsentatur autoritas, parè utiq; & moderatè uti, nisi ubi aliud præcipit necessitas. *Arundo* enim (ut iam dixi) crebris & magnis ictibus facile frangitur: & ægrè se patitur sapiens Rex induci, nec nisi grauissima poscente causa, ut *prærogatiua* suæ neruos quantum potest intendar. Latum est discrimen inter *Sceptrum*, quo Regis in omnes subditos repræsentatur autoritas cum bonos tum malos, & *gladium*, cuius vnicus cernitur in puniendis malis usus. Ideoq; *sceptrum* Regis *arundineum* esse oportet, ut suauius castiget; *gladius* verò iure ex *ferro* acutissimo conficitur, ad vitiorum nempe purgationem, grauiorumque & *clamantium* peccatorum incisionem. Nec tantum pro exemplo cæteris Regibus proponitur hoc *arundineum sceptrum*, sed etiam personæ

personæ Christi peculiari quodam iure conueniebat, qui (verus misericordiæ Rex) non eò in hunc mundum venit, *ut peccatores euerteret*, sed eos ad pœnitentiam conuerteret, & in viam reduceret. Nam *onus eius* (vt ipse fatetur) *leue est, & iugum facile*. Quamquam autem in manum Regis non veniat *sceptrum*, nisi porrigente quopiam è subditis (neque enim Deus ipse venturus est, nec per Angelum traditurus è cœlis *sceptrum*; hoc namq, , miraculum quum sit, expectandum non est) nemo tamen vt spero Christianus ambigit quin *sceptrum*, quo regia præsentatur authoritas, Deo soli debeatur acceptum. *Per me Reges regnant & Domini dominantur*. Reges à Deo vnguntur, in Dei solio sedentes; quam etiam ob causam *Dij* vocantur, *omnisque superior potestas à Deo est*. Quin & propheta *Ieremias* non veretur Ethnicum imperatorem, *Nebucadnezarem*, *Dei seruum* dicere: & D. Paulus *Neronem*, eius temporis tyrannum, *ministerium Dei* vocat.

Math. 9. 13.

Math. 11. 30.

Prou. 8. 15.

Psal. 82. 6.

Rom. 13. 1.

Iere. 43. 10.

Rom. 13. 4.

*Dextra* autem imponebatur *sceptrum*, quia ea manu & honos significatur & potentia: honos, vt cum Christus dicitur *sedere ad dextram Dei*, & *sede à dextris meis*. Potentia, quia ea manus agendo insignior, *ede documenta tui terribilibus gestis dextra tuae*. *Psal. 45. ver. 4. at Psal. 118. ver. 16. vtrumque exprimitur, Dextra Iehouæ agit strenuè, dextra Iehouæ elata.*

Colof. 3. 1.

Psal. 110. 1.

*Et genu ante eum summisserunt, & (quemadmodum S. Marcus testatur) adorarunt eum.*



**I**cet autem *genua flectentes & adorantes* nihil hîc cogitauerint nisi Christi ludibrium; discere tamen hinc licet Deo non visam idololatriâ, quòd filio suo in extrema iam humilitatè posito & in ipsomet passionis aditu hunc cultum detulerint: sed hoc suprâ nobis tactum fuit. Quod autem ad cultum attinet Christo ab illis delatum, constat *genua illos flexisse & Saluatorem adorasse*, quasi civili obsequio terrenum colentes Principem; quem sensum habuit *adorandi* verbum apud priscos Anglos, hodieque etiamnum obtinet in matrimonij formula. Nec difficile est volenti *ciuilem* hunc cultum à *diuino* distinguere. nam terrenam creaturam reuereri, illiq; honorè dignitatis prærogatiua debitè deferre, immò verò & supplicis more eum precari, à diuino illo & spirituali numinis cultu toto distat cælo. Hoc enim agentes terrenis Regibus & hominibus sensui obnoxijis *reuerentiam* tantum exhibemus, precantium fortè verbis aut supplicantium habitu: at *spiritualis cultus* nullus est, nullæ etiam preces quæ *sine fide* quicquam profint. Decipiantur sanè, qui cupiunt decipi,

cipi, Scholasticis illis distinctionibus *durat, infidelitas & austeritas*: certum est Deo soli deberi *precationem cum fide*. Postquam *genua flexissent & adorassent eum*,

*Illuserunt ei dicentes, AVE REX IUDÆORVM.*

**D**E irrisione ipsa prolixè iam à nobis actum est. Quòd autem ad verba attinet quibus utebantur salutem ei dicentes, ea etiamnum in vñ sunt dum Reges consuetò inaugurantur more. Cæteris enim illius ritus in Regis gratiam peractis, populus, qui propter loci distantiam omnia quæ gesta erant oculis suis cernere non potest, publica renuntiatione & præconio peracta esse omnia haud difficulter intelligit. Cæterum, quum multa adhuc in alijs *Noui Testamenti* locis reperiantur huius inaugurationis propria, ea mihi hñc supplenda veniunt. In limine enim huius *meditationis* sola *Matthæi* verba proposui, quibus nempe accuratior & copiosior, quàm vlla alia scripturæ parte, huius inaugurationis exhibetur història. Neque enim intra hos terminos constitit negotium. Nam *Pilatus*, qui in eo prouinciæ *Romanæ* tractu & *Præsidentem* & *Iudicem* agebat, dimitti eum fecit è *Prætorio*, & in *regia* illa *veste* populo ostendi, quumque sanguinaria & maligna Iudæorum corona clamando flagitaret *ut crucifigeretur*, respondit, *egone Regem vestrum crucifigam?* Deinde eum misit ad *Herodem*, vnum è Iudææ *tetrarchis* & *Proregem*, qui alia vestium pompa eum ornauit.

Ita Christus REX IUDÆORVM renunciatus fuit & inauguratus non modò à *Romani Præsidentis militibus*, qui Prætorianas referebant cohortes, verumetiam à *iudice & præside Pilato* & à *tetrarcha Herode* agnitus. Verum in eo discrimen erat, quòd sarcasmus merus fuerit & impia ex composito irrisio quicquid ab *Herode eiusque militibus* factum est; in *Pilati* autem facto, ut qui *Præses & Iudex* fuerit, nihil erat ludicrum aut ioculare: quin ille, distracto in varias partes animo, quò se verteret nesciebat, ut ex quæstionibus eius Christo \* propositis satis apparet; & ex eo, quòd Christum è *Prætorio* eduxerit, & *populo* palàm ostenderit regio amictum habitu, & coronatum, dicens, *Ecce hominem*; quasi publicè ratam faciens inaugurationem illam militarem. Itaque populo vociferanti, *ut tolleretur*, id quod modò dicebam, respondit, *Crucifigamne regem vestrum?* utroque dicto aut incussurus populo terrorem, aut commiserationem conciliaturus Christo, videri interea volens illi illudere, quem admodum ipsi faciebant. Nam & ex responso quod à Christo acceperat, & nuncio quem vxor post insomnium miserat, scindebatur illi

Ioh. 19. 4.

Io. 19. 15.  
Luc. 23. 11.

\* Io. 18. 33.  
& 37.

Io. 19. 5.  
Io. 16. 15.  
Io. 19. 15.

Matt. 27. 11.

Matt. 27. 19.



illi animus in diuerſa, donec tandem metu offenſæ, ſi *Cæſari* poſtea innotefceret *Chriſtum* fuiſſe legitimum *Iudæorum Regem* ( quod & *Herodem Magnum* eo naſcente ſollicitum habebat ) tam ini-  
 quam & deteſtandam coactus eſt ferre ſententiam. adeo , quòd Mat. 2. 3.  
 feriò & ſine ioco id egerit ex eo quoque apparet , quòd titulum in  
 cruce capiti iuſſerit ſuperſcribi , veluti publicum delati honoris  
 teſtimonium , ſupra caput crucifixi , in loco alto & conſpicio ,  
 omnibus palàm legendum. Quod vt communius etiam fieret  
 pluribusque innotefceret , tribus conſignabatur linguis , *Hebræa*,  
*Græcæ*, *Latina*. *Hebræa*, vt illius gentis vernacula ; *Græcæ* verò Io. 19. 20.  
 & *Latina*, vt ea tempeſtate vulgaſſimis , & profelytarum adue-  
 narumque commercio, qui ſpectandi cauſa adfuturi erant, maximè  
 celebratis ; potiſſimùm, quum omnes profanæ diſciplinæ duabus  
 hiſce traderentur linguis. Cuiusmodi erat in hoc regno priſcus mos  
 etiamnum vigenſ, vt, die anniuerſario S. *Georgij*, aliſque præcipuis  
 anni feſtis, è *Genealogorum* noſtrorum *collegio* primus cui perpetuum  
 eſt *Garterij* cognomentum, in medium procedens conuiuium titulos  
 meos tribus linguis proclamet, *Latina*, *Gallica*, *Anglica*. *Anglica*  
 vt vulgari huius regni: *Latina* & *Gallica*, vt quæ inter peregrinas  
 hîc intelligantur à plurimis. Et negligendum non eſt circa tempus  
 noui *Ordinis* creati (*Equitum Perſcelidæ*) regnante *Eduardo tertio*, è  
 Galliarum regis filia genito, linguam Gallicam in hoc regno fere  
 vernaculam fuiſſe ; ne quem lateat ideo tribus hiſce linguis procla-  
 mari ſolitos titulos meos, vt plebi fierent notiores ; quemadmodum  
 & *Pilatus* publicas fecit inſcriptiones, ne res tanta populo maneret  
 incognita.

Iam verò an probabilem hinc rationem ducant *Papiſtæ*, vt non  
 ſolum *Miſſas* ſuas & *leiturgias* incognita in lingua celebrent, verùm  
 & imperito vulgo iniungant non alio quàm peregrino & ignoto, idi-  
 omate *preces* recitare, lectoris æqui arbitrio permitto : præterquam  
 enim, quòd à *D. Paulo* diſertis verbis id prohibitum ſit, cum *Pilati* 1. Cor. 14. 19.  
 quoq; factò è diametro pugnat. Nam vna trium linguarum, quibus  
 Chriſti titulus ſcribebatur in cruce, *Hebraica* erat, illius ( vt dixi )  
 gentis vernacula ; duæ cæterę inter exoticas frequentiffimo erant in  
 vſu apud peregrinos & *profelytas*. adeo inter *Pilati* factum, qui omni-  
 bus modis annixus eſt Chriſti titulos lectioni populari exhibere ; &  
*Papiſtarum*, qui *preces* & *leiturgiam* ignotis duntaxat linguis fieri præ-  
 cipiunt, ne quis idiora de plebe intelligat, contradicção eſt & pugna,  
 qua nulla maior excogitari poteſt. Sed dolendum eſt Romanæ Ec-  
 cleſiæ infortunium, quòd nullum melius pro hac diuini cultus rati-  
 one argumentum poſſint adducere, quàm hoc exemplum *Pilati*.

Sed vt eò redeamus vnde digreſſi ſumus ; quanquam mos erat, vt

H h h

facinoroſis

Io. 19. 21.  
Io. 19. 22.

Gen. 1. 3. 3.

Num. 24. 17.  
Iust. mart. Epi-  
phanus, Basil.

Mat. 2. 3.

Mat. 2. 16.

Matth. 1.  
Luc. 3.

Io. 18. 33.  
Matt. 27. 11.

Isai. 53. 7.

Thren. 1. 13.

facinorosis eo mortis genere affectis supra capita scriberentur criminum, quibus perierunt, elogia; mea tamen sententia satis est, vel ex ijs quæ dixi, manifestum, quantum abfuerit hic *Pilatus* à ioco, non eam duntaxat ob causam, quòd *supra caput* crucifixi tam conspicuè apparere voluerit *titulum*, verum etiam, quòd post ingeniosam illam & malignam summi *Sacerdotis* monitionem, vt scripturam corrigeret, & pro eo quod erat (IESVS NAZARENVS REX IVDÆORVM) scribi iuberet (IESVS NAZARENVS QVI SE VOCAT IVDÆORVM REGEM) planè & mordicus se id facturum negauerit, his verbis, *Quod scripsi, scripsi*: quod repulsæ genus dignissimum sanè erat forti & constante Iudice iustam tuente sententiam. O ter felicem *Pilatum*, si non paulò antè metu degener deteriorem tulisset sententiam: adeo, vt vel aliud nihil esset præter hoc *Pilati* factum tam constans & graue, idoneo foret argumento (quod ego fundamenti loco in huius *Meditationis* principio subtraui) *Deum* in hoc negotio, vtut *populus Romanus* simul & *Iudaicus* nihil in toto opere nisi malignum & blasphemum *Christi* ludibrium meditarentur, *Deum* (inquam) duos sibi egregios fines proposuisse; *priorem* quidem vt filium suum ad extremam contumeliæ metam adduceret, quo perfecta fieret illius pro nostra salute passio; *posteriolem* verò, vt qui è *tenebris educit lucem* (quemadmodum initio dicebam) huic populo malitia occæcato corporale hoc saltem extorqueret obsequium, tanquam confessionem quandam iuris, quod in regnum illud vnigenitus eius filius habebat, prisca notum prophetia, (Genes. 49. 10. *Sceptrum non abibit à Iuda, neque legislator è medio pedum eius, usque dum venerit Silo*) notum vaticinio *Balaami*, unde etiam (vt sanctorum quorundam *Patrum* fert opinio) *Magi Orientis* edocti erant, *Reges* illi, qui stella duce venientes *CHRISTVM* adorarent. Hoc erat ius illud quod *animum Herodis* tantopere turbauit, quod crudeli *infanticidio* occasionem præbuit, in *Christi* genealogia tam accuratè deductum, à duobus *Euangelistis* scriptum, & ab ipso *Christo*, cum *Pilatus* eam quæstionem proponeret, non negatum. Et hoc modo inauguratus est in Regem *Christus*, quæ forma *Christianis* deinceps regibus pro exemplari relicta est.

Inter *regalia* tamen hæc *insignia gladii* desideratur: & ratio est, quia primo suo aduentu diuini *gladii* iram passurus erat pro nostra salute, non stricturus *gladium* ad facinorosorum pœnam. at quum secundo veniet, seuerum ager iudicem *gladio* vsurus ultore in reprobos. Venit igitur in carne velut *agnus, ne voce quidem edita quum raperetur ad lanienam*, æquo tolerans animo grauissimos animi cruciatus, *ludibrium* nempe *cum contemptu*, quæ persecutionis quædam est species; in corpore autem sæuissima, quæ excogitari poterant, ferens tormenta, vt impleretur quod per *Ieremiam* prædictum erat, *non est dolor sicut dolor*

*lor meus. Colaphis casus* fuit vt mancipium : *sputis oblitus* vt vermis ; adeo infra infimos homines fuit : & , quod in nostro est prouerbio *sua casus est virga* ; erepta enim , quam manibus imposuerant , arundine , pulsatus fuit : opprobria & sarcasmos passus est suprâ quàm cuiquam credibile est , & antè & postquam in crucem sublatu fuerat . Et si corporis damna spectes , atrocissima tulit verbera , innumeris capiti inflictis vulneribus ex contexta è spinis corona : per manus & pedes adacti in crucem clauis , mortis genere supra omnia infami ; vt cruciatuum , quos animo & corpore tulit , acerbitas pro lytro foret & perfectissimo redemptionis humanæ pretio , quo diuinæ pro nobis satisficeret iustitiæ .

Luc. 22. 64.  
Matt. 27. 30.

Venit itaque hoc tempore cum iure regio licet nulla vsurus terrena iurisdictione , *regnum eius non erat huius mundi* , documento etiam , quod imitarentur , discipulis relicto , *Reges gentium dominantur ijs , vos autem non sic* : & adeo abstinuit ab vsu gladij , vt *Petrum* eo vti aulum corripuerit , adiecta comminatione , *qui gladio percutiet gladio peribit* : vt verisimile sit relictu ijs gladium , qui se *Petri successores* dictitant , homines in spiritu Eliæ venientes cum igne , cui puluerem tormentariu simul & gladium adiungunt . At nesciebat *Christus* qua ratione *mitram* simul & *diadema* vni capiti imposeret : nec ei distinctio illa nota erat , *posse virum Ecclesiasticum seculari vti gladio ad bonum spirituale* .

Io. 18. 36.

Math. 20. 25.

Math. 26. 52.

Sed vt ad id reuertamur quod de *Christi* humilitate differebamus , obijci potest verisimile non esse , Saluatorem nostrum in media sua passione , vbi humilitatem ostendebat maximam , specimen aliquod regij in terris iuris dare voluisse : nihil enim est Regis maiestati & inaugurationis honori magis aduersum quàm iniuriarum perpeffio , earum præsertim , quæ cum contumelia & contemptu coniunctæ sunt . Ad hoc duobus modis respondeo : *Primò* , necessarium fuisse , vt *Christus* passionis tempore ostenderet se recta ortum linea è stirpe *Dauidis* , imò & proximum regni Iudaici hæredem , quò , priusquam ex orbe excederet , in conspectu orbis vaticinia compleret mihi ante relata , & omnino se *Messiam* probaret multò ante promissum .

*Secundò* respondeo *Christum* , vt verè erat *Davidis* , ita in media humilitate semper gloriæ suæ quosdam radios exerere cõsueuisse , quod in omnibus quæ fecit inde vsq ; à conceptione ad vltimum in cruce halitum animaduertere est . Nonne enim res erat maiestatis plena missus ad diuinam virginem conceptionis nuncius *Angelus Gabriel* ? Quu *Iosephus* de dimittenda vxore cogitaret , ex humano ( vt rebatur ) congressu grauida , ab Angelo , ne id faceret , in somnis prohibitus fuit . Quum venisset prægnans virgo in montanâ Iudææ regionem , *Ioannes Baptista* in vtero matris salij , prodigiolo sanè salutationis genere , & inaudita prioribus sæculis congratulatione ad embryonem in Beata

Luc. 1. 26.

Math. 1. 20.

Luc. 1. 41.



- Luc. 2. 7. matris aluo. Paupere in stabulo editus fuit in lucem, & in brutianimantis præsepi inter bruta, sed gratulatorium & natalitiū hymnum canentibus Angelis. Quum *infans* vagiret in cunis, parentum fugâ in *Ægyptum* delatus est, acceptis tamen paulò ante à tribus *Orientis Regibus* muneribus pretiosis, & ab ijs adoratus. Parentum imperio obnoxius fuit minorennis, sed duodecimo ætatis suæ anno cum *Doctoribus legis palam disputabat in templo*, defixis admiratione qui audiebāt. Eum in *Iordane* baptizauit *Ioannes Baptista*, vt multos è plebe; sed dum *Christus* baptizaretur Spiritus sanctus ei descendit in caput, instar columbæ voxque à Patre audita, *Hic est meus filius dilectus, in quo mihi complacitum est*. Scribis etiam & *Phariseis* palàm confirmauit *Abrahamum* cupiisse videre diem eius & vidisse, sibi titulū sumens, quo Deus *Mosen* alloquens in ardente vsus est rubo, *sum qui sum*: dixit enim illis, *priusquam Abraham erat ego sum*. Sæpenumero se furori *Iudæorum* subtraxit; quin *filius hominis foramen in quo caput absconderet non habuit*: bis tamen ædem sacram purgauit, & instar sæcularis Magistratus, qui magna polleret autoritate, vendentes & ementes verberibus cecidit temploque expulit. Ventos præterea increpuit, & maria compulit ad obsequium. Tempore *transfigurationis* singulari priuilegio suum corpus exhibuit beatitudinis dotibus gloriosum, ancillantis illi, (vt vero deo) sub persona *Mosis* & *Elie* Lege & Prophetis, in quibus est explicatio & applicatio legis. Tributum soluit, vt ostenderet nec se qua homo erat nec *D. Petrum* excipi ne det *Cæsari* quod est *Cæsaris*: sed *Petrum* hamo vti voluit, vt è capri piscis ore numisma census eximeret, ad manifestandā deitatis suæ potentiam. Ad festum *Paschatis* nonnunquam clam veniebat metu *Iudæorum*: at nouissimè celebraturus nonnullos præmisit è discipulis, illorum operâ iniungens ei cuius vsurus erat hospitio, vt domum ei suam pararet, ibi enim constituisse se Pascha edere. Titulum regis à populo oblatum non admisit; nihilominus quibusdam è discipulis præcepit alienam soluerent asinam, & dicerent possessori, *Dominum ea opus habere*: & statim vt sæcularis Princeps ingressus est Hierosolyma, pompa varia & regi equitanti apprimè decora. asina & pullus internebantur discipulorū vestibus, tanquam phaleris, quibus equus cui Princeps insidebat, & alter qui ducebatur, erant conspicui. Populus quoq; per vias sparserat pallia: alij decisos arborum ramos iniecerant. quæ omnia à populo fieri consuevere, quoties Regem suum publici applausus honore excipiunt. Sequuta est exultantis multitudinis spontanea acclamatio, *HOSANNA FILIO DAVIDIS*, &c. quam tantum abest vt reiecerit, vt planè, velut debitam, admiserit. Quum enim summus *Pontifex* & *Scribæ* ex eo quærerent, an audiret quæ populus dicebat (quasi persuasum habentes nunquam se tanto honore

honore dignaturum) id respondit quod 8. habetur Psalmo, *Ex ore infantium & lactentium perfecisti laudem*. Quod autem *asino* inequitarit, nihil habet indecorum aut vile: nam *Orientis Reges*, & præter cæteros *Iudei*, asinis in conspectu populi vehi solebant. Ante nouissimam cœnam singulari humanitatis documento discipulorum suorum pedes lauit: paucis tamen ante diebus *Mariam Magdalenam* non mediocri prosequutus est laude, quod fracta alabastrina pyxide vnguentum pedibus eius infudisset, quos etiam capillis fœminæ passus est abstergeri. Quum *Iudei*, *Iuda* proditore duce, Liçtores suos mitterent cum comprehensuros, licet tandem se abduci passus sit, principio tamen ipsa oculorum suorum acie (in quibus haud dubiè quoties illi visum erat scintillabat diuinitas) velut fulgure omnes strauit supinos, vt secunda vice prope accedere, nisi ipso permittente, non potuerint. Similem oculorum coniectum non sustinuit *D. Petrus*, quin statim audito gallici cantu exierit ad lachrimas. Et in ipsa cruce, cuius mors per legem maledicta erat, *exaltatus fuit*, vt loquitur *D. Paulus*, vbi pœnitenti furi certò promisit fore illum secum eo ipso die in *Paradyso*, conspicuum tum regio, de quo iam dixi, titulo, capiti eius in tribus communissimis linguis superscripto. Quin & quum cruci iam detractus esset, vir inter Iudæos præcipuus, *Iosephus ab Arimathæa*, corpus eius à *Pilato* impetratum, vnguentisq; oblitum, (vt de Regum & Principum corporibus fieri solet) in nouo & pulcro monumento condidit, quod ipse sibi parauerat. Ex quibus satis apparet Saluatorem nostrum in omnibus vitæ suæ periodis gloriam humilitati, quoties id occasio poscebat, miscuisse, vt eorum, quos ad æternam vitam elegerat, alios firmaret in fide, alios ad fidem conuerteret, impios verò & contumaces faceret inexcusabiles: *Nam ille rapinam non duxit, parem esse cum Deo.*

Psal. 8. v. 2.

Iud. 10. 4. & 12. 14.

Io. 13. 4.

Io. 12. 7.

Reuel. 1. 14.

Io. 18. 6.

Luc. 2. 1. 61.

Phil. 2. 9.

Luk. 23. 43.

Luc. 23. 50.

Philip. 2. 6.

Nunc verò, vt finiam quæ de hoc inaugurationis exemplari dicturus eram, priora illa regiæ dignitatis insignia in fasciculum iam recolligam, eorum significationes, quas antè cœperam tractare, attextens. Magna nascitur Regi voluptatis materia, si omnis loci atque ordinis homines, ij præsertim quorum ibi requiritur officium, ad publicam inaugurationis solennitatem vnanimis conueniant: nec Regi peragenda est tanti negotij celebritas nisi in publico & illustri loco, vbi consentientis populi fauor amorque appareant. Rex inaugurandus duo sibi præter cætera prospiciat, *inprimis* vt regnum quod ambit optimo ambiat iure, *deinde* vt volente & fauente populo possideat. licet enim *Monarchia* vel *regnum hereditarium*, quomodo cunque populus affectus sit, legitimo successoris auferri nullo modo queat, manifestum est tamen fauoris cœlestis indicium, si volentibus & applaudentibus subditis eam hæreditatem adeat. Nunc inter insignia primum locum obtinet *regia vestis* seu *trabea*, quæ illum moneat vtendum

Prou. 16. 12.

Rom. 13. 4.

utendum esse in cognoscendis causis grauitate, in partibus audiendis patientia, & ante latam sententiam matura deliberatione & consilio. At *purpureus trabea color* prouidere iubet, ne se indignum præbeat corona, & dignitate auita; tum conscientiae suae cauere, ne iniquiori decreti labe aut prauis affectibus eam violet: iustitiam enim cœquam esse oportet; nam ea est *que Regum thronos firmat*. Corona capiti eius imposita docet semperambulandum illi esse in medio populi, proq; tutissimo satellitio habendum amorem subditorum, & in eorum prosperitate situm esse gloriæ regiae, & felicitatis terrenæ apicem. Nectamen illi tenera expectanda est & mollis corona, sed *spinosis vndiq; cunis aculeata*, imò inter se *perplexis & intricatis*. Quamobrem secundum animæ suæ salutem proxima Regis cura sit eò se accingere & instruere, ut difficiles rerum nodos, quos sæpe occurrere necesse est, soluat & explicet, iuxta illud quod *Henricum* filium meum monui in Basilico meo doro extremo, citatis ad eam rem nonnullis è *Virgilio* versibus, *ut in alijs rebus bonis, quatenus indoles eius fineret vel otium, solertem se & peritum ostenderet; at in regnandi scientia summum se probaret artificem*. *Arundineum* eius *sceptrum* iubet auctoritate uti régia fidenter & moderate, prærogatiuæ regalis neruos parcè intendentem, nisi ubi aliud præcipit necessitas. Nec vsus *gladij*, licet hîc (ut ante memini) expressus non sit, sæcularibus Regibus interdicitur: educendus ille est è vagina malorum supplicio in bonorum præsidium: nam Rex non gestat gladium frustra. obtrusum esse illum non conuenit, nam leges nisi exerceantur exanimæ sunt & mortuæ; nec semper nudum esse oportet & minacem, nam bonus Rex educere non sustinebit, nisi madentibus genis. Et ut verbo finiam, *Christiani Principis* animum nunquam relinquet cura illius in nouissimo die reddendæ Deo rationis, de bono quod in se recepit populi regimine, atq; omnium sibi commissorum salute, quæ corpora quæ animos; quæ propriæ quoq; salutis pars illi est non exigua. Tum, verò spontaneam illam & optatissimam populi acclamationem (A V E CÆSAR) vel ut in nostra hac inaugurationis idea proponitur (A V E R E X) certo certius sibi spondeat, non modò in primo regni introitu, verum etiam in reliquo vitæ decursu: ut postquam subditi ad monumentum defuncti lachrymis suis parentauerint, posteros quoq; eius lubentibus animis excipiant, velut post atræ & nubilæ noctis tenebras nouum orientem Solem.



LONDINI

Apud ROBERTVM BARKER, & IOANNEM  
BILLIUM, Typographos Regios.

ANNO M.DC.XX.



